



Über dieses Buch

Dies ist ein digitales Exemplar eines Buches, das seit Generationen in den Regalen der Bibliotheken aufbewahrt wurde, bevor es von Google im Rahmen eines Projekts, mit dem die Bücher dieser Welt online verfügbar gemacht werden sollen, sorgfältig gescannt wurde.

Das Buch hat das Urheberrecht überdauert und kann nun öffentlich zugänglich gemacht werden. Ein öffentlich zugängliches Buch ist ein Buch, das niemals Urheberrechten unterlag oder bei dem die Schutzfrist des Urheberrechts abgelaufen ist. Ob ein Buch öffentlich zugänglich ist, kann von Land zu Land unterschiedlich sein. Öffentlich zugängliche Bücher sind unser Tor zur Vergangenheit und stellen ein geschichtliches, kulturelles und wissenschaftliches Vermögen dar, das häufig nur schwierig zu entdecken ist.

Gebrauchsspuren, Anmerkungen und andere Randbemerkungen, die im Originalband enthalten sind, finden sich auch in dieser Datei – eine Erinnerung an die lange Reise, die das Buch vom Verleger zu einer Bibliothek und weiter zu Ihnen hinter sich gebracht hat.

Nutzungsrichtlinien

Google ist stolz, mit Bibliotheken in partnerschaftlicher Zusammenarbeit öffentlich zugängliches Material zu digitalisieren und einer breiten Masse zugänglich zu machen. Öffentlich zugängliche Bücher gehören der Öffentlichkeit, und wir sind nur ihre Hüter. Nichtsdestotrotz ist diese Arbeit kostspielig. Um diese Ressource weiterhin zur Verfügung stellen zu können, haben wir Schritte unternommen, um den Missbrauch durch kommerzielle Parteien zu verhindern. Dazu gehören technische Einschränkungen für automatisierte Abfragen.


Wir bitten Sie um Einhaltung folgender Richtlinien:

- + *Nutzung der Dateien zu nichtkommerziellen Zwecken* Wir haben Google Buchsuche für Endanwender konzipiert und möchten, dass Sie diese Dateien nur für persönliche, nichtkommerzielle Zwecke verwenden.
- + *Keine automatisierten Abfragen* Senden Sie keine automatisierten Abfragen irgendwelcher Art an das Google-System. Wenn Sie Recherchen über maschinelle Übersetzung, optische Zeichenerkennung oder andere Bereiche durchführen, in denen der Zugang zu Text in großen Mengen nützlich ist, wenden Sie sich bitte an uns. Wir fördern die Nutzung des öffentlich zugänglichen Materials für diese Zwecke und können Ihnen unter Umständen helfen.
- + *Beibehaltung von Google-Markenelementen* Das "Wasserzeichen" von Google, das Sie in jeder Datei finden, ist wichtig zur Information über dieses Projekt und hilft den Anwendern weiteres Material über Google Buchsuche zu finden. Bitte entfernen Sie das Wasserzeichen nicht.
- + *Bewegen Sie sich innerhalb der Legalität* Unabhängig von Ihrem Verwendungszweck müssen Sie sich Ihrer Verantwortung bewusst sein, sicherzustellen, dass Ihre Nutzung legal ist. Gehen Sie nicht davon aus, dass ein Buch, das nach unserem Dafürhalten für Nutzer in den USA öffentlich zugänglich ist, auch für Nutzer in anderen Ländern öffentlich zugänglich ist. Ob ein Buch noch dem Urheberrecht unterliegt, ist von Land zu Land verschieden. Wir können keine Beratung leisten, ob eine bestimmte Nutzung eines bestimmten Buches gesetzlich zulässig ist. Gehen Sie nicht davon aus, dass das Erscheinen eines Buchs in Google Buchsuche bedeutet, dass es in jeder Form und überall auf der Welt verwendet werden kann. Eine Urheberrechtsverletzung kann schwerwiegende Folgen haben.

Über Google Buchsuche

Das Ziel von Google besteht darin, die weltweiten Informationen zu organisieren und allgemein nutzbar und zugänglich zu machen. Google Buchsuche hilft Lesern dabei, die Bücher dieser Welt zu entdecken, und unterstützt Autoren und Verleger dabei, neue Zielgruppen zu erreichen. Den gesamten Buchtext können Sie im Internet unter <http://books.google.com> durchsuchen.

B 1,177,879



805
M686



M N E M O S Y N E.

BIBLIOTHECA PHILOLOGICA BATAVA.

COLLEGERUNT

P. H. DAMSTÉ, J. J. HARTMAN, C. W. VOLLGRAFF.

OPERAM SUAM POLLICITI SUNT

A. E. J. HOLWERDA, H. T. KARSTEN, J. C. NABER,
M. C. VALETON, J. WOLTJER.

NOVA SERIES.

VOLUMEN QUADRAGESIMUM SECUNDUM.

LUGDUNI-BATAVORUM
E. J. BRILL.

LIPSIAE,
O. HARRASSOWITZ.
1914.

EX OFFICINA TYPOGRAPHICA ET BIBLIOPOLIO QUAE ANTEHAC E. J. BRILLII FUERUNT.

INDEX.

	Pag.
Ad Plutarchi moralia annotationes criticae (<i>contin. e Vol. XLI pag. 381</i>), scripsit J. J. HARTMAN	1—8.
Ad Iustinum (XXIII. 2), scripsit P. H. D.	8.
De verbis Pronominalibus, scripsit K. SNEYDERS DE VOGEL	9—16.
Ad Tacitii Dialogum c. 28, scripsit J. J. H.	16.
De librorum Catonianorum historia atque compositione, scripsit M. BOAS	17—46.
II. De Iliadis compositione (<i>contin. ex Vol. XLI pag. 289</i>), scripsit MATTHAEUS VALETON	47—80.
Ad Sophoclis Indagatores, scripsit GUILIELMUS VOLLGRAFF	81—90.
Ad inscriptionem argivam, scripsit G. V.	90.
Ad A. Gellium, scripsit P. H. DAMSTÉ	91—92.
De leone Delphico Croesi dono, scripsit I. H. LEOPOLD	93—95.
Flavii Iosephi locus qui est de Iesu Christo, scripsit AL. SLIJPEN.	96—100.
Ad Iuvenalem I, 160 scripsit J. J. H.	100.
XPHMA — XPHMATA apud Herodotum, scripsit C. C. CHARITONIDES	101—103.
Ad Hor. Epl. I, 1, 64, scripsit J. J. H.	103.
De locis nonnullis Statianis, scripsit M. R. J. BRINKGREVE	104—109.
Maniliana (<i>contin. ex vol. XLI p. 194—206</i>), scripsit J. VAN WAGENINGEN	110—118.
Ad tabulas quasdam Aegyptiacas, scripsit J. J. H.	118.
Ad Plutarchi moralia annotationes criticae (<i>contin. ex huius Vol. pag. 8</i>), scripsit J. J. HARTMAN	119—151.
Ad Apulei Met. VII, 5, scripsit P. H. D.	151.
Lectiones Valerianae (<i>contin. e Vol. XLI pag. 301</i>), scripsit P. H. DAMSTÉ	152—164.
Ad Sophoclis Indagatores (<i>contin. ex pag. 90</i>), scripsit GUILIELMUS VOLLGRAFF	165—177.
Ad Duridis frg. XXXI, scripsit G. V.	178.
Observatiunculæ de iure Romano (<i>contin. ex Vol. XLI pag. 446</i>), scripsit J. C. NABER S. A. FIL.	179—192.



MINEMOS

42

1914

805
M68

MNEMOSYNE

42

1914

805
M686



HOW
40
AIND

1914
42
EMOSYNN



805
M686


1914

42

JOHNSON



B 1,177,879



805
M686

189.

MNEMOSYNE.

BIBLIOTHECA PHILOLOGICA BATAVA.

COLLEGERUNT

P. H. DAMSTÉ, J. J. HARTMAN, C. W. VOLLGRAFF.

OPERAM SUAM POLLICITI SUNT

A. E. J. HOLWERDA, H. T. KARSTEN, J. C. NABER,
M. C. VALETON, J. WOLTJER.

~~~~~  
NOVA SERIES.

VOLUMEN QUADRAGESIMUM SECUNDUM.  
~~~~~

LUGDUNI-BATAVORUM

E. J. BRILL.

LIPSIAE,

O. HARRASSOWITZ.

1914.

EX OFFICINA TYPOGRAPHICA ET BIBLIOPOLIO QUAE ANTEHAC E. J. BRILLII FUERUNT.

INDEX.

	Pag.
Ad Plutarchi moralia annotationes criticae (<i>contin. e Vol. XLI pag. 381</i>), scripsit J. J. HARTMAN	1—8.
Ad Iustinum (XXIII. 2), scripsit P. H. D.	8.
De verbis Pronominalibus, scripsit K. SNEYDERS DE VOGEL	9—16.
Ad Tacitii Dialogum c. 28, scripsit J. J. H.	16.
De librorum Catonianorum historia atque compositione, scripsit M. BOAS	17—46.
II. De Iliadis compositione (<i>contin. ex Vol. XLI pag. 289</i>), scripsit MATTHAEUS VALETON	47—80.
Ad Sophoclis Indagatores, scripsit GUILIELMUS VOLLGRAFF	81—90.
Ad inscriptionem argivam, scripsit G. V.	90.
Ad A. Gellium, scripsit P. H. DAMSTÉ	91—92.
De leone Delphico Croesi dono, scripsit I. H. LEOPOLD	93—95.
Flavii Iosephi locus qui est de Iesu Christo, scripsit AL. SLIJPEN.	96—100.
Ad Iuvenalem I, 160 scripsit J. J. H.	100.
XPHMA — XPHMATA apud Herodotum, scripsit C. C. CHARITONIDES	101—103.
Ad Hor. Epl. I, 1, 64, scripsit J. J. H.	103.
De locis nonnullis Statianis, scripsit M. R. J. BRINKGREVE	104—109.
Maniliana (<i>contin. ex vol. XLI p. 194—206</i>), scripsit J. VAN WAGENINGEN	110—118.
Ad tabulas quasdam Aegyptiacas, scripsit J. J. H.	118.
Ad Plutarchi moralia annotationes criticae (<i>contin. ex huius Vol. pag. 8</i>), scripsit J. J. HARTMAN	119—151.
Ad Apulei Met. VII, 5, scripsit P. H. D.	151.
Lectiones Valerianae (<i>contin. e Vol. XLI pag. 301</i>), scripsit P. H. DAMSTÉ	152—164.
Ad Sophoclis Indagatores (<i>contin. ex pag. 90</i>), scripsit GUILIELMUS VOLLGRAFF	165—177.
Ad Duridis frg. XXXI, scripsit G. V.	178.
Observatiunculæ de iure Romano (<i>contin. ex Vol. XLI pag. 446</i>), scripsit J. C. NABER S. A. FIL.	179—192.

	Pag.
Ad Tibulli elegiam libri secundi primam, scripsit J. J. HARTMAN.	193—197.
Ad Lysiae Or. I § 16, scripsit P. H. D.	197.
De historia Apollonii Tyrii, scripsit FRANCISCUS GARIN . .	198—212.
De locutione vulgari itala <i>noi si canta</i> , scripsit HENRI F. MULLER	212.
Persiana, scripsit J. J. HARTMAN	213—222.
Ad Platonis Rempubicam, scripsit J. L. V. HARTMAN . . .	223—256.
Lectiones Valerianae (<i>contin. e pag. 164</i>), scripsit P. H. DAMSTÉ.	257—272.
Iuvenalis Sat. 3, 23, scripsit P. H. D.	272.
Ad Plutarchi moralia annotationes criticae (<i>contin. ex huius Vol. pag. 151</i>), scripsit J. J. HARTMAN	273—289.
De Iliadis compositione (<i>contin. ex pag. 80</i>), scripsit MATTHAEUS VALETON	290—329.
Novae Inscriptiones Argivae, scripsit GUILLIELMUS VOLLGRAFF.	330—353.
Ad Ciceronis ad Att. XIV, 18 § 1, scripsit J. J. H.	354.
Ad Tac. H. II, 25, scripsit J. J. H.	354.
Observatiunculæ de iure Romano (<i>contin. ex pag. 192</i>), scripsit J. C. NABER S. A. FIL.	355—368.
Ad Taciti Hist. IV, 24, scripsit J. J. H.	368—369.
De voce »fatum" sensu minus usitato adhibita, scripsit P. J. ENK.	370—379.
Bobiensia, scripsit C. BRAKMAN J. F.	380—384.
Ad Val. Maxim. VII 2 Ext. (Kempf. pag. 329, 17), scripsit C. B. J. F.	384.
Ciceroniana, scripsit C. BRAKMAN J. F.	385—388.
Ad Tac. Hist. IV 65, scripsit J. J. H.	388.
Ad Senecae Dialogum decimum, scripsit C. BRAKMAN J. F. .	389—391.
De Senecae Agamemnone, scripsit C. BRAKMAN J. F. . . .	392—398.
Iuvenal. Sat. 1, 85, scripsit P. H. DAMSTÉ.	399—400.
Varia (<i>contin. ex Vol. XLI pag. 394</i>), scripsit ALPHONSUS KURFESS	401—404.
Ad Virgilii Buc. VI 34, scripsit J. J. H.	404.
Ad Callimachi hymnum in Cererem, scripsit GUILLIELMUS VOLLGRAFF	405—419.
Ad Taciti H. I, 40, scripsit J. J. H.	419.
Pulmo Marinus, scripsit P. H. DAMSTÉ.	420—423.
Ad Plutarchi moralia annotationes criticae (<i>contin. e pag. 289</i>), scripsit J. J. HARTMAN	424—443.
Varia, scripsit G. VOLLGRAFF	444.

AD PLUTARCHI MORALIA ANNOTATIONES CRITICAE.

SCRIPSIT

J. J. HARTMAN.

(Continuantur e Vol. XLI pag. 381.)



AN VIRTUS DOCERI POSSIT.

Quin haec quaestio Plutarcho cordi fuerit quid dubitemus? Sed hunc ab eo conscriptum libellum, id vero multo mihi videtur certum minus. Titulus disputationem in utramque partem habitam promittit; quid vero fit? Refutatur fictus aliquis adversarius qui virtutem doceri posse negat, immo vero minutis sententiolis, interrogationibus, versibus aliunde allatis conciditur. Nusquam placidum illum, lenem, loquacem agnoscis Chaeronensem, semper audis mordacem Σωκρατιδέα qui

εἰς τάχος παλεῖ συνάπτων στρογγύλοις τοῖς ῥήμασι

hominem miserum, stultum, caecum cui non prorsus idem sit persuasum. Cum ceteris omnibus virtutibus longe ab isto libello exulat omnis lepor omnisque venustas. Quod satis iocoso demonstrare exemplo mihi posse videor; praeterea ne conabor quidem argumenta afferre: quid mihi legenti simulque de dilectissimo illo cogitanti scriptore in mentem venerit dixisse satis sit. Disputat noster de loco illo Platonis, ubi nullae graves lites nullaque bella nasci dicuntur διὰ τὴν τοῦ ποδὸς πρὸς τὴν λύραν ἀμετρίαν καὶ ἀναρμοστίαν, atque de suo et alia addit et hoc: οὐδὲ περὶ προσῳδίας ἔχει τις εἰπεῖν στάσιν ἐν πόλει γενομένην, quod uno illustrat exemplo πότερον Τελχίνας ἢ Τέλχινας ἀναγνωστέον. Quam putidum hoc, quam longe arcensitum et ex remoto protractum angulo. Verus Plutarchus cum eiusmodi rerum exempla vult afferre in promptu habet lepidissima τῶν

tissimaque. Velut *de Def. Or.* 412 E. ludibrio habet grammaticos, qui quaestiunculis inanissimis semet ipsos „coquunt, macerant, defetigant”. Quod autem affert exemplum? Quo nullum risui movendo aptius: „βῆλλω” ait „futurum habet βαλῶ, internecivum ergo inter se gerunt bellum grammatici utrum prius an posterius λ exciderit”. Sic refutat Demetrium grammaticum Heracleo Megarensis, cui quin magis quam adversario faveat Plutarchus sub fratris latens persona iam non est dubitandum.

De singulis locis neque lubet neque opus est quidquam annotare.

DE VIRTUTE MORALI.

Multo etiam philosopho Chaeronensi indignior hic libellus, quem, ut ad finem perlegas quantum tibi est taedii devorandum! Contra Stoicos eorumque perfectam virtutem puerulus iste, Aristotele praecipuo auctore usus ¹⁾, demonstrat etiam esse quandam virtutem ex ratione affectus cohibente natam. Certe huc fere redit ineptae disputatiunculae argumentum. Oratio neque perspicua est neque ullo lepore commendatur. Quod alibi tam facete datur praeceptum: „ad ebrietatem vitandam non opus est *effundere* vinum, potes etiam *affundere* aquam” id hic ita corripitur ut nullo modo legentem monere, nedum delectare, possit. Annon ineptissima haec est sententiola (451 D):

οὔτε γὰρ οἶνον οἱ φοβούμενοι μεθύειν ἐκχέουσιν οὔτε πάθος οἱ δεδιότες τὸ ταρακτικὸν ἀναιροῦσιν ἀλλὰ κεραυνῶσι, quae et sermonis laborat vitio eoque gravissimo. Iure enim roget quispiam: „quaenam sunt *illae res* quae hic miscendae dicuntur?” Aquam vino miscemus, sed quid admisceamus affectibus animum perturbantibus? Dixeris absolute hic *κεραυνῶναι* dici, *diluendi* (vernacule „aanlengen”) sensu, quomodo et noto illo Aristotelis loco fiat (de A. P. c. 26 Vahl.):

(et aliis rebus tragoedia heroicum carmen vincit et) τῷ ἐν ἐλάττονι μήκει τὸ τέλος τῆς μιμήσεως εἶναι· τὸ γὰρ ἀθροώτερον ἥδιον ἢ τὸ ²⁾ πολλῷ κεραυνῶμενον τῷ χρόνῳ. λέγω δ' οἶον εἴ τις τὸν Οἰδίπουν θείη τὸν Σοφοκλέους ἐν ἔπεσιν ὅσοις ἡ Ἰλιάς.

1) Inde est illud αὐτὸς Ἀριστοτέλης quod 448 A legitur.

2) Articulum hic inserendum puto.

Ubi pertinacior aliquis contendere possit inter se misceri *tempus et carmen*. Sed verisimilius est hoc voluisse Aristotelem: „id quod, *quia longum tempus intercedit*, diluitur leniusque fit”. Hic vero istud *καρπνύουσι* absolute positum ridiculi atque absurdum aliquid praebet. Quid enim? Boni esse mentium medici dixeris ab adolescente, quem curandum receperit, remove quidquid vehementiores afferat affectus, sensus stimulet, denique perturbet mentem moresque corrumpat. Quid vero ille quem nobis exhibet personatus Plutarchus? Discipulum, ut opinor, secum ducit ad mimum aliquem vel ad tragoediam, in qua Phaedra vel Canace primas agit partes, et sublato aulaeo diatriben habet plenam castitatis atque taedii! Lubrica, hercle, educandi ratio! Accedit quod, ut imaginis constet ratio, ea diatribe habenda erit *dum fabula agitur*. Quo nihil aptius *ad animum perturbandum*, nam ad insaniam sic miser adolescentulus adigitur.

Sed disertius hoc exemplum flosculi inepte ex ipso sublato Plutarcho. In libro *de cohibenda ira* iucundissima quadam narratione docetur quam sit egregium parcere inimico qui in tuam pervenerit potestatem. Totus ille locus, qui et alio nomine per magni est momenti, sic decurrit (457 D sqq.):

Semper lego colligoque exempla continentiae, quae non philosophi dederint, quos qui ipsi mente carent felle carere aiunt, sed reges atque tyranni; velut illud est Antigoni qui, cum prope tabernaculum milites quidam ei maledicerent, exserto baculo, „heus vos, longius absistite si maledicere vultis” clamabat; atque illud Arcadionis et Philippi: Arcadion ille Achaeus semper conviciis in Philippum utebatur, quin etiam cives suos monebat ut fugerent

donec eo ventum, non notum nomen ubi istud.

Qui cum forte in Macedoniam venisset, amicis regem adhortantibus ne inultum abire sineret mordacem istum inimicum, rex eum amice salutavit, dona ei dedit hospitalia, deinde in Graeciam misit qui quibus nunc de rege verbis uteretur inter Graecos Arcadion inquirerent; cumque iam ab eo in coelum se tolli cognovisset „en” aulicis ait „quanto ego sim melior medicus quam vos”. Cumque Olympiae multis esset laesus conviciis, essentque qui plorandum Graeculis istis dicerent qui multis ab eo affecti beneficiis nunc eum maledictis lacerarent „quales”

MNEMOSYNE.

BIBLIOTHECA PHILOLOGICA BATAVA.

COLLEGERUNT

P. H. DAMSTÉ, J. J. HARTMAN, C. W. VOLLGRAFF.

OPERAM SUAM POLLICITI SUNT

A. E. J. HOLWERDA, H. T. KARSTEN, J. C. NABER,
M. C. VALETON, J. WOLTJER.

~~~~~  
NOVA SERIES.

VOLUMEN QUADRAGESIMUM SECUNDUM.  
~~~~~

LUGDUNI-BATAVORUM

E. J. BRILL.

LIPSIAE,

O. HARRASSOWITZ.

1914.

EX OFFICINA TYPOGRAPHICA ET BIBLIOPOLIO QUAE ANTEHAC E. J. BRILLII FUERUNT.

INDEX.



	Pag.
Ad Plutarchi moralia annotationes criticae (<i>contin. e Vol. XLI pag. 381</i>), scripsit J. J. HARTMAN	1—8.
Ad Iustinum (XXIII. 2), scripsit P. H. D.	8.
De verbis Pronominalibus, scripsit K. SNEYDERS DE VOGEL	9—16.
Ad Tacitii Dialogum c. 28, scripsit J. J. H.	16.
De librorum Catonianorum historia atque compositione, scripsit M. BOAS	17—46.
II. De Iliadis compositione (<i>contin. ex Vol. XLI pag. 289</i>), scripsit MATTHAEUS VALETON	47—80.
Ad Sophoclis Indagatores, scripsit GUILIELMUS VOLLGRAFF	81—90.
Ad inscriptionem argivam, scripsit G. V.	90.
Ad A. Gellium, scripsit P. H. DAMSTÉ	91—92.
De leone Delphico Croesi dono, scripsit I. H. LEOPOLD	93—95.
Flavii Iosephi locus qui est de Iesu Christo, scripsit AL. SLIJPEN	96—100.
Ad Iuvenalem I, 160 scripsit J. J. H.	100.
XPHMA — XPHMATA apud Herodotum, scripsit C. C. CHARITONIDES	101—103.
Ad Hor. Epl. I, 1, 64, scripsit J. J. H.	103.
De locis nonnullis Statianis, scripsit M. R. J. BRINKGREVE	104—109.
Maniliana (<i>contin. ex vol. XLI p. 194—206</i>), scripsit J. VAN WAGENINGEN	110—118.
Ad tabulas quasdam Aegyptiacas, scripsit J. J. H.	118.
Ad Plutarchi moralia annotationes criticae (<i>contin. ex huius Vol. pag. 8</i>), scripsit J. J. HARTMAN	119—151.
Ad Apulei Met. VII, 5, scripsit P. H. D.	151.
Lectiones Valerianae (<i>contin. e Vol. XLI pag. 301</i>), scripsit P. H. DAMSTÉ	152—164.
Ad Sophoclis Indagatores (<i>contin. ex pag. 90</i>), scripsit GUILIELMUS VOLLGRAFF	165—177.
Ad Duridis frg. XXXI, scripsit G. V.	178.
Observatiunculæ de iure Romano (<i>contin. ex Vol. XLI pag. 440</i>), scripsit J. C. NABER S. A. FIL.	179—192.

	Pag.
Ad Tibulli elegiam libri secundi primam, scripsit J. J. HARTMAN.	193—197.
Ad Lysiae Or. I § 16, scripsit P. H. D.	197.
De historia Apollonii Tyrii, scripsit FRANCISCUS GARIN . . .	198—212.
De locutione vulgari itala <i>noi si canta</i> , scripsit HENRI F. MULLER	212.
Persiana, scripsit J. J. HARTMAN	213—222.
Ad Platonis Rempubicam, scripsit J. L. V. HARTMAN . . .	223—256.
Lectiones Valerianae (<i>contin. e pag. 164</i>), scripsit P. H. DAMSTÉ.	257—272.
Iuvenalis Sat. 3, 23, scripsit P. H. D.	272.
Ad Plutarchi moralia annotationes criticae (<i>contin. ex huius Vol. pag. 151</i>), scripsit J. J. HARTMAN	273—289.
De Iliadis compositione (<i>contin. ex pag. 80</i>), scripsit MATTHAEUS VALETON	290—329.
Novae Inscriptiones Argivae, scripsit GUILLIELMUS VOLLGRAFF.	330—353.
Ad Ciceronis ad Att. XIV, 18 § 1, scripsit J. J. H.	354.
Ad Tac. H. II, 25, scripsit J. J. H.	354.
Observatiunculæ de iure Romano (<i>contin. ex pag. 192</i>), scripsit J. C. NABER S. A. FIL.	355—368.
Ad Taciti Hist. IV, 24, scripsit J. J. H.	368—369.
De voce »fatum" sensu minus usitato adhibita, scripsit P. J. ENK.	370—379.
Bobiensia, scripsit C. BRAKMAN J. F.	380—384.
Ad Val. Maxim. VII 2 Ext. (Kempf. pag. 329, 17), scripsit C. B. J. F.	384.
Ciceroniana, scripsit C. BRAKMAN J. F.	385—388.
Ad Tac. Hist. IV 65, scripsit J. J. H.	388.
Ad Senecae Dialogum decimum, scripsit C. BRAKMAN J. F. .	389—391.
De Senecae Agamemnone, scripsit C. BRAKMAN J. F. . . .	392—398.
Iuvenal. Sat. 1, 85, scripsit P. H. DAMSTÉ.	399—400.
Varia (<i>contin. ex Vol. XLI pag. 394</i>), scripsit ALPHONSUS KURFESS	401—404.
Ad Virgilii Buc. VI 34, scripsit J. J. H.	404.
Ad Callimachi hymnum in Cererem, scripsit GUILLIELMUS VOLLGRAFF	405—419.
Ad Taciti H. I, 40, scripsit J. J. H.	419.
Pulmo Marinus, scripsit P. H. DAMSTÉ.	420—423.
Ad Plutarchi moralia annotationes criticae (<i>contin. e pag. 289</i>), scripsit J. J. HARTMAN	424—443.
Varia, scripsit G. VOLLGRAFF	444.

AD PLUTARCHI MORALIA ANNOTATIONES CRITICAE.

SCRIPSIT

J. J. HARTMAN.

(Continuantur e Vol. XLI pag. 381.)



AN VIRTUS DOCERI POSSIT.

Quin haec quaestio Plutarcho cordi fuerit quid dubitemus? Sed hunc ab eo conscriptum libellum, id vero multo mihi videtur certum minus. Titulus disputationem in utramque partem habitam promittit; quid vero fit? Refutatur fictus aliquis adversarius qui virtutem doceri posse negat, immo vero minutis sententiolis, interrogationibus, versibus aliunde allatis conciditur. Nusquam placidum illum, lenem, loquacem agnoscis Chaeronensem, semper audis mordacem Σωκρατιδέα qui

εἰς τάχος καλεῖ συνάπτων στρογγύλοις τοῖς ῥήμασι

hominem miserum, stultum, caecum cui non prorsus idem sit persuasum. Cum ceteris omnibus virtutibus longe ab isto libello exulat omnis lepor omnisque venustas. Quod satis iocoso demonstrare exemplo mihi posse videor; praeterea ne conabor quidem argumenta afferre: quid mihi legenti simulque de dilectissimo illo cogitanti scriptore in mentem venerit dixisse satis sit. Disputat noster de loco illo Platonis, ubi nullae graves lites nullaque bella nasci dicuntur διὰ τὴν τοῦ ποδὸς πρὸς τὴν λύραν ἀμετρίαν καὶ ἀναρμοστίαν, atque de suo et alia addit et hoc: οὐδὲ περὶ προσφθίας ἔχει τις εἰπεῖν στάσιν ἐν πόλει γενομένην, quod uno illustrat exemplo πότερον Τελχίνας ἢ Τέλχινας ἀναγνωστέον. Quam putidum hoc, quam longe arcessitum et ex remoto protractum angulo. Verus Plutarchus cum eiusmodi rerum exempla vult afferre in promptu habet lepidissima face-

tissimaque. Velut *de Def. Or.* 412 E. ludibrio habet grammaticos, qui quaestiunculis inanissimis semet ipsos „coquunt, macerant, defetigant”. Quod autem affert exemplum? Quo nullum risui movendo aptius: „βάλλω” ait „futurum habet βαλλῶ, internecivum ergo inter se gerunt bellum grammatici utrum prius an posterius λ exciderit”. Sic refutat Demetrium grammaticum Heracleo Megarensis, cui quin magis quam adversario faveat Plutarchus sub fratris latens persona iam non est dubitandum.

De singulis locis neque lubet neque opus est quidquam annotare.

DE VIRTUTE MORALI.

Multo etiam philosopho Chaeronensi indignior hic libellus, quem, ut ad finem perlegas quantum tibi est taedii devorandum! Contra Stoicos eorumque perfectam virtutem puerulus iste, Aristotele praecipuo auctore usus ¹⁾, demonstrat etiam esse quandam virtutem ex ratione affectus cohibente natam. Certe huc fere redit ineptae disputatiunculae argumentum. Oratio neque perspicua est neque ullo lepore commendatur. Quod alibi tam facete datur praeceptum: „ad ebrietatem vitandam non opus est *effundere* vinum, potes etiam *affundere* aquam” id hic ita corripitur ut nullo modo legentem monere, nedum delectare, possit. Annon ineptissima haec est sententiola (451 D):

οὔτε γὰρ οἶνον οἱ φοβούμενοι μεθύειν ἐκχέουσιν οὔτε πάθος οἱ δέδιότες τὸ ταρακτικὸν ἀναιροῦσιν ἀλλὰ κεραυνῶνσι, quae et sermonis laborat vitio eoque gravissimo. Iure enim roget quispiam: „quaenam sunt *illae res* quae hic miscendae dicuntur?” Aquam vino miscemus, sed quid admisceamus affectibus animum perturbantibus? Dixeris absolute hic *κεραυνῶναι* dici, *diluendi* (vernacule „aanlengen”) sensu, quomodo et noto illo Aristotelis loco fiat (de A. P. c. 26 Vahl.):

(et aliis rebus tragoedia heroicum carmen vincit et) τῷ ἐν ἐλάττονι μήκει τὸ τέλος τῆς μιμήσεως εἶναι· τὸ γὰρ ἀθροώτερον ἥδιον ἢ τὸ ²⁾ πολλῷ κεραυνῶμενον τῷ χρόνῳ. λέγω δ' οἶον εἴ τις τὸν Οἰδίπου θείη τὸν Σοφοκλέους ἐν ἔπαισιν ὅσοις ἡ Ἰλιάς.

1) Inde est illud αὐτὸς Ἀριστοτέλης quod 448 A legitur.

2) Articulum hic inserendum puto.

Ubi pertinacior aliquis contendere possit inter se misceri *tempus* et *carmen*. Sed verisimilius est hoc voluisse Aristotelem: „id quod, *quia longum tempus intercedit*, diluitur leniusque fit”. Hic vero istud *καρὰν νόον* absolute positum ridiculi atque absurdi aliquid praebet. Quid enim? Boni esse mentium medici dixeris ab adolescente, quem curandum receperit, remove quidquid vehementiores afferat affectus, sensus stimulet, denique perturbet mentem moresque corrumpat. Quid vero ille quem nobis exhibet personatus Plutarchus? Discipulum, ut opinor, secum ducit ad mimum aliquem vel ad tragoediam, in qua Phaedra vel Canace primas agit partes, et sublato aulaeo diatriben habet plenam castitatis atque taedii! Lubrica, hercle, educandi ratio! Accedit quod, ut imaginis constet ratio, ea diatribe habenda erit *dum fabula agitur*. Quo nihil aptius *ad animum perturbandum*, nam ad insaniam sic miser adolescentulus adigitur.

Sed disertius hoc exemplum flosculi inepte ex ipso sublato Plutarcho. In libro *de cohibenda ira* iucundissima quadam narratione docetur quam sit egregium parcere inimico qui in tuam pervenerit potestatem. Totus ille locus, qui et alio nomine permagni est momenti, sic decurrit (457 D sqq.):

Semper lego colligoque exempla continentiae, quae non philosophi dederint, quos qui ipsi mente carent felle carere aiunt, sed reges atque tyranni; velut illud est Antigoni qui, cum prope tabernaculum milites quidam ei maledicerent, exserto baculo, „heus vos, longius absistite si maledicere vultis” clamabat; atque illud Arcadionis et Philippi: Arcadion ille Achaeus semper conviciis in Philippum utebatur, quin etiam cives suos monebat ut fugerent

donec eo ventum, non notum nomen ubi istud.

Qui cum forte in Macedoniam venisset, amicis regem adhortantibus ne inultum abire sineret mordacem istum inimicum, rex eum amice salutavit, dona ei dedit hospitalia, deinde in Graeciam misit qui quibus nunc de rege verbis uteretur inter Graecos Arcadion inquirerent; cumque iam ab eo in coelum se tolli cognovisset „en” aulicis ait „quanto ego sim melior medicus quam vos”. Cumque Olympiae multis esset laesus conviciis, essentque qui plorandum Graeculis istis dicerent qui multis ab eo affecti beneficiis nunc eum maledictis lacerarent „quales”

rogavit „eorum de me futuros opinamini sermones si malo eos affecero?” Praeclare etiam Pisistratus adversus Trasybulum se gessit, Porsenna adversus Mucium, adversus Philemonem Magas. Magas ille satrapa spectante populo a Philemone in quadam comoedia insigni erat affectus contumelia, in qua eum his erat allocutus quidam versibus:

Magas tibi a Rege, en, venerunt literae;

Non nunc dolet quod legere nunquam didiceris?

Aliquanto post Philemon, navi iter faciens, vento prope Parae-tonium in litus est eiectus et sic in Magae pervenit potestatem. Quid tum ille? militem ad eum misit, quem iusserat dstricto gladio collum eius leviter tangere, deinde poeta comiter salutato abire. Praeterea Philemoni pilam talosque quibus luderet misit. Grammaticum quondam, quem ut indoctum ludere volebat, Ptolemaeus rogavit: „quis Pelei pater?” Respondit ille: „dicam, si prius mihi quis Lagi pater dixeris”, quibus verbis ei obscurum genus ita exprobrabat ut indignum et non ferendum clamarent qui aderant. Tum rex: „si non est regium iocum ferre posse, ne iocari quidem regem decet”.

En lepidissimam narrationum syllogen, quas hic e scriniis suis profert Plutarchus, rei, de qua agitur, aptissimarum. Quorum haud dubie ceteris praestat de Maga illa: eleganter est enunciata et ut ceterae omnes egregie illustrat id quod demonstratur. At in libro *de virtute morali* nil nisi ipsius scriptoris demonstrat stultitiam. Capite enim X (p. 449 D sqq.) omnino inepte nugatur et sic ut ne hoc quidem bene intelligas quid tandem sibi velit — at multa eum proferre quae non huius loci, hoc vero luce clarius est — de Stoicorum paradoxo „paria sunt peccata”. Ibi et hoc docet: „non omnium affectuum eadem est vehementia”. Eandem esse nunquam, ut opinor, contenderunt Stoici. Atque sic declamat:

„quis dicat eadem ira Nicocreontem usum adversus Anaxarchum, qua adversus Philemonem usus est Magas, cum tamen uterque contumelia esset affectus? Pistillis ferreis Anaxarchum contudit Nicoreon, Philemonis cervices nudo tangi gladio deinde eum dimitti iussit Magas”¹⁾.

1) Absurde et in praecedentibus res inter se opponuntur, sed, quia paulo tamen minus absurde, hoc unum profero ceteris omissis.

Profecto tam stultus stolidusque nemo mortalium natus est qui idem esse dicat contundi et paulisper ludibrio haberi, neque quisquam Stoicorum fuit tam insanus qui id contenderet. Hoc vero prorsus incredibile stultitiae portentum non intelligere dilectum Stoicorum paradoxon illo exemplo ne leviter quidem moveri, nedum labefactari. Non enim inter se opponuntur duo mala facinora, sed crudele dirae ultionis *scelus* et praeclarae virtutis exemplum, quae in cohibenda adversus inimicum ira cernitur ¹⁾.

Denique et libellum *an virtus doceri possit* et hunc *de virtute morali* insignia equidem duco exempla ineptissimae imitationis, qua ita Plutarchi personam sumit impostor ut ultro se indicet.

De singulis huius locis haec annoto:

440 D. Sic incipit:

περὶ τῆς ἠθικῆς λεγομένης ἀρετῆς καὶ δοκούσης, ᾧ δὴ μάλιστα τῆς θεωρητικῆς διαφέρει, τῷ τὸ μὲν πάθος ὕλην ἔχειν τὸ δὲ λόγον εἶδος, εἰπεῖν πρόκειται τίν' οὐσίαν ἔχει καὶ πῶς ὑφίστασθαι πέφυκε.

I et te ex hoc labyrintho expedi: „dicam qua re moralis virtus maxime differat a contemplativa” . . . exspectas nunc de illa discrepantia paulo longiorem disputationem, sed statim decem verbis illa exponitur. Praeterea vehementer laborat syntaxis, nam ab εἰπεῖν πρόκειται primum pendet illud praecedens ᾧ . . . διαφέρει deinde sequens τίν' οὐσίαν ἔχει. Et illa quidem lenissima sanari potest medicina, qua satis callide interpretes latinus ita utitur ut quidquam ab eo mutatum vix intelligas: „de Virtute, quae cum appellatur tum videtur Moralis, eoque praecipue a contemplativa differt, quia pro materia animi motus, pro forma rationem rectam habet, propositum nobis est disserere, quaenam sit eius natura, quomodo subsistat”. Sed si pro ᾧ scribis ἧ, tantum abest ut disputationis absurditas tollatur ut etiam fiat manifestior: qui enim potes definire qua re a contemplativa differat ea virtus, cuius tibi etiam natura est describenda?

1) Fortasse hoc quoque alicuius in hac quaestione momenti quod hoc libello sententia Platonis νεῦρα τῆς ψυχῆς ὁ θυμός *refertur* tantummodo (449 F) at in libro *de cohibenda ira* (457 C) *refutatur*. Habemus enim et hic *inter eosdem libros* discrepantiam.

Et sic pergit :

καὶ πότερον οἰκείῳ λόγῳ κεκόσμηται τὸ δεδεγμένον μόριον αὐτὴν τῆς ψυχῆς ἢ μετέσχηκεν ἄλλοτρίου, καὶ εἰ μετέσχηκε πότερον ὥς τὰ μεμιγμένα πρὸς τὸ βέλτιον ἢ μᾶλλον ὥς ἐπιστάσις τινὶ χρώμενον καὶ ἀρχῇ μετέχειν λέγεται τῆς τοῦ ἀρχοντος δυνάμεως.

Ut tamen aliquis hinc evadat sensus, ante ἐπιστάσις inserendum τό est: „utrum ea pars mentis, quae eam recepit, propria sit praedita ratione, an particeps sit alienae, et si particeps est, utrum ita sit particeps ut ea pars quae cum meliore est mixta, an magis ita ut id quod aliquo principatu et imperio utitur particeps esse dicitur eius potentiae qui regit.”

441 B Chrysippus item ut Menon ille Platonicus examen virtutum excitavit κατὰ τὸ ποιὸν ἀρετὴν ἰδίαν συνίστασθαι νομίζων.

Quis his addi ποιότητι ferat? Quod tamen inutile verborum κατὰ τὸ ποιὸν interpretamentum nunc post ἰδίαν in textu legitur.

441 C Chrysippus ergo ille πολλῶν καὶ ἀτόπων ὀνομάτων οὐδὲν δεομένην ἐμπέπληκε φιλοσοφίαν.

Et sententia et syntaxis postulat ut τὴν φιλοσοφίαν legamus.

ib. Omnes illi philosophi virtutem esse dicunt ipsam rationem sibi consentientem, καὶ νομίζουσιν οὐκ εἶναι τὸ παθητικὸν καὶ ἄλογον διαφορᾶ τινὶ καὶ φύσει ψυχῆς τοῦ λογικοῦ διακεκριμένον.

Abesse hinc debere ψυχῆς senties si sequentia legeris: „sed eandem mentis (ψυχῆς) partem, quam rationem vocant, vel virtutem vel vitium fieri”.

442 A Mentis humanae altera pars est τὸ νοερόν quod imperare debet ἕτερον δὲ τὸ παθητικὸν καὶ ἄλογον καὶ πολυπλανὲς καὶ ἄτακτον ἐξ ἐπιστάσις αὐτοῦ δεόμενον.

Sic W.; Graecus editor ... καὶ ἄτακτον ἐξ αὐτοῦ δεόμενον, quod prorsus sensu caret; Madvigius ἐπιστάσις post αὐτοῦ ponens tupem facit hiatum. E scripturae diversitate vides ἐξ et αὐτοῦ e margine irrepsisse in textum; inde remove, omnia erunt planissima.

ib. τὸ μὲν αἰεὶ σώματι βουλούμενον συνεῖναι καὶ σῶμα θεραπεύειν

πεφυκὸς ἐπιθυμητικὸν κέκληται, τὸ δ' ἔστι μὲν ἢ τούτῳ προστιθέμενον, ἔστι δ' ἢ τῷ λογισμῷ παρέχον ἰσχὺν ἐπὶ τοῦτο καὶ δύναμιν, θυμοειδές.

Illud ἐπὶ τοῦτο quid sibi velit non video; si deletur, optime decurrit sententia neque quidquam desideratur, si retinetur, perturbantur omnia.

ib. Plato harum partium differentiam maxime demonstrat τῇ τοῦ λογιζομένου καὶ φρονούντος ἀντιβάσει πρὸς τὸ ἐπιθυμοῦν καὶ θυμούμενον.

Immo καὶ τὸ θυμούμενον. Diversae enim sunt partes τὸ ἐπ. et τὸ θυμ. His apud W. adduntur: ὥσπερ ἕτερα εἶναι πολλάκις ἀπειθοῦντα καὶ δυσμαχοῦντα πρὸς τὸ βέλτιστον, quae vix intelligo; apud B. ὡς τὸ ἕτερον εἶναι πολλάκις ἀπειθοῦν τε καὶ δυσμαχοῦν πρὸς τὸ βέλτιστον, quae, e coniectura in textum introducta, ipsa nocte obscuriora sunt. Alia opus est emendatione, sed mihi non est in promptu.

442 B Secundum Aristotelem quaedam ψυχῆς μέρη ὅλως ἀνήκοα λόγου καὶ κατὰ τρόπον τινα τῆς σαρκὸς ἐκβεβλάσθη καὶ περὶ τὸ σῶμα παντελῶς καταπέφυκε.

Ultimum vocabulum mihi obscurum: compositi rationem non perspicio. Ecquid καταδευκότι legendum? v. Pl. Gorg. 485 D.

442 F τὸ σῶμα τὰ μέρη συνευσχήμενον τῇ κρίσει παρέσχε.

Optimam editoris Graeci emendationem μέλη pro μέρη in textum receptam oportuit.

445 E Sic describitur ἀκολασία, vitiorum extremum:

ἔχουσα καὶ πάθος φαῦλον καὶ λόγον, ὃν οὐ μὲν ἐξάγεται τῷ ἐπιθυμεῖν πρὸς τὸ αἰσχροῦ, ὃν οὐ δὲ τῷ κακῶς κρίνειν προστιθέμενου ταῖς ἐπιθυμίαις καὶ τὴν αἴσθησιν ἀποβάλλει τῶν ἀμαρτανομένων.

Dele inutilem annotationem τῷ ἐπιθυμεῖν.

447 E Dubitatio non inde oritur quod duae rationes inter se pugnant sed quod affectus rationi obstat. Datur hoc exemplum:

περὶ τὰς κρίσεις τῶν συμβολαίων ὑποτρέχοντα τὰ πάθη τὴν πλείστην ἐμποιεῖ διατριβήν.

Nihili hic certe est κρίσεις proque eo legendum τηρήσεις. Qui enim quod cum alio constituit fideliter servat τηρεῖ τὰ συμβόλαια.

451 E Postquam demonstravit affectus saepe rationi utilem ferre opem, haec addit:

Φιλίας δὲ φιλοστοργίαν ἢ Φιλανθρωπίας ἔλεον ἢ τὸ συγχαίρειν καὶ συναλγεῖν εὐνοίας ἀληθινῆς οὐδὲ βουλόμενος ἂν τις ἀποσπάσειεν οὐδ' ἀποτήξειεν.

Quid certius quam Reiskii emendatio, pro ultimo vocabulo ἀπομήξειεν legentis? Quid melius cum ἀποσπάσειεν iungitur? Non ita visum editori Graeco, qui suo „non opus” molestum institorem facessere iubet. Criticus, qui natus est infelix, post obitum quoque suum sibi invenit Wytttenbachium.

AD IUSTINUM (XXIII. 2).

Agathocles cum in Italiam esset transgressus, reverti eum in Siciliam interiectis paucis diebus vis morbi coegit, quo toto corpore comprehensus per omnes nervos articulosque umore pestifero grassante velut intestino singulorum membrorum bello impugnabatur. Ex qua desperatione bellum inter filium nepotemque eius, regnum iam quasi mortui vindicantes, oritur; occiso filio regnum nepos occupavit. Igitur Agathocles, cum morbi cura et aegritudo gravior esset et inter se alterum alterius malo cresceret, desperatis rebus uxorem suam Theoxenam Aegyptum remittit.

In hoc loco tractando critici ad unum omnes verba *morbi cura* (i. e. curatio) copulanda esse mira consensione sibi persuaserunt, quo factum est ut Quintiliani praecepto prorsus inverso mala interpretatio lectiones multas praecederet sed minime hercle! emendatas. Scripsit Iustinus:

Igitur Agathocles, cum morbi <vi> cura et aegritudo gravior esset et inter se alterum alterius malo cresceret, cet.

P. H. D.

DE VERBIS PRONOMINALIBUS.

SCRIPSIT

K. SNEYDERS DE VOGEL.



Notum est in linguis quae romanae dicuntur permulta verba esse quae pronomem reflexivum adsciscunt, quod tamen nullo fere sensu adhiberi videtur, certe non obiecti vice fungitur actionis verbo expressae.

1) Invenitur enim pronomem reflexivum iunctum cum verbis intransitivis: *s'en aller, s'en venir, se mourir, se taire*; — *a se naști* (nasci), *a se mira* (admirari), *a se teme* (timere); — *andarsi, fuggirsi, sedersi, tacersi, ammalarsi*; — *irse, venirse, dormirse*; — *virse*.

2) Sunt verba transitiva quae pronomine adhibito intransitivum quendam sensum accipiunt: *se tromper, se promener, s'éloigner, se casser*; — *a se îngrășa* (engraisser), *a se duce* (ire); — *ingannarsi, allontanarsi*; — *volverse, alejarse, desviarse*; — *illudirse, turvarse*.

3) Forma de qua agimus saepe alium sensum habet. nempe passivum: *Cela ne se dit pas, mă bat* (vapulo), *si leggono i libri, se halla, se mataban los cristianos*.

In ea Romaniae terra quae Orientem spectat solus fere modus est quo passivum exprimatur.

4) In lingua italiana vulgari constructio nostra impersonalem quendam vim accepit, ita ut novum pronomem subiecti vice fungi possit: *noi si canta* (canimus); *Noi non si fa complimenti*, R. Fucini, *Le Veglie di Neri*, p. 217; in multis linguis obiectum secum habere potest: *se le blamaba* (nominabatur), Ibañez,

La Catedral, p. 14; *quivi ore nè campane non s'udiva; se soa os grandos feitos* ¹⁾).

Opera dignum mihi videtur varios verborum pronominalium sensus in linguis romanis examinare et indagare quo quisque tempore et modo ortus sit et qua ratione alius ex alio nasci potuerit. Constat autem originem nostrae structurae in lingua latina quaeri debere. Examinemus igitur num varii sensus iam in latino inveniantur, an alii latino alii linguis romanis adscribendi sint. Sed quia quaestio est admodum intricata et ea quae brevi studio exhaustiri non possit — ad plura indaganda tempus, heu! me deficit — pauca solum et breviter in medium proferam.

Res ipsa fert ut verbum activum pronomen quoque obiectum sibi adsciscere possit: *lavare, se lavare; nocere, sibi nocere; hostes in fugam vertere, se vertere in fugam; persuadere, mihi persuasum habeo*. In omnibus illis verbis vis pronominis satis clare sentitur, sed quia admodum difficile est actum verbi quem patitur ipsum subiectum tam clare et obiective, quod dicitur, ante oculos sibi ponere quam rem quam alius quidam patitur, facile intellegimus, prout natura verbi aut natura subiecti fert, vim transitivam non semper aequae claram esse. Si enim subiectum animal est — quod fere semper in „latino classico” accidit — pronomen suam sibi vim vulgo retinet; sin subiecti vice fungitur res, quae agere non potest, verbum reflexivum ad intransitivum prope accedit. Perspicuum autem est verbi quoque naturam certam quandam vim habere ad vertendum verbum reflexivum in intransitivum; si ad animum aut mentem spectat, ut *persuadere*, vis activa minus bene sentitur quam in *se lavare* e. gr.

Quamquam igitur vis pronominis semper sentitur, tamen saepe in lingua classica iam minus clara esse potest, id quod plurimum interest, si historiam nostrorum verborum examinare volumus.

Lingua autem latina aliam quandam verbi formam habet quae fere omnia exprimere potest quae in linguis romanis verbis pronominalibus redduntur. Est genus verbi quod plerumque

1) Cf. Meyer-Lübke, *Gramm. d. langues rom.*, III p. 111.

passivum vocatur, sed functio illa ita non sola eius formae vis est, ut ne antiquissima quidem esse videatur.

1) Sunt primum ea verba quae deponentia vocantur et quae sensum activum, formam autem passivam habent: *mercari*, *nasci*, *hortari*. Quod nemo non mirari potest qui non meminerit primo deponentia suam sibi vim habuisse et factum quoddam indicasse quod nostra imprimis intersit, mediali igitur sensu adhibita esse, id quod in nonnullis verbis optime sentiri potest: *negotiar* et *mercari* nimirum illam solam formam adhibuisse nemini non luce clarius esse videbitur.

2) In sententiis ut *vas rumpitur* verbum intransitivum sensum habet, cf. *le vase se brise*, *de vaas breekt*.

3) Quod saepe forma passiva et reflexiva inter se alternant indicat forma in *-or* reflexivi quoque vice fungi posse: *praecepit eis ne se ex eo loco moverent*, Liv. XXXIV, 20; *nec vestigio ququam movebatur*, Liv. X, 36.

Videmus igitur verbi formam quae in *-or* exit quattuor habere posse significationes passivam, reflexivam, medialem, intransitivam.

Quae res persistere non potuit. Mirabile esse videtur unam atque solam formam tot et tam diversas res exprimere posse. Inde ab antiquissimis temporibus aliae formae petebantur quae clarius designarent quae quoque loco vis intellegenda esset.

1) Passivi sensus per multa saecula nostra forma exprimitur. Sed passivum quoque perituum fuisse, monstrant linguae romanae quae aliae alias vias ingressae sunt ut vim passivam redderent, seque ad verbum *esse*, *fieri*, *venire*, formam reflexivam, alia contulerunt.

2) Vis medialis periit. Non iam igitur necesse est — immo contra rerum naturam esse videtur — ut activi sensus passiva forma reddatur. Hic non ex re esse videtur plura de eis adiungere, sed et in Plauto et in latinitate posteriore multa verba quae in lingua classica deponentia sunt, activa sunt aut semper aut saepe, alia in lingua classica activa, postea saepe deponentia sunt: *adulor*, *adhortor*, *adipiscor*, *adnitor*, *admiror*, *adorior*, ut tantum verba ab *ad-* incipientia nominem, cf. Priscianus in Keil, *Gramm. lat.* II, p. 378 sqq.

3) Quod ad significatum intransitivum attinet, Lindsay, *Syn-*

tax of Plautus p. 52 plures locos nobis affert quibus intransitiva vis non passivo sed activo redditur: *male res vortunt quas agit*, Pers. 453; *foris aperit*, Pers. 300; *pisces credo, qui usque dum vivunt, lavant*, Truc. 322; *mihi ... opus est ut lavem*, Truc. 328; *dormit, ornatur, lavat, prandet, potat*. Mil. 251 etc.; cf. Cic. De Off. I, 3513 *Cum soceris generi non lavantur*.

In „latino classico” fluctuatio illa non plane extincta est, immo multa verba duas aut tres structuras admittunt: *quare eius fugae comitem me adiungerem*, Cic., Att. 9, 10, 2; *Domitius cum XII suis cohortibus eodem adiungeretur*, ib. 8, 12, 3. In latinitate posteriore activum eadem vice fungitur: *in partibus Italiae quae ad Galliae adiungit*, Gal., *alfab.* 95. Idem fere observari potest de *admisceo*, *admoveo*, *advolvo*, aliis; a) *illi se praedae accingunt*, Aen., 1, 210; b) *accingar dicere pugnas*, Verg. Georg. 3, 46; c) *accingunt omnes operi*, Ter. Phorm., 318.

abstineo et *se abstinere* eodem sensu adhibetur; *abscondere* intransitive ponitur Apul., *Met.* 6, 12; 8, 5; *abrumpo* ¹⁾ sensu intransitivo in latinitate posteriore demum invenitur: Tertull. *pudic.*, 7; *apol.*, 37.

se abdere et *abdi*, non *abdere* invenitur.

movere et *vertere* memoratu digna videntur: a) *neque se movit ex urbe*, Nep. Att. 7; b) *res quae moveri possunt*, Nep. Them. 2; c) *res moventes* Liv. V, 25, intransitivum autem admodum rarum est in „latino classico”, participio excepto, cf. tamen *terra movit*, Liv. XXXV, 40. Idem fere observari potest de usu *vertendi* verbi.

Pauca haec exempla sufficere videntur. Videmus intransitivum et reflexivum aut pronomine aut passivo exprimi, activum tamen rarius adhiberi quam passivum vel reflexivum. Posteriore autem aetate constat multa verba a classicis transitive tantum usurpata etiam intransitivorum vel reflexivorum loco poni ²⁾. Medert enumerat *conglutinare, movere, minuere, imminuere, diminuere, conferre, refrigerare, resumere, rumpere*. Petschenig, *Transitive Verba*

1) Cf. etiam *Subsidunt montes ante illos et fontes erumpunt*, Commod., *Instruct.*, II, 1, 34.

2) Medert, *Quaest. crit. et gramm. ad Gynaecia Mustionis pertinentes*. Diss. Gießen 1911, p. 20.

als reflexiva bei Corippus, Arch. f. lat. Lex. III, p. 150 et 284: *iungere, minuere, miscere*, quae verba confert cum italianis *giugnere, minuire, mischiare*, quod quidem ultimum non eundem sensum quem *miscere* habet. Bonnet, *Le latin de Gregoire de Tours*, p. 630 alia quoque adicit; M. Niedermann, N. Jahrb. f. d. kl. Altertum, Gesch. u. deutsche Litt. 1912, p. 332 e medicorum scriptis, quae tot et tam utilia nobis praebent exempla linguae vivae et sponte sensimque vitae se usui accommodantis, affert *cicer vero si bene coxerit*, Anthim. 18, 25, *cicatrare, frangere, siccare, spissare* alia.

Videmus igitur, aetate postclassica passivum sensu intransitivo et reflexivo positum paulatim perire et eius loco praecipue activam formam poni. Constat autem — et linguae quae romanae dicuntur hoc luce clarius ostendunt — constat verba pronominalia in posteriore latinitate ut in latinitate classica semper adhiberi. Non necesse videtur huius rei exempla proferre quippe quae abundant; hoc memoratu dignum est duas formas, *moveo* et *me moveo* idem fere valere et quaeritur utra praevaluerit.

Sed haec res eiusmodi est ut magis linguas romanas spectet quam latinam; certamen enim inter formam activam et reflexivam permulta saecula permansit necdum hodie ex omni parte finitum est: *baigner, se baigner; essere, essersi; volver, volverse*. Alia autem res est quam considerare nostra magis interest, formam perfecti dico.

Exemplum mihi sit *moveri, se movere, movere*. Perfectum igitur est *motus sum, me movi, movi*. Postea autem volventibus annis perfectum saepe cedere debet novae formae analyticae ¹⁾, et **me motum habeo* et **motum habeo* eundem fere sensum exprimere debent. Sed vera verbi *habendi* vis tam bene sentitur ²⁾ ut **me*

1) Cf. Thielmann, *Habere mit dem Part. perf. pass.*, Arch. f. lat. Lex. III.

2) Non fides habenda est v. d. Müller-Marquardt credenti *habere* saepe sensu verbi *esse* usurpari (Sprache d. alten Vita Wundregiseli, 1912, p. 141, cf. Bull. de dial. rom. 1913, p. 29). Neque cogitandum est de formis linguae franco-gallicae vulgaris *Je m'ai assis sous un arbre, Vous vous avez blessé à la main*, Edmont et Gilliéron, *Atlas ling. de la France* carte 500 et 508. Hic *habere* verbum auxiliare suum sensum plane perdidit, cf. *quand vous aurez venu* G. Sand, Jeanne 461, et *ho venido* = *veni* in lingua hispanica.

motum habeo et **motum habeo* in vulgus extendi non potuerint; *motus sum*, *movi* et *me movi* manent igitur sola fere perfecta et in iis primum locum tenet *motus sum* quae forma analytica bene vim intransitivam ostendit. Scimus autem linguam magis magisque analyticam fieri et in lingua franco-gallica antiqua dici *je m'eslogne* sed *je sui eslognez*; *je me pasme*, sed *je sui pasmez*; *je (me) meus* sed *je suis mēus*. Contaminatio igitur est inter structuram activam et passivam. Is autem qui primus analogia duce dixit *me motus sum*, notionem pronominis perdidit iungens pronomen accusativum cum verbi passiva forma ita ut ne in *me moveo* quidem eius vim iam senserit ¹⁾. Sed frustra, credo, eius structuræ exempla in latino quaeras, quippe quae linguarum romanarum propria sit. Aetate postclassica perfectum passivi reflexivo sensu non rarum est: *fragor rogantium tollitur*, Prudent., *Peristeph.* 181.

*Cum fuerit autem Nero de inferno levatus
Helias veniet prius signare delectos.*

quod idem est quod *Cum se levaverit* (Comm. *Instruct.* I, 41, 7).

Diximus multum interesse quae sit subiecti natura. Quod nihil melius illustrare potest quam duos versus Commodiani, alter in *Carm. apol.* vs. 1020, alter ibidem 1039:

1020 *ut genus ipsorum iterum se in ultimo plangat.*

1039 *planget praeterea mugitibus tota natura.*

Exempla autem ubi pronomen reflexivum subiectum spectat inanimatum magis magisque frequentia fiunt. Cf. e. g. Commod. *Carm. apol.* 968 *et ne fatigentur, substernunt se montes et ipsi*, ubi dubitatur utrum *se substernere* reflexivo an intransitivo sensu adhibitum sit; *inde doctrina se diffundit per omnes Graeciae partes*, August., *Serm.*, 150, 2; *donec cycatrix et oculus se confirmet*, Mulom. Chir. II, 7; *fac ut oculus . . cludere se non possit*, Mulom. Chir. II, 6.

Ex intransitivo ad passivum transitus facilior est: in lingua classica *perire*, *venire*, *bene* et *male audire*, *vapulare* saepissime pro passivo adhibetur. Quaerimus igitur num sensus pronominis *se* ita obtundi potuerit, ut verbum reflexivum quoque passivi significatum accipiat. Mulomedicina Chironis autem plura nobis

1) Cf. Tobler, *Verm. Beitr.*, II, p. 65.

affert exempla quae transitum duorum sensuum nobis clare ante oculos ponit, quaeque et ut passiva et ut intransitiva accipi possunt: *similiter si se ceperit extenuare* (scil. verruca), *sequeris eam curam* II, 9; *donec se vulnus limpidet et equet* II, 12. Sed clarum passivi sensum exemplum unum solum se mihi obtulit:

tunc mensibus septem se mundabit terra per ignem

et qui fuit humilis veniens de caelo videtur.

(Commod., *Carm. apol.* 1041), exemplum magni pretii quod lingua franco-gallica antiqua nostram structuram ignorare videtur, ita ut saeculo demum XV^o et XVI^o in textibus inveniatur¹⁾; linguae italianae autem inde ab origine propria fuit. Sine dubio investigationes diligentes alia exempla passivi sensus in lucem proferent.

Pronominis vim plane extinguere posse ostendunt etiam verba intransitiva cum pronomine reflexivo adhibita, cuius rei Löfstedt plura nobis affert exempla in pulcherrimo libro cui titulus *Philologischer Kommentar zur Peregrinatio Aetherae* p. 140 sqq.: *recipit se episcopus et vadent se unusquisque ad hospitium suum*, *Peregr. Aeth.* 25, 7; *hic humor sudoris in ventrem se desidat*, *Mulomed.* 220; *hoc facito donec se volnus ei insidat*, *ibid.* 669; *hic morbus se ad corpora increscens ustione extinguitur*, *ibid.* 188; fortasse etiam *prout se causa fuerit*, *ibid.* 206. Verba sentiendi et declarandi quoque pronomen reflexivum sibi adsciscunt, cf. Löfstedt p. 142: *putabam me, quia statum illius non concupisceret; speravit se, quia mortem vel crucem pertimesceret; ad quem senex quidam se dixisse fertur*, Quod tamen ultimum exemplum, ex Gregorio Turon., *Hist. Franc.* III, 5 (p. 112, 16) allatum, aliter explicari potest: nominativum cum infinitivo enim, quae structura saepe in latino postclassico Accusativi c. I. locum tenet, hic Gregorius vitare conatus est et perperam *se* pronomine usus est ut in: *dixit (se) hoc fecisse*.

Certe non nego dativum ethicum, qui in latinitate postclassica latos fines occupat et de quo Löfstedt p. 140 sqq. agit²⁾, multum attulisse ad vim pronominis tollendam, sed originem verborum

1) Cf. Brunot, *Gramm. hist. du français*, I, 464.

2) Addi potest *invitatque sibi quam multas gentes ad urbem*, *Commod., Carm. apol.* 893.

reflexivorum talem esse qualem exposui mihi verisimile esse videtur. Dolemus autem quod linguae romanae discrimen inter accusativum et dativum fere totam perdiderunt, ita ut nesciamus qui quoque loco casus praevaluerit et utrum *cuidarse* e. gr. e *cogitare se* an *cogitare sibi* ortum sit (cf. Meyer-Lübke, *Gramm. d. l. rom.* III, p. 423 sqq.).

Quod attinet ad structuram *noi si canta* = canimus, ea multo posterius in sola lingua italiana nata est; tute igitur eam omittere possumus. Sed altera structura, obiectum scil. cum verbo reflexivo iunctum (*se ofende a Dios* = Deus offenditur, *se le llamaba* = clamabatur) non quidem originem traxit e latino, multas tamen ibi analogias habet quae indicant sponte diversis temporibus nostram structuram nasci potuisse. Schmalz, *Berlin. Phil. Woch.* 1910, p. 701—704 et Löfstedt, l.l. p. 291 sq. exempla attulerunt e latinitate cum archaica tum postclassica, quae frustra a viris doctis temptata sunt: *hac noctu agitandumst vigilias*, Plaut., *Trin.* 869; *ita castra sine vulnere introitum*, Sall., *Hist.* IV, 10 M; *sic fit orationem pro omnibus*, *Peregr. Aeth.* 25, 3; *completo matutinas*, Anton. Plac. *Itiner.* 11 alia. Si linguas romanas allegassent, argumentatio eorum, quamquam per se iam satis firma, magis corroborata esset.

Vidimus igitur e quattuor vel quinque structuris, quas initio enumeravi, tres e latino originem traxisse, quartam (*se ofende a Dios*) analogias habere in lingua latina, ultimam (*noi si canta*) soli linguae italianae propriam esse.

AD TACITI DIALOGUM C. 28.

De urbe et eius propriis ac vernaculis vitiis loquar, quae natos statim excipiunt et per singulos aetatis gradus cumulantur.

Neque aptum huic loco ultimum vocabulum et ingrate abruptum imago. Quid autem elegantius post *excipiunt* inferri potest quam *comitantur*? Hoc ergo rescribe.

J. J. H.

DE LIBRORUM CATONIANORUM HISTORIA ATQUE COMPOSITIONE.

SCRIPSIT

M. BOAS.



1. Librorum Catonianorum nomine eas poetarum Latinorum syllogas insignire soleo, quae medii aevi temporibus post Donatum studiosae iuventuti praebebantur et in quibus principem occupabat locum „liber Catonis” ¹⁾. Saeculo XIII^o sex poetarum opuscula sc. liber *Catonis*, *Theoduli* Ecloga ²⁾, *Aviani* Fabulae, *Maximiani* Elegiae, *Claudianus* minor (= de Raptu Proserpinae), *Statius* minor (= Achilleis), certam seriem (nisi quod nonnumquam Statius praemittitur Claudiano) vel unum corpus auctorum efficiunt, in quibus vertendis, interpretandis, commentandis exercebantur vires iuveniles. Eiusmodi librorum scholasticorum, qui complures servati sunt, contextus, ut est adno-

1) Quas commentationes his annis de Catonis libro publici iuris feci, eas his siglis laudabo:

Tijdschr. 1910 = Het Latijnsche origineel der middelnederlandsche Cato-bewerking (Tijdschr. v. Ned. Taal- en Lett. 1910 p. 182—206).

Scriv. = De Cato-editie van Scriverius (Tijdschr. v. Boek- en Bibliotheekwezen 1911 p. 21—30).

Bos. = Der Codex Bosii der Dicta Catonia (Rhein. Mus. 1912, p. 67—93).

Egm. = Het Egmondsche Cato-Handschrift (Het Boek 1913 p. 92—104).

Tijdschr. 1913 = De IV virtutibus cardinalibus, een middeleeuwsche benaming voor de Disticha Catonis (Tijdschr. v. Ned. T. en L. 1913 p. 101—138).

2) Theodulum nuper bis edidit J. Osternacher in Programmata Collegii Petri, Urfahr, 1902 et 1907, tertium in Mon. Germ. Hist. editurus. De poeta, quem Godescalcum Orbacensem, † 868/9 Altvillariae prope Remos, fuisse satis probabile est, vid. Manitius, Gesch. der Lat. Lit. des Mittelalters 1911. p. 568 sqq.

tationibus repletus, primis alphabeti litteris sententiarum constructionem indicantibus conspersus, in media pagina saepius coartatus ita, ut margines commentario destinati ipso textu sint latiores, docet, quantopere in horum poetarum studio olim pueri desudaverint. Miros autem nos habet, quod in auctorum illa hexade insunt, quos abesse expectaveris, quos inesse, desunt. Ex quo enim poemate praesertim medii aevi temporibus Homeri cognitio hauriebatur, Iliadem dico Latinam, id deest, inest Theodulus, in mediis poetis gentilibus unus Christianus, ceteris insuper aetate multo inferior, atque is proximo positus post Catonem loco, cuius poetae contortas sententias vix captum puerorum assequi potuisse dicas, inest denique in libro tironum institutioni destinato qui minime ad mores pueriles conformandos idoneus complures adeo locos exhibet tenerorum animorum cognitioni alienos pudicaeque indoli erubescendos, Maximianus.

Qui sex poetae qua ratione et quo consilio in unum corpus coaluerint investigaturus praemittam eorum librorum memoriam, qui, quod sciam, seriem hanc continent, continebant, continuisse videntur. Quamquam mihi habeo persuasum latitare in bibliothecis vel commemorari in bibliothecarum catalogis plures eiusmodi libros, quorum notitia nondum ad me pervenerit. Innotuerunt autem mihi libri hi ¹⁾:

*1. cod. Vat. Reg. 1556, membr., olim Egmondanus, postea Gerardi Ioannis Vossii, s. XIII ex., f. 75, in bibliothecae monasterii Egmondani catalogo non commemoratus, de quo codice nuper dixi in scriptione *Het Egmondsche Cato-Handschrift*. Cont.: C., Th., Av., Max., Cl., St.

*2. cod. Vat. Pal. 1573, membr., „liber fratrum Carthusiensium prope Confluentiam” (f. 1), postea Gruteri, cuius nomen legitur f. 55^r, s. XIII, cuius prior pars Vegetium exhibet, altera continet f. 55^r—114^r: C., Th., Av., Max., St., Cl. Theodulus negligitur in Vaticanae bibliothecae catalogo manuscripto.

*3. cod. Vat. Lat. 1663, membr., s. XIII ex., f. 76. Cont.: C., Th., Av., Max., St., Cl. Ultimum folium deest, finem capit liber fol. 76^v in versu Claud. Rapt. III. 398, ut in codice adnotavit A. Maius.

1) Asterisco notav eos codices, quos ipse examinavi.

*4. cod. Vat. Barb. Lat. 41, membr., s. XIII; nunc constat f. 64, sed primum folium periit, folium ultimum id folium accuratius inspicienti esse apparet, de quo catalogus Barbarino-Vaticanus manuscriptus haec habet: „in primo codicis folio quod caret numero extat poeticum fragmentum”; post fol. 11 tria folia exsecta sunt. Cont.: C. (inde a l. 20, 2), Th. (usque ad vs. 266), Av. (inc. f. 12^r), Max., Cl., St. (usque ad II. 297, fol. 64^r). Hic liber, quod ad Catonem attinet, non uno nomine est laudabilis, cum neque vulgatam textus formam neque vulgatum distichorum ambitum exhibeat, de quo iam ante monui Tijdschr. 1910 p. 183 sqq., Bos. p. 76, mox in Mnem., uti spero, fusius disputaturus.

5. cod. Monac. 391, membr., s. XIV, f. 98, cod. veteris Bibl. electoralis Monacensis, postea H. Schedelii, medios scriptores (Av., Max.) in fine exhibens sic: C., Th., St., Cl., Av., Max. Laudatur in Cat. cod. Lat. Bibl. Reg. Mon. ed. 2. I, 1 p. 103 sq.

6. cod. Cantabr. coll. S. Petri 2. l. 0., membr., s. XIII/XIV, f. 79, perierunt autem f. 13—19. Cont.: C., Th. fere totum usque ad vs. 340, Av. inde a fab. XXII, 13 (inc. f. 20), Max., St., Cl. Codex etiam alterum librum complectitur, qui hymnarium et Poenitentiarium (inc. Poeniteas cito peccator etc., Johannis de Garlandia, vid. Hauréau Notices et Extraits XXVII, 2, p. 10) continet. Describitur codex apud M. R. James, Catalogue of the Mss. of Peterhouse, Cambr. 1899 nr. 207, cf. etiam Schenkl. Bibl. patr. Lat. Brit. 2691.

7. cod. eiusdem bibliothecae, 2. l. 8., membr., s. XIII, f. 87. Cont.: C., Th., Av., Max., Cl., St., sequente Donato de partibus or., praemissis eodem Donato, hymnario, Alexandri de Villa Dei Doctrinali [ed. Reichling, Mon. Germ. Paedag. XII, 1893]; olim quoque ante hymnarium legebantur, qui perierunt liber Alexandri Nequam de utensilibus [ed. Scheler, Jahrb. f. rom. u. engl. Lit. VII], liber Phaletholus inscriptus ¹⁾, deinde Dictionarius [Johannis de Garlandia, vid. Hauréau l.l. p. 38]. Describitur codex apud James l.l. nr. 215. Cf. etiam Schenkl. patr. Brit. 2693, ubi Max. omittitur.

1) Quem librum hic titulus indicet, nescio. An Phaletholum?

8. cod. Mus. Brit. 15. A. VII, m., s. XIII, cuius codicis ab Hervieux in Aviani ed. 1894 p. 96 ex „Catal. of the Ms. of the King's library 1734, p. 236” laudati, a Baehrensis P. L. M. V. 315/6 commemorati accuratorem notitiam afferre possum benig-nitate Antistitis Manuscriptorum Musei Britannici. Cont.: C., Th., Av., Max., St. Ach., Cl.; qui praeterea in hoc codice le-gitur, Poenitentiarius (vid. supra ad nr. 6) ab altera manu conscriptus est; octavum opusculum, 56 fabulas Aesopicas ser-mone pedestri conscriptas continens, singulari denuo fasciculo continetur. Liber hic sex scriptorum ideo notabilis est, quod scriba omnes sex uno nomine „Libri de moribus” sive „Ethi-corum” complecti voluisse videtur, singula enim opuscula hae finiunt subscriptiones: „explicit primus liber de moribus. s. catho”, „explicit secundus liber de moribus. s. theodolus”, „ex-plicit tertius liber de moribus. s. avianus”, „explicit quartus liber ethicorum. s. maximianus”, „explicit statius achilleydos. quintus liber”; Claudiani autem subscriptionem prima manus addere neglexit, supplevit manus recentior: tantum „explicit claudianus”.

9. cod. Mus. Brit. Add. 21, 213, membr. palimps. s. XIII. Certiorem me fecit de hoc quoque codice Antistes Mstorum Mus. Brit. Primam debeo notitiam Birtio in Claudiani ed. p. cXLVIII n. 2. Ut elenchus libri integri docet, olim continebat codex auctores 17, sed perierunt quaternio secundus et quartus neque in ultimo (sexto) fasciculo, qui erat quinio, olim subsis-tebat libri scriptura. Libro Catoniano praemissi sunt: Prosperi Aq. Epigrammata, Anselmi Cantuarensis de sacrificio altaris liber imperfectus, [desunt reliqua pars huius libri, Passio domi-nica, Bernhardus, Liber quinque clavium ¹⁾], initium Libri Mo-rum], Fragmentum Libri Morum inc.: „si quis dignetur offere cyphum tibi lete”. Incipit Liber Catonianus f. 10^b, intermiscen-tur opuscula cognati argumenti: Cato, Cato Novus, Theod., Avian. usque ad fab. 40, 3 ²⁾ [desunt reliqua pars Aviani, Eso-pus, Physiologus ³⁾], Vitalis Geta 1—437], reliqua pars Getae,

1) Cf. infra p. 43 n. 2.

2) Versus numerum mihi prae-buit Hervieux, Avianus p. 95.

3) Est carmen, quod incipit: „Tres leo naturas”, ed. ap. Mign. Patr. Lat. 171 p. 1218.

Max., Claud., Stat. Ach., quam sequitur Ilias Latina usque ad vs. 787 ¹⁾.

10. Totam sex scriptorum seriem an fragmentum contineat cod. Lincolnensis C. 5. 8, membr., s. XIII, ex descriptione, quae legitur apud Schenkl. patr. Brit. 4055 non ab omni parte colligi potest. Codex compluribus locis mutilus ultimo loco exhibet Persium (qui saepius cum Catone ceterisque coniunctus invenitur), Av., Max., St. Ach., Cl. Rapt. Praecedunt autem scripta sex medii aevi temporibus composita, inter quae etiam Theodulus et Cato locum adepti sunt: morale carmen scolarium, Promptuarium Parvolorum (Dictionarius, cf. Hauréau l.l. p. 38 sq., Scheler l.l. vol. VI. 161), *Theodulus, Cato*, Alexandri Nequam de utensilibus, Iohannis de Garlandiae liber de mysteriis ecclesiae (vid. Hauréau l.l. p. 2), Ovidius de mirabilibus mundi (cf. Bartsch, Albrecht von Halberstadt und Ovid im Mittelalter p. x) ²⁾, Accentuarius (inc. Ecclesiae sacrae modulans, Hauréau l.l. p. 53). Cum nonnulla ex his scriptis saepius cum Theodulo vel cum Catone coniuncta legantur (vid. infra p. 43) et tria ex illis, Prompt., Alex. de ut., Ov. de mir., una cum alio Iohannis de Garl. opusculo in codice Dublinensi (Trinity College) D. 4. 9, s. XIII ex., (Schenkl. l.l. 3366) inveniantur, credibile est duo manuscripta in unum coaluisse vel in eodem codice duorum manuscriptorum auctores descripta esse, quorum alterum auctores sex, alterum opuscula medii aevi grammatica adiectis Theodulo atque Catone contineret, qui cum in utroque codice legerentur, semel tantum descripti esse videntur.

11. Fragmentum sex scriptorum sc. Av., Max., St., Cl., ex pleniore libro descriptum, et cum aliis scriptoribus, quibuscum Cato medii aevi temporibus componi solebat (vid. infra p. 43) coniunctum exhibet cod. Bodl. Auct. F. 5. 6, membr., s. XIII ex. vel XIV in., laudatus apud Schenkl. patr. Br. 875. Avianum igitur non Cato et Theodulus praecedunt, sed praecedit liber de Contemptu Mundi, vulgo propter initium Cartula vocatus (ed. ap. Mign. Patr. L. 184, p. 1307, cf. Hauréau l.l. p. 20 et in comm. Des poèmes latins attribués à saint Bernard 1890 p. 1 sqq.).

1) Addendus igitur hic codex est Vollmeri manuscriptorum Iliadis Latinae seriei.

2) Cf. etiam Schenkl. patr. Br. 2945.

Theodulus quidem inter eos scriptores recurrit, qui Claudianum sequuntur: sc. Ovidius de Rem. Am. (cf. infra p. 41), Poenitentarius, *Theoduli* Ecl., Alani Parabolae (ed. ap. Mign. 210, p. 581, cf. infra p. 43), Tobias (ed. Müldener, Gothae 1855, cf. infra p. 42), Ioh. de Garlandia de myst. eccl. Codicis scriptorum seriem ex duobus fontibus derivatam esse inde apparet, quod Ovidii Remedium alioqui cum Maximiano, quippe quem ex libro Catoniano expulerit (vid. p. 39), componi non solet.

*12. Fragmentum eiusmodi codicis olim integri videtur esse servatum in codice miscellaneo Vaticano Reginensi 2080, membr., saec. XIII vel XIV, qui fol. 66^r—95^v praeter Catonem (fol. 66^r—68^v, 72^r—75^v) continet Theodulum (ita tamen, ut nunc partim legatur in medio Catone, fol. 69—71, partim post Catonem, qua de causa de Theodulo hic quoque tacet Bibl. Vat. Catal. ms.), partem posteriorem Aviani (inde a XIV, 2), priorem Maximiani. Non solum posterior Maximiani pars, sed etiam Claudianus et Statius periisse mihi videntur.

13. Fragmentum continere videtur quoque cod. Worchestrensis F. 147, membr. s. XIV in., laud. ap. Schenkl. patr. Brit. 4330. Continet Catonem, Theodulum imperfectum, Claudiani Raptum inde a vs. 25, tum multa alia scripta. Inter Theodulum a fine et Claudianum ab initio mutilos complura folia exsecta sunt; de lacunae ambitu nihil tradit Schenkl, nisi quod etiam cetera codicis scripta foliorum aliquot iacturam passa esse monet. Quodsi codex integrum librum Catonianum sex scriptores complectentem non continebat, ex integro utique originem ducit.

*14. Cod. Leid. XVIII. Lips. 36, m. s. XIV, f. 32. Cont.: Av. (f. 1^v—10^r), Max. (f. 10^r—18^v), St. 19^r—32^v); Geel. Cat. 1852 n. 391. Utrisque mutilus: ut subsistit in Ach. II. v. 449, ita in rasura ante Av. ultimos Theod. v. 341—345 dignosco.

15. Excerptum libri omnes sex scriptores complectentis servavit cod. Par. Lat. 15155, membr., saec. XIII, liber Scti Victoris Parisiensis, qui longam „florum” seriem continet ex variis scriptoribus cum antiquis tum recentioribus decerptorum. Ordinem scriptorum enotavit Hervieux, Avianus (Fabul. Lat. vol. III, 1894) p. 63, postquam complures particulas tractavit Hauréau, Not. et Extr. de quelques Ms. lat. de la Bibl. Nat. vol. IV, 1892 p. 299—315. Primo loco ponuntur Flores *Cathonis*

primi ¹⁾, *Theodoli*, *Aviani veteris*, *Aviani novi* [qui, neque ex Aviano novo vulgari, quem edidit primus E. Grosse, Progr. Königsberg. 1868, postea Hervieux p. 371—411, neque ex aliis Aviani retractationibus excerpti, apud Hauréau p. 300 sq., Hervieux p. 238—241, 475—479 exhibiti, mihi quidem magnam partem paraphrases versuum Catonianorum ad fabulas Aviani applicatorum esse videntur ²⁾], *Maximiani*, *Claudiani*, *Stacii*.

16. Etiam Cod. Berol. Diez. B. Santen. 60, membr. s. XIV, continet „Flores Auctorum”; quos describit E. Voigt, Ysengrimus, 1884 p. 11. Post „Socratem” et „Ieronimum ethicorum in Theodolo” sequuntur: *proverbia ethicorum* (= Catonis), *prov. Theodoli*, *Avianus*, *p. Claudiani*, *p. Stacioli*, *p. Pamphili*, *p. Maximiani*; deinde sequuntur „p. Homeri (Il. Lat.), uersus Ficticii (Eutychie, opinor), p. Horrestis (trag. Orestis), p. Gete” e. q. s. Claudiani maioris Flores postea seorsim sequuntur, cf. quae statim de Claudiani Statiique memoria apud Eberhardum notabo. Notabile est nomen Statii minoris „Staciolus” ³⁾.

17. Memoriam eiusmodi libri Catoniani servavit Laborinthei carminis auctor, quem vulgo Eberhardum Bethuniensem esse putant, sed Eberhardum Alamannicum vel Teutonicum (saec. XIII) esse iam a. 1870 optime evicit Thurot, Comptes rendus, Ac. des Inscr. N. S. VI p. 259 sqq., in scriptione, quae inser. „document relatif à l'histoire de la poésie latine au moyen-âge”. Libri IIIⁱ initio longa series auctorum exhibetur, qui scholae rectori legendi sunt „viribus apta suis pueris ut lectio detur”, ed. apud Leyser. Hist. poet., med. aev. 1721 p. 796 sqq., unde Fabricius Bibl. med. aevi 1734 II. 220, Gottlieb Ueber Mittelalt. Biblioth. 1890 p. 443. Ego locum ad Catonianum librum pertinentem exscripsi Egm. p. 94. Nam primo loco (III. 5 sqq.) exhibetur nostra scriptorum sex series intermixtis paucis aliis argumenti cognati, qui alioqui quoque iisdem locis occurrunt (vid. supra cod. n. 9 et 15 et infra p. 27): C. Th. Av., cui adiicitur Aesopus, Max., cui adiunguntur Pamphili liber de

1) Leguntur quoque — sed fere in fine omnium excerptorum — etiam „Versus Cathonis secundi”, quorum exordium ab Hauréau p. 312 laudatum prorsus discrepat ab illis quattuor Catonis retractationibus Latinis, quas publici iuris fecit Zarneke.

2) Quod postea fusius demonstraturus sum.

3) Quodammodo conferendus est cod. Berol. theol. fol. 381, cf. Voigt p. XII sq.

Vetula et Vitalis Geta, Cl., St. Hos sex una serie esse comprehendendos l.l. monui. Hac ex re apparet, cur ex omnibus auctoribus ab Eberhardo laudatis soli Claudianus et Statius iterum recurrant cum suis uterque scriptis aliis (vs. 41 Claudiani in Rufinum et de consulatu Stilichonis laudantur, vs. 35 Statii Thebais); neque igitur causa est, cur Manitio (Rh. Mus. 47, Suppl., Philologisches aus alten Bibliothekskatalogen, p. 104 n. 3) assentiendum sit, qui putavit Eberhardum videri distinguere inter Claudiani minoris et maiores auctores. Cf. supra ad cod. n. 16.

In horum librorum originem, quantum scio, nemo adhuc investigavit ¹⁾. Unus tantum Th. Birt in Claudiano suo p. CXLVIII n. 2, ut ostenderet quibuscum scriptoribus coniunctus Claudianus minor a ceteris Claudianeis segregatus in codicibus legi soleret, composuit codices supra numeris 1, 2, 3, 4, 6, 9 insignitos, ubicumque omisso Theodulo, qui in serie Catonem excipit.

2. Primordia nostrae seriei iam saeculo IX^o, deinde X^o deprehendere possumus. Tum autem Catonis comes erat Avianus, sive sequebatur, sive praemittebatur, neque Theoduli post Catonem positi vestigium ullum reperiatur; id, quod vix mirandum in carmine poetae, qui demum saeculo IX^o floruit.

Hanc pristinam seriei condicionem testantur codices hi:

*1. Fragmentum codicis membr., saec. IXⁱ, servatum codicis Par. Lat. 8093 foliis 94, 52—59, 95, quae quondam quinionem efficiebant, cf. Bos. p. 80 et 89 n. 1. Fol. 94^r incipit a Cat. IV 32, continet etiam versus Eugenianos (Bos. p. 90 sq.) ²⁾ prologum Aviani usque ad verba — in duo volumina coartavit], quae continuantur fol. 52. Hoc fragmentum una cum praecedenti Catone in fine mutilo (fol. 84—93) adhibitum esse a Petro Pithoeo, cum Catonis editionem a. 1577 (vid. Scriv. p. 28, Bos. p. 75, 76) adornaret et sine dubio quoque cum Avianum in Ep. et Poem. Vet. 1590 ederet, mihi demonstravisse videor Bos. p. 80—90.

1) Nisi forte Manitius de hac re disputavit in comm. frustra a me quaesita: „Zur Überlieferungsgeschichte mittelalterlicher Schulautoren“, in Mitt. d. Ges. f. deutsche Erz. u. Schulgesch. XVI. 1906. Ipse seriei historiam adumbravi Egm. p. 99 sqq.

2) Fere eodem tempore atque ego de hoc „libro quinto Catonis“ disputavit E. Stechert, De Catonis quae dicuntur distichis, Diss. Greifsw. p. 100 sqq.

*2. cod. Voss. L. Q. 86, membr. saec. IX. Post Christianos Aratorem, Prosperum, Tertulliani versus de incendio Sodomae et de Iona incipit fol. 84^r *Cato*, fol. 86^v *Avianus*, tum post varia carmina Anthologiae Latinae (vid. Riese I. 1, p. 306 sq., p. 350, cf. etiam Bos. p. 73 et n. 1) Alcimus Avitus et Isidori *Ars gramm.*

*3. cod. Trev. 1093 (olim 1464) membr., saec. X. Post Prudentium, Boethium, Sedulium, Aratorem, fol. 232^r *Avianus*, fol. 241^r *Cato*.

4. Codicis instar est accurata codicis descriptio in Catalogo Bibliothecae Cluniacensis (Cluni), scripto inter annos 1158—1161, quem edidit Delisle, le Cabinet des Ms. II p. 459 sqq. Est codex n. 526: „volumen in quo continentur Iuvenius, Sedulius, Arator, Prosper, quoddam metrum Tertulliani, *Cato*, *Avianus*, quaedam diverse collectiones versuum diversorum actorum, libri Archini (Alchimi vel Alcuini coni. Del., Alehimi nimirum recte), ars Isidori de grammatica et de disciplinis aliarum artium”. Qui codex quoddammodo convenit cum Leidensi supra laudato; etiam comparari potest cum *cod. Ambros. C 74 sup. saec. IX, ex coenobio Bobiensi oriundo, qui tamen in mediis Christianis unum Catonem sine Aviano exhibet: sc. Venantium Fortunatum, Aratorem, Paulinum Nolanum, Prosperum, Iuvenium, *Catonem*, Theodulphum, Isidori versus de titulis Bibliothecae ¹⁾. Accurate hunc codicem describit Leo in praef. Venantii Fort. p. vi.

Praeterea has talium codicum memorias ex Bibliothecarum medii aevi catalogis collegi ²⁾:

1. Ecclesia Pataviensis (Passau), anni 903, Becker 28 nr. 35: Carmen aritoris(!) subdiaconi in actus apostolorum et libri *Catonis* IIII et fabule *avieni*, et plauti aularia(!) ³⁾ et formatas

1) Hic codex in catal. Bob. s. X (Becker 32 nr. 498) sic breviter recensetur: „librum Fortunati unum, in quo est Paulinus Arator Iuvenius Cato”.

2) Non omnes, quotquot sunt catalogi editi, examinandos duxi, ne libris saepius remotissimis conquirendis disquisitio mea nimis in longum traheretur; qua de causa eos tantum catalogos resperi qui editi sunt apud Beckerum vel in libris, ad quos mihi patebat aditus. Manittii liber (Philologisches aus alten Bibliothekskatalogen, Rh. Mus. 47. Suppl.) indicavit saepissime mihi fontes, ad quos omnino recurrendum erat, quia ex illius viri cl. opere laborioso saepius videri nequiret, cum quibus scriptoribus singuli auctores in catalogis coniuncti legerentur.

3) Sc. Querolus. Cf. Manittius p. 101.

epistolas ¹⁾ et martyrologium metro compositum et opus Wan ²⁾ Dyaconi in ministerium celebrationis misse et explanatio in Genesin in uno corpore.

2. Egmondanum Monasterium acquisivit inter annos 1057—1161 „donatum utrumque catonem avianumque in uno volumine”, vid. Kleyn, Arch. v. Ned. Kerkgesch. II p. 153. Quae notitia eo pluris aestimanda est, quod postea eadem Bibliotheca exemplar adepta est, in quo omnes poetae sex legebantur, sc. cod. Vat. Reg. 1556 (sup. p. 18), quod ideo in catalogo commemorari non videtur, quod eo temporis spatio (1264—1385), utique saeculo decimo quarto, acquisitum est, ex quo de additamenti huius Bibliothecae nullae ad nos pervenerunt notitiae. Vid. Egm. p. 98 sq.

3. Monasterium Stae Mariae Aniciensis (Puy) (Delisle, le Cabinet des Ms. II p. 443) s. XI: *Primus* liber est Donati, in quo continetur liber Catonis, Aviani atque Prisciani liber minor. IIII.

4. Ibid. nr. 8 p. 444: Est et liber Catonis cum Prisciani de formatione et grammatici Focce (i. e. Phocae, Gr. Lat. V. 410 K.) et Persii Prudentii de Sichomachia atque Aviani liber. VI.

5. Coenobium Blavibornense (Blaubeuern) [1085—1101], Becker 74 nr. 72: Sedulius Cato Avianus.

6. Bibliotheca Aquiscinctina (Anchin), saec. XII. Becker 121 nr. 78: Cato cum Avieno I; 83 Avienus I cum Catone.

7. Ecclesia Fabariensis (Pfäfers), 1155, Becker 94 nr. 108: Cato Avianus in uno volumine.

8. Monasterium Murense (Muri), saec. XII, Becker 122 nr. 116: Cato et Avianus in uno libello.

9. Bibliotheca Cluniacensis (Cluni), vid. supra; nr. 562: volumen in quo continentur Avianus, Cato et libri fabularum Esopi Graeci, et quiddam de Ioanne evangelista.

De Catone eiusque asseclis nondum sermo est in libello scolastico, quem Vitae et Passioni Seti Christophori Martyris prae-

1) Cf. Tractatus, qui incipit: „qui formatam epistulam facere vult” in cod. Sti. Eugendi (St. Oyan, nunc St. Claude) 2 f. 112^v, laud. apud Vollmerum, Zum Hom. Lat. p. 6. Cf. L. Rockinger, Briefsteller und Formelbücher des XI. bis XIV. Jhrts. München. 1863.

2) Cf. Manitius, G. d. l. L. d. MA. p. 560.

misit Waltharius Spirensis (a. 983) ¹⁾; quem vero libri Catoniani statum primum codices et catalogorum memorias testari vidimus (C., Av.), eundem iam ostendit Conradi Hirschaugiensis (1070—1150) *Dialogus* (inter discipulum et magistrum) super Auctores sive Didascalon (ed. Schepps, Würzburg, 1889). Hoc ordine in hoc dialogo de auctoribus disputatur: *Donatus, Cato, Aesopus, Avianus, Sedulius, Iuvenus, Prosper, Theodulus, Arator, Prudentius, Cicero, Sallustius, Boethius, Lucanus, Horatius, (Ovidius), Iuvenalis* (?), *Homerus* [sc. *Latinus*], *Persius, Statius, Vergilius* ²⁾.

In hoc ordine Aesopus (i. e. Anonymus Neveleti, inc. ut iuvet etc.) Avianum comitatur, ut apud Eberhardum, in cod. Amploniano (infra p. 34), in cod. Sorbonae (p. 35), apud Richardum de Fournival (p. 36) et saepius (p. 40 sqq.). Notatu imprimis dignum est sequi post primariorum scriptorum seriem (Don., C., Aes., Av.) seriem poetarum Christianorum sex, in quibus Theodulus, qui tum nullo modo cum Catone atque Aviano erat coniunctus, suum habebat locum. Sic explicatur, qui Theodulus una cum Christianis invenitur; v. c. „Sedulium et Theodulum in uno uolumine” possidebat Bibliotheca Rodensis (n. 156, ed. van Gils, *Handelingen van het V^e Ned. Philol. Congres*, Amsterdam, 1907 p. 128—156). Ex hac primariorum Christianorumque poetarum coniunctione explicationem habet, cur Catonem atque Avianum una cum poetis Christianis in codicibus et catalogis inveniantur (vid. supra p. 25). Cato solus quoque saepius in iisdem atque Christiani manuscriptis legitur; de Ambrosiano iam diximus; Bobiensis Catalogus (nr. 409) quoque commemorat: librum in veteri testamento conscriptum metricè in quo continentur Alchimi et Catonis. Sed de Catone solo cum Christianis coniuncto quæ habeo adnotata nunc non proponam, ne ab instituta disquisitione de „libro Catoniano sex scriptorum” orto ex Catone atque Aviano coniunctis diutius detineamur.

1) Cf. Vualtheri Spirensis *Vita et Passio Sancti Christophori Martyris*, ed. W. Harster, München 1878, p. 15 sqq. Eiusdem Walther von Speier, ein Dichter des X. Jahrhunderts. Speier 1877 p. 17 sqq.

2) De Ovidio magister interrogantem discipulum consulto certiore non facit vid. infra p. 32; de Terentio, quamquam quid de eo sit accipiendum rogat discipulus, p. 67 non disputatur; post Iuvenalem (70) textus corruptus est ita, ut iudicari nequeat utrum revera de eo fiat sermo necne.

3. Quod „libri Catoniani” ambitus crevit Catoque ab Aviano procedente tempore seiunctus est, id non explicari potest nisi mutatione in „ordine auctorum”, qualem Conradus exhibet, facta. Videamus igitur, num huius mutationis extent vestigia.

Omnes illos auctores vel magnam partem eorum si nullus codex extaret qui contineret, vix esset nobis mirandum. Maior enim est scriptorum omnium series prope pro unius codicis ambitu. Eo magis laetandum, quod longam eamque paulum immutatam scriptorum seriem ostendit codex, membr., saeculi XIIIⁱ, olim monasterii Cistercii Cabilonensis (Cîteaux), nunc bibliothecae Divonensis cimelium, n. 497, qui describitur in Cat. gén. des Ms. des départ. vol. V p. 117—123. Aetatem ordinis scriptorum multo superiorem esse codicis ipsius scriptura inde apparet, quod cod. Voss. L. O. 89, ut uno saeculo aetate superior, ita iam recentiorem ordinis condicionem ostendere videtur. Neque Divonensis integrum ordinem, quem repraesentat, reddere videtur neque ipse integer servatus est. Nam perierunt quattuor folia 264—267, in quibus ipsi illi scriptores, ut libri integri elenchus in fronte libri servatus docet, olim scripti erant, quibus nobis in disquisitione nostra opus est, sc. *Psychomachia* Prudentii inde a v. 768, *Theodulus*, *Maximianus*, initium Donati. Quod autem ordinem scriptorum in Divonensi quodammodo turbatum esse dicebamus, id cum sana ducti ratione tum alio codice comparato affirmare possumus.

Continentur vel continebantur in cod. Divon., qui non solum propter ingentem scriptorum numerum — tribus est exaratus columnis — sed etiam alio nomine ¹⁾ memorabilis est, auctores hi: Statius (Th., Ach.), Vergilius (B., G., Aen.), Horatius (Od., A. P., Ep. Sat.), Lucanus, Persius, Iuvenalis, Ovidius (Fast., Met., sine titulo [= Amor.], Trist., ex P., Ib., Rem., A. A., Her., de nuce, de lupo ²⁾, de pulice), *Avianus* (inc. f. 245^v col. 2), *Cato* (f. 247^v col. 2), *Homerus* (f. 248^v col. 1), Sedulius, Prosper, Prudentius (Psych.), Theodulus, Maximianus, Donatus.

1) Distichis enim Catonis praemittitur inscriptio: „*incipit liber Catonis ad filium*”. Cf. Bos. p. 71.

2) Carmen de lupo ed. E. Voigt, Kleinere Lat. Denkmäler der Thiersage 1878 p. 58 sqq., qui hoc ipso codice usus est (p. 2).

Quod Donatus agmen claudit, Avianus atque Cato in medio positi sunt, demonstrat scribam inverso ordine seriem genuinam reddidisse. Nimirum pristinam formam seriei hanc fuisse necesse est: 1) Donatus; 2) Av., Cato, Hom., Sed., Prosp., Prud., Th., Max.; 3) Stat., Verg., Hor., Luc., Pers., Iuv., Ov. Confirmat hanc suspicionem cod. Etonensis (Langobardicus) s. XI, de quo infra fusius disputabo, in quo ultimi scriptores secundae particulae, primus tertiae sese excipiunt: Theod., Max., St. Achill. etc.

Ut apud Conradum, in hoc ordine Divonensi restituto tria genera scriptorum distinguere possunt, sc. elementares, Christiani poetae, gentiles poetae, ita tamen ut elementaribus scriptoribus accesserit Homerus Latinus in Div., qui adhuc inter gentiles est apud Conradum, primoque loco apud Waltharium legitur inter poetas Latinos, quibus poeta Spirensis post institutionem elementarem operam dederat (p. 22 vs. 93 ed. Harster). Theodulus vero — quem apud Waltharium inter scriptores scholasticos nondum nominari non mirum est — ne apud Conradum quidem Christianos reliquit. Qui quomodo locum mutare potuerit, ex ordine auctorum in „*introductionibus*” vel „*accessibus*” medii aevi conscriptis perspicitur.

4. Iam primum mihi adhibendus est ordo, quem voco Palatinum. *Cod. enim Vat. Pal. 242, m., s. XII, „ex monasterio b. Marie Magdalene in Franckentall inter Spiram et Wormatiam situato canonicorum monachorum”¹⁾, f. 74—80 continet fragmentum introductionum seriei in scriptores hos: de Catone Censorino et Uticensi²⁾; inc. p. 74 duo catones erant rome censorinus cato et uticensis, p. 75^r expositio fabularum aviani et quis fuit, 76^v de maximiano et quis fuit, ib. de homero, 77^r de Theodolo quis fuit et quae scripsit³⁾, 77^v de aratore, ib. de prospero aquitanico, 78^r de sedulio, 78^v de prudentio,

1) Hanc originis notitiam, cum mirum in modum in Stevensoni Catalogo non commemoretur, in ipso codice animadvertere neglexi. Legi autem eam fol. 118 monet Hervieux Av. p. 106.

2) Incertum sum hodie utrum hunc primum titulum ex codice ipso asciverim an ex catalogo.

3) Iniuria igitur hunc codicem in numero Theoduli codicum recenset Osternacher 1902, nr. 111.

79^r de ovidii de amore, ib. de remedio amoris, 79^r ovidii de ponto, 80^v ovidii tristium, 80^v ovidii epistularum, in cuius paginae fine fragmentum desinit. Secundo loco in censum venit ordo Monacensis, servatus in cod. Monac. 19475, membr., saec. XII (ex mon. Tegernsee), qui ordinem Palatinum iam aliquantum turbatum praebet, incipit enim ab accessu Ovidii epistularum et Prudentii, quorum illae a ceteris Ovidianis, hic a Christianis seiungitur, inseritur inter Homerum et Theodulum Physiologus, qui etiam in cod. Mus. Br. 21,213 olim post Avianum et Aesopum legebatur. Ordo Monacensis (accuratiorem notitiam, quam quae praebetur in Catal. Mon., debeo comitati Vollmeri) hic est: p. 1^r Accessus Ovidii epistularum, p. 1^v Prudentii, p. 2^v Catonis, Aviani, p. 4^r Maximiani, Homeri, p. 4^v Phisiologi, Theodoli, p. 5^r Aratoris, Prosperi, p. 5^v Sedulii, Ovidii de am. arte, p. 6^r de rem. am., de Ponto, p. 6^v Tristium, p. 7^r sine titulo (= Amor.), Fastorum, p. 8^r Lucani, p. 9^v Tullii (inc. Cato perfectus in lingua Latina transtulit se in Graeciam), p. 10^r Paradoxorum Tullii.

Etiam in his accessibus ¹⁾ Homerus Latinus ad elementares, Catonem Avianumque, accessit, Theodulus autem adhuc versatur in Christianis — ex sex apud Conradum, in ordinibus Pal. et Mon. quinque, omisso Iuvenco, quattuor in Divonensi, omisso insuper Aratore, supersunt —, attamen cum in Div. elementaribus auctoribus nondum appropinquaverit, in Pal. et Mon., in primo Christianorum loco positus elementares excipit. Quid? Quod paulatim Theodulus, qui Catonem, Avianum, Homerum subsequabatur ut primus Christianorum, ab his seiunctus illis accessit, ita, ut qui elementares seorsim describerent, seriem elementarem hunc in modum componerent: Catonem, Avianum, Homerum, Theodulum ²⁾.

1) Etiam cod. 19474, idem olim Tegernseeensis, s. XII, accessum atque eum breviorum continet, cuius rationem habere necesse non habui: f. 59 Accessus Catonis, Aviani f. 66 Ovidii de amore, Catonis Tullii, Homeri graeci et latini, f. 69 Aratoris, Ovidii libri amandi, Theodoli, Sedulii, Ovidii epistularum.

2) Memorabilis est ordo in quo leguntur libri, quos frater Hugo divo baptistae Ioanni contulit, cum et se ibidem monachum induit" (Becker 74 Blaubeuern, vid. supra); post Prudentium et Sedulium leguntur 103 Homerus, 104 Avianus, 105 Cato, 106 Aesopus, 107 Dares, 108 Theodulus etc.

Huius seriei specimen exhibet *cod. Voss. L. O. 89, m., saec. XI: C., Av., Hom., Theod. (= liber Paradisi). Mediam huius seriei partem (Av. Hom.) praemisso poeta Christiano (Aratore), sequente gentili (Persio) continet cod. Laur. pl. 68. c. 24, saec. XI, de quo vid. Bandini II. 850, cf. F. Vollmer¹⁾, Zum Homerus Latinus, SB. Bayr. Ak. 1913, Abh. 3 p. 8. Aliam huius seriei partem servavit cod. Monac. 19462 (Tegernseeensis) saec. XII, qui Homerum et Theodulum continet; cf. Vollmer p. 9.

Quoniam in cod. Voss. Theodulus statim post Homerum sequitur, ut in accessibus Pal. et Mon., neque tamen Avianus et Homerus, ut in iisdem accessibus, a Maximiano dirimuntur, ordinem auctorum, ex quo liber Vossianus deductus est, necesse est tenuisse medium locum inter ordines Divonensem et Palatinum, ita ut parvus nucleus duorum auctorum, Catonis et Aviani, quem etiam Conradus praebet, primum Homero Latino, ex gentilium poetarum serie adscito, adauctum esse sumamus, deinde Theodulo, in Christianorum poetarum serie primo loco collocato, tum *Maximiano*, quem Pal. et Mon. inter Av. et Hom. exhibent, de quo nunc disputandum est. Libri autem Catoniani progressum sic proponere possumus:

Codices s. IX. X, catalogorum s. X	}	C. Av.
et seq. memoriae		
Conradi ordo		
Divonensis ordo		C. Av. Hom.
Ordo, quem repraesentat Vossianus		C. Av. Hom. [Th.
Vossianus codex		C. Av. Hom. Th.
Palatinus (Mon.) ordo		C. Av. Max. Hom. Th.

Aetates horum ordinum scriptura ipsorum codicum, in quibus sunt servati, superiores esse, neque quo temporis ordine codices, eodem scriptorum series sese temporibus excipere, iam supra p. 28 verbo monui.

5. In Conradi ordine qui locus *Maximiano* assignatus fuerit, non amplius constitui potest. Qui scriptor de Ovidio, poeta

1) Vollmero maximas habeo gratias, quod, cum plagulas suae commentationis utendas mihi commisit, fructus ex ea capere iam potui, cum liber eius sub prelo esset.

medii aevi temporibus eximie adamato, magistrum sic discipulo praecipientem facit (p. 66 Sch.): „rationabili spiritu duceris mentem avertens ab errore falsitatis, quia etsi auctor Ovidius idem in quibusdam opusculis suis idest fastorum, de Ponto, de nuce, et in aliis utcumque tolerandus esset, quis eum de amore croccitantem, in diversis epistulis turpiter evagantem, si sanum sapiat, toleret?“, eum Maximianum, amorem senilem profitentem silentio praeteriisse, non est quod miremur ¹⁾. In ordine Divonensi, quem Etonensi codice confirmari monui, Maximianus sequitur Christianos ut primus gentilium poetarum neque est causa, cur eius in ordine locum Conradi temporibus alium fuisse putemus. Hoc quoque loco eum inventum esse consentaneum est ab illo viro, qui a ceterorum auctorum ordine secrevit Vossianam seriem, quippe in qua auctores arte coniunctos (C., Av., Hom.), puerorum institutioni aptissimos, quamquam Theodulo iam auctos, nondum perruperit eroticus.

Certum annum, quo Maximianus se iam applicuerat Aviano, invenimus ex testimonio Aimerici grammatici, qui seriem quinque auctorum omnium testari videtur.

Hic Aimericus scripsit anno 1086 librum de arte lectoria, cuius libri specimina edidit Thurot in ser. „documents relatifs à l'histoire de la grammaire au moyen-âge (Comptes rendus, Acad. des inscr. 1870, p. 244 sqq.). In hoc opere excursus invenitur de generibus scriptorum praesertim Christianorum; corollarii loco disputatur quoque de gentilibus, qui eodem modo dividuntur atque Christiani, ita tamen, ut quattuor Christianorum genera laudentur, quartum gentilium genus cum Christianorum genere eodem conveniens absit. Locum, qui parum laudatur ²⁾, pro parte describam (Thurot p. 249): „Et super omnia hoc notandum, quoniam, sicut genera metallorum quatuor illa, aurum, argentum, stagnum, plumbum, sic et genera scripturarum quatuor ista, autentica, agiographa, communia, apocrypha. Libri autentici, quos canonicos id est regulares vocamus, quos non humano sensu, sed dei spiritu editos scimus ad illuminandum genus humanum, — sunt itaque in illo primo genere libri isti, quibus

1) Cf. etiam Schepps p. 13 et n. 1.

2) Parvum excerptum dedit Gottlieb p. 13, quod adhibere solent v. d.

sicut proprio ori dei credimus: Libri Moysi V liber Apocalipsis. Hi libri XXX sunt in *aureo* genere primo. Et isti in *argenteo*: liber Danielis prophete epistola ad Hebreos. Liber epistolarum Cipriani Martiris et omnes ceteri qui stant libri in *stagneo* genere sunt communes, ut Beda, Sedulius, Prudentius, Arator et ceteri expositores. Passiones martirum, sanctorum et vitae, quorum ignorantur scriptores et in quibus magis fabule quam veritas mera et magis adulatio quam vera rei expressio, et libri Origenis et caetera repudianda; in quarto genere *plumbeo* inter apocrifos numeramus. . . . Scripturas stagnneas et plumbeas in testimonium non adduces nec adductas recipies. Cave ne more asini seducaris sed statim iudica, cuius auctoritatis et gradus sit quicquid scriptorum audieris. Tu quoque, si dicere quid volueris, sententias tuas per aureos triginta libros regulares et autenticos confirmabis. *Item apud gentiles sunt libri autentici*, hoc est *aurei*, artes VII, auctores VIII; artes: grammatica, rhetorica, dialectica, musica, arimetica, geometrica, astro(n)omia; auctores Terentius, Virgilius, Oratius, Ovidius, Salustius, Lucanus, Statius, Iuvenalis, Persius. Sunt inde in subgradivo genere, hoc est *argenteo*, Plautus, Ennius (Emius cod.), Tullius, Varro, Boetius, Donatus, Priscianus, Sergius, Varus, Plato translatus (nam in origine linguae suae inter primos est in aureo genere. Cur vero in translatione degradatus sit non est hic disserere). In tercio, hoc est in *communi* genere alteros pones, *Catunculum*, *Homerulum*, *Maximianum*, *Esopum*. Ceteras scripturas hinc edoctus per te ipsum iudica."

Manifestum est quinque hos scriptores gentiles, qui in communi vel stagneo genere ponantur, repraesentare „librum Catonianum” talem, qualis ex ordine „Palatino” facile segregari potuerit. Series scriptorum perturbata grammatico neglegenter laudanti imputanda est, neque Theodulus omissus cuiquam persuadebit in Aimerici libro Catoniano adfuisse Maximianum, afuisse qui iam ante illum in elementarium scriptorum seriem receptus esset, Theodulum. Grammaticus nimirum Theodulo, utpote Christiano, a scriptoribus gentilibus communibus seposito sine dubio locum assignavit inter Christianos communes, „ut Beda, Sedulius, Prudentius, Arator et ceteri expositores”. Eum

Theodulum novisse constat: laudat *Eclogae* versum 133 (Thurot p. 248). Itaque librum Catonianum, complectentem C. Av. Max. Hom. Theod., iam anno 1086 exstitisse constat.

Extat autem testimonium, quo multo antea Maximianum Aviano se adiunxisse videri possit. Volo *codicem Vat. Reg. 1424, membr., qui constat duabus partibus, quarum prior pars fol. 1—90 olim fuit Petri Danielis (f. 90^v legitur *ce liure app. . . a monsiē Daniel*), altera pars tantum f. 91—95 complectitur, quam nunc non curamus. Codex, qui aliquamdiu Parisiis quoque in Bibliotheca Nationali commoratus est, iam saec. X sive s. X/XI scriptus est; continet f. 4^v Catonem, f. 20^r—34^v Audradi librum de fonte vitae, f. 35^r—56^v Avianum (imperfectum, usque ad fab. XL. 4, cf. Hervieux Av. p. 116), f. 57^r—59^v Maximiani El. I. 1—120 (cf. Baehrens P. L. M. V p. 315), f. 60^r fragmentum quoddam de tribus Gorgonibus (quod non in catalogo Vaticano msto laudatur), inc.: *Forcus rex tres filias Gorgones habuit*, f. 60^v Persius etc. Traube vero, qui de hoc codice in Audradi carminum prooemio (Poet. Aev. Carol. III. 70) disputat, monet has et ceteras codicis particulas antiquitus non cohaesisse; quod codex igitur Catonem . . . Avianum, Maximianum continet, id non pro testimonio antiquo de Maximiano Aviani assecla habendum est; fortasse is, qui libri particulas concinnavit, libri Catoniani speciem imitari voluit.

Fragmentum „libri Catoniani” quinque scriptorum habebat Ecclesia Dunelmensis (Durham), ut demonstrat Catalogus s. XII (Becker 117) n. 341: *Maximus(!) cum Omero* (praecedit 340: *Maximianus*). Attamen eadem Bibliotheca habebat quoque librum, in quo iam Theodulus statim post Catonem legitur, nr. 365: *Cato cum Theodulo et Persio*. Est igitur fragmentum seriei, quam iam tractaturi sumus.

6. Haec quinque scriptorum series quae fata passa sit, nunc explicabimus. Proximam enim Catoniani libri condicionem unus tantum codex testatur, sc. cod. Pommerfeldensis (Gräfl. Schönbornsche Bibl.), 2671, olim Amplonianus, cuius tertia pars saeculi XIII vel XIV continet foliis 51: C., Th., Aesop., Av., Hom. Lat. usque ad vs. 578, cetera folia perierunt. Describit codicem E. Voigt, Ysengrimus 1884, p. vi, cf. praeterea W. A.

Oldfather New Material for the study of Avianus (Transact. and Proc. of the Americ. Phil. Ass. 1911, vol. XLII p. 111) et Vellmer, Zum Hom. Lat., S. B. Bayr. Ak. 1913, Abh. 3 p. 8. Deest sane iam Maximianus, quod non admodum mirandum est (cf. supra p. 32), sed in exemplari, ex quo hic ordo perscriptus est, sine dubio olim adfuit. Theodulus vero, qui iam antea temere in Catonianum librum ex Christianorum serie receptus erat, locum iam mutaverat in illo exemplo et principem post Catonem locum occupaverat, quem postea semper obtinebat. Quo factum, ut, cum series Catonianorum scriptorum postea magis magisque diminueretur, Theodulus post Catonem solus relictus, scribarum temeritate, non suo merito insignem in eruditione medii aevi primaria locum acquisiverit. Homerus ex Catoniana serie excessit: in Floribus Parisiensibus et apud Eberhardum Ilias quidem locum habet, sed a libro Catoniano, quem auctorum seriei praeposuerunt, omnino secreta, in illis temere inter Architrenium ¹⁾ et Sedulium collocata, apud hunc una cum Darete Phrygio consulto coniuncta; in Floribus Berolensibus statim post totum librum Catonianum sequitur.

7. Nova mutatio inde orta est, quod ex serie C., Th., Av., Max., Hom. abiecta est Ilias Latina. Itaque series quattuor scriptorum C., Th., Av., Max. nata est, quae postea cum Statio et Claudiano coniuncta sex auctorum seriem, cuius testimonia initio huius scriptionis laudavi, efficit.

Testimonia autem seriei quattuor scriptorum pauca, quippe quae mox duos reliquos (St. et Cl.) asciverit, haec sunt:

1. In magna Sorbonae „bibliotheca” in scamno vicesima (V) insignitus litera n initio saeculi XIV¹⁾ catenatus erat talis liber auctorum quattuor, scriptoribus iisdem intermixtis, quos sex scriptorum seriem perrumpere vidimus apud Eberhardum. Quod „magnae bibliothecae” Catalogus ipse (ed. Delisle, le Cab. des Ms. III. 77) non indicat, quippe qui saepius titulos librorum neglegenter afferat vel adeo prorsus omittat, id luculenter apparet ex opere laborioso, quod suscepit Ioannes quidam „presentis collegii de Sorbona quondam inter eius membra unum

1) Iohannis Altavillensis liber.

de minimis" (cf. Delisle, II. 182, III. 80), qui saec. XIVⁱ initio repertorium eiusdem „librariae" composuit (ed. Delisle, III. 80 sqq.). Inveniuntur autem inter „auctores grammaticales in metro" Cato, Theod., Avian., Esopus, Max., Pamphilus, Geta singulis scriptoribus praemissa nota Vn atque adiecto cuiusque libri exordio. In tota serie scriptorum nullum alium librum inveni eadem nota apposita; itaque neque Statium neque Claudianum continuisse hunc codicem certum est. Hunc librum eo libentius laudo, quia Manitium, qui alterum librum Catonianum Sorbonae (vid. infra p. 42) laudavit (Rh. Mus. l.l. p. 75), haec catalogi memoria effugisse videtur.

2. In *Biblionomia*, quem *Catalogum bibliothecae fictae* composuit Richardus de Fournival, qui vixit circa annum 1250 (ed. Delisle, *le Cab. des Ms.* II. 514 sqq.), in „*tabula undecima areole philosophice opera poetarum etiam continente*" exhibetur nr. 126 p. 532: „*Censorini Catonis et Theodori libri ethici, Aviani et Esopi libri apologetici. Maximiani Pamphili et Getae libri amatorii in uno volumine*". Richardus saepius genuinorum codicum memorias servasse monuerunt et alii et Manitius l.l. p. 1 sq., Birt *Rh. Mus.* 1909, 396. Claudianum de R. Pr. eadem tabula nr. 122 legitur una cum ceteris Claudiani scriptis; itidem Statii Achilleis tabula praecedenti n. 111, una cum Thebaide. Richardi notitia igitur prorsus convenit cum libro Sorbonae supra laudato, nisi quod scriptores in tria genera divisit. Credibile est Richardum hunc ipsum librum catenatum Sorbonae ob oculos habuisse.

3. Huc quoque pertinere videtur „*liber Catonianus*", quem novit Hugo de Trimberg, qui a. 1280 *Registrum multorum auctorum* composuit (ed. Huemer, *Sitz. Ber. Wiener Ak.* vol. 116, 1888 p. 145—190). Divisit Hugo scriptores in tres „*distinctiones*", sc. ethicorum maiorum (= scriptorum gentilium)¹⁾, theoricorum (= Christianorum), ethicorum minorum. In his ethicis minoribus Catoniani scriptores primo loco positi sunt:

Vs. 673: Virtutum expositor, regulator morum

Cato prior sedeat in ordine minorum.

1) Sed insunt in posteriore huius distinctionis parte etiam complures scriptores medii aevi.

700: Catonem in ordine sequitur Esopus.

705: Hunc sequitur per avia stolpus Avianus,

724: Avianum sequitur hic Maximianus.

730: Maximianum sequitur Pamphilus lascivus.

Statim post Iuvenalem Persium, Lucanum, Statium in parte prima affertur Homerus Latinus (vs. 154), quem si Hugo adhuc in Catoniano libro offendisset, post Maximianum sine dubio laudavisset. Suus Theodulo, utpote Christiano, in secunda parte (520) erat locus. Claudianus et Statius minores una cum ceteris eorundem poetarum afferuntur in parte prima (267 exordium Raptus: inventa secuit etc.; 152 exordium Achilleidos: magnanimum Eacidem etc.), aliter res sese habebat apud Eberhardum, qui primum Cl. et St. min. cum libri Catoniani scriptoribus afferebat, deinde alia eorundem scripta seorsim. Qua de causa suspicor Hugonem haec duo scripta nondum post Maximianum invenisse in libro suo Catoniano; quamquam fieri potuisse concedo, ut in libro suo Catoniano sex inveniret auctores neque mythologici argumenti carmina a ceteris eorundem poetarum scriptis dirimere vellet ¹⁾. ²⁾.

8. Quattuor auctorum series duobus modis mutationem passa est: nam sive aucta sive diminuta est.

Series aucta est ideo, quod, cum Cato et Theodulus, ut Richardus de Fournival indicat, argumenti esse viderentur ethici, Avianus apologici, Maximianus erotici, erant, qui desiderarent

1) Moneo scriptorum seriem quoque legi sermone ligato in cod. Escorial. O. III 17 (Loewe Hartel, Bibl. Patr. Lat. Hisp. S. B. Wiener Ak. 112 p. 213). Est carmen quod agit de universitate Bononiae, manu saec. XIII conscriptum. Enumerantur scriptores, quibus ibi apud Ambrosium quendam operam dabant, ex quo fragmentum laudatur hoc:

Dolens pro Ambrosio dolet priscianus
Donatus uirgilius prosper et lucanus
Cato et boetius statius alanus
Seneca ovidius plato claudianus.

2) In errorem inducere potest notitia libri Monasterii Rastedensis (circa a. 1150) apud Beckerum (87 n. 26): Theodulum, Catonem et Ivarum (Alvarum? Becker in indice p. 315, Avianum diceres coll. cod. Cautabr., infra p. 41); at vide quanto Chronicon Rastedense iam a. 1870 in Mon. Germ. Scr. XXV editum praestet editioni Meibomii in Scr. Rer. Germ. II 96 (a. 1688), qua usus est Becker p. 503: item et Theodulum. Cathonem et ymnarium Prudencii in uno volumine.

carmina argumenti mythologici arriperentque carminum materiem mythologicam tractantium librum, quem cum quattuor „Catonianis” poetis coniungerent. Talis liber mythologici argumenti facile oriri poterat, postquam Statii Achilleis seorsim a Thebaide describi et cum opusculis cognati argumenti coniungi coepta est. Quod duabus viis factum est: sive Achilleis componebatur cum Iliade Latina propter argumenti coniunctionem, sive cum Claudiani Raptu Proserpinae, quem „separatum a carminibus reliquis (Claudiani) per medium aevum iisse notum est” (Birt praef. in Claud. p. cXLVII, de Claudiani minoris codicibus), propter Claudianum Statii imitatore, nam ut Statius Vergilium sic Claudianus Statium imitatus est (cf. Kohlmann, praef. in St. Theb. 1879 p. VI). Ex codicibus, qui tantum Statium minorem cum Iliade continent hos nomino:

1. cod. Guelpherbytanus, Extrav. 301 saec. XII—XIII. Vollmer p. 8.

2. cod. Vindob. 153, membr. s. XIV; Endlicher CCLIII, Tab. cod. Mss. Vind. I p. 21. Vollm. p. 16.

3. cod. Vindob. 267: Statium, membr. a. 1431, Homerum, chart. a. 1463 conscr. continens; Endlicher CCLV, Tab. cod. Mss. Vind. I p. 37. Vollmer p. 16.

Statii autem Achilleida una cum Claudiano minore continent cum alii tum hi cod.:

1. cod. Florent. bibl. St. Crucis pl. XXIV s. n. 12, saec. XII; inde a fol. 49. Fol. 49—69 St. Ach., alia manus eiusdem aetatis inde a fol. 70 exaravit Claud. Raptum. Birt p. CLII.

2. cod. Dresdensis Dc 157 saec. XIII, fol. 1—24 St. Ach., 25—50 Cl. Rapt. continens. Birt p. cXLVIII n. 2 et Schnorr von Carolsfeld, Catal. cod. Dresd. I 325.

3. cod. Antverpiensis N 71, saec. XIV. fol. 1—18 St. Ach., 18—37 Cl. Rapt. „Fol. 37 olim codicis postremum fuit” Birt p. CLII.

Huc quoque pertinet „accessus” cod. Florianensis 587 (vid. Czerny, die Handschriften der Stiftsbibliothek St. Florian, Linz 1871 p. 199) ¹⁾. Incipit in nova parte manuscripti f. 124^a Statii Achilleis, manu saec. XIII exarata, usque ad f. 133^a, tum eadem

1) Cf. Schepps p. 11.

pagina incipit accessus sive „praeambula” in Statii Achilleida, in Claudiani de Raptu Proserpinae, in Aesopum, in Matthaei Vindocinensis Tobiam (qui saepius una cum Catone et Theodulo legitur, vid. infra).

Libro mythologico, qui Statium et Claudianum complectebatur, auctoribus quattuor C., Th., Av., Max. adiecto tandem liber Catonianus sex scriptorum continens ad finem perductus est, nisi quod Statius saepe Claudiano postpositus sex scriptorum ordinem claudebat. Non esset mirandum, si alter quoque liber mythologicus, Statium et Iliadem Latinam continens, quattuor scriptoribus additus esset; quod si factum esset, Homerus, qui prius ex Catoniano libro inter Maximianum et Theodulum evanuerat, in fine libri positus postliminio rediisset. Attamen talis scriptorum sex seriei nullum novi exemplum; nisi forte vestigium deprehendi potest in cod. Bodl. Auct. F. 2. 4 saec. XII (XIII) (Schenkl patr. Brit. 823), in quo praeter fragmentum libri Catoniani (Th. Av.) Prudentiolo (Dittoch.), Phoca, Persio, ut saepius adauctum, leguntur Ilias et Achilleis aliis opusculis intermixtis.

9. Ut scriptorum quattuor series adaucta est, ita ab altera parte immutata est et diminuta. Iam primum Maximiano, qui minus idoneus discipulis videri posset, aliud amatorium carmen, quod minus animis puerorum esset nociturum, medii aevi temporibus admodum adamatum, substitutum est, sc. Ovidii Remedium Amoris. Seriem ita ortam (C., Th., Av., Ov. de R.) testatur *cod. Campensis, nunc archii oppidi Kampen in patria nostra, numero 2843 insignitus. Quamquam originem codicis, subscriptio Ovidii testatur sc. *explicit ovidius de remedio | amoris scriptus anno dñi | m^o ccc xxx^o nono f(er)ia t(er)cia añ | asscentione dñi in vallecunia*, nemo adhuc, ubi illa Vallis Curia sita sit, indicare potuit ¹⁾. Constat codex membr., foliis 53 non numeratis: Cato complet duos quaterniones fol. 1^r—16^v, in quo col. 2^a, ut saepius in Catonis codicibus, legitur „explicit Cato dans castigamina nato”. Theodulus unum quaternionem atque unum trinionem explet fol. 17^v—30^r, in quo col. 1^a legitur „explicit

1) Cf. Egm. p. 103.

Theodulus” bis scriptum; reliqua pars paginae et fol. 30^v carent scriptura ¹⁾. Novum quaternionem (f. 30—38) aperit Avianus, sequitur trinio (f. 39—44), tum quinio (f. 45—53, ultimum enim f. 54 vacuum resectum est). Avianus finem capit f. 41^r col. 1^a: „expliciunt documenta auiani poete”. Ovidius incipit f. 41^r col. 2^a, cuius finis est fol. 52^v col. 1^a addita subscriptione supra laudata. Quod carmen f. 52^v col. 2^{am}, f. 53^r totum complet ab altera manu ac quae reliquum librum exaravit conscriptum est, ne membrana scriptura vacaret; subscribitur: „explicit prosa de contemptu pravi coniugii clericorum”; ex hoc codice editum ab archii Campensis antistite I. Nanninga Uitterdijk in *Bijdragen tot de Geschiedenis van Overijssel* XI. 1896 p. 15, qui ibidem etiam de codice ipso disputavit. Fol. 53^v vacat scriptura, fol. 8 et 9 ab impia manu pro parte rescissa sunt. Textus prorsus commentario est instructus; scriptura saepissime, imprimis commentarii, evanida. Hunc codicem subiecit a. 1787 Io. Ad. Nodell, rector olim scholae Campensis, editioni suae Aviani inscriptae: *Flavii Aviani Fabulae ad ms. cd. [sc. Campensem] collatae*. Accedunt *Variae lectiones [sc. excerptae ex cod. Campensi (cf. p. 47)] in Ovidii Rem. Am., Theod. Ecl. et Catonis Dist.*, curante Io. Ad. Nodell, qui notas criticas in scriptores aliquot adiecit [p. 53—152].

Qui vero amatorios versus prorsus alienos duxerunt puerorum animis, componebant seriem tantum ex C., Th., Av. *Exempla talis ordinis saepius aliis carminibus adaucti affero haec*:

cod. Mus. Brit. 15 A. XXXI saec. XIII, de quo codice accuratam descriptionem debeo Antistiti *Manuscriptorum Musei Br.*; cont.: *Alani Parabolae*, (f. 9) ²⁾, *Pseudo-Boethii de disciplina scholarium fragmentum* (f. 12^v), *Cato* (f. 13), *Theodulus* (f. 20^v), *Avianus* (f. 28) omissis fabulis 17—21, *Excerpta Isidori Etym.* (f. 43^v), *Accentuarius* (inc. *Ecclesiae sacrae modulans*, cf. *Hauréau* l.l. p. 53) (f. 44 sqq.). Huc non pertinet *Theod.* f. 1—8.

cod. *Guelpherbytanus*, 87.5 Aug. (vid. v. Heinemann, *die Hss. der Herz. Bibl. zu Wolfenbüttel* II. 4 n. 2915), s. XIII: *C., Th., Av., Aes., Zosimae monachi carmina rythmica*, Tobias.

1) At figuris aliisque rebus repleta sunt.

2) Vid. ap. Mign. *Patr. Lat.* 210, p. 581 Inc.: A Phoebe, Phoebe.

cod. Cantabrigiensis, Trinity College O. 3.57, s. XII¹); in cod. a Bentleio adhibito Theodulus ante Catonem exhibetur hoc ordine: Horatius, Persius, Th., C., Av. (Schenkl, l.l. 2416).

cod. olim Cheltenhamensis 215 saec. XIII (Schenkl l.l. 926): C., Th., Av., Aesop., cuius codicis venundati fata enarrat W. A. Oldfather, l.l. p. 122 sqq.

cod. cathedr. Winchestrensis IIIA s. XV (vid. Schenkl Bibl. patr. Brit. 3795): *Cato*, Iohannis de Garlandia Aequivoca (cf. Hauréau, l.l. 58 sq.), *Parvum Doctrinale Alexandri de Villa Dei* (cf. Thurot Not. et Extr. XXII, 2, p. 98 sqq.), *Th.*, *Av.*, *Promptuarium parvolorum*, vid. supra p. 21.

Talem librum Catonianum Ovidii Remedio fortasse adiecto usurpavisse videtur auctor Glosae ad Alexandri de Villa Dei Doctrinale, quae propter initium (Admirantes quondam philosophi cum viderent) „Admirantium” nomine gaudet, medii aevi temporibus κατ' ἐξοχὴν Glosa vocatur. Thurot, qui Not. et Extr. XXII, 2 saepius de hac Glosa, priore parte saec. XIII¹ conscripta, disputat, monet (p. 119) numerum scriptorum in ea laudatorum esse exiguum, maxime laudari Ovidium, sed etiam inveniri nomina Horatii, Vergilii, Iuvenalis, *Aviani*, Boethii, *Catonis*, *Theoduli*, Petri de Riga (auctoris Aurorae, Bibliae versificatae, cf. Thurot p. 26), Iohannis de Garlandia (Hauréau Not. et Extr. XXVII, 2 p. 1 sqq.), scriptores sermonis pedestris omnino abesse.

10. Tum factum est, ut Avianum quoque abiicerent, sive Ovidii Remedium servabant sive omittebant. Itaque Theodulus, ex serie Catoniana solus post Catonem ipsum relictus, Aviani, quem saeculo IX unum Catonis comitem fuisse vidimus, munus suscepit, et Cato atque Theodulus primarii facti sunt poetae Latini. Huius rei documentum laudavit J. Frey in Progr. gymn. Münster, i. W. 1904 (Über das mittelalterliche Gedicht Theoduli Ecl. und den Kommentar des Bernhardus Ultraiectensis) p. 1. Vratislaviae enim, cum anno 1267 schola conderetur, cum alia constituebantur tum hoc: „audiant etiam (sc. pueri parvuli) in eisdem scholis Donatum Catonem et Theodulum ac regulas pueriles; qui predicti pueri si maiores libros audire voluerint,

1) Utique exeunte, puto.

ad scholas sancti Iohannis se transferant, vel quocunque voluerint et eis videbitur expedire". En, quem ad finem pervenerit Theoduli deinceps in ordine auctorum temeraria sedis commutatio.

Sed ex codicibus quoque haec Catoniani libri condicio videri potest. Saepius Ovidius de Rem. et Matthaei Vindocinensis Tobias (ed. Müldener 1855) Catonem atque Theodulum comitantur; attamen alia quoque opuscula asciscuntur.

Catonem, Theodulum, Ovidium habent e. g. codices hi:

*cod. Vat. Lat. 1479, saec. XIII, membr.: Donatus de part. or., Cato, Theod., Ovid. Rem., Tobias, „ars metrica sine nomine auctoris", Ovidii Metam., „Gualtheri Alexandreis (ed. Müldener), De commentarii in Catonem exordio dixi Bos. p. 92 n. 2, Tijdschr. 1913 p. 133 sq. Comparandus est:

cod. Cantabrigiensis, Gonville and Caius College 202, saec. XII ex. (Schenkl. l.l. 2756): Cato, Theod., Ovid. Rem., Tob. Ovid. Met.

cod. Bern. 403, scriptus a. 1284 (vid. Hagen Cat. Bern. sub n.): C., Th., Ov. R., Tob.

*cod. Par. Lat. 8460, olim Puteanus, s. XIV: inde a fol. 17 ¹⁾ Cato, Theod., Cartula, Aesop., Tob., Ov. Rem.

Talem codicem invenimus in Catalogo Bibliothecae Sorbonae (a. 1338, ed. Delisle Cab. des Ms. III. 56), ubi in capitulo XLV, quod libros grammaticales enumerat, liber numero 44 ornatus sic describitur: „Auctores Cato, Theodulus, Remedium, Tobias ex legato eiusdem [sc. Godefridi de Fontibus] incipit in 2° fol. non eodem [sc. Cat. dist. I. 18, 2], in pen. grata [sc. sapore, Tob. 2109?]. Precium IX. sol."

Cato omissus est in cod. Cantabr., Trinity coll. R. 3. 56, saec. XIV: Theod., Ovid. de R. (Schenkl. 2334).

Sine Ovidio vero Catonem atque Theodulum (cum vel sine Tobia) praebent e. g. codices hi:

cod. Berol. Lat. Oct. 87 saec. XIV: Cato, Theod., Aesopus cum versione Romuli cf. Thiele, Der Lat. Aes. des Romulus, 1910 p. CLVI.

1) Ovidii Remedium, quod praecedit, non ad hunc librum pertinet. Codicem mea causa denno inspicere voluit G. Busken Huet.

cod. Paris. 8023, saec. XIV: Cato (bis), Theod., Cartula, carmen inc. „in re terrena nichil aliud nisi pena” ¹⁾, Odonis de fine mundi, Luciferi epistula ad mundanos a. 1351 scripta, Aesopus, Tobias. De Cartula et sequenti carmine, quae ut anonyma ad mores spectantia Catalogus Par. notat, me certiore fecit v. d. G. Busken Huet.

cod. Par. 8259 saec. XV: Cato, Augustinus de dignitate sacerdotum, anonymi versus paraenetici ad sacerdotes, Theod., Aesopus, Alani Parabol., Floretus (Bernardi, Hauréau N. et E. XXVII, 2 p. 25), Anonymi de Poenitentia, Poenitentiarius Iohannis de Garlandia.

cod. Par. 11344, s. XV: Cato, Cartula, Theod., Aesop., Tobias. Cf. Delisle, Inventaire des ms. lat. à la Bibl. Nat. 1863. p. 229.

Ut ex his exemplis apparet, Cato atque Theodulus saec. XIII et XIV cum variis opusculis componebantur, quae etiam cum alterutro aut sine illis inter se coniuncti saepissime in codicibus occurrunt ²⁾. Talia opuscula, maximam partem medii aevi temporibus conscripta, sunt Facetus (Supplementum Catonis), Cato novus, Tobias, Alani Parabolae, Cartula, Physiologus, Liber quinque clavium (sapientiae) ³⁾, Floretus, Poenitentiarius, Synonyma et Aequivoca (Iohannis de Garlandia, Hauréau l.l. 55 et 58), Ps.-Seneca de IV virtutibus, Prudentii Dittochaëum vel Prudentiolus (Prud. ed. Dressel p. 470).

Ex tali denique codice Cato una cum Theodulo, adiectis ex

1) Aliud carmen de contemptu mundi, quod etiam Sto Bernhardo ascribitur, cf. Hauréau, des poèmes latins attribués à saint Bernard, p. 1 sqq.

2) Omnes codices huc pertinentes quos novi enumerare supersedeo. Sed nonnullos afferam. Chelt. 3394 s. XIV (Schenkl. 1374): Liber V cl., Cart., Prud. Ps., Prud. Ditt., Theod., Physiol., etc.; Chelt. 16226 s. XIV (Schenkl. 1963): Aes., Prud. Ditt., Cart., Theod., Fac., etc.; Chelt. 16254 s. XIII (Schenkl. 1973): Cart., Prud. Ditt., Phys., Floret., Prud. Ps. etc.; Par. 15160 (s. XV) f. 83: Flor., Cart., Av., Fac.; Par. 8509A: Aes., Fac., Pamphil., Geta (cf. supra p. 23 sq.), Marc. Nan. 16 (cf. Herv. Fab. I¹ 539): Prosp., Cato, Prud. Ditt., Cart., Aes., Physiol. etc.; Ambros. H 28 sup. (Herv. 537) f. 5 b: Cart., Aes., Tob.; Lambeth Palace 371 s. XIII vel XIV, (Schenkl 4589): fol. 20 Cato, Alanus, Cato novus, Cartula; Escor. S. III 18 s. XV (Loewe-Hartel, Bibl. Hisp., Wiener SB. 112, 243): Cato, Cart., Tob. Magnum talium opusculorum numerum continet cod. Vindob. 303 s. XIV (Tab. cod. Vind. I p. 41).

3) Inc. „Utilis est rudibus praesentis cura libelli”. Num editus sit, nescio

illis opusculis sex sc. Faceto, Cartula, Tobia, Alano, Aesopo, Floreto, saeculo XV^o exeunte typis mandati sunt et per ultimos eiusdem saeculi annos et prima saec. XVIⁱ decennia saepius repetiti, cum utriusque auctoris iam ante extabant libri typis expressi singulares. Primus excudebat librum „Auctorum Octo”, vel ut in posterioribus editionibus dicebatur, „Auctorum Octo Opusculorum” vel „Auctorum Octo Moraliū”, Iohannes de Prato, Lugduni, a. 1488 ¹⁾ ²⁾.

II. Restat, antequam sub uno componam conspectu, quid de historia atque compositione libri Catoniani constitui posse nobis visum sit, ut de uno codice disputemus notissimo, quem item libri Catoniani formam prae se ferre primo dixerit quis obtutu. Volo codicem celeberrimum Etonensem Langobardicum Bl. 6. 5, saec. XI, vel, ut Osternacher putat, saec. X, de quo cf. Schenkl patr. Brit. 2974, Sedlmayer Proleg. crit. ad Heroid. Ov., 1878 p. 5 sq., K. Schenkl Wiener Stud. IV p. 96 sqq., Klotz, praef. St. Ach. p. xxix. De cuius codicis compositione hodie etiam ab iis, qui librum oculis non viderunt, iudicium ferri potest, postquam M. R. James in Catal. of the Mss. . . of Eton College (Cambr. 1895) accuratam dedit libri descriptionem, et Osternacher Theoduli editioni priori adiecit imaginem phototypicam paginae eius, quae nunc libri prima est. Nam codex nunc ita mutilatus ab initio est, ut primi quaternionis unum tantum folium supersit, quod rectum continet Theoduli Eclogae versus 23—51 (ab Osternachero exhibitos) inscriptionemque manu recentiore gerit additam „desunt septem (ad minimum) folia huic libro”. Praeter hoc primum folium restant ex quondam pluribus quaternionibus quinque, codex igitur nunc ex fol. 81 constat, in quibus leguntur Theoduli Ecl. inde a vs. 23, Maximianus, Statii Achilleis, Ovidii de Rem. Am., Ovidii Epistulae (I. 7—VII. 159), Arator usque ad I. 521, ubi liber finem capit.

1) Usus sum exemplari, quod est in Biblioth. Regia Hagana. Cf. praeterea Egm. p. 101 sqq.

2) Errat Hervieux (Fab. I^a p. 543) exemplar Bibliothecae Wirceburgensis anni 1490 editum iam anno 1450 editum esse dicens. Cf. Egm. p. 102.

Quis nunc tot libris Catonianis supra recensitis non adducatur in eam sententiam ante Theodulum periisse Catonem, qui cum Theodulo Maximiano Statio excerptum esset ex sex auctoribus cunctis C., Th., Av., Max., St., Cl., praesertim cum septem folia quaternionis primi, quae perierunt fere ambitum totius Catonis constituant? At vide, quid huic opinioni obstet. Saeculo XI sex scriptores illi nondum in unum corpus coa-luerant, ipse Avianus deest, cui semper Maximianus adhaeret, ipse Claudianus, cuius comes est Statius, Theodulus ante Maximianum legitur cum eo tempore, quo codex perscriptus esse videtur, Theoduli locus potius post Homerum, qui Maximianum sequebatur, erat, denique Ovidii Remedium demum in libro Catoniano expectamus postquam Maximianus ex serie excessit ¹⁾.

Quid igitur? Quod Theodulus praecedat Maximianum, idem usu venit in ordine auctorum, quem Divonensis cod. repraesentat, ubi Theodulus est ultimus scriptorum Christianorum, Maximianus est primus gentilium. Sana ducti ratione iam constituimus genuinum ordinem auctorum Divonensem codicem non reddere, sed Maximianum excepisse prima codicis carmina sc. Statii Thebaida et Achilleida. Atque in Etonensi quoque cod. Achilleis sequitur post Maximianum. Itaque Theodulus Maximianus Statii Achilleis sese excepciones ex ordine auctorum, qui saeculo XI^o vigeat, habent explicationem. Locus Ovidii Remedii et Heroidum, quae in Div. multis carminibus interiectis, statim in Etonensi Achilleida sequuntur, eandem explicationem facile admittit. Cum varia scripta Ovidii ordinem auctorum genuinum claudant, post Ovidium neque Aratorem, cui sedes potius est in Christianis, neque quemquam alium expectaveris. Reputantibus ipsum Aratorem in Divonensi inter Christianos esse omissum, cum adsit apud Conradum et in Palatino atque Monacensi accessibus nobis haec explicatio sese offert: in auctorum serie, ad quam recurrat Etonensis, eundem Aratorem quondam fuisse omissum, errore animadverso collocatum esse in seriei fine, id est post Ovidium. Quo factum est, ut Italus, qui secundum auctorum ordinem aliquot scriptores describeret,

1) Cf. quae supra p. 22 de cod. Bodl. Auct. F. 5. 6 dixi.

post unum vel plures — fortasse Christianos — qui perierunt, deinde Theodulum, Maximianum, Statii Achilleida, Ovidii de Rem., Heroides, ultimo loco poneret Aratorem. Itaque Etonensis codicis scriptorum series non ut „libri Catoniani” excerptum explicanda est, sed ut fragmentum magni auctorum ordinis ab ultimo scriptore Christiano, Theodulo, incipiens ¹⁾).

12. Liber Catonianus, a Catone cum Aviano coniuncto ortus, hac igitur via crevit:

saec. IX et X: Cato, Av.

X Cato, Av., Hom. Lat.

X Cato, Av., Hom. Lat., Theod.

XI Cato, Av., Max., Hom. Lat., Theod.

XII Cato, Theod., Av., Max., Hom. Lat.

XII Cato, Theod., Av., Max.

XIII 1) Cato, Theod., Av., Max., Stat. A., Claud. R.
Cato, Theod., Av., Max., Claud. R., Stat. A.

XIII 2) Cato, Theod., Av., Ov. Rem.

Cato, Theod., Av.

Cato, Theod., Ov. Rem. (Tob.).

Cato, Theod., (Tob.).

anno 1488 Editio princeps Auctorum Octo:

Cato, Theod. etc.

Scr. Amstelodami.

1) Ex auctorum ordine quoque explicandus est titulus in Catalogo Egmundano (Kleyn p. 166): item libellum in quo continentur glose super *cathonem*, super *avianum*, super *stathium achylleidos*, super *ovidium*, super *uirgilium in georgica et bucolica*.

II. DE ILIADIS COMPOSITIONE.

SCRIPSIT

MATTHAEUS VALETON.

(*Continuantur ex Vol. XLI pag. 289*).



a) *De Achilleïdis argumento.*

Fabulae Troianae materies sescentorum poëtarum ope, id quod in superioribus demonstravimus, coacervata, cum uberrima et diversissima iam facta esset, en extitit ille vates qui maius coeptum ausus quam quisquam eorum quorum studiis coniunctis illa debebatur poëma instituit, cuius argumentum ad illam pertinens ita componeret, ut narratio quasi in nodo haereret quo expedito ad finem festinaret. Nodum dico rixam regum Agamemnonis et Achillis, perspicuum enim est poëtam qui eiusmodi eam confingeret ut inde oreretur saeva Achillis ira et calamitas Graecorum necessario ex hac consecutura, difficultatem quandam sibi contraxisse narrationem ad probabilem eventum perducendi, in qua difficultate superanda tanquam in cardine versari Iliadem totam. Verum poëtam nostrum non pro auctore habendum esse totius Iliadis, sed poëmatis alicuius quod quasi nucleus ei insit, cui Achilleïdi vel Achillis Irae nomen convenienter detur èt saepius in superioribus significavimus èt nunc demonstrandum nobis est. Nomine autem Homero quamquam nihil vetat cunctos complecti Iliadis auctores, quod identidem èt fecimus et in sequentibus faciemus, praecipuo tamen sensu non veremur vocare Irae Cantorem, nihil curantes quo nomine hunc parentes et aequales vocaverint.

Iamvero hic forsitan roget aliquis, quo iure contendamus Irae Cantorem ex omnibus auctoribus fabulae Troianae primum fuisse qui implicatiorem rationem illam carminis condendi secutus fuerit; quidni artificiosioris illius generis carmina fuisse potuerint in numero eorum quae demonstravimus Iliadi pro fontibus fuisse. Audio, neque ignoro nonnullos adeo voluisse viros doctos, in Iliadem receptas esse partes poëmatum eiusdem generis et ambitus atque ipsam. At huius rei neque levissimum quidem vestigium in ea deprehenditur, et subabsurdum videtur eo pacto Iliadem esse compositam, ut aliorum non minoris dignitatis poëmatum quasi panni ei insererentur, quod vix dictu opus est prorsus aliud quid esse quam breviorum carminum argumenta sive aliis sive partim suis verbis expressa, in maiore contextu adhibere; illud enim est expilare et destruere, hoc modo nihil destruitur sed coniunctione accedit decus. Nullum autem apud Graecos carmen, non modo quod pertineat ad bellum Troianum sed omnino nullum quaequae fuit materies pertractata, ante Homeri aetatem conditum esse arte illa, qua Achilleïdem insignitam diximus, pro documento est ipsum hoc, quod nullum reliquum est. Etenim talem illius rei novitatem fuisse apparet, simplicitatem si comparas argumentorum quam vestigia produnt vetustiorum carminum, atque talis est ingenii praestantia qua opus fuerit inventori novae rei, ut vix ac ne vix quidem credibile sit, nullum ad nos pervenisse notionem poëmatis quo primo exhiberetur. Denique etiamsi forte quis censeat non satis eam rem constare, tamen dabit licere nobis negligere si quod poëma extitisse prorsus lateat. Quamobrem fidenter hoc saltem nobis statuendum est, quantum sciamus per Achilleïdis natalem novum iniri epicae Graecorum poëseos saeculum et quasi aeram, quam Homericam recte dixeris. Quo etiam hoc pertinet. Ex Achilleïde enim extitisse Iliadem cum a diversis poëtis diversis additamentis illa augeretur èt saepius iam monuimus èt in sequentibus apparebit. At vero ut eius modi amplificatio ante Homeri aetatem non usu venerit, sed novi poëseos epicae saeculi proprium sit, ipsa fert ratio. Quid enim? Simpliciora carmina vetusta vix erat cur potius dilarentur quam eorum numerus multiplicaretur si de eadem materie plura homines cuperent audire. Sed cum primum conditum est poëma argumento effabre elaborato, fieri

non potuit quin vulgo poëtae èt impares se esse sentirent labori condendi alterum aliquod eiusdem generis èt tamen gravarentur reverti ad genus simplicius, unde sponte sequebatur ut propensi essent ad operam dandam illi poëmati amplificando.

Ceterum si quis perhibebit ex his sequi ut Ilias dicenda sit e compluribus quasi membris constare aedis Aegyptiae instar ad quam aedificandam continua conspiraverint hominum genera, nullo modo obloquemur, si vero contendet sequi ut verum integrumque poëma sic esse nequeat, ut qui maxime refragabimur, non aliter ac si quis neget, aedem, qualem diximus, verum integrumque aedificium esse. Cohærentia enim ne perfringeretur, suo loco videbimus addimentorum auctoribus summae curae fuisse, idque studium si rem universe spectes mirum quantum iis cessisse. Atque fac, id quod nunc utrum ita se habeat necne nondum quaerimus, at fac post alios qui poëmati principali multa addidissent, extitisse aliquem, qui suam operam in poëmate dilatando navaturus, sibi censeret mutanda esse nonnulla eorum, quae illi inseruissent, alia suo loco movenda et in alium locum transponenda, nucleum ipsum quodammodo reformandum, qui igitur iure *διασκευάστης* appellaretur, ne sic quidem laus veri poëmatis Iliadi abiudicanda est, dummodo apparuerit eam sic quoque uno contineri argumento cohaerenti. Si vero quis opinetur ea ratione pro vero poëmatis auctore habendum esse eum quem *διασκευάστην* diximus, quippe qui partes quas membra vocavimus in hanc formam coniunxerit quam deinde poëma retinuerit, ne id quidem dandum videtur. Illa euim si nullo vinculo inter se iuncta essent antequam *διασκευάστης* novam formam inveniret — quae sane si res ita se haberet non dicenda esset *nova* forma, sed forma ipsa, nihil amplius — huic deberetur cohaerentia argumenti, hic igitur vere poëmatis auctor diceretur; ita autem res se haberet si ipsa ea carmina quae Iliadi pro fontibus fuisse demonstravimus, simul, quemadmodum voluit Lachmann, eius partes essent, atque ex his *διασκευάστης* — id quod aliis placuit non Lachmannio cui persuasum erat argumentum totamque Iliadis materiem omnibus cognitam fuisse, antequam ea carmina condi coepta essent, qua in sententia *διασκευάστης* nullo loco esse potuit — ex antiquis igitur carminibus, quae suis pilis starent, si *διασκευάστης* unum poëma, quod in uno

versaretur argumento conformasset. Sed èt probe distinguendum est inter Iliadis fontes et partes — quid? complura ex his, *Τειχοσκοπίαν, Τειχομαχίαν, Θειομαχίαν, ἸΑθλα ἐπὶ Πατρόκλῳ* alia, in superioribus nobis statuendum videbatur e nullis hausta antiquis carminibus deberi ingenio fertili eorum qui Iliadi inseruerint, omnino autem hoc constat alios poëtas condidisse carmina quae Iliadi pro fontibus fuerint, alios partim his fontibus usos partim nullis ex fontibus haurientes Iliadis moli extruendae operam dedisse — èt ex Iliadis elementis uno illo quod eius nucleum diximus in quo tota Ilias versatur, ob ipsam hanc causam continetur cohaerentia. Unde sequitur ut nihil sit cur *δισκοπεύσθην* illum potissimum Iliadis auctorem appellemus; est ille unus ex eius auctoribus, principalis autem auctor est Irae Cantor. Ceterum cum tamen latere non possit quantum differant multorum coniuncta studia ab unius eiusdemque incepto, mirum non est Iliadis cohaerentiam neque desiderari neque perfectissimam esse. Ipsa autem hac rei natura ambigua factum esse videtur ut viri docti qui egerint de quaestione Homerica, quae dicitur, in duo castra discesserint, cum alteri unice intuentes cohaerentiam ubique conspicuam discrepantias minoris facerent, alteri his moti vehementius illam dilui et dissolvi putarent. Hos non nego nonnumquam iusto severius iudicasse, illos puto in deminuendis repugnantibus saepius egisse nimis subtiliter.

Recte fere C. Rothe v. cl. negat ¹⁾ e sermone quidquam effici posse quo diversi probentur auctores Iliadis. Dandum videtur Iliadis rationem neque quae ad etymologiam, neque quae ad syntaxin quas dicunt pertineat certi quidquam prodere unde partes Iliadis vetustiores et recentiores dignoscas, cumque haud dubie aliae partes alias ostendant elocutionis proprietates — ut vox *Πανχχαιρί* ter in uno libro H ²⁾ nonnisi quater per ceteram occurrit Iliadem ³⁾, ut Patroclum alloquitur poëta quater in libro Π ⁴⁾, neminem alium per totam Iliadem nisi bis Menelaum in libro Γ ⁵⁾, ut vox *ῥέγεσθαι* nusquam alibi, sed bis in libro Π valet *οὐτάζειν* idque deinceps in duobus diversis certaminibus

1) l. l. p. 14 sqq.

3) B 404, K 1, T 193, Ψ 226.

4) Π 693, 754, 787.

2) H 73, 159, 327.

5) Γ 127, 146.

ibi descriptis ¹⁾), utroque autem loco èt coniuncta est cum voce *Φθάνειν* et vicinam habet vocem *μύων* quae ceteroquin apud Homerum non legitur — quantum eiusmodi sit quod debeatur carminibus quae pro fontibus fuerint, statui non potest. Tamen auctoribus nonnullarum Iliadis partium ut librorum $\tau-\Omega$, perlegentem vix fugere potest, sermonem epicum temporis decursu rigidiorum factum, ad mentem clare enuntiandam non prorsus suffecisse ²⁾), quae res manifesto ad naturam fontium non pertinet. Sed rectissime Rothe monet de formulis crebro recurrentibus, de versibus versuumque fasciculis identidem repetitis, de comparisonibus eisdem plus semel adhibitis, immerito multos viros doctos ita iudicasse, ut censerent quibus locis illa minus placere viderentur, hos imitatos esse ex iis ubi magis placerent. Nimirum ex his quoque quantum diversis locis ex eisdem carminibus antiquis transsumtum sit quis dicat? Neque incredibile eundem poetam eadem repetivisse, cum paratam habere copiam formularum, comparisonum, descriptionum aut non aut leviter variarum quae usque quaque adhibeantur, ipsius artis sit epicae ³⁾). Postremo non omnes discrepantias et repugnantias cogimur di-

1) Π 314, 322.

2) „Allmählich erliegt die Dichtung dem Schicksal jeder Kunstübung. . . . Die Kraft des Sängers ist erlahmt. Er hat den Kopf so voll auswendig gelernter Verse und Wendungen dass er nicht mehr im Stande ist die Form frei zu beherrschen. . . . In Gedichten wie $\tau-\Omega$ tritt uns die spätere Manier sehr anschaulich entgegen, doch hat auch diese Zeit noch so schöne Gedichte wie Ω hervorgebracht“ Ed. Meyer Gesch. des Alterth. II p. 405.

3) „Eins hat die eingehende Untersuchung der Wiederholungen bei Homer ganz klar erwiesen, dass es vor Homer schon ein reichlich ausgebildetes Vergut gegeben hat, das jeder Dichter unbedenklich entweder wörtlich oder mit geringen Veränderungen benutzte. Es bestand dies nicht nur in Formelversen sondern auch in Schilderungen aller Art. Auf- und Untergang der Sonne, Ankunft, Fahrt, Landung der Schiffe, Offerhandlungen, Mahlzeiten, Zusammenberufungen des Volkes zur Versammlung, Kampffescenen nicht nur, sondern auch Liebe und Hasz, Schiltworte und Lobsprüche und vieles andere waren lange vor Homer in bestimmte Ausdrücke und Verse geprägt worden“ l.l. p. 45 „Wie heute noch Volksredner, die das Fassungsvermögen der Zuhörer richtig beurteilen häufig den selben Gedanken mehr oder minder wörtlich wiederholen und damit dem Zuhörer ein Ausruhen und Nachlassen in der gespannten Aufmerksamkeit gestatten, so habe auch der Dichter durch die Formelverse und zahlreiche Wiederholungen aller Art (Beiwörter, erklärende Zusätze u. s. w.) gleichsam Ruhepunkte für die Zuhörer geschaffen, die ein Nachlassen der Spannung ermöglichen“ l.l. p. 23 sq.

versitati Iliadis auctorum tribuere, ut ubi proponuntur alii heroës armatura induti vetustiore alii minus vetusta, eidem heroës nunc loricati nunc tunicati, qua ex re frustra tentavit C. Robert ¹⁾ v. cl. quasi normam efficere ad diudicandum non tantum quae Iliadis partes diversis tribuendae essent auctoribus, sed etiam qui ex his antiquiores qui recentiores essent habendi. Contra eiusmodi discrepantiae etiam inde oriri poterant quod idem poëta ex diversis carminibus èt vetustioribus èt minus vetustis hausisset fugissetque eum minus apte haec a se iungi, aut pristina illorum fontium existimatio quae eum adduxisset ut eis uteretur, simul deterreret ne quidquam mutaret. Nihilominus huic rationi explicandi iunctiones inconcinnas aliquis modus statuendus est; sunt quae ita discordent ut in uno poëta ferri nequeant. Ubi Iuppiter post Paridis et Menelai certamen singulare considerandum esse ait placeatne foedus factum permanere, manifesto nisi iocaretur in dubium veniret eius promissum Thetidi datum. Iunonem hoc latere miramur sed ferimus cum credibile sit poëtam voluisse eam occaecari odio in Troianos. Etiam quod ei suscenset maritus, nihil moramur cum liceat credere poëtam voluisse Iovem propter odii atrocitatem non quia bellum illa optaret ei stomachari. Sed qui fieri potest ut qui Iovem finxerit paulo ante Thetidem alloquentem (A 508) ἦ δὴ λολίγια τέργ' ὃ τε μ' ἐχθοδοπήσαι ἐφήσεισ' Ἥρῃ ὅτ' ἂν μ' ἐρέθῃσι δνειδείοισι τέπεσσι et nihil magis curantem quam ut uxoris iram evitet, unus idemque sit poëta qui eum fingat iam ultro eam ad iram lacescentem ²⁾? Cum praesertim luce clarius sit hoc non ex antiquo fonte haustum esse. Aliud afferam. Plurima quae in Iliade narrentur non decimo verum primo belli anno acta proponi nemo monitus infitiabitur ³⁾. At in Διὰ πείρῃ ut hanc solam afferam, decimus belli annus fingitur, quod demonstravimus frustra a nonnullis viris doctis interpolatori iniungi ⁴⁾. Minime igitur cum Routhio faciendum puto ubi negat in Iliade ullas inveniri repugnantias quales non legantur apud scriptores

1) Studien zur Ilias.

2) Perperam Rothe l. l. p. 60: „völlig gleich bleibt sich z. b. Zeus in Verhältniss zu Here“.

3) Vide Mnem. 1913 p. 54 sqq.

4) Mnem. 1913 p. 55 sqq.

nostrorum temporum ¹⁾, vel cum Mueldero contendenti nisi vulgo Homerus sine causa pro poëta perfecto haberetur, nullam vim habituras repugnantias in Iliade obvias ad arguendos auctores diversos. Atque si iam constat partes Iliadis non exiguas diversis deberi auctoribus, sequitur ut in quaque re, etiam ubi eiusmodi discrepantias offendamus quae non absurdum sit incuriae aut fontium naturae assignare perpendendum videatur utrum hoc veri similis sit an auctorum diversitas. Quod autem nonnulli viri docti voluerunt, interdum Homero scienti et volenti inconcinna fuisse proferenda quo assequeretur eam stili claritatem et lucem propter quam ab omnibus laudetur, magnopere cavendum puto ne ei tribuamus rationem quaesitam et putidam quam perperam vocemus artificiosam et pulchram. Fuerunt adeo inter viros doctos, qui normas quasdam constituerent ad quas referri posse censerent nonnihil quod per se spectatum offenderet, id scilicet agentes ut desineremus offendi reputantes poëtae moris id esse. Sed eos fugit eam ratiocinationem in circulo quod dicitur versari. Nam morem illum nullo iure constituerunt nisi ante constitit unum esse auctorem totius Iliadis.

Achilles ab Agamemnone gravi iniuria affectus a matre petit Iovem precibus adeat, qui Troianis opituletur, Graecos opprimat ut omnes regem experiantur et Atrei filius dementiae suam agnoscat; Thetis deum summum orat ut Troianis vires addat quoad Graeci filium suum honore augeant; Iuppiter invitus annuit; Graeci plectuntur. Deinde Agamemnonis legati Achilli nuntiant regem virginem ereptam redditurum esse, donis et pollicitationibus regis verbis eum onerant dum ira desistat; obtestantur ut si minus Agamemnonis, tamen popularium eum misereat; firmissime asseverant omnes Graecos eum dei instar honoraturos esse; nihil proficiunt ad placandum iuvenem iratum; Graeci alteram et graviores accipiunt cladem Agamemnone ipso vulnerato.

Inesse his dicas quae inter se pugnent. Nam primum quidem hoc absonum esse Achillem, cum id impetrasset quod pro eo mater a Iove rogasset, saevum manere et inexorabilem quamvis

1) l.l. p. 53 sqq.

illa rogando ut Iuppiter hostes adiuuaret *quoad* Graeci filium honoraturi essent, satis clare significasset hoc filium satis habiturum. Tum minime convenire Iovem nocere Graecis *ultra* quam se eis nociturum *gravate* annuisset, neque tamen alteram cladem acceptam *postquam* paratos se ostendissent Achillem honorare, eis illatam esse *reluctante* Iove vel *dormiente* sed *volente* et *iubente*, id quod doceant Iris ad Hectorem missa (Λ 185 sqq.) et Patroclus ab ipso Olympio incitatus ut in perniciem ruat, poëta ultro mōnente Iovis consilium plus valere quam hominum (Π 683 sqq.).

Contra contendunt neque Iovi neque Achilli tribui quae inter se discordent. Nam probe distinguenda esse quae a Iove petenda *mandasset* matri Achilles, et quae revera haec petivisset; non hoc *mandasse* petendum ut opprimerentur Graeci *quoad* se *honorarent*, sed ut opprimerentur nihil amplius, his tantum verbis additis „ut Agamemnon culpam suam agnoscat” unde nullo modo sequatur ut poëta voluerit *Achillem placatum fore sicubi rex mentem mutasset*; Iovi autem, quamvis per Achillem ipsum staret quominus eum Graeci honore afficerent, tamen quoniam hoc infectum mansisset, prae promisso Thetidi dato integrum non fuisse ut manum Hectori et Troianis detraheret, neque tamen comprobasse Achillis pervicaciam idque ut ostenderet illorum victoriam in ipsius detrimentum vertisse Patrocli clade. En, inquit nostri, vide quam apte omnia quadrare appareat dummodo studeas poëtae artem perspicere neve inconsulte reprehendas quae non satis perpenderitis.

Mitto quod ei qui haec argumentantur Achillem magis puerum iracundum et protervum sibi fingunt quam virum seria agentem, aliter quam a poëta fit cum eum proponit Iunonis hortatu contionem advocantem ut pesti occurratur, vel Minervae iussu sibi temperantem ne manus iniciat Agamemnoni, vel praecones comiter excipientem missos ad Briseïdem abducendam, aliter etiam quam poëta auctore ap ipsa fit matre, quippe quam pateat non dubitare quin filius satis factum sibi esse censuerit sicubi Graeci ante omnes Agamemnon parati inveniantur ad eum revocandum in honorem; mitto quod nullo modo indicat poëta Thetidem filio inscio id a Iove petivisse quod illi si scivisset non placuisset, neque ullo verbo significat Iovem graviter ferre Achillis contumaciam; mitto haec omnia, quamvis quaesite mihi

videantur disputare qui poëtae mentem ita explicant ut discrepantias quas dixi nullas esse arguant; ultro moneo haud dubie in Iliadis fontibus iam adfuisse Agamemnonis vulnerationem, Iovem Idaeum Hectoris tutorem, Patrocli res gestas et exitium, mitto quod nihil prohibuit Irae Cantorem his uti, non ut in Iliade fit in altera, sed in priore Graecorum clade proponenda; nolim poëmatis rationem criminari propter causas non gravissimas. Sed hoc rogo: spretis Achilles verbis supplicibus legatorum, quid sibi proposuit quo adduci posset ut in aciem rediret? Ex iis autem quae legatis respondit video, inter haec duo eius animum fluctuasse: aut nihil amplius expectare, sed utique in patriam reverti (I 356 sqq.), aut expectare dum hostes sua tentoria suas naves invaderent, tum surrecturum ad vim defendendam (I 550 sqq. cf. 618 sqq.). Haec intelligere mihi videor, sed ubi deinde cognosco quid postero die iactet Patroclum allocutus (Λ 608 sqq.), res prorsus alia fit. Ibi enim hanc rumpit vocem: *νῦν δὲω περὶ γούνατ' ἐμὰ στήσσεσθαι Ἀχαιοὺς λισσομένους, κρηὶ γὰρ ἰκάνεται οὐκέτ' ἀνεκτός*, quod post diei proxime superioris legationem absurdum est. An significat demissius Graecos sibi supplicaturos esse quam supplicaverint? Quod aut ne potuit quidem nam principes nobilissimi Ajax Ulixes Phoenix nominatim oraverant ut si minus Agamemnonis, commilitonum tamen eum misereret, omnes inter deos eum honoraturos esse (I 300 sqq.), aut, si ad litteram est accipiendum illud „*περὶ γούνατα στήσσεσθαι*”, furiosi tyranni erat gaudio exsultare quod eidem quorum humiles preces sprevisset, necessitate coacti ad eius pedes procubituri essent ¹⁾). Fac autem hoc ferendum esse, id quod nego, at fac ferendum

1) vLeeuwen Mnem. 1910 p. 377 (Comm. Hom. p. 25) Achillis verba sic interpretatur: „cuncti mox Achivi ad pedes meos provolventur; non regis legati soli per silentium nocturnum in tabernaculum me sunt adituri, sed totus exercitus supplex circumfusus a me opem petet”. Non video quo iure legatos et totum exercitum, noctem et diem inter se opponat vir clarissimus. Neque enim nostro loco legitur πάντες Ἀχαιοί sed nude Ἀχαιοί, principes autem qui legatorum loco Achillem adierant pro toto exercitu verba fecerant, quod non obscure ex iis significavit Ajax (I 640 sqq.) cum diceret ὑπαρφόφιοι δέ ἐ τοί ἐσμεν πλήθεος ἐκ Δαναῶν. Neque minus clare id indicaverunt Ulixes et Phoenicis verba: „si minus Agamemnonis, at tamen Graecorum ceterorum omnium te misereat qui te inter deos honorabunt” (I 300, 603). Hoc autem si tenetur, etiam discrimen noctis et diei quod ne commemorat quidem poëta, pro nihilo habendum videtur.

esse, quid quod paucis horis praeterlapsis eundem Achillem Patroclo dicentem audimus (π 70 sqq.), se hostes in fugam conversurum fuisse dummodo Agamemnon placato in se animo esset? quid quod pergit (vs. 83 sqq.) „tu mi Patrocle obtempera meis dictis, gloriam et honorem mihi para ut Briseïdem mihi reddant Graeci et augeant me muneribus”? Minime ignoro quid et quantum moliti sint complures viri docti qui omnia potiora ducerent quam ut Homerus non unus esset, ad dicta haec interpretanda quomodo viderentur eidem poëtae tribui posse ac legationem. Sed nulla opus est interpretatione, ea quae nostro loco leguntur per se clara ac perspicua sunt; accommodare ea velle ad Achillis cum legatis colloquium, si quid est hoc est ἀσυγκλωττὰ συγκλώθειν velle. Fingere non potuit, inquam, poëta mediocriter sanus ullum hominem non mente captum, amplissima satisfactione detrectata, die post negantem sibi benignum esse qui illam proposuisset sibi; repudiata virgine dilecta cum sibi offerretur, die post exclamantem: „utinam Briseis mihi reddatur”. Quod quam conspicuum sit luculentissime ostenderunt qui acerrime uni auctori totam Iliadem vindicare studuerunt, Nitsch v. cl. cum aut vss. π 47—79 delendos censeret ¹⁾ et vs. 73 pro ἥπια: ἄρτια legendum, aut eiciendos vss. 69—73, quo invento tamen nihil iuvamur propter vss. 83 sqq.; Agnes M. Clerke ²⁾ et C. Rothe ³⁾ cum Πατροκλείαν Homeri a rhapsodis deformatam esse vellent, quod neminem latet vix futurum fuisse ut eos subiret nisi male eos habuissent Achillis verba de quibus agimus ⁴⁾. Ne ita quidem rem expedire licet, ut sumamus Homero in his pro fontibus fuisse duo carmina quorum altero legatio frustra ad Achillem missa, altero eius colloquium cum Patroclo ageretur. Nam ea carmina si extitissent, manifesto condita essent a cantoribus quibus poëma aliquod quo tractaretur Achillis ira esset cognitum; at vero de hoc ipso agimus poë-

1) Die Sagenpoesie der Griechen p. 48.

2) Familiar Studies in Hom. 1893.

3) Die Ilias als Dichtung p. 281.

4) Optime intellegens Rothe suspicione de rhapsodis nemini se persuasurum si ad solos vss. 72 sqq. 83 sqq. eam referret, cunctos versus 69—79 84—90 sibi displicere ait. Sed nihil in iis est, quod per se spectatum iure reprehendas; contra iis omissis verba ἀλλὰ (vs. 80) et μηδέ (vs. 90) mire frigent.

mate in quo Iliadis argumentum vel saltem argumenti cardo consistit neque igitur inter eius fontes haberi potest, sed cuius auctor ipse Homerus est, si quidem Irae Cantor i.e. verus Homerus is est qui primus Achillis iram cantavit. Ab hoc igitur poemate aperte confiteamur aut *Πρεσβειαν* abiudicandam esse aut *Πατροκλείαν* simul cum Achillis verbis de clade Graecorum exsultantis, quae cum illa manifesto cohaerent. Atque eo facilius hoc feremus quia iam in superioribus nobis apparuit, etiamsi discedas a controversia quam nunc tractamus, inveniri in Iliade quae prohibeant totam Irae Cantori tribuere.

Qui autem viri docti post Wolfium et Lachmannium inquirentes de compositione Iliadis, negaverunt fieri posse ut *Πρεσβεια* et *Πατροκλεία* eundem auctorem habuerint, tantum non omnes Irae Cantori *Πατροκλείαν* adscripserunt, denegaverunt *Πρεσβειαν*. Inter quos honoris causa nomino Naberum *τὸν μακαρίτην* qui docte et accurate de ea re egit in opere cui titulus „Quaestiones Homericae”. Quibuscum tamen ne faciam multa me deterrent. Et primum quidem hoc quod, si *Πρεσβειαν* ex Iliade demimus sequitur ut Achilles permotus cupidine ulciscendi Patroclum ultro cum Agamemnone in gratiam redierit nulladum ab hoc ei satisfactione oblata. Quod voluisse poetam et per se alienum est et repugnat crebris iudiciis quae contrarium docent. Achilles mandat matri Iovis auxilium implorandum *ut Agamemnon culpam suam agnoscat*, Thetis Iovem orat ut hostibus adsit *donec Graeci suum filium in honorem restituant*, Iuppiter annuit *id sibi curae futurum*. An ullo modo credibile, poetam haec molientem apud animum sibi proposuisse Agamemnonem peccatum *non* confesurnam *ante* quam Achilles ei ignosceret, Graecos *nihil* facturos ad eum honorandum *ante* quam paratum se ostenderet in aciem redire? Minerva e coelo demissa ut a vi eum avertat „tripla etiam dona” inquit „tibi propter hanc superbiam praesto erunt”. An id ita accipi voluit poeta ut Achilles *ante* placatum se praebiturus esset, *quam* haec ei offerrentur? Altero autem loco tenendum est *Μηνίδος ἀπόρρησιν* ne intelligi quidem posse nisi *Πρεσβεια* antecesserit, nam et iusiurandum ad quod Ulixes Agamemnonem hortatur (T 175), quid sibi velit nescis, nisi cognoveris Briseidem intactam reddi, idque cum Ulixes ante legationem communicavisse regem (I 132 sqq.), et ubi afferuntur

septem tripodes quos Achilli dono daturus est Agamemnon, poëta haec verba addit „quos illi promisit”, quod promissum regis verbis legati significaverant Achilli (I 264 sqq.). Itaque si Πρεσβεία resecatur Μηνίδος ἀπόρρησις quoque reiicienda est *neque ulla omnino satisfactio Achilli ab Agamemnone obvenit*. Ab altera parte mors Patrocli in Μηνίδος ἀπορήσει vix commemoratur, idque ita ut facillime credas eius mentionem additam esse postquam Πατροκλεία Iliadi inserta sit. Uno loco (T 210 sqq.) ubi *tertium* Achilles verba facit post alia paucis verbis Patroclum memorat, qui versus salvo contextu abesse possunt, sed duobus locis ubi respicere eum debuit altum agit de eo silentium. Nam ita infelicem rixae eventum lamentatus ac si cladem nullam accepisset peculiarem „Utinam” inquit (vs. 60) „Briseïdem Diana in navibus interfecisset, *non tot Graeci occidissent*” et (464) „Diu opinor dissentionem nostram meminerint Graeci, sed hoc mittamus et repellamns hostes”. De Patroclo ne verbum quidem, „mittamus de clade”, „hostes repellamus”. Non ita loquitur quem dolor ob trucidatum amicum angit, qui ardet studio ulciscendi. Neque eum commemorat ubi denuo surgit ad dicendum (vs. 145 sqq.), imprimisque ansa dabatur commemorandi, quippe enim non alio ibi loquitur consilio, nisi ut milites incitet ad pugnandum. Praeterea de Ulixē quid dicendum? qui monens ne impransi dimicent Graeci „non est” inquit (vs. 225 sqq.) „per ventrem cur lugeamus, nimis enim multi densique cadunt, qui tandem finis inveniatur laboris? Sed sepeliamus mortuos, mens immota maneat, unum diem eos defleamus et quicumque super sumus bello cruento, cibi et potus memores simus”. In univēsum dicta haec non sunt indigna viro strenuo atque honesto neque adeo carent vi poëtica, sed in peculiari Achillis propter Patroclum luctu inhumana sunt. Videtur igitur etiam Μηνίδος ἀπόρρησις a Πατροκλείᾳ separanda esse. Itemque Ἀγαμέμνονος ἀριστεία a qua initium capit Graecorum clades altera, gravissima, quae continetur libris Λ—Ο. Ne hac quidem Achilleis carere potest, cui sive Κόλον μάχην quoque assignas, in hac alterius cladis mentio fit ubi Iuppiter uxori minatur (Θ 470 sqq.) se proxime sequenti die etiam plures Graecorum milites perditum ire, sive Κόλον μάχην demis hoc ipso illa clade opus est. At vero huius auctor Πατροκλείαν non cognovisse videtur. Nam

Iovem inducit (Λ 191 sqq. 206 sqq.) Hectori per Iridem promittentem se sicubi Agamemnon sive hasta percussus sive sagitta, currum ascendat, vires ei additurum ad caedendos hostes donec ad naves perveniat solisque occasu tenebrae oboriantur. At in Πατροκλείᾳ invenimus Hectorem iam multo ante vesperam illius diei quo ad eum Iris missa est non sine magna suorum clade a Patroclo navibus depulsum; deinde autem cum Patroclo necato Graeci se ad castra sua recipiunt et tandem nox subit quae huic diei finem facit (Σ 239 sqq.), Hector non iterum ad naves pervenit. Fieri sane potest ut Ἀγαμέμνονος ἀριστείας auctor etiamsi Πατροκλείαν cognovisset, Iovis verba quae attulimus cum in fontibus suis invenisset — ut re vera invenisse veri simillimum est — immutata transsumserit aut discrepantiam non animadvertens aut satius esse iudicans nihil mutare. Sed quamvis sic rem expedire liceat, tamen quoniam cetera quae attuli accedunt, magis in promptu est discrepantiam eo ortam esse quod Graecorum cladi in Achilleïde descriptae recentior manus addiderit Πατροκλείαν.

At, inquis, fac Irae Cantorem Πατροκλείας rationem non habuisse, qua igitur re inductum voluit Achillem redisse in aciem, si minus Patrocli ulciscendi causa? An Graecorum extremo periculo Protesilai nave iam ab Hectore incensa? Sed Achillis res gestae omnes quae deinde narrantur et ceterae et Ἑκτορος ἀναίρεσις ita cum Patrocli morte cohaerent et ab hac quodammodo pendent, ut necesse sit, qualia nunc ea habeamus, credantur condita esse ab eo qui Πατροκλείαν inseruerit, aut a poëtis recentioribus. Fieri sane potest ut Irae Cantor de Achillis in proelium reversi fortibus factis multa narraverit quae a recentioribus prorsus sint mutata et in novam formam redacta; sed alia rei expediendae via ostenditur probabilior. Nam in superioribus vidimus legatorum Ulixis Aiakis Phoenicis obtestationes ab Achille repudiatas aliquam molestiam habere comparatis precibus quibus Iovem pro filio Thetis adisset, cum non obscure dea significasset hoc agere Achillem ut iniuriae quae affectus esset satisfactionem impetraret, inde enim sequi ut honorificentissime oblatam non repulsurus esset. Monuimus ¹⁾ quae-

1) Vide supra p. 54 sq.

sitius discrepantiam explicari ab iis qui perhiberent matrem filiumque non eadem mente fuisse, hunc voluisse hoc tantum peti ut Graeci plecterentur et Agamemnon suum peccatum agnosceret, non significasse qui modus poenae sibi sufficeret. Verum sumamus in poëmate principali exitum legationis alium fuisse atque in Iliade nostra, contigisse legatis ut Achillem placarent, post *Πρεσβείαν* continuo secutam esse *Μηνίδος ἀπόρρησιν*. Sic èt ea quae Achilles agit conveniunt ad ea quae mater Iovem oravit èt Iovis consilium Thetidis causa initum consummatur ¹⁾, èt supervacuum est aliam causam quaerere cur Achilles iram posuerit. Quid et quantum mutaverit quo assequeretur eam *Πρεσβείας* formam quam nunc habemus is qui *Πατροκλείαν* addiderit, manifestum est pro certo sciri non posse. Sed satis facile nobis apud animum proponere possumus quid, quomodo, in illa mutari satis sit ut legati redisse narrentur voti compotes. Hunc enim ad finem sufficiet in *Πρεσβείᾳ* post Achillis verba *ὦσ' εἰ τιν' ἀτίμητον μετανάσθην* (I 648) id ipsum inserere quod nunc post eadem verba legitur in *Πατροκλείᾳ* (Π 63—63): *ἀλλὰ τὰ μὲν προτετύχθαι ἑάσομεν· οὐδ' ἄρα πῶς ἦν ἄσπερχεις κεχολῶσθαι ἐνὶ Φρεσίν· ἥ τοι ἔφην γε οὐ πρὶν μῆνιθμον καταπαύσεμεν ἀλλ' ὅτε κεν δὴ νῆας ἐμὰς ἀφίκηται ἀντή τε πτόλεμός τε*, deinde resectis versibus I 650—655, hoc fere substituere: *νῦν ἥ τοι μὲν ἔγω παύω χόλον, ὥς γὰρ ἄμεινον* (cf. T 67), tum eorum loco quae leguntur I 678—687 tale quid inserere: *κεῖνός μ' ἐνιθμον ἐθέλει σβέσαι ἢ δὲ δέχεσθαι δῶρα τὰ τοι δώσεις, νεέειν δέ γε θυμὸν ἀνώγει ὅππῃσ κεν νῆας σάοῃ καὶ λαὸν Ἀχαιοῶν*, denique tollere vs. 691—709 et vs. 711. Ceterum suspicor etiam verba Achillis ad Ulixem (I 308—429) altera manu resecta et dilatata esse, quam suspicionem movet infinitus orationis anfractus multifariam frigentis. Ut ubi Briseïdem Achilles Helenae comparat (341 sqq.) eamque ex animo se dilexisse dicit, quod et per se minus placet et abhorret ab eius dictis ad Agamemnonem in *Μηνίδος ἀπορρήσει* (T 59 sq.): *τὴν ὄφελ' ἐν νῆεσσι κατακτάμεν Ἄρτεμις ἰὼ ἥματι τῷ ὅτ' ἐγὼν ἐλόμην Λύρνησσαν ὀλέσσας*. Nec

1) Utrum hoc consilium spectetur A 5, ut recte me indice, vulgo intellegitur, an *Διδὸς βουλὴ* ibi commemorata nihil aliud valeat nisi Iovis arbitrium quo multi perierint, nostra non refert.

minus offendit, quod a matre se audivisse ait duplicem sortem sibi paratam aut mortis maturae in acie aut longae vitae bellum omittenti, scilicet nec mater nec ipse de iniuria ab Agamemnone accepta colloquentes (A 352 sqq. 414 sqq.) dubitaverant quin esset *μινυθάδιος*. Tum alienum est quod dicit Agamemnonem sine se struxisse murum et fossam, siquidem eam rem, quae narratur in libro H (337 sqq. 436 sqq.) nobis posthac apparebit in Achilleïde non actam esse. Hoc saltem constat, nihil desiderari si ceteris demtis coniunguntur vss. 397—317 344—347 356—364 378—379 388—392 421—429. Praeterea vss. 664—668 nescio quomodo, magis videntur convenire interpolatori quam Irae Cantori.

Κόλον μάχην posthac demonstrabo Achilleïdi abiudicandam esse usque ad Θ 484, nam occasum solis qui deinde commemoratur, olim secutam esse post eam Graecorum cladem quae incipitur ab *Ἀγαμέμνονος ἀριστεία* et terminatur proelio apud naves quod continetur libro O. Cum eis igitur quae leguntur sub finem libri Θ, occasum solis volo et contionem Troianorum, ab initio, ut in Iliade nostra, cohaerebat *Προσβεία* cui successit *Μηνίδος ἀπέρρησις*. Credibile est poëma desisse in illum versum qui nunc legitur T.276 ὅς ἀρ' ἐφώνησεν ἄλυσεν δ' ἀγόρην αἰφνῆν¹⁾, nam concordia redintegrata ita certum erat facile hostes repulsum iri, ut ne opus quidem esset hoc diserte enarrare, neque in carminis prooemio ulla huius rei mentio fit. Absurdum putat El. H. Meyer v. cl.²⁾ poëma pangi in quo is qui primas agat partes, nihil agat; sed minime in Achilleïde nostra nihil agit Achilles quamquam nulla eius in acie facta depinguntur; quid

1) Etiam Koechly v. cl. suspicatus erat (Opusc. Philol. II 1882) priscum fuisse carmen de regum rixa in quo Agamemnonis precibus et pollicitationibus perductus iram Achilles deposuisse narraretur (l. l. „so mag jenes alte Gedicht jedenfalls den Streit des Agamemnon und Achilleus, so wie des letzteren Zorn und traurigen Folgen, eine Niederlage durch die Troer, vielleicht auch die Versöhnung des zürnenden Helden durch eine Ehrengesandtschaft und Geschenke umfasst haben“). Sed Koechly Lachmanniorum addictus disciplinae prisci huius carminis ne particulam quidem ad nos pervenisse censuit, sed ex eo tanquam fonte haurientes aliis admixtis, complures deinceps poëtas separata pepigisse carmina (l. l. „die beiden grossen Kunstwerke [Ur-Ilias und Ur-Odyssee] in einzelne Lieder aufgelöst und zerstückelt“), quae tandem Pisistratus in Iliadem nostram coniungenda curavisset.

2) Achilleïs p. 378 sqq.

autem manu valeat nobis eo indicatur quod ad eum recurrere post unius diu proelium Agamemnon coactus est; nam si putas hoc deberi peculiari auxilio quod Iuppiter hostibus ferat, neque igitur inde sequi ut utique Achillis fortitudine contra hostes careri non possit, perspicuum tamen est poëtam nisi voluisset eum communi consensu longe omnium fortissimum esse, ne potuisse quidem id ipsum de se praedicantem inducere (A 412) et ut Troiani vincerent cum pugna abstineret a Iove petentem, Iovemque annuentem; ridiculum enim fuisset. Qua autem ratione rem significavit fieri non potuit, quin altius penetraret auditorum animos quam si demonstrata esset multis exemplis, cuius generis quidquid noster addidisset heroïs imaginem non amplificasset. Quod autem in Iliade Ajax et Diomedes tales depinguntur qui contra Hectorem suffecturi fuerint nisi Achillis honorandi causa eos prohibuisset Iuppiter, ceteros locos ubi hoc appareat Achilleïdi abrogandos esse, posthac ostendemus, solos id genus locos quos Achilleïs habet, unum ubi Diomedes Hectori galeam tam vehementer hasta percutit ut in genu procumbat caligine oculis offusa (A 354 sqq.), alterum ubi poëta animadvertit evitasse Hectorem Aiakis manus (A 542)³⁾, propterea minus censemus Irae Cantoris mentem reddere, quod eos transsumsisse videtur e fonte qui Achillis rationem non habuerit, carmen antiquum volo, quod *Ἀγαμέμνονος ἀριστεία* pro fundamento fuisse demonstravimus antea²⁾. „At poëta non potuit” ita pergit Meyer³⁾ „opus suum concludere clade popularium”. Id nihil ad rem, neque enim clade sed certa spe victoriae Achilleïs concluditur.

At vero inquit, Achilleïdis argumentum quam angustum et tenue! Ita, si comparas Iliadis amplitudinem et ubertatem, non vero si confers cum eis carminibus quae, quantum ex Iliade colligere licet, huic pro fontibus fuerunt. Horum enim singulorum materiem uno excepto de quo mox agemus, nihil est cur credamus fuisse variam et abundantem; sed in Achilleïde aguntur res diversissimae: sacerdotis ad Graecorum naves adventum, eius colloquium cum Agamemnone, Apollinis ab eo implorati

1) Versum sequentem *Ζεὺς γάρ τοι 'νεμέσα ὕτ' ἀμείμονι φωτὶ μάχοιτο* omittunt codd. potiores omnes.

2) Mnem. 1913 p. 57.

3) l.l.

sagittae, contio ab Achille advocata, Calchantis responsum, regum iurgium, Minervae interventus, Nestor frustra se interponens, praecones Briseïdem abducentes, Chryseis reducta ad patrem, Achillis querela cum matre, huius missio ad Iovem, Iunonis ira, deorum coetus, Vulcani lepor, somnium fallax, exercituum congressus, pugna commissa, Agamemnonis fortia facta, Iris ad Hectorem missa, Ulixis vulneratio, Ajax protegens Graecorum receptum ad naves, deinde a navibus ipsis vim ignemque defendens, proelium nocte diremtum, Agamemnonis desperatio a Diomede castigata, Nestoris monita, legatio ad Achillem missa, concordiae reconciliatio. Inter carmina antiquiora unum tantum est quantum scire licet, quod Achilleïdi aliqua ex parte comparare liceat; illud volo quo Meleagri res gestae celebratae sunt, quod haud absurde Muelder Achilleïdis *πρωτότυπον* dixit ¹⁾. Illius carminis argumentum sic fere reddi posse supra vidimus ²⁾: Ad opprimendum aprum immanem, quem Diana a rege Oeneo cum ceteris deis deabusque sacra faceret neglecta agro Calydonio in miserat, Aetoli arma consociant cum Curetibus, e qua gente Oeneus Althaeam uxorem duxerat; Meleagrus Oenei filius beluam interficit, inter socios certatur de apri capite ac pelle; bello exorto Meleagrus occidit fratrem Althaeae quapropter haec mente furiata filium dis manibus devovet; is iratus proelium deserit; Curetes ipsam urbem Calydonem oppugnant; pater mater sorores sodales frustra orant heroëm ut patriam defendat, tandem, urbe iam ab hostibus incensa uxoris lacrimis pervictus vim propellit. Utrum poëtae qui hoc carmen condidit narrandi genus fuerit nudum incommutatum ieiunum, an quale Achilleïdis vividum copiosum *ῥήκτωρ* excultum, sciri nequit. Sed elaborata illa compositio qua supra monuimus Achilleïdem insignem esse, cum quasi nodus connectatur et dissolvatur, nostro carmini deest. Series rerum gestarum traditur quarum nulla eiusmodi est in qua tanquam in cardine totum poëma versetur; ad solam alteram eius partem Meleagri ira pertinet, neque diutius haec auditores incertos tenet quo sit exitura, nam continuo iratum circumdant sui, tum hostes appropinquant, urbem incendunt,

1) l.l. p. 50.

2) Mnem. 1913 p. 263 sqq.

Meleager surgit. Contra Achilleis paene in exordio statim Achillem iratum habet, Iuppiter eius socium; auditorum interest scire quomodo Graecos victuri sint Troiani, quibus illi quin satis superque sint pares nemo dubitat, quid Agamemnon porro sit factururus; hic a Iove dolose incitatus ad proelium committendum, Iovis arbitrato vulneratur sine suo dedecore, praeclare enim se gerit; etiam Diomedes et Ulixes honorifice proelio propter vulnera excedunt; vulgus tergum dat; Ajax tarde pedem refert, vim et ignem hostium sustinet; in extremo navium discrimine sol occidit; auditores gaudentes agnoscunt antiquorum carminum materiem in novum contextum adhibita. Iam in eo est ut nodus expediatur; silentio noctis Agamemnon fracta iam superbia legatos mittit, placatur Achilles non sine labore. Cum autem argumenti structura Achilleis longe superet *πρώτοτυπον* suum, veri simillimum est eam orationis quoque et stili luminibus ab hoc se distinxisse.

Ingeniose vLeeuwen animadvertit ¹⁾ Iliadem esse *τῶν ἰππορικῶν λύσιν*, quarum una sit quaestio haec: cur in multis carminibus laudes heroum qui ante Troiam pugnarint habentibus, inter Aiakis Ulixis Diomedis aliorum clara nomina desideretur nomen Achillis omnium clarissimum; altera haec: cur Apollinem deum vero Graecum *πατρῶν καὶ κουρότροφον καὶ μάντιν* in Phocidis antro Pythio cultum, non Achivis sed Troianis opitulatum ferant plurima, quae ad bellum Troianum spectent carmina vetusta; tertia haec secundae cognata et similis: cur prisca quaedam carmina Iovem deum Olympium Troianis ostendant faventem non Achivis optimo iure Troiam oppugnantibus, quibus ipsa eius uxor Iuno auxilietur. De prima quaestione vir clarissimus ita poëtam secum egisse putat: „Aliquantisper Achilles cum ceteris Achivorum ducibus comes in pugnam non ivit. Cur autem? quod nolebat videlicet. Nam volentem quis prohibiturus erat quominus hostes peteret? Cur autem aliquando noluit bellum gerere iuvenis ille generosus, fortis et audax et laudis appetentissimus? Quinam affectus in eius pectore plus valere potuit quam famae studium? Fuit ira, cuius causam erit poëtae probabiliter fictam enarrare”. Quibus verissime dictis additum

1) *Mnem.* 1910 p. 386 (Comm. Hom. p. 35 sqq.).

velim poëtae ut occurreret, ira commotum proelio abstinuisse Achillem, magni momenti fuisse similem Meleagri causam, quam ex antiquo carmine cognitam haberet. Ad quaestiones autem secundam et tertiam quoque prorsus Leeuwenio assentior cum censeat hoc responsum prae buisse poëtae fertile ingenium: contumeliam sacerdoti factam Apollinem suscepisse vindicandam; Achillis iniurias ab eius matre oratum Iovem annuisse se ulturum Graecorum clade. Sed hoc animadversum velim, *τριῶν ἀποριῶν λύσιν* illam non minus pertinere ad Achilleïdem nostram quam ad Iliadem; illius enim argumentum non secus quam huius sufficere ut inveniatur responsum ad quaestionem triplicem. Neque hoc tantum, sed ea in re etiam magis satisfacit Achilleïs quam Ilias. Aperte enim vLeeuwen declarat, Iliadem non ita compositam esse ut omnia quadrent ad responsa alteri et tertiae quaestioni data. Apollinem enim pestilentiae quidem quam Graecis inmississet finem mox fecisse cum sacerdoti satis datum esset, sed nihilo minus exinde quoque eis esse adversatum; Iovem palam plus semel esse confessum caram sibi Troiam; Hectoremque servaturum fuisse modo fata sivissent; hunc semper ei confisum esse. Negat vLeeuwen, idque suo iure, poëtam, cum in fontibus suis haec invenisset quorum materiem neque negligere neque ex arbitrio suo mutare et transformare posset, vituperandum esse quod *ἀσύγκλωστα συγκλώθειν* non valuerit, fecisse quod posset, sed in ipsius ut in aequalium mente vixisse illa prisca carmina, his aperte contraria dicere non licuisse etiamsi libuisset. Nihilo minus notatu dignum puto, in Achilleïde nostra eam discrepantiam abesse, quippe in qua neque Apollo ullo in proelio se interponat vel omnino ullas in proeliis partes agat, neque Iuppiter Troianos diligere se significet, vel eis adsit amplius quam requiratur ut promisso Thetidi dato satisfaciat. Quod nunc mihi est demonstrandum.

b) *Quae Iliadis partes praeterquam Πτροκλεία eaque quae cum hac cohaereant, Achilleïdi abiudicandae sint.*

Iliadis pars quae complectitur libros Π—Ω tota, si excipis Μηνίδος ἀπόρρησιν quae narratur in libro T, Achilleïdi abiudicanda est, illi enim libri praeterquam Πτροκλεία nonnisi ea

continent quae ex hac pendeant; atque his addenda sunt omnia quae in libro A leguntur post versum 574, quae item cum Πατροκλείη cohaerent; praeterea libri A vss. 501—520 qui locus ab iis separari nequit.

Nunc autem videamus de cetera parte Iliadis. Libri A nullam video certam causam cur quidquam Achilleïdi detrahatur nisi vss. 145—147 ubi commemoratur Idomeneus cuius mentionem mox videbimus in ea non recurrere, qua propter hic displicet. Quodsi praeterea vss. A 430—492 insitivos censes, quibus narratur Chryseïdis reductio, non magnopere refragabor, neque certam tamen neque magni momenti rem esse iudicans. Sequitur "Ονειρος qui optime cohaeret cum iis quae praecedunt. Sed Διαπείρασ causa alia est. Nam eius auctor, id quod in superioribus demonstrasse mihi videor ¹⁾, belli annum decimum agi sibi proposuit, quod quin in Achilleïde aliter se habeat minime est dubitandum. Vulgo enim primus belli annus in Iliade proponitur. Sic ubi Iris a Iove missa (B 788) Troianis nuntiat Graecos approquare, dicitur induisse speciem Politae Priami filii qui speculatoris loco in Aesepe tumulo sederet *δεγμένος ὅποτε ναῦφιν ἀφορμηθεῖεν Ἀχαιοί* (B 794), quibus indicari tum primum Graecorum a navibus expectari progressum e verbis deae apparet his: „confabulamini ut ante in pace, sed acre bellum ortum est, ne! numquam tot et tales copias vidi” quae luce clarius belli initium spectant. Paullo post, cum exercitus in campo constituerunt foedus facturi, Priamus eos de muro observans Helenam interrogat de principibus (Γ 162 sqq.), quod facere senem anno belli decimo absurdum erat ²⁾. In pugna quae deinde committitur Diomedes Glacum offendens alloquitur (Z 124): „nequaquam ³⁾ te ante vidi in proelio” quod incredibile est, si iam decimo anno bellatur. Mox Graeci castra circumdant muro et fossa (H 436 sqq.), decimo demum anno belli id fecisse censebit nemo. In pugna apud naves (N 362 sqq.) Idomeneus trucidat Othryonem

1) Mnem. 1913 p. 54 sqq.

2) Non repugnat illud *οὐ νέμεσιν Τρῶας καὶ εὐκνήμιδας Ἀχαιοὺς τοιήνδ' ἀμφὶ γυναῖκα πόλυν χρόνον ἄλγος πάσχειν* (Γ 157 sqq.), neque enim cogimur senis verba sic intelligere quasi dicat iam per longum tempus eos mala passos *esse*.

3) In mss. legitur *οὐποτε*, desideratur autem *σε*, qua voce nullo modo hic careri potest. Recte igitur vllrwerden v. cl. legere iubet *σέ γε*.

ὅσ ρα νέον πολέμοιο μετὰ κλέος εἰληλούθει. An decimo denique anno belli famam accepit? Priamo ad castra Graecorum iter faciens occurrit Mercurius sub imagine iuvenis „cui prima genas vestibat flore iuventus”, (Ω 347 sqq.) dicitque se Achillis esse militem e sex fratribus ei sorte datum, quod manifesto tum evenerat cum belli initio dilectus haberetur, neque tamen octavo vel nono aetatis anno iuvenis militiam inierit. Sex locos attuli, hunc unum afferre satis fuit, nam quoniam ratio fert ut sensim apud hominum animos creverit belli Troiani spatium, Irae autem Cantor antiquissimus est omnium Iliadis auctorum, sequitur ut si unus ex his quisquis fuit significaverit primum belli annum agi, non ex antiquo fonte imprudens id transsumens sed ipse ita rem sibi proponens — at vero nemo censebit ea de Mercurio ex antiquo fonte esse translata — Irae Cantori saltem idem placuerit. Nisi contrarium apparuerit. An apparet e Iovis verbis ubi dicit (A 520) *semper* uxorem sibi temere conviciari quod Troianis in pugnis adsit? Pugnatum iam esse, si minus cum Troiae urbis copiis, tamen adversus oppida circumiacentia quae sub Troianorum ditione vel iis socia essent, eo indicat poëta quod narrat urbem Thebam a Graecis captam esse sed nihil obstat quominus hoc primo belli anno factum sit. Optime igitur potuit poëta fingere Iovem querentem, immerito se ab uxore cum non odio eodem atque ipsa Troianos persequeretur, semper aceusari quod iis opitularetur.

Iamvero Διάπειρα si Achilleïdi abiudicanda est, vix multum a vero aberrabimus statuantes in ea post diei ortum qui commemoratur B 48, 49 statim secuta esse ea quae nunc leguntur B 442—483. Utrum comparationes cunctae, quae deinceps quatuor numero ibi sequuntur, Irae Cantori debeantur an una vel plures ab aliis sint insertae, non constat. Hoc veri similis videtur, nam aut altera B 459—468) aut tertia (B 469—473) prorsus supervacua esse videtur, neutram harum si absit desideres; sed rem parvi momenti omittere licet. Sequitur Catalogus navium qui dicitur. Huius nucleum ante hac vidimus¹⁾ inter carmina fuisse, quibus celebraretur bellum Troianum ortum ex expeditione in Asiam suscepta a Boeotis Phocensibus aliarum

1) Mnem. 1912 p. 4 sqq.

gentium Graecarum hominibus. Perspicuum ibi nullos neque populos neque principes appellatos esse, nisi qui in illius expeditionis partem venirent, nullos igitur praeter Aiace[m] ex iis qui primas partes egerunt in Achilleïde, Ajax Achilles Agamemnon Menelaus Diomedes Ulixes cum eorum popularibus; itaque Irae Cantor si Catalogum principalem in suum poëma adhibuit ipse hos addidit. Sed populi et principes qui in illo adhibebantur, in hoc, Aiace solo excepto, nonnisi exiguas partes egerunt; neque omnino in bello Troiano verum in Achillis ira enarranda versabatur Achilleïs. Multo igitur praestat sumere tum cum Achilleïdis quasi corpus crebris magnisque membris auctum esset, ita ut belli Troiani amplam exhiberet imaginem, extitisse poëtam qui Catalogum principalem et insereret et expleret, quem credibile est ne totum quidem eum constituisse qualem nunc habemus, sed etiam post hunc ab aliis nonnihil esse additum ¹⁾. Irae Cantori hi soli versus (B 786—815) tribuendi videntur quibus narratur Iridis missio ²⁾. Nam diserte cum descriptum esset (B 455—483) copias Graecorum duce Agamemnone e castris educi, in campo consistere, in catervas a ducibus suis distribui, requirebatur ut eodem modo Troiani Hectore duce in aciem proficisci et instrui narrarentur, quod nullo loco fit nisi nostro. Quod autem Iuppiter Iridem mittit Troianos monitum de hostium adventu, optime quadrat ad somnium fallax Agamemnoni missum. Nihil igitur vetat credere, ea quae nunc leguntur B 786—815 in Achilleïde iuncta fuisse ab altera parte eis, quae nunc leguntur B 483, ab altera eis quae Γ 1—14.

Nam a versu Γ 15 initium capit *ἐπεισόδιον* maius quod Achilleïde alienum videtur. Omnia quae abinde eo versu continentur libris ΓΔΕ, nisi forte minora aliqua *ἐπεισόδια* post addita sunt de quibus nunc non quaerimus, uni haud dubie debentur auctori. Is qui Iliadi inseruit *Ἀλεξάνδρου καὶ Μενελάου μονομαχίαν* non potest non inseruisse *Ὀρκίων σύγχυσιν*, quo enim alio modo illam potuit coniungere cum sequentibus? An forte recentior est hac? Sed haec ne cogitari quidem potuit nisi illa

1) Mnem. 1912 p. 13 sqq.

2) Vide supra p. 66 sq.

praecessisset. Porro Pandarum ubi a Minerva incitatus Menelao sagittam intendit, poëta, *νήπιον* vocans simul significat ultrices deas non evasurum, et ab altera parte, ubi narraturus est Pandari mortem, vulnus Menelao inflictum respicit (E 206 sq.). Pandari autem exitus a cetera *Διομήδους ἀριστείᾳ* separari nequit, nam cum illo cohaeret Aeneae vulneratio a qua rursus pendet Martis auxilium Troianis latum eiusque cum Diomede certamen. Ea quoque quae continentur libris ZH, rursus si excipis *ἐπεισόδια* nonnulla quae recentiora esse videntur, ita cohaerent abinde saltem versu Z 73 ut diversis auctoribus dividi nequant; manifesto enim is qui Iliadi inseruit Hectoris colloquium cum uxore etiam eius adventum in fratris domum et profectionem cum fratre in aciem inseruit, atque idem rursus ut ansam sibi praeberet mittendi Hectorem in urbem, Heleni ad matrem mandata confinxit ¹⁾; pugna autem ab Hectore et Paride restituta causa fuit colloqui Minervae et Apollinis, unde pendet Hectoris cum Aiace certamen. Ab alio poëta libros ZH atque ΓΔΕ insertos puto, de qua re alio loco accurate agendum erit, nunc satis est statuere eum qui illos inseruerit, hos cognitos habuisse. Nam ubi Helenus (Z 73 sqq.) Hectorem adhortatur ut matri auctor sit cum ceteris Troianorum matronis grandaevae Minervae adeundi delubrum, ita eas deam placare iubet *αἴ κεν Τυδέος υἱὸν Ἀπόσχη Φιλίου ἴρῃσ* (Z 97), quibus verbis liquido apparet eum respicere *Διομήδους ἀριστείαν*, atque ubi Hector fratrem alloquitur *δαίμονι' οὐ μὲν καλὰ χόλον τόνδ' ἔνθεο θυμῷ* (Z 326) haud obscure tangit huius certamen cum Menelao ²⁾ non aliter quam

1) Bethe v. cl. („Hektors Abschied” Teubner 1909) recte animadvertit Z 242 ubi Hectori mater obviam ire narretur Priami filios dici domi patris habitare, sed Z 313 Paridem propriam domum habitantem fingi. Versus Z 243—252 interpolatos puto, sed fac genuinos esse repugnantia facile sic explicatur, ut in antiquo carmine unde fratrum colloquium haustum sit (vide Mnem. 1912 p. 324 sqq.) Paris suam habuerit domum, is autem qui hos Iliadi inseruerit, cum paulo ante (Z 242) rem aliter proposuisset repugnantiam non attendisset. Ceteras discrepantias quas in libro Z dispexisse sibi videtur Bethe nullas puto.

2) Cur Naber (Quaestiones Hom. p. 157) hoc neget non intelligo. Nam Γ 451 sqq. legimus Paridem a Venere servatum et domum reductum, cum a Menelao quaereretur neminem Troianorum victori potuisse ostendere *οὐ γάρ κεν Φιλότῃτι ἐκύνθανον εἰ εἴ ἐφίδοντο, εἴσιν γάρ σφιν πᾶσιν ἀπήχθετο κηρὶ μελαίνῃ*. Quid mirum igitur Hectorem existimare fratrem eius rei non ignarum, cum civibus suis suscenseret domi latitare.

ubi Graecorum principes provocaturus ad certamen secum ineundum (H 69 sqq.) sic dicere incipit ὄρκια μὲν Κρονίδης ὑψίζυγος οὐκ ἐτέλεσσε. Quodsi igitur in eis quae inter se cohaerentia complent maiorem partem librorum ΓΔΕ, aliqua offenduntur quae prohibeant haec adscribere Achilleïdi, nihil iam cunctis libris Γ—H superest quod tribui ei possit.

Est autem aliquid quod pro invicto stet argumento cur illi libri Irae Cantori abnegandi sint, estque hoc, id quod in superioribus iam verbo attigimus, Iovis mens ergo uxorem aliter ab hoc proposita, aliter ab auctore libri Δ. Nam praeefracte negandum censemus, qui Olympium anxie sollicitum finxisset (A 517 sqq.) ne uxor intelligeret se suscepisse Troianos iuvandos quippe quae etiam immerito ipsi conviciaretur quod eos iuvaret, eundem paulo post (Δ 5 sqq.) finxisse ultro uxorem ad convicia lacescentem simulando se Troianis etiam magis favere quam faveret re vera. Neque enim serio loquens sed παραβλήδην ἀγορεύων se meditari dicit pacem inter Troianos et Graecos, neque re vera adeo favet Troianis ut prohibiturus sit perducere bellum, cuius exitus ne Iuno quidem metuit ne Graecis adversus sit futurus. Neque tantummodo erga Iunonem sed erga Graecos quoque Iovis mentem aliam proposuit poeta noster atque Irae Cantor. An iis victoriam largiturus somnium fallax Agamemnoni miserat? Non ita, credo. At poeta noster Minervam cum Martem Troianorum socium e proelio abductura sit his usam verbis fingit (E 34) νῶϊ δὲ χαζώμισθα Διδσ δ' ἀλέωμεθα μῆνιν, quibus satis clare significavit Iovem nihil mali intendere Graecis ¹⁾. Quid? Ubi frater in aciem reversus Graecos opprimit eum Iove annuente male mulcatum proturbat, et Iuppiter ultro belli furorem filio increpat. Omnino in Iliade nostra clades Graecorum diutius differtur quam iure expectes post promissum Thetidi datum et somnium fallax. Voluit noster, inquit, poësin suam

1) Rogas quid poëtam induxerit ut fingeret Minervam fratrem e pugna seducentem. Veri simile puto ut in fonte suo invenerit belli deum a sinistra parte pugnae — quaequae fuit — sedentem Veneri a Diomede vulneratae currum suum mutuum dedisse (cf. E 355), et secum reputaverit ita sibi explicandam esse hanc Martis stationem — quae in fonte prorsus aliam causam habuisse potest — ut e pugna seductus esset a numine quopiam, ad quam rem nemo Minerva ei videretur aptior esse. Quocum cohaeret quod Δ 439, qui locus haud dubie quoque nostro poëtae assignandus est (vide supra p. 68 sq.), Minervam Graecos Martem Troianos adhortatum esse narravit.

locupletari inserenda materie ex antiquis carminibus hausta, quae quamvis ad argumentum poëmatís minus faceret vel etiam aliqua ex parte discreparet, tamen eius cohaerentiam non frangeret. Audio, et eiusmodi rationem credibilem censeo. Etiam veri simile puto in antiquo carmine quod *Διομήδους ἀριστεία* pro fonte fuerit ad bellum Troianum non pertinens, Martem Iovis voluntate a Minerva e proelio fugatum esse, favisse deorum regem Diomedí. Sed petulantiam Iovis qua Iunonis iram provocat, nemo censebit petítam e fonte antiquo. Diversitas autem concipiendi eiusdem personae imaginem ut nulla mutationis causa conspicua idem nunc timeat nunc petat, non eiusdem poëtae est, verum multo hoc est certius documentum diversitatis auctorum quam multae discrepantiae in rerum externarum et adventiciarum narratione. Adde quod etiamsi daremus *ἐπεισόδιον* de quo nunc agimus ipsi tribui posse Irae Cantori, illud tamen immotum manet alia *ἐπείσοδιx*: *Πατροκλείαν Διάπειραν Τειχομαχίαν* ei abiudicanda esse. Haec reputanti ubi optio datur aut tribuendi Achilleídis argumenti additamentum nostrum Irae Cantori ipsi aut poëtae recentiori, haud dubium videbitur quin hoc sit probabilius.

Pervenimus ad *κόλον μάχην*. Hic habemus Graecorum cladem, non vero eam quae adscribi possit Achilleídi. Nam eius auctor *Πατροκλείαν* se cognovisse significat. Iovem enim ita loquentem inducit (Θ 474): „tum Achilles surget apud naves cum in summis angustiis de Patrocli corpore certabitur”. Accedit quod *κόλος μάχη* multa habet, quae undique ex Iliade comportata esse videantur, unde sponte movetur suspicio originis recentioris. Nam ut utar verbis Naberí v. cl. qui de hac re accurate egít ¹⁾ „exceptis locutionibus et dimidiatis versibus qui apud Homerum quavis fere pagina occurrunt, sunt praeterea versus plus quam octoginta, qui cum parva nullave mutatione alibi quoque inveniuntur, quorum versuum ea est ratio ut saepe aliunde desumta possint videri, raro autem octavus liber fons sit reliquorum” ²⁾.

1) l. l. p. 143.

2) Locos comparavit Naber hos: vs. 3 = A 499; 5 = T 101; 28–30 = I 430–432; 39–40 = X 183–184; 41–44 = N 23–26 58–59 = B 809–810; 60–65 = Δ 446–451; 66–67 = A 84–85; 68 = Π 777; 69–70 X 209–210; 71 = T 127; 72 = X 212; 105–107 = E 221–223; 222–226 = A 5–9; 227 = A 275; 228 =

Tamen abinde solis occasu qui narratur Θ 485 sqq. rursus habere videmur manum Irae Cantoris. Ad *πρῆσβειαν* enim, quam in Achilleïde secutam esse vidimus post proelium apud naves, quod in Iliade continetur libro O, requiritur transitus, isque quem hic habemus; nam legatio ad Achillem noctis silentio mittitur. Transitus igitur aptissimus efficitur eis quae leguntur abinde Θ 485 qui versus optime coniungitur cum postremo versu libro O.

Πρῆσβειαν cur exitu mutato Achilleïdi assignemus cum in superioribus copiose demonstraverimus, de cetero praetermittere licebit. Eadem autem nocte atque haec, in Iliade *Νυκτεγερσία* et *Δολονεία* actae finguntur quibus in Achilleïde, utpote in qua statim post *Πρῆσβειαν* sequeretur *Μηνίδος ἀπόρησις*, nullus locus esse potuit; in illa igitur videtur *Ἀγαμέμνονος ἀριστεία* iuncta fuisse versui qui nunc legitur Γ 15. Sed versus Α 1—84 non quadrant ad ea quae leguntur Β 48, 49, 442—483, quae Achilleïdi impertienda esse censuimus; nam diei ortus narratus erat Β 48, 49 et Minervae labore in excitandis Graecis (Β 446—454) excluditur belli Furoris missio quae libri Α initio diei ortui succedit (Α 3 sqq.). Praeterea versus nostri alia ex parte habent quae offendant. Dicuntur enim duces aurigis suis equos prope fossam retinendos mandasse (vs. 47 sqq.), sed paulo post (Α 192, 270, 280) Agamemnon vulneratus curru vehitur e proelio, quod facere non potuit si currus ad fossam restitisset. Neque omnino video causam cur currum apud fossam remanere opus fuerit, verum Μ 84 sq. iisdem verbis aptissime duces Troiani castra Graeciorum oppugnaturi currus suos apud fossam reliquisse narrantur, idque iisdem verbis. Deinde vss. Α 51 sq. displicent cum satis dure pedites dicantur multum praecedere essedarios, hi venire paulo post pedites. Tum Α 56 aegre desideratur vox *ῥαρήσσοντο*, sed Τ 3 qui versus idem est ac Α 56, *ῥαρήσσοντο* facillime auditur ex versu Τ 1. Porro comparatio adhibita vss. 67—69 minus apta est, neque enim mesores sibi oppositi quemadmodum Graeci et Troiani se mutuo

E 787; 258—260 = E 40—42; 313—317 = Θ 121—125; 331—334 = Ν 420—423; 343—345 = Ο 1—3; 345—347 = Ο 367—369; 354 = Θ 34; 381—383 = Ε 719—721; 384—388 = Ε 733—737; 389—396 = Ε 745—752; 457—462 = Δ 20—25; 463—465 = Θ 32—34; 493—495 = Ζ 318—320; 540—541 = 827—828.

feriunt, sed aristas quae mediae inter eos sunt. Tum vss. 78—83 damnaverunt iam Alexandrini non immerito ineptum rati *omnes* deos suscensuisse Iovi. Postremo vs. 46 Agamemnon dicitur rex Mycenarum, quod ceteroquin in Achilleïde non invenitur, cum contra in Πρεσβεία propter urbes quas Achilli polliceatur in Laconiae confiniis sitas, censendus sit potius Lacedaemoni regnasse ¹⁾. Statuendum igitur videtur, post ea quae leguntur Γ 15 statim secuta esse in Achilleïde ea quae nunc leguntur abinde Λ 85. Postremam partem libri Λ abinde vs. 575 praeterea vss. 501—520 ab Achilleïde separanda esse, quippe quae cohaereant cum Πατροκλεία, supra iam monuimus.

Hanc autem etiam Τειχομαχίασ auctor se cognovisse prodit, ne dicam eo quod Hectoris mortem memorat (M 10 cf. 13), hanc enim ex antiquiore carmine cognitam habere potuit, tamen quia exorditur a mentione Patrocli curantis Eurypyllum vulneratum, qua tangit ea quae inveniuntur sub finem libri Λ, a Πατροκλεία, id quod iam saepius monuimus, pendentia. Praeterea Τειχομαχίασ auctor putandus est sibi proposuisse belli spatium decennale siquidem hoc apparet ex eo quod legimus M 15 'ἐέρθετο δὲ Πριάμοιο πόλις δεκάτῳ ἐνιαυτῷ. Versum hunc eiecit vLeeuwen v. cl. ²⁾ sed cum post ὄφρα (vs 10) sequatur (vs. 11) Πριάμοιο γάνακτος ἀπόρθητος πόλις ἔπλε, post αὐτὰρ ἐπεὶ (vs. 13) requiri videtur mentio urbis dirutae, id quod confirmatur versu 16 „Ἀργεῖοι δ' ἐν νηυσὶ Φίλην εἰς πατρίδ' ἔβησαν", quae verba frigent illa mentione omissa. Cumque viderimus etiam Διαπίρρασ auctorem decimum cogitare anni bellum et Helena Hectoris mortem lugens (Ω 762 sqq.) vel vicesimum postquam Troiam venerit annum memoret, minus etiam causae esse videtur cur nostrum versum interpolatum putemus. Ceterum verum quidem est, poëtam nostrum cum decimo belli anno Troiam eversam dicat non totidem verbis pugnam quam descripturus sit eo demum anno commissam dicere, sed quoniam vs. 10 sq. Hectoris vitam Achillis iram urbis salutem ita coniungit ut liquido significet hanc ab illis pendere, satis clare

1) Cf. Mnem 1912 p 30 sqq.

2) Mnem. 1907 p. 209 Hom. Comm. p. 20. Quod imperfectum v. cl. hinc alienum esse censet, cf. Thuc. I. 9. 2, Xen. Anab. I. 1. 6, Cyrop. III. 3, 1 quibus locis non aliter se habet ac nostro loco.

enuntiat non multis annis post, sed continuo eius excidium secutum esse. Praeterea fac cogitavisse nostrum res in Iliade enarratas actas esse primo, expugnationem decimo belli anno ¹⁾, quid igitur sibi proposuit actum esse per tot annos in medio positos? Adventus Memnonis Aurorae filii commemoratur in Odyssea (δ 188, λ 522), Amazonum in carminibus κυκλικῶς quae dicuntur, de Memnone autem et Amazonibus quae narrantur ad bellum Troianum pertinentia, recentioris originis notam in fronte ferunt ²⁾ nedum in Iliade tangantur. Itaque si haec cognita habuerit Τειχομαχίας auctor, ea ipsa re inter recentissimos Iliadis auctores habendus est.

Transeundum iam est ad Μάχην ἐπὶ ταῖς ναυσίν, Διδὸς ἀπατήν, Πηλῶξιν παρὰ τῶν νεῶν, quae ἐπεισόδια continentur libris ΝΞΟ. Coniuncte haec tractanda sunt, nonnullis enim locis omissis de quibus mox agemus, nihil in his est quod Achilleïdi vindicari possit nisi cuncta ei assignanda esse apparebit. Nam per totam Μάχην ἐπὶ ταῖς ναυσίν si paucas aliquas περιεπᾶς excipis quibus de hac re siletur, versari Neptunum apparet in exercitu Graecorum, sed qui fiat ut maris deus aliquando discedat, audimus in Παλιώξει παρὰ τῶν νεῶν (O 157 sqq.), quae ab altera parte usu venire non potuit nisi praecessisset Διδὸς ἀπατή. In Παλιώξει nonnulla leguntur quae si constaret genuina esse, in aprico esset poëtam cognovisse Πητροκλείαν. Experrectus enim e somno quo uxoris dolo oppressus erat Iuppiter inter alia ei dicit (O 65) Patroclum ab Hectore interfectum iri. Sed totum locum O 64—71 expunxerunt Zenodotus Aristophanes Aristarchus, propterea quod simul cum eis quae modo attuli hoc quoque cum Iunone communicat Olympius, Graecos confuturos ad Achillis naves, deinde hunc sodalem suum Patroclum

1) Forsitan sic acceperit nostrum versum (M 15) is qui maximam partem libri N Iliadi inscriuit. Hunc cognovisse Τειχομαχίαν mox ostendemus; significat autem (N 362 sqq.) de quo loco vide supra (p. 66 sq.) certamina quae depingat, primo belli anno non decimo habita esse.

2) Ut hoc solum afferam: in Ἀχιλλέως ἀναστάσει, quae a Πατροκλείᾳ pendet, Thetis filium alloquitur (Σ 96) αὐτίκα γάρ τοι ἔπειτα μεθ' Ἑκτορα πότμος ἐτοῖμος; in Aethiopide interveniunt adventus Amazonum et deinde Memnonis. Iliadis autem versus ille Aethiopidi ita convenit si pro μεθ' Ἑκτορα substituis μετὰ Μέμνονα, fatale enim vinculum quo in Iliade Achillis mors iuncta est Hectoris morti, in Aethiopide imitatum est substituto Memnone pro Hectore.

suscitaturum, in *Πατροκλείῃ* vero res aliter proponantur, ad naves Achillis Graeci non confugiant, Patroclus ultro hunc adeat. Quod quamvis minime incredibile vel veri dissimile putem deberi inconsiderantiae poëtae negligenter referentis ea quae narrantur in *Πατροκλείῃ*, tamen omittam et alia proferam cur *ἑπεισόδια* nostra Irae Cantori abneganda sint. Nam in *Παλιῳξει* ubi discimus (O 3) Troianos Iove dormiente e castris Graecorum repressos esse usque ad eum locum ubi currus suos reliquissent, *Τειχομαχία* tangitur, utpote in qua narrati essent (M 80 sqq.) Polydamantis monitu currus collocasse non procul a Graecorum castris pedibus murum ascensuri. Accedit, id quod non minoris momenti videtur ad dissuadendum ne *ἑπεισόδια* nostra assignemus Achilleidi, quod manifesto eorum interventu dies quo Graecorum clades continetur, praelongus fingitur. In Iliade ille dies vere infinitus est quoniam *Τειχομαχία* et *Πατροκλεία* accedunt, sed etiam his omissis habemus: proelium aequo Marte gestum usque ad meridiem — *ὁφρα μὲν ἡὼς ἦν καὶ αἶξετο ἱερὸν ἡμᾶρ* (Λ 84 cf. vs. 86 sqq.) — tum Agamemnonis fortia facta, quibus Troiani usque ad urbem repelluntur — *Σκαίᾱς τε πύλας καὶ Φηγδὸν ἴκοντο* (Λ 170) — deinde Agamemnonis vulnerati discessum e pugna et Hectoris impetum, Diomedis et Ulixis fortitudinem, qui tandem ipsi quoque, alter ante, post alter, vulnerati abeunt, Aiace fugam Graecorum protegentem usque ad naves se recipientium, Neptuni adventum, longam seriem certaminum qua totus liber N completur, Troianos Iove dormiente e castris eiectos et usque ad fossam repulsos — nam Iunonem Venerem adeuntem, deinde Lemnum profectam ut Somnum arcessat, cum hoc reversam, coniugum caelestium amores, propterea omitto quod tota haec *Διδὸς ἀπατή* cogitari potest eodem tempore acta esse quo postrema ex illa serie certamina — denique redintegratum Troianorum impetum et rursus certaminum longam seriem quae terminatur irritum illorum conatu incendendi naves. Haec si ab uno eodemque poëta composita essent quantum negotii fuit per plures dies ea distribuere? parte eorum post addita facile intelligimus, qui addiderit minus attendisse sponte diem duci omni probabilitate diutius.

At vero, quamvis haec ita se habeant suspicandum tamen est latere in iis, quae contineantur libris NΞO, nucleum quemdam

qui referendus sit ad Achilleïdem. Neque enim solis occasus qui commemoratur Θ 485 satis apte coniungitur cum eo proelio quod in Achillide terminari vidimus eo versu qui nunc legitur Α 574. Nam iure existimes antequam sol occidat Troianos per-venturos esse ad naves, quemadmodum Iuppiter futurum esse praedixerat (Α 193 sq. 208 sq.) Graecos circum maris litus oppressum iri, id quod ut fieret Achilles matrem a Iove petitem miserat. Ab altera parte perlegentem libros ΝΞΟ fugere neminem potest nonnullas occurrere *περικοπὰς*, quas si per se spectes nullo necessitatis vinculo coniunctas esse appareat aut cum Neptuni interventu, aut cum fraude Iovi facta, aut cum Troianorum a navibus regressu. Hae igitur nunc nobis sunt considerandae, simulque inquirendum, sitne in his aliquid quod in nostrum usum convertere possimus. Cetera ita cohaerent ut ne versus quidem in iis sit, qui non aut contextus vinculo coniunctus sit cum loco aliquo ubi Neptuni mentio fiat, aut ubi aliquid narretur quod pertineat ad *Διδὸς ἀπατήν* aut ad *Παλλῖωξιν παρὰ τῶν νεῶν*, loci quos volumus sunt Ν 136—155 Ξ 1—134 Ο 306—746. Neque tamen contendimus cunctos hos locos totos olim obvenisse Achilleïdi. Nam statim loci Ξ 1—134 Ο 390—414 seiungendi sunt, quippe quibus respiciantur ea quae continentur postrema parte libri Α pertinentia ad *Πατλροκλείαν*. Deinde videamus de loco Ο 415—746. Invenimus Ο 415 sqq. Hectorem et Aiacem de eadem nave certantes, quam alter conatur incendere alter defendere ab igne. Sed Ο 593 sq. legimus *Τρῶες δὲ λίεσσι φοικότες ὠμοφάγοισι νηυσὶν ἐπεσσεύοντο*, et Ο 653 *εἰσῶποι δ' ἐγένοντο νεῶν* quod aliter interpretari non licet nisi sic „in conspectum navium venerunt”, apertum autem est eos conari non potuisse navem incendere qui multo post demum in conspectum venirent navium, cum praesertim ne verbo quidem indicetur eos post irritum conatum eo usque propulsos esse ut ne in conspectu quidem manerent navium. Qua propter aut locus qui continetur versibus 415—591 — divelli enim eius contextus non potest — aut qui versibus 592—746, ab Achilleïde demendus est et pro interpolato habendus ex altero imitatus. Neque dubium esse potest uter potior sit habendus. Supra enim demonstravimus (p. 72) post ea quae habeat finis libri Ο olim secutum esse solis occasum, qui nunc invenitur Θ 485 sqq., et

animadvertimus eum optime coniungi cum versu O 746. At, inquis, non minus apte quadrat ad versum O 591. Dicam cur hoc negandum esse censeam. Sub finem libri O Graeci versantur in summo discrimine, non tantum ceteri omnes (vs. 655 sqq.) a primis navibus recesserunt et apud tentoria i. e. in litore maris conglobati substiterunt, sed Ajax quoque, qui paulisper remanserat cum illi pedem referrent (vs. 674 sqq.) in transtro navis concursans (vs. 685 sqq.) conto hostes arcens (vs. 677 sqq.) consistere iam non potuit (vs. 727 sqq.), sed paullulum regressus summo labore ignem a navibus defendit; res prorsus eo statu sunt, quem Achilles cum matre querens de iniuria sua cupiverat Iovis ope oriturum esse ut frangeretur Agamemnonis superbia (A 408 sqq.). Contra sub finem loci alterius (O 415—591) minime Graeci versantur in discrimine summo. Nam quamquam iam vs. 415 Calenor Clytius filius Troianus conatus erat e Graecorum navibus aliquam incendere pugna constitit sicubi hic ab Aiace interfectus est, deinde ultro citroque milites caeduntur, ab Hectore Lycophron Mastoris filius, a Teucro Clitus filius Pisenoris, tum ab Hectore Schedius Perimedis filius, ab Aiace Laodamas Antenor filius, a Polydamante Otys Cyllenius, a Megete Phylei filio Croesmus Troianus, a Menelao Dolops Lampi filius, ab Antilocho Nestoris filio Melanippus, in toto igitur a Graecorum parte tres a Troianorum sex viri cadunt, nullo modo apparet illos a navibus reici et in litore maris compelli. Accedit quod cum sub finem libri summa certaminis ad Aiaccin redeat, quem consentaneum erat primas ferre fortitudinis, nostro contra loco auditorum animi ab eo avertuntur fortitudine Teucris, Megetis, Menelai Antilochi, qui ceteroquin in Achilleide praeter Menelaum ne appellantur quidem. Itaque sic iudicandum puto, vss. 415—591 insertos esse sive ab eo cui debemus maiorem partem librorum NΞO, sive ab antiquiore sive a recentiore poeta, neutiquam tribuendos esse Irae Cantori. Qui inseruit, quisquis fuit, non satis attendit propter versum O 653 *εἰσῶποι δ' ἐγένοντο νεῶν* aliena esse quae ederet de Hectore et Aiace circa eandem navem pugnantibus.

Iamvero etiam vss. O 596—652 Achilleïdi abiudico. Nam O 599^b sqq. legimus Iovem noluisse ante Graecis succurrere quam Hector in naves curvas ignem coniecisset, expectasse dum

oculis cerneret fulgorem navis inflammatae. Revera Π 112—124 legimus navem incensam a Troianis „τῆς δ' αἶψα κατ' ἀσβέστη κέχυτο φλόξ”. Sed haec non pertinent ad Achilleïdem, sed ad Πατροκλείαν, ab huius auctore inserta sunt mox narraturo (Π 293 sqq.) Patrocli cum Myrmidonibus adventu Troianis cedentibus flammam extinctam esse; ab Achilleïde aliena sunt, néque enim si Troianis contigisset ut navem incenderent, solis occasu pugna diremta esset, quae incendii luce potuit continuari, néque cum iis conveniunt aut Iridis mandata ad Hectorem (Λ 190^b sqq. 207^b sqq.) aut Achillis preces (Λ 408 sqq.) in quibus proponendis poëta vix omisisset incendii navium mentionem facere si id cogitasset.

Porro vss. O 306—389 ab Achilleïde demendi sunt. Alteram huius loci partem abinde vs. 367 iam propterea aliena est, quod ibi narrantur vs. 387 sqq. Graeci de navibus pugnare, unde rursus sequitur ut aut haec πειρικοπή aut vss. 653—736 sint tollendi; neque dubium esse potest post ea quae modo (p. 47 sqq.) disseruimus utrum sit praeferendum. Versus autem 306—366 propter duas causas Irae Cantori abiudicandi sunt. Quarum altera haec est, quod Apollo Troianos ducit qui, quamquam èt in Διομήδους ἀριστεία iisque quae cum hac cohaerent haud obscure ab eorum parte stat èt in Πατροκλεία iisque quae ab hac pendent Hectori saepius adest, Patroclum ei caedendum tradit èt in Παλιώξει παρὰ τῶν νεῶν Iovis iussu Hectori succurrit, in Achilleïde si a nostro discedis loco non tantum in pugnis se numquam interponit, sed ne ullo quidem modo significatur favere Troianis — nam quod Λ 354 ab eo galeam accepisse Hector dicitur, id quod haud dubie cum cetera Ἀγαμέμνονος ἀριστεία ex antiquo haustum est carmine nullius hac in re momenti est — contra ab Irae Cantore haud obscure indicatur erga Graecos, cum eius sacerdoti filia reddita satisfecissent, placato fuisse animo. Nam Calchas de pestis causa respondens, non prius inquit (Λ 97 sqq.) Apollo calamitatem a nobis defendet quam virginem sine pretio patri restituerimus deoque ampla sacra fecerimus, tum vero ἱλασσάμενοι πεπιθοίμεν. Neque frustra Chryseïde reddita Ulixes cum comitibus πανήμεριοι μολπῇ θεὸν ἱλάσκοντο (Λ 472); quid enim? ὁ δὲ τέρπει ἀκούων. Iam scio equidem fieri posse ut poëta mox fontibus usus qui aliam dei mentem ostenderent in-

concinna proposuerit, sed propterea hoc minus probabile est quoniam accedit altera causa suspicandi auctorum diversitatem. Nam vs. O 334 sqq. legimus: *τόφρα δ' Ἀχαιοὶ τὰφρῶ καὶ σκολόπεσσιν ἐνιπλήξαντες ὀρυκτῇ ἐνθα καὶ ἐνθ' ἐφέβοντο δύνοντο δὲ τεῖχος ἀναγκῇ*. In Achilleide fossa vallus murus ceteroquin non commemorantur, atque vix auditores nisi cognovissent fossae oras vallis praeacutis munitas esse, id quod narratur in *Τειχομαχίᾳ* (M 55 sqq.), intellegere poterant quid sibi vellent valli qui a muro distinguerentur et ad eum non pertinerent. Qua propter censendus est loci nostri auctor *Τειχομαχίαν* respexisse.

Postremo locus O 659—673 eximendus videtur. Nam Nestoris adhortatio minus placet. Sic enim loquitur senex: *ὦ φίλοι ἄνερες ἔστέ καὶ αἰδῶα θέσθ' ἐνὶ θυμῷ*, cum paucis versibus ante poëta Graecos laudavisset (vs. 657 sqq.) *Ἴσχε γὰρ αἰδῶσ καὶ δρέωσ, ἄζηχ' ἐσ καὶ ὁμόκλειον ἀλλήλοισι*". Rem actam igitur Nestor agit. Quae autem post eius verba sequuntur (vss. 668—673) iam Aristarchus obelo notavit et merito quidem, dicitur enim ibi Minerva Graecis *ἀχλύος νέφος* ab oculis removisse quasi antea occaecati fuissent, quod neque poëta ullo verbo significaverat, neque intellegi potest. Supersunt igitur e locis quos supra recensuimus hi, qui aptissime coniunguntur, N 136—155, O 593—395, 653—658, 674—746, quibus efficitur nucleus quem dixeramus inesse eis quae continerentur libris NΞO. Vix dictu opus est fieri posse ut ab iis cantoribus qui haec in ingentem ambitum augerent et dilatarent, etiam sive pauci sive multi versus quos in Achilleide invenirent, aut suppressi aut ita mutati sint ut iam agnosci nequeant. Sed hoc non admodum veri simile est quippe cum ipsa stili Epici ratio magnam praebeat facultatem versus ita inserendi ut immota et intacta maneant ea quibus inserantur. Illud saltem constat nihil desiderari si ea inter se iungis quae nucleum illum efficere demonstravimus.

Ad finem igitur perduximus id quod nobis proposueramus inquirentes quae partes Iliadis Achilleidi adscribendae essent. Nihil enim ex eis quae abinde *Πατροκλείᾳ* sequerentur, huc pertinere videntur, nisi *Μηνίδος ἀπόρρησιν* i.e. T 1—275 exceptis vss. 3—39 quippe quae pertineant ad armorum munus Achilli a matre allatum, et vss.

1) Locum A 47 sqq. ubi fossa commemoratur Achilleidi abiudicavimus, vide supra p. 72.

209—214 cum ibi Patrocli mortui Achilles mentionem faciat. Sequitur ut statuendum sit Achilleïdem ex his fere constitisse versibus:

A 1—144, 148—429, [430—492?], 493—611,

B 1—49, 442—483, 786—815,

Γ 1—14,

Λ 85—500, 521—574,

N 136—155,

O 593—595, 653—658, 674—746,

Θ 485—565,

I 1—317, 344—347, 356—364, 378, 379, 388—392, 421—638,

Π 60—63,

Τ 67 pro verbis: οὐδὲ τί με χρὴ his substitutis: ὧσ γὰρ ἄμεινον,

I 649, 656—663, 669—677, 678 ita fere mutato κεῖνος μή-
νιθμον ἐθέλει σβῆσαι ἢ δὲ δέχεσθαι et inserto versu δῶρα τὰ
φοι δώσεις, νοέειν δέ γε θυμὸς ἀνώγει, 681 mutato σαόησ in
σαόη, 688—690, 712—713,

Τ 1—2, 40—208, 215—275.

In hoc poëmate e principum Graecorum numero, quos habet Ilias, alii nulli prodierunt nisi Achilles, Agamemnon, Menelaus, Nestor Ajax Telamonius, Ajax Oilei filius, Ulixes, Diomedes, Phoenix; e Troianorum principibus nulli nisi Hector et Paris. Ex antiquis carminibus quibus ageretur fabula Troiana in suum usum convertit poëta et quod erat de Ἀγαμέμνονος ἀριστεία et quibus celebraretur pugna cum Troianis apud naves, eo imprimis quo ageretur Aiakis fortitudo in navibus defendendis. Praeterea tetigit carmina quibus narrarentur insula Lesbos, urbs Lyrnessa ab Achille captae; satis copiose retulit argumentum carminis alicuius quo Meleagri res gestae ederentur; significavit cognita sibi esse carmina quibus tractaretur Iunonis erga maritum contumacia et insidiae huic structae, gravisque poena a Iove illi inflicta (sive ob aliam causam sive id quod probabile est ob dolum structum nocendi causa Heracli Troia revertenti), Vulcani clades matri auxilio venientis; respexit carmina quibus narraretur Hercules Eurystheo subactus propter patris iactantiam et novercae malignitatem. De quibus omnibus rebus fuse in superioribus egimus. Sed in summa poëmatis prorsus poëta noster suus fuit.

(Continuabuntur).

AD SOPHOCLES INDAGATORES.

SCRIPSIT

GUILIELMUS VOLLGRAFF.



Vs. mutilos 7—15 Arthurus Hunt, cuius industria et sagacitate factum est, ut nova fabula Sophoclea nobis reddita sit, hoc modo in integrum restituere conatus est :

- [ἄπα]ντα Φρ[οῦδα καὶ μάτη]ν ἰχνοσκοπῶ
[λαθ]ραῖ' ἰόν[τα τῆλε βου]στάθμου κάπης
[ἀφα]νῶς τέχνα[ισιν· ὡς ἐ]γὼ οὐκ ἂν ᾤμην
10 [οὔτ' ἄ]ν θεῶν τιν[· οὔτ' ἐ]φημ[.]έρων βροτῶν
[δραῖσ]αι τὸδ' ἔργ[ον ὧδε] πρὸς τόλμαν πεσεῖν.
[ταῦτ'] οὖν ἐπείπερ [ἔμα]θον, ἐκπλαγεῖς ὄκνῳ
[στείχ]ω ματεύω, παντελὲς κήρυγμ' ἔχων
[θεοῖ]ς βροτοῖς τε μηδέν' ἀγνοεῖν τάδε·
25 [ἀκολο]υθίᾳ γὰρ ἐμμανὲς κυνηγετῶ.

Ad vs. 8 in margine adscripta est varia lectio λα — —. Fuit procul dubio: λά[θρα]. Vs. 9 ἀφανῶς idem est quod λάθρα sive λαθραῖ', et vocabula ἀφανῶς τέχναισιν non optime inter se cohaerent, et ἀρτίφεια, quod sciam, plurali numero, nullo adiectivo adiecto, perraro τέχναι dicuntur (Hymn. Merc. 317). Haec vitia omnia simul tolli possent, si [δει]ναῖς τέχνα[ισιν] scribere liceret. Si tamen litterae ως certae sunt, nescio in praesens quo me vertam, nam neque δεινῶς τέχναισί θ' neque δεινῶς τεχνήντως θ' legere mihi placeret. Οὐκ ἂν ᾤμην legitur etiam Eur. Alc. 1088, Men. Disc. 152; cf. Thuc. VII, 26: ὃ οὐκ ἂν ᾤοντο. Leeuwenius ad Men. l.l. inter-

pretatur: οὐκ ᾤομην (τοῦτο γενέσθαι) ἄν, mihi potius irrealis esse videtur, ut sit: *credere non potuissem, (nisi oculis meis vidissem)*. Vs. 11 adverbium ᾤδε admodum languet. Multo praestabit scribere οὐδέ. Vs. sq. ἔμαθον verum esse potest, sed dubito tamen num potius legendum sit ἔπαθον. Vs. 13 [στείχ]ω ματεύω supplevit Huntius, forsitan ex Eur. Iph. Aul. 854: στείχω ματεύσων. Sed ad hoc exemplum si lacunam sanare placebit, cum prima manu papyri scribendum erit [στείχ]ω ματεύων, nam per asyndeton, si quid video, vix coniungi solent duo vocabula, nisi aut contrarium aut similem sensum exhibent. Melius igitur est supplementum Wilamowitzii: [ζητ]ῶ ματεύω (cf. vs. 201). Vs. 14 aliquo mendo laborare certum duco, cum accusativus cum infinitivo sensu finali usurpari non possit. Pro τε suspicor legendum esse τοῦ. Asyndeton θεοῖς βροτοῖς (cf. Soph. Ant. 1079: ἀνδρῶν γυναικῶν, Arist. Ran. 157: ἀνδρῶν γυναικῶν, Aesch. Eum. 1026: παιδῶν γυναικῶν, Pers. 404: παῖδας γυναῖκας, Soph. Oed. Col. 481: ὕδατος μελίσσης) causa scribae fuisse potest, quare τοῦ in τε mutaret. Dignum notatu est ad vs. 16 in margine a manu altera adscriptum esse του. Estne varia lectio, quae a vs. 14 aberravit? Post vs. 14 plene distinguendum est, nam sententia, quae sequitur, iungenda est cum [ζητ]ῶ ματεύω, neque vis particulae γάρ hoc loco causativa est, sed affirmativa. Vs. 15 [ἀκολο]υθία pulcherrime Wilamowitzius restituit e Bekkeri Anecd. 367, 32: ἀκολουθία ἢ ἀκολουθήσις. Σοφοκλῆς. Sed licet grammaticus, qui hoc adnotavit, procul dubio ad nostrum locum Indagatorum respexerit, tamen interpretatio, quam dedit, nihili est. Ἀκολουθία est agmen canum venaticorum (Xen. Cyn. X, 5). Canibus igitur cum se vestigia boum persecutum esse dicat Apollo (quod profecto mirum non est, nam quivis, puto, hoc ita faceret), nonne iam verisimile ducis eum revera cum turma canum in orchestram intrasse? Tale quid mihi certe indoli fabulae satyricae non repugnare videretur.

Rationibus subductis, totum locum in hunc modum restituerim:

ἅπαντα Φροῦδα καὶ μάτην ἰχνοσκοπῶ
 λάθρα ἰόντα τῆλε βουστάθμου κάπης
 . . . νῶς τεχνῶ . . . ὥς ἐγὼ οὐκ ἄν ᾤομην
 10 οὔτ' ἄν θεῶν τιν' οὔτ' ἐφημέρων βροτῶν
 δρᾶσαι τόδ' ἔργον οὐδὲ πρὸς τόλμην πεσεῖν.

- ταῦτ' οὖν ἐπεῖπερ ἔπαθον, ἐκπλαγεῖς δ' ἔκνῳ
 ζητῶ ματεύω, παντελὲς κήρυγμ' ἔχων
 θεοῖς βροτοῖς τοῦ μηδέν' ἀγνοεῖν τάδε.
 15 ἀκολουθίᾳ γὰρ ἐμμανὴς κυνηγετῶ.

Vs. 33 sq. ita restituuntur:

[ὥς εἴτε ποιμὴν εἴτ' ἀγρωτή[ρων τις ἢ]
 [μαριλοκαυ]τῶν ἐν λόγῳ παρ[ίσταται].

Papyrus habet: ἀγρωστη — —. In praesenti tempore παρίσταται
 offensionis aliquid inest, neque quid sit ἐν λόγῳ παρίστασθαι
 vel παρεῖναι, ex aliis locis scriptorum notum esse videtur.
 Conicio legendum esse:

ὥς εἴτε ποιμὴν εἴτ' ἀγρώστης ἢ τις ὢν
 μαριλοκαυτῶν ἐν λόγῳ πάρεστ' ἀνὴρ.

Cf. Herod. III, 120: σὺ γὰρ ἐν ἀνδρῶν λόγῳ; *Tune in viris ad-
 numerandus es?*

Versibus 77 sqq. Silenum spectatores adloqui censet Robertus.
 Locus esset scurrilis et potius comoediae, me iudice, aptus. Alia
 huius loci vis comica esse videtur. Modo audivimus Apollinem
 praeconis officio fungentem. Nunc Silenum, qui ilico se boves
 ei adducturum esse pollicitus est, sed et ipse prorsus ubi lateant
 illae ignorat, rursus idem facere videmus. Vs. 81, ubi nihil
 praeter unam vocem μῆνυ[τρῶ] servatum est, indicii partem
 iis promisisse eum puto, qui sibi in tanta difficultate opem
 tulissent.

Vs. 93. Papyrus χρησιτά, in margine χρῆσθαι e Theonis
 exemplari adnotatum. Legendum esse videtur χρῆσται. Versibus
 mutilis 87—93 continentur duae sententiae, quarum altera in fine
 vs. 91 desinit: ἄγ' εἰα δὴ πᾶς . . . (pro viribus in opus incumbat)
 ῥινηλατῶν . . . διπλοῦς, δ' κλάζων . . . ὕποσμος, ἐν χρῶ (praedam
 insectans), altera hoc modo decurrit: οὕτως ἐρευνᾶν καὶ π — —
 ἅπαντα χρῆσται, ita omnia investigare et percurrere nos oportebit.
 Χρῆσται apud Sophoclem legitur Oed. Col. 504 et in fragmento
 quodam (542 Nauck), quod scholiastes ad hunc locum adfert.
 Apud Suidam s. v. χρή ter pro χρῆσται scriptum invenitur

χρῆσθαι. Ceterum vs. 90 διπλοῦς est *curvatus* (cf. Eur. Hel. 492: διπλῆν ἄκανθαν), ἐν χρῶ autem vs. 91 significat *prope, ex propinquo*.

Vs. 102. Haud scio an praetulerim lectionem, quam diserte abiecit Huntius:

καὶ τοῦπίσημον αὖ τὸ τῶν ὀπλῶν πάλιν.

Editores scribunt: αὐτό. Cf. Soph. Phil. 952: αὖθις αὖ πάλιν.

Vs. 104:

αὐτ' ἐστὶ τοῦτο μέτρον [ἐ]κμε[τροῦ]μ[ε]νον.

Satyrus examinare videtur mensuram graduum sive Mercurii, cuius vestigia chorus iam vs. 97 deprehenderat, sive unius e bobus.

Vs. 121 sq. Interrogative haec dicta sunt cum irrisione: *echi-
nine instar in dumeto decubuisti? aut simiarum ritu pronus in
aliquam furori tuo indulges?* Ἀποθυμαίνειν est valde θυμαίνειν.
Eadem est vis praepositionis ἀπό in ἀπομαίνεσθαι, ἀπομηνίειν,
ἀποστυγεῖν, ἀποσκούζεσθαι, ἀποσκυδμαίνειν, ἀποργίζεσθαι (Men.
Sam. 338).

Vs. 128 sq.

ἀ[γχοῦ τις ἤχε]ι κέρχνος. ἰμείρεις μαθεῖν

τ[ίς ἦν];

Supplementum τίς ἦν iam Wilamowitzius improbavit. Vide ne
duae sint quaestiones nullo modo inter se cohaerentes:

ἀ[γχοῦ τις ἤχε]ι κέρχνος; ἰμείρεις μαθεῖν

τ[ί δῆ];

Post vs. 125 chorum repente pedem referre et ad Silenum
se recipere vidit Wilamowitzius (Neue Jahrb. 1912, p. 458).
Documento sunt verba Sileni vs. 135:

ἐμὸν δίωγμά γ' οὐδαμῶς ὀνήσετε

et perfectum ἐξενίσμεθα (vs. 137), quod ostendit chorum sonum,
quo territus est, iam non amplius audire, et maxime id quod
dicit Silenus vs. 160: *nisi confestim revertimini (ἀνανοστήσαντες),*

male disperibilibis. Iam vs. 139—162 satyros iactanter maledictis increpat Silenus. Robertum hunc locum vel tragico cothurno non indignum et Silenum Indagatorum a Sileno Cyclopi Euripidis plane diversum esse aestimare demiror (Herm. 1912, p. 553 sq.). Mea quidem sententia huius personae effigies et hic et illic prorsus eadem est. Summa enim in utraque fabula et timiditate et vaniloquentia excellit. Apud Euripidem proelium eum commemorantem audimus, quod scilicet Libero *προασπιστής γεγώς* cum Encelado illo commiserit; deinde quasi tanto mendacio ipse perturbatus subiungit:

8 Φέρ' ἴδω, τοῦτ' ἰδὼν ὕναρ λέγω;

Idem apud Sophoclem satyros, timidiore et ipsos, obiurgans disserit de triumphis, quos florens aetate non sine gloria militans de . . . nymphis reportaverit (vs. 148 sq.), nullis perterritus . . . strepitibus, sed summis viribus omnia patrans (vs. 151 sq.). Cf. Hymn. Hom. IV, 262 sq. Nota etiam in fine orationis vocabulum vulgare *ψοφήσετε* (vide Maasii interpretationem), quod a tragico sermone toto caelo distat.

Vs. 163—165 chorus a Sileno petit, ut ipse se comitetur. Callide recusat ille:

ἐγὼ παρὼν αὐτός σε προσβιβῶ λόγῳ κτλ.

Voce et sibilo e longinquo choro iter monstrare paratus est, ipse in tuto remanet:

ἀλλ' εἴ, ἐφίστω τριζυγῆς οἴμου βάσιν,

ἐγὼ δ' ἐν ἔργοις παρμένων σ' ἀπειθυνῶ.

Age iam viam insiste, ego vero stationem meam non deserens te in laboribus tuis dirigam (laboribus tuis praeero).

Iam vero, si modo sequentia recte intellego, chorus Silenum solum in loco tuto remanere non sinit. Fugientem senem strenue arreptum vi secum agunt (vs. 174: *ἔχει*, 175: *ἐμὸς εἴ, ἀνάγου*). Vs. 173 non intellego *τρόπ[ω]*; intellegerem autem *τρόχῳ* i. e. *δρόμῳ* (cf. Soph. Ant. 1065, Eur. Med. 46, Hipp. 1133). Vs. 175 *ἀνάγου* est *corripe gradum*; *ἀνάγεσθαι* enim proprie est *altum petere*, itaque *pergere, incedere*. Cf. *ἀναγε σεαυτόν* (Men. Sam. 145), *ὀλίγον ἀνάγαγε ἀπὸ τῆς διφροφόρου* (Nicoph. frg. 16 Kock). Itaque vs. 170—175 hoc modo verterim: *ὑψύψαα, dic mihi quid tibi doleat. Cur sine iusta causa stridentes lamentationes tollis et me limis spectare ausus es? Quis in primo cursu deprensus*

est? Teneris. Ecce, venit. Meus es, corripe te. Est series quaestionum et exclamationum inter se non arcte cohaerentium, quibus satyri Silenum vim conquerentem frustra que repugnantem lacerant. Ἐλήλυθεν, ἐλήλυθεν sunt verba illorum satyrorum, qui Silenum corripuerunt, ad alios satyros, ad quos eum iam perducunt. Inde a vs. 176 incipit iter satyrorum cum Sileno capto ad Cyllenium antrum. Invicem se adhortantur nominatim se appellantes nec tamen senem illudere desinunt (vs. 191: ἄ, μισρέ). Vs. 185: ἐνι βοῦς, ἐνι πονοῖ — non dici puto: *hic insunt boves*, sed potius: *ἐνεστι βοῦς, ἐνεστι πόνων ἀμοιβὴν λαβεῖν* vel tale quid. Maximi vero momenti sunt ea quae leguntur vs. 195:

ἐπιθ', ἐπεχ', εἴσιθ', ἴθι.

Vocabulum εἴσιθι me iudice ostendit chorum iam pervenisse ad aditum antri, e quo mox vs. 215 Cyllene prodibit. Wilamowitzius coniecit pro εἴσιθ' scribendum esse ἐπιθ', propterea quod antrum Maiæ subterraneum fuisse putat (l.l. p. 456). Qua de re cum eo consentit Robertus (l.l. p. 538). Ego me aliter sentire fateor, nam e vs. 212 sqq.

ἐξαναγκάσω

πηδήμασιν κραιπνοῖσι καὶ λακτίσμασιν

ὥστ' εἰσακούσαι, καὶ λίαν κωφός τις ἦ

patet illum, qui haec dicit, pedibus irruere velle in ianuam quandam; *terram* enim si pede ferias, nullus evadat sonus, quo vel surdi excitari possint. Saeculo V^o, quo tempore orchestrae illi vastae et orbiculatae adhuc nullum aedificium lapideum adiacebat, tamen necessario semper aliqua σκηνή lignea exstruebatur. Quae nisi fuisset, non habuissent actores chorusque locum, unde vestibus et personis induti prodirent, et quo se rursus reciperent, quoties ex orchestra egrediebantur. Frons autem huius σκηνῆς ad spectatores conversa aetate Sophoclis picturis ad singulas fabulas agendas idoneis ornabatur, idque propter temporis angustias nullo alio modo effici potuisse arbitror, nisi linteis pictis superinductis. In his igitur dipinxerint, quoad tunc temporis eius fieri poterat, montes, arbores, aditum secretum antri Cyllenii. Neque haec mera coniectura est, nam Sophoclem frontem σκηνῆς picturis ornandam curasse diserte docet Aristoteles Poet. 4, p. 1449, a, 16: σκηνογραφίαν Σοφοκλῆς (παρεσκεύασεν). Quod inventum cum apud Vitruvium Aeschilo

tribuatur, iam ante annum 456/5, quo ille e vita decessit, consummatum fuisse debet.

Ergo vs. 197 ad antrum perventum est. Iam apparet cum papyro dividendos esse vs. 199 sqq., quos secus dividerunt et immerito immutaverunt viri docti.

(Σι.) σί[γα].

(Χο.) τί ἐστιν;

(Σι.) οὐ μὲνῶ.

(Χο.) μέν', ε[ί] θέλεις.

(Σι.) οὐκ ἔστιν, ἀλλ' αὐτὸς σὺ ταῦθ', ὅπῃ δύνῃ,
ζήτει τε καὶ ξίχνευε καὶ πλούτει λαβῶν
τὰς βούς τε καὶ τὸν χρυσόν . . .

Haec ultima non choro, sed Sileno tribuenda esse ante me iam viderat Pearsonius. Μέν', εἰ θέλεις est *mane sis*, i. e. *manere te iubeo*. Vs. 200 αὐτός idem fere est quod *μόνος* (*tu ipse sine me*). Vincetus et coactus adire antrum et sono lyrae perterritus Silenus totum praemium satyris permittit, dummodo abire sibi liceat. Veniam negat dux chori vs. 204 sqq. Deinde vs. 207—210 a choro cantantur, vs. autem 211—214 cum iam a Sileno dici non posse appareat (quomodo enim ex ignavo repente tam petulans factus esset?), τῷ κορυφαίῳ dare non dubito. Unde rursus sequitur, ut vs. 252—255 cum Huntio eidem dandi sint.

Tota versuum divisio, quam supra tentavi, maxime pendet ex interpretatione versuum 166—175, e quibus, ut dixi, efficere posse mihi videor satyros Sileno manum iniecisse. Iam non inutile videtur addere, quid sit quod inprimis faciat ut hoc verum esse credam. Viderunt Wilamowitzius (l.l. p. 459) et Robertus (l.l. p. 539 sq.) Sophoclem eo loco, ubi Cyllene se repente attonitis satyrorum oculis offert, spectaculum praebuisse Atheniensibus, quod iis e fabulis antiquis et e tabulis vasisque pictis notissimum esset. Iam simillima ratione usum poetam hoc de Sileno capiendo excogitasse intellegimus. Vulgatissima enim apud Graecos erat narratio illa de Sileno in hortis Midae capto. Hanc iam invenimus apud Herodotum (VIII, 138), qui in Macedonia hoc evenisse dicit, ita tamen, ut appareat secundum alios alio loco factum esse. In vasis pictis Silenus vincetus plus semel occurrit, sed non semper a Midae satellitibus, verum etiam nonnumquam ab aliis quibusdam capitur (cf. Verg. Ecl. 6).

Qua de re cum nuper probabiliter egerit Kuhnertius (Roscher, Lex. myth. s. v. Satyrus, p. 458 sq. et 506), supervacaneum est plura addere. Hac igitur fabula populari a poetis pictoribusque multimodis variata inductus Sophocles in Indagatoribus Silenum a satyris capi fecit.

Vs. 136 χρόνον τινά pro χρόνῳ ποτέ, *tandem aliquando*, dictum esse videtur.

Vs. 155 initio vide ne, si modo spatium sinit, non ὄν supplendum sit, sed οὐ.

Vs. 168 scribunt editores:

ἀλλ' εἴ' ἐφίστω τριζύγης οἴμου βάσιν,

age iam insiste trivium, tresque semitas revera in orchestra stratas fuisse sumunt (cf. Wilamowitzius, l. l. p. 456). Duabus de causis vereor ne aliter censendum sit. Primum enim illorum sententiae officit grammatica. Iuxta adiectivum τριζυξ etiam adiectivum τριζυγος in usum venisse non est quod mireris. Nam huius rei et ea exempla praesto sunt, quae in scholiis homericiis Ox. Pap. VIII p. 103 extant, et alia bene multa. Sed eiusmodi adiectivorum non solet occurrere terminatio feminina. Cf. Eur. Hel. 357: τριζυγοῖς θεαῖς. Alterum argumentum spectat ad res scaenicas. Cum uno die in theatro tres tragoediae et una fabula satyrica agerentur, vix credere possum exiguo intervallo temporis, per quod orchestra post tragoedias peractas vacua fuerit, tantam molem aggeris et saxorum in eam ingestam esse, ut tres calles eaeque, si dis placet, *acclives*, substrui potuerint. Atqui secundum Robertum propter vs. 215 sq.:

θῆρες, τί τόνδε χλοερὸν ὑλώδη πάγον

ἔνθ' ἄρ' ὠρμήθητε σὺν πολλῇ βοῇ;

ut fabula recte agi posset, etiam arbores in orchestram inferre necesse erat! Iam quaerendum esse videtur, sitne forsitan nominativo casu legendum τριζυγής. Pleraque adiectiva, quae per hanc terminationem a verbis ducta sunt, qualia sunt τριλαμπής, τριπλανής (Lyc. 846), τριπλεκής, τριφανής, τριφυής nunnisi apud senioris aevi scriptores inveniri solent. Ipsum quoque adiectivum τριζυγής tantum uno, quod sciam, loco (Anth. Pal. XI, 77, 4:

τριζυγέες χάριτες) occurrit. Adde etiam adiectiva ἀζυγής, ὁμοζυγής, συζυγής recentiora esse. Sunt tamen et alia exempla, quae docent eiusmodi adiectivis etiam in ionico et attico sermone locum esse. Sic e. g. adiectivis διφυής et δικρατής ipse Sophocles (Trach. 1095, Ant. 146, Ai. 251) usus est. Quin etiam apud Homerum (Od. XII, 22) Guilielmus Schulze (Quaest. Ep. p. 19) unius e grammaticis antiquis vestigia secutus διαθανέες e διθανέες ortum esse vidit. Ergo non esset cur adiectivum quale τριζυγής tamquam anomalon a Sophocle abiudicaremus. Si tamen ad sensum respicimus, difficultatem quandam remanere negari non potest. Συζυγής est trifariam iunctus, cum sententia nostri loci requireret ut esset trifariam dispersitus. Patet vero etiam alia ratiocinandi via. Notum est e Pollucis lexico (IV, 108) chorum aut κατὰ στοίχους aut κατὰ ζυγά dispositum in orchestram intrasse. Vocabula sunt militaria perantiqua. Inde derivata sunt στοιχεῖν, σύστοιχος, συστοιχεῖν, ζυγεῖν, συζυγεῖν. Fierine potest ut poeta dederit:

ἀλλ' εἴ, ἐφίστω τριζυγὲι 'ς οἴμου βάσιν,
agedum tribus ordinibus dispositus insiste viam? Cf. τριστοιχεί, II. X, 473, Hes. Op. 727; Suid. Hes. τριστοιχεί· κατὰ (vel ἐπὶ) τρεῖς τάξεις.

Vs. 197 supplent: μῶν ἀληθ[ές εἶπομεν]; Mihi satis placeret legere: μῶν ἀληθ[ές οὐ τόδε]; vel μῶν ἀληθ[ές οὐκ ἄρ' ἦν];

Vs. 208: φθέγμ' ἀφύ[σ]εις. Haec non intellego. Intellegerem: [οὐ] — — φθέγμ' ἀπύσεις; (cf. Aesch. Pers. 123: ἔπος . . . ἀπύων) vel ἀφήσεις; (cf. Eur. Phoen. 1440: φωνὴν ἀφῆκεν), *vocem emitte te iubeo*.

Vs. 214 aut ἦ legendum est, aut si cum papyro scribamus: εἴ, praecedenti versu corrigendum sit κραιπνοῖς σε pro κραιπνοῖσι.

Post vs. 219 unum versum excidisse primus vidit Robertus sequentia de Sileno dici ratus. Ego contra de satyris ibi sermonem esse arbitror. Nam εὐιάζειν (sive εὐιάζεσθαι) ἀμφὶ τὸν θεόν non de uno Sileno, sed de tota turba satyrorum dici vi-

detur. Lacunam pro viribus expleo, cetera, ut tradita sunt, exscribo:

δεσπότη χάριν Φέρων,
 ὑμῖν δὲ αἰεὶ νεβρίνῃ καθημμένος
 220 δορᾷ χεροῖν τε θύρσον εὐπαλῇ Φέρων
 [στρατηλάτει, κισσοστεφεῖς δ' ὑμεῖς αἰε']
 - ὁπισθεν εὐιάζειτ' ἄμφι τὸν θεόν
 σὺν ἐγγόνοις νύμφαισι καὶ ποδῶν ὄχλῳ.

In his vs. 222 pro ποδῶν, quod sine ullo dubio corruptum est, Wilamowitzius coniecit παιδῶν, sive de *pueris* sive de *servis* cogitavit. Scio Furtwaenglerum disputasse de Sileno puerorum amantissimo (Archiv f. Rel. Wiss. 1907, p. 331 sq.). Verumtamen mihi id quod iam diu in mentem venerat hodieque placet: καὶ ὀπαδῶν sive κῶπαδῶν ὄχλῳ. Ceterum verisimile duco ἐγγόνοις hoc loco non esse ἐκγένοις, sed ἐνγόνοις i. e. ἐγγενέσι sive ἐπιχωρίαις. Cuius rei licet alia exempla afferre nequeam, tamen cum σύγγονος prorsus eodem sensu usurpetur quo συγγενής, etiam ἐγγονος pro ἐγγενής dici potuisse putaverim.

(Continuabuntur).

AD INSCRIPTIONEM ARGIVAM.

Ultima verba inscriptionis argivae, quam nuper publici iuris feci (BCH, 1913, p. 279 sqq.), ita interpungenda sunt: τᾷ Ἡραὶ ἐν Ἡραίῳ θύεν βοῦν θήλειαν ἀμφοτέρους κοινᾷ, θύεν δὲ πρὸ Φακινθίων, *Iunoni in Heraeo pridie Hyacinthiorum vaccam sacrificanto utrique communiter*. Primus hoc me per litteras docuit Ursulus Boissevain. Iam nihil obstare apparet, quominus de Heraeo argivo sermonem fieri credamus. Sacrificii sollemnis, ut par est, indicatur et tempus et locus.

G. V.

AD A. GELLIUM.

SCRIPSIT

P. H. DAMSTÉ.



III. 3, 5 fragmentum fabulae Plautinae 'Boeotia' traditur:

ut illū di perdant, primus qui horas répperit
quique ádeo primus státuit hic solárium,
qui mihi comminuit misero articulatim diem.
nam † me puero vénter erat solárium
multo ómnium istorum óptimum et verissimum:
ubivis monebat ésse, nisi quom nil erat.

Ad hunc locum mutilatum sanandum coniecturae multae iam prolatae sunt, quibus Brakmannus noster nuper suam adiecit; in libello enim 'Miscella altera' inscripto proposuit:

nam *me*<*met*> puero venter erat solarium.

Equidem maluerim:

non á me puero vénter erat solárium
multo omnium istorum óptimum et verissimum?

Sic èt palaeographice corruptelae origo facile explicatur (*ñ a me* scilicet in *nam me* abiit) èt versuum sermonisque color, a Gellio iam Plautinissimus praedicatus, etiam Plautinior evadere mihi quidem videtur.

VI (VII). 12, 1 Tunicis uti virum prolixis ultra brachia et usque in primores manus ac prope in digitos Romae atque in omni Latio indecorum fuit. Eas tunicas Graeco vocabulo nostri 'chiridotae' appellaverunt feminisque solis vestem longe lateque

diffusam indecere existimaverunt ad ulnas cruraque adversus oculos protegenda.

Quod idem vir pro *indecere* edendum censuit placere mihi non potest, immo vereor ne latinum non sit: feminisque solis vestem longe lateque diffusam *indui decere* existimaverunt. Verbum *indui* quidem optimum est, sed credo fore ut melius loco consulisset si non *decere* — sed *licere* ei addidisset.

XV. 8, 2 Verba haec, quae adposuimus, Favoni sunt: Praefecti popinae atque luxuriae negant cenam lautam esse, nisi cum lubentissime edis, tum auferatur et alia esca melior atque amplior succenturietur. Is nunc flos cenae habetur inter istos, quibus sumptus et fastidium pro facetiis procedit, qui negant ullam avem praeter ficedulam totam comesse oportere; ceterarum avium atque altilium, nisi tantum adponatur, ut a cluniculis [inferiore parte] saturi fiant, convivium putant inopia sordere, superiorem partem [avium atque altilium] qui edint, eos palatum parum delicatum habere.

Manifesta interpretamenta a me uncis inclusa quantocius tollantur, quorum hoc frigidissimum — illud etiam ridiculum est.

XIX. 10, 6 'non meum', inquit, 'hoc verbum est, sed multorum hominum, quos loquentis id audias; quid autem id verbum significet, non ex me, sed ex grammatico quaerendum est', ac simul digito demonstrat grammaticum, haut incelebri nomine Romae docentem. Tum grammaticus usitati pervulgatique verbi obscuritate motus: 'quaerimus', inquit, 'quod honore quaestionis minime dignum est. Nam nescio quid hoc praenimis plebeium est et in opificum sermonibus quam † notius.

Alii alia inserenda putarunt: Brakmannus librarium per haplographiam *usquam* omisisse suspicatur, ego vero potius voc. *nostris* per eundem errorem ante *notius* praetermissum esse crediderim.

DE LEONE DELPHICO CROESI DONO.

SCRIPSIT

I. H. LEOPOLD.



Nota est ratio, qua mente restitui et in tabula delineari solet nobile illud donum a rege Croeso ad Apollinem placandum Delphis dedicatum, ab Herodoto l. I. 50 descriptum. Nempe ex numero illo *ἡμιπλινθίων* 117, e quibus monumenti basis exstructa fuisse traditur, secernuntur 4 lateres e puro auro conflati, in quibus ipsis aureum illum leonem stetisse manifestum est; reliqui autem sic dividuntur: $113 = 9 \times 7 + 7 \times 5 + 5 \times 3$. Quibus numeris freti viri docti statuunt lateres sic fuisse dispositos, ut basis monumenti per tres ordines gradatim exsurgeret, quorum infimus 63, medius 35, summus 15 lateres contineret. „In dieser durch ihre Zahlensymmetrie überraschenden Weise“ restituitur monumentum, „dessen schlichter Grundgedanke der alten Tempelanlage entlehnt ist“. Ita Stein, qui praeterea effigiem adiecit, qua lectoribus ante oculos poneret constructionem, quam commendat.

Sunt tamen, quae scrupulum iniciant. Etenim si ad imaginem illam diiudicandam etiam metra et mensuras singulorum laterum adhibemus, qui in longitudinem *ἑξαπλάστοι* (0,472 M.), in latitudinem *τριπλάστοι* (0,236 M.), in altitudinem *παλαστιάοι* (0,078 M.) fuisse traduntur, si, aio, ex his mensuris totius operis proportionem computamus, exsistit monumentum, cuius infima pars $7 \times 0,472 = 3,304$ M. longa et $9 \times 0,236 = 2,124$ M. lata est

itaque plus quam $7 M^2$ occupat; tota autem basis sese extollit in mirificam altitudinem palmarum quattuor i. e. $4 \times 0,078 = 0,312 M.$!

Ridiculam hanc esse symmetriam, siquidem symmetria vocari potest, quivis statim videt neque ferendum esse interpretem graviter disserentem de illo „schlichten Grundgedanken“, de simplici et sincero consilio, quod huic dispositioni subsit, cum haec sit, credo, cuiusvis fundamenti vel basis munus et virtus, ut operis impositi formam commode aspiciendam praebeat, pulchritudinem vel pretium elucere faciat, vim et maiestatem augeat. Contra rex, si leonem suum, Sardium et regni ipsius notum emblema, pueris illudendum et inequitandum vel supersiliendum tradere, immo si eorum improbitatem et nequitiam ultro illicere voluisset, mehercle vix aptiorem dispositionem et constructionem invenire potuisset.

Accedit etiam alia res. Imagine Steinii recte perspecta patet in primo ordine laterculos 35, in altero 15, in tertio 1 a superimpositis plane tegi, itaque ex toto numero 113 laterum paene dimidium sc. 51 omnino non apparere. Tali autem modo nemo procedit, qui tam pretiosa utitur materia; cupit enim et iure cupit, ut in opere exstruendo opes suae facultatesque et omnes si fieri possit et quam luculentissime appareant; denique id agit, ut sumptuum et munificentiae suae quam maximam admirationem spectatoribus iniciat.


Haec communi virorum doctorum opinioni iure, credo, opponi possunt. Quae omnia in classe exposueram, cum unus e discipulis me adit et, ut est acumine haud vulgari, me admonet numerum illum praecipuum, quo totius operis legem contineri apparet ¹⁾, etiam hoc modo dividi posse, sc. $113 = 3^2 + 26 \times 2^2$; rogat an ex his numeris alia monumenti forma construi possit. Itaque ad calculos et regulam redimus et ecce monumentum ratiocinantibus exsurgit, quod et per se placet et criminibus supra allatis obnoxium non est. Ponuntur pro fundamento novem laterculi; ex his surgunt ordines 26, quorum singuli quaternos lateres continent; sequuntur tamquam ordo vicesimus septimus

1) Quod non perspexit Diod. Sic. XVI. 56, qui numerum rotundans 120 lateres dedit.

quattuor illi ex auro puro conflati; his demum imponitur leonis aurea imago. In tali autem dispositione mensuras has consequimur: basis ipsa in longitudinem $3 \times 0,472 = 1,416$ M., in latitudinem $3 \times 0,236 = 0,708$ M. patet; ex hac exsurgit columna, quae in longitudinem $2 \times 0,472 = 0,944$ M., in latitudinem $2 \times 0,236 = 0,472$ M. patet, in altitudinem autem $27 \times 0,078 = 2,106$ M. sese attollit.

Habent, puto, hi numeri, quo sponte se commendent; designant enim monumentum, quod et forma et proportionem legitima placet neque caret simplici quadam maiestate; iam si tibi finxeris talem columnam in tantam altitudinem se extolentem, totam ex auro et electro ¹⁾, pretiosissimis metallis exstructam, fateberis regum Lydorum unice aptam dispositionem elegisse, ut famosas suas divitias stupentibus Graecis ostentaret et liberalitatis largitionisque suae vividam imaginem sub oculis poneret.

In eligenda autem hac forma monumenti sui regem non suoapte ingenio usum esse, sed ad constantem usum et normam Graecorum in votis exstruendis et disponendis sese accommodavisse, quaevis tabula, qua Delphi antiqui illustrantur, docere potest.



1) Lepida est coniectura Gardneri, qui collata obelorum a Phidone in Heraeo dedicatorum historia suspicatus est Croesum, postquam primus nummos ex auro puro et argento cudendos curavisset, copias praesentes staterum electrinorum adhibuisse ad lateres Apollini destinatos conflandos. (Percy Gardner. The gold coinage of Asia before Alexander the Great. p. 10.)

FLAVII IOSEPHI LOCUS QUI EST DE IESU CHRISTO.

SCRIPSIT

A. L. SLIPEN.



Reviviscit antiqua de hac re controversia, idque inter viros vere doctissimos. Paucis ante mensibus vir clarissimus Adolfus Harnack, viri Anglici F. C. Burckitt ¹⁾ vestigia secutus, locum defendit ²⁾. Acerrime tamen iam nunc impugnatus est commentatione v. cl. Ed. Norden ³⁾ nec puto proelium hoc mox fore finitum. Iuvat igitur paucissima quaedam in medium proferre.

Libentissime quidem concedo argumenta cum d. v. Schürer ⁴⁾ tum nova haec d. v. Norden nequaquam esse spernenda. Licet autem sagacissime sint excogitata et elegantissime prolata, nemini tamen plane persuadebunt argumenta ista „interna“, dummodo „externa“ quae contra sint neglegere nolit.

Ante omnia monere voluerim me vim totius loci minime unquam tanti fecisse quanti facere eam solent interpretes hodierni, praesertim vero ii qui locum interpolatum esse censent. Nihil enim prorsus, me iudice, confert ad demonstrandam divinam originem Christianae religionis; argumentum firmum solummodo praebet quod possit adduci contra eos qui Iesum

1) Theol. Tijdschr. XLVII p. 135 sqq.

2) Internationale Monatschrift. M. Iunii 1913. „Der Jüdische Geschichtschreiber Josephus und Jesus Christus“.

3) Neue Jahrbücher fas. 9. 1913. „Josephus und Tacitus über Jesus Christus und eine Messianische Prophetie“.

4) Geschichte d. J. Volkes I^a p. 544 sqq.

Christum vere unquam exstitisse negare non dubitant. Nam, ut haec statim addam: interpolator iste Christianus quem vocant, ceterum quidem sagacissimus fuerit oportet, ut per tot saecula omnibus Iosephi lectoribus, immo hodie viris artis criticae haud ignaris fucum facere potuerit, ineptissime tamen egit si Christianae religionis gloriam interpolando ista quaesivit. Ne consentit quidem cum rebus in Evangeliiis narratis ¹⁾. Dicit enim: πολλοὺς δὲ καὶ τοῦ Ἑλληνικοῦ ἐπηγάγετο, de quo facto nil in Ev. reperitur. Adversarios vero statim dicturos puto: „noli grave hoc putare argumentum: de industria id fecit homo acutus ille”. Ubi autem interpolator: ὁ Χριστὸς οὗτος ἦν: „en, aiunt, patet utique Christianum eum esse. Quis enim unquam talia dixit, qui Christianus non esset?” Vir ille acutissimus, prudentiae suae iamiam prorsus immemor, inepte se ipsum prodidit — Dein, ubi loci defensores obiciunt interpolatorem illum pro ingenio suo multa prudenter addere potuisse quae omisit, quae tamen proposito eius multo magis consentanea esse viderentur, fit denuo homo sagacissimus, atque falsarius perversissimus. Videtur igitur miserrimus ille vir dotibus ingenii fuisse praeditus mire inter se contrariis.

Iam exponam quare persuadere mihi non possim verba de quibus quaeritur, non a Iosepho esse scripta, sed postea a viro vel Christiano vel nescio quo adiuncta. Christianus enim fuerit annon parum mihi videtur referre. Nobis quidem tot post saeculis viventibus placet fortasse scriptorem Iudaeum quaedam habere de Iesu Christo. Sed, si reapse de Iesu nil retulisset Iosephus, non apparet quae fuerit alicui librario Christiano illorum antiquorum temporum ratio textum ita immutandi ²⁾. Parum enim curaverit ille, si de Iesu siluisset aliquis Iudaeus, quem insuper scirent omnes esse eclecticum et scepticum. Argumento sit: scriptores apologeticos complures, etiam tum, cum locus hic notus iamdiu esset, nunquam eum laudasse.

1) Locī a v. cl. Norden laudati pag. 648, si praeiudiciis non sis captus nullius esse momenti tibi videbuntur. Sic Matth. 16. 20: Τότε διεστείλατο τοῖς μαθηταῖς ἵνα μηδενὶ ἐπωσιν ὅτι αὐτός ἐστιν ὁ Χριστός. Quid, quaeso, inde concluditur ad illustranda Iosephi verba: ὁ Χριστὸς οὗτος ἦν. ? Rel. cf. ib.

2) Si enim est interpolatio, vetustissima sit oportet, ut adversarii concedunt.

Ratio sine dubio est, quod scriptorum illorum iudicio verba Iosephi vim, quam nunc multi illis ingerunt, minime haberent, et quia validius contra Iudaeos certare possent ipsorum libris sacris, quam verbis istius hominis quem, Romanorum favoris avidum, belli quoque contra Iudaeos gesti approbatorem parvi faciebant zelantes Iudaei.

Haec a priori, ut nos loquimur, ad defendendum locum attuli. Quae vero sint rationes firmiores et firmissimae, iam exponam:

1^o. Codices omnes Graeci, versiones omnes Latinae verbo illa continent — in sola Hebraica quadam versione locus non legitur. — At, inquit Schürer, hoc parum refert. Ambrosianus enim qui vetustissimus est codex nonnisi saec. XI scriptus est ¹). Quam inepte hoc argumento utatur vir clarissimus inde elucet quod ipso auctore versiones Latinae multo vetustiores sunt et quod saeculo quarto ineunte Eusebius bis locum nostrum iam laudavit ²). Omitto testimonia aliorum scriptorum.

2^o. Accedit vero quod vix fieri potuit, ut in omnes codices locus hic insereretur. Nam *a.* post Eusebium hoc factum non est. *b.* Factum est igitur, ut aiunt, saeculo tertio. Tunc autem per universum regnum Romanum libri Iosephi legebantur. Romae in bibliotheca publica servabantur et ab ignoto (τῶν) Φιλοσοφούμενα scriptore adhibiti sunt saeculo tertio. Non multo post Porphyrius, Christianis infensissimus, omnia Iosephi opera se nosse testatur. Unde concluditur cum Christianos tum ethnicos prae manu habuisse scriptorem Iudaeum. Mirum igitur admodum, interpolatorem in omnes codices inserere potuisse locum istum, ethnicis nullo modo adversantibus.

3^o. Accedit vero quod — ut Ben. Niese v. d. exponit in sua praefatione — codices nobis noti in duas classes dividuntur.

Atqui Eusebius peioris quae dicitur classis lectionem est secutus.

Ergo iam ante Eusebium divisio illa facta sit necesse est.

1) l.l. pag. 546. „Unsere Handschriften haben sie allerdings einstimmig. Aber dies will wenig besagen nur in drei Handschriften erhalten, deren älteste erst aus dem elften Jahrhundert herrührt“.

2) Hist. Eccl. l. I cap. 11. Dem. Evang. l. III cap. 5. Dicit se ex codice Hierosolymitano descripsisse. Huius autem fides magna est. Neque ausus fuisset fingere hoc Eusebius, quia facillime fraudis argui poterat.

Atqui locus hic in utraque classe legitur.

Ergo iam ante divisionem ibi legebatur.

Atqui codicum familiae adeo diversae non decem vel viginti annis constituuntur; atque ideo v. d. Niese concludit tempore Antoninorum, in medio saeculo secundo fontem communem nobis esse quaerendum.

Ergo adversariis iam est relinquendum argumentum illud negativum quod petitur ex silentio Origenis ¹⁾.

Addere nonnulla lubet de ipsis verbis quae plurimum impugnantur:

ὁ Χριστὸς οὗτος ἦν εἰς ἔτι τε νῦν τῶν Χριστιανῶν ἀπὸ τοῦδε ὀνομασμένων οὐκ ἐπέλιπε τὸ Φῶλον.

Arcte haec inter se cohaerent. Et ex ultimis his verbis tandem aliquando intellegitur quo sensu sumpserit Iosephus nomen Christi. Id maxime semper miratus sum quod tot viri docti nomine illo quasi fidei professionem contineri putarent. Nominem illo utitur Iosephus, quo auctor religionis seu superstitionis illius novae inter Romanos vere iamdiu erat notus. Ideoque potuit scribere nomen illud et certo certius scripsit ita, ut tamen haudquaquam confessus sit vel crediderit Iesum esse verum *Messiam*. Nomen *Χριστός* nihil aliud hic significat, ut mihi videtur, nisi quod hodie cuivis viro non-Christiano.

Quare non vertimus, ut fieri solet: 'Hij was de Messias' sed: 'Hij was die Christus'; 'dat was nu die bekende Christus'. Iamvero si ita verba intelleguntur corruunt illae difficultates.

Quod confirmare possum monendo Romanis imprimis scriptos esse libros Iosephi. Romane igitur res suas proponit. Nemo enim nescit eum tam parum Iudaeum fuisse, ut affirmare non dubitaverit Vespasianum esse Messiam a prophetis praedictum.

Sic demum melius explicantur verba quae sequuntur: τῶν Χριστιανῶν ἀπὸ τοῦδε ὀνομασμένων. Voces ἀπὸ τοῦδε excludere mihi videntur significationem illam postea et hodie suppositam: 'de Messias'.

1) Neque parvi haberi hoc argumentum ex verbis v. d. Ed. Norden l.l. 649 satis constat: „Dasz übrigens Origines die Jesusperikope im Pilatusberichte noch nicht las, hätte eigentlich genügen müssen, um die gesamte Erörterung der Echtheitsfrage von vornherein abzuschneiden. Freilich handelt es sich nur um ein testimonium ex silentio, aber es ist so schlagend wie möglich“. Cf. etiam Schürer l.l. pag. 546 et 2).

Tandem quod attinet ad verba: εἶγε ἄνδρα αὐτὸν λέγειν χρόνῃ et ea quae sequuntur, non video cur historicus eclecticus non potuerit significare qualis esset multorum hominum iudicio Iesus Christus: non merus ἀνὴρ. Dein neque hic obliviscendum est quod Iosephi fuerit consilium et quae agendi ratio. Si Christianis Antiquitates suas conscripsisset, hi sane verba illa intellexissent eo sensu quem hodie ingerere eis solemus. Romani vero illius aetatis, qui principes suos consecrari et in deorum numerum extolli quotidie videbant, nequaquam eadem tanti pendebant. Tacitus loco illo notissimo narravit Vespasianum miracula perpetrasse, caecum sanasse. Quid quod Plinius ¹⁾ ne resurrectionem quidem mortuorum a mente Romanorum alienam esse demonstrat.

Quid mirum, quaeso, quod libenter et non sine singulari quodam gaudio Iosephus enarrat Romanis, in sua quoque gente, adeo ab iis sprete ac contempta viros sapientes exstitisse, miracula perpetrantes, quales si Romani fuissent, haud secus ac ὁ κεντυρίων ὁ παρεστηκὼς ἐξ ἐναντίας αὐτοῦ ²⁾ consecrare non dubitassent.

1) Nat. Hist. VII. 53 „Post sepulturam quoque visorum exempla sunt”.

2) Marc. 15. 39: „ἄλλοθὺς οὗτος ὁ ἄνθρωπος νιδὸς θεοῦ ἦν”. Matth. 27. 54: ἄλλοθὺς θεοῦ νιδὸς ἦν οὗτος.

AD IUVENALEM I, 160.

Accusator erit qui verbum dixerit: hic est.

Vulgo haec sic accipiuntur: „accusator (illi) erit e. q. s.”. Sed ut mittam omissum illud „illi”, mire *accusator ei erit* dicitur pro *accusabitur* et ipsum hoc *accusabitur* misere languet. Quidni sic potius interpretemur: „qui verbum dixerit: hic est, *accusator erit*” i. e. „pro accusatore habebitur, poenasque dabit quod homini praepotenti maledixerit”?

J. J. H.

XPHMA — XPHMATA

APUD

HERODOTUM.



Pollux ἐν τῷ Ὀνομαστικῷ lib. IX, 87 haec scribit: „Κωλύει δ' ἂν οὐδὲν προσθεῖναι τῷ περὶ νομισμάτων λόγῳ καὶ διότι χρήματα μὲν εἶποιεν ἂν οἱ Ἀθηναῖοι, τὸ δὲ χρῆμα παρὰ μὲν αὐτοῖς ἐπὶ τοῦ πράγματος ἢ κτήματος, παρὰ δὲ τοῖς Ἰώσι καὶ πὶ τῶν χρημάτων”.

Verane quae Pollux docet? Equidem valde metuens ut Lexicographus vera diceret Herodotum paulo curiosius legere statui, ut confirmarem id quod vellem, Lexicographum falsam doctrinam nobis praebere.

Omnibus Herodoteis locis collectis mihi persuasi apud historicum vocabulum χρῆμα eandem habere vim, quam πᾶγμα (Ion. πῆγμα). Exempla addam haec: III. 80 „κῶς δ' ἂν εἴη χρῆμα κατηρτισμένον μουναρχίῃ, τῇ ἔξεστι ἀνυπευθύνῳ ποιέειν τὰ βούλεται;” et 121 „λέγουσι πέμψαι Ὀρσίτεα ἐς Σάμον κήρυκα ὁτευδὴ χρήματος δεησόμενον”. V. 23 „ὦ βασιλεῦ, κοῖόν τι χρῆμα ἐν βραχίῃ ἐπεζήτησα” et 78 „ῥηλοῖ δὲ — πανταχῇ ἢ ἰσηγορίῃ ὥς ἐστὶ χρῆμα σπουδαῖον” et 96 „Ἰππίας δὲ — πᾶν χρῆμα ἐκίνει”. VII. 49 „πᾶν ἐπιλεγόμενος πείσεσθαι χρῆμα” et 50 „ἢ πᾶν χρῆμα προδεδιμίνοντα μηδὲ μὴδὲν παθεῖν”. VIII. 16 „δεινὸν γὰρ χρῆμα ἐποιεῦντο” et 138 „σημαίνει τις τῶν παρὲδρων εἶόν τι χρῆμα ποιήσσει ὁ παῖς”. Dicit etiam historicus „ἐκλέπουσι πολλόν τι χρῆμα τῶν τέκνων” (III. 109) et „χρῆμα πολλόν τι χρυσοῦ συνελέχθη” (130) et „κομιτθῆναί τε

δὴ χρῆμα πολλὸν ἀρδίων" (IV. 81) et „συνελέχθη μὲν χρῆμα πολλὸν νεῶν, συνελέχθη δὲ καὶ πεζὸς στρατὸς πολλός" (VI. 43) et „ὅς χρῆμα γίνεται μέγα" et „ὅς χρῆμα μέγιστον ἀνεφάνη" (I. 36) et „ἦν τε τοῦ χειμῶνος χρῆμα ἀφόρητον" (VII. 188). Similia huius modi exempla Blaydesius diligenter ut solet in editione Aristophanis Nubium p. 207 commemoravit.

Transeamus iam ad illos Herodoteos locos examinandos, ubi omnes interpretes, quod sciam, vocabulum χρῆμα pro argento accipiunt.

In lib. III. 28 occurrit „Δαρεῖος ἐπὶ τῆς ἐνωτοῦ ἀρχῆς καλέσας Ἑλλήνων τοὺς παρόντας εἶρετο ἐπὶ κόσῳ ἂν χρήματι βουλοίατο τοὺς πατέρας ἀποθνήσκοντας κατασιτέεσθαι· οἱ δὲ ἐπ' οὐδενὶ ἔφασαν ἔρδειν ἂν τοῦτο. Δαρεῖος δὲ μετὰ ταῦτα καλέσας Ἰνδῶν τοὺς καλεομένους Καλατίας, οἱ τοὺς γονέας κατεσθίουσι, εἶρετο παρόντων τῶν Ἑλλήνων καὶ δι' ἐρμηνέος μανθανόντων τὰ λεγόμενα ἐπὶ τίνι (Dind. τέῳ) χρήματι δεξίατ' ἂν τελευτόντας τοὺς πατέρας κατακαλεῖν πυρί· οἱ δὲ ἀμβώσαντες μέγα εὐφημέειν μιν ἐκέλευον" et 139 „ὃ δὲ Συλοσῶν δρέων τὸν Δαρεῖον μεγάλως ἐπιθυμέοντα τῆς χλανίδος λέγει· ἐγὼ ταύτην πωλέω μὲν οὐδενὸς χρήματος, δίδωμι δὲ ἄλλως, εἴπερ οὕτω δεῖ γενέσθαι πάντως".

Verba ἐπὶ τίνι (τεῳ) χρήματι optime vertuntur ἐπὶ τίνι πράγματι et nullo pacto accipi pro πόσου ἀργυρίου possunt. Namque, ut natura veteris sermonis postulat, verba ἀντὶ τίνος χρήματος numquam quantitatis sensu accipere possumus, nisi quis opponere argentum suum argento alterius velit. Noli falli quotidiano nostro sermone, quo τίς etiam pro πόσος ponitur. Dabo exemplum. Τί κωστίζει?, quod latine est *quantū constat?*

In altero Herodoti loco ἐπὶ κόσῳ χρήματι aut κόσῳ in κοίῳ mutandum, aut expungendum verbum χρήματι scribendumque, „ἐπὶ κόσῳ ἂν βουλοίατο τοὺς πατέρας ἀποθνήσκοντας κατασιτέεσθαι· οἱ δὲ ἐπ' οὐδενὶ ἔφασαν· etc.". Cf. Xenoph. Instit. Cyr. III. 1. 43 „καὶ ἐπὶ πόσῳ ἂν, ἔφη, ἐθέλοις τὴν γυναῖκά σου ἀκοῦσαι ὅτι σκευοφορεῖς;" et Plat. Apolog. p. 41. B' „ἢ αὐτὸς Ὀρφεὶ συγγενέσθαι καὶ Μουσαίῳ καὶ Ἡσιόδῳ καὶ Ὀμηρῳ ἐπὶ πόσῳ ἂν τις δέξαιτ' ἂν ὑμῶν" (Vid. Baerius in *Herod.* Vol. II. p. 79²). Etiam verba „ἐγὼ ταύτην πωλέω μὲν οὐδενὸς χρήματος" verterim „ἐγὼ ταύτην μὲν πωλῶ ἀντ' οὐδενὸς πράγμα-

τος" vel ut vulgari sermone utar „ἐγὼ δὲν την πουλῶ ὅ,τι καὶ ἂν μου δώση κἀνελς".

Neque vero ignorandum est Herodotum saepissime usurpare pluralem *χρήματα* tum *πραγμάτων* — *κτημάτων* sensu tum *ἀργυρίου*.

Neque hoc memoratu indignum puto quod Antatticista dicit „*Χρήμα: ἀργύριον· ἀριθμήσον τὸ χρήμα, Ἡρόδοτος*". Ubi autem apud Herodotum est quod dicit elegantissimus grammaticus? Hic Antatticistae mos est, memorare quas nusquam exstant. (Vid. Contus ἐν τῷ Λογίῳ Ἑρμῇ p. 12).

De sequiorum usu, quo *χρήμα* significat idem quod *χρήματα*, alibi agemus. Nunc vid. Herwerdenum in *Lex. Graec. Suppl. et Dialect.* p. 906¹.

Ex iis quae disputavi satis apparet non intellexisse nostrum Grammaticum τὰ Ἡροδότεια χωρία, quae ante oculos eum habuisse, cum scriberet, existimo.

CH. CH. CHARITONIDES.

AD HOR. EPL. I, 1, 64.

Pretiosissimam mihi gemmam paucis ante obitum diebus servandam NABERUS commisit, quam nunc publici iuris facio.

Ad notum istud *et maribus Curiis et decantata Camillis* annotant editores: „*maribus, pueris*". Si quodvis vocabulum Latinum quidvis potest significare, abstinendum censeo istis scriptoribus sanum legentium turbantibus iudicium. Praesidii enim nihil in C. I, 21, 10 ubi *puellis* opponuntur *mares*. Sensit hoc Naberus reposuitque:

Muribus et Curiis et decantata Camillis.

Hoc vere Horatianum, alterum membrum e duobus nominibus verbisve componere et alterum huic addere simplex: „Eupolis atque Cratinus, Aristophanesque" et „quod malus aut fur, quod moechus foret" aliaque exempla innumera.

J. J. H.

DE LOCIS NONNULLIS STATIANIS.

SCRIPSIT

M. R. J. BRINKGREVE.



P. Papinii Statii Achilleidem ¹⁾ editurus cum Thebaidem in praestantissima illa Klotziana recensione perlegerem, etsi viri clarissimi sagacitatem, doctrinam, diligentiam, sanum de sermone Statiano iudicium valde admirabar, nonnullos tamen locos inveni, ubi neque ea quae Klotzius dedit satisfacere mihi posset neque probabilem ab aliis propositam viderem coniecturam, quos locos addita mea qualicumque emendatione iam enumerare conabor.

Initium faciam a locis duobus ubi constructio paullo intricatior plenam lucem accipiet nonnullis verbis in parenthesi collocatis, qua figura Statium frequentissime usum esse cuiusvis patebit qui inspexerit Th. III 24 sq., 80, 100, 136 sq., 237 sq., 305 sq., 345 sq., 374, 453, 471, IV 65 sq., 141, 184, 443 sqq. 470 sqq., 607, 746, 750, 753 sq., 758 sq., 787, 848, V 81 sq., 105, 109, 153 sq., 241 sq., 281 sq., 493 sq., 674, 683, 685. Ex quolibet alio poetae libro plures locos conquirere quisvis potest, sed exempla allata sufficere credo. Hisce igitur praemonitis iam de III 463 sq. pauca dicam, ubi legitur:

sed mortem obscuram numerosaque funera passi

— heu quantus furto cruor! — et sine laude iacetis!

Ide mater de morte filiorum queritur indignaturque eos quos tantam gloriam quondam adepturos speraverat, nunc omni ho-

1) Apud W. L. et J. Brusse, editores Rotterodamenses, a. 1913 emissa est.

nore carentes inter tot alios, rem minime decoram perficientes, insidiis nempe legato structis, finem ingloriosum invenisse. Verba *heu quantus furto cruor* appositionis vice fungi et de filiis dicta esse vulgo creduntur, neque ego Statianum esse negem *quantus cruor* dicere de morte nobilissimorum iuvenum. At contextum perpendamus. Iacent sine laude, cum mortem obscuram numerosaque funera passi sint, i. e. cum inter tot alios (*numerosa funera*) obscurum in modum interfecti sint. Praeterea sermo fit de sanguine furtim effuso. Haec vero nullo modo de iuvenibus istis solis dici possunt, quia neque clam ceteris obierunt neque per fraudem a Tydeo interempti sunt, quae autem, ne si accidissent quidem, matri nota esse poterant. Mitto nunc difficultatem, quae, quamquam Statius talibus in rebus minime lenitati studuit, tamen gravior est, appositionis singulari numero enuntiatae inter subiectum plurale verbumque plurale interpositae, sed rogare velim, nonne verba illa *heu quantus furto cruor* multo melius verbis *numerosaque funera* conveniant? Memorata tot aliorum virorum fortium morte mater maestissima paullulum a luctu suo detrahitur lamentaturque cum indignatione tantum sanguinis perfusum esse, neque id in iusto saltem bello, sed praedonum in modum cum sacrosanctus hostis peteretur.

Simili eget correctione IV 558. Totum locum, Klotzium secutus exscribo:

terrigenae comites illos gens Martia cingunt, 556
 quis aevi mensura dies, manus omnis in armis
 omnis et in capulo; prohibent obstantque ruuntque
 spirantum rabie, nec tristi incumbere fossae
 cura, sed alternum sitis exhaurire cruorem. 560

Quo modo vir sagacissimus sibi genitivum illum *spirantum* explicarit mihi non liquet. Ne graeco quidem sermone statim post verba tria finita subiectum genitivo casu enuntiari potest, nedum latino. An genitivus absolutus in latina quoque lingua obvius? Verum tamen locus optime se habet, interpungas modo:

omnis et in capulo — prohibent obstantque ruuntque —
 spirantum rabie; e. q. s.

sic manifestum est verba *manus* usque ad *rabie* descriptionem esse narrationi intercalatam, descriptioni vero ipsi, quae ad formam habitumque pertinet, parentheseos in modum verba illa

inseruntur, quae turbationem vehementem significant. Inde a vocabulo *nec* narratio pergit.

Nunc ad III 513 sqq. transeamus, quem locum Klotzius sic recensuit:

hisne dari, Thymbraee, polum? simul ora recurvo
dente secant rabidae planctumque imitantibus alis
exagitant zephyros et plumea pectora caedunt. 515

Quid illud *simul* sibi velit indagari mihi non contigit. Porro acc. c. inf. *polum dari* usitatum vocari nequit. Lenior, magis perspicuus et meliorem significationem praebens videtur contextus qui evadit si versum primum sic legimus:

hisne dari, Thymbraee, polum sinis? ora recurvo e. q. s.

Paullo infra (vss. 517 sqq.) legitur:

iam tum prima cum pube virentem
semideos inter pinus me Thessala reges
duceret hic casus terraeque marisque canentem
obstipuerunt duces, nec me ventura locuto 520
saepius in dubiis auditis Iasone Mopsus

vs. 519 vero sic legatur:

duceret, hunc casus terraeque marisque canentem
ita ut *hunc* = *me*. Ubiore commendatione locus egere mihi non videtur.

Porro IV 275 apud Klotzium legimus:

Arcades huic veteres astris lunaque priores
agmina fida datis, nemorum quos stirpe rigenti
fama satos.

In vs. 276 *dati* pro *datis* propono; *fida datis* si sanum est, significare debet *promissis manentia*, at haec laus, ne quid gravius dicam, loco aptissima non est neque cum prioribus neque cum sequentibus cohaeret. Tum verbum desideramus quod ad *Arcades huic* suppleatur, cum nulla causa inveniri fingi possit, cur hoc loco ellipsi poeta usus sit. Coniecturae meae favere eiusdem libri vss. 178 et 475 videntur.

Non solum poeta concinno indigna sed ne hominis quidem qui sana mente praeditus est, mihi ea videntur quae leguntur Th. V 633 sqq.:

hocne ferens onus inlaetabile matris
transfundam gremio? quae me prius ima sub umbras
mergat humus!

Hypsipyle dolore excitata loquitur, sed ne furori quidem dolorive furibundo condonanda mihi videtur illa locutio *quae me prius ima . . . mergat humus*. Valde probabile est eam dubitare, utrum onus ferat necne, at quis revera credere possit eam deinde secum reputasse, quae terra (si *humus* per metonymiam pro regione dici potest, id quod equidem nusquam inveni) se mergeret. Immo exclamationem precativam contextus flagitat, qua orat ut terra revulsa abscondatur. Quae exclamatio verbis *me prius ima sub umbras mergat humus* expressa est. Quid deinde de *quae* censeam? Aposiopesis felicissima est. Hypsipyle in eo est, ut sibi fingat, quibus opprobriis conviciisque mater misera se cumulatura sit (nam ad matrem pronomen relativum *quae* spectat), sed antequam verba invenit, imagine matris iratae et calamitate exterritae mentis oculis surgente ita turbatur ut mortem oret. Interpungendus igitur vs. 634:

transfundam gremio? quae — me prius ima sub umbras

In descriptione certaminis equestris haec verba occurrunt VI 446 sq.:

laxo cum tandem ab orbe reductus

aequoreus sonipes.

vs. 446 finis metro non convenit, quid significet autem manifestum est.

Quamquam inventi fiducia mihi non magna est, tamen conicere velim:

laxo cum tandem adductus ab orbe.

IX 212 sq. Post Tydei mortem Hippomedon equum eius conscendit alloquiturque et alia dicens et haec:

numquam tibi dulce superbi

regis onus.

Quae ellipsim duriores efficiunt quam quae Statio quamvis eius figurae amanti attribuatur. At ut rem aliquam prorsus abiisse indicet et rhetorica interrogatione, ubi sit, et negativa enuntiatione, quae nusquam eam esse dicit, saepe utitur, qua de causa eum scripsisse suspicor:

numquam tibi dulce superbi e. q. s.

cf. e. g. huius libri vs. 278, Silv. I 2. 35 sq. Ach. I 627 cum annotatione mea.

Sed Thebaidem nunc missam faciamus transeamusque ad

Achilleidem, cuius nonnullos locos, ubi a Klotzii recensione recesserim, me tractaturum esse in editionis praefatione promisi. Pauci admodum sunt omissis nempe discrepantiis, quas dicunt, orthographicis levioribusque nonnullis mutationibus quas recensere operae pretium esse non videtur.

vs. 155 tumide *Klotz.*: tumidi *ego*.

timide *P*: tumidi *QK*: tumide *Kohlmann*.

Cur coniectura Kohlmanniana opus sit non video: adiectivum cum magis ex more Statii est, tum magis aptum, propterea quod animorum descriptione multo magis opus est quam minandi definitione modali.

265 has *Klotz.*: hac *ego*

hae *P*: has *QK*: hac *Postgate, Damsté*.

Thetis multis exemplis e mythologia allatis filium adhortatur. Ut quid faciat? Ut se integrum esse sinat? At nihil melius cupit neque ideo exempla illa necessaria sunt. Ut vero unam illam viam salutis quam Thetis ei monstravit, ineat, non nisi gravibus argumentis expositis adduci potest. Eam ob causam exempla citavit; pergere ergo debet:

hac sine e. q. s.

306 impulsam.

Lectionem Klotzianam recepi, quamquam ceterae editiones *impulsum* exhibent. Utrum v. cl. per coniecturam an per errorem eam lectionem dederit an forte genuinam formam solus servaverit, cum codices mihi non praesto sint discernere non possum. Sed potior sine dubio lectio est, quandoquidem de signis animi perturbationis in facie obviis sermo fit neque quicquam attinet ceteras corporis partes fortasse etiam sudavisse, quae res ipsa minus credibilis est. Nam in vehementioribus animi motibus sudor in fronte plerumque labrisque apparet, (cf. vs. 316) neque alibi, nisi quem forte pavoris dementia diu terruit. Praeterea transitio de facie ad personam ipsam per participii formam solam durior esset.

325 cogi *Klotz.*: cogit *ego*

cogit *Mss.*: cogi *Heinsius*.

Coniectura in deterius locus mutatus est. Vix enim mater puerum dubitantem videt, iam eum cogit; quae cum venustissime cohaereant mutandi causa nulla.

326 iniecit *Klotz.*: iniectat *ego*.

iniectat e coniectura introduxi, quoniam ét inter cetera praesentia perfectum admirationem movebat ét nullam causam illius usus invenire poteram.

vs. 676 innumeras mutabant *Cycladas Klotz.*:

innumerae *Cyclades auras ego*.

Lectionem traditam, quod duobus modis optime explicari potest servavi. Alteram interpretandi rationem monstravit v. cl. P. H. Damsté, in Serto Naberico qui fuse disputavit de verbo mutandi, quod verbum *minuere* interdum significare docuit, alteram in commentario exposui.

vs. 745 sq. adit *Klotz.*: obit *ego*.

adit *Mss.*: obit *Heinsius*.

Coniectura Heinsii eam compositionem in textum introduxit, quae sola obiecto *totos penates*, quod per metonymiam *totam domum* valet convenit.

931 aspiciamne *Klotz.*: te aspiciamne *ego*.

te in *Mss.* omissum inserui quoniam verbi obiectum aegre consideramus.

II 42 dixit *Klotz.*: ultro *ego*

dixit *PE*: ultro *QK*.

Dixit post orationem absolutam ponitur, Ulixes vero sermonem ad finem nondum perduxit; itaque *dixit* ferri nequit. Lectio codicum deteriorum talis est, ut per coniecturam excogitanda esset, nisi iam obvia esset; *ultro ... occupat* vult medio sermone *intercipit*.

II 93 primos *Klotz.*: primum *ego*

primum *Mss.*: aliud *alius coniecit*.

Omnes coniecturae inde fluxerunt quod viri docti arbitrati sunt in caesura etiam hiatum a Statio vitatum esse, quam opinionem falsam esse apparet coll. Th. VIII 36, X 441.

MANILIANA.

SCRIPSIT

I. VAN WAGENINGEN.

(Continuantur ex vol. XLI p. 194—206).



I 631—647. His versibus Manilius lectoribus demonstrare studet circulum meridianum in caelo alium esse aliis terrae incolis sive „cum loco terrae caelum et tempora mutari” (vs. 642), atque hanc mutationem luculenter describit viatorem quendam fingens vel ad orientem vel ad occidentem iter facientem et semper meridianum per alia signa circinatum supra se conspicientem. In hac igitur parte nullus comparationi locus est: res ipsa explicatur. Quare Breiter erravit edens (637 sqq.):

*hic (sc. meridianus) mutat per signa vices: ceu ¹⁾ si quis eos
seu petit hesperios, supra se circinat orbem cet.,*

nam illud *ceu*, quod pro codicum lectione *seu* recepit, nullam inducit comparationem neque habet ad quod referatur. Verba enim *volat hora per orbem* (641) non apodosin, ut Breiter vult, sed parenthesin in media sententia condicionali efficiunt. Itaque retinendum esse videtur illud *seu* — *seu* et *si* post prius *seu* (ut *si* post *nisi*) exemplum est pleonasmi, de quo cf. Löfstedt, Spätlatein. Stud. p. 27.

II 624: *idcirco et pax est signis et mixta querela.*

Vulgo substantivum *querela* fere idem valet atque ‘querimonia’ vel ‘questus’, sed nondum in Latino sermone vim rixae vel pugnae habet, sicut in lingua Francogallica. Hoc tamen loco

1) codd.: *seu*, Bentleius: *nam*.

ipsa oppositio *par* ... *querela* docet significationem iam mutata[m] esse, cf. IV 429.

II 970. Post hunc versum in codice Matritensi, cuius imago phototypica a v. cl. Gabrieli Ochoa Blanco confecta, mihi praesto est, leguntur haec verba: *M. Manlii Boetii Astronomicon liber II explicit feliciter, incipit tertius*. Hactenus ubique editum est *Boeni*¹⁾, sed *Boetii* inest. Editores enim errarunt arbitantes *n* scriptum esse, ubi *ti* exaratum est. Librarius autem Matritensis in titulis scribendis forma maiuscula litterae *N* utitur, non minuscula (*n*). Etiam alibi in *M* (fol. 43^r, IV 817) litterae *ti* eodem modo, atque hoc loco, in aliquo titulo depictae sunt („eclipticis”), ubi nemo de vocabuli explicatione dubitat. Iam abhinc fere decem annos v. d. Vollmer suspicatus est *Boenus* depravatum esse ex *Boethus* (B. ph. W. 1904, Sp. 107 A) atque haec suspicio codicis scriptura firmatur.

III 611. Agit poeta de numero annorum, quem singula „templa” caeli homini nascenti tribuunt. In qua parte uniuscuiusque templi locum, quem id in caelo obtinet, rursus describit ipso nomine templi omisso (cf. II 856 sqq.). De templo autem duodecimo, quod Typhoeus appellatur, quae regio „*super exortum est a summo tertia caelo*” (II 864) ita canit:

*at qui praecedat surgentis cardinis horam
vicenos ternosque dabit nascentibus annos,*

sed quoniam sermo est de loco, ut supra dixi, non de tempore, et *cardo surgens* nihil aliud est nisi templum quod II 864 *exortus* sive *horoscopus* appellatur pro *surgentis cardinis horam* legendum est: *surgentis cardinis oram*.

IV 140—151. Audi poetam praedicantem, quae Taurus alumnis suis det:

*Taurus simplicibus dotabit rura colonis,
pacatique labor veniet; nec praemia laudis,
sed terrae tribuet partus, cet.*

Itaque qui sub Tauro nascuntur, viri erunt simplices, ruri vitam

1) Schanz RLG II 2, 34.

laboriosam degentes, laudis non cupidi. Sed quae paulo post sequuntur, cum hac morum notatione pugnare videntur (vs. 150):

*laudis amor, tacitae mentes, et corpora tarda
mole valent, habitatque puer sub fronte Cupido,*

nam difficultatem non effugiemus statuentes in versu 141 de bellica laude sermonem esse, in vs. 150 de alia. Melius poetae mentem, ut opinor, reddemus, si versum 150 aliter distinguemus, scilicet:

*laudis amor tacitae, mentes et corpora tardā
mole valent, habitatque puer sub fronte Cupido.*

Amant agricolae illi quidem laudem, sed non clamorosa et tumultuantem, praemiis gloriantem. Tardi sunt et mente et corpore, verum a Venere eiusque filio non alieni.

IV 178—181:

*ille (sc. Leo) novas semper pugnas, nova bella ferarum
apparat et spolio vivit pecorumque rapinis,
hoc habet hoc studium: postes ornare superbos
pellibus cet.*

Ita codices, sed quisquis sermonis Maniliani peritus est, hanc geminationem *hoc . . . hoc* eamque hoc loco adhibitam, ubi vocabulum *studium* omnino non premendum erat, minime in hanc poesin cadere confitebitur. Quod Fayus proposuit *hoc habet hic studium*, defendi sane potest, nam solet Manilius de ipso signo (de Leone) dicere eique tribuere illa, quae proprie sunt eorum, qui sub illo signo nati sunt. Verum in his versibus Manilius ea quae ipse Leo committit (vv. 178—179), ab iis discernere mihi videtur, quae Leonis alumni agere consuerunt (vs. 180 sqq.). Quamobcausam legendum censeo:

ac dabit hoc studium: postes ornare superbos cet.

Etiam paulo post (vs. 193) poeta hac forma *dabit* utitur, neque temporis discrimen *apparat vivit dabit* lectores a coniectura mea deterreat, si videant Manilium alibi quoque in eiusmodi descriptionibus futurum iuxta praesens adhibuisse, cf. IV 577 *in merit*, postquam *datur* (vs. 574) antecessit.

IV 202 Breiter aliiue sic ediderunt:

nec fecundus erit — quid mirum in Virgine? — partus,

sed ML¹ hoc loco non praebent *in Virgine*, verum *Virgine*, quod tenendum est et iungendum cum participio *partus* (= creatus, natus), quod editores male pro substantivo duxerunt. Itaque cum optimis codicibus versum hoc modo legendum et interpretandum puto:

nec fecundus erit — quid mirum? — Virgine partus,
h. e. cum sub *Virgine* natus sit, non fecundus erit, — quid mirum?

IV 220—223:

*in bellum ardentis animos et Martia castra
efficit* (sc. Scorpio) *et multo gaudentem sanguine civem
nec praeda quam caede magis.*

Ad hunc locum Bentleius annotat: „*Martia castra efficit?* putide et inepte. Cum *efficit* dicit, ingenium et indolem hominum, non ipsorum opera dicit. Repone:

*in bellum ardentes animos et Martia corda
efficit*”.

Optime vir doctissimus vidit Scorpionem non efficere *Martia castra*, sed in verbis traditis ne id quidem inest. Nam illud *Martia castra* non obiectum est verbi *efficit*, ut Bentleius arbitratur, sed per figuram ἀπὸ νοίῃου iungendum est cum verbis *in bellum* et ab eadem praepositione *in* pendet. Ergo Scorpio homines efficit, quorum animi et in bellum et in *Martia castra* ardent. Cf. de praepositionis loco IV 252: *addis et in vestes studium mercemque fugacem* (h. e. studium in vestes et in mercem fugacem); Hor. C. III 25, 2; Kühner-Stegmann II² p. 581.

IV 233: *et totis armenta sequi pascentia campis.*

„ 738: *cinnama nec totis passim nascentia campis.*


Utroque loco *totis* dictum est pro ‘omnibus’, sicut apud Plautum (Mil. 212: „*totis horis*”) et in sermone vulgari.

IV 294—297. Astrologi, cum viderent homines sub eodem signo natos magnopere moribus inter se differre, ut hanc dissimilitudinem explicarent, miram rationem instituerunt. Nempe tricenas partes (30°) uniuscuiusque signi zodiaci diviserunt in

decadas trinas et ab Ariete incipientes fecerunt trina signa continua vim suam exercentia in singula signa. Ita Aries Taurus Gemini fiunt decani sive domini Arietis, Cancer Leo Virgo Tauri, Libra Scorpio Sagittarius Geminorum, Capricornus Aquarius Pisces Cancri ac sic deinceps ζώδια per reliquum orbem distribuuntur, ut unumquodque signum ter fiat decanus in alio (cf. infra). Hanc rem Manilius poetice hoc modo illustrat:

*sed nihil in semet totum valet; omnia (sc. signa) vires
cum certis sociant signis sub partibus aequis
et velut hospitio mundi commercia iungunt
conceduntque suas partes retinentibus astris.*

Nemo adhuc expedivit, quid esset illud *retinentibus astris*. Quid



DECANI.

Man. Astr. IV 292—372.

astra (= signa) retinent? Nimirum suas proprias vires per omnes partes triginta ac praeterea in unaquaque decade habent aliud signum (quasi hospitem), quod ibi dominatur, sed hoc non erat significandum poetae. Voluit ille describere — quod etiam ex usu verbi *concedendi* apparet — commercium esse

quoddam inter signa et alterum alteri partes suas quasi permutatione quadam commodare. Ut haec imago exprimatur integra, nobis legendum est:

conceduntque suas partes reddentibus astris.

Signa enim partes suas aliis concedunt signis, quae sua vice suas reddunt. Ita re vera existit commercium inter astra.

In vicinia aliud mendum tollendum est, IV 320—322:

Libra decem partes Geminorum prima capessit,

Scorpius adiunctas, Centauri tertia pars est.

nec quisquam numero discernitur; ordine cedit.

Nonne hoc loco ratio flagitat: *cedunt*? Libra Scorpio Sagittarius aequas partes a Geminis accipiunt. Ergo quod ad numerum partium attinet, nullum inter eos discrimen est, nemo alteri praefertur, sed *ordine cedunt*: Librae primus, Scorpionum secundus, Sagittario tertius datur locus. In asyndeto versus 322 oppositio inest, quae postulat, ut verba (*omnes*) *cedunt* priori parti sententiae *nec quisquam discernitur* opponantur.

IV 422. Hic versus silentio non praetereundus est, quoniam lectio codicum luce clarius hic ostendit, qualis sit inter eos necessitudo. Recte Matritensis praebet:

laudatque cadit post paulum gratia ponti,

sed librarius codicis Lipsiensis, idem archetypum describens, vocabulo *paulum* inductus, scripsit dormiens:

laudatque cadit post paulum gratia xp̃i (= Christi),

deinde idem vel alius librarius, codicem rursus cum archetypo conferens, locum correxit supra scribendo: *ponti*. Quid Gemblacensis? Solam habet lectionem *Christi*, cum ex Lipsiensi ante descriptus sit, quam altera manus hanc correctionem addidit. Nam quominus hunc errorem iam in archetypo fuisse credamus, impedit et tempus, quo illud scriptum est, et lectio vera codicis Matritensis, qui omni interpolatione liber est, neque veri simile esse videtur duos librarios, alterum separatim ab altero, in eundem hunc errorem incidisse.

Manilius Hellespontum, Propontidem, Pontum Euxinum, Paludem Maeotidem hoc modo deinceps describit:

IV 615 sqq.

*hic intus iuvenisque fretum mersaeque puellae
truditur invitum faucesque Propontidos artas¹⁾
Euxino iniungit ponto Maeotis et undis,
quae tergo coniuncta manet pontemque ministrat.*

Subiectum horum versuum proprie non est *fretum* (vs. 615), sed *pontus* (vs. 596), qui dicitur tamquam fretum inter Achaiae regiones trudi, deinde Propontidem, tum Pontum Euxinum, denique Maeotidem efficere, id quod unicuique apparebit totum locum perlegenti. Sed mirum in modum poeta, si codicibus fidem habemus, postremum mare fingit *pontem* hominibus ministrans. Eleganter sane hoc dictum esset, si nauta etiam in regiones, quae supra Maeotidem ad septentriones vergunt, penetraret, sed ibi sunt loca non hospitalia, a Scythis habitata. Quare mihi in mentem venit *portumque* pro *pontemque*.

V. 97—100:

hoc genitum credas de sidere (sc. Heniocho) *Bellerophontem
imposuisse viam mundo per signa volentem,
cui caelum campus fuerat, terraeque fretumque
sub pedibus non ulla tulit vestigia cursu.*

Ita mihi videntur edendi esse hi versus, interpunctione in vs. 100 post *sub pedibus* sublata. Bellerophon enim, dum in aere equitat, neque terras neque mare pedibus tangit. Recte igitur terra et mare dicuntur nulla vestigia eius cursus pati. De verbi *tulit* numero singulari cf. Kuehner II² p. 50; Liv. 37, 9, 3: „naves et praesidium Romanum excessit.”

V 140—142:

*Taurus in aversos praeceps cum tollitur ortus,
sexta parte sui certantes luce sorores
Pleiadas ducit.*

Taurus in caelo oriens primas ostendit clunes, deinde reliquum corpus, cf. II 198:

*aspice Taurum
clunibus et Geminos pedibus, testudine Cancrum
surgere.*

1) Codd.: *apto*.

Eam ob causam in vs. 140 praestat legi *artus* pro *ortus*, nam etsi iure *ortus* dicuntur *aversi*, tamen Taurus tollit se non in *aversos ortus*, sed *artus*, h. e. partes aversae corporis aspiciuntur primae.

Tandem aliquando veram lectionem invenisse me puto in V 245. Agitur de iis, qui sub Cratere nati sunt, hominibus minime parcis et sobriis:

V 244: *nec parce vina recepta*
hauriet + emiseris et fructibus ipse fruetur
gaudebitque mero mergetque in pocula mentem.

Pro vocabulo corrupto *emiseris* propositum est: *e mustis* (Vollmer), *e mystris* (Turnebus), *e murris* (Rossberg), *emessis* (Gevartius), sed nulla ex his coniecturis placet, quoniam illi viri docti in loco emendando neque ad vocabula *nec parce* neque ad pronomen *ipse*, quo antithesis aliqua in prioribus requiritur, satis attenderunt. Ego una littera addita versum ita corrigo:

hauriet et miseris et fructibus ipse fruetur.

Negatio *nec* cum solo adverbio *parce* iungenda est, quae iunctura per *λιτότης* figuram significat: 'large'. Tum *vina recepta* est copia vini in cella iam condita, quam ille Crateris amicus non solum *ipse* bibit, sed etiam *miseris* (aegris et pauperibus), e dolio hauriens, largietur.

Qui sit ordo operum, quibus pistor (idemque molitor) cotidie fungitur, haud incertum est. Primum frumentum molit, deinde farinam macerat, tum eam deponit subigitque in varias formas, denique torret in foco. Neque ordinem illum operum antiquis temporibus alium fuisse credo atque nunc. Idcirco in libro V versum 284 postponere velim versui 285 atque totum hunc locum ita legere:

282 *subdere fracturo silici frumenta superque*
 283 *ducere pendentis orbes et mergere farra*
 285 *atque unum genus in multas variare figuras*
 284 *ac torrere focis hominumque alimenta parare.*

Hac transpositione etiam ad finem reservatur, id quod postremo erat enumerandum: frumentum in *hominum alimentum* mutatum.

Iam paucos annos abhinc Manilii editionem, quam Breiter curavit, recensens (Mus. XVI p. 246) mendum latere conieci in versibus, quos poeta de viro violento et superbo, sub Aquila nato, condidit:

V 495: *nec pacem a bello, civem discernet ab hoste;
ipse sibi lex est, et qua fert cumque voluntas,
praecipitant vires; laus est contendere cuncta.*

Sed quod tunc pro verbo *contendere* proposui, sc. *contundere*, iam non placet, cum modum excedere illa locutio mihi videatur. Quoniam autem Matritensis *contenere* exhibet, forsitan vera lectio sit: *contemnere*.

AD TABULAS QUASDAM AEGYPTIACAS.

Inter res in Aegypto erutas, effossas, protractas (vel quo vocabulo hic utar?), quae magni nunc fiunt, haud ultimum tenent locum tabulae quaedam puerorum in usum exemplis impletae verborum accusativum, genitivum, dativum regentium. Inde enim profecti quot iam viri docti quam spissos „de antiquis ludis literariis” scripserunt commentarios! In quarum una caput hominis rudi arte delineatum refert qui primus descripsit. Supervenit vir doctus qui, tamquam si de re gravissima ageretur, annotavit: „praeceptorisne?” Tertius huius „illustrationis” illustrandae gratia locum Luciani adscripsit quendam; quartus *apte* („passend”) illum locum allatum annotat. Est autem notissimus ille e *Somnio* 2; ὁπότε ἀφείλιν ὑπὸ τῶν διδασκάλων, ἀποξέων ἂν τὸν κηρὸν ἢ βόας ἢ ἵππους ἢ καὶ νῆ Δία ἀνθρώπους ἀνέπλαττον. Hoc si est „apte afferre”, ad quodvis vocabulum Graecum quemvis locum poetae scriptorisve adscribere iam licet.


J. J. H.

AD PLUTARCHI MORALIA ANNOTATIONES CRITICAE.

SCRIPSIT

J. J. HARTMAN.

(Continuantur e pag. 8.)



DE COHIBENDA IRA.

Utilissimus hic libellus suavissimusque, cuius patronum esse voluit Plutarchus Minucium Fundanum virum magnae inter *Romanos* auctoritatis: hunc enim ibi inducit colloquentem cum Sextio Sulla Carthaginensi et civitatem Romanam adepto. Sullae Fundanus exponit quo modo ex iracundo asperoque lenis sit factus mansuetusque eamque rem tam accurate exponit ut libellus qui initio colloquium fuit exeat in disputationem solius Fundani de cohibenda ira. Bene notus hic nobis Fundanus e Plinii epistolis. Ad illum est lepidissima illa Plinii epistola I, 9 qua demonstratur qui fiat ut in urbe, futilissimarum plena occupationum, singulorum dierum ratio constet, multorum non constet. Epl. IV, 15 Plinius a Fundano, quem in proximum annum consulem creatum iri auguratur, petit ut sibi quaestorem assumat Asinium Bassum, illius Bassi filium qui et Tacito amico utatur. Epl. V, 16 eundem amissa filiola tristem consolatur. Epistola demum VI, 6 eundem rogat ut se adiuvet enitentem ut Iulius Naso honorem quem petit obtineat. „Permulum” ait „interest mea te ostentare, tecum circumire”. Hinc aliquatenus intelligimus quamnam illo tempore philosophi Graeci librorum suorum in lucem edendorum sint secuti rationem. Prorsus enim eodem modo, quo Plinius Nasonis patronum fieri Fundanum exoptat, Plutarchus eundem illum Fundanum sui libelli patronum fore sperat. Neque frustra, ut opinor, sperat. Insigni enim

se honore a clarissimo illo Chaeronensi affectum sentiet vir consularis, qui in eius libello primas partes agat, neque dubitamus quin daturus sit operam ut libellus ille, in multa discriptus a literatis suis servis exemplaria, omnibus innotescat Romanis, quibus bonae artes cordi sunt quique in republica Romana primum tenent locum. Simulque hinc discimus cum quibus fere viris Romae familiaritatem contraxerit Plutarchus, quos iam Chaeroneam reversus colere et patronos habere philosophiae suae perrexit. Tacitum Pliniumque amicos habuit et praeterea omnes quos eorum amicos ex Plinii praesertim epistolis cognitos habemus, in eorumque numero et ipsum principem Traianum. Neque iam dubitamus quin egregie Volkmannus apud Plinium (V, 5):

aderam Arrionillae, Timonis uxori, rogatu Aruleni Rustici pro inepto et ridiculo nomine *Arrionillae* restituerit *Aristyllae*, nomen et bene Graecum et verum Timonis uxoris. Nam Timon ille ne potest quidem diversus esse a Plutarchi fratre Timone, siquidem in *praeceptis coniugalibus*, vere aureo libello, haec Plutarchus ad discipulam suam scribit: „ad cultum muliebrem quod attinet, auctor tibi sum ut fideli serves memoria quae Timoxena scripsit Aristyllae”. Iam hic ipsius Plutarchi significari uxorem, quam Timoxenam fuisse nomine pro certo novimus, quis adeo contumacis est perversitatis ut negare velit? Hercle si *non* suam hic nominasset uxorem, id disertis dixisset verbis Plutarchus. Ergo scribebat libros Plutarchi uxor, idque neque nescio neque invito marito, sed scribebat de rebus quas solis feminis notas esse necesse est, neque scribebat populo sed feminis quibuscum arta erat familiaritate iuncta, imprimis illi mulieri quam in matrimonio habebat sui Plutarchi frater. Profecto si unquam prodibit diarium, cuius hoc sit propositum ut „mulierum motus” ille qui dicitur suis sibi coerceatur terminis, TIMOXENA ei detur nomen censeo.

Sed ad Plutarchum eiusque *de cohibenda ira* redeo libellum. Ad cuius hosce locos pauca annotata velim.

p. 453 A. „Prudenter” ait „pictores sua opera identidem examinant, per aliquod temporis intervallum sibi non visa: sic enim minus eos fallunt tabularum suarum vitia quam si semper eas ante oculos haberent”. Tum sic pergit:

ἐπεὶ τοίνυν οὐκ ἔστιν αὐτῷ διὰ χρόνου προσελθεῖν . . .
ἀλλὰ τοῦτ' ἐστὶ τὸ μάλιστα ποιοῦν ἕκαστον αὐτοῦ Φαυλότερον
κριτὴν ἢ ἐτέρων, δεύτερον ἂν εἴη τὸ τοὺς Φίλους ἐφορᾶν διὰ χρόνου.

Incredibili errore ét vetus ét novus editor post ἐτέρων semi-
colo incidunt sententiam. Virgula opus est, nam istud δεύτερον
ἂν εἴη apodosin efficit protaseos ἐπεὶ . . . ἐτέρων. Eo loco, quem
in citando vacuum reliqui, illud αὐτῷ διὰ χρόνου προσελθεῖν sic
illustratur:

χωρὶς γενόμενον καὶ διαστήσαντα τῆς συνεχείας τὴν αἴσθησιν.
Si quid ego video, prave haec sunt enuntiata. Quid enim modo
dictum est de pictoribus? τὴν ὄψιν αὐτῶν (i. e. τῶν ἔργων)
ἀφιστάντες τῇ πολλάκις κρίσει ποιοῦσι καινὴν. Suam contempla-
tionem identidem a tabulis suis removens novam semper fa-
ciunt. Quid ergo optandum erat hominem in se ipso facere
posse? Identidem semet ipsum non videre vel sentire sed „sen-
sus continuitatem” interrumpere, quemadmodum pictor con-
templationis interrumpit continuitatem. Aut ergo ipse in scri-
bendo lapsus est Plutarchus (quod fieri potuisse non negaverim)
aut eius verba τῆς αἰσθήσεως τὴν συνέχειαν corrumpit librarius.

Ad suum amicum hanc observationem convertens Sulla hoc
dicit:

ἐγὼ γοῦν ἐνιαυτῷ μὲν ἀφιγμένος εἰς Ῥώμην δευτέρῳ συνὼν δέ
σοι μῆνα τουτονὶ πέμπτον
te cerebrosum illum lenem video placidumque.

Vereor ut vulgo haec recte intelligantur. Sic res se habet:
per integrum annum et aliquot dies Sulla Roma afuit; nunc,
reversus, iam per quatuor menses cum Fundano esse solet:
satis longum ergo fuit ét non videndi intervallum ét tempus
per quod „quantum mutatus ab illo” iam esset Fundanus posset
intelligere.

453 C Eundem illum Erotem, qui ad Sullam iam nuntium
hic dicitur de mutato Fundano attulisse, etiam habemus in
praeclaro libro *de tranquillitate animi* (p. 464 F). Ibi Romam
properare dicitur propter quasdam Fundani literas. Suspicio
ergo tunc, cum Roma aberat, ét Sullam cum Plutarcho Chae-
roneae fuisse ét Erotem ibidem esse moratum. Nam Eros ille,
nisi me fallunt omnia, et ipse „philosophus” fuit, sed qui apud

clarissimum illum vicarii fungeretur partibus; ultro citroque iter facere solebat ut patronum suum certiores faceret quo mentis statu cum maxime hic vel ille esset, quem Romae alibi sibi cognitum Plutarchus in suam receperat curam. Vides illud „mentium medici” nomen, quod Levèquius invenit, non ornamenti tantum causa Plutarcho dari posse sed satis accurate eo describi qua ratione suo officio fungi ille sit solitus. Quo magis rem considerabimus eo magis apparebit philosophi qualis Plutarchus fuit eandem *πρᾶξιν* fuisse quam medicorum qui corporis curant morbos. Ergo quoties in locos eo pertinentes incidere inde quaecunque totam rem illustrare possunt protraham; sic et alia minime spernenda discemus et *rem facere* potuisse illos non minus bene quam corporum medicos hodiernos.

ib. „Narra mihi” Fundanum rogat Sulla „qua cura”

οὕτως εὐήνιον καὶ ἀπλοῦν καὶ τῷ λόγῳ πρᾶον καὶ ὑπήκοον ἐποιήσω τὸν θυμόν.

Nullus hic *simplicitati* locus; antea *nimis* simplicem fuisse Fundanum apparet ex iis quae Sulla dicit. Sed ex iracundo et aspero factus est lenis et *mollis* ut opinor. Lege ergo ἀπαλόν. Olim σκληρός erat Fundanus.

453 D Rectissime Huttenus delet κατὰ χώραν, quae verba olim in margine annotata fuerunt ad verba ἐν τῇ Ὀμηρικῇ πείσῃ μένοντα. Scatet eiusmodi emblematis Plutarchi textus.

ib. Laudat Fundanus Musonii dictum: eum qui salvus esse velit *semper* curari oportere, additque:

οὐ γὰρ ὥς ἐλλέβορον, οἶμαι, δεῖ θεραπεύσαντα συνεκφέρειν τῷ νοσήματι τὸν λόγον.

Hic, ut opinor, quisque haerebit: si enim τὸν λόγον infinitivi illius facimus obiectum, quod eius sit subiectum frustra quae-
rimus, si subiectum, quid *simul* efferre debet? Sed lege συνεκρεῖν pro συνεκφέρειν, omnia erunt egregia: helleborus simul cum morbo *effluit* e corpore, hoc τὸν λόγον facere non oportet ἀλλ’ ἐμμένοντα τῇ ψυχῇ συνέχειν τὰς κρίσεις καὶ φυλάσσειν. Op-
time nunc haec praecedentibus opponi dicere vix opus.

454 A οἱ πολιορκίαν προσδεχόμενοι συνάγουσι καὶ παρατίθενται τὰπιτήδεια.

Rectissime pro παρατίθενται ἀποτίθενται reposuit Naberus ὁ μακαρίτης ¹⁾).

454 F πῦρ δὲ μὴ παρασχὼν ὕλην ἔσβεσε, καὶ ὄργην δὲ μὴ θρέψας ἀρχῇ καὶ μὴ φυσήσας ἑαυτὸν ἐφυλάξατο καὶ καθεῖλεν.

Quis hic cum interprete, qui „neque sese inflat” nobis exhibet, hic de ranae et bovis cogitare vult fabula? Delendum istud ἑαυτὸν est: liberiore enim metaphorae usu, quem toties apud Graecos Latinosque deprehendimus scriptores, de *ira* hic idem quod de *flamma*, quacum comparatur, dicitur: flamma autem augetur nutriendo afflandoque.

455 B πρὸ χείματος ὥστ' ἀνὰ ποντίαν ἄκραν στελλόμενος.

Versus hic saepius a Plutarcho allatus, ubi sermo est de homine prudente qui in tempore cavet ne ira exardescat, ita est emendandus ut cum nauta comparetur ille ante procellam vela colligente.

455 E ἐγὼ γοῦν, εἰ μὲν ὀρθῶς οὐκ οἶδα, ταύτην δὲ τῆς ἰατρείας ἀρχὴν ποιησάμενος, ὥσπερ οἱ Λακεδαιμόνιοι ἐν τοῖς εἰλωσι τὸ μεθύειν οἶον ἐστι, κατεμάθονον τὴν ὄργην ἐν ἐτέροις.

Dele importunam virgulam post οἶδα et aequae importunam particulam δέ post ταύτην. Haec enim est sententia: „irae naturam ego in aliis, ut Lacedaemonii in servis, observabam: utrum recte hoc mei sanandi fecerim initium necne nescio”.

456 B καὶ γὰρ καὶ τὴν Ἀθηναίων λέγουσιν οἱ παίζοντες αὐλοῦσαν ὑπὸ τοῦ σατύρου νοθετεῖσθαι καὶ μὴ προσέχειν

sequuntur versiculi quibus Satyrus ille usus est. „At” sic noster pergit „facie sua in fluvio conspecta fistulas abiecit”.

Si editoris annotationem bene intelligo, Reiskius pro παίζοντες coniecit ποιηταί. Certe nihil est παίζοντες, sed neque poetae huius esse loci videntur. Equidem totum istud οἱ παίζοντες tamquam inutile interpretamentum abiecerim.

1) Tribus haec post eius exsequias scribebam diebus.

456 D Mare turbatum eiiciendo musco algaque purgatur, sed verba quae ira e pectore eiicit:

τούς λέγοντας πρώτους καταρρυπαίνει καὶ καταπίμπλησιν ἀδοξίας, ὡς αἰὲν ἔχοντας ἐν αὐτοῖς ταῦτα καὶ πλήρεις ὄντας ὑπὸ δὲ τῆς ὀργῆς ἀνακαλυπτομένους.

Quid certius quam αὐτοῖς esse legendum? Haec enim est illa infamia quod ira eos detegere videtur cum semper turpia ista intus habeant.

456 E οὐδὲν γὰρ ὁ ἄκρατος ἀκόλαστον οὕτω καὶ δυσχερές, ὡς ὁ θυμὸς, ἀναδείκνυσσι· κακεῖνα μὲν γέλωτι καὶ παιδιᾷ μέλει, ταῦτα δὲ χολῇ κέκραται.

Praeclara est Madvigii emendatio παιδιᾷ καὶ μέλει, pro qua nollem editor suam παιδιαῖς ἀμέλει suasisset. Ne quis autem in pluralibus κακεῖνα et ταῦτα haereat, iis significari moneo ea (verba) quae vinum et ea quae ira profert.

458 B Ἀλέξανδρος δὲ πικρότερος αὐτοῦ γέγονεν ἐν τοῖς περὶ Καλλισθένη καὶ Κλεῖτον. ἥ καὶ Πῶρος ἀλοὺς παρεκάλει χρήσασθαι βασιλικῶς αὐτῷ.

Quo iure interpreter istud ἥ vertat „itaque” non video, neque quo modo ea vox sit accipienda.

ib. διὸ καὶ τῶν θεῶν τὸν βασιλέα μελίχιον· Ἀθηναῖοι δὲ μαιμάκτην· οἶμαι καλοῦσι· τὸ δὲ κολαστικὸν ἐρινυῶδες καὶ δαιμονικόν, οὐ θεῖον οὐδ' ὀλύμπιον.

Cetera sunt perspicua, sed quibus hic Athenienses opponantur et quid docere nos possit nomen obscurum μαιμάκτης in densis latet tenebris.

458 DE τὸν Νεοπτόλεμον ὁ Σοφοκλῆς καὶ τὸν Εὐρύπυλον ὀπλίσας ἐκόμπας· ἀλοιδῶρητα·
Φησιν

ἐρρηξάτην ἐς κύκλα χαλκίων ὀπλων.

Priora sic sanat Badhamus: ἄκομπ' ἀλοιδῶρητά τε, sed quomodo haec cum posterioribus cohaerent?

458 F Mire hic textus traditus in enumeratione eorum quos

ira ad prave agendum adducit inter se iungit *κυνηγούς καὶ ῥήτορας*. Pro priore Kaltwasserus acute reposuit *συνηγόρους*. „Aliud latet” annotat editor. Aliquid tamen, opinor, in eam sententiam.

459 B *παῖδ' ἰδὼν πατὴρ ἐπιχειροῦντά τι σιδηρίῳ διελεῖν ἢ τεμεῖν, αὐτὸς λαβὼν τὸ σιδήριον ἐποίησε*.

Mire ultima vox friget, fortasse tamen ita scripsit Plutarchus. Certe perspicua haec. Sequitur: *καὶ τοῦ θυμοῦ τὴν τιμωρίαν παρελόμενος αὐτὸς ἀβλαβῶς καὶ ὠφελίμως ἐκόλασε τὸν ἄξιον*. Optime Plutarchum suum notum habuit Stegmannus qui post *παρελόμενος* inseruerit ὁ λόγος. Talia in textum non recipi!

Adduntur haec:

οὐχ ἑαυτὸν ὥσπερ ὁ θυμούμενος ἀντ' ἐκείνου πολλάκις
non vero a Plutarcho sed ab inepto magistello.

ib. *ὀργαὶ δὲ συνεχεῖς πολλὰ ποιοῦσαι προσκρούματα καὶ σφάλματα διὰ τὴν ἐξουσίαν ὥσπερ ἐν ὀλισθηρῷ χωρίῳ, μηδενὸς ἐνισταμένου μηδὲ κωλύοντος, ὑποφέρουσαι*.

Non persanavit locum Reiskius pro *ὑποφέρουσαι* legendo *ὑποφέρουσιν*. Bene demum decurrent omnia si scriptum erit simplex *φέρουσιν* et exemptum participium *ποιοῦσαι*.

459 C *οὐ γὰρ ἔστιν ἀναμάρτητον ἐν πάθει τὸ ἀνυπεύθυνον κατασχεῖν*.

Istud ἐν πάθει quid sibi velit non video. Si absit haec habeamus omnibus absoluta numeris: „non potes plenam licentiam praestare immunem peccatis”, nisi quod pro *κατασχεῖν* legere *παρασχεῖν* praestet.

ib. Video multos *δουλεύοντας* ἑτέροις ἀπὸ νεύματος καὶ σιωπῇ [καὶ] *προθυμότερον ἢ μετὰ πληγῶν καὶ στιγμάτων* ἑτέροις.

Quis admonitus non videt inclusum istud καὶ hinc facessere debere?

459 D *οὐθ' ὁ τοξεύειν ἡμᾶς διδάξας ἐκώλυσε βάλλειν ἀλλὰ μὴ διαμαρτάνειν*.

Minime obtemperandum editori *ἐκέλευσε* pro *ἐκώλυσε* suadenti.

E sequentibus enim apparet hoc Plutarchum velle: „non omnino sagittas mittere sed prave mittere me vetabat magister”.

„Hoc ergo recordatus” ait „et reputans non eum nobis puniendi eripere potestatem qui apte punire non docet *πειρῶμαι τὴν ὀργὴν ἀφαιρεῖν κτῆ*”.

Quis non videt ante primum vocabulum Graecum virgula, non semicolo opus esse? Sed non vident editores.

459 F καὶ δεινὸν οὐδέν, εἰ (servus qui deliquit) δώσει δίκην βράδιον, ἀλλ’ εἰ ταχύ παθὼν αἰεὶ φανεῖται μὴ ἀδικῶν.

Pro αἰεὶ φανεῖται Madvigius ἀναφανεῖται. Dubito. Eleganter enim ταχύ et αἰεὶ inter se opponi videntur: ad poenam sumendam puncto temporis opus erit, si iniustam sumseris poenam insons ille te tota suā vita iniuriae arguet.

460 C οὐ πρὸς ἡδονὴν δεῖ καθάπερ ἀπολαύσματος ὀρέξει τῆς τιμωρίας ἐμφορεῖσθαι.

Vellem illud ὀρέξει abesset: e praecedentibus inutiliter illatum videtur, ubi Aristotele auctore reprehenduntur Tusci quod ad tibiae cantum servos verberent. Hoc enim est καθάπερ ἀπολαύσματος τῆς τιμωρίας ἐμφορεῖσθαι.

460 F ὅνοις ἐμβάλλουσι χαλεπαίνομεν. „Occurrentibus” dat interpres; fortasse recte, non tamen nunc locos in promptu habeo ubi eodem sensu illud verbum adhibeatur.

461 A „Civis Romanus sum” mulio clamabat cum magistratus eum verberare vellet; tunc ille „at tu certe non es optimo iure civis” reclamans mulum verberabat.

Hanc narratiunculam Romanam et ipsam origine Plutarchus vel eius auctor tam accurate Graecam riddidit ut etiam e Romano cive Atheniensem faceret, quo pacto tota venustas narratiunculae, immo vero ipsa narratiuncula periit. Quid enim Atheniensi cum lege Porcia et magistratibus in provincia virgas expedire iubentibus? Ῥωμαῖός εἰμι. Σὺ δέ γ’ οὐκ εἶ Ῥωμαῖος sic genuina altercatio Graece fuerat reddenda. Et nunc quoque illud δέ γε nostro loco est reponendum, ubi codices praebent δὲ μὲν, quod editor sic corrigere vult ut fiat γε μὴν. Verum dedit Co-

betus in narratiuncularum Graecarum collectione, quam scholarum in usum edidit, qua si quis revera Graece discere cupit utatur censeo. Mirari satis non possum praeclarum illud docendi discendique instrumentum nondum in Angliam Galliam Germaniam et quidquid est in Europa cultorum populorum translatum. En latet hic thesaurus etiam editoribus qui *rem facere* volunt!

ib Nil magis alit iracundiam quam luxus, mollities, fastidium:

διὸ μεῖζον οὐδὲν εὐκολίας καὶ ἀφελείας ἐφόδιον εἰς πραότητα πρὸς οἰκέτας καὶ γυναῖκα καὶ φίλους.

Haec sic interpres reddit: „itaque ad mansuetudinem et erga uxorem et amicos non est quidquam plus emolumenti afferens quam facilitas et simplicitas”. Male, ut opinor. Haec enim est structura: οὐδὲν ἐστὶ μεῖζον ἐφόδιον εἰς πραότητα ἢ εὐκολία καὶ ἀφέλεια πρὸς οἰκέτας καὶ γυναῖκα καὶ φίλους. Qui adversus servos, uxorem, amicos facilis est et *simplex* (i. e. paucis paratisque contentus) is optime instructus est ad mansuetudinem (adversus ceteros omnes).

Adduntur etiam haec: τῷ δυναμένῳ συμφέρεσθαι τοῖς παροῦσι καὶ μὴ δεομένῳ πολλῶν καὶ περιττῶν. In quibus συμφέρεσθαι fere est *aequo animo uti*. Certe rarior ille verbi huius usus. Contrario idem verbum modo adhibetur *de tranq. an.* 467 A: ἵνα καὶ τὰ ἐκτὸς ὡς οἰκεῖα καὶ φίλα μὴ χαλεπῶς χρωμένοις συμφέρηται, ubi non homo rebus sed res homini συμφέρονται, quod melius in verbum illud convenit.

461 B θαλάττης διὰ βάθους κεινημένης.

Pro διὰ Abreschius ἐκ reposuit, recte, ut opinor. Vix quidquam illius dissertatio Academica habet quod non sit in textum recipiendum.

461 C Morositas et frequentes querimoniae animum obnoxium reddunt iracundiae:

ἔθιστόν οὖν τὸ σῶμα δι' εὐτελείας πρὸς εὐκολίαν αὐταρκῆς ἑαυτοῦ γιγνόμενον.

Ne verbo ἐθίζειν suus infinitivus desit neve verbis hisce sententia, legendum est γίγνεσθαι. Simplici victu corpus nostrum

assuefacere debemus ut sibi sufficiat ad bene et iucunde vivendum (πρὸς εὐκολίαν).

461 D Socratis dictum illud οἶόν ἐστι τὸ συμποτικὸν εἶναι τὸν σοφόν quid significat? Usus eo S. dicitur cum ad cenam panes non adessent.

463 D δεῖ δ', ὥς που καὶ Παναίτιος ἔφη, χρῆσθαι τῷ Ἀναξαγόρῃ, καὶ καθάπερ ἐκεῖνος ἐπὶ τῇ τελευτῇ τοῦ παιδὸς εἶπεν „ἤδειν ὅτι θνητὸν ἐγέννησα", τοῦτο τοῖς παροξύνουσιν ἕκαστον ἐπιφανεῖν ἀμαρτήμασι („sciebam me non emisse sapientem servum" aliaque in hunc sensum).

Interpres χρῆσθαι vertit „imitari", satis audacter, u. o. Post Anaxagorae nomen excidisse puto διδασκάλῳ. Cum Stegmanno vero quin ἐκάστοτε sit legendum pro ἕκαστον non dubito.

464 B De ratione qua se ipsum curaverit sanaveritque Fundanus et alia et haec narrat:

ἐπὶ μὲν δὲ πᾶσιν ὡς οὐκ ἀχαρίστους οὐδ' ἀφιλοσόφους τὰς ἐν εὐχαίῃς ὁμολογίας, ὁμιλίας ἀφροδισίων ἐν αὐτὸν ἀγνεῦσαι καὶ οἶνον.

Facessat hinc ὁμιλίας quod aut inepte repetitum est e praecedenti ὁμολογίας aut insertum a monacho qui de *precibus* aliquid legens intempestive memor fieret sacrae *conlionis*. Corruptum praeterea ἀχαρίστους videtur, reponendumque ἀχαρίτας. Etiam latine „elegans" saepe eodem fere sensu quo *sapiens* adhibetur.

Idem vitium in D recurrit ubi ira dicitur πάθος quod maximas fert perturbationes et poenitentiam ἐφ' ἡδονῇ μικρᾷ καὶ ἀχαρίστῳ. Immo vero ἀχαρίτι. Ulciscendi voluptas brevis est simulque *lurpis*.

DE TANQUILLITATE ANIMI.

En librum qui quia olim revera *vixit*, nunc quoque vivere potest atque adeo immortalitate dignus videtur. Non docte hic de aliqua virtute disputatur, sed strenue datur opera ut certae cuiusdam virtutis certus quidam homo fiat compos. Homo vero ille sponte nobis notus fit ex iis quae ad eum scribuntur, atque

cur ea ad eum scribantur luce clarius nobis apparet. Quid enim intersit inter hodiernam librorum edendorum rationem atque antiquam, nisi aliunde notum esset, hinc discere possemus. Nunc quocunque nobis libro opus est facile eum parare nobis possumus, quamvis neque scriptoris neque libri ipsius notum habeamus nomen. Sed, quamquam raro id fit, fieri tamen potest ut id quod quaerimus omnino scriptum sit nunquam. Tum aut expectandum nobis est aut carendum. Meliore utebantur conditione veteres Graeci Romanique, praesertim qui paulo erant opulentiores. Quidquid legere volebant et de quacunque re, id ut scriberetur ipsi fiebant auctores. Atque aut praesentibus nummis scriptoris remunerabantur laborem studiumque, aut, quae maior merces, librum eius in multa describendum exemplaria et in lucem emittendum curabant. Et erant multi qui legere cupiebant, non solum ut doctiores verum etiam ut meliores fierent, neque deerant in utroque genere qui possent scribere id quod in rem praesentem faceret. Scribendo docebant „philosophi”, sed magis etiam *mentium morbos* curabant scribendo et sic praesertim, ut ego opinor, quamquam et praesentia sua adiuvant multos, insignem illam in vita hominum sibi parabant auctoritatem, quae quanta fuerit nemo Plutarcho melius docet. Hic vero libellus quin revera aegrum persanaverit non dubitamus, ergo nunc quoque utilis esse potest, iis praesertim qui illis laborant morbis, quos hoc tempore natos vulgo creditur, quorum hic unus tractatur curaturque. Quid enim rei est? Scriptus est Paccio cuidam, Paccius eum sibi expetivit, vir in urbe Roma non obscurus et laudis honorisque cupidus (v. p. 465 A; 467 D; 468 B C), sed apparitoribus utitur morosis, difficilibus, querulis, contumacibus; hoc eum tam sollicitum anxiumque reddit ut efficaci sibi opus esse remedio sentiat ne prorsus impar fiat muneri, quo fungitur, vel etiam incidat in morbum gravem et exitiosum. Atque illud a Plutarcho petit, qui quam praeclare *mentium medici* ¹⁾ fungeretur munere nunquam certius dedit documentum, quam cum hunc ad eum mitteret libellum, e quo sero nata posteritas quoque totam illam artem virosque egregios, qui se ei olim dederunt, potest cognoscere.

1) Ipsa verba *ψυχῆς ἰατρός* hic leguntur p. 465 D.

Quem civium meorum, tam qui Graece scirent quam qui nescirent causa, quam accuratissime elegantissimeque potui in vernaculum sermonem transtuli ¹⁾. Nunc eos, qui hasce annotationes lecturi sunt, a Plutarchi libello recentes fingo cumque iis primum de tota eius natura atque indole pauca quaedam disputo.

Quam admirabilis quamque fidelis mentium medicus fuit Chaeronensis ille! An potuisse eum sic scribere opinamini, nisi perpetuo totam mentem suam intentam habuisset *aegrorum* suorum saluti, tam eorum a quibus consultus iam esset quam omnium illorum qui posthac ab ipso consilium, solatium, auxilium essent petituri? Immo vero persuasum nobis habere possumus Plutarchum quidquid faceret, loqueretur, legeret, audiret, illos semper ante oculos habuisse et in tempore dedisse operam ut iis auxilio venire posset, si res ita postularet statim. Domi suae armarium habebat in loculos divisum plenumque sententiarum, narratiuncularum, praeceptorum quae, suo quodque tempore, aliquam habere possent utilitatem. Non arida atque exsanguis ibi iacebat doctrina, sed viva vitamque datura erat condita sapientia, quam homo hominum amans collegerat disposueratque, quique eam collegerat disposueratque, qua erat prudentia et comitate, quovis erat paratus tempore ad promenda ea unde componeretur medicina cuique maxime profutura morbo. Et quam bene medicus ille cuiusque morbi perspiciebat naturam! Quanta arte — si ars dici potest innata homini virtus, quae nil humani a se alienum putat — repraesentare sibi poterat cuiusque aegri conditionem, ita ut eius dolores penitus sentiret ipse! Quam bene ad eum ab ea parte, unde oportebat, accedere poterat, ita eum erigere ut nullo afficeret dolore, parcere ei simulque morbi aperire naturam, adiuvere hominem neque tamen ita alere eius desidiam, mollitiam, inertiam ut de *suis* desperaret viribus. Patris simul utitur voce consolantis, magistri docentis, amici sustentantis, a solita abducentis tristitia, lenemque interdum excitantis risum. Quibus molestiis laboret Paccius sic sentit, tamquam si ipse in iis versaretur. Ad altiorem ascendere locum homo ille ardentem cupit et strenue dat operam; ut admittatur

1) „De Avondzon des Heidendoms” editionis secundae vol. I p. 181—160.

ad aulam principis, magistratum obtineat, ipsum, si fieri potest, principem sibi reddat amicum et suffragatorem nunquam remittit cessatve, immo in dies fit cautior diligentiorque ne sua quidquam eveniat culpa quod aut ut „frigore feriatum potentium” efficiat, aut quod a severissimis censoribus vel leniter possit reprehendi. Sed munus quod ei est mandatum non difficillimum solum est, sed suas sibi habet molestias, plerisque aliis hominibus ignotas; utendum in eo est non prudentia solum curaque sed etiam calliditate quadam atque interdum dolo; commissa ei est aut securitas publica aut pars pecuniae publicae; apparitoribus ergo opus est quibus notae sint arcanae illae semitae quibus investigantur impostores et malefici, adiutoribus quorum ipsorum vita non sit ab omni labe pura. Si, quod ego suspicor, pars quaedam veteris aedilitatis erat commissa Paccio, eam partem dico quae ad securitatem pertinebat urbis, haud parvis praeerat copiis eiusmodi militum, ad suam rem gerendam satis aptorum sed qui interdum et ducibus suis exhiberent molestias. Nam aurea illa Romani imperii aetate, cuius nihil tam laudari solet quam ipsa illa securitas publica, quin ipsius urbis „politia” egregie fuerit instructa non est quod dubitemus. „Quid queruntur homines de hodierna rerum conditione” multo post Plutarchum rogat Plotinus „nonne multae adsunt res quibus gloriemur nonne puniuntur mali?” ¹⁾ Haud iniuria hoc ei certissimum videtur aureae cuiusdam aetatis signum; quod si illius tempore omnium oculos in se convertebat, Traiano imperante non defuisse credo. Sed, quidquid est, Paccius praeerat hominibus molestis sed quibus carere non poterat; hi eum sollicitum reddebant, nam non solum morosi erant sed et contumaces; neque solum magistro suo dicto audientes non erant sed saepe suam calliditatem in illum convertebant. Quid mirum si tandem animus Paccium deficiebat, si muneris eum taedebat, si insomnia laborabat, si quis eum terrebat salutator, nuntius, epistola, denique si corpore et mente se aegrotare sentiebat? O bene, quod in tempore Chaeronensis ei medici in mentem veniebat, qui quantum sua valeret arte aut expertus erat aut ab

1) Enn. II, 9 (apud Volkmannum vol. I p. 196 l. 5 sq. Cf. et p. 520, 17 de *carnificis* utilitate).

expertis audierat. Neque eum spes fefellit; inde enim, idque statim, accipit id quo ei opus est. Primum certior fit praeclarum illum mentium medicum sincera sui tangi misericordia. Nam ut Chaeronea a se proficiscatur Romam nuntius qui nil boni apportet Paccio, viro illi tam gravi laboranti morbo, hoc a se impetrare non potest Plutarchus; ergo, quamvis urgeat tempus, Paccio paretur medicina: parata iacent omnia unde illa componatur, et quid quantumque inde sit sumendum novit dominus. Solatium mittitur sed additur admonitio ne res ad hanc vitam et ad hominum reipublicaeque conditionem pertinentes nimis magni faciat. Multo vero maxime Paccius id facere vetatur quo facile decurrunt homines, qui iisdem quibus ille conflictantur molestiis, ut aut, matura iam aetate, ad alios transeant labores, aut ad vitam privatam tamquam ad portum confugiant. Ingratus esset Paccius, si idem faceret: an obliviscitur quam multa bona ei contigerint in clamosa illa urbe? Hospes qui ibi per colles illos reptat et saepe frustra viam quaerit, quo pretio Paccius esse vellet, vir ille ubique notus civibus, quem verentur multi et suspiciunt. Si in se ipso non satis habet praesidii Paccius, illos respiciat quorum durior sors. Sed ante omnia semet sic exhortetur: non desperabo, sed omnes intendam vires ut ad propositum perveniam finem; id tamen nullis nisi *bonis* artibus: nam mentiri, fallere, dolis malis uti neque volo neque possum.

Atque haec ei praecepta dantur non ab arrogante et tristi magistro, qui de sua arce Paccium despiciat. Immo vero semper semet ipsum iis adnumerat qui monendi sunt corrigendique. Quid quod ipsa monentis vox tristem potest excitare. Multa audit Paccius quae post longum intervallum risum ei excutiant. Nonne enim lepidae sunt illae historiologiae de Diogene, Socrate, de viro pro cane novercam percutiente? Nonne iam etiam de molesto illo munere suo cum leni quodam poterat cogitare risu cum homines illos, qui ipsi tanta exhiberent negotia, comparari videret cum instrumentis quibus utuntur *dentium* medici, quae ideo tantam habeant utilitatem quod tam sint tortuosa, incurva, acuta, seque ipsum cum eiusmodi medico, qui quamvis sit utilis laborantibus crudeli illo dolore, tamen ut ultro ab hominibus expetatur nunquam postulabit.

Et est Paccius orator amansque literarum. Nonne qui ei aliquid ex illis profert similis est prudenti illi viro, qui cum amicum offenderet graviter iratum, statim eum placaret conversis in gemmam quandam oculis, quam ab illo maximi fieri cognoverat. Hic vero legenda praebentur Paccio multa quae ei cordi esse debeant, quaeque simul quam maxime huius sunt temporis. Egregius profecto hic mentium medicus est qui liberis orbum solatur exemplis Romuli et Numae Pompilii, qui et ipsi orbi sunt mortui. Nihil illis ex antiqua historia exemplis notius viro in republica versato atque etiam, ut opinor, in Livio, Virgilio, Varrone! Quam praeclare hic inter se opponuntur Perseus, qui ideo miser est dicendus quia imperium amisit necopinato et Aemilius Paulus qui libenter suum imperium deposuit quia annum illud esse multo ante noverat. Quis unquam aptiorem suo proposito ex Homero attulit locum quam Plutarchus narrans quando Ulysses immotum servarit vultum et quando in fletum eruperit.

Denique non est in philosophiae historia hospes Paccius. Possuntne non movere eum praecepta illa de contemnendis rebus ad externam hominis pertinentibus conditionem; nonne confirmabit eum conscientia virium illarum, quae in mente sua nunc lateant fortasse sed in lucem protrahi et possint et debeant? Et cum tandem ad praeclarum illum pervenit locum de vita hominis, Dei templo, in quo mortalibus versari non liceat nisi vultu hilari et animo grato, nonne tum se erigit et bonae spei plenus curriculum suum currere pergit?

„At haec omnia Plutarchus compilavit ex . . .” Facesse hinc moleste interpellator, meque Plutarchum meum intelligere id est admirari patere.

De ipso Paccio haec addo; 27^{es} illud nomen in inscriptionibus legitur, sed nulla earum quidquam nos docet de maiore aliquo magistratu quem *noster* gesserit Paccius. Non videntur fuisse homines magnae in republica auctoritatis. Antiquissima inscriptio (anni 66 a Chr.) commemorat L. *Iutatium Paccium thurarium de familia Reg. Mitredates*. Neque senator ille Paccius Africanus, qui a. 70 tamquam qui delator fuerit imperante Nerone, senatu movetur neque Corbulonis centurio Paccius Orfitus, qui pessime rem gessit, magnopere gentis audent decus. Hoc quoque accedit

quare nostrum Paccium de *plebe*, honestiore quidem sed de plebe tamen, fuisse credam: Eros ille Plutarchi vicarius nuntiusque ab eo mittitur ad Minucium Fundanum sed ὁδοῦ πάρεργον ad aegrotantem Paccium suam sibi affert medicinam.

Deinde ad singulos aurei libelli locos haec adnoto et viris doctis perpendenda trado; pauca — nam admodum integer ad nos pervenit —, neque tamen prorsus spernenda.

464 F „Literis tuis” sic in libelli legitur initio

παρεκάλεις περὶ εὐθυμίας σοὶ τι γραφῆναι.

Nisi vitio laborat vox ultima, rarior hic *passivi* usus.

465 A „Gratulor tibi”, sic prudens noster medicus admonendi initium facit aegro *laudando*, quod

τὸ τοῦ τραγικοῦ Μέρπορος οὐ πέπονθας, οὐδ' ὡς ἐκεῖνον

εὐδαιμονίζων ὄχλος ἐξέπληξέ σε

ἀλλὰ πολλάκις ἀκηκοὺς μνημονεύεις ὡς οὔτε ποδάγρας ἀπαλλάττει πατρῷος κάλτιος ¹⁾ οὔτε δακτύλιος πολυτελὲς παρωνυχίας οὔτε διάδημα κεφαλαλγίας.

Egregia haec, sed ad ποδάγρας sequentesque genitivos annotavit aliquis τῶν φυσικῶν παθῶν, quae vocabula statim post tragici versum *in textum recepta* omnia corrumpunt. Etenim *hominum* ὄχλος nobis cogitandus est.

465 B Nulla est divitiarum, gloriae, dignitatis utilitas

ἀν μὴ τὸ χρώμενον εὐχάριστον ἢ τοῖς ἔχουσι καὶ τὸ τῶν ἀπόντων μὴ δεόμενον αἰεὶ παρακολουθῇ.

Plutarcheus hic participii pro infinitivo usus et metus hiatus totam sententiam paulo impeditiorem reddidit. Quivis alius haec sic enuntiasset: ἀν μὴ παρῇ τὸ εὐχαρίστως τοῖς παροῦσι χρῆσθαι καὶ παρακολουθῇ τὸ μὴ δεῖσθαι τῶν ἀπόντων.

ib. Oportet τὸ ἄλογον τῆς ψυχῆς

μὴ περιορᾶν ἀπορρέον καὶ κατεφερόμενον ὑπὸ τῶν παρόντων.

Pro ἀπορρέον equidem aliud compositum (προρέον v. t. a.) expectaverim.

1) Hanc vocem *addendam* praecedenti ego censeo, non (cum X) pro ea reponendum.

465 C τὰ τῆς ψυχῆς διαγραινόμενα καταπαῦσαι ῥαδίως οὐκ ἔστιν ἂν μὴ κτέ.

Hiatus vitandi causa istud ῥαδίως insertum videtur, nam structura sententiae elegantior fieret si abesset; neque ῥάδιον ibi legi vocabulorum sinit dispositio.

ib. Malus est medicus qui cuivis aegro praescribit

μέν', ὃ ταλαίπωρ', ἀτρέμα σοῖς ἐν δαίμονις

ait, et cur ita sibi videatur sic docet: κακὸν μὲν ἀναισθησίας σώματι φάρμακον ἀπονία.

Alius morbus hic, ut opinor, requiritur; legendum ἀσθενείας, nam *robustius* fit corpus intendendis viribus, non sic ἀναισθησία curari potest.

465 E ἐνίοις δὲ καὶ τὸ μὴ πράσσειν αὐτὸ πολλάκις εἰς ἀθυμίαν καθίστησιν.

Legendum esse τὸ μηδὲν πράσσειν docent et sequentes versus Homerici de Achille otiose desidente et philosophi praeceptum μὴ πολλὰ πρήσσειν quod 465 C legitur et hic refutatur.

466 A τῶν γὰρ καλῶν ἢ παράλειψις οὐχ ἦττον ἢ τῶν φαύλων ἢ πρᾶξις ἀνιάρων ἔστι καὶ ταραχῶδες, ὥς εἴρηται.

Excidit, ut opinor, *auctoris* nomen, nam ab ipso Plutarcho haec sententia nondum est pronuntiata.

466 F Diogenes cum venum ibat assurgere nolens sic, ut opinor, praeconem ludibrio habuit: τί δ' εἰ ἰχθῦν ἐπίπρασκες; non, ut traditum est, εἰ δ' ἰχθῦν ἐπίπρασκες;

468 D Si res humanas recte consideraveris

ἐπιλήσῃ πολλὰ λυπηρὰ συνάγων.

Recte editor pro primo vocabulo παύσῃ coniecit.

ib. Sub sole nihil novi esse nusquam magis apparet quam in iis quae nunc sequuntur de philosophis misericordiam poenitentiamque proscribentibus. Fuerunt ergo Nitzscheiani multis ante Nitzscheum saeculis. Nisi quod praeclarae illius sapientiae qui nostra aetate extitit auctor *simulandam* esse misericordiam docuit.

468 E et 469 A et multis aliis locis, quos posthac indicare supersedebo, semicolis suis molestias nobis exhibent editores: virgula opus est ante σκόπει et ante τὴν δὲ διάνοιαν.

469 D περὶ ἐν δακρυθέντας L. περὶ ἐν ἐνοχληθέντας.

470 C Citatis versibus οὐ μοι τὰ Γύγῳ κτέ. haec subiicit Θάσιος γὰρ ἦν ἐκεῖνος, quae sic accipit W.: „dixeris: Thasius ille poeta fuit” et egregie hoc sequentibus aptum est. Tamen mihi istud Θάσιος corruptum videtur: de *Paro* enim poeta sermo est.

470 D Sapiens suam praedicat felicitatem

ὅτι μυρίων μυριάκις ἐν τοσούτοις εὐδαιμονέστερον ζῇ.

Sententia perspicua, sed verba aliquam contraxisse labem videntur. Recte similia ponuntur *de Fraterne amore* p. 485 C πολ-
λάκις πολλῶν ἀπολείπεται καὶ μυριάκις μυρίων.

471 D οὐδ' οἷς δαίμων οὐκ ἐναντιοῦται μοχθηρός κτέ.

Primam vocem Naberus delet; dubito, nam sententia haec esse videtur: *neque omnino* hi infelices sunt, quibus non adversatur malus aliquis genius sed sua ipsorum stultitia.

474 C ἀλλὰ καὶ πλοῦτος εὐφραίνει καὶ δόξα καὶ δύναμις καὶ ἀρχὴ [καὶ] μάλιστα τοὺς ἥκιστα τάναντία ταρβοῦντας.

Voci inclusae nullus hic locus.

475 A Praeclare hic docetur et aptissimis illustratur exemplis haud esse difficile in malo quod expectaveris placidum esse, sed difficillimum sibi in inexpectato dolore imperare. Sed unum exemplum misere est corruptum:

ὁ μὲν γὰρ Ὀδυσσεὺς τοῦ μὲν κυνὸς θανόντος ἐξεδάκρυσε.

Non adeo fuit et in Homero et in Graeco sermone hospes Plutarchus ut hoc scribere posset. Quis enim Graece unquam θνήσκειν pro ἀποθνήσκειν in pedestri scripsit oratione? Deinde utique requireretur ἀποθνήσκοντος, nam non mortuus erat canis sed eo tempore moriebatur. Et ne illud quidem verum esset: moriebatur canis cum post colloquium cum Eumaeo se ab

eo dominus avertisset et aedes intrasset. In lacrimas multo ante eruperat Ulysses cum

οὐρῇ μὲν ῥ' ὅ γ' ἔσθνε καὶ οὐατα κάββαλεν ἄμφω.

Possum hic „probabilitatem palaeographicam” auxilio vocare, possum multa docte disputare de literae θ „pronuntiatione”. Sed talia non curo: mihi satis est pro certo scire Plutarchum non θανόντος scripsisse sed σαίνοντος.

476 B ὁ δὲ τὴν τῆς ψυχῆς φύσιν ἀμωσγέπως ἐπινοῶν

magnum habet mortis solatium, unde vitae nascitur tranquillitas.

De verbo ἀμωσγέπως dubito.

DE FRATERNO AMORE.

Egregie libellus *de tranquillitate animi* quomodo antiqui mentium medici munere suo fungi sint soliti docet; hic vero totam rem nobis tamquam in tabula picta proponit. Quod optime, ut opinor, apparebit si in universum breviter de eo disputabo et in paucis quibusdam locis, qui praecipue eo faciunt paulo diutius subsistam.

Scriptus est, non ut ille, ad unum hominem sed ad duos; non tamen ut ab illis solis legeretur, immo vero ne ab illis quidem magis quam a ceteris hominibus omnibus. Sunt iis nomina Nigrinus et Quintus; sic certe tradita sunt, sed dubium non videtur quin pro altero *Quintius* sit legendum. Uterque hoc tempore Romae magna florebat dignitate. Siquidem apud Macrobiū (VII, 3, 15) legimus de Quinto (i. e. Quintio) quodam qui Domitiano imperante in provincia, cui praetor praeesset, insigne fuerit exemplum innocentiae et integritatis. Non potest hic diversus esse ab illo viro cuius nomen apud Plutarchum (Q. C. II, 5) latet sub absurdo illo Κνητοῦ, nam utrobique iisdem fere verbis hoc datur eius probitatis argumentum quod eum *per risum iocumque* sic refutare quivis potuerit: „quid mirum te ita loqui qui provinciam tuam tantopere diripueris”, quoniam quicumque hoc diceret certo scire posset ne umbram quidem dubitationis oborituram Quinto quin prorsus contrarium cogitaret ille. Ad Nigrinum quod attinet, in promptu est conicere eundem eum esse atque Avidium Nigrinum proconsulem,

quocum per literas de re gravissima egit Domitianus (Plin. Epl. X, 65 sq.). Ergo et hic eo tempore vir fuit amplissimus.

Sed de his rebus vix ulla videtur esse inter viros doctos controversia.

Sunt autem *fratres* Quintius et Nigrinus. His suum *de fraterno amore* dedicat libellum Plutarchus lepidissima urbanissimaque hac usus praefatione:

„vetusta illa in Castorum honorem posita donaria Spartani *δοκῆα* appellant: duo sunt ligna aequali inter se distantia spatio et duobus lignis transversis iuncta; solida ea iunctura quin fraternam horum deorum significet amorem dubium non est. Sic nunc ego vobis, Quinti et Nigrine, meum dedico de fraterno amore libellum; decet hoc vos donum, nam est commune utriusque. Intelligent enim homines vos non tam ad illam incitari virtutem quam proponi tamquam exempla hominum qui eam colant; vos vero ea re, qua natura duce tam feliciter utimini, ita iam delectabimini ut constantissime in ea perseveretis; sic innata vobis virtus in virtutem convertetur cuius vobis ratione ¹⁾ sitis conscii, cum plaudī vobis videatis a peritis et idoneis spectatoribus”.

Quantopere laetatos esse viros illos amplos hac censeamus allocutione, quantoque eos studio functos esse honestissimo *editorum*, quod sibi a clarissimo philosopho Chaeronensi mandari viderent, munere! Scriptor autem quamvis non plane spreverit neglexeritve lucrum quod ipsi aut statim aut postea allatura esset praeclara illa magistratuum Romanorum de suo opere sententia, hoc tamen praecipue eum spectasse persuasum nobis est ut liber tam utilis legentibus quam plurimorum persolveretur et tereretur manibus. Neque est cur dubitemus quin illorum omnium salus magis ei quam sua gloria cordi fuerit.

Scriptus autem libellus est ut *legeretur* ab iis qui mores suos emendari cuperent. *Orationis* in eo nulla deprehendis signa; nullus locus ita est elaboratus ut ipso sono blandiatur auribus, nulla pars clauditur „peroratione” aequabiliter in cola et commata divisa. Quod ornamenti genus cum ad *dicendum* prodit

1) *κρίσις* officii ratio philosophica; cf. *de Garr.* 510 D: „affectus nostros vincimus *κρίσει καὶ ἀσκήσει*”.

Plutarchus non magis spernit quam quivis de vulgo oratorum. Vix ullus Plutarchi liber tam subito abrumpitur. In fine enim haec legimus (demonstratur amorem inter fratres sororesque vix ulla re confirmari magis quam amore erga fratrum sororumque *liberos* testificando):

„Leucothea, Semele sorore mortua, filiolum eius Bacchum educavit secumque simul inter deos retulit. Quapropter et matronae Romanae, in Leucotheae, quam Matutam vocant, feriis non suos sed sororum suarum filiolos amplexantur osculanturque”.

Ubi satis sibi videtur dedisse praeceptorum exemplorumque, „haec omnia si homines observabunt bene est” ait Plutarchus et manum de tabula tollit.

Et tamen quam aureus est ille libellus! Limpidi instar rivi profluit, perspicuitate et orationis nitore inter omnia Plutarchi scripta eminet. Quantam docendi habent vim praecepta, quam commovent animos exempla! Et alibi ea inveniri, etiam apud ipsum Plutarchum, haud infitior — semet ipsum compilare non veretur medicus hic de sola aegrorum suorum salute sollicitus. Quid quod non omnia eius scripta iisdem sunt destinata hominibus. Sed quanto hic omnia splendent lumine, quam sunt efficacia et proposito suo apta. Exempli causa affero narratiunculam illam de Pittaco, quam legere non potes quin tibi oboriantur lacrimae. Essetne aliquid ei opum rex rogaverat; respondit philosophus: „altero tanto opulentior sum, rex, quam esse velim: unicum enim fratrem amisi”.

Hoc tamen maximum momentum pretiumque libelli nostri quod hic illic cum totam Plutarchi vitam tum curandarum, qua fungebatur, mentium artem ipsam nobis ponit ante oculos.

Nigrino Quintoque Plutarchus — nisi id iam sciremus, libellus iis dedicatus docere nos posset — amicis utitur; artiore tamen cum iis vinculo iunctus est Plutarchi frater Timo; quodque de fratre illo cognitu dignissimum apud Plutarchum invenimus id (quis hoc miretur?) in nostro *de fraterno amore* legitur libello. Velut c. 16 sic scribit: „cum multa egregia a fortuna acceperim, quae grato recorder animo, omnium instar ¹⁾ et

1) Graece: πρὸς ἅπαντα τὰλλα καὶ γέγονε καὶ ἔστι. Hunc praepositionis usum nullo nunc alio possum illustrare exemplo. Tamen hic esse sensus debet. Wytten-

semper fuisse fratris mei Timonis benevolentiam et nunc etiam esse, nemini ignotum est, minime vero vobis, qui quotidie eius utimini familiaritate".

„Instar omnium et semper fuit et nunc etiam est" et „vos, proceres Romani, qui Timonis utimini commercio". Ergo Romae ¹⁾ nunc Timo est et iam diu fuit. Cum uxore Aristylla — quemadmodum iam vidimus — inter illos versatur viros qui tunc Romae dignitate, ingenio, doctrina excelebant, Tacitum, Plinium alios. Sed quo labore, quo munere ibi fungitur? In promptu est, ut opinor, conicere eum explevisse locum quem anno 92 vacuum suus frater reliquerit: docere eum, praecepta dare, quotidie consuli ab iis quibus solatio curaue mentis opus est. Pauca quaedam in libello nostro leguntur quae, dummodo accurate perpendantur, singularem quidem sed minime incredibilem in modum quae inter hos fratres intercesserit ratio nos doceant. Velut p. 478 F sic scribit Plutarchus:

„Hoc, ut opinor, cuius apparet naturam ex una origine binos ternos pluresve procreasse fratres non discordiae causa, neque ut inter se repugnarent, sed ut eam ipsam ob causam quod separati essent alter alteri opem ferre possent. Nam tricorpores illi et centimani, si fuerunt unquam, quandoquidem omnibus erant inter se concreti membris, nihil poterant agere foris et seorsum. Et hoc praecipue illud est quod fratres habent: possunt alter pro altero ²⁾ domi manere et peregre versari, capessere rempublicam et agrum colere, dummodo principium caritatis quod innatum iis est servent".

Bono auditori dimidium verbi sufficere proverbium est inter nostrates. Hic vero non dimidiata habemus verba sed quam maxime integra, quaeque prave, vel minus accurate, accipere difficile est. Ipsum illud: „fratres possunt alter pro altero vel

bachius et in lexico et in calce paginae sic vertit: „instar omnium est". Est tamen locutio quae admirationem movet: α πρὸς β μέγα (μικρόν, οὐδέν) ἔστι hoc quid sit quisvis perspicit: in α πρὸς β ἔστι id ipsum omittitur quod prae ceteris requiritur. Vitium latere non putaverim. Traditam enim lectionem aliquatenus tuetur id quod est loco notissimo apud Demosthenem or. XIV p. 185 (quamquam non prorsus idem ibi habes): ὁρᾶτε τὴν πόλιν ᾧ ἄνδρες Ἀθηναῖοι πᾶσαν ταυτηνὴν ἐν ταύτῃ χρήματ' ἐνεστὶν ὀλίγου δέω πρὸς ἀπάσας τὰς ἄλλας εἰπεῖν πόλεις.

1) Ipse Plutarchus Chaeroneae est, cf. 479 E ἐν Ῥώμῃ et 484 A παρ' ἡμῖν.

2) Gr. δι' ἀλλήλων.

domi manere vel peregre versari" clare et lepide depingit nobis qua ratione illius aetatis philosophi artem suam exercere sint soliti. Si licet paulo familiariori sermone hic uti — non quod debitae sim reverentiae immemor id facio, sed quo melius ipsa res cognoscatur —: frater maior Romae negotium condidit et diligentia sua atque rerum usu effecit ut floreret illud et multos homines sibi teneret devinctos; sed iam dives rus habitatum concedit negotiumque gerendum fratri relinquit, qui nunc sibi inde victum quaerit dum tamen ipsum negotium eius qui condidit nomine appellari pergit, hoc enim praecipuum eius est ornamentum.

An parum dignum hoc exemplum re de qua igitur? Utar alio, minus quidem pervulgato sed quod proprius ab illa abest. Frater maior in magna aliqua consedit urbe ad certum quoddam morbi genus curandum; favit ei Aesculapius, in dies maior ad eum accessit aegrorum numerus ita ut tandem aliquando aedes eius nosocomii instar factae sint; post aliquot annos a quotidiano illo labore se abdicavit; frater, quo iam multo antea adiutore uti coepit, negotii curam in se recipit, tamen nosocomium illud nomen suum, quod a praeclaro illo accepit conditore, retinet, et, si gravior aliquis incidit casus, paratus ille est ad consilium dandum. Non est quare dubitet aeger quisquam ad successorem illum se conferre: eadem semper ibi est curandi ratio et, si non corpore, animo semper adest prior dominus.

En exemplum rei ipsi quam maxime accommodatum. Levequius, cum *mentium medicum* Plutarchum appellaret, acu eam tetegit. Non ornamenti tantum gratia hoc Plutarcho nomen dari posse, sed totum, quo ille fungebatur, laborem simillimum ei fuisse quo hac aetate corporum funguntur medici mox demonstrabo, immo vero tabula quadam proposita ostendam. Sed prius pauca quaedam dicam de ratione quae inter Plutarchum fratremque et liberos eius intercessit, loco usus qui egregie demonstrat duas in Plutarcho fuisse praecipuas virtutes quibus *mentium medicus* prorsus carere non possit: usum hominum dico et animi clementiam.

Quondam amicus quidam senior mihi narravit de quodam suo amico seniori, qui in re gravissima verbis usus esset et prudentissimis et ad hominum animos commovendos aptissimis.

Senex ille duos habebat filios nondum adultos, cumque sibi finem adesse sentiret, sic cum familiaribus saepe loquebatur: „puerorum istorum causa doleo quod mox eos sim relicturus solos patrum enim non habent”. Timonis vero filii — fac enim illum priorem e vita excessisse — egregium habebant patrum. Quodsi Timo fratri supervixit, bene huius filiiis consultum fuit, si patruus fideliter defuncti patris praeceptis obtemperavit. An unquam quidquam de tota hac re praestantius scriptum est quodque melius demonstret quam egregius vir fuerit is qui scripsit et quam bene mentes hominum haberet perspectas quam hoc (p. 491 E. F):

„erga fratris liberos aequè benevolum atque erga suos esse oportet, sed etiam leniorem clementioremque ne si, ut solent adolescentes, peccaverint patris matrisque metu aufugiant, seque ad alios convertant, qui illorum salutem non curant atque adeo longius etiam eos a recta abducunt via, sed et perfugium habeant ad aliquem qui et benevole moneat et ut a parentibus veniam impetrent efficere possit”?

Quodsi quis ipsum illius aetatis mentium *medicum*, dum artem suam exercet vult deprehendere et contemplari, capitis *quarti* legat narrationem (p. 479 E sqq.). Atque primum accurate consideret ipsa a quibus incipit verba: „memini me Romae curandos recipere duos fratres” ἀνδεξάμενον διαίταν. Nonne sic etiam nunc loquuntur medici de aegris quorum corpora curarunt? At hi Plutarchum adierant, vel a parentibus missi ad eum erant, non propter vitium corporis aliquod subitumve morbum, sed quia frater fratrem suum ferre non poterat. Audiamus nunc quomodo eos aggressus sit Plutarchus, certe alterum eorum. Philosophiae ille sibi operam dare videbatur, verum, ut Plutarchi verbis utar, malus erat frater sed non melior philosophus. Videtur fuisse homo qui semper deorsum spectaret, sublimiora curaret nihil, nam a Plutarcho admonitus ut fratre suo uteretur ita ut philosophum uti decet homine qui non philosophus quidem sed frater sit responderat: „profecto non est philosophus iste et quod iisdem natus est parentibus id vero minime me movet”, atque illud *iisdem natum esse parentibus* spurcissimis et obscenissimis enuntiaverat verbis. Tum eum Plutarchus hisce corripuerat verbis:

„fortasse te omnino non movet quod ullis sis parentibus natus. Ceteri mortales omnes, licet quid illud sit parum intelligant, dicunt tamen canuntque et naturam et leges, quae naturam defendunt, post deos summum tribuere honorem parentibus. Neque quidquam dis immortalibus gratius homines facere possunt quam cum pignore reddere parentibus educatoribusque quae ab iis acceperunt amoris et benevolentiae testimonia; neque ullum est certius impietatis documentum quam si quis in parentes suos commisit aliquid vel negligentior se adversus eos praestitit. Ergo tantummodo leges vetant aliis nocere, qui vero non semper stat paratus ad quidvis faciendum dicendumve quod patri vel matri gratum sit futurum, etiamsi nullo eos afficit dolore, hunc omnes impium putant et ipsius religionis adversarium. Et possuntne quidquam liberi vel facere vel sentire quod maiore possit afficere gaudio parentes, quam fratres suos sincera firmaque prosequi benevolentia?”

En hoc est *aegrum curare*! Nonne nunc plane perspicimus quae sit verborum illorum, quae ex *vita Demosthenis* tam saepe citantur, quaeque semper omnibus, qui de Plutarchi vita egerunt, tanti momenti iure visa sunt, sententia? Illa volo verba: „homines qui Roma me *philosophiae causa* adierunt”. Non hic intelligendi sunt homines *doctrinae* cupidi, qui logices vel dialectices quaerebant magistrum. Ne quid dissimulem, harum artium alii erant iis quaerendi magistri, a Plutarcho admodum diversi. Sed intelligendi sunt parentes qui vitia quaedam deprehenderant in praetextatorum suorum filiorum mentibus. Horum certe maximus erat numerus. Sed et adulti ad eum sua causa venire solebant; homines qui inter se dissentiebant sed ea erant prudentia ut litem illam disputando finire mallent quam armis iudiciove; viri mulieresque quos dira per noctem perturbarent spectacula, qui mortem metuerent et inferos, monstra portentaque; atque etiam urbis curatores publicanique, quos muneris sui molestiae ad desperationem adigerent, quoniam addiscere artem non poterant apparitorum suorum regendorum, hominum calliditate sibi non minus molestorum quam muneri utilium.

Quam plenum fuisse eius putemus atrium sub tempus, quo celeberrimus ille medicus sui daturus esset copiam! Cum vero multos simul esset curaturus, id est cum oratione omnes esset

admoniturus qui verae essent cupidi sapientiae, quanta festinatione iam primo mane occupatas censeamus primores sedes in auditorio, quod philosopho aperuerat Mestrius Florus aliquis?

Profecto non est quod miremur Plutarcho *propter ingentem multitudinem, quae cum philosophiae causa consulere soleret*, defuisse tempus etiam accurate sermonis Latini discendi.

Iam ecquid in singulis locis quod inde protrahendum sit lateat videamus!

479 C Citantur hi versus e Menandro:

οὐκ ἐκ πότων καὶ τῆς καθ' ἡμέραν τρυφῆς
ζητοῦμεν ᾧ πιστεύσομεν τὰ τοῦ βίου
πάτερ; οὐ περιττὸν οἶετ' ἐξευρηκέναι
ἀγαθὸν ἕκαστος, ἂν ἔχῃ φίλου σκιάν;

Singulari acumine Madvigius e verbis tantum non sensu cassis lepidissimam effecit sententiolam *interrogandi* illis addendo signo. Perficietur, ut opinor, emendatio, si pro *τρυφῆς* Grotii recipietur emendatio *τροφῆς*. Nunc quamquam ignoratur e qua illi versus sint sumpti fabula (ad *incertus* eos refert Meinekius), tamen fere quod illius fuerit argumentum efficere possumus, dummodo simul rationem habeamus alterius loci Plutarchei (de amic. mult. p. 93 C), unde discimus verba haec esse *νεανίσκου*. Ergo sic adolescentulus nescio quis patrem suum alloquitur: „nonne vides unumquemque sibi amicum quaerere et fortunatum sibi videri si vel umbram amici nactus sit? Sic fit ut saepe commoda nostra committamus hominibus quibuscum aliquamdiu sumus epulati.” Sponte nunc haec sic supplemus: „et a me tu postulas ut illud multorum annorum vinculum rumpam.” Iubetur ergo a patre filius missum facere aliquem quo diu amico usus est, quia ad inopiam est redactus ille, aut (et huc magis inclino) divortium facere cum uxore, quam amat et fidelem sibi iam per aliquot annos est expertus, quoniam aliam invenit pater dotatam nobilemque. Est ergo fabula simillima illi in qua pater filiam iubet maritum suum missum facere, e qua nobis servatum est fragmentum illud ᾧ *πάτερ ἐχρῆν μὲν οὐς ἐγὼ λόγους λέγω, τούτους λεγείν σέ κτέ.*, quod nostra aetate in lucem est protractum.

480 A Ceteris omnibus tantummodo male facere velamur
 μητρί δ' αὐτοῦ καὶ πατρὶ τὸ μὴ παρέχειν ἑαυτοὺς δρώντας αἰεὶ
 καὶ λέγοντας ἀφ' ὧν εὐφρανοῦνται
 impium videtur.

Aptissime haec corrigit editor Graecus ἑαυτοὺς delendo et
 αὐτοὺς legendo pro αὐτοῦ, cui nullus hic locus.

480 B Summam parant felicitatem parentibus filii
 ὅσον ἡ φύσις τοῖς σώμασι διέστησεν ἐπὶ ταῦτ' οἱ πάθει καὶ
 τοῖς πράγμασιν ἀποδιδόντες.

Corrupta haec non videtur persanasse Wytttenbachius pro
 ultimo vocabulo ἐπιδιδόντες vel ἀπονεύοντες coniciendo. Requi-
 ritur fere: τοῦτο . . . ἀναπληροῦντες. Corpore disiuncti sunt
 fratres, sed, si boni fratres sunt, illud spatium supplent affectibus
 actionibusque.

480 D χαλεποὶ πόλεμοι γὰρ ἀδελφῶν
 ὡς Εὐριπίδης εἶρηκεν, ὄντες, χαλεπώτατοι τοῖς γονεῦσιν αὐ-
 τοῖς εἰσιν.

Immo vero αὐτῶν.

480 F Ioculare est ἔτυμον in hisce:

Μουσῶν . . . ἃς ὁμοῦ δι' εὐνοίαν αἰεὶ καὶ φιλαδελφίαν οὔσας
 οὕτως ὠνόμαζον.

Μοῦσαι = ὁμοῦ οὔσαι. Sed non grammaticam spectat philo-
 sophus noster verum morum emendationem.

ib. Amoris erga parentes praeclarum documentum est amor
 erga fratres; idem ille adversus liberos egregium est διδάγμα
 καὶ παράδειγμα φιλαδελφίας.

καὶ τοῦναντίον αὐτῶν πονηρὸν ὥσπερ ἐξ ἀντιγράφου πατρῶου τὴν
 μισαδελφίαν ἀναλαμβάνουσιν.

Non intellexit haec interpres qui sic vertit: „sicut ab altera
 parte pessimum mutuo odia gerendi studium iidem specimen
 parentum secuti suscipiunt? Dicuntur enim fratrum discordium
 filii illam discordiam tamquam testamento accipere, πονηρὸν πα-
 ράδειγμα μισαδελφίας.

481 C αἱ μὲν ὑπὸ χρείας συνημμέναι Φιλίαι καὶ διαστῶσιν οὐ χαλεπῶς αὐθις ἀναλαμβάνουσιν.

Ultimum vocabulum „redintegrantur” vertit interpres. Mihi excidis obiectum videtur quod responderit vocabulo κόλλησιν in praecedenti imagine.

481 E Discordes fratres ne amicos quidem et hospites communes habere volunt, ἐχθρὰ πάντα τὰ προσφιλεῖ τοῖς ἀδελφοῖς νέμοντες.

νέμοντες pro νομίζοντες positum rarum apud Plutarchum.

482 A Qui eodem est patre eademque matre prognatus ei καὶ τῶν ἀμαρτημάτων εἰκός ἐστιν ἐπιχωρεῖν ἕνια καὶ παρεῖκειν λέγοντα [πρὸς ἀδελφὸν ἐξαμαρτάνοντα]

τοῦνεκά σ' οὐ δύναμαι προλιπεῖν δύστηνον ἔοντα.

Inclusa delet Wytttenbachius. Utinam semper sic sentirent editores quae verborum ubertas ferri possit, quae non possit!

482 F Oportet, cum frater in aliqua re fuit negligentior, καιρὸν ἢ πρᾶξιν ἑτέραν ἢ τὴν φύσιν αἰτιάσθαι, ὥς μᾶλλον πρὸς ἄλλα χρησιμωτέραν καὶ σημιωτέραν οὔσαν.

Pro σεμιωτέραν legatur ἀνυσιμωτέραν. Praeclara haec est emendatio Bernardakii cui nunc certatim maledicere solent viri docti.

ib. Continuo sequitur:

εὖ δ' ἔχει καὶ τὸ τοῦ Ἀγαμέμνονος, ὥς

οὔτ' ὄκνη εἰκὼν οὔτ' ἀφραδίῃσι νόοιο,

ἀλλ' ἐμέ τ' εἰσορόων καὶ ἐμὴν ποτιδέγμενος ὁρμήν

καὶ μοι τοῦτο παραδοὺς τὸ καθήκον.

Male ultima sic vertit interpres: „sibi hoc muneris a Menelao relictum dicens”. Neglexit enim constantem Plutarchi usum verbis e poeta citatis statim sua annectendi. E proxima vicinia (482 A) hoc cito exemplum

τοῦνεκά σ' οὐ δύναμαι προλιπεῖν δύστηνον ἔοντα

καὶ Φαῦλον καὶ ἀνόητον.

Ultima Plutarchi sunt, quae sicut nostro loco fratri alicui ex suis amicis praebet. Post ὥς aut excidit aut cogitatione est supplendum ἐνέλιπες.

483 B γίνεται δὲ κατήγορος ἀδελφοῦ σφοδρότατος πρὸς αὐτὸν ὁ προθυμώτατος ὑπὲρ αὐτοῦ συνήγορος πρὸς τοὺς γονεῖς γενόμενος.

Quam languida haec et tantum non vitiosa: quo enim modo istud πρὸς αὐτὸν cum ceteris iungamus? Sed quam fiunt diserta si κατήγορος ἀδελφοῦ deletur: quo quis magis se strenuum prae-buit in fratre apud parentes defendendo, eo potest esse adversus ipsum fratrem vehementior.

483 C Post patris mortem et aliis rebus benevolentiae mutuae documenta dare oportet fratres et διαβολὰς ἐταίρων ἐτέροις αὐτοὺς προσνεμόντων ἀπωθουμένους.

Sic B cum R. In codicibus est ἐτέρῳ αὐτούς, ante W. vulgo edebatur ἐτέρως αὐτοῖς. Parata emendatio; legatur aut ἐτέρων ἐτέροις aut ἐταίρων ἐτέρων ἐτέροις. Insidiosi illi comites, ut fratrum rixas provocent, se alii huic alii illi adiungunt. Sed ipsum vocabulum *comites* (ἐταίρους) significans hic non est necessarium.

483 E οἱ δὲ καὶ τίτθας ἀποσπῶντες ἀλλήλων καὶ συντρόφους καὶ συνήθεις παῖδας ὑπερβαλλόμενοι τοῖς διωγμοῖς rem maximi pretii, fratrum amorem, amittunt.

Agitur hic de fratribus, post mortem patris bona eius inter se dividentibus. Ultimum vocabulum haud dubie corruptum est, pro quo quod dedit Emperius *διαλογισμοῖς* parum intelligo, neque editoris *διωσμοῖς* probo. Requiritur vocabulum quod „licitationibus” significet.

ib. ἐνίους δὲ καὶ ἀκερδῶς Φιλονεικίας ἕνεκα χρησαμένους τοῖς πατρώοις οὐδὲν ἐπιεικέστερον ἢ λαφύροις ἴσμεν.

Isto ἀκερδῶς carere malim.

484 B ὁ μὲν οὖν Σόλων ἀποφινόμενος περὶ πολιτείας, ὡς ἰσότης στάσιν οὐ ποιεῖ, λίαν ἔδοξεν ὀχλικός, ἀριθμητικὴν καὶ δημοκρατικὴν ἐπεισάγων ἀναλογίαν ἀντὶ τῆς καλῆς γεωμετρικῆς.

Sincerum restituit sermonem Wytttenbachius ὀχλικῶς et ἐπεισ-άγειν legendo, quam emendationem editor ne commemorat quidem.

ib. Qui vero aut Platoni obsecutus „meum” et „tuum” tollit e republica aut certe monet ut „aequo” homines sint contenti

καλὴν κρηπίδα καὶ μόνιμον ὁμονοίας καὶ εἰρήνης καταβαλλόμενος ἐστι.

Insolita etiam apud Plutarchum structura.

484 D Oportet fratrem qui supra fratrem eminet

ἐνδιδόντα καὶ συγκαθιέντα τῷ ἥθει τὴν ὑπεροχὴν ἀνεπίφθονον ποιεῖν.

Verba notata interpres sic vertit: *demittendo se placide*. Parum accurate, ut opinor. Oportebat fere: concedentem innatae adversus fratrem lenitati.

485 B Bonus frater saepe in rebus, in quibus excellit ipse, fratre adutore utitur et monitore:

ὁὖν ἐν δίκαις ῥητορικῶς ὢν, ἐν ἀρχαῖς πολιτευόμενος, ἐν πράξεσι Φιλικαῖς.

Quid hic deesset egregie sensit editor Graecus: addidit enim Φιλικός. Sed nunc aut ista ἐν πράξεσι Φιλικαῖς statim post ὢν sunt ponenda, aut alterum ὢν addendum est.

485 D ὁ Μέτελλος ᾤετο δεῖν Ῥωμαίους τοῖς θεοῖς χάριν ἔχειν, ὅτι Σικιπίων ἐν ἑτέρᾳ πόλει τοιοῦτος ὢν οὐκ ἐγεννήθη.

Verba notata vix concoquo. An *hiatus* vitandi causa addita sunt? Vix hoc crediderim de scriptore qui adeo Isocratem ludibrio habeat.

486 A Ut minor digitus maiorem adiuvat, ita

Κρατερὸς Ἀντιγόνου (Ἀντιπάτρου R.) βασιλεύοντος ἀδελφὸς ὢν καὶ Κασάνδρου Περίλαος ἐπὶ τὸ στρατηγεῖν καὶ οἰκουρεῖν ἔταττον αὐτούς.

Prudenter Graecus editor intellexit ineptissime hic *summum* imperium (τὸ στρατηγεῖν) commemorari et, hiatus non metuens, aptissime reposuit οὐραγεῖν.

486 C Leguntur hic vocabula quaedam quae in promptu habere oportet eum qui literarum Graecarum scribit historiam. „Non invidet” ait

τῶν ῥητόρων οἱ δικολόγοι τοῖς σοφιστεύουσιν.

Ergo qui arti dicendi dabant operam (οἱ ῥήτορες) in duas tunc

dividebantur partes: *a.* οἱ δικολόγοι, causarum patroni sive, ut eo tempore vulgo dicebantur, advocati. *b.* οἱ σοφιστεύοντες qui artem oratoriam docebant et subinde ingenii ostentandi causa orationes habebant, plerumque in divitum auditoriis.

486 E (Φυλακτέον ἐστὶ) . . . γυναικὸς ἔστιν ὅτε τῇ φιλοδοξίᾳ συνεπιτιθεμένης λόγους πονηρούς.

Male hic συνεπιτίθεσθαι interpres vertit „stimulos adhibere”. Est enim „impetum facienti opem ferre”. Maritum oppugnat gloriae cupido, quam uxor stulta et invida adiuvat huiuscemodi oratione: „frater tuus abundat gratia, te respicit nemo”. Egrege hanc vocabuli vim atque adeo totum hunc locum illustrant ea quae leguntur *Quom. adulator* p. 60 F: μάλιστα δὲ περὶ τοῦς ἔρωτας (οἱ κόλακες) τοῖς κολακευομένοις ἐπιτίθενται.

487 A Iure homines ἐπὶ τῆς χάριτος ἀξιοῦσι μείζονα τοὺς λαμβάνοντας ἡγεῖσθαι, μικροτέρων δὲ τοὺς δίδοντας.

Sensu cassa haec, nisi (post ἡγεῖσθαι vel alio loco) inseritur τὴν αὐτὴν vel τὴν ἴσην.

487 C Parum solita oratione hic inter se opponuntur ἐκ παίδων et ἐπ’ ἀνδράσιν (cum ad adultam aetatem pervenissent).

ib. Mira hic et, nisi egregie fallor, incognita historicis narrantur de *potentissimis* ea aetate Graecorum, qui propter Aedepsum eiusque amoenitates internecivum inter se gerentes bellum ad eam sint prolapsi vecordiam ut ad eos coercendos extrema tyranni opus fuerit severitate.

488 C Imitari oportet Pythagoreos qui γένει μὴδὲν προσήκοντες ἀλλὰ κοινοῦ λόγου μετέχοντες, si forte rixa inter eos orta esset, nunquam non ante solis occasum dexteras iunxerint.

Prudenter, ut semper, Stegmannus ante ἀλλὰ excidisse ἀλλήλοις statuit, cui cur obloquatur editor non video.

489 A Proelio cum Gallis conserto Seleucus nusquam comparuit et cecidisse eum fama erat

πάσης ὁμοῦ τι τῆς στρατιᾶς ὑπὸ τῶν βαρβάρων κατακοπίσης.

Verba *δοῦ τι* non vertit interpres. Sunt tamen minime obscura, et fuisse videntur Plutarcho in deliciis: *tantum non*.

489 D Commemorato praeclaro dicto, quo Euclides iratum fratrem confutavit, sic pergit:

τὸ δ' Εὐμένους τοῦ βασιλέως ἔργον, οὐ λόγος, ὑπερβολὴν οὐδεμίαν πραότητος ἀπολέλοιπεν.

Ab ipso Plutarcho istud *οὐ λόγος* tam importune additum vix crediderim. Si abest, multo melius elucet oppositio.

489 F Eumenem occisum esse nuntiato, Attalus frater eius *τὴν γυναῖκα τοῦ ἀδελφοῦ Στρατονίκην ἔγημε καὶ . . .*

Ioculare est quod additur in codicibus *συνῆλθε*. Lubenter credimus: *θέμις ἦδ' ἀνδρὸς καὶ γυναικός*. Sed non commemoravit istud scriptor verecundissimus. Egregie Bernardakius correxit *συνῆρχε*. Reginae eam loco habuit successor ille aequissimus.

490 C Refutare et abigere oportet malevolum, discordiae serendae causa

ὑπορύττοντα τῶν ἀπορρήτων ἔνια.

Immo *ἀνορύττοντα*, nam protrahit in lucem quae irreperta melius sita sunt, non *ὑπορύττει*, quod *delendi* et *infirmendi* vim habet.

491 B „Pluris fratrem quam amicum facere oportet; contrarium non tam est decori amico quam dedecori fratri”

ἀλλὰ περὶ ταύτης μὲν ἐτέρωθι τῆς γνώμης γέγραπται τὰ δοκοῦντα διὰ πλειόνων.

Quemnam librum suum hic respiciat Plutarchus me fugit. Porro documento hic locus est non tantummodo *hiatus vitandi* causa mire interdum vocabula disponere nostrum.

491 C Recte habet versus Menandri:

οὐδεὶς ἀγαπῶν αὐτὸς ἀμελεῖθ' ἡδέως.

Ut evadat *versus*, insere γάρ post *οὐδεὶς*.

492 A Singularem vocabuli usum habes in hisce:

πεμπόντων· δὲ τῶν Θεσσαλῶν Φρυκτοῦς περὶ βασιλέως πρὸς

τὸν θεὸν εἰς Δελφοὺς, ἐνέβαλε κρύφα τοῦ πατρὸς ὁ θεῖος ὑπὲρ τοῦ Ἀλεῦα.

Perspicua est sententia: Delphos Thessali mittebant *sortes*, i. e. literas obsignatas, in quibus singulatim de variis hominibus sic deus consulebatur: „huncine regem creemus?” Tum clam rege sortibus illis haec addebatur: „Aleuamne creemus regem?” Ergo Φρύκτους (sc. κυάμους) hic δέλτων habet vim.

Atque haec narratio Plutarcho facultatem praebet demonstrandi cur non liceat suos sed liceat fratris filios laudare: δοκεῖ γάρ μοι καὶ τοῦνομα καλῶς ὑφηγεῖσθαι etenim est . . . θεῖον ὡς ἀληθῶς. Eiusdem illud est qui concordiae admoneat argumento usus Μουσῶν nomine τῶν δμουῦ οὔσῶν.

AD APULEI MET. VII 5.

Apuleius latronem corporis mole stupendum depingit, *sed plane centunculis disparibus et male consarcinatis semiamictum, inter quos pectus et venter crustata crassitie reluctabant.*

R. Helm, editor *Metamorphoseon* recentissimus, Bluemneri coniecturam *relucebant*, quae Vlietio quoque in mentem venit, recepit laudato ad paginae calcem C. W. Vollgraffii proposito *relucitabant* (Mnemos. XXXI p. 254).

Si recte locum intellego, fugit eos quam iusta sit verbi vis et rei quam maxime conveniens: pectus nempe et venter inter centunculos reluctabant, h. e. erumpebant, se tegi non patiebantur, nam male consarcinati erant centunculi ut hic illic corpus perfringeret pannulos. Verbum etiam legitur IV 20 (reluctabat) et III 9 (luctantem — reluctantem *Vlietius*) et Ovid. Ep. 6. 85.

Verbum nullam umquam suspicionem moturum fuisse credo, si verba, quibus Apuleius pectoris ventrisque luctamina illustrare voluisse putandus est, melius se haberent, nam *crustata crassitie* nihili esse h. l. opinor, legendum vero: *eructata crassitie*: pectus scilicet et venter reluctabant eo quod inter pannulos pinguedinem exprimebant.

Verbum eructandi est Lucret. III 1025, Verg. Aen. III 575, 632, VI 297, Sil. Ital. XIII 425 (cf. II 685 et VI 162).

P. H. D.

LECTIONES VALERIANAE.

SCRIPSIT

P. H. DAMSTÉ.

(Continuantur e Vol. XLI pag. 301).



V 1, 7 p. 220, 16 (Scipio) *puerum ... ad Masinissam misit, eos victoriae maximos fructus ratus, dis ornamenta, hominibus [regibus] sanguinem suum restituere.*

Pro *regibus*, quod Kempfius inclusit, Foertschius *regum* scribendum censuit, ego quidem in archetypo *exaratum* fuisse puto: *egregiis*.

V 1, 10 p. 221, 25 (Cn. Pompei caput) *abscisum a corpore inops rogi nefarium Aegyptiae perfidiae munus portatum est etiam ipsi victori miserabile.*

Post *voc. munus* Gertzius *Caesari* vel plura etiam excidissee censet, sed mihi persuasum est, locum eo sanandum esse quod verbo *portatum* suum praefixum restituatur: emendandum nempe est *adportatum*, cl. Suet. Dom. 6 i. f.: pauloque post occisum Antonium adeo vulgatum est, ut caput quoque *adportatum* eius vidisse se plerique contenderent.

ibid. p. 222, 4 *Catonis quoque morte Caesar audita et se illius gloriæ invidere et illum suae invidisse dixit patrimoniumque eius liberis ipsius incolume servavit.*

Voc. ipsius per errorem huc e versu superiore migrasse atque inter verba *suae* et *invidisse* reponendum esse suspicor.

V 1 Ext. 2 p. 223, 18 *minime digna vox cui adiciatur eam ex tyranni ore manasse.*

Loci sententia flagitat: *nimirum digna vox e. q. s.* In iis autem quae continuo sequuntur:

in hunc modum filiae iniuriam tulit, suam multo laudabilius quin post suam voc. etiam sit praetermissum vix dubito.

V 2, 1 p. 227, 12 *Marcium patriae ** conantem admotoque portis urbis ingenti Volscorum exercitu funus ac tenebras Romano imperio minantem Veturia mater et Volumentia uxor nefarium opus exequi precibus suis passae non sunt.*

Hunc locum mutilum multi iam frustra ad integrum revocare conati sunt, quorum omnium coniecturis meam, quae est *intonantem*, certe propius ad servata lectionis vestigia accedere opinor. Cf. Hor. Epod. 2. 51: Si quos Eois intonata fluctibus / Hiems ad hoc vertat mare, Sil. Ital.: armis intonat urbi.

V 2, 4 p. 229, 12 (Minucius) *et ipse eum patrem appellavit et ab legionibus suis patronum salutare voluit ac deposito aequalis imperii iugo magisterium equitum ... dictaturae subiecit.*

Pro *iugo* corrigendum videtur: *iure*.

V 2, 7 p. 230, 6 *Metellus vero Pius pertinaci erga exulem patrem amore tam clarum lacrimis quam alii victoriis cognomen adsecutus non dubitavit e. q. s.*

Voc. *lacrimis* quantocius expungatur utpote a nescio cuius manu profectum qui, cum Valerii verba non satis intellegeret, aliquid deesse putaret quod vocabulo *victoriis* apte opponeretur. At oppositum illud est *pertinaci ... amore*.

V 2, 9 p. 231, 5 *multa insignia Pompeio, sed nescio an hoc quicquam admirabilius contigerit, quod magnitudine beneficii sui oblivisci Sullam coegit.*

Pompeius non sui, sed magnitudinis suae oblivisci Sullam coegit, ut supra scriptor exposuit. Ergo pro *sui* emendes: *suae*.

Ibid. 15 *perseverantique postulatione extuderunt ut exequiarum*

apparatus sestertio nummo ipsis praebendus addiceretur. quorum laudem † adiecta lege condicio auget magis quam extenuat, quoniam e. q. s.

Pro verbis *adiecta lege*, quae hoc quidem loco probabilem interpretationem nequaquam admittunt, alii alia substituere voluerunt: at non emendanda, sed in locum suum reducenda sunt, qui est post verbum *extuderunt*. Verba a librario primum ommissa, deinde in margine ascripta, denique a scriba sequenti loco non suo in textum recepta esse credo.

V 2 Ext. 1 p. 232, 3 *Darius privatae adhuc fortunae amiculo Sylosontis Sami delectatus curiosiore contemplatione fecit ut ultro sibi et quidem a cupido daretur.*

Pro *a cupido* adverbium *cupide* auctorem scripsisse opinor cl. vs. 22 huius paginae: quot amplissimae civitates vel amice datae vel pie redditae sunt. Accedit quod in cod. A littera *a* erasa est.

ibid. 21 *itaque nec huius munificentia nec illius tam memor beneficii animus tot verbis laudari potest, quot amplissimae civitates vel amice datae vel pie redditae sunt.*

Sana ratio requirere mihi videtur: *tot verbis <sat is> laudari potest.*

V 3, 2a p. 234, 20 *Hunc ingratis lapsae mentis errorem consentanea civitatis nostrae paenitentia sequitur.*

Haud dubie corrupta ista lectio est quamquam adhuc nondum, quod sciam, suspecta. Valerius modo Caesarem trucidatum tamquam ingrati animi documentum populo Romano obiecit atque verbis supra descriptis novam paragraphum incohat qua Camillum a civibus suis ingratis tractatum memorat, cuius generis exempla alia deinceps sequuntur: de paenitentia Caesaris interfecti qualicumque, quam populus Rom. deinde egerit, ne verbum quidem. Neque id noster significare voluit: sin minus, non sequitur praesenti tempore, sed perfectum secuta est nimirum posuisset.

Voc. *paenitentia* corruptum esse aio ex *impotentia*, ita ut verba laudata novam narrationem de ingratis populi Rom. animo

secundum morem Valerianum introducant et *consentanea civitatis nostrae impotentia* illa sit qua populus in Camillum grassatus est quaeque illi furori, quo in Caesarem usus est, par fuit. Ceterum cf. p. 237, 8: singulorum ingrata facta liberiore indignatione proscindenda sunt, quia potentes consilii, cum utrumque ratione perpendere liceret, scelus pietati praetulerunt.

ibid. p. 235, 6 *at, inquit, aerario abesse tribunus pl. querebatur XV milia aeris: tanti namque poena finita est. indignam summam, propter quam populus Romanus tali principe careret!*

Verba *tanti numque poena finita est* a loco nostro alienissima sunt atque sciolo, qui ea in margine primum appinxerit, reddenda: Camillum enim in exsilium missum, non pecunia multatum esse Valerius paulo ante tradidit, loco autem nostro de pecuniae summa, qua aerarium defrudasse dicebatur, sermo est ita ut verba a me damnata cursum orationis inepte interrumpant.

V 3, 2d p. 236, 8 *duabus enim urbibus, Numantia atque Karthagine, imperio Romano imminentibus ex rerum natura depulsis raptorem spiritus domi invenit, mortis punitorem in foro non repperit.*

Pro *in foro* emendandum est: *foris*, quod Iulium Paridem quoque ante oculos habuisse credo, quippe qui rem ita reddiderit: Africanus minor raptorem spiritus domi invenit, mortis punitorem in urbe non repperit.

Vocabula *domi* et *foris* sibi opponi Georgius in lexico suo s. v. *foris* multis exemplis et poetis ac scriptoribus petitis ostendit.

ibid. 2e 11 *qui pestifera Ti. Gracchi manu faucibus comprehensam rem publicam strangulari passus non est.*

Verbum *comprehensam* Kempfius de suo pro scriptura tradita *oppressam* substituit, at sanam librorum mss. lectionem esse mihi constat locis Ciceronianis consideratis, qui sunt Verr. III. 76: Timarchides premit fauces defensionis tuae (h. e. facit ut defendi non possis), Cluent. 31: cum faucibus premeretur (h. e. cum ad incitas redigeretur), Verr. III 58: institit, oppressit, non remisit (in quibus *oppressit* ab oppressione faucium ductum est).

V 3 Ext. 3 p. 240, 3 *huius tamen summoti ab Atheniensibus Scyros, exule minor insula, ossa mortui cepit.*

Libri mss. non *cepit*, sed *coepit* exhibent; Iulius Paris rem his verbis reddidit: cuius ossa Scyrus insula mortui textit; denique VI 1 Ext. 1, 21 legitur: cuius corpus ... humus ... tumulto contegit. Quae cum ita sint, veram ac genuinam lectionem esse iudico: cooperuit.

ibid. p. 241, 21 *dandi et accipiendi beneficii commercium, sine quo vix vita hominum + ex per et tollit quisquis bene merito parem referre gratiam neglegit.*

Quam misere hic locus corruptus sit varia codicum lectio demonstrat: *exper&tulit* (corr. *expertē tollit*) — *estaret tollit* — *expers tollit* vel *perdit* exaratum videmus. Si quid mihi quoque temptare licet, proponere velim: *sine quo vix vita hominum expetenda est, tollit* e. q. s.

V 4, 5 p. 246, 6 *postquam pro rostris ei legem iam referenti pater manum iniecit, privato fractus imperio descendit e rostris, ne minimo quidem murmure destitutae contionis reprehensus.*

Verba *e rostris*, quae a Valerii manu profecta esse post verba *pro rostris* in versu superiore vix credibile est, interpretatori deberi opinor.

V 4 Ext. 2 p. 248, 5 *nam etsi maximo tibi postea et civi et duci evadere contigit, plus tamen aliquanto laudis in carcere quam in curia adsecutus es.*

Legendum videtur: *quam in <acie et in>curia ads. e.* Vid. pp. 252, 20, 253, 11, 264, 29, 276, 25.

V 4, 7 p. 250, 10 *Eadem caritas Italico bello Pinnensem iuvenem ... tanto animi corporisque robore armavit, ut, cum obsessae urbis suae claustris praesideret et Romanus imperator patrem eius captivum in conspectu ipsius constitutum destrictis militum gladiis circumdedisset, occisurum se minitans, nisi inruptioni suae iter prae-buisset, solus e manibus senem rapuerit,* e. q. s.

Vocabulum *manibus* neque si pro *dextris* neque si pro *catervis* est, sic nude positum tolerari potest, id quod homo ille iam

sensit, qui in codice uno genitivum *eorum* sub linea addiderit. Nec Kempfium, cum roget num forte *manibus hostilibus* sit scribendum, locum sanum duxisse apparet. At causam video nullam, propter quam librarius aliquis pronomen *eorum* vel adiectivum *hostilibus* per negligentiam omittere potuerit: accedit quod neutrum vocabulum oppositionem idoneam, quam vox *solus* requirit, efficere videtur. Evaderet sane ea oppositio, si *manibus* esset pro catervis, sed scriptorem in hac narratiuncula rhetorice admodum efficta enuntiataque vocabulo tam ambiguo usum esse haud facile quisquam mihi persuadebit neque verbi rapiendi constructio tale quid credere nos sinit: potius verbum eripiendi cum dativo casu ita exspectaverim.

Voc. *manipulorum* quin ante vel post *manibus* propter priorum partium similitudinem sit omissum ego quidem vix ac ne vix quidem dubito.

V 5 Ext. 3 p. 252, 1 *sed cum tum maximo labore et periculo implicatum . . . fidissimus Romani imperi custos Iuppiter comitatus est.*

Nescio an sit corrigendum: *tum maxime*.

V 6 p. 253, 5 *eversa domo integer [status] rei publicae status manere potest, urbis ruina penates omnium secum trahat necesse est.*

Editor Halmii emendationem *integer* pro *inter*, quod in cod. A legitur, recepit atque eiusdem auctoritatem secutus alterum voc. *status* uncinis inclusit. At tamen vereor ne sit nimium casui fortuito tribuere, si uno eodemque loco èt voc. *integer* corruptum èt voc. *status* per dittographiam repetitum credamus. Veri similis mihi videtur, Valerium pro *interstatus* scripsisse: *intentatus*. Cf. p. 254, 20: cum . . . aruspices adfirmassent conservato eo fore ipsius domus statum felicissimum, rei publicae miserrimum, Sen. Med. 61 (de vacca): *intemptata iugo*.

V 6, 4 p. 254, 1 *Genucius laudis huius, qua maior vix cogitari potest, successionem tradit Aelio praetori.*

Ex apparatu critico apud Kempfium videre licet, quam misere corruptus hic locus in libris mss. traditus sit, quem etiamnunc non ab omnibus partibus bene resartum esse puto. Credo enim voculam *ulla* aegre desiderari, quam ante voc. *potest* exaratam

fuisse ex eo suspicor, quod libri *excogitari impotest* exhibent, unde Gertzius iam elicere voluit: *vix cogitari civi potest*.

V 6 Ext. 2 p. 257, 28 (Thrasybulus) *cum Atheniensium urbem XXX tyrannorum tæterrima dominatione liberare cuperet parvaque manu maximae rei molem adgrederetur, et quidam e consciis dixisset 'quantas tandem tibi Athenae per te libertatem consecutae gratias debebunt?' respondit e. q. s.*

Emenda: *maximae rei* <p.> *molem*, ut saepe in codd. Valerianis est pro: *rei publicae*. Vitium alterum etiam, quod huic loco inhaeret, tollere posse mihi videor. Editor enim lectionem *per te* recepit, quae est a manu secunda in cod. A — scriptum autem ibi fuit *praeter*, in cod. L *perle** (r eras.); restituas quaeso: *praetor*, quo vocabulo èt Valerius èt ceteri scriptores Graecum voc. *στρατηγός* vertere solent.

V 6 Ext. 5 p. 259, 20 *sanctissimisque naturae legibus mirificorum etiam exemplorum* † *clara mundo subscripsit ubertas*.

Corrupta lectio, quam Perizonius *cara mundo* — Wensky *clara abunde* substituendo emendare conati sunt, ex uno verbo *celebranda* depravata esse mihi videtur.

V 7 Ext. 1 p. 262, 2 *iuxta enim Antiochum sedens, ut eum ad introitum Stratonices rubore perfundi et spiritu increbrescere eaque egrediente pallescere et* † *excitatioem* *anhelitum* *subinde recuperare animadvertit, curiosiore observatione ad ipsam veritatem penetravit.*

Variant libri mss. in *excitatioem* et *exercitatioem* — Halm *sedatioem*, Novak *tardioem* scribi iussit. Emendandum est: *extentioem*, cl. Plin. N. H. X 82, ubi de luscinae cantu agitur et spiritus 'gravis acutus, creber extentus' distinguuntur.

V 8, 2 p. 263, 17 *tribunus pl. agrariam legem primus tulerat multisque aliis rebus populariter* <actis> *animos hominum amore sui devinctos tenebat.*

Gertzio Wenskioque obsecutus editor voc. *actis* inseruit. At potius crediderim in fine vocis *populariter* a librario esse peccatum et scriptum fuisse a Valerio: *popularibus*.

V 8, 3 p. 264, 15 *peregerat iam Torquatus severi et religiosi iudicis partis, satis factum erat rei publicae, habebat ultionem Macedonia, potuit tam verecundo filii obitu patris inflecti rigor: at ille e. q. s.*

Kempsius scripturam in codicibus mss. optimis traditam tamen in tam mutavit: immo potius corrigendum est *tandem*, quod unum sententiae aptum est et accommodatum.

V 9, 2 p. 266, 11 *cum enim eo usque impietatem eius suspectam et nequitiam invisam haberet, ut Messalam sororis suae filium heredem habiturus, ambitus reum defendens iudicibus diceret, e. q. s.*

Verba *heredem habiturus*, quae aut in margine aut supra lineam primum ab homine inconsiderato insulsoque addita et deinde a scriba imprudenti in textum recepta esse suspicor, omnino eicienda sunt. Hoc missum nunc facio, Hortensium sororis suae filium heredem non habuisse (infra enim legimus: non nepotes, sed filium heredem reliquit), sed quicumque semel admonitus totam narratiunculam attente perlegerit, facile mihi assensurum confido, importunum additamentum id esse, ut rei narratae delicias corrumpat atque vim omnem prorsus tollat.

V 10 Ext. 2 p. 270, 5 *Xenophontis corpus + religioni immobile stetit et animus in consilio prudentiae stabilis mansit ac dolori succumbere ipsa clade, quae nuntiata erat, tristius duxit.*

Kempsius postquam Madvigium non recte proposuisse annotavit *regione* (de loco et statu) pro *religione*, quod in codd. dett. est, ipse coniecit: *religionis instinctu vel impulsu*. Ego post *religioni* excidisse credo participium *intenti*, ad *Xenophontis* nimirum pertinens.

ibid. 17 *non ignorabit ... ut mori neminem solere qui non vixerit, ita ne vivere [aliquem] quidem posse qui non sit moriturus.*

Editor voc. *aliquem* inclusit — immo emendandum est: *aliquantulum*.

VI 1, 9 p. 273, 25 (senatus) *in qualicumque enim statu positam Romano sanguini pudicitiam tutam esse voluit.*

Nonne corrigendum est *posito*?

VI 2, 2 p. 278, 9 *Sic in senatu loqui Privernas ausus est: L. vero Philippus consul adversus eundem ordinem libertatem exercere non dubitavit: nam segnitiam pro rostris exprobrans alio sibi senatu opus esse dixit.*

Iulium Paridem Valerii verba saepe male intellexisse res satis nota est, cuius tamen hoc exemplum viros doctos adhuc fugisse videtur. Paris enim his verbis factum rettulit: *L. Philippus cos. adversus collegam usus nimia libertate alio sibi senatu opus esse dixit.*

In hisce Halmius pro *collegam* scribendum putat *collegas*. Utrum legatur parum refert, verum Paridem locum Valerianum perperam interpretatum esse moneo: voc. *eundem ordinem* ad senatum referenda esse non perspexit, sed de ordine magistratum (h. l. de consulari ordine) dici ratus verba *adversus eundem ordinem* sua interpretatione *adversus collegam* reddere sibi visus est.

VI 2, 3 p. 279, 10 *recens ipsius victoria ... ac duorum regum ... catenatae cervices totius tunc fori <ora> clausurunt.*

Displicet ratio ista qua Kempfius lacunam supplevit: persuasum est mihi, post *cervices* voc. *voces* per haplographiam omissum esse. Cf. Liv. XLIV 45, 12: horum ferocia vocem Euandri clausit, Quint. I 5, 31: neutra (littera) claudet vocem Latinam.

VI 2, 8 p. 281, 8 *cum Pompeius ... ab inferis illum ad accusandum remissum dixisset, 'non mentiris' inquit, 'Pompei: venio enim ab inferis, in L. Libonem accusator venio.*

Restituas quaeso: *vero enim ab inferis in L. Libonem accusator venio*. Est vero illud affirmantis, pro recte, itemque concedentis atque responsionibus inservit, cuius exempla afferro haec: VII 4, 5 p. 348, 20, ubi codex unus perperam quamvis Kempfio probante vocem omisit, Cic. Div. I 47: vero, mea puella, cedo tibi sedes meas, Tusc. II 26: fuisti saepe, credo, cum Athenis esses, in scholis philosophorum? Vero ac libenter quidem.

ibid. 24 *obducta iam vetus <tis> cicatricibus bellorum civilium vastissima vulnera municipali homini ... inpune renovare licuit.*

Codices praebent *vetus* praeter unum librum saec. XII, in quo *vietis* est. Non *vetustis* emendandum esse censeo, sed *veteribus* cl. Curt. X 5, 13: novis vulneribus veteres rumpendas cicatrices,

nec non suspicio me tenet, pro *revocare* vel *revocari*, quae libri mss. exhibent, non cum Lipsio *renovare* esse reponendum, sed *refricare* cl. Cic. de Leg. Agrar. 4: ne aut *refricare* obductam iam rei publicae cicatricem viderer, Flacc. 54: cum venisset Laelius ad iratos et illud Castricianum vulnus dicendo *refricuis*-set, ad Att. V 15, 2: Appii vulnera non *refrico*, XII 18, 1: quae res forsitan sit *refricatura* vulnus meum, de Or. II 199: dolorem . . . oratione *refricabam*.

VI 2 Ext. 2 p. 284, 10 *quod ubi is cognovit, non debitam sibi admiratus benivolentiam arcessivit eam et quid ita hoc aut quo merito suo faceret interrogavit. tum illa 'certa est' inquit 'ratio propositi mei: puella enim, cum gravem tyrannum haberemus, carere eo cupiebam. quo interfecto aliquanto taetrius arcem occupavit.*

Duobus locis in hisce aliquid excidisse tam sana ratio quam Iulii Paridis epitome comprobant. Valerium nempe scripsisse arbitror: *<in arcem> arcessivit eam* et deinde: *quo interfecto <alter> aliquanto taetrius arcem occupavit*, cl. Paridis verbis: ob quam rem in arcem perducta causam tyranno interrogante, 'cum' inquit 'puella essem et tyrannum haberemus, carere eo cupiebam. quo interfecto alter aliquanto taetrius arcem occupavit.

Supplementum illud minime dubitandum simul ostendit, Maium ordinem Paridis verborum *in arcem perducta* in: *perducta in arcem* immutandum haud recte censuisse.

VI 3, 1 a p. 285, 13 *Manlius eras mihi, cum praecipites agebas Senonas: postquam imitari coepisti, unus factus es ex Senonibus.*

Scribendum videlicet est: *mutari*, at non librario sed ty-
pothetae mendum hoc imputandum esse suspicor. Idem erravit
p. 290, 26, ubi *Romana* pro *Romanae* legitur.

VI 3 Ext 3 p. 291, 18 (Cambyses) *mali cuiusdam iudicis e corpore pellem detractam sellae intendi in eaque filium eius iudicaturum considerare iussit. ceterum et rex et barbarus atroci ac nova poena iudicis ne quis postea corrumpi iudex posset providit.*

Voc. *iudicis* inducendum puto, quod postea esse adiectum scriptura quae in libris mss. optimis varia exstat indicio esse videtur.

VI 4, 1 p. 292, 7 (Manlius Torquatus) *denuntiavit, si quis sociorum inter patres conscriptos sententiam dicere ausus esset, continuo eum interfecturum.*

In codicibus optimis manus posteriores post voc. *continuo* addiderunt *se*, quod ibi eas inseruisse credo quia apud Iul. Paridem, reliqua ad verbum repetita cum sint, una vocula *se* post *continuo* adiecta est. Veri tamen similius duco, id ante *si quis* per haplographiam neglectum esse.

VI 4, 4 p. 296, 3 *intolerabilibus enim oneribus civitatem eorum implicanti, si quid morte gravius imperare perseveraret, mortem se praelaturos responderunt.*

Tollendum est illud emblemata importunum *morte*, quod legatorum Lacedaemoniorum dictum minime, hercle, gloriosum, verum potius frigidissimum efficit.

VI 5, 5 p. 299, 25 *erat in eodem pectore et inimicus et Domitius [et dominus], diversa aestimatione nefarium indicium perpendens.*

Perizonius verba *et dominus* delenda esse vidit; cui editor noster optimo iure obsecutus est: ad originem autem additamenti lectoris animum paucis advertere velim. Scilicet eam eiusdem generis esse suspicor atque emblematis *et athius*, quod ad III 2 Ext. 5 p. 127, 10 indicavi: verba enim *et Dominus* pio monacho deberi credo, qui in margine primum ea ascripserit.

VI 6, 3 p. 303, 28 (patres conscripti) *L. Minucium et L. Manlium Karthaginiensium legatis, quia manus his attulerant, per fetiales a M. Claudio praetore dedendos curaverunt. se tunc senatus, non eos, quibus hoc praestabatur, aspexit.*

Apud Iul. Paridem legitur: (senatus) 'L. Minucium et L. Manlium Karthaginiensium legatis, quia manus intulerant, per fetiales a M. Claudio praetore dedendos curavit', ad quae Kempfius annotavit: '*fort. manus iis Halm. recte, ut vid.*' Minime credo, verum persuasum habeo Paridem lectionem genuinam servasse. Virgula enim tam apud Paridem quam apud Valerium, quae post voc. *legatis* nunc posita est, post nomen *Manlium* traiecta apud utrumque legendum esse censeo: L. Min. et L. Manl., Karthaginiensium legatis quia manus intulerant, per fetiales e. q. s.

Praeterea pro *aspexit* corrigendum est: *respexit*, cl. p. 313, 15:

nobilitati, beneficio paenitentiae se ipsam admonitae respicere. Cf. etiam ad IV 4, 11 p. 193, 7.

VI 6, 5 p. 304, 17 *quam ut civitas nostra semper benignam praestitit, ita in sociorum quoque animis constantem recognovit.*

Verbis hisce, quae ultimo ex exemplis Romanis male nunc adhaerent, Valerius exempla ex exteris gentibus desumpta haud dubie more suo introduxit. Signum igitur *Ext.* 1, quod post *recognovit* nunc est, post verbum *dixerit* collocari iubeo.

ibid. 29 *crediderim tunc ipsam Fidem humana negotia speculantem maestum gessisse vultum.*

Emenda *spectantem* et cf. p. 311, 7: nam cum aliorum fortunas spectando ex condicione abiecta atque contempta emersisse claritatem videamus.

VI 7, 1 p. 305, 21 *Uxor Africani, cum viro suo ancillam ex suis gratam esse sciret, dissimulavit, ne domitorem orbis Africanum femina + magnum virum impatientiae reum ageret.*

Coniecturarum copiam, quibus hunc locum viri docti restituere conati sunt, Kempfius in apparatu critico congessit neque ego repetam, cum praesertim una modo litterula deleta locum sanare posse mihi videar. Quidni scribimus: *ne domitorem orbis Africanum femina — magnum virum impatientia reum ageret?* Ut enim femina domitori Africae, sic magno viro impatientia (sc. eiusdem feminae) concinne iam opponitur. Cf. VII 8, 2 p. 362, 25: testamentumque matris patientia honorare quam iudicio convellere satius esse duxit.

VI 7, 2 p. 306, 9 *cum ceteri proscripti in alienis et hostilibus regionibus per summos corporis et animi cruciatus vix evaderent.*

Gertzius ante voc. *vix* addendum censet *exitium* vel simile aliquid, sed cf. p. 307, 15: consulem . . . cuniculi latebris frustra evadere conatum, neque quicquam desiderari videbit.

ibid. 17 *nec recusavit se ipsam proscribere, ut ei fides sua in coniuge proscripto constaret.*

Pronomen *ei* a loco alienum est, qua de causa corrigas quaeso: *uti fides.*

VI 8, 5 p. 309, 3 *qui, cum a triumviris proscriptus in regione Salernitana lateret, delicatioris vitae genere et odore unguenti oc-*

cultam salutis custodiam deterit: istis enim vestigiis eorum, qui miseros persequabantur, sagax inducta cura abditum fugae eius cubile odorata est.

Immo, opinor, *sagax inducta <cani>cula.*

VI 9, 7 p. 313, 20 *nec indignati sunt socii eius parere fascibus, quem aliena tribunalia adulantem viderant. gessit etiam se integerrime atque splendidissime.*

Lege *gessit enim se e. q. s.*

VI 9, 14 p. 315, 20 *Iam C. Marius + maximae fortunae luctatione: omnes enim eius impetus qua corporis qua animi robore fortissime sustinuit.*

Lectionem vitiosam et alii emendare conati sunt et Kempfius, qui post voc. *luctatione* inserere voluit: *insignis*. Equidem *conspicuus*, vocabulum scriptori nostro adamatum, excidisse potius crediderim, cum praesertim in versu superiore *conspicuum* legatur. Cf. p. 318, 12: Ad invidiam usque Polycratis Samiorum tyranni abundantissimis bonis *conspicuus* vitae fulgor excessit.

VI 9, 14 p. 316, 5 *ex illo Mario tam humili Arpini, tam ignobili Romae, tam fastidiendo candidato ille Marius evasit, qui e. q. s.*

Nomina *Arpini* et *Romae* in marginem releganda sunt, id quod nemo, credo, dubitabit qui priorem huius capituli partem attente perlegerit. Ceterum libri mss. ipsi interpretamenta coarguunt: *arpini* nempe in uno libro recentiore est, *arpina* est codicum optimorum lectio, *arpinate* a manu secunda in altero eorum exaratum.

VI 9 Ext. 1 p. 317, 8 *nec contentus tam deformi introitu consedit etiam, ut clatissimum eloquium et prudentissima praecepta temulentiae lasciviis elevaret.*

Nescio an scriptum fuerit: *elatissimum eloquium.*

VI 9 Ext. 7 p. 319, 25 (humana) *incertissimo flatu fortunae huc atque illuc acta quos sublime extulerunt inproviso recussu destitutos profundo cladium miserabiliter immergunt.*

Maluerim *incertissimae flatu fortunae*. Cf. p. 320, 5: volubilis fortunae conplura exempla retulimus, constanter propitiae admodum pauca narrari possunt.

(Continuabuntur).

AD SOPHOCLES INDAGATORES.

SCRIPSIT

GUILIELMUS VOLLGRAFF.

(*Continuantur ex p. 90*).



Vs. 87—93, qui in papyro choro, i. e. coryphaeo, tribuuntur, apud Huntium Sileno assignati sunt. Perperam. Nam his verbis satyri admonentur, ut proni humi omnia circum investigent, quod ipsum Silenus vs. 118—124 eos facere indignatur. Ergo recte locum Sileno vindicavit Robertus l. l. p. 542.

Ad ea, quae ad vs. 173 adnotavi, probanda afferri potest Arist. Hist. anim. VII, 29, p. 579, a, 6 sqq.: *ὑπερβάλλουσα γὰρ γίνεται τοῦ θέρου (ἢ παχύτης) αὐτῶν* (sc. τῶν ἐλάφων), διὸ καὶ οὐ δύνανται θεῖν, ἀλλ' ἀλίσκονται ὑπὸ τῶν διωκόντων ἐν τῷ δευτέρῳ δρόμῳ καὶ τρίτῳ, imprimis vero Xen. Cyn. VI, 18: *ἐὰν μὲν ἐαλωκὼς ἢ ἐν τῷ πρώτῳ δρόμῳ* (sc. ὁ λαγῶς), ἀνακαλεσάμενον τὰς κύνας ζητεῖν ἄλλον. Cf. V, 14.

Ad vs. 176 sqq. Ad Roberti opinionem, qui primus nomina satyrorum in hoc carmine agnovit, firmandam, memorare libet etiam in aliis fabulis choreutas, dum per orchestram incedunt, se invicem nominatim compellare. Cf. Arist. Lys. 254: *χώρει, Δράκης, ἡγῶ βάδην*, 259: *ὦ Στρυμόδωρ*. Eccl. 293: *ἀλλ', ὦ Χαριτιμίδη καὶ Σμίκυθε καὶ Δράκης, ἔπου κατεπεύγων*. Vesp. 230: *χώρει, πρόβαιν' ἔρρωμένως. ὦ Κωμία, βραδύνεις*; 233: *ὦ Στρυμόδωρε Κονθυλεῦ, βέλτιστε συνδικαστῶν, Εὐεργίδης ἄρ' ἐστὶ που ἔνταυθ' ἢ Χάβης ὁ Φλυεύς*;

Ad vs. 222, ut coniecturam meam κῶπαδῶν ὄχλῳ stabilirem, laudare poteram locos scriptorum, ubi Maenades Bacchi comites dicuntur:

Soph. Ant. 1150 προφάνηθ', ὦναξ, σαῖς ἄμα περιπόλοις
Θυίαισιν.

Eur. Bacch. 56 θίασος ἐμός, γυναῖκες, ἅς ἐκ βαρβάρων
ἐκόμισα παρ' ἐδρους καὶ ξυνεμπόρους ἐμοί.
117 sqq. θηλυγενὴς ὄχλος ἄφ' ἰστών παρὰ κερκίδων τ'
[οἰστρηθεῖς Διονύσῳ].

Hymn. Hom. XXVI, 9 αἱ δ' ἄμ' ἔποντο
νύμφαι, ὁ δ' ἐξηγεῖτο.

Paus. IV, 31, 4 τῶν ὁμοῦ τῷ Διονύσῳ γυναικῶν

Ov. Metam. IV, 25 Bacchae Satyrique sequuntur.

Invicem aliis locis Bacchis Liber comitari dicitur:

Soph. Oed. R. 211 sq. Βάκχον εὖιον Μαινάδων ὁμόστολον

Oed. Col. 678 sqq. ἴν' ὁ βακχιώτας αἰεὶ Διόνυσος ἐμβατεύει θεαῖς
[ἄμφοι πολλῶν τιθήναις].

Sero cognovi de vs. 218—222 ante me Maasium plane eadem in medium protulisse atque ego (Deutsche Lit. Zeit. 1912, p. 2784).

Vs. 224—232, ubi narrat Cyllene, quae deinceps ex caverna sua audiverit, operae pretium est diligenter animadvertere, quo ordine res commemoret. Primum enim audit *κλέυμα κυνηγετῶν* (vs. 225), simulque (vs. 225, 227: ὁμοῦ . . . ὁμοῦ δ') aliquem de furto quodam conquerentem (vs. 227 sq.), deinde quasi praeconem aliquid renuntiantem (vs. 230), postremo satyros cum clamore ingenti adventantes et in aditum antri vi irruentes (vs. 231 sq.). Cum autem *κήρυγμα* illud non nisi ad praeconium ab Apolline factum (vs. 33—38) referri possit, sequitur iam ut venatores, de quibus hoc loco sermo est, eiusdem ministri sint, qui agmen canum eius ducebant. Confirmantur igitur hisce versibus ea quae supra ad vs. 15 de ἀκολουθίᾳ adnotavi.

Vs. 231 sq. καὶ τ[α]ῦτ' ἀφεῖσα, σὺν ποδῶν λακ[τίσμασι]

[κ]ληδὼν ὁμοῦ πάμφυρ[τ]' ἐγειν[ί]α στέγη].

In altero versu haud scio an praestet scribere πάμφυρ[δ]'. Sed

hoc levius. Aliam ob causam verba poetae, quae supra exscripsi, accuratius velim consideres. Unde pendet participium ἀφεῖσα? Si haec recte et tradita et lecta sunt, pro nominativo absoluto accipiendum mihi esse videtur. *Ut vero haec omnia omittam*, dicit Cyllene, *postremum vos vociferantes domicilia nostra invasistis*. Nominativo absoluto, qui, sicut in nonnullis aliis linguis, ita etiam in sermone latino occurrit (qua de re cf. nunc Guilielmus Baehrens, Glotta, 1912, p. 266 sqq.), hodie in grammatica graeca locus negatur. Cf. Kühner-Gerth, Griech. Gramm. II, 2, p. 108, n. 2. Etiam Albertus Thumb, in libro nuperrime edito (Brugmann-Thumb, Griech. Gramm. p. 606) nominativi absoluti mentionem facit ita, ut, re perpensa, talem casus recti usum linguae Graecae abiudicet. Quae enim nominativi absoluti speciem prae se ferunt, in anacoluthorum numerum relegat. Fateor equidem me non videre, qua in re duo exempla, quibus Thumbius l.l. defungitur, a nominativis absolute positis distent. Sunt autem haec: οἰμωγὴ ἐκ τοῦ Πειραιῶς . . . εἰς ἄστὺ διῆκεν, ὃ ἕτερος τῷ ἐτέρῳ παραγγέλλων (Xen. Hell. II, 2, 3). Ταῦτα ἀτάκτως ἔχοντα, ὃ θεὸς ἐν ἐκάστῳ τε αὐτῷ πρὸς αὐτὸ καὶ πρὸς ἄλληλα συμμετρίας ἐνεποίησεν (Plat. Tim. p. 69, b). Plane idem hoc esse videtur ac si scriptum esset: τοῦ ἐτέρου τῷ ἐτέρῳ παραγγέλλοντος, τούτων ἀτάκτως ἔχόντων. Similium exemplorum magna copia collecta est apud Kuehnerium l.l. p. 106—109. Quae percurrenti multa quidem tibi primo obtutu anacoluthi speciem praebere videri possint. Sunt tamen alia, de quibus hoc modo iudicari non posse censeo. Ex ipso Sophocle apud Kuehnerium locus adlatus est hicce:

Ant. 259 λόγοι δ' ἐν ἀλλήλοισιν ἐρρόθουν κακοί,
 Φύλαξ ἐλέγχων Φύλακx.

Huic alter, qui vulgo minus recte intellegitur, addi potest:

Oed. Col. 1119 ὦ ξεῖνε, μὴ θύμαζε πρὸς τὸ λιπαρές,
 τέκν' εἰ Φανέντ' ἄελπτα μηκύνω λόγον,

ubi vulgaris usus scriptorum τέκνων Φανέντων ἄελπτων postulasset.

Tertium locum praebent fragmenta Eurypyli nuper reperta:

67 πολλὴ δὲ σινδῶν, πολλὰ δ' Ἰστρινιδῶν
 ὕφη γυναικῶν ἀνδρὸς ἐρριπτάζετο,
 νεκρῷ δίδόντες οὐδὲν ὠφελουμένῳ.

Neque aliter iudicandum esse mihi statuo de Oed. R. vs. 59 sqq.:

εὖ γὰρ οἶδ' ὅτι
 νοσεῖτε πάντες, καὶ νοσοῦντες, ὥς ἐγώ
 οὐκ ἔστιν ὑμῶν ὅστις ἐξ ἴσου νοσεῖ.

Cf. quae viri docti Groeneboom et Fraenkel in editione sua ad vs. 60 adnotaverunt. Quamquam fatendum est, si quis hunc ultimum locum separatim a ceteris consideret, facile fieri posse ut ei consilium illorum, qui hic anacoluthon vident, minime absurdum videatur. Vide etiam quae infra de vs. 273 sq. disputabo.

Eadem constructione, quae iam inde ab Homero apud Graecos vulgata fuerat, utitur Aeschylus, Prom. 200 sqq.:

οἱ μὲν θέλοντες ἐκβαλεῖν ἔδρας Κρόνον,
 ὥς Ζεὺς ἀνάσσοι δῆθεν, οἱ δὲ τοῦμπαλιν
 σπεύδοντες, ὥς Ζεὺς μήποτ' ἄρξειεν θεῶν ...

Vide quae praecedunt et quae sequuntur.

Ex Euripide hi potissimum loci adferendi sunt:

Hec. 970 αἰδώς μ' ἔχει,
 ἐν τῷδε πότμῳ τυγχάνουσ', ἴν' εἶμι νῦν.

Hipp. 22 τὰ πολλὰ δέ
 πάλαι προκόψας, οὐ πόνου πολλοῦ με δεῖ.

Iph. Taur. 695 σωθεῖς δὲ παῖδας ἐξ ἐμῆς ὁμοσπόρου
 κτησάμενος, ἦν ἔδωκά σοι δάμαρτ' ἔχειν,
 ὄνομά τ' ἐμοῦ γένοιτ' ἄν ...
 947 ἐλθὼν δ' ἐκέῖσε, πρῶτα μὲν μ' οὐδεὶς ξένων
 ἐκὼν ἐδέξαθ'.

964 εἰπὼν δ' ἀκούσας θ' αἵματος μητρὸς πέρι,
 Φοῖβός μ' ἔσωσε μαρτυρῶν.

Phoen. 283 μέλλων δὲ πέμπειν μ' Οἰδίου κλεινὸς γόνος
 μαντεῖα σεμνὰ Λοξίου τ' ἐπ' ἐσχάρας,
 ἐν τῷδ' ἐπεστράτευσαν Ἀργεῖοι πόλιν.

Palam. fig. 583 πάλαι δὴ σ' ἐξερωτῆσαι θέλων,
 σχολή μ' ἀπεῖργε.

Quod ad ceteros scriptores attinet, satis est laudare nonnullos locos ex Herodoto Thucydide Xenophonte Aristotele. Herod. VII, 157: ἀλῆς μὲν γὰρ γενομένη πᾶσα ἡ Ἑλλάς, χεῖρ μεγάλη συνάγεται. Thuc. II, 53: θεῶν δὲ φόβος ἡ ἀνθρώπων νόμος οὐδεὶς ἀπεῖργε, τὸ μὲν κρίνοντες ..., τῶν δὲ ἁμαρτημάτων οὐδεὶς ἐλπίζων ... Xen. Hell. IV, 1, 24: ἅμα δὲ τῇ ἡμέρᾳ ἐπιπεσὼν τῇ Φαρναβάζου

στρατοπεδείξ, τῆς μὲν προφυλακῆς αὐτοῦ Μυτῶν ὄντων πολλοὶ ἔπεσον, αὐτοὶ δὲ διαφεύγουσι, τὸ δὲ στρατόπεδον ἀλίσκεται. Xen. Cyr. VI, 3, 2: ὁπισθεν δὲ ἡ Φάλαγξ ἐφεπομένη, εἴ τι τῶν σκευοφόρων ὑπολείποτο, οἱ προστυγχάνοντες τῶν ἀρχόντων ἐπεμέλοντο, ὥς μὴ κωλύοντο πορεύεσθαι. Arist. Resp. Athen. VI: χρεῶν ἀποκοπὰς ἐποίησε . . ., ἃ σεισάχθεια καλοῦσιν, ὥς ἀποσεισάμενοι τὸ βάρος. Patet hic subiectum verbi quod est καλοῦσιν diversum esse a nomine, quod ad ἀποσεισάμενοι mente supplendum est. Alii enim aetate Solonis ἀπεσείσαντο τὸ βάρος, alii aetate Aristotelis vocabulo quod est σεισάχθεια utuntur. Iure igitur et Maioribus et Hudius participium hic absolute positum esse arbitrati sunt. Quorum alter scripsit ἀποσεισασμένων, alter ἀποσεισασμένου (sc. Σόλωνος) vel etiam accusativo casu ἀποσεισάμενον. Nominativum vero eadem vice fungi posse nemini, ut videtur, in mentem venit. Omnino operae pretium est videre quomodo in plerisque locis huius generis se torqueant interpretes, ut constructionem, si me audis, simplicissimam explicant. Cf. e.g. quae Jebbii ad Ant. 259 adnotavit. Revera nulla hic est permixtio constructionum, nullum igitur anacoluthon, sed nominativus absolutus. Illud quoque magnopere scire cupio, cur nomina et participia neutrius generis absolute posita (ut e.g. δόξαν, προσῆκον, παρόν, Xen. Hell. III, 2, 19: δόξαντα δὲ ταῦτα καὶ περανθέντα, τὰ μὲν στρατεύματα ἀπῆλθεν. Cf. Kuehner-Gerth, II, 2, p. 88—90) potius pro accusativis quam pro nominativis accipiantur. Quod enim post ὥς accusativus absolute ponitur, nihil refert.

Versus mutilos 234 sqq. partim editoris vestigiis insistens sic legerim:

[Φω]νῶν ἀκο[ύ]σας' ὧδε παραπεπαισμέν[ων]
 [θεῶν ἔ]φ[ην] ἢ [δαίμό]νων ὑμᾶς νοσεῖν
 νό[σ]ον δίδόντω[ν]. τί πτοεῖτ' ἀναιτίαν;

Ultimum hemistichium an ita constitui possit, rogatos velim eos, qui posthac in volumen papyraceum denuo excutiendum operam studiumque conferent. Ad priora cf. verbum δαιμονῶν, sive κακοδαίμονῶν, insanire, nec non Aesch. Pers. 294 sq.:

ὅμως δ' ἀνάγκη πημονὰς βροτοῖς φέρειν,
 θεῶν διδόντων.

- Eur. Hipp. 1433 ἀνθρώποισι δέ,
θεῶν δίδόντων, εἰκὸς ἐξαμαρτάνειν.
- Soph. frg. 511 (Stob. IV, 17, 3):
ἢ ποντοναῦται τῶν ταλαιπόρων βροτῶν,
οἷς οὔτε δαίμων οὔτε τις θεῶν νέμων
πλούτου ποτ' ἂν νείμειεν ἀξίαν χάριν.
- Men. Disc. 543 πρὸς θεῶν καὶ δαιμόνων.

Vs. 254 papyrus exhibit:

τὸ Φθέγμα δ' ἡμῖν τοῦ[θ'], ὅπερ Φωνεῖ, Φράσον.

Praeunte Richardsio, Huntius in altera sua editione scripsit: ὁ περιφωνεῖ. Ego, cum admodum dubium mihi videatur, num Φράζειν τι esse possit *indolem alicuius rei explicare*, variam lectionem, quae e Theonis recensione desumpta in margine papyri adscripta extat, non spernendam esse censeo:

τὸ Φθέγμα δ' ἡμῖν τοῦτο πῶς Φωνεῖ, Φράσον.

Sed dic nobis, quomodo sonitus ille emittatur. Cf. vs. 253, 302.

Vs. 255 διαχαράσσεται risus captandi causa κατ' ἀντίφρασιν pro τέρπεται positum est. Cf. Wilamowitzius l.l. p. 453, n. 1.

Vs. 259 sq.

καὶ γὰρ κέκρυπται τοῦργον ἐν [θ]ε[ῶ]ν ἔδραις,

Ἦραν ὅπως μ[ὴ] πύ[σ]τ[ι]ς ἴξεται λόγου.

Ecquid potius distinguendum est hoc modo:

καὶ γὰρ κέκρυπται τοῦργον, ἐν θεῶν ἔδραις

Ἦραν ὅπως μ[ὴ] πύστις ἴξεται λόγου.

Non enim ceteris omnibus Olympi incolis nota, uni Iunoni abscondita fuisse furta coniugis sui dicere vult poeta; sed, ut legitur in hymno homerico, Iuppiter antrum Cyllenium invisebat
λήθων ἀθανάτους τε θεοὺς θνητούς τ' ἀνθρώπους.

Vs. 261—264 paene pessusdatos partim restituere conati sunt Huntius et Murray:

Ζ[εὺς] γ[ὰρ] κρυΦ[αίαν ἐς στέ]γην Ἀτλαντίδος

[τήνδ' ἦκε καῖέπραξεν ἀβουλ]εύσατο

[.....] υ. [.] Φίλας

[.....] λήθη τῆς βαθυζώνου θεᾶς.

Ad duos ultimos versus intellegendos aliquid conferre potest Hymn. Hom. III, vs. 6 sqq.:

... ἔνθα Κρονίων

νύμφῃ εὐπλοκάμῳ μισγέσκετο νυκτὸς ἀμολγῶ,
ᾧφρα κατὰ γλυκὺς ὕπνος ἔχοι λευκώλενον Ἥρην ...

Quo loco collato, mihi in mentem venit scribere:

Ζεὺς γὰρ κρυφαίαν ἐς στέγην Ἀτλαντίδος
τήνδ' ἦλθε καὶ κατεῖδε κἀνυμφεύσατο.
νυκτὸς δ' ἀμολγῶ περιβολὰς δύνει Φίλας,
ὥς τοῦμμα (vel ὅμμα) λήθῃ τῆς βαθυζώνου θεᾶς.

Periculosae plenum aleae hoc opus esse quivis videt. Neque forsitan supplementum περιβολὰς δύ(ν)ει, *subit amplexus*, probaveris. Attamen nolui vs. 263 non exempli gratia refingere, ut ostenderem quomodo vs. 264 intellegi supplerique posset.

Vs. 265 sq.

[κατὰ σπέ]ος δὲ παῖδ' ἐφίτυσεν μόνον,
[τοῦτον δὲ] χερσὶ ταῖς ἐμαῖς ἐγὼ τρέφω.

Sic initia versuum Huntius, duce Wilamowitzio, supplevit. Interpretatur autem: „and in a lonely cave he begat a son”. Sed adiectivum *μόνος* illo sensu tam raro occurrit (cf. Eur. Andr. 1221: *μόνος μόνοισιν ἐν δόμοις*), ut nemo hoc ita intellegeret, sed omnes non admoniti *μόνον* referrent ad *παῖδα*. Ita nunc facit Terzaghius (I Cercatori di traccie, Florentiae, 1913, p. 117) vertens: „nella grotta generò un figlio solo”. Sed hoc rursus paene ridiculum est; geminos enim peperisse *Maiam* quis expectat? Difficultati, quam notavi, vereor ut succurri possit, nisi scribendo:

[ὅν εἰς τέλ]ος δὲ παῖδ' ἐφίτυσεν, μόνῃ
[τοῦτόν γε] χερσὶ ταῖς ἐμαῖς ἐγὼ τρέφω·
[μητρὸς γ]ὰρ ἰσχυρὸς ἐν νόσῳ χεῖμαίεται.

[εἰς τέλ]ος scripsi respiciens Hymn. Merc. vs. 10 sqq.:

ἀλλ' ὅτε δὴ μεγάλοιο Διδὸς νόος ἐξετελείτο,
τῇ δ' ἤδη δέκατος μείς οὐρανῷ ἐστήρικτο,
καὶ τότε ἐγένεατο παῖδα ...

Vs. 273 sq.

[οὔπω γ]ὰρ ἔκτον ἡμᾶρ ἐκπεφασμένος
[γυῖοις] ἐρεῖδει παιδὸς εἰς ἥβης ἀκμήν.

Primas syllabas utriusque versus ex coniectura supplevit Wilamowitzius. Huntio in mentem venerat [ισχυ]ς ἐρεῖδει..., quod tamen ipse reiecit casum participii ἐκπεφασμένος obstare ratus. Si vero sententia, quam ad vs. 231 de participio ἀφεῖσα absolute posito proposui, recto talo stat, nihil impedit quominus legatur:

[μόλις γ]ὰρ ἔκτον ἡμᾶρ ἐκπεφασμένος,

[ισχυ]ς ἐρεῖδει παῖδός εἰς ἥβης ἀκμήν.

Mercurium paene adultum fecit poeta ea de causa, quod actorum alteri partes Apollinis et Cyllenes, alteri Sileni et Mercurii agendae erant.

Vs. 277τ.´..... ἔστὶ τοῦ πατρὸς θέσει.

Τοῦ πατρὸς θέσει nihil esse potest nisi: *iussu patris*. Cf. θεσμός, διάθεσις, τιθέναι, *iubere*, II. XVI, 223. Huntius versum ita refinxit:

δυσεύρετός τ´ ἔτ´ ἐστὶ τοῦ πατρὸς θέσει,

et *iussu patris adhuc inventu difficilis* (i. e. *absconditus*) est. Post *δυσεύρετος*, quod proposuit Murraius, propter accentum acutum supra appictum τε, non δέ, legendum esse monuit Huntius. Particulam encliticam desiderari patet; atqui coniunctio τε sententiae non apta esse videtur. Potius igitur post adiectivum in -τος, quidquid id fuit, legendum γε et sententia cum priore per coniunctionem καί connectenda. Neque vero supplementum *δυσεύρετος* multum probabilitatis habet. Equidem tentaverim:

κἀνένδυτός γ´ ἔτ´ ἐστὶ τοῦ πατρὸς θέσει.

Nutrix: *mirum in modum*, inquit, *puer modo natus iam pubescere incipit, iussu tamen patris adhuc veste caret*. Mercurius enim etiam in hymno homerico, cum boves rapit, adhuc sine pallio degit et σπαργάνοις i. e. *pannis* (non *fasciis*, cf. van Hoorn, De vita atque cultu puerorum, p. 6) amictus in lucem atque adeo in Olympum procedit. Atque σπάργανᾱ illa satis magnas partes agunt risusque movendi causa non uno loco commemorantur in ludicro illo carmine poetae ionici. Cuius iocosum ingenium ut cognoscatur, maxime attendendum est ad vs. 388, ubi dicit poeta Mercurium in coetu deorum verba facere coactum pannum, quo antea in λίκνῳ involutus iacuerat (cf. vs. 268, 301, 306), non abiectis quidem — alius enim amictus ei non erat — sed ἐπ´ ὀλένῃ, circum laevum brachium intortum gessisse (ut frequentissime ab artificibus antiquis effectus est). Infantili habitu,

nisi quod pro pileo petasus capiti impositus est, ornatum, sed quod ad staturam attinet iam prope ad adultam aetatem accedentem Mercurium cum bobus pinxit Brygus, lepidus ille pictor atheniensis aliquot annis maior natu quam Sophocles; cf. cyclicis Vaticanæ optimum photographema apud van Hoorn, l.l. tab. 3. Ergo vix dubitandum esse mihi videtur, quin Sophocles quoque Mercurium, cum in posteriore parte fabulae in medium prodiret et cum fratre Apolline congrediretur, panno, non pallio, amictum esse voluerit. Nulla enim causa erat, cur in hac re popularem fabulae formam immutaret, cum nihil indoli fabulae satyricæ accommodatius cogitari posset. Nec tamen abs re erat aliquid praemonere et docere spectatores, quamobrem Mercurium adhuc infantili ornatu contentum esse oporteret. Vocabulum quod est *ἀνένδυτος* delibavi ex Hesychio: ἄφαροι· ἀνείματα, ἀνένδυτοι. Ceterum vocabulum nihil moror, dissero de re. Restat ut moneam vim adversativam, quæ in supplemento meo coniunctioni καὶ tribuenda est, etiam inveniri Philoct. vs. 29, ubi Neoptolemus, postquam se antrum Philoctetis invenisse significavit, exclamat:

καὶ στίβου γ' οὐδεὶς κτύπος,

nulli tamen pedum crepitus audiuntur. Quo loco in codicibus est τ', sed consentiunt fere viri docti cum Triclinio legendum esse γ'.

Vs. 295 papyrus habet *χυτροιδής*, in margine varia lectio *τροχοιδής* adscripta est, Huntius dedit *χυτρώδης*. Mihi lectio tradita non continuo abicienda esse videtur. Primum enim consensus, qui in terminationibus vocum *χυτροιδής* et *τροχοιδής* conspicitur, certo certius ostendit non per merum errorem scribae haec orta esse. Hoc si concedas, deinde rogatos velim illos, penes quos de eiusmodi rebus cum maxime indicium est, possintne *χυτροιδής* et *τροχοιδής* per contractionem provenisse e *χυτροειδής* et *τροχοειδής*. Nam *οει* in *οι* abire notum est (cf. *μισθόει*, *μισθοῖ*, Brugmann-Thumb, Griech. Gramm. p. 72, 63). Constat quidem cetera adiectiva in *-ειδής*, quoad sciam, omnia contractionem respuere. Sed tamen semel in Odyssea legitur *ἄλλοειδέα* in tres longas syllabas contractum:

XIII, 194 *τῶν ἐκ' ἄρ' ἄλλοειδέα φαίνεσκει πάντα ἄνακτι.*

Quæ utrum synecphonesis vel synizesis (*ἄλλοειδέα*) rectius dicatur

an vera contractio (ἀλλοιδῆ), non multum refert, cum ex eiusmodi synizesi contractionem oriri posse consentaneum sit. Probe novi lectionem ἀλλοειδέx a multis criticis impugnata esse et hodie impugnari, qui omnia aggredi solent, quae rariora minusve vulgato usui accommodata sunt, sed frustra: sermo enim homericus ad unam normam exigi non potest. Conferatur modo similis contractio αἰκῶς vel ῥικῶς ex ἀρεικέως (Il. XXII, 336), quae nec ipsa tentanda fuit. V. Bechtel, Die Vocalcontraction bei Homer, p. 303. Aliter G. Schulze, Quaest. Ep. p. 10 sq.; v. etiam p. 288, 4 de Od. XIII, 194.

Ad vs. 300 sq. Testudo et scarabaeus revera forma inter se similes sunt. Inde est etiam quod aliud genus quoddam scarabaeorum apud Graecos a testudine nomen traxit. Cf. Hesychius: *χελωνιάς· ἡ ποικίλη κανθαρίς*.

Vs. 302 chorus ubi post multos irritos conatus rescivit animal, quo Mercurius ad lyram fabricandam usus esset, simile esse scarabaei, pergit Cyllenen interrogare hoc modo:

τ[ὶ δ' αὖ τὸ] Φωνοῦν ἐστὶν αὐτοῦ, τοῦντὸς ἢ τοῦξω, Φράσον, *quaenam pars eius voce praedita sit, interior an exterior, dic mihi quaeso*. Huic quaestioni aliquo modo responsum esse oportet versu sequenti, cuius lacunas nemo adhuc sanare aggressus est. Sonat autem *interior* sive concava pars testudinis. Sed aliquatenus αἰνιγματῶδες fuisse responsum docent reliquiae. Tentaverim:

[κάτωθεν ἢχεῖ] λε[πὰς] ὀρεινὴ σύγγονος τῶν ὀστρεῶν.

Ab inferiore parte resonat montana patina ostreis cognata. Κάτωθεν scripsi cogitans statum naturalem vivae testudinis. Sed priora verba supplementi, ut quivis videt, incerta sunt. Magis fido coniecturae λο[πὰς], collato vs. 295: *χυτροειδής*. Cf. etiam vs. 280, et Philoct. vs. 28 sq.

Vs. 318 *χαίρει δ' ἄλῳν*.

Temere pro ἄλῳν ἀθῦρων coniecit Buchererus (Berl. phil. Woch. 1912, p. 1107 sq.), quem sequitur Maasius (ibid. p. 1429). Nam ἄλῳν proprie dicitur de animi commotionibus, sive gaudio sive dolore sive amore sive musicis oriuntur, quae hominibus sensus eripiunt (cf. ἐξαίρει vs. sq.). Ceterum quod papyrus scribit

άλυίων, hic non scribae cuiusdam error esse potest, sed aut *παραδιόρθωμα* grammatici est aut ipsa manus poetae. Cf. *δπυίειν*, *φυίειν* similia. Apud Homerum *θυίειν* non uno loco recte traditum esse iure dixit Guilielmus Schulze Quest. ep. p. 314. Apud Sophoclem Ant. 1151 legitur *Θυίαισιν* (codd. *Θυιάσιν*), apud Timotheum Pers. 75 *ὑπερέθυιεν*. Ἀλυίειν quoque idem G. Schulze Homero vindicavit (ibid. p. 310 sq.). Vere attica non esse *άλυίειν* pro *άλύειν* et *χυτροειδής* pro *χυτροειδής* concedendum est. Sed quid obstat quominus Sophoclem has voces e carminibus epicis desumpsisse credamus?

Vs. 321 sqq. *ὀρθο)ψάλακτός τις ὁμφὰ κατοιχνεῖ τόπου, πρεπτά
(δ' αὖ) διὰ τόνου φάσματ' ἔγχωρ' ἐπανθεμίζει.*

Ante hos versus nostra saltem aetas requireret parepigraphen *ψαλμός*. Nam chorus ita loqui non posse videtur, nisi rursus fidium cantu exaudito. Quin etiam poetam voluisse putaverim lyram hic praecipue *σμερδαλέον κονχίζῃται*, cum verba chori summum, me iudice, terrorem ac pavorem indicent. Qua in re a sententiis hucusque a viris doctis prolatis aliquantum discedere me sentio. Vertit Huntius: „A loud voice goes forth over the land, and through its tones culls clear images of the scene(?)”; Robertus (Die Spürhunde², Berolini, 1913, p. 26): „Mit Blumen schmückt sich bei dem Getöne das Waldesgrün. Wie Luftgestalten woget und webet es her und hin”; Terzaghi (l.l. p. 117): „Una voce risonante passa per questo luogo, e mirabili apparizioni per mezzo della musica fioriscono sul paese”. Idem adnotat: „Sofocle sa qui accennare ad uno dei più meravigliosi effetti della musica, la quale è capace di dar forma e quasi sostanza a certi sentimenti, che pare assumano parvenze precise e popolino i luoghi ove essa risuona”. Libere fatebor? Ea quae dicere tentant mihi adeo non persuadent viri docti, ut longe alium sensum verbis poetae subesse suspicari me cogant. In quo enucleando proficiscendum est a voce *πρεπτός*, quod adiectivum verbale verbi *πρέπειν* esse itaque significare *eximius*, *egregius*, *excellens*, *elucens* apparet. Locus autem Hesychii, quem attulit Wilamowitzius: *πρεπτά· Φαντάσματα, εἰκόνες* docet *Φαντάσματα* i. e. *larvas* non solum hoc loco, sed saepius, cum tetra et abominanda esse crederentur, per euphemismum *πρεπτά*

dicta esse. Cf. origo vocis *manes*. Iam quod ad ἐπανθεμίξειν attinet, vix aliud hoc esse potest atque ἐπανθεῖν, *efflorescere, emanare*. Totum igitur locum sic fere verterim: *Arguta vox per agros pervadit verendaque huius loci simulacra sono concita exoriuntur*. Subito horrore percussus chorus imaginatur *manes* novo sono commotos sepulcris exiisse. Fortasse poetae, cum haec scriberet, ante oculos obversabatur Mercurii in talibus rebus potestas. Quem Graecos non tantum animas defunctorum ad inferos deducere, sed etiam inde rursus elicere posse credidisse docet pictura in lecytho attica musei Ienensis (cf. Harrison, J. H. S. XX, p. 101; Proleg. to the study of greek relig. p. 43).

Post *πρεπτά* metro cogimur unam syllabam longam inserere. Proxime autem ad lectionem traditam *πρὲπτά* accedemus scribendo: *πρεπτά* (τ', α̃,) διὰ τόνου κτλ. Nam quod interiectio α̃ alibi apud tragicos nonnisi initio versus invenitur, non me movet.

Vs. 324 τὸ πρᾶγμα δ' οὔπερ πορεύω βάδην.

Cum vix credibile sit Sophoclem modo activo verbi *πορεύειν* pro medio usum esse, iure Wilamowitzium hunc locum corruptum esse dixisse reor. Si tamen *πορεύω* in *πορεύεις* corrigere licebit, omnia recte habebunt. Dicet chorus: *quod ad rem attinet, quo me iam sensim adducis*. Pro *οὔπερ* fortasse *οἴπερ* legendum esse iam Huntius dixit.

Vs. 357 sq., signo interrogationis addito, ita distinguo:

ἀλλ' αἰὲν εἰ συ παῖς; νέος γὰρ ὦν ἀνὴρ

πώγωνι θάλλων ὥς τράγος κνηκῶ, χλιδῆς.

Numquam tu ex pueris excedes? Quamvis enim iam adolescens sis hircina barba ornatus, (tamen adhuc puerorum more) lascivis.

Vs. 360 [ο]ὐκ ἐκ θεῶν τὰ μῶρα καὶ γέλοια χρῆ

[χ]ανόντα κλαίειν ὕστερ'; ὥς ἐγὼ (λ)έ(γ)ω.

Haec e litteris litterarumque vestigiis voluminis papyracei elicuit Huntius. Sed sententia, textu ita constituto, evadit inanis et falsa: *nonne eum qui stulta et ridicula effutivit ex lege divina poenas dare oportet?* Nam si diis curae esset ut mortales propter stultiloquentiam castigarent, tempus irriti labori deficeret. Summo igitur iure Wilamowitzius ἐκ θεῶν in εἰς θεούς emendavit (Ox.

Pap. IX, p. 84; Neue Jahrb. 1912, p. 460, n. 2). Mendum ortum esse videtur e frequentissima permutatione litterarum K et IC, de qua cf. Cobet, Var. Lect. p. 199, 279, I. C. Vollgraff, Stud. palaeogr. p. 56. Itaque cum Wilamowitzio legendum est:

οὐκ εἰς θεοὺς τὰ μῶρα καὶ γέλοια χρῆ
 χανόντα κλαλεῖν ὑστέρω, ἐγὼ λέγω;

Cf. Soph. Ai. 1226 sq.:

σὲ δὲ τὰ δεινὰ ῥήματ' ἀγγέλλουσί μοι
 τλῆναι καθ' ἡμῶν ὧδ' ἀνοιμωκτὶ χανεῖν;

Vide tamen ne viri clarissimi praestantissimum inventum, quod Huntium, Diehlum (Supplem. Soph., Bonnae, 1913, p. 18), Terzaghium consensu sprevisse mirum est, parvo supplemento et quasi fulcimine indigeat. Ante μῶρα καὶ γέλοια abundat articulus, ad χανόντα desideratur. Ellendtius certe, qui in proprietatem sermonis Sophoclei in usu articuli observandam data opera inquisivit, dicit: „*Participia* autem ea libertate non utuntur, ut in certa re substantive dicta articulo careant” (lex. Soph. p. 498). De „certa” autem „re” hoc loco agi docet participium aoristi χανόντα. Nonne igitur pro τὰ legendum est τόν, ut evadat sententia omnibus numeris perfecta: *nonne eum, qui stulta et ridicula in deos iactavit, posthac poenas dare oportet, inquam?* Ceterum utrum in fine legendum sit: ὑστέρω, ἐγὼ λέγω; an ὕστερ'; ὧ; ἐγὼ λέγω. difficile dictu est. Sed hoc minoris momenti est.

Vs. 362 sqq. ὁποῖαν θέλεις βάξιν εὔρισκ' ἀπόψηκτον.

Vocem ἀπόψηκτον hucusque ignotam non male vertit Huntius: *well groomed, elaborate*, Terzaghius: *ben rifinita*. Significare videtur: *detersus, limatus, perpolitus, concinnus, callidus, catus*. Aliter Wilamowitzius l.l. p. 453, n. 1.

In fine huius disputationis non possum quin profitear, quantum admirationem in lepidissimae fabulae reliquiis pertractandis mihi moverit ingenium egregii viri, qui voluminis a se inventi primam editionem curavit, eorumque quibus in hoc labore perficiendo ei operam navare licuit.

AD DURIDIS FRG. XXXI.

Apud Athenaeum p. 535, f adfertur fragmentum e Duridis Historiis, quo regius cultus Demetrii depingitur: ... αἱ δὲ χλαμύδες αὐτοῦ ἦσαν ὀρφνινον ἔχουσαι τὸ Φέγγος τῆς χροῆς, τὸ δὲ πᾶν ὁ πόλος ἐνύφαντο χρυσοῦς ἀστέρας ἔχων καὶ τὰ δώδεκα ζῳδια. Eadem vestis apud Plutarchum (Vita Demetr. XLI) dicitur εἶκασμα τοῦ κόσμου καὶ τῶν κατ' οὐρανὸν Φαινομένων. Quod ait Duris τὸ δὲ πᾶν Schweighaeusero elliptice dictum videbatur pro ὥστε τὸ πᾶν εἰπεῖν, ut verbo dicam. Herwerdenus (Mnem. 1891, p. 214) coniecit scribendum esse: ἔτι δὲ πᾶς ὁ πόλος ... Kaibelius in editione Athenaei tantum adnotavit verba τὸ δὲ πᾶν sibi suspecta esse. Mihi genuina videntur. Τὸ πᾶν enim Graecis philosophis inde a IV^o a. C. saeculo est *universum*, *mundus*, ὁ κόσμος, ὁ οὐρανός, ὁ πόλος. Quod demonstrare vix opus est. Apponam tamen locos nonnullos e Platone et Aristotele. Plato, Politic. p. 270, b: τὴν τοῦ παντός Φορὰν τοτὲ μὲν ἐφ' ᾧ νῦν κυκλεῖται Φέρεσθαι, τοτὲ δ' ἐπὶ τάναντία. Arist., p. 285, a, 32: σφαιροειδὲς εἶναι τὸ σχῆμα τοῦ παντός. p. 287, a, 11 sq.: κύκλῳ περιΦέρεσθαι τὸ πᾶν. p. 296, b, 15 sq.: συμβέβηκε δὲ ταὐτὸ μέσον εἶναι τῆς γῆς καὶ τοῦ παντός. p. 212, b, 17 sq.: ὁ γὰρ οὐρανός τὸ πᾶν ἴσως. Cf. etiam Diog. Laert. VII, 143: τὸ δὲ πᾶν λέγεται, ὡς Φησιν Ἀπολλόδωρος, ὅ τε κόσμος καὶ καθ' ἕτερον τρόπον τὸ ἐκ τοῦ κόσμου καὶ τοῦ ἔξωθεν κενοῦ σύστημα. Iam apparet verba ὁ πόλος ad praecedentia τὸ πᾶν illustranda adiecta perperam in ipsum textum irrepsisse. Scripserat Theophrasti discipulus: τὸ δὲ πᾶν ἐνύφαντο χρυσοῦς ἀστέρας ἔχων καὶ τὰ δώδεκα ζῳδια.

G. V.

OBSERVATIUNCULAE DE IURE ROMANO.

SCRIPSIT

J. C. NABER S. A. FIL.

(Continuantur ex vol. XLI pag. 446).



CV.

DE IUDICIIS IN REM DUPLICIBUS.

Pars tertia.

Nunc de praediorum iure Saxonico videamus eo, quod a duodecimo obtinuit saeculo. Et constat iure Saxonico praedii possessorem possessionis suae causam dicere ¹⁾, deinde, si emptionem dicat, necdum diutina possessione tutus sit ²⁾, auctorem sistere debere ³⁾, sin praescripserit, quasi iam sui warandum ⁴⁾ nullo auctore indigere ⁵⁾,

1) *Richtst. Ldr.* 26 § 4 (Laband, *Vermögensr. Klagen* p. 176/7; Planck, *Gerichtsverf.* I p. 504; Heusler, *Gewere* p. 227); *Magdeb. Schöffenspr.* III B 42 (I p. 488) („so mus er vorbas sagen, von welchen sachen das (der hoff) gym wordin sy”).

2) Triplex est iure Saxonico praescriptio: immemorialis (e. g. Wassersch., *Sammlung* (I pag. 431/2) V 86), tricennalis (Laband, op. cit. p. 372-374; Planck, op. cit. I p. 636-641; Heusler, *Gewere* p. 251; id. *Institut.* II p. 105); annalis. Cis Rhenum quoque duodecimo saeculo invenitur quum tricennalis praescriptio (Heusler, *Gewere* p. 341), tum annalis (id., ibid. p. 341/2; Kohler, *Pfandr. Forsch.* p. 24 not. 2).

3) *Richtst. Ldr.* 25 § 2 (Planck, op. cit. I p. 528 (§ 63); Laband, op. cit. p. 261).

4) Susat. iustit. (Gengler, *Stadtrechte* p. 443) § 34.

5) Laband, op. cit. p. 330; Planck, op. cit. I p. 665; Heusler, *Gewere* p. 249; Bruna, *Recht des Besitzes* (1848) p. 319¹. Regula interdum fallit (Planck, op. cit. I p. 667; Laband, op. cit. p. 335), quin secundum aliquem asinum, ut Longobardice loquar, semper (apud Wassersch., *Sammlung* (I pag. 16) I 122).

sed iureiurando ¹⁾ rem obtinere posse ²⁾. Qui hereditario iure se defendit, cui de ipsa hereditate quaestio non moveatur ³⁾, ei perinde ut apud Francos auctoris datio remittitur ⁴⁾, modo iuret cum sex testibus hereditatem suam, id est, proprietatem testatoris sui ⁵⁾. Ceterum in eius quoque terrae litium monumentis raro ⁶⁾ auctor praeterquam beneficii ⁷⁾ sistitur, multoque saepius instrumentum comparationis ⁸⁾ apud iudicem ostenditur ⁹⁾ aut ¹⁰⁾ sistuntur testes ¹¹⁾, qui negotio interfuerint ¹²⁾. Quo evanescit

1) Iurare debet, qui annali praescriptione se defendit (Heusler, *Gewere* (§ 17) p. 237). Cur debeat, quaerunt Planck, op. cit. I p. 663; Heusler, *Institut.* II p. 107/8.

2) Cf. Laband, op. cit. p. 346/7; Planck, op. cit. I p. 661-665; Heusler, *Institut.* II p. 107.

3) Ipsa hereditatis controversia suam legem habet (cf. *Richtst. Ldr.* 19 § 1; 23 § 1, § 6, § 7; 24; Laband, *Klagen* p. 353-382; Krom, *oudned. erfhuysrecht*, Diss. Leid. 1878 p. 96/7; Brunner, *Entst. der Schwurgerichte* p. 376/9, et ex iure Longobardico Roth. 153 cum form. (1) et Expos. (§ 10); Roth. 164; Bethmann-Hollweg IV p. 62 (post notam 5); V p. 358).

4) gl. *Ssp.* II 43 § 2 (Laband, op. cit. p. 284; Planck, op. cit. p. 525).

5) Wassersch., *Samml.* II 219 (I pag. 110); IV 104a (I pag. 246/7); Laband, op. cit. p. 178/9; Planck, op. cit. I p. 525²⁴; *Magdeb. Schöffenspr.* III B 14 (I p. 449 = Wassersch. V 9); III B 19 (I pag. 453 = Wassersch. IV 104a). — De rebus mobilibus cf. Planck, op. cit. I p. 703/4, 712, 717/8; Laband, op. cit. p. 141/3.

6) In Cod. diplom. Brandenb. (Gercken) IV no. 247 (anni 1347) possessor modo pignoris (§ 1, § 7) modo beneficii auctorem sistere iubetur. Apud Wigand, *Denkw. Beitr.* (1858) VI 1 § 23 offerunt possessores instrumentum et auctorem, iubentur auctorem sistere. Cf. praeterea Wassersch. IV 191 (I pag. 343).

7) Wassersch. IV 87 (I pag. 240); IV 173 (I pag. 321); V 17 (I pag. 370); V 34 (p. 386/7); V 87-89 (I pag. 432-434); *Magdeb. Schöffenspr.* passim (cf. Planck, op. cit. I p. 593). Plerumque tamen etiam testes dantur, veluti Wassersch. IV 59; 118; 163; 168; 169; 176; 179; 186; 196; V 23; 26; *Magdeb. Schöffenspr.* III B 55 (I p. 498) (cf. *Blume d. Magdeb. R.* I 90 = *Richtst. Ldr.* pag. 346/7).

8) Publicum („*Schöppenbrief*“) requiritur, quatenus translatio iudicem exposcit.

9) Cf. e. g. Wassersch. II 62 (I pag. 87); II 224 (I pag. 112); *Goslar. Rechtsrk.* 4 (Bruns, *Beitr.* (1799) p. 181); *Magd. Fr.* I 3 d. 18, 19; I 4 d. 5. Sero hoc receptum esse docet Planck, op. cit. II p. 193, 196-199.

10) Prorsus est singulare, quod *Schleswig-Holst. Urkundensamml.* II no. 409 (Laband, *Klagen* p. 273) instrumentum proferenti datur potestas per testes probandi.

11) Ex infinita copia cf. e. g. *Magdeb. Schöffenspr.* III B 42 (I pag. 488): „*spricht er denne (der hoff) were ym gegeben daz muste er mit gezeugnisse bewisen*“. — Quatenus translatio iudicem exposcit, eatenus privati testes repelluntur. Cf. Laband, *Klagen* p. 254³.

12) Hoc manifestum est de testimonio iudicis et scabinorum. Ceterum eodem modo intelligo ius civile Monasteriense § 41 (Gengler, *Stadtrechte* p. 306 = Laband, *Klagen* p. 202 = Planck, *Gerichtsverf.* I p. 573) et *Schlesw.-Holst. Urkundensamml.* II no. 409 (Laband, *Klagen* p. 273) de probatione duobus civibus.

omnis difficultas circa eum, cuius auctor in orco est ¹⁾, et eum, qui ab ipso petitore se emisse contendit ²⁾, sed oritur circa eum, qui èt instrumentum velut incendio perdidit èt ipsorum morte testimonio fraudatus est ³⁾. Quod vero diximus: emptori necessariam esse auctoris praesentiam, solere tamen instrumento vel testibus rem expediri, valde id quidem conturbavit iuris Saxonici interpretes, sed aliter alius nodum solvit. Docet interpolator speculi Saxonici ⁴⁾ tamdiu esse auctorem sistendum, quamdiu praedium non sit per iudicem ad novum dominum translatum ⁵⁾ („*he sal ine in der gewere vorstan, dewile* ⁶⁾ *he't ime nicht upgelaten ne hevel*”), ea nimirum ratione, quod sit alioquin aut publici instrumenti copia aut futurus testis iudex cum scabinis, sed ‘alibi’ ⁷⁾: auctore opus esse, donec praescriptum sit, quod cum ceteris testimoniis ⁸⁾ congruit ⁹⁾. Quocirca superioris sententiae neque ratio habenda est neque est habita a novis interpretibus. Sed credit Laband ¹⁰⁾, tunc sistendum esse auctorem, quum non sit contentus reus actoris ius denegavisse („*wenn*” *der Verklagte . . . nicht auf einfaches Bestreiten der . . . Aktivlegimitation sich beschränk(t)*”), quasi vero liceat reo nuda denegatione adversus in rem actionem se defendere ¹¹⁾. Ex diverso Planck ¹²⁾, tunc non sistendum esse auctorem indicat, quum appareat, quo modo refragetur defensio petitioni („*falls sich der Zusammenhang der vom Beklagten behaupteten Berechtigung mit dem vom Kläger erhobenen Anspruch klar übersehen . . . lässt*”), quasi vero praesentia auctoris effectura sit, ut id magis appareat. Videant igitur, an hic quoque conveniat solutio, quam in causa Onetoris

1) Cf. Planck, op. cit. I p. 547/8 (atque de rebus mobilibus: p. 715 lin. 5-8).

2) Cf. Planck, op. cit. I p. 544; Laband, *Klagen* p. 254³ (atque de rebus mobilibus: Planck I p. 713/4).

3) Cf. Planck, op. cit. II p. 164 lin. 7 sqq. atque Dipl. Conr. II no. 58.

4) I 9 § 5.

5) Cf. Planck, op. cit. I p. 543⁴.

6) Interpretatur Laband, *Klagen* p. 306, acsi scriptum esset *ok dewile* („*auch schon vor(her)*”).

7) II 42 § 2; III 83 § 2.

8) Maxime cum Susat. iustit. § 34 (Gengler, *Stadtrechte* p. 443).

9) Congruit etiam *Ssp.* III 83 § 3 io. I 29. Cf. Planck, op. cit. I p. 636 sqq.

10) Op. cit. p. 261 (ia. p. 282/3).

11) Non licere supra demonstravimus, sed debere semper possessorem causam dicere.

12) Op. cit. I p. 545.

commendavimus: si postuletur, auctorem sisti oportere, alioquin instrumento vel testibus munitum esse possessorem. Sicut autem rei mobilis auctor ad suum auctorem ducere cogitur, donec ad eum perveniatur, apud quem nata sit ¹⁾, ita praedii auctor auctorem rursus sistet ²⁾, donec ³⁾ ad eum perveniatur, cui *defensio* ⁴⁾ *detur* ⁵⁾, id est, qui aut praescriptione tutus sit, cuive propterea auctoris datio remittatur, quod hereditario iure se defendat, quive a petitore ad feudum investitum se dicat. Etenim huic quoque defensio datur ⁶⁾ eadem, ni fallor, ratione, quam propter in possessione probanda is, qui se dicit fidelem, domino praeferitur ⁷⁾. Est autem iure Saxonico *defensio* sive possidentis commodum eius scilicet, cui remittatur auctoris datio vel tituli probatio — non, quod putat Planck ⁸⁾: eius, cuius titulus non impugnetur, in tali enim specie nulla defensio requiritur ⁹⁾, quodve putant Laband ¹⁰⁾, Heusler ¹¹⁾: eius, cuius simpliciter ¹²⁾ titulus impugnetur; est enim omnimodo a reo disceptatio incipienda ¹³⁾, quocirca, quatenus titulum impugnare liceat, ante

1) Plura dabit Laband, *Klagen* p. 128 136.

2) Laband, op. cit. p. 286^s.

3) Putat Laband (op. cit. p. 286) auctorum auctores sistendos esse, „bis derjenige dem Klüger gegenübersteht, der durch seine Veräußerung das Recht des Klügers verletzt hat“ (cf. I. Rip. 72 § 1). Quasi vero futurum sit, ut litigetur, si constat, actoris iura esse violata. Substituit idem p. 288 „diejenige Person, von welcher sich die Rechte des Klügers und des Verklagten, wie aus einem Kreuzungspunkte ableiten“. Quasi vero talis persona utique sit.

4) Wassersch. IV 39a (I pag. 171) (eodem sensu): „der Eid“.

5) Cf. I Feud. 4 pr. (= Compil. ant. I 6 § 1).

6) Planck, *Gerichtsverf.* I p. 577. 1 (cf. ibid. p. 531 atque Heusler, *Gewere* p. 231. 1).

7) Cf. Laband, op. cit. p. 206; Planck, op. cit. I p. 611; Heusler, *Gewere* p. 262.

8) Op. cit. I p. 575 ima: „wenn Klüger kein besseres Recht behauptet hat als der Beklagte“.

9) Laband, op. cit. p. 178: „wer sich selbst keinen Anspruch auf den Besitz zuschreibt, hat auch nicht die Befugnis den Besitzer zur Nachweisung seines (= dessen) Rechtes zu nöthigen“. Interesse quidem putat Planck, l.l. (not. 22), utrum quis nihil iuris sibi vindicet an non satis („kein besseres Recht als der Beklagte“).

10) Op. cit. p. 181 (cf. p. 178).

11) *Gewere* p. 75/6, 86/7, 151, 228, 234. Cf. *Institut.* II p. 24: „lässt sich der Klüger auf die Bestreitung des Rechts des beklagten Autors nicht ein, so erhält der Beklagte das Recht etc.“.

12) Id est, mera negatione.

13) Planck, op. cit. I p. 688: „das deutsche Recht von der Vertheidigung ausgehend etc.“.

omnia de titulo constare debet vel probatione vel actoris confessione — est igitur defensio eius, cui remittatur auctoris datio vel tituli probatio: posse quem testibus datis, qui sciant eius, rem retinere; dandi sunt autem testes, sicut in re mobili duo, ita in re immobili sex numero ¹⁾. Quodnisi potest possessor vel eius auctor duobus testibus probare rem apud se natam esse, vel sex testibus ²⁾ aut feudum suum, quum petito rem dominum agnoscat, aut diutinam possessionem ³⁾ aut hereditariam acquisitionem ⁴⁾, totidem testibus petitor rem evincet. Quamquam in praediorum vindicationibus — de mobilium rerum vindicationibus supra comprehendimus — parum constare videtur, sitne post auctoris defectionem adhuc probatio a petitore exigenda ⁵⁾. Ceterum non utique sufficit eum auctorem habuisse, qui praescriptione tutus sit quive hereditario iure se defendat; potest enim a quocumque res evinci, cuius auctori ius non fuerit petitore invito rem alienandi ⁶⁾, eaque ipsa est in litium monumentis frequentissima vindicationis causa ⁷⁾. Convenit, quod de Onetore diximus, et potuimus idem de ceterorum iuribus observare ⁸⁾, nisi Saxonico hoc plus est, quod etiam ab ipso auctore, qui non iure abalienaverit, res vindicari potest, quasi ius

1) Planck, op. cit. II p. 134, 136; Laband, op. cit. p. 178/9. Exstat tamen sententia (Wilms, Additam. 78), ut de proprietate terrae tertia manu iuretur. Nam Wasserschl. V 9 (*selpvirde*) corrigitur per *Magdeb. Schöffenspr.* III B 14 (I pag. 449).

2) Quantum valent sex testes, tantumdem valere videtur *die Kuntscap* (cf. Laband, op. cit. p. 179 lin. 13, p. 220²⁰ p. 225²⁰; Planck, op. cit. II p. 66).

3) Laband, op. cit. p. 340-342; Planck, op. cit. I p. 656 (*„nach der älteren . . . Auffassung“*). De praescriptione tricennali cf. Laband, op. cit. p. 220²⁰; de immemoriali: Wasserschl. V 86 (I p. 431/2).

4) Planck, op. cit. p. 525¹⁰; cf. Laband, op. cit. p. 178-181. — In annua praescriptione hoc amplius requiritur, ut proprietatem vel feudum suum esse possessor iuret (Laband, op. cit. p. 346/7; Planck, op. cit. I p. 661).

5) Laband, op. cit. p. 285 (cf. quoque Goeschen, *die Goslar. Statuten* p. 503 not. 4). — Nulla de causa censet Planck, op. cit. I p. 547 (sed cf. ibid. p. 556[a]), exigendam esse hic probationem minus plenam, quam appellat alibi (I p. 503, 504, 599, 740) *„Legitimationsbeweis“*.

6) *Richtst. Ldr.* 25 § 2 (*oftu mit rechte icht mulest wedder vorderen, dat an dime egen mit unrechte vorgeven si, up den, dem it gegeven is. Dat vintme*); Laband, op. cit. p. 259-297; Planck, op. cit. I p. 557(b).

7) Laband, op. cit. I p. 279 (§ 35): *„bei der Klage des mittelalterlichen Rechts . . . handelt (es) sich meistens . . . um die Befugniß des Auktors“*. Cf. *Richtst. Ldr.* 22.

8) Cf. Hübner, *Immobiliarproz.* p. 121, 125 (et Heusler, *Gewere* p. 76).

suum perdiderit ¹⁾. Apparet autem auctoris dationem inventam esse actoris adiuvandi gratia prorsus eodem modo, atque est inventum huius adiuvandi gratia, ut calumpniam is abiuret cum testibus, atque sic adversario difficiliorem efficiat defensionem ²⁾. Nam simplex *wideredus* hoc tantum efficit, ut ad respondendum vel certe iurandum ³⁾ adversarius teneatur ⁴⁾. Videtur autem actor, quum vindicat, adiuvandus aut ideo, ne cogatur ipse probare proprietatem, apud quos probandi onus incumbit actori, aut ideo ne reus abutatur probationis iure, ubi probatio vel potius abiuratio reo permittitur. Est enim aliud probare aliud iurare ⁵⁾, quocirca libri Papiensis expositor, licet ab actore praestandum significet ⁶⁾ iusiurandum, *quod ipse caballus suus proprius est*, tamen vindicari notat ⁷⁾ *contra legem positam in quarto Institutionum libro . . . , quia illic legitur: „commodum autem possidendi in eo est, quod, etiamsi eius res non sit, qui possidet, si modo actor non potuerit probare rem suam esse, remanet suo loco possessio”* ⁸⁾. Itaque, apud quos ius est, ut reus omnimodo iureiurando se absolvat ⁹⁾, melius rectiusque dicetur probationem

1) *Richtst. Ldr.* 25 § 3 (Planck, op. cit. I p. 540); *Ssp.* I 52 § 1 (Planck I p. 515). Eodem iure nititur *Richtst. Ldr.* 25 § 4 (vv. *und lite se it*), quacum convenit *Magd. Schöffenspr.* III B 37 (I pag. 480 ia. 478); *Wassersch.* I 403 (I p. 49).

2) Brunner, *Rechtsgesch.* II p. 345: „mit Helfern geschworen, hatte der Voreid die Wirkung, den Beklagten zu einem schwierigeren Beweise . . . zu zwingen”. Cf. l. Rip. 67 § 5 (Brunner, l.l. not. 20); Capit. 156 § 2 (Brunner, op. cit. II p. 381 not. 27).

3) Cf. Loening, *Reinigungseid* (1880) p. 302-308; van Kuyk, *Diss. cit.* Leid. 1908 p. 162.

4) Non bene convenit lex Saxon. 39 (cf. 63), si est intelligendus *wideredus*, quod videtur Henrico Brunner, *Rechtsgesch.* II p. 514 not. 15. Ex diverso optime convenit *GU* 370 (ia. 379). Cf. Loening, op. cit. p. 105 not. 16.

5) L. 11 § 3, l. 12 D. 12. 2; Pap. Specim. Wesselyi (1900) 6 lin. 9; (13) 29 lin. 16 (*Archiv f. Papyrusf.* II p. 145 not 2): ὕρκος ἢ ἐπιδείξις. Quod videtur contrarium l. 35 pr. D. 12. 2, causa est Tribonianus, qui addidit *omnibus probationibus aliis deficientibus* (Steph. sch. 1 ad Bas. 22. 5. 35: τοῦτο σήμερον προσετέθη). Add. Petrus, *Except.* IV 41: *sacramentum non est probatio*; Schroeder, *Rechtsgesch.* (1907) § 37 not. 29 (pag. 374): „der Gegensatz zw. probatio und iusiurandum be- gegnet auch II Feud. 2 § 1”.

6) (§ 5, § 7) Roth. 232.

7) (§ 7) Roth. 232.

8) Addit ipse: *et usus est, qui contra hanc legem est, non teneri debet*, et item formularum auctor (post ipsas ad Roth. 232 formulas): *esse (debet) ut legitur in Romana lege*.

9) Cf. e. g. *Ssp.* I 18 § 2: *svat so de man vor gericht nicht ne dut, svo wetenlik it si, dat he des mit siner unscult entgeit*; Roth. 365: . . . si pro quacumque

actori denegari quam dari reo. Videamus nos, sitne verum, quod plerique docent, verbis potius quam re dissentiente Richardo Loening ¹⁾, etiam re dissentiente Declareuil ²⁾: apud Germanos probationem actori denegari reo dari ³⁾. Excipiendi utique sunt Visigothi ⁴⁾, sed videri possunt a Romanis mutuati, sicut libri Papiensis glossator ⁵⁾, a Visigothis habere Bajuvari ⁶⁾, incertum unde, Alamanni ⁷⁾. Est praeterea vetus dubitatio de Francis Salicis, utrum probationem actori dederint denegaverintve. Et putat quidem Brunner ⁸⁾, nihilosecius quam ceteros Germanos etiam Francos Salicos probationem actori regulariter denegavisse, nec movetur formula „*si quis fecerit et ei fuerit approbatum*“, quippe quae valde sit ambigua ⁹⁾. Sed iudicaverunt sub Ludovico

causa homo pulsatus fuerit liceat ei se idoniare, id est, (quod paulo infra lex habet) *per sacramentum negare*. In quibus speciebus reo permittitur ad duellum ultro provocare, addendum est, quod addit Expos. (§ 3): *aut per pugnam*. Cf. Liutpr., Hist. Ottonis c. 7 (*non iuramento, non duello, satisfactionem papa recipere voluit*). Paulo fusius egimus, ne quem deciperet Loening, *Reinigungseid* (1880) p. 122¹².

1) *Reinigungseid* (1880) passim (cf. Brunner, *Rechtsgesch.* II p. 373 not. 18). Concedit hic exceptis rebus manifestis („*handhafte That*“), in quibus proprium ius versari nemo ambigit, adversarii iursiurando stari solere (p. 279/81). In eo tantum discrepat, quod in rebus nec manifestis ipse docet deficere (p. 264: „*in Folge der immerhin sehr eingeschränkten klägerischen Beweismittel*“), ceteri denegari probationem (p. 281 not. 11). Quem et re dissentire et sequendum putat van Kuyk, Diss. Leid. cit. 1908 p. 25/7 (sub exceptione legis et iuris Frisionum).

2) *Nouv. rev. histor.* XXII (1898) p. 230: „*c'est la force qui décide qui prouvera*“.

3) Brunner, *Rechtsgesch.* II p. 370: „*die Beweisrolle fällt im Allgemeinen dem Beklagten zu*“ (p. 373: „*(dieses) beruht darauf, dass man bei ihm die bessere Wissenschaft voraussetzen durfte*“). Longe aliter rem explicant Bethmann-Hollweg, *Civilprozess* IV p. 28/9; Siegel, *Gerichtsverf.* I p. 169/70). De re cf. etiam Magd. *Schöffenspr.* III A 18 (I p. 378): „*Das frauen Ilsen, dy ein clegeryn ist in desser Sachen, dy bewysunge nicht gebort zu thun*“.

4) L. Visigoth. Recesw. II 2 § 5: *quotiens causa auditur, si per probationem rei veritas investigar(i) nequiverit, tunc ille, qui pulsatur, sacramentis se expiet etc.* Cf. form. Visigoth. 40. Hoc sacramentum descendere ex iure Romano (c. 3, c. 9 C. 4. 1) persuasum est Expositori (§ 4 priore) Roth. 359.

5) ad Roth. 365: *de illis causis, pro quibus non scribitur ut se purificet appellatus, primum interrogetur appellator, si potest probare etc.*

6) L. Bajuvar. IX 17 (= L. Visigoth. II 1 § 21).

7) L. Alamann. 42 § 1 (42).

8) *Rechtsgesch.* II p. 370/1: „*von der Vertheilung der Beweisrolle, wie sie die meisten deutschen Volksrechte erkennen lassen, macht die lex Salica keine grundsätzliche Ausnahme*“.

9) Ibid. (p. 371): „*die mehrdeutige Formel: si quis fecerit etc. soll nicht etwa eine Beweispflicht des Klägers aus(spre)chen*“. Consentit hactenus Declareuil,

Pio Salici scabini ¹⁾: *ut omnis, qui alteri aliquid quaerit, licentiam habeat prius* ²⁾ *sua testimonia producere contra eum, quae res negotium facit quidem Henrico Brunner* ³⁾, attamen expedit sese, dum dicit: quum permiserit Ludovicus Pius ⁴⁾ data testimonia contrariis testimoniis refellere, nihil ultra iudicatum a scabinis, quam ut contraria testimonia, si velit actor, *prius* dentur quam directa ⁵⁾. At ne sic quidem facere potest, quominus identidem concedat ⁶⁾, lege Salica probationem saepius actori permitti quam ceterorum populorum legibus, quod semel (p. 395) acceptum refert exemplis peregrinis („*fremdrechtlliche(n) Einfüsse(n)*”), nec exprimit, a quibus peregrinis Salici mutuati sint; Tardif Romanos appellat ⁷⁾ placiturus, quem non laudat, Agathiae ⁸⁾. Datur quoque actori probatio non generaliter quidem attamen praedium vindicanti vetere lege Saxonica ⁹⁾: *qui terram suam occupatam ab altero dixerit, adhibitis idoneis testibus probet eam suam fuisse* ¹⁰⁾, qua cum lege conferri debet capitulare ¹¹⁾ de eo, *qui ali(c)ui per testes exinde quale(m)cumque rem tollere* ¹²⁾ *voluerit, iubetur enim per quinque vel septem testimonia dic(ere) et sic toll(ere)*. Non ad rem pertinet ¹³⁾ legis Alemannicae

Nouv. rev. histor. XXII (1898) p. 239/40. In contrarium sensum argumentatus erat Bethmann-Hollweg, *Civilproz.* IV 502-504 (add. V p. 65 not. 31).

1) Capit. 142 (= l. Salic. capitul. VII) § 12 (Bethmann-Hollweg, op. cit. V p. 134 not. 41: „*wahrscheinlich ein Ueberbleibsel des altsächsischen Beweisrechts*”).

2) Id est, ni fallor, priusquam respondeat adversarius (Brunner, *Schwurgerichte* (1872) p. 68 ima: „*noch ehe der Beklagte geantwortet*”). Cf. l. Sal. extrav. B 12 (quod si quis mallat alium et ille dicit (= dixit) „*de torto dicis*”, non potest postea ad testes redire”).

3) *Schwurgerichte* (1872) p. 69 = *Forschungen* (1894) p. 122 not. 6.

4) Dictum est supra.

5) „*Durch (das) Weisthum von 819 wurde das Recht des Klägers, die Production von Zeugen zu anticipieren, anerkannt*”.

6) *Rechtsgesch.* II p. 372, 373, 394/5.

7) *Sources du droit français. Orig. rom.* (1890) p. 156 sqq. (maxime p. 161-163).

8) I 2: Φράγγοι πολιτεία ὡς πᾶ πολλὰ χρωῖνται Ῥωμαίων καὶ νόμοις ταῖς αὐτοῖς.

9) 63.

10) Apud Henricum Brunner (*Rechtsgesch.* II (1892) § 103, § 119) hanc legem frustra quæsi.

11) 105 § 4.

12) Cf. l. Saxon. 39.

13) Pertinere credit Bethmann-Hollweg, *Civilproz.* IV p. 56¹⁴ (et item van Kuyk, *Diss. cit.* p. 83/5).

tit. II § 1, quia ibi non simpliciter proprietas vindicatur, sed, quae proprietas olim ab ipso adversario parenteve eius ad peti-
torem sit translata. Haud magis ex libro Papiensi Liutpr. 147: *si quis sua auctoritate terram alienam . . . wifaverit*, id est, pro-
prietatis aliquo signo muniverit ¹⁾, *dicendo quod sua debeat esse*,
et postea non potuerit probare, quod sua sit, componat etc. ²⁾, quia
possessorem praecipue spectat, non petiorem ³⁾. Non moveat
denique Liutpr. 89: *si quis res alienas . . . possederit et per*
iudicium exinde convictus et expulsus fuerit; attamen valde
huc pertinent litium documenta haud ita pauca, quibus actori
probatio statim datur ⁴⁾, interdum remittitur ⁵⁾. Nihilominus non
dubito, quin generaliter verum sit, quod scribit Brunner: apud
Germanos probationem, vel potius abiurationem, reo dari, idque

1) Cf. Brunner, *Rechtsgesch.* II (1892) p. 459, 514.

2) Cf. Liutpr. 45; 46 (utrobique deest: *dicendo quod sua debeat esse*).

3) Etenim secundum legem Bajuvariorum (X 18) *wifa propter defensionem ponitur*,
id est, a possessore. Quod observat quidem Brunner, *Rechtsgesch.* II p. 459¹⁴ (im-
prudenti opinor „*Eigenthümer*“ pro „*Besitzer*“ excidit), attamen hic (i. e. Liutpr. 147)
intelligit de petitore (p. 514). Quem sequitur, qui solet, Huebner, *Immobilienproz.*
p. 24/5.

4) Vidit hoc Bethmann-Hollweg, *Civilproz.* IV p. 56¹⁴. Laudat ipse *GU* 31; 35
(decedere debet, quia agit comparator cum auctore suo); 40; 75 (ibid. p. 495 not. 81);
334; 383; 450 (ibid. V p. 134 not. 40); 396; 665 (ibid. p. 138 not. 57), praeterea
Loening, *Reinigungseid* (1880) p. 104/5 inter Salica monumenta *GU* 215 cum 217;
220 cum 226; 369; 379. Concedit Brunner, *Rechtsgesch.* II p. 373, interdum („*in*
bestimmten Fällen“) actori probationem dari, abiurationem reo denegari, quod sic in-
terpretatur Huebner, *Immobilienproz.* p. 172, quasi dixisset: ubicumque actor probare
velit, abiurationem reo denegari. Exempli causa laudat Brunner *GU* 54; 81; 234;
369; 509; 682 (decedere debet, quia agit comparator cum auctore suo); 820; 914;
953. Etiamnunc addi possunt e. g. *GU* 93; 94; 127; 130; 173; 195; 198; 202;
225; 292; 313; 315; 374; 381; 387; 406; 532; 563; 571; 573; 574; 698; 711;
741; 804; 831; 857 (sed cf. 829); 862; 893; 966; 975; 976; 994; 1271; 1507;
1509; 1591 (laudo èt hic èt ubique τὰ πρῶτόν τε) et ex iure Saxonico *Richtst. Ldr.*
26 § 5 io. *Ssp.* II 43 § 2 (sed cf. Laband, *Vermögensr. Kl.* p. 215; Heusler, *Gewere*
p. 267/8; Planck, *Gerichtsverf.* I p. 600 not. 3); Planck, op. cit. I p. 560 (ad *Ssp.*
I 32). Non computo *Goslar. Stat.* p. 25 lin. 25/6 (quia *mit* interpretor *vor*), non
Goslar. Rechtserk. 4 (Bruns, *Beitr.* (1799) p. 181); non Wassersch. II 62 (I pag.
87), quia „*vordern*“ etc. interdum refertur ad possessorem, veluti *Magdeb. Schöffenspr.*
III B 19 (I pag. 452/3).

5) *GU* 802: *si ullam . . . disvestituram quislibet facere temptaverit, non sit ne-*
cesse iam dicto episcopo eiusque successoribus . . . ullam facere probationem (sed . . .
fiat inquisitio).

initio etiam adversus in rem actionem ¹⁾ obtinuerit ²⁾, proinde communi iuri respondeat ius formulae Andecavensis 28: *veniens il(le) interpellabat ill(um), quasi fossa(tum) per terra(m) sua(m) fo(disset). . . . Et taliter (ille) dedit re(s)pons(um), quod in terra sua (ipsius) fossa(tum) fecisset. . . . Visu(m) est, ut manu sua quarta excusare (se) deber(et), quod terra(m) illius malo ordine numquam fo(disset); si hoc facere po(ssi)t, quietus et securus resideat; quod exemplum non est solitarium ³⁾. Proxima sunt, ubi possessori iusiurandum datur rem fuisse avi et genitoris sui ⁴⁾ vel a se triginta annos possessam, quod per Italiam ⁵⁾ frequens est; permittitur enim ibi possidenti hoc iureiurando rem retinere, nisi petitor probet possessionem interruptam, id est, possedissee se *infra hos triginta**

1) De conditione cf. e. g. *Richtsteig Ldr.* 8 § 1; de accusatione Planck, *Gerichts-verf.* I p. 745/6 (post notam 4).

2) Cassiod. Var. III 23 § 3 (*abiurator alieni furtum, non animam, reddat*); l. Alemann. 2 § 1 (vv. *non liceat ei iurare*); capitul. 134 § 2 (*cum coniuratoribus legitimum sacramentum iuret*). Quin adhuc undecimo saeculo testificatur locuples auctor Norbertus in vita Bennonis § 19 (Monum. Germ. Script. XII p. 69) Osnabrugensis regionis communem consuetudinem: *iustitiam suam* (proprietaem utique soli) *iuramento defendere*. — De Graecorum iure dicitur cap. CVI (i. f.).

3) Transalpina tria praeterea dat vel potius dare se putat Heusler, *Gewere* p. 75; decedunt enim duo, id est, form. Andec. 30, quae non habet in rem, sed ex convenientia, actionem, et *GU* 34, quae non habet meram abiurationem. Sed manet tertium (*GU* 365) cum *GU* 138; 227; 370 (ia. 379); 465; 504; 562 (quod debeo Ioanni van Kuyk, Diss. Leid. cit. p. 68; reliqua partim Huebner, *Immobilienproz.* p. 161-170, partim mihi); Wilmans, *Additam.* 78; Tullense (Calmet II prob. p. 344), quod laudat Heusler, *Gewere* p. 341 (sed non dicit ibi praecedere diligentem causae ventilationem), et quae his accedunt Italica, magnam partem Neapolitana (cf. Neumeyer, *gemein-rechtl. Entw.* I (1901) p. 182/4), unum Romanum (*GU* 883) sub Alberico principe, quibus interdum possessori decernitur iusiurandum actore non probante (*GU* 804 (Bethmann-Hollweg, *Civilproz.* V § 115 not. 5); 862; 1271), interdum simpliciter (*GU* 623; 872; 882; 883; 915; 947; 1286; 1439; Cod. dipl. Bar. V 33), interdum post ab ipso testes datos vel pro eo habitam inquisitionem (*GU* 621: *pro amputanda intentione*; *GU* 726: *p(ro) amplior(e) definition(e) secundum legem Romanam*), quum alias soleat Longobardus litigator testium suorum fidem (*quod veritatem dixerunt*) iureiurando confirmare (Bethmann-Hollweg V § 85 not. 31; § 107 not. 21).

4) *GU* 901.

5) Prodest, quod in Longobardicis documentis testes et sacramentales liquido separantur; trans Alpes quia plerumque miscentur (cf. Brunner, *Rechtsgesch.* II p. 378 not. 7), arbitraria quodammodo instituenda fuit divisio, ut abiurationem diceremus, ubi iuratur de proprietate, probationem, ubi tricennalis possessio vel hereditatis successio praetenditur, nisi quis solus iuret (fit *GU* 452).

annos ¹⁾. Pertinet eo privilegium Pisanum anni 1081, quod exscripsit Bethmann-Hollweg ²⁾: *et illum, super quem reclamatio venerit de terra, si querentem (= garantem) habere potuerit vel possessionem per legem iurare voluerit, per pugnam fatigari non sinemus*. Sunt item Saxonica statuta, quibus videatur possessori, qui annum et diem se possedissee contendat, iusiurandum decerni, *nisi testibus infringatur* ³⁾, etsi plerumque iusiurandum decerni intelligendum est ei, qui ante probaverit annuam possessionem ⁴⁾. Iubet denique possidentem lex Ripuaria ⁵⁾ *rem suam cum tribus si(ve) cum septem cum sacrament(i) interpositione sibi evindicare*; condicio enim ⁶⁾: *si (traditionis) testes non potuerit adman(n)ire, ut ei testimonium praebeant*, non est vera conditio ⁷⁾ sed concessio potius. Permittitur possessori, ut rem sibi traditam esse testibus probet potius, quam proprietatem actoris abiuret. Quo casu rem amittet, si pervenerit ad eum possessio ab eo auctore, cui potestas alienandi non fuerit, hac tamen lege, ni fallor, ut *null(a) ei mal(o) ordine vel invasio requiratur* ⁸⁾, id est, ut remittatur ei compositio propter invasionem ⁹⁾. Ergo principaliter defendet se possessor solo interposito iureiurando. Quae res valde turbavit Andream Heusler, quia possidenti videbatur necessitas iniungi dandi auctoris vel certe instrumentum proferendi ¹⁰⁾; itaque extricandi sese gratia repente mutat sententiam

1) Diximus supra. Cf. praeterea GU 866; 929; 994; 1010; 1056; 1077; 1084; 1091; 1190; 1218; 1374; 1422 (pag. 287 et pag. 289).

2) *Civilprozess* V p. 379 not. 35.

3) Laband, *Vermögensr. Kl.* p. 342 = Gengler, *Stadtrechte* p. 307 (de Fribergo cf. Planck, *Gerichtsverf.* I p. 661 not. 15).

4) Laband, *Vermögensr. Kl.* p. 341.

5) 60 § 1 (Bethmann-Hollw., *Civilproz.* IV p. 56 not. 12). Testimonium amoliri aggressus est van Kuyk, Diss. cit. Leid. 1908 p. 76.

6) Occurrit eadem in Capitul. 139 § 1; 215 § 5 (Bethmann-Hollweg, op. cit. V p. 129 not. 18) in re dissimili.

7) Quia nihil intererit, utrum *non potuerit* an noluerit testes admannire. Quin potest quis *si non potuerit* interpretari: si noluerit. Similiter habet Gregorius Turonensis IX 12 (p. 369, 16): *cum nequiret* = cum nollet.

8) Hoc eadem lege (Rip. 59 § 8) exprimitur in eo, qui *cartam per manibus habuerit*.

9) De compositione propter invasionem cf. Brunner, *Rechtsgesch.* II p. 512/3 (cum not. 8); Huebner, *Immobilienproz.* p. 203 sqq.; Ssp. III 43 § 1. — Propter Liatpr. 89 cf. Expos. ibid. § 6 (iis. Roth. 232; 246; 250; 253; 257-260; 263; 341-343) et Bethmann-Hollweg IV p. 387¹⁾.

10) *Gewere* p. 31: „(der Beklagte) muss seinen Besitz rechtfertigen“.

docetque tunc titulum demonstrandum esse, quum ab actore certi vitii titulus arguatur ¹⁾; interim abiurationem competere ²⁾, nec animadvertit, antequam demonstratur, non posse titulum certi vitii argui. Dicendum arbitror: initio quidem abiurationem sufficere visam esse, sed postea introductam auctoris dandi necessitatem ³⁾ ideo, ne reus probationis, id est, abiurationis iure male abuteretur. Quod non ita volumus intellectum, quasi auctoris dandi necessitas ibi tantum utilitatem suam habitura sit, ubi abiuratio reo detur; quin, ubicumque est in lite dominii possessoris causa melior, veluti, quod a petitore vera probatio exigatur, confugiendi occasio est ad auctoris dandi necessitatem, ne scilicet inique prosit possidenti illud possessoris commodum. Plane, quia nihil differre solet possessoris commodum a generali commodo eorum qui defendunt adversus quaecumque actionem ⁴⁾, causa dicenda est, quidni in personalibus actionibus auctoris datio exigatur? Sed facilis est responsio: ideo non fieri, quia ex persona auctoris haud facile quis obligationem recusare potest vel poenam ⁵⁾. Ergo natura fit, ne detur in personalibus actionibus auctor ⁶⁾ neve exigatur. Aliquando tamen, licet raro, etiam in personali actione propter auctorem facti ⁷⁾ impuniti sumus, veluti ⁸⁾, quum quis occiderit iussu regis; est enim lege Ro-

1) Ibid. p. 87: „die Gewere (befreit) vom Nachweis des Titels solange derselbe nicht durch eine erhebliche Thatsache in Zweifel gesetzt ist“.

2) Ibid. p. 75: „(dem) pone rationem gegenüber genügte die einfache Behauptung seines Rechts“. Valde placet sententia Ioanni van Kuyk, Diss. cit. Leid. 1908 p. 95 (cf. p. 94-101, 129-132).

3) Ergo postea potuit abiurari invasio (Brunner, *Rechtsgesch.* II p. 515 not. 17), non potuit proprietas. Quod confunditur formula, quam laudavimus, Andec. 28, quin ipso iure Saxonico (*Richtssteig Ldr.* 26 § 2) molestiam parit, sed liquido discernitur Cavensibus instrumentis (*GU* 943; 999; 1038; 1039; 1040; 1166, maxime vero 1046) aliisque (*GU* 831; 883; 1249; 1446). Cf. praeterea quam laudat (et item *GU* 1038) Brunner: *GU* 362.

4) Savigny, *Recht des Besitzes* (1837) p. 15/6.

5) Loysel, *Instit. coutum.* (ed. 1846) no. 797: „tous délits sont personnels et (= ergo) en crime n'y a point de garant“. Cf. Beaumanoir (ed. 1899/900) nis. 880; 881; 1044; 1045; 1047.

6) Hoc quidem perspexit Heusler, *Institutionen* I p. 392, sed non recte, ut detur auctor in vindicationibus, id natura fieri docet.

7) Diversum est, quum quis furti suspicionem evitat propter *possessionis* auctorem. Qua de re dicitur huius capituli i. f.

8) Est praeterea classicum exemplum apud Nepotem XV (Epam.) 8 § 1.

tharis ¹⁾ homicidii iusta defensio iussu regis occidissee. Quamobrem in hac actione inventum est a Longobardicis iurisconsultis, ut, qui utatur. defensione, *det regem auctorem* ²⁾, quod quibusdam *grave videbatur*, proinde permittebant responderet: „vere interfui sed per legem emendare non debeo”, quod improbat Expositor ³⁾, *quia, si sic concederetur, multi per timorem compositionis se periurarent* ⁴⁾, quapropter rectius apparet, ut cogantur dicere, *quare per legem emendare non debeant*. Eandem causam fuisse dico, cur in vindicationibus aliquando possidenti sit imposita auctoris dandi necessitas. Aliam quaerit Rauch: non potuisse emptorem proprietatem petentis abiurare ⁵⁾, quasi non omni possessori hoc, ubi competit, competat; aliam Hübner: ideo antiquitus omni emptori necessariam fuisse defensionem per auctorem, quod initio non potuerint praedia ullo legitimo modo ad novum dominum transferri ⁶⁾, proinde in iudicio emptorem rem suam esse defendere non potuisse ⁷⁾. Quae Rudolphi sententia vel ideo refellitur, quod mobiles quoque res sine auctore defendi non possunt ⁸⁾, eoque magis, quod a mobilibus auctoris datio coepisse credenda est. Est enim de mobilibus auctoris datio frequens in ipsis barbarorum legibus; de praediis in iisdem nusquam, quum singula capita Ripuariorum ⁹⁾ atque Bajuvariorum ¹⁰⁾

1) 2. — Conferri iubet recte l. Bajuv. II 8 Brunner, *Sitzungsber. (Berlin)* 1901 p. 938.

2) Expos. (§ 1) Roth. 2. Ex iure Saxonico cf. Planck, *Gerichtsverf.* § 56 i. f. (I p. 410), ex veteribus monumentis *GU* 864; 1403, ex novis legibus e. g. *Code pénal* art. 114. 2; 190.

3) Expos. (§ 3) Roth. 2.

4) Longobardorum legibus (Roth. 365) *pro quacumque causa aut culpa lic(e)t (reo) se idoneare secundum legem*.

5) *Spurfolge und Anefang* (1908) p. 92: „der ältesten Beweismittel (*Eid, Orduellen, Zweikampf*) (konnte) sich nur derjenige, dem sie unmittelbar zu Gebote standen, . . . bedienen”.

6) *Immobilienproz.* p. 106/7: „wie schon (p. 2) . . . hervorgehoben wurde, . . . war . . . Uebergang des Eigenthums an Liegenschaften durch Rechtsübertragung unmöglich”.

7) Op. cit. p. 107: „der neue Erwerber konnte nicht selbst das Gut vor Gericht verteidigen”. Perperam addit: „oder einklagen”, quia petitor non cogitur causam petendi dicere (ibid. p. 73 „Substanzierung der Klage war rechtlich nicht erforderlich”).

8) Hoc vidit Schwind, *Gött. gel. Anz.* 1894 p. 437¹ (et item Pflüger, *die legis actio sacramento* (1898) p. 42). Cf. praeterea Rauch, op. cit. p. 91¹.

9) tit. 59 § 6.

10) App. IV.

legis, neque ea valde antiqua, exceperis. Praeterea explicat quidem Hübner, cur, qui emptorem se dicat, auctorem sistere debeat, sed non explicat, quod caput rei est, cur possessorem emisse confiteri se vel omnino titulum possessionis suae dicere oporteat. Quod sic simpliciter ponunt Brunner ¹⁾, Schroeder ²⁾, Sohm ³⁾, explicandum secundum Germanorum in causa probationum iura aliis tradit Amira ⁴⁾, verum Heusler ⁵⁾ ea ratione explicat, quod formula habet „malo ordine detines” perinde acsi non formula iuri, sed ius formulae sit accommodatum ⁶⁾; Bethmann-Hollweg denique ⁷⁾ inde repetit, quod propter rem, quae petitur, ipsa lis rei fiat similis („*der Grund (möchte) auch darin liegen, dass die Sache dem Rechtsstreit einen mehr objektiven Charakter giebt*”), quod mihi quidem, Batavi ingenii homini, videtur sensu cassum. Veram causam adsignavisse mihi videor ⁸⁾.

(Continuabitur).

1) *Rechtsgesch.* II p. 516: „Will der Beklagte das Grundstück behalten, so muss er in der Antwort sein Besitzrecht (i. seinen Besitztitel) geltend machen”.

2) *Rechtsgesch.* (1907) p. 391.

3) *Prozess der lex Salica* (1867) p. 91: „die rein negative Einlassung ist dem Eigenthumsanspruch gegenüber wirkungslos”. Ne sufficit quidem dominum se dicere.

4) *Grundriss* § 66 (adnotat.): „dass dem Beklagten nur motivierte Verneinung gestattet wird, dürfte sich aus den prozessualen Grundsätzen über die Beweismittel erklären”. Probat sententiam Rauch, *Spurfolge und Anfang* p. 117².

5) *Gewere* p. 31: „der Kern der Klage ist: malo ordine detines, und darum findet auch der Beweis seine Normirung auf das Besitzrecht des Beklagten”. Docet idem auctor, *Institutionen* I p. 392, natura fieri, ut in vindicationibus rationem ponat is, unde petitur. Quod refellimus supra.

6) Formulam cum iure mutatam esse docet ipse, *Institutionen* I p. 394/5.

7) *Civilprozess* IV p. 40 (ante notam 1).

8) Dum plagulas corrigo, venit mihi in manus Gillis, *Gewährschaftzug und laudatio auctoris* (1913), qui rem sic explicat (p. 63): „es ist der Sinn und das Motiv des Gewährzuges, den Bruch der Gewere aufzudecken”. Vel sic persto.

AD TIBULLI ELEGIAM LIBRI SECUNDI PRIMAM.

SCRIPSIT

J. J. HARTMAN.



Novimus omnes illud hominis Parisini dictum qui rogatus quo modo miscendum esset absinthium, non 'taetrum' istud at salutiferum Lucretii, sed alterum dulce atque funestum, accurate omnia eius enumeravit elementa, quantum cuiusque esset sumendum diligenter praescripsit, quid primum quid deinde quid postea infundendum poculo enarravit, tum quantum addendum aquae edixit, qua ratione omnia permiscenda docuit, denique in fine totius praecepti haec addidit: „cum vero videris potionem effectam esse perlucidam eoque colore qui a Plinio dicitur *caerulo albidior, viridi pressior* tum eam quantocius cum ipso poculo per fenestram eiice in plateam". Lepide ille simulque prudenter, communi enim hominum prospexit saluti. Sed quis criticum laudabit, qui primum versus aliquis poetae quomodo sit emendandus doceat, deinde eum cum sua vicinia e contextu esse eiiciendum clamet? Perversa atque absurda iure ea ratio videtur, plerumque, nam hoc quidem loco, de quo iam sum acturus, unice veram eam esse mihi pro certo constat. Tota enim disputatio mea proficiscitur a versu illo saepe tentato (58):

dux pecoris hircus auxerat hircus oves.

In quatuor vocabulis *hircus auxerat hircus oves* mire variant codices, solum *auxerat* sat bene testatum esse videtur, in melioribus enim codicibus legitur *hauxerat* et *hauserat*, secundae manus *auxerat* et *duxerat* praebent. Porro aut simpliciter *hircus* est

appellandus aut ornate *dux pecoris*, non *dux pecoris hircus*. Quid mihi velim egregie illustratur versu quodam Plauti, ubi olim vulgo edebatur: „viso quid *servus meus Ulixes* egerit”, nunc probe ab omnibus intelligitur legendum esse, „viso quid rerum *meus Ulixes* egerit”. Ergo pro altero *hircus*, quandoquidem ipsum illud *dux pecoris* in se perfectum absolutumque est, vix potest aliud quidquam reponi nisi epitheton ornans, quod nunc quidem sponte se offert, quia nulla inter se sunt vocabula similia magis quam *hircus* et . . . *hirtus*, illud autem adiectivum, quoniam datur optio, post *auxerat* ponere malumus, si forte pro praecedenti *hircus* reponere possimus adiectivum a consonanti litera incipiens, quod simul nos liberet illo, non vitioso quidem sed tamen rariore *pecoris h.* Tum *dux pecoris oves auxerat* misere languet, et quoniam ex hexametro

Huic *datus* a pleno, memorabile *munus*, ovili
(*huic*: agricolae qui primus choros duxit) luce clarius apparet sermonem esse de *praemio*, confidenter quivis reponat *opes*, cum quo substantivo nunc nullum adiectivum melius iungitur quam quod priscorum hominum *paupertatem* significet. Denique egregie totum versum sic Waardenburgius refinxit:

Dux pecoris curtas auxerat hirtus opes.

Iam parata est potio, nunc totum poculum abeat in malam rem. Octo illud continet versus hosce:

Agricola assiduo primum satiatus aratro

Cantavit certo rustica verba pede,

Et satur arenti primum est modulatus avena

Carmen, ut ornatos diceret ante deos;

Agricola et minio suffusus, Bacche, rubenti

Primus inexperta duxit ab arte choros.

Huic *datus* a pleno, memorabile *munus*, ovili

Dux pecoris curtas auxerat hirtus opes.

Qui quot quamque absurdis laborant vitiis! Quae *qualia* sint paulo accuratius exponere libet.

Peerkampium qui aut legerunt nunquam aut non intellexerunt et sibimet ipsis solidae firmaeque affectant doctrinae famam, eum nescioqua levitate motum omnia proscripsisse clamant quae ipsi parum viderentur venusta. At non ita res se habet. Qui ipse praestantissimus esset poeta Latinus, statim sentiebat quid esset

magistri et quid tironis; qui versus a bono artifice perite essent tornati, qui cum multo labore atque sudore conflati a puerulo. Hoc illud est cur suavissima illa Latinorum versuum pangendorum ars simul tantam habeat utilitatem. Cuius expertem esse nolim quemquam qui antiquis poetis Latinis sit daturus operam. Peerlkampii fieri non possumus omnes, at omnes illi quam simillimi fieri studeamus. Sed persequamur singula:

1 *satiatus aratro*. Meis verbis opus hic non est. Adeantur Heynius Wunderlichiusque, prudenter et acute, ut semper, disputantes.

2 „certo pede”. Ain vero? Quanto melius noto loco Lucretius *extra numeros*.

3 Audi istud *satiatus* ... *satur*!

4 Quemnam sensum vocabula *ut ornatos diceret ante deos* habent? An hunc? „(carmen) quod cantaret dum ornata adstant deorum simulacra”? An: „sed in eo carmine ante omnia deorum habebat rationem, quos pie ornaverat”?

5 Cur vocativus ille *Bacche* inseritur? Ut opinor, sic ‚poetaster’ significare volebat tragoediam e cultu Bacchi natam.

6 *Primus*. Iam bis *primum* habuimus.

7 *A pleno ovili*. Cur a *pleno*? Quid opus voce ista?

8 *memorable munus*. Vide eadem vocabula aptissime posita Ov. Met. XIV, 225 et hunc puerulum deride.

9 *Auxerat*. Haec certe versus huiusce vox *tradita* est, si non tota, utique ultimae eius syllabae. Sed quis plusquamperfectum illud ferat? Nonne dicendum erat quodnam esse *soleret* victoris praemium?

Ohe, iam satis est! Equidem certe, qui iam puer versiculos Latinos fecerim, expertus novi quid nondum robustus poeta committere soleat: dummodo certum pedum expleverit numerum, quibus utcunque id quod in mente habebat enuntiaverit, cetera parum curat: quamvis multa legentium relinquantur explenda et illustranda indulgentiae, quamvis saepe recurrant eadem vel similia vocabula, sibi plaudit ut qui difficillimo labore satis laudabiliter sit perfunctus.

Sed multo gravius quiddam accedit, quod dummodo negligatur nihil tam absurdum est quin concoqui possit et a criticorum temeritate, quae dicitur, defendi. Duo hic afferam exempla

quam maxime insignia. Flavio Iosepho obtrudi locus de Christo, Tacito locus de Christianis a Nerone crudelissime combustis potest, dummodo dissimuletur ¹⁾ utrobique omnia aptissime cohaerere si locus ille eximitur, sed absurdi aliquid, atque adeo quam maxime impii, exstare, si remanet in textu:

Tac. XV, 45 „Interea conferendis pecuniis pervastata Italia, provinciae eversae e. q. s.". *Interea*. Quando? Dum ardebant faces illae vivae? Nam nunc quidem praecedit: „unde . . . miseratio oriebatur, tamquam . . . in saevitiam unius absumerentur". At exime ista omnia: vere Taciteam habebis rerum quae *parabantur* enumerationem: quomodo urbs restituenda esset, quomodo cavendum ne posthac eadem calamitas oriretur, quomodo essent placandi dei quorum delubra perierant nec statim poterant refici. Quam egregie nunc sequitur: *interea* (dum *parabantur* ista omnia) undique conquirebatur pecunia ²⁾.

Et quod de *impietate* dicebam, relege totum Iosephi locum (L. XVIII c. 3), aut ridebis aut indignaberis, postquam de Christo admodum honorifice narratum est (quid autem honorifice? non poterat magis *pie* narrare homo Christianus) sic historicum pergere: „sub idem tempus *alia calamitate* afflicti sunt Iudaei". Exime eiusdem capitis partem de qua nunc agitur: iusto ordine *calamitates* enumerantur.

Nunc ad Tibullum redeo neque hoc dico parum aptum esse elegiae, quae tota sit *de re rustica* et *de amore* (e quibus fere elementis tota Tibulli poesis constare solet) locum de tragoediae origine, ne aut meus mihi Tibullus opponatur, somnians poeta et facile ab alio ad aliud aberrans argumentum, aut „vere doc-

1) Ne cui iusto acerbius hoc *dissimulandi* verbum videatur, de aliqua *fraude* vel *dolo malo* me hic ne cogitare quidem profiteor atque declaro. Sed speciem quandam acerbitalis verbum illud habet. Finge ergo Graecum *μη προσποιεῖσθαι* hic legi, quod sic latine verti solet et quantum quidem ecio debet etiam, cum aliud non sit in promptu.

2) An ipse Tacitus postea inseruit, quemadmodum in Annalibus narrationem de Nerone, Poppaea, Othone *mutavit*, quod nunc etiam apparet e voce *hactenus* qua ad alia Tacitus transit (vide Mnem. vol. 26)? Credere hoc possem, nisi ipsa de Christianis narratio tam multa haberet inepta et absurda, et nisi nunc, in Iosepho et in Tacito, eodem indicio eadem fraus deprehenderetur. Denique cur narrationem de Nerone Poppaea, Othone in Annalibus mutaverit Tacitus intelligimus, causam cur inseruerit illam de Christianis excogitare nullam possumus.

torum" ille qui sine ullo venustatis sensu, nullo amore affectus ipse undique suos sibi „locos" colligat. Sed haec legentium subiicio oculis:

Rura ferunt messes, calidi cum sideris aestu

Deponit flavas annua terra comas.

Rure levis verno flores apis ingerit alveo

Compleat ut dulci sedula melle favos.

Rure puer verno primum de flore coronam

Fecit et antiquis imposuit Laribus.

Rure etiam teneris curam exhibitura puellis

Molle gerit tergo lucida vellus ovis.

Utrum verisimilius ipsum poetam praestantissima sua carmina ineptissimis corrupisse additamentis? Nam caput illud de tra-goediae origine nunc inter quartum et quintum dulcissimorum horum legitur versiculorum. An ludimagistrum vel ludimagistri discipulum suam hic nobis venditare doctrinam?

AD LYSIAE OR. I § 16.

„Εὐφίλητε", ἔφη, „μηδεμιᾷ πολυπραγμοσύνῃ προσεληλυθέναι με νόμιζε πρὸς σε· ὁ γὰρ ἀνὴρ ὁ ὑβρίζων εἰς σέ καὶ τὴν σὴν γυναῖκα ἐχθρὸς ὧν ἡμῖν τυγχάνει.

Nonne emendandum est: ὁ ὑβρίζων εἰς σέ κατὰ τὴν γυναῖκα? Mulier nimirum adultero sponte se tradiderat, ita ut iniuriae, quibus Euphiletus atque uxor eius ab illo affecti sunt, quam diversissimae neque uno tenore memorandae sint. Accedit quod voc. σὴν postea in textum receptum est.

Praepositio κατὰ ab oratore similiter posita est Or. 12 § 20: καὶ οὐδὲ κατὰ τὸ ἐλάχιστον μέρος τῆς οὐσίας ἐλέου παρ' αὐτῶν ἐτυγχάνομεν.

P. H. D.

DE HISTORIA APOLLONII TYRII ¹⁾.

SCRIPSIT

FRANCISCUS GARIN.



I.

Historiam Apollonii Tyrii e graeco in latinum conversam asseruit M. Welserus, qui secundus a. 1595 eam edidit, nec longe aliter senserunt et sentiunt omnes fere viri docti, qui non tantum conversam sed etiam hic atque illic retractatam, quibusdam in partibus auctam, quibusdam in brevius contractam censent ²⁾. Welsero, ne una quidem causa adiecta, oblocutus est M. Hauptius (Opusc. III, 16), quem secuti sunt Ph. Thielmannus ³⁾ et E. Klebsius ⁴⁾. Hic quidem historiam latine saeculo

1) Haec disputatio iam antea in Italia typis impressa est sed non prodiit in publicum. Eam grato animo tunc obtulit auctor — et nunc etiam offert — viro clarissimo Felici Ramorino, litterarum latinarum in Universitate Florentina professori.

2) Praeter ceteros: A. Nicolai, Ueb. Entstehung u. Wesen d. griech. Romane, p. 47, A. Chassang, Hist. du Roman, p. 461; A. Riese, Hist. Apoll., p. xvi; E. Rohde, Griech. Rom., p. 436 sq.; W. Schmid in Pauly-Wissowa Real-Encycl., II, 144; U. Wilcken, Archiv f. Papyrusforsch., I, 258, ib. n. 2; K. Bürger, Studien z. Gesch. d. griech. Rom., II, 21.

3) Ph. Thielmann, Ueber Sprache u. Kritik d. lat. Apollrom., Speier, 1881, demonstrare conatus est verba et verborum consecutiones, quae *ἑλληνίζοντα* Riesius indicaverat, partim vulgaris partim ecclesiasticae latinitatis esse. Sed cfr. Klebsium, o. infr. laud., p. 230. Ex Thielmanni sententia historia latine conscripta fuit a quodam christiano saec. VI.

4) E. Klebs, die Erzählung v. Apollonius aus Tyrus, p. 191 sqq., [cfr. Philol., v. 47 (1883), p. 80]. Klebsii argumenta sumpta sunt: a) e nummis, p. 191, b) ex inscriptionibus, p. 196, c) e moribus, p. 205, d) e lingua, p. 228, e) ex orationis genere, p. 280, f) e locis romanorum scriptorum in historia adumbratis, p. 283.

tertio ineunte conscriptam a studioso quodam veteris religionis auctore sustinuit (o. l., p. 200, 216), saeculis insequentibus magis magisque christianis additamentis auctam (p. 216 sqq.), quinto autem saeculo (p. 227) in eam quae ad nos pervenit formam ab italo fortasse quodam redactam (p. 227, n. 1). Sed argumenta, quibus ad haec omnia comprobanda Klebsius usus est, parvi vel nullius sunt momenti. Necesse enim erat interpretes, cum e graeco in latinum converteret, pro nummis graecis romanos reponeret, in reddendis inscriptionibus pura et latina oratione uteretur. Versus homericos, quibus fabulae graecae repletae sunt, versibus vergilianis eum quantum potuit explicasse, equis mirabitur? ¹⁾ Indicia vero morum romanorum, quae hic atque illic deprehendisse Klebsius sibi visus est, non eius esse generis infra demonstrabo. Nec mediocriter errat, cum adfirmat

1) Klebsius in Plauto, Vergilio, Ovidio, Apuleio voces et sententias quae similes essent historiae Apollonii diligentissime persecutus est, cumque nonnullas invenerit (v. p. 283 e. q. s., 321, 3) eos auctorem historiae imitatum esse sibi persuasit nobisque persuadere conatur. Frustra mehercule! Quis enim credet „O Neptune, rector pelagi” (hist. 21, 12, P; „praedator maris”, β) ex Ovid., Met. I, 331, „nec vir nec femina” (= eunuchus, hist. 66, 7; lectio dubia) ex Ovid., Am. II, 3, 1, „rex ... longam habet manum” (hist. 13, 1, β, om. AP; cfr. frequentissimum illud apud graecos μακράι τυράννων χεῖρες) ex Ovid., Her. XVII, 166, ceteraque similia ex Plauto Apuleiove sumpta esse? Quod si eroticos scriptores graecos eadem subtilitate inquisivisset, similiora invenisset. Ex gr., hist. c. XVIII (p. 35, 8—10), quod ex Apul., Met. X, 2, usurpatum affirmat (p. 288—9), rectius cum Hel. III, 7 comparasset. [Hist.: Interposito brevi temporis spatio, cum non posset puella ulla ratione vulnus amoris tolerare, simulata infirmitate membra prostravit fluxā, et coepit iacere imbecillis in thoro. Rex ut vidit filiam suam subitanam validitudinem incurrisse sollicitus adhibet medicos. Qui venientes temptant venas, tangunt singulas corporis partes, nec omnino inveniunt aegritudinis causas. Hel., p. 85, 29: καταλαμβάνομεν εἰσελθόντες <Χαρίκλειαν> ἐπὶ τῆς εὐνῆς ἀλύουσαν ... καὶ <τῷ πατρὶ> πυνθανομένην τι πεπόνθοι, τῆς κεφαλῆς ἄλγῆμα διοχλεῖν ἔλεγεν (cf. 86, 5: τίς ἡ προσπεσοῦσα τῷ θυγατρὶ μαλακία; 95, 13; 101, 23). Diebus insequentibus ἐπιτείνει ἡ νόσος (100, 21) quam ob rem pater παρακαλεῖ τοὺς εὐδοκίμους τῶν ἱατρῶν (103, 25), καὶ ὁ λόγιος Ἀεστίνοσ ... τῷ καρπῷ τὴν χεῖρα ... ἐπιβαλὼν ἀνακρίνειν ἀπὸ τῆς ἀρτηρίας ἐφκει τὸ πάθος ... οὐκ ὀλίγον τε χρόνον βασανίσας τὴν ἐπίσκεψιν, ἄνω τε καὶ κάτω πολλὰ ἐπιθεωρήσας ... (103, 32). Ceterum detrimenta salutis vultusque amantium vulgo a scriptoribus eroticis commemorantur. Cfr. C. Diltheyum, de Call. Cyd., p. 70. In Apuleium v. J. Dietze, in Philolog. 59, N. S. 13, (1900), p. 136—48]. Brevi praecidam: omnes imitationes, quas Klebsius sibi deprehendisse visus est, praeter duas vergilianas (hist. 33, 15 — 34, 3 = Aen. IV, 1 sq., hist. 29, 8—10 = Aen. II, 3 sq.), vel dubiae sunt (hist. 38, 9—11 ex Ovid., Met. IX, 514?) vel prorsus non sunt.

(p. 296) peregrinationes et exempla pudicitiae egregie servatae, quae sunt membra omnium fabularum graecarum, in historia deesse. Apollonius enim Tyro Antiochiam se confert, redit Tyrum, fuga petit Tarsum, inde Cyrenen, revertitur Tarsum, peragratur quattuordecim annos Aegypti regiones, contendit iterum Tarsum ad recipiendam filiam, ventis propellitur Mytilenas, petit navi Ephesum, Tyrum, Tarsum, Cyrenen! Quibus longinquis in itineribus variis iactatur casibus, naufragium facit. Tharsiae vero pudicitiam in maximum periculum adductam et egregie servatam num quis negabit? Ducitur puella in lupanar: venientes ad se a libidine avertit; ut sibi virginitatem eripiat traditur „villico puellarum”, quem precibus ac misericordia a stupro removet. Quod etiam attinet ad fontes historiae, Klebsium per errores lapsum esse docebimus. Nulla est igitur causa quae nos fabulam Apollonii primitus latine conscriptam fuisse credere cogat, sunt contra multa quae eam graecum quendam auctorem graece scripsisse indicent, in primis arta cognationis vincula cum fabulis eroticis graecorum. Quae persequi iam necesse est.

II.

Fabula Apollonii Tyrii in quattuor partes dividi potest, quarum prima historiam Antiochi continet (c. I—VII), altera priores Apollonii casus (c. VIII—XXVIII), tertia historiam Tharsiae (c. XXIX—XXXVI), quarta ceteros Apollonii casus et conclusionem (c. XXXVII—LI).

a) Quarum in prima¹⁾, quae adsuta potius quam arte co-

1) De hac historiae parte v. quae, fortasse recte, scripsit Rohdus, o. l., p. 145. — Klebsius, o. l., p. 285, verba puellae ab Antiocho patre per vim stupratae, „mortis remedium mihi placet” (p. 4, 3), ex Ovidio sumpta esse sustinet [Met. X, 378: „mors placet”, inquit Myrrha]. Qua fretus ratiuncula (cfr. ex. gr. Xen. Eph. p. 390, 13), historiae partem, quae est de amoribus Antiochi et filiae, e narratione ovidiana amorum Cinyrae et Myrrhae auctorem nostrum imitatum esse concludit, illum ergo e latino non e graeco fonte hausisse (p. 299). O fallax conclusiuncula! Quam maiores et apertae sunt imitationes eroticorum graecorum! Apud quos haud desunt huiusmodi amores: Demaeneten novercam facit Heliodorus, I, 9 sqq., incensam amore Cnemonis privigni; *Ξενοφῶν Κύπριος* scripserat *Κυπριακά*, quae erant *ἐρωτικῶν ὑποθέσεων ἱστορία, περί τε Κινύραν καὶ Μύρραν καὶ Ἀδωνιν* (v. Suidam. s. v. *Ξενοφῶν*); *ἄγριοι καὶ ἔκθεσμοι Βερενίκης ἑρωτες* narrabantur ab Jambl. (v.

niuncta ceteris est, iam occurrunt res, sententiae, loci, verba similia atque in fabulis graecis ¹⁾).

— Sic incipit Hist. Apoll., p. 1, 1 Riese²: In civitate Antiochia rex fuit quidam nomine Antiochus... Is habuit (ex amissa coniuge, cod. β) unam filiam, virginem speciosissimam, in qua nihil rerum natura exerraverat, nisi quod mortalem statuerat.

— Hist. p. 1, 5: Quae dum ad nubilem pervenisset aetatem et species et formositas cresceret, multi eam in matrimonium petebant et cum magna dotis pollicitatione currebant.

— Hist. p. 7, 9: Decollari quidem mereberis, sed habes triginta dierum spatium: recoga tecum (cfr. 86, 1: Triginta dies a lenone te redimam).

— Idem initium, etiam verborum collocatione, in Xen. Eph. I, 1, 1: Ἦν ἐν Ἐφέσῳ ἀνὴρ τῶν τὰ πρῶτα ἐκεῖ δυναμένων, Λυκομήδης ὄνομα. Τούτῳ τῷ Λυκομήδει ἐκ γυναικὸς ἐπιχωρίῳ Θεμιστοῦς γίνεταί παῖς Ἀβροκόμεης, μέγα τι χρῆμα κάλλους... Charit. I, 1, 1: Ἑρμοκράτης... εἶχε θυγατέρα... θαυμαστόν τι χρῆμα παρθένου... ἦν γὰρ τὸ κάλλος οὐκ ἀνθρώπινον ἀλλὰ θεῖον... Cfr. p. 88, 6 et etiam 18, 21; 110, 14; 113, 23.

— Long. III, 25, 1: ... μνηστῆρων πλῆθος ἦν περὶ τὴν Χλόην καὶ πολλοὶ πολλαχόθεν ἐφοίτων παρὰ τὸν Δρύαντα πρὸς γάμον αἰτοῦντες αὐτήν. Καὶ οἱ μὲν τι δῶρον ἔφερον, οἱ δὲ ἐπηγγέλλοντο μεγάλα. Cfr. I, 19, 2³).

— Fragm. Chionis I, 9 (in Archiv. f. Papyrusforsch. I, 255): Ἐχομεν δὲ εἰς σκέψιν χρόνον ἡμερῶν τριάκοντα. Cfr. Charit., p. 90, 30 = 91, 22; 107, 24; Xen. Eph., p. 358, 29; 363, 25. Quibus ex locis apparet hoc tem

Phot., ap. Hercher., Erot., I, 227, 31). V. etiam exempla quae collegit Rohdus, o. l., p. 448, 1.

1) Uetus sum editio R. Hercheri, quae omnes scriptores eroticos graecos continet, praeter Heliodorum, in quo laudando adhibui edit. I. Bekkeri.

2) Falsa falsis cumulavit W. Teuffelius in Mus. Rhenano, XXVII (1872), p. 103 sq. Cfr. W. Meyerum, in Münch. Sitzungsab., philos.-philol. Classe, II (1872), p. 27, et Klebsium, o. l., p. 213 e. q. s.

poris spatium in dilationibus
apud fabulatores graecos fuisse
sollemne.

Hi quoque loci conferendi: Omnes Tyrii lugent Apollonium „non inventum” ¹⁾, hist. c. VII: omnes Syracusani Callirhoen mortuam, Charit. I, 5, 1; Antiochus laetari debet fuga Apollonii aemuli, hist. p. 11, 11: Dionysius morte Chaereae aemuli, Charit. III, 9, 8 sq.; Thaliarchus dispensator est „secretorum Antiochi fidelissimus minister”, hist. p. 8, 5: *πρὸς Λεωνᾶν διοικητὴν οὐδὲν ἀπώρητόν ἐστι Διονυσίῳ*, Charit. p. 33, 12 [cfr. quae de Cybele, cubiculi Arsaces ministra, leguntur apud Heliod. p. 195, 31; 212, 18]; Thaliarchus, intelligens Tyrum „in luctu morari” percontatur causam (hist. p. 11, 2) eodem modo quo Theron, aspiciens Miletī Dionysium *μελανείμενα καὶ σκυθρωπὸν* (Charit. I, 12, 6), simillime utrique respondetur (hist. p. 11, 4, Charit. p. 21, 20).

b) Pars II. — Quod attinet ad tempestatem et naufragium, quae in c. XI—XII describuntur, in fabulis graecis iterum atque iterum similia reperiri satis sit dixisse. Cfr., exempli gratia, Charit. III, 3, 10; Hel. V, 23 et 28; Achil. Tat. III, 1—2 et praesertim fragmentum quod edidit Mahaffyus ²⁾. Apollonium naufragum benigne excipit piscator pauper et grandaevus, cui ipse narrat „tragoediam calamitatis suae”, hist. c. XII: in Xen. Eph., V, 1, 2, *Αἰγιάλεὺς πρεσβύτες, ἄλιεὺς τὴν τέχνην ... πένης ... ὑποδέχεται ἄσμενος τὸν Ἀβροκόμην*, qui αὐτῷ *διηγέσατο τὰ καθ' αὐτόν* ³⁾. Capp. XIII—XVII auctorem nostrum ex Homero expres-

1) Klebsium, qui (o. l., p. 211) in hist. p. 10, 6—7 „imperatoris salutationem” significari opinabatur, refutavit Wilckenius, o. l., p. 258, 2. In hist. p. 10, 8—11 romanus interpres accommodavit romanis quae saepe in fabulis graecis, praesertim apud Charitonem (cfr. ex. gr. p. 11, 13—17; 12, 14; 154, 26), reperimus. — Tarsenses Apollonium, „cuius ope famis periculum vel mortem transcenderunt”, adfirmant se et dixisse et in perpetuum dicturos „regem” et patrem patriae” (p. 111, 2). Klebsius, o. l., p. 212, recogitat de „*parens patriae*” et „*pater patriae*”. Quam parum probabilem duco coniecturam. Cfr. Charit. p. 156, 25, ubi Syracusani in contione, gratias referentes Polycharmo, „*τὴν πατρίδα*” inquirunt „*εὐμεγέτηκας*”.

2) In Rend. Accad. Lincei, Sez. Sc. Mor. Serie V, vol. VI (1897), p. 91, et emendatus J. G. Smyly, in Hermathena, 1900, p. 322.

3) V. etiam Heliod. V, 18 — Hist. p. 23, 8 cfr. cum Xen. Eph. p. 382, 4—5 — Hariolantur Thielmannus, o. l., p. 8, et Riesius, p. xviii, nec opus est cum

sisse manifesto apparet ¹⁾, nec Riesium effugerat (v. praef. p. v, n. 3). — Archistrates ²⁾, Archistratis regis filia, nupta Apollonio, septimo mense cum enixa esset puellam, „secundis sursum redeuntibus coagulato sanguine conclusoque spiritu defunctae repraesentavit effigiem”, hist. p. 46, 3, β: Callirhoe Charitonea, calce a Chaerea percussa, — *εὐστόχως . . . ὁ ποῦς κατὰ τοῦ διαφράγματος ἐνεχθεὶς ἐπέσχε τῆς παιδὸς τὴν ἀναπνοήν* — *ἄφρωνος καὶ ἄπνους ἔκειτο νεκρᾶς εἰκόνα πᾶσι παρέχουσα* (p. 11, 8 e. q. s.). Quod consuetum omnium fabularum graecorum scriptorum est: cfr. praeter ceteros Xen. Eph. III, 7, Ant. Diog., p. 235, 39 Hercher. Illud quoque reperio apud Graecos, quod in capp. XXVI—XXVII scriptum videmus: medici discipulum, cum rogos extrueretur, „cognovisse Archistratem in falsa morte iacere” eamque in vitam revocasse. Cfr. enim Jambl., Babyl. p. 223, 17 Hercher: *... καταλαμβάνουσι κόρην ἐπὶ ταφὴν ἀγομένην . . . καὶ Χαλδαῖος γέρων ἐπιστὰς κωλύει τὴν ταφὴν, ἔμπνουν εἶναι τὴν κόρην ἔτι λέγων· καὶ ἐδείχθη οὕτως*. Similia ap. Philostr., V. Apoll. IV, 45. — Medicus Archistratem, Apollonii uxorem, „in filiam suam sibi adoptat” [cfr. Xen. Eph., p. 380, 8; Hel., p. 141, 29 sq.] et, „ne ab aliquo contingatur, . . . inter sacerdotes Dianae feminas secludit” hist., p. 53, 9: apud Heliodorum Charicles Charicleam, filiam regis Aethiopum, ut suam habet et *ζάκορον τῆς Ἀρτέμιδος* Delphis in templo seclusam tenet (p. 76, 26 sq.); apud

Klebsio, o. l., p. 189, conferre Apul., Met. I, 7. [tragoedia = *τραγωδία*, Xen. Eph. p. 360, 8; cfr. Heliod. p. 6, 25; 198, 17 etc.].

1) Non ex Ovidio, Petronio, Apuleio, ut contendit Klebsius, o. l., p. 207, 284, 288, 302. — Apollonius, ut Ulixes, invitatur ad cenam (hist. p. 26, 11; Odys. η, 166; θ, 469) et locum honorificum obtinet (hist. 27, 4; Odys. η, 169); in hist., p. 31, Apollonius, in Odys., VIII, Demodocus, edit specimen suae divinae artis; Apollonius „effundit lacrimas exponens casus suos” (hist. 29, 6), ut Ulixes (Odys. θ, 86, 92, 531; ι, 12); Apollonius dormit domi Archistratis regis (hist. 33, 12), Alcinoi Ulixes (Odys. η, 334 sq.); Apollonius ludit pila in gymnasio (hist. c. XIII: cfr. Odys. θ, 186 [et 372]), donatur auro, argento, vestibus ab Archistrate rege (hist. c. XVII), ut Ulixes ab Alcinoi (Odys. θ, 386 sq.); Archistratis filia, ut uxor Alcinoi, curat ne quis hospiti dona furetur (hist. 33, 8; Odys. θ, 443). Ex Homero (Odys. ζ, 136; η, 252) etiam „tabula” cuius beneficio Apollonius est „nudus” in litore pulsus, p. 21, 9. Cfr. K. Buergerium, Hermes XXVII (1892), p. 346, 4. — Hist. p. 33, 15—34, 3 procul dubio cento, consutus ex Verg., Aen. IV, 1. Ceterum noctem augere amantium cruciatus communis omnium eroticorum locus; cfr. Diltheyum, o. l., p. 70.

2) Hoc nomen est puellae in codd. fam. B; cfr. Klebsium, o. l., p. 42.

Xenophontem Ephesium Anthia, ut vim Psammidis effugiat, se Isidi a patre dicatam narrat (III, 11, 4).

Comparandae etiam eadem sententiae eisdem verbis expressae: hist. p. 40, 11, „pater carissime”, inquit Archistrates, „... illum volo coniugem et amo ... Apollonium; cui si non me tradideris, a praesenti perdes filiam.”: Charit. I, 1, 8, *Χαιρέας... ἀπετόλμησεν εἰπεῖν πρὸς τοὺς γονεῖς ὅτι ἐρᾷ καὶ οὐ βιάσεται τοῦ Καλλιρόης γάμου μὴ τυχών.* — Hist. p. 46, 11, „Apollonius ... vidit coniugem suam iacentem exanimem, scidit a pectore vestes unguibus ... et ... iactavit se super corpus eius et coepit amarissime flere atque dicere: „cara coniunx, ...”: Xen. Eph. III, 7, 1, *ὁ Περίλαος... ἰδὼν τὴν Ἀνθειαν κειμένην... τὴν ἐσθῆτα περιρρηξάμενος, ἐπιπεσὼν τῷ σώματι, ὧ Φιλτάτῃ μοι κόρη” φησὶν... τοιαῦτα ἐθρήνει;* hist. p. 47, 15, Apollonius „loculum regalibus ornamentis ornat, puellam in loculo composuit ... dedit postremo osculum funeri, effudit super eam lacrimas ...”: Xen. Eph. III, 7, 3, *Perilaus περιβεβλήκει... ἄσασαν <τὴν Ἀνθειαν> καὶ ἡσπάζετο χεῖράς τε καὶ πόδας... ἐκόσμει δὲ αὐτὴν πολλὴν <μὲν> ἐσθῆτα ἐνδύων, πολὺν δὲ περιθεὶς χρυσόν.*

c) Pars III. — Omnia fere, hac in parte, eadem atque in Xenophonte Ephesio.

— Hist. c. XXXI: „Dionysias” — cui Apollonius Tharsiae curam delegaverat ¹⁾ — „cum filia sua nomine Philo-

— Xen. Eph. II, 11, 1: Mantō, ut audivit Moeridem, suum ipsius coniugem, amore Anthiae captum esse, *ἐν ὀργῇ γενομένη...*

1) p. 55, 11: „Puella Tharsia facta quinquennis traditur studiis artium liberalibus”, cfr. p. 53, 14; 74, 3—5. Quod attinet ad litterarum studium, cfr. Xen. Eph. p. 329, 8: *Ἀβροκόμης παιδεῖαν... γὰρ πᾶσαν ἐμελέτα καὶ μουσικὴν ποικίλην ἥσκει.* Apud Heliodorum sapientiae amantem se praebet Cnemon, p. 77, 23; 79, 3; 91, 9 e. q. s.; Calasiris sapiens est et doctissimus, cfr. ex. gr. II, 27 sq., III, 7, 14, 16 etc. Achilles Tatii personae omnes omni genere doctrinarum instructae sunt, nec desinunt de diversissimis rebus disserere atque disputare: cfr. I, 8; 17 e. q. s.; II, 2; 35, 2; III, 6 e. q. s.; 25; V, 5, etc. Daphnis quoque et Chloë, a pastoribus educati, *γράμματα παιδεύονται* apud Longum I, 8, 1. — Quod ad cantum, musicam, saltationem pertinet, satis sit dixisse in omnibus fabulis eroticis graecis maximum his artibus esse honorem, et mentionem earum saepissime reperiri. Apud Ach. Tat. (II, 1; 7, 1) Leucippe, ut in hist. Apoll. Tharsia, vocum et fidium cantus est peritissima. Patet igitur manifesto nullius prorsus esse momenti quae scribit Klebsius, o. l., p. 207—11.

musia et Tharsia puella transibat per publicum... Ut audiuit <cives> laudare Tharsiam <ob pulchritudinem> et suam <ob turpitudinem> vituperare filiam in insaniae furorem conversa est. Et sedens sola coepit cogitare taliter... Et. . nuntiatur ei villicum venisse nomine Theophilum. Quem ad se convocans ait „si cupis habere libertatem cum praemio, tolle Tharsiam de medio”. Villicus ait „quid enim peccavit virgo innocens?” Scelesta mulier ait „... tantum fac quod iubeo. Sin alias, sentias esse contra te iratos dominum et dominam”... Villicus... intuens caelum ait „deus, ego non merui libertatem accipere, nisi per effusionem sanguinis virginis innocentis?”

— Hist. c. XXXIII—XXXV: Tharsia a piratis „venalis in foro proponitur ¹⁾. Et videns eam leno [Leoninus nomine] cupidissimus et locupletissimus, nec vir nec femina, contendere coepit ut eam emeret. ²⁾ (p. 66,

„οὐ χαίρουσά γε” <ἔφη> „Ἄνθεια φανείται καλὴ καὶ Μοίριδι...”
3. Τότε μὲν οὖν τὴν ἡσυχίαν ἤγαγεν· ἀποδημήσαντος δὲ τοῦ Μοίριδος μεταπέμπεται τὸν αἰπόλον καὶ κελεύει λαβόντα τὴν Ἄνθειαν ... ἀποκτεῖναι καὶ τοῦτου μισθὸν αὐτῷ δώσειν ὑπέσχετο. 4. Ὁ δὲ οἰκτεῖρει μὲν τὴν κόρην, δεδοικώς δὲ τὴν Μαντῶ ἔρχεται... 6. Ὁ δὲ αἰπόλος εἰς οἶκτον ἔρχεται ἐνοῶν ὡς ἀνόσιον ἔργον ἐργάζεται κόρην οὐδὲν ἀδικοῦσαν ἀποκτείνων οὕτω καλῇν.

— Xen. Eph. V, 5, 7: Ἡ.. Ἄνθεια κατήχθη μὲν εἰς Τάραντα... ἐνταῦθα δὲ ὁ Κλυτὸς... ἀποδίδοται αὐτὴν πορνοβοσκῷ. 8. Ὁ δὲ ἰδὼν κάλλος οἶον οὕτω πρότερον ἐτεθέατο, μέγα κέρδος ἕξειν τὴν παῖδα ἐνόμιζε... Xen. Eph. V,

1) Quod et Anthia passa est. Xen. Eph. V, 9, 4: Leno προῆγεν Ἄνθ. εἰς τὴν ἀγορὰν καὶ τοῖς ἀνησομένοις ἐπεδείκνυν.

2) Sic scripsi e codd. fam. B; quod profert P procul dubio corruptum. Leno est „nec vir nec femina”, ἐνοῦχος, ob eamque rem in c. XXXV iubet villicum eripere Tharsiae nodum virginitatis, non ipse eripit. Cfr. Klebsium, p. 39 et 286, 3. „Leoninus”, quod nomen fuisse lenoni contendit Klebsius, p. 39, 3, dittographia ortum censeo (codd. fam. B: Ninus, Lenonius, Leoninius, Lenoninus; in cod. P nomen deest).

6-9) "... „Puella... ut audivit” se in domum avari lenonis incurrisse „toto corpore contremuit et prosternens se pedibus eius dixit „miserere mei, domine, succurre virginitati meae! Et rogo te, ne velis hoc corpusculum sub tam turpi *titulo prostituere*” (p. 68, 2-6)”. Sed leno cellam diligenter ornari iussit et „tertia die <Tharsia> antecedente turba ... ducitur ad lupanar (p. 69, 3)”. Tharsia universos casus suos omnibus ad se venientibus exponit cum lacrimis et eos avertit a libidine (c. XXXIV) ¹⁾. Sed leno iratus „eo, quod <Tharsia> virginitatem suam servaret... vocat ad se villicum puellarum et ait ad eum „... Duc Tharsiam ad te et tu eripe nodum virginitatis eius!” Statim eam villicus duxit in suum cubiculum... Tharsia... prostravit se ad pedes eius et ait „miserere mei, domine, subveni captivae regis filiae; ne me velis vio-

5, 6: Anthia orat Clytum ne se lenoni vendat. „Ἄλλ', ὦ δέσποτα,” προσπεσούσα ἔλεγε τοῖς γόνασι τοῦ Κλυτοῦ, „μή με ἐπ' ἐκείνην τὴν τιμωρίαν προαγάγῃς... οὐκ οἶσα πορνοβοσκὸν δεσπότην· σωφρονεῖν, πιστεύουσιν, εἰθίσμεθα.” Xen. Eph. V, 7, 1: Ὁ δὲ πορνοβοσκὸς... χρόνου διελθόντος ἡνᾶγκασεν αὐτὴν (= Ἀνθειαν) οἰκήματος πρεσβῆναι. Καὶ δὴ κοσμήσας καλῇ μὲν ἐσθῇτι πολλῶ δὲ χρυσῷ ἤγεν ὥς προστησομένην τέγους... - 3. Ὡς δὲ ἦλθε καὶ πρέσβη, πληθὺς ἐπέρρει τῶν τεθαυμακώτων τὸ κάλλος, οἳ τε πολλοὶ ἦσαν ἔτοιμοι ἀργύριον κατατίθεσθαι τῆς ἐπιθυμίας. Sed Anthia simulat se morbo comitali corripi et pudicitiam servat. — Xen. Eph. II, 9, 3: Μαντῶ μισοῦσα τὴν Ἀνθειαν „μεταπέμπεται... τὸν αἰπόλον, Λάμπωνα τοῦνομα, καὶ παραδίδωσι τὴν Ἀνθειαν καὶ κελεύει γυναῖκα ἔχειν, καὶ ἐὰν ἀπειθῇ προσέταξε βιάζεσθαι. 4. Καὶ ἡ... γενομένη... ἐν τῷ χωρίῳ ἔνθα ὁ Λάμπων ἔνεμε τὰς αἰγας, προσ-

1) Apud Senec., Controv. I, 2, aliquid simile invenitur. [Quaedam virgo, a piratis capta, venit; emptā a lenone et prostituta est. Omnes ad se venientes exorat stipem et virginitatem servat. Militem, qui ad se venerat, cum exorare non posset, colluctantem et vim inferentem occidit]. Attamen assentire non possum Klebsio — nec quisquam, qui noverit fabulatores graecos, assentiet — qui omnem historiae partem, quae est de Tharsia apud lenonem, e Seneca (atque e comicis romanis) expressam esse contendit (o. l., p. 302 e. q. s.): similia enim apud Xenoph. reperiuntur. De his aliis *σχολικαῖς πλάσμασι* apud Graecos et Romanos, v. Rohdium, o. l., p. 362. [Cum Senec. conferendus Xen. Eph. IV, 5, 5, apud quem Anthia, cum Anchialum piratam a stupro remove non posset, gladio occidit. — Quod attinet ad Xen. V, 7, 4, v. Rohdium, o. l., p. 415, 1 in fine].

lare!" Cumque ei universos casus suos exposuisset, motus <est> misericordia... (p. 73, 1—6, AP; 8—10, β)".

πίπτει τοῖς γόνασιν αὐτοῦ καὶ ἰκετεύει κατοικεῖσθαι καὶ <ἀγνὴν> τηρῆσαι· διηγεῖται δὲ ἦτις ἦν, τὴν προτέραν εὐγένειαν, τὸν ἄνδρα, τὴν αἰχμαλωσίαν· ἀκούσας δὲ ὁ Λάμπων οἰκτεῖρει τὴν κόρην..."

d) Pars IV. — Ne hac quidem in parte desunt similitudines, quas multas in superioribus deprehendimus. Quod permagni est momenti — nam ecquis casui tribuet? ¹⁾ — et auctor historiae et Xenophon Ephesius ad mutuam coniugum agnitionem in extremo operis eodem usi sunt artificio: ille enim Apollonium, hic Habrocomem fecit in templo casus suos exponentem.

Apollonius, amissis coniuge et filia, Tyrum statuit reverti, hist. p. 79, 7: Habrocomes, cum iam nulla sibi sit spes corpus Anthiae inveniendi, Ephesum redire consilium capit, Xen. Eph. V, 6, 2; leno, qui Tharsiam „depresserat", ab omnibus civibus, in forum convocatis, damnatur (hist. c. XLVI), ut Theron pirata, qui Callirhoen rapuerat (Charit. III, 4, 15) ²⁾; in fine historiae (c. LI) piscator, misericordiae suae erga Apollonium (v. c. XII), Hellenicus, amicitiae (v. c. VIII), praemium accipiunt, ut apud Charit. (VIII, 8, 12) Polycharmus benevolentiae et fidei in Chaeream. — Illius quoque rei, quae est in extremo

1) Casui tribuere ne Klebsius quidem ausus est, quin etiam inter duos auctores vinculum cognationis intercessisse concessit: o. l., p. 298. — Hic locus hand mediocri mihi est incitamento ut credam (v. infra) auctorem historiae e Xenophonte, non Xenophontem ex historia, nonnulla deprompsisse. Nam veri sunt similia quae a Xenoph. narrantur. Habrocomes, rediens in patriam solus, Rhodum advenit et templum Solis visit, in quo multis ante annis una cum Anthia donarium deo dedicaverat (v. I, 12, 2). Quod cum aspicit, ingemiscit, et quae passus est suppressa voce commemorat cum lacrimis (V, 10, 8). Apollonius contra Ephesum navigat, ibique in templo Dianae, ante deae simulacrum recitat universos casus suos, somnio tantum ut haec faceret admonitus (c. XLVIII). [Similia apud Achillem Tatium, omnium, qui eum praecesserunt, fabulatorum graecorum imitatore, reperio: VII, 12, 4, ἦν... τῷ Σωστράτῳ νόκτωρ "Ἀρτεμις ἐπιστάσα. τὸ δὲ ὄναρ ἐσήμαινε τὴν θυγατέρα εὐρήσειν ἐν Ἐφέσῳ: cfr. VII, 14, 5. Et Dianae Ephesia sacerdos, cuius deae ad aram puella confugerat, VII, 15, 2: οὐκ ἄλλην τοιαύτην" ἔφη μετὰ τὴν "Ἀρτεμιν εἶδον."]

2) Hanc in contionem „concursum magnus et ingens factus est, et tanta commotio fuit populi, ut nullus omnino domi remaneret, neque vir neque femina" (hist. p. 100, 6—8) = μεστὸν ἦν τὸ θέατρον. Ἐκείνην τὴν ἐκκλησίαν ἤγαγον καὶ γυναῖκες (Charit. III, 4, 4).

c. LI historiae in quaque perperam Klebsius (o. l., p. 40, 208) indicium veterum morum romanorum se invenisse censebat, similem apud Ant. Diog. reperiri monuit Wilckenius (o. l., p. 258, n. 2) ¹⁾. Haec denique comparanda:

— Hist. p. 79, 2: Apollo-
nius ut audivit Tharsiam filiam
mortuam esse „rediit ad na-
vem atque ita suos allocutus
est dicens „proicite me in sub-
sannio navis”. Cf. p. 79, 6;
81, 13; 84, 10; 86, 4.

— Hist. p. 111, 8 (in codd.
fam. B tantum; v. Klebs. p. 40):
Cum Stranguillio et Dionysias
in iudicio Tharsiam mortuam
esse affirmarent, „Apollonius
exclamavit „domina Tharsia,
nata dulcis, si quis tamen apud
inferos sensus est, relinque Tar-
taream domum et genitoris tui
vocem exaudi”. Puella de post
tribunal... processit...”.

— Hist. p. 109, 1 (in codd.
fam. B; in P desunt): Uxor
„rapuit eum (= Apollonium)
in amplexu. Apollonius coniu-

— Charit. p. 53, 7: Χαίρεας..
ἐν κοίτῃ νηὶ ἐγκεκαλυμμένος ἔ-
κλειν. Cfr. p. 142, 26. — Eu-
stath. p. 232, 28: ὁ πολύτλας
ἐγὼ πρὸς τὸν τεῦ σκάφους κατέ-
δυν πυθμένα. Quibus ex locis
falsa esse quae Klebsius (o. l.,
p. 289, 2) adfirmavit, manifesto
apparet.

— Charit. V, 7, 10: Cum
Dionysius adfirmaret Chaeream
mortuum esse, ὁ Μιθριδάτης
Φωνὴν ἐπῆρε καὶ ὥσπερ ἐπὶ θεια-
σμὸν „θεοὶ” Φησὶ „βασιλαιοὶ ἐπου-
ράνιοι τε καὶ ὑποχθόνιοι, βοη-
θήσατε ἀνδρὶ ἀγαθῷ... χρήσατέ
μοι κἂν εἰς τὴν δίκην Χαίρεαν.
Φάνηθι, δαίμον ἀγαθὲ· καλεῖ σε
ἡ σὴ Καλλιρόη...”. 8, 1. Ἔτι δὲ
λέγοντος ... προῆλθε Χαίρεας
αὐτός.

— Hel. p. 187, 3: <ἡ Χα-
ρίκλεια> ἐπ’ αὐτὸν (= τὸν Θεα-
γένην) ἵεται· καὶ περιφύσα τοῦ
αὐχένος ἀπὸριξ εἵχετο καὶ ἐξήρ-

1) Hist. p. 116, 3—5 (in codd. fam. B; in P 3—5 desunt): „Casus suos suorum-
que ipse descripsit et duo volumina fecit: unum Dianae in templo Ephesiorum,
alterum in bibliotheca sua posuit”. Ant. Diog. p. 237, 11: <Δεινίας> προσέταξε...
τῷ Κύμβῃ δῖχα ταῦτα τὰ διαμυθολογηθέντα ἀναγράψασθαι, καὶ θατέραν μὲν τῶν
δέλτων αὐτὸν ἔχειν, τὴν ἑτέραν δέ, καθ’ ὃν ἀποβιώῃ καιρόν, τὴν Δερκυλλίδα πη-
σίον τοῦ τάφου κιβωτίῳ ἐμβαλοῦσαν καταθεῖναι. Et apud Xen. Eph.. V, 15, 2,
Habrocomes et Anthia ἐπὶ τῷ ἱερῷ τῆς Ἀρτέμιδος (τὸ ἐν Ἐφέσῳ) ἤσαν... καὶ
γραφῇ τῇ θεῇ ἀνέθεσαν πάντα ὅσα τε ὑπάθον καὶ ὅσα ἔδρασαν.

gem suam repellit a se".

— Hist. p. 106, 12: „Quam (= Dianae sacerdotem) videns Apollonius cum filia sua et genero corruerunt ante pedes eius. Tantus enim splendor pulcritudinis eius emanabat, ut ipsam esse putarent deam Dianam".

τητο... ὃ δὲ... διωθεῖτο καὶ παρηγωνίζετο.

— Charit. II, 3, 5: Διονύσιος... εἰσῆλθεν εἰς τὸν νεὼν <τῆς Ἀφροδίτης>... 6. Θεασάμενος... <Καλλιρόην> ἀνεβόησεν „ἴλεως εἶης, ὦ Ἀφροδίτη, καὶ ἐπ' ἀγαθῷ μοι φανείης." Καταπίπτοντα δὲ αὐτὸν ἤδη Λεωνᾶς ὑπέλαβε. Cfr. ex innumerabilibus aliis locis Charit. I, 14, 1; II, 2, 6; III, 2, 14—15; Heliod. p. 5, 21 sq.: 153, 22; Xen. Eph. I, 2 7 etc.

Confer etiam hist. p. 116, 1—2 cum Xen. Eph. p. 399, 18—19; hist. p. 109, 9 sq. cum Xen. V, 13, 1; etc.

III.

Quibus ex omnibus quos attuli locis iam per se patet „historiam Apollonii regis Tyri" mire cum fabulis graecis congruere. Eadem sunt verba, eadem sententiae, eadem res: amores, longinquae peregrinationes, tempestates, naufragia, piratarum incursiones, furiosae aemulationes, pudicitiae egregia exempla, somnia, agnitiones. Quodque omnes fabulatores graeci, demonstrandum esse sibi noster constituit auctor, scelestos serius ocius solvere poenas, integros vitae scelerisque puros maximis evadere etiam periculis ¹⁾. Personae, non secus atque in fabulis graecis, dignitate, ingenio, voluntate carent; sunt, ut hoc utar verbo, *νευρόσπαστα*, quae dei et fortuna movent arbitrio suo. Adde res in Oriente ²⁾ atque in Aegypto, ut in omnibus fabulis

1) Cfr. Photium, cod. 166, ap. Hercher, Erot. I, p. 238, 33 sq.

2) Plerumque in eisdem urbibus in quibus apud fabulatores graecos; Tyri, Charit. VII, 2, 7 sq., Xen. Eph. I, 14, 6 sq., Ach. Tat. I, 3 etc., Ant. Diog. p. 233, 25; Antiochiae, Xen. Eph. II, 9; Tarsi, Xen. Eph. II, 13, 6 sq.; Mytilenis, Long. I, 1 etc.; Ephesi, Xen. Eph. I, 1 etc., Ach. Tat. V, 17 sq. — Contra quae hariolatur Klebsius, o. l., p. 298, v. quae iam anno 1872 scripserat Riesius in Mus. Rhen., v. 27, p. 625, 3.

graecis, peragi; omnia personarum nomina graeca esse ¹⁾; mores multo magis sapere graecos quam romanos, denique, quod permagni est momenti, omnem historiae materiam graecam esse ²⁾. Quae cuncta mihi animo volventi et diligenter consideranti, certissimum videtur fabulam Apollonii e fabula graeca nunc deperdita ³⁾ fluxisse. Quod saeculo tertio exeunte evenisse veri simile est ⁴⁾; saeculis insequentibus iterum atque iterum a christianis retractata fuit, qui nonnulla, quae parum ad finem suum facere viderentur, rescuerunt, nonnulla nova ornamenta inseruerunt. Quae si addita eieceris ⁵⁾, quae dempta suppleveris cogitatione, quae in brevius imperite contracta, quae obscurata et corrupta in pristinam restitueris formam ⁶⁾, fabulam similem

1) Cfr. Riesium, Rhein. Mus. vol. 27, p. 633, Buergerium, Studien p. 26, Klebsium, o. l., p. 298, etc. De „Ardalio” (ceterum vox graeca est), v. Klebsium, p. 42, 5; 298, 1.

2) Incestum amorem Antiochi regis in filiam ex Antiochi regis Syriae amore erga Stratonice novercam pendere vidit Riesius, praef. p. xviii, cui assentitus est Rohdus, o. l., p. 449, 1. Quae sunt de Apollonio apud Archistratem regem ex Homero petita esse demonstravi, reliqua omnia ab eroticis graecis decantata sunt.

3) Pauca exempla harum fabularum ad nos pervenisse, permulta periisse, locupletissime nos docent fragmenta quae infra hos proximos viginti annos in Aegypto inventa sunt. V. U. Wilckenium, o. l., p. 227 sq.

4) Neque ante Caracallae neque post Constantini aetatem latinum exemplum historiae compositum fuit. V. Christum (ap. W. Meyerum, Münch. Sitzungsab., philol. Class. II (1872) p. 4 sq.), Klebsium, o. l., p. 191 sq., 201, Buergerium, l. l., p. 21.

5) In primis aenigmata ex Symphosio, c. XLII—XLIV [qui haec, etiamne Antiochi aenigma, in c. IV, addidit?]. Et vereor ne quae reperimus in c. II (p. 115, 6—12), Hellenicum Tyrium se Cyrenis Apollonio obtulisse, lector quidam adiecerit, qui ei ob misericordiam suam gratias referri voluit. Quam ad sententiam si descendere nolueris, attamen locum in c. L (p. 110, 7 β; in P 110, 5—7 β desunt) post verba *generum suum* reponendum esse mihi concedas oportet. — De interpositionibus christianis v. Klebsium, p. 187 sq. [Cantus quidam Tharsiae (v. c. XLI) non deerat fortasse in fabula graeca; cfr. Heliod. III, 2]. — De Apollonio „rege” v. Rohdium, p. 443, 1, [Klebsium, p. 222] cum quo omnino consentio: Apollonius non fuit „rex”, sed „princeps patriae” (p. 13, 10; 22, 9; 43, 12) = ἀνὴρ τῶν τὰ πρῶτα ἐκεί δυναμένων, Xen. Eph. p. 329, 1; cfr. Heliod. p. 27, 26; 102, 32; Ant. Diog. ap. Hercher, I, 233, 22. — De nonnullis aliis additamentis v. Klebsium p. 217—226.

6) Procul dubio in fabula graeca quae Apollonius fecisset quaeque sibi evenissent XIV illos annos quos peregrinatus est „ignotis et longinquis Aegypti regionibus” (p. 55, 9; 108, 8) multis capitibus narrabantur [v. Wilckenium, l. l.; contra Buergerium, o. l., p. 25, 1. — ... sed potius opera mercatus” P („mercaturus” codd. fam. B), p. 54, 9, glossema. Cfr. p. 108, 8 „dixi me in Aegypto per annos XIII uxorem flens fortiter”]. Cap. II e. q. s. imperite contracta sunt: Apollonius et uxor quae sibi accidissent paucis verbis inter se enarrare debebant. Causa quoque laborum

Charitonis et Xenophontis Ephesii habebis. Historiae enim auctor, ut eorum uterque, fabulae principes initio, non in fine operis, ut ceteri, matrimonio coniunxit ¹⁾, versus, ut Charito, abunde orationi admiscuit et populum saepe in contionem vocavit, inscriptiones funebres et honorificas, ut Xenophon, adhibuit ²⁾. Cuius multa tam similia in rebus verbisque habet, ut alterum alterum imitatum esse omnes consentiant oporteat. Xenophontem ab auctore historiae expressum fuisse opinabatur Rohdus (o. l., p. 441), quin contrarium evenerit non dubitant Krumbacherius (Biz. Litt. ², p. 852) et Buergerius (o. l., p. 28), quorum alter non potest adduci ut „mirificam illam narrationem et venustam Tharsiae necis — quam ob invidiam Dionysias molita est — e Xenophonte depromptam credat”. Krumbacherii sententiam et Buergerii tantum abest ut probem, etiam impugnandam censeo. Vidimus enim supra (p. 207, 1), quae in Xen. Eph. V, 10, 8 et in Hist. c. XLVIII narrantur, nobis fortasse auctorem

et malorum Apollonii, Archistratis, Tharsiae ab inscita eorum manu, qui librum retractaverunt, omnino deleta. Spreverant profecto — quod frequentissimum in fabulis eroticis, v. Diltheyum, o. l., p. 43 — Cupidinem et Venerem ob eamque rem a dis iratis puniebantur. — Nonnulla varia perturbatione misere sunt deformata: ex. gr., narratio Hellenici, quae est in c. octavo, decimum subsequi debebat. [Ita narratio est reconcinnanda: Apollonius fugiens et etiamnunc ignorans se ab Antiocho rege esse proscriptum, pervenit Tarsum civibusque fame oppressis subvenit, qui ei statum in foro statuunt. At supervenit Hellenicus, qui de Antiochi edicto eum certiore facit, quam ob rem, „interpositis [mensibus sive] diebus paucis” Tarsum relinquit et Cyrenas petit, „ut ibi latere posset”. „Mensibus sive” interpol. postquam c. VIII e suo loco excesserat. Ita auferuntur inepta illa et absurda quae Rohdus (p. 451) et Klebsius (p. 308) offendebant].

1) Fortasse etiam in fabula, quae erat de Nino et Semiramide, principes initio, non in fine operis, matrimonio coniungebantur. V. fragm. in Hermes, XXVIII (1893) p. 161 et in Riv. di Filol. XXIII, (1894), p. 1 sq. — Aetas ad nubendum legitima est in historia XIV annorum, ut ap. Longum et Xenoph. Eph. [Num etiam in fabula Nini et Semiramidis? V. L. Levi, Riv. di Filol., v. l., p. 6, ib. n. 1].

2) In Charit. plus quam vicies quinquies occurrunt Homeri versus. — Contiones: Charit. I, 1, 11, (I, 5) III, 4, 4 sq., VIII, 7; hist. c. X, XLVI, XLVII, L. — Inscriptiones: Xen. Eph. I, 12, 2; III, 2, 13; V, 11, 6; hist. c. X, XXXII (= XXXVIII), XLVII. [Sepulera apud Charit. et auctor. hist. semper in ora maritima: Char. p. 13, 24; IV, 1, 5 sq.; hist. p. 58, 12 β; 65, 6 β] — Rohdus, o. l., p. 440, etiam ieiunitate et exilitate orationis historias Apollonii atque Habrocomis et Anthiae similes esse animadvertit. Recte; quae enim apud utrumque auctorem uberiora, hic atque illic a posteriori eos retractantibus in angustum coacta. Quod attinet ad Xenoph. Eph. cfr. Buergerium, Hermes, XXVII, (1892), p. 36 sq. — Audaciora scripsit Riesius in praef. p. xvi.

historiae Xenophontis imitatore[m] indicare. Huc accedit quod inopinatus adventus piratarum, qui Tharsiam e morte liberant (hist. c. XXXII), statim nos ad Anthiam Xenophonteam revocat, quam e manibus piratarum, qui eam victimam immolaturi sunt, eripit Perilaus subito superveniens (II, 13, 3). At si, locis accurate examinatis interque se diligenter conlatis, consideraveris quam mira nec veri similia sint quae huius historiae capitis initio narrantur, mecum paene certum habebis auctorem fabulae Apollonii, cum nullam ad servandam Tharsiam rationem reperiret, illam a Xenophonte mutuatum esse, sed inepte adhibuisse. Quae omnia si vera sunt, historia non ante a. 260 p. Chr. graece composita fuit; non multis post annis interpret[is] quidam latinus latine eam Romanis accommodabat.

Scripsi Reate, a. MCMX,
relegi Monopoli,
m. Ianuario a. MCMXIV.

DE LOCUTIONE VULGARI ITALIA *noi si canta*.

In *Mnemosynae* vol. XLII, p. 16 (cf. p. 1) vir doctissimus K. Sneyders de Vogel sic disputationem *de verbis pronominalibus* claudit: „*noi si canta* soli linguae italianae proprium esse”. Et ad optimam grammaticam a Meyer-Luebke confectam nos reicit, quae tamen docet illam quaestionem nondum excussam esse. Ergo aliquid de ea observare velim. Si *canta* est gallice *on chante*; *noi si canta* gallice *nous on chante*. Neque iam invenies hanc locutionem gallicam in libris sed frequentissime ea homines utuntur in sermone plebeio, quamquam a nullo e grammaticis, ni fallor, animadversa est. Locutio gallica propior origini quam italiana est, et nos in hoc proposito adiuvabit. Plena gallica dictio est: *nous autres, on chante*. Quomodo nata est? *On chante* saepe significat *nous chantons*. Sensus peculiaris a generali originem traxit. Si nonnulli abire debent, dicet aliquis: *On s'en va*? Nonne proficiscimur? Verum si vis comites tuos ab altero coetu secernere, dices: *On s'en va nous*? et affirmate: *Nous on s'en va*. Quae locutio quotidie paulatim potestatem separandi perdit et huic fere par erit: *nous nous en allons*, sed propter facilem usum huic praestabit. Mihi videtur origo gallicae locutionis italianam illustrare. *Noi si canta* e latino sermone oritur ad hunc modum: *cantatur* > *se cantat* > *si canta* (generalis usus) > *si canta* (specialis usus vel *noi cantiamo*), *noi si canta* (separandi causa) > *noi si canta*.

New York, Columbia University.

HENRI F. MULLER.

PERSIANA.

SCRIPSIT

J. J. HARTMAN.

Quoniam in scriniis nostris nihil iacet quod ultimas huius fasciculi paginas bene expleat, nihil unde desumi possit pars huic spatio apta, hac ego facultate utar ad ea illustranda quae in margine Persii, a Wageningenio nostro editi, annotavi: non enim plane indigna mihi visa sunt quae cum Mnemosynes Batavae cultoribus communicem. Et quoniam res ipsa fert ut ea potissimum proferam in quibus a recentissimo editore dissentiam, primum omnium declaro profiteorque me, si quid tamen in Persio profecerim — quod sentio quam sit exiguum — id tantum non omne illi referre acceptum. Wageningenius enim nisi olim in lucem emisisset praestantissimum illum, Groningani gymnasii additum programmati, ad Persium commentarium, ego, ut opinor, Nisardii contentus fuisset iudicio, qui postquam lepide ficta gravitate, tamquam si apud praetorem res ageretur, causam ab utraque parte consideravit, satyricum nostrum indignum esse pronuntiavit in quo laborem nostrum tempusque consumeremus. Nunc ad propositum venio.

Prologum plerumque nunc viri docti in duas dividunt partes, atque adeo duos nobis prologos exhibent. Quo quid proficiamus non video. Equidem hic iam statim poetam deprehendo parum exercitatum. Nam si verba eius severe examinamus et accurate interpretamur, hoc dicit: „veri poetae afflatu divino ad carmina facienda impelluntur, ego fame et lucelli studio versus facere cogor”. Quod tamen eum *non* voluisse et res ipsa loquitur et

inde efficimus quod in re angusta domi versatum esse Persium nusquam apparet: contrarium potius ex eius satiris efficias. Sed hoc vult: „magna canant magni poetae, ego semipaganus affero quod semipagani (h. e. fere „semibarbari” v. Mnem. XLI p. 446) est. Cur autem istud facio neque quisquillas meas domi servo? Difficile dictu: variae sunt causae cur etiam mali poetae carmina sua in lucem edaut, alii inopia eo adiguntur, alii aliis rebus”. At uno illo est exemplo contentus idque admodum facete illustrat: plura, ut res ordine procedat, esse addenda exempla eum fugit.

S. I, 5—7

Non, si quid turbida Roma

Elevet, accedas examenque improbum in illa

Castiges trutina.

Parum accurate haec sic editor vertit: „zoo het roezige Rome iets weegt en te licht bevindt, dan moet men zich daarbij niet aansluiten en aan de weegschaal de tong willen verbeteren”. At rectissime idem in commentario: „noli accedere (sc. ad trutinam)”.

S. I, 13 Scribimus inclusi, numeros ille, hic pede liber.

Recepit editor Marklandi coniecturam haud sane lenem: *inclusus numeris ille*. Sed nescio an tradita lectio defendi possit Horatiano (Epl. I, 7, 11):

Ad mare descendet vates tuus et sibi parcet

Contractusque leget

i. e. in suum abditus angulum. Et eiusmodi aliquid etiam *inclusi* significare potest.

S. I, 22 sqq.

Tun', vetule, auriculis alienis colligis escas

Auriculis quibus et dicas cute perditus „ohe”.

Sensu cassa haec sic refinxit editor:

Versiculis, quibus edicas cute perditus „ohe”.

Parum eleganter nunc eadem res et metaphorice (*escas*) et suo nomine (*versiculis*) significatur. Quanto venustius Madvigius:

Articulis, quibus et dicas cute perditus „ohe”

quantoque verius. Nam solum *cute* hic non sufficit: decrepitae senectutis pluribus opus est indiciis.

S. I, 36 Postquam narravit quam absurde quidam in convivio recitaverit Phyllidas, Hypsipylas' sic pergit:

adsensere viri: nunc non cinis ille poetae
felix?

Si bene locum intelligo, *poeta* hic est poeta antiquus, cuius versus inepte sunt recitati.

S. I, 49 „euge” tuum et „belle”. Utique hic citandus erat lepidissimus Plutarchi locus (*de audiendo* c. 15), de ineptis acclamationibus.

S. I, 85 „Fur es” ait Pedio. Pedius quid? crimina rasis
Librat in antithetis, doctas posuisse figuras
Laudatur.

Equidem, ne si quam maxime vellem quidem, dubitare possem quin unice vera esset Scaligeri lectio: „doctus posuisse figuras”. Sic demum bene disponuntur omnia, atque sic concluso semicolo apte pergitur: „laudatur: bellum hoc”.

S. I, 127 Miram habes structuram in his: „qui possit dicere seque aliquem *credens*”. An poeta scripsit *credat*, idque sciolus, metro scilicet consulens, correxit?

S. II Inter eos, qui huius satirae argumentum (de perversis hominum precibus) tractarunt, etiam commemorandus erat Horatius (S. II, 6, 8—13).

S. II, 3 sq. Macrinum Stoicorum discipulum sic laudat poeta:

Non tu prece poscis emaci,

Quae nisi seductis nequeas committere divis.

Illud *committere* editor „opdragen” vertit. Malim „toevertrouwen”. Avarus preces deo tamquam in aurem insusurrat. Atque sic precatur: „O si | ebulliat patruus, *praeclarum funus*. Pro notatis latinis Belgica haec dat editor: „wat een prachtig sterfgeval!” Equidem potius de Horatiano (S. II, 5, 105) cogito:

Funus egregie factum laudet vicina.

Admodum facete heredipeta ita secum loquens inducitur.

S. II, 27 Triste iaces *lucis* evitandumque bidental.
Neque pluralem illum concoquo, neque quid omnino *luco* hic
opus sit video: ubique terrarum atque etiam in media urbe,
bidentalia esse possunt.

S. II, 30 sqq.

Ecce avia aut metuens divum matertera cunis
Exemit puerum, frontemque atque *uda* labella
Infami digito et lustralibus ante salivis
Expiat, urentis oculos inhibere perita;
Tunc manibus quatit et *spem macram* supplice voto
Nunc Licini in campos, nunc Crassi mittit in aedis.

Parum istud *uda* placet, non quod *non* *uda* sint infantis labella,
sed quia id potius de *anus digito* est dicendum. Et corruptum
spem macram („de schrale hoop der familie” editor) puto: nimis
enim dure haec infertur metaphora et e nulla re apparet *pau-*
perum hunc esse filiolum.

S. II, 45 Da fortunare penates.

Vertit editor: „geef dat de huisgoden mij zegenen”, annotat-
que: „*fortunare* absolute positum, quamquam alibi verbum
transitivum est”. Haec quo modo inter se conciliem non video;
interea hic *fortunare* „absolute” positum censeo: fortunatos
opulentosque esse.

S. II, 61 O curvae in *terris* animae.

Legendum esse (cum Lactantio) *terras* nihil manifestius docet
quam Platonis locus, quem ipse editor (si bene eum intelligo,
ad *terris* defendendum) adscripsit: *κάτω δὲ βλέποντες καὶ κεκυ-*
φότες εἰς γῆν.

S. III, 4 Quinta dum linea tangitur umbra.

Editor: „terwijl op den zonnewijzer de schaduw al de vijfde
lijn raakt”. Sed quoniam dubium non est quin *quinta* cum
umbra sit iungendum, alio modo locus est accipiendus. Fortasse
linea hic *acus* est quae umbram efficit. Revera *sole* illa tangitur,
sed sol umbram pariens a poeta nostro *umbra* appellari potuit.

S. III, 12 sqq.

Tunc querimur, crassus calamo quod pendeat umor.

Nigra sed infusa vanescit sepia lympa:

Dilutas querimur geminet quod fistula guttas.

Versus secundus quodammodo tertii est protasis: „si vanescit . . . querimur”. Vertamus ergo locum sic, ipsius editoris usu verbis: „vervolgens klagen wij, dat de inkt dik aan de pen blijft hangen, maar is het zwarte vocht dunner gemaakt door bijgegoten water, dan klagen wij, dat de pen telkens de verdunde druppels op het papier laat vallen”.

S. III, 43 Palleat infelix, quod proxima nesciat uxor.

Illud *proxima* editor vertit: „die hem toch het naaste is”. Rectius, u. o., disertiusque foret: „die naast hem ligt”. Fingitur infelix, qui per noctem terrore torquetur, cuius quae sit causa ne uxor quidem in eadem sponda cubans novit.

S. III, 63 sqq.

Elleborum frustra, cum iam cutis aegra tumebit,

Poscentis videas: venienti occurrere morbo,

Et quid opus Cratero magnos promittere montis?

Molestissimum mihi istud *et* est. Requiritur fere *nam*.

S. III, 73 sqq.

Disce nec invidias quod multa fidelia putet

In locuplete penu defensis pinguibus Umbris,

Et piper et pernae e. q. s.

Primum versum sic editor vertit: „laat U leeren en *onttrek* er u niet aan e. q. s.”. Sed hunc sensum (detrahendi, seque oneri subtrahendi) *invidendi* verbum hic habere non potest, atque etiam *disce* tamquam „praegnanter” dictum accipiendum videtur: *da operam philosophiae*. Tum *opponitur* hoc: „invidere noli iurisconsulto quem sua ars locupletem faciat”. Nam iuvenem, quem poeta stoicus hic alloquitur, iam rem fecisse reis defendendis parum est verisimile, neque quidquam tritius quam haec philosophi et iurisconsulti aemulatio.

S. III, 107

Tange, miser, venas et pone in pectore dextram.

„Nil calet hic”.

Sic haec inter duos dividit homines editor vertitque priorem
versum: „voel *mijn* pols eens (*zegt gij*) en leg uwe hand, on-
gelukkige op *mijn* hart”. Sed quo iure nunc istud *miser* additur?
Non est aegri sic medicum (philosophum) alloqui, medici sunt
ea ad aegrum verba cf. vs. 15. Hic autem Persius amico per-
suadet aegrum eum esse et eo quidem laborare morbo, qui est
gravissimus, *mentis*. Atque hinc incipit ut ei demonstret in cor-
pore vitii esse nihil. Ergo *nil calet hic* et mox *non frigent aegri*
sunt, cetera omnia medici (philosophi), atque haec quoque:

positum est argente catino

Durum olus et populi cribro decussa farina:

Temptemus fauces; tenero latet ulcus in ore

Putre quod haud deceat plebeia radere beta.

Editor sic vertit: <een ander geval>: men heeft u groente,
die wat stug is, voorgezet op een kouden schotel en daarbij
een stuk kommiesbrood: *maar* laten wij *eerst* uwe keel eens
onderzoeken! Ja uw mond *zal wel* gevoelig wezen, *want* er zit
een booze zweer achterin”. Notata et uncinis inclusa hinc aliena
videntur; sensus enim hic est: „si plebeius cibus tibi est ap-
positus, *ulcus in ore habes*” ut verba notata significant: „prae
mollitie eum neque manducare neque devorare potes”.

S. III, 115

Alges, cum excussit membris timor albus aristas.

Misere languent haec, vix minus quam si dictum esset: *alges*
cum alges. Sed poetae hoc videtur vitium qui et *membris* satis
absurde pro *cute* posuerit. Alioquin pro *alges cum* proponerem
algenti.

S, IV, 10 sqq. Alcibiadem rem populi tractare cupientem et
aliis confutat verbis Socrates et hisce:

Scis etenim iustum gemina suspendere lance

Ancipitis librae, rectum discernis ubi inter

Curva subit vel cum fallit pede regula varo,

Et potis es nigrum vitio praefigere theta.

Hactenus omnia bene procedunt, quaeque paulo erant obscuriora ab editore nostro egregie illustrantur. Sed sequuntur haec:

- 14 Quin tu igitur, summa nequiquam pelle decorus,
Ante diem, blando caudam iactare popello
Desinis, Anticyras melior sorbere meracas?

Quae cum praecedentibus adversa fronte pugnant. Sensit hoc editor et praecedentia illa „ironice” dicta putat. Sed haud ille est eorum color et ne sic quidem istud *igitur* recte hic ponitur.

Ante vs. 14 excidisse unum pluresve versus ego suspicor.

Denique discipulum sic castigat magister:

- Quae tibi summa boni est? uncta vixisse patella
Semper et assiduo curata cuticula sole.
Exspecta, haud aliud respondeat haec anus. I nunc
20 „Dinomaches ego sum, sum candidus”. Esto,
Dum ne deterius sapiat pannucia Baucis
Cum bene discincto cantaverit ocima vernae.

Ad *haec anus* editor annotat: „Baucis (vs. 21) servis olera venditans idem respondebit, h. e. eodem modo merces suas iactabit, ut Alcibiades genus suum: uterque hominibus imponere studet”. Haud opinor: sic enim omnia nimis fiunt contorta et aenigmata loquitur qui eandem anum, quam mox suo nomine est monstraturus, iam antea vocibus *haec anus* indicat. Sic se rem habere opinor: „*exspecta*” Socrates dicit Alcibiadi, cum eum videt ira exardescere „quod ego dico respondens quaestioni quae tibi summa boni sit, idem de te dicet quivis et quaevis de populo”. *Deinde* eum, gente formaque gloriantem, comparat cum Baucide lachanopolide, mercem suam laudante.

S. IV, 29 sq.

Avarus sordidusque
Seriolae veterem metuens deradere limum
Ingemit.

Integrum versum sic editor vertit: „die bang is het oude stof van zijn wijnkruikje af te wrijven”. Sed *pulverem* non *deradimus* verum *abstergemus*. Cum *pice* hic nobis vel *cera* rest est qua seriola obturatur.

S. IV, 37 Cinaedum sic increpat poeta:

Tunc cum maxillis balanatum gausape pectas,

Inguinibus quare detonsus gurgulio exstat?

Nimis languidum istud *tunc*. Persium *tun'* scripsisse opinor: non est durum hoc anacoluthon, neque abhorret noster a *tun'* ante consonantem posito, v. S. I, 12: *tun' vetule*.

S. IV, 42 Ad hunc versum editor annotat: „formam versus, non argumentum, P. sumpsit ex Hor. Epl. II, 2, 97: caedimur et totidem plagis consumimus hostem”. Immo vero contrarium est argumentum quod tractat Horatius, sed sunt tamen hi loci inter se cognati: Horatius de mutuis hominum laudibus, Persius de mutuis reprehensionibus agit.

S. IV, 49 *Vibice flagellas*. Locis hanc metaphoram illustrantibus addiderim: Cic. pro Caelio § 15 *vulnus in re atque fortuna* et Ter. Phorm. 47: *ferietur alio munere*'.

S. V, 22 sqq.

Quantaque nostrae

Pars tua sit, Cornute, *animae*, tibi dulcis amice,

Ostendisse iuvat.

Verba notata sic editor vertit: „hoe groot een deel gij van ons bestaan uitmaakt”. Malim sic: „een hoe groot deel van mijn zielsbestaan uw eigendom is” s. „een hoe groot deel . . . ik aan u te danken heb”. Agnoscit poeta se quidquid sapiat Cornuto acceptum referre.

S. V, 39 Et *premitur* ratione animus.

„Gevormd” editor; malim: „bestuurd”. Adhibitur enim imago equi, quem dominus premendo cogendoque docilem reddit.

S. V, 45 sqq.

Non equidem hoc dubites amborum foedere certo

Consentire dies e. q. s.

Haec quam eleganter dicat Persius et quam inepte corrumpat eius imitator, qui Horatio (c. II, 17) suum addidit pannum, egregie docet Peerlkampius.

S. V, 48 *Parca tenax veri.*

Egregie his illustratur Horatianum *Parca non mendax* (C. II, 16, 39), de quo mira sunt commenti hac aetate viri docti, quos solus Persius iam satis refutat.

S. V, 52

Mille hominum species et rerum discolor usus
Velle suum cuique est.

Rerum usus = res, quibus utuntur cf. Hor. C. III, 1, 43: „purpurarum sidere clarior delenit usus”. *Velle* editor vertit *wil*, praestet *begeerte*.

S. V, 65 Quid? quasi magnum | Nempe diem donas?

Editor: „wat? gij *stelt* mij dus een dag als iets groots voor?” Sensus esse videtur: „si mihi permittas rem diem unum differre, magnum mihi aliquid dones?” Ergo sic verterim: „gunt gij mij dan geen uitstel van één dag!”

S. V, 93

Non praetoris erat stultis dare tenvia rerum
Officia atque usum rapidae permittere vitae.

Haec ego sic acceperim ut prorsus idem sit *dare* et *permittere*. Neque *tenuia officia* neque *vitae usus* stultorum arbitrio potest permitti. Alioqui *officia* quae hic sint nos fugit; editor: „*begrippen* van menschelijke plichten”, iusto audacius, ut mihi quidem videtur.

S. V, 105 „Veri speciem dinoscere calles?” philosophus discipulum rogat. *Laegē vero pro veri*, sic demum syllabae *di* constabit ratio.

S. V, 119 *Nil tibi concessit ratio.*

Editor: „het verstand heeft u niets gegeven”. Vera sententia esse videtur: „ratio, h. e. vera, Stoica, philosophia nil tibi largitur vel condonat”. Sic demum recte additur: „digitum exere, peccas”. Et vs. 120

 nullo ture litabis

Haereat in stultis brevis ut semuncia recti.
Aut perfecte sapiens aliquis est aut plane stultus.

S. V, 149 sq.

Quid petis? ut nummi, quos hic quincunce modesto

Nutrieras, peragant *avidos sudore* deunces.

Concinnius elegantiusque sit: *avido sudore*.

S. V, 169 solea, puer, obiurgabere rubra.

Deleantur virgulae istae; est enim *puer obiurgabere* i. q. *obiurgabere tamquam puer*.

S. VI, 20 sq.

Solis natalibus est qui

Tinguat olus siccum muria vaser in calice empta.

Editor *empta* cum *calice* iungit; sed quis *non* emit suam supellectilem? Cum *muria* iunge: sordidus homo cum sua calice currit ad tabernam ubi muria prostat, quam homo minus tenax nummorum paratam habet in cella.

S. VI, 63 vis tu gaudere relictis?

Acriter iubentis sunt haec, ergo in versione: „wilt gij u vergenoegen met hetgeen ik nalaat?” verbo „vergenoegen” praemittendae sunt voces *wel eens*.

S. VI, 71 sqq.

Ut tuus iste nepos olim satur anseris extis

.

Patriciae immeiat vulvae? mihi trama figurae

Sit reliqua?

Pro priore interrogandi signo virgula ponatur: „egone esuriam ut laute vivat heres meus?”

S. VI, 79. Pro *rugam* legendum esse *bulgam* demonstravi Mnem. 1913 p. 232.

AD PLATONIS REMPUBLICAM.

SCRIPSIT

J. L. V. HARTMAN.



Pag. 327 C: Verba ὡς ἀπιδόντες, quae in tribus codd. ante πρὸς collocata sunt, post πρὸς ἄστν (i. e. οἴκαδε coll. § B) plane frigent. Puto ea in margine olim ad ὡς ἀπὸ τῆς πομπῆς adscripta fuisse.

P. 329 B: Malo voces τοῦ γήρως, quas non expressit Cicero quaeque orationem onerant, abesse. In sequentibus suadeo [τῷ ποιητῇ] et in 338 C [ὁ παγκρατιαστής], siquidem ignoti homines exemplo esse nequeunt. In Protag. 327 D Φερεκράτης [ὁ ποιητής], ibid. 335 E Κρίσωνι τῷ Ἰμεραίῳ [δρομεῖ ἀκμάζοντι] alii correxerunt.

P. 329 E: Proclus in „Comm. in Alcib.” teste Schneidero nostrum imitatus scripsit καὶ λέγουσι μὲν τι διαιροῦντες εἰς ταῦτα τὸν διήλογον, οὐ μὲν τοι ὅσον γε οἴονται, quae Cobeti Cam egregie confirmant (vid. etiam Lach. 195 C). — In § ult. suadeo λοιδορουμένῳ <ὡς> deletis καὶ λέγοντι ὅτι coll. Origin. c. Cels. I p. 23 (ed. Spenc.) Σερίφιος ὀνειδίζων τῷ Θ. . . . ὡς κτλ., Herod. 8. 125 ἐνείκει τὸν Θεμιστοκλέα . . . ὡς διὰ τὰς Ἀθήνας ἔχοι τὰ γέρεα κτλ., Aristoph. Nub. 1140 λοιδοροῦσί με ὡς ἄδικός εἰμι, Xen. Mem. 2. 9. 8 ὀνειδίζοι ὡς ὑπὸ Κρίτωνος ὠφελούμενος κολακεύοι αὐτόν. Solent praeterea ὡς, non ὅτι, uti, si falsa exprobrantur.

P. 330 B: Wohlrabius ad vulgatam οὗ τοι (sic et Adam,

Burnet) ἔνεκα ἡρόμην — ὅτι defendendam conferens locos quales sunt Lys. 204 D καὶ ὃ ἐστὶ τούτων δεινότερον, ὅτι Apol. 18 D ὃ δὲ πάντων ἀλογώτατον ὅτι duo loquendi genera confudit. Locis a me laudatis adde Prot. 343 B Demosth. or. 41 § 4 τίνες οὖν ἔνεχ' ὑμῖν — ταῦτ' εἶπον; ὅτι κτλ. ac imprimis Plat. Theaet. τοῦ δέ τοι ἔνεκα αὐτά σοι διακριβοῦμαι; Hinc τοῦ τοι ἔνεκα (quo ducit v. l. τούτου) corrigatur suadeo, nam quae in Charm. 165 A οὐ δὴ οὖν ἔνεκα λέγω, ὧ Σ., ταῦτα πάντα, τόδ' ἐστὶ leguntur, ea vulgatae οὐ τοι non succurrunt. Particula τοι denique pronominiibus interrogativis (cf. Hom. T 83 ποῦ τοι ἀπειλαί) saepius subicitur. Quam facile e scriptura παρέλαβον τοῦ nasci potuerit παρέλαβον οἷ, nemonon sentit.

P. 330 D: Vulgatam ἐπεῖδαν τις ἐγγύς ἢ τοῦ οἶεσθαι τελευτήσῃν languidiorem iudicantibus legant suadeo ἐ. τις ἐγγύς ἢ τοῦ <τεθνάναι> i. e. τοῦ θανάτου deletis vocab. οἶεσθαι τελευτήσῃν. Fieri enim potuit ut interpretamentum exquisitiorem (cf. Stallb. ad Apol. 30 C Phaedon. 67 D ult.) lectionem expulerit.

P. 331 A: Ἀγαθὴ cum γηροτρόφος deleta καὶ iungatur necesse mihi videtur. Iam Hottingero καὶ spurium videbatur. Sensus est enim ὁ δὲ μηδὲν ἑαυτῷ ἄδικον ξυνειδώς μετὰ ἡδείας ἐλπίδος ζῆ, ἢ ἐστὶν ἀγαθὴ γηροτρόφος. Extrema vox est substantive adhibita, ut 569 B χαλεπὸν γηροτρόφον, Hom. Od. 9. 27 τρηχεῖ, ἀλλ' ἀγαθὴ κουροτρόφος. Platoni haec scribenti non modo Pindarum, sed etiam Homerum (Odys. ἀγαθὴ κουροτρόφος) obversatum esse antiquitus quosdam suspicatos esse monuit A. J. Egellie (Observat. crit. in Platon. 1902 p. 55), quem vide.

P. 331 C: Non ἐθέλων, ut falso dixi, sed πάντα (quod cod. Vind. F omiserat) incertam sedem habet. Quod olim conieceram οὐ γὰρ (pro οὔτε) δίκαιος κτλ. deleta ἐθέλων, nunc ut iusto audacius, improbo, sed commendo [δ] ἀποδιδούς, quo etiam ad ἐθέλων mente τις suppleri possit. In sententiae initio fortasse ἄ τις λάβοι pro εἰ τις λ. reponere praestat.

P. 332 B: Verba καὶ ἡ λῆψις mire abundant (de solius enim ἀπολαμβάνοντος damno hic agitur): deleantur.

P. 334 C: *Malo δίκαιον τότε [τούτοις] τοὺς κτλ.*, quia τότε significat *ὅταν οἱ ἄνθ. ἀμαρτάνωσιν*. — In § E displicet mihi vulg. *νῦν δὲ πᾶς, ἣν δ' ἐγώ, μεταθώμεθα*: aut *θώμεθα* aut *[μεταθώμεθα]* legendum censeo. Posterius mihi *τιθέμεθα* mente sup-
plenti verum videtur (praecedit *θέσθαι*, *θέμενοι*, sequitur *ἢ αὐτῇ θέσις*).

P. 335 A: Verba *προσθεῖναι τῷ δικαίῳ* significant τοῦ δικαίου ὅρον *μείζω τίθεσθαι*, ut recte ἢ sequatur. — In § B dubitanter suadeo *ἐχθροὺς δὴ (pro δεῖ) deletο βλάπτειν*. — In § E in verbis τοῦτο δὲ δὴ *νοεῖ* (cogitare, cf. Gorg. 483 A in.) αὐτῷ subiectum est ille *τις*; ad αὐτῷ (eo dicto) conferas 335 A *τούτῳ τῷ λόγῳ*. Alii *νοεῖ* interpretantur „significat”.

P. 336 A: Utique legendum τὸ ῥῆμα [τὸ φάναι] *δίκαιον κτλ.* (cf. 463 E τὸ ῥῆμα τὸ ὅτι κτλ.), sed vereor ne etiam verba *δίκαιον* usque ad *βλάπτειν* spuria sint. In § ult. *τοῦτο* praedicatum, ἢ *δικαιοσύνη* subiectum mihi esse videtur (ὅν pro οὗτα dictum est), quam ob causam οὐδὲ τὸ δίκαιον expunxi. Paulo ante suspectum mihi *πλουσίῳ*; malo *deleri*. — In § B J. J. Hartmanno (De emblem. etc. p. 63) verba *ὥσπερ θηρίον* spuria ducenti non adversor, cum sic facilius *ἐαυτὸν* ad ἤκεν ut *ἀπὸ κοινοῦ* positum referri possit verbaque ὡς *διασπασόμενος* scriptoris consilium iam satis aperiant. — In § C verba *πρὸς ἀλλήλους* interpretamentum esse puto vocis *ὑμῖν αὐτοῖς*; cf. Schol. Lach. 192 C *ἡμῖν αὐτοῖς*. — *ἀντὶ τοῦ ἀλλήλοις*.

P. 337 A: Fortasse legendum est *αὕτη 'κείνη ἢ [εἰωθυῖα] εἰρωνεία Σωκράτους*. — In § B suadeo *μὴ ἐρεῖς ὅτι ἔστι [τὰ δώδεκα] δις ἑξ κτλ.*, conf. 336 C *εἰπὲ τί φῆς εἶναι τὸ δίκαιον· καὶ ὅπως μοι μὴ ἐρεῖς ὅτι* (sc. τὸ δίκαιον) *τὸ δέον ἐστὶ κτλ.*, ubi eiusdemmodi mendi sunt vestigia; praebet enim cod. Ven. Π τὸ δίκαιον pro τὸ δέον, quod indicio est in antiquo codice τὸ δίκαιον super τὸ δέον additum fuisse. — In § C Platonem scripsisse suspicor *εἰ δ' οὖν* (utut haec sunt) [*καὶ μὴ ἔστιν ὁμοιον*] *Φαίνεται [δὲ] τῷ ἐρωτηθέντι τοιοῦτον* (sc. δις ἑξ sive *ἐξάκις δύο*) κτλ. Ad Bremii Cam *ἀπειρημένον αὐτῷ [εἶη]* conferas Sophocl. Ant. 44 *ἀπόρρητον πόλει*, Aristoph. Lys. 13 *εἰρημένον δ' αὐταῖς ἀπαντᾶν — εὐδουσι*.

P. 339 C: In § ult. verba καὶ τοῦτό ἐστι τὸ δίκαιον nunc abesse malo, quum in § B ult. praecesserit οὐ καὶ πείθεσθαι... δίκαιον φῆς εἶναι et ποιητέον, ut 341 A, iam significet δίκαιόν ἐστι ποιεῖν. Olim unum τὸ debebam: in vulgata enim τοῦτο quaslibet leges indicat, sed in 338 E (θίμεναι κτλ.) Thrasy-machus solum τὸν ξυμφέροντα νόμον appellavit legem. — In § D durior vulgata ἔμοιγε δοκῶ, si λέγειν suppletur. Hinc adde (cf. Menon. 71 C ὡς ἐμοὶ δοκῶ) vel cogita ὡς, si δοκεῖν reponere dubites. Plena oratio esset ἂν σὺ λέγεις, λέγω, ὡς ἔμοιγε δοκῶ. — In § E lege ὅταν οἱ μὲν [ἄρχοντες] ἄκοντες, quod mendum dit-graphia ortum est.

P. 341 D: Verba οὐδ' ἐστὶ κλητέος ναύτης, quae argumenta-tionem impediunt, spuria censeo. Alterum ἐπὶ (post πέφυκεν) abesse poterat.

P. 342 B: Verba ἕωςπερ ἂν ἡ ἐκάστη ἀκριβὴς ὅλη ἥπερ ἐστὶ e margine invecta mihi videntur, vocis ὀρθῇ οὔσα interpretamentum (in 345 D legimus ἕως γ' ἂν μηδὲν ἐνδέχῃ τοῦ ποιμενικῆ εἶναι).

P. 343 C: Herwerdeni (conferentis Theaet. 151 C Phaedon. 96 E) Cam πόρρω ΕΙ <τοῦ τι ΕΙδέναι> περὶ mihi probatam oportuerat, quoniam loci quos viri docti ad vulgatam tuendam af-ferunt, non sufficiunt. Possis etiam conicere πόρρω εἰ <τῶν> περὶ τε κτλ. (cf. Isocrat. Paneg. 16 ult. πόρρω τῶν πραγμάτων ἐστίν). Nolo commendare οὕτω ἀπορεῖς περὶ (pro πόρρω εἰ) coll. Al-cib. I 110 B ὡς ἀποροῦντος περὶ τῶν δικαίων καὶ ἀδίκων, — In § D molesta mihi sunt verba τοῦ ἀδίκου propterea quod prae-cedit ὁ τοιοῦτος τῷ τοιούτῳ i. e. ὁ δίκαιος τῷ ἀδίκῳ.

P. 344 A: Festinantius olim l. αὐτῷ (sic et I. Adam) com-mendavi; nam ut αὐτῷ vel αὐτῶ post ἰδίᾳ sine ulla causa abundat, si ad illud τῷ quod mente ad ξυμφέρει tum addendum erit, refertur, ita neutrum ad τὸν ἄδικον vel τὸν μέγαν δοκ. πλεον. (sic Heller) referri potest. Puto igitur legendum esse aut ἰδίᾳ τῷ (itaque vulgatam ex hac scriptura ἰδΙΑΙΤΩΙ natam esse) aut αὐτῷ interpretamentum esse vocis ἰδίᾳ. Hoc mihi veri si-milius videtur (cf. 360 D in.), licet vulgata ἰδΙΑΙ ΑΤτῷ ἄδικον

εἶναι ἢ τὸ δίκαιον etiam ad scripturam hanc ἰδίᾳ τὸ ἄδικον εἶναι ἢ τὸ δίκαιον (sc. εἶναι) ducat.

P. 344 B: Dubitanter commendo ὧν ἐφ' ἐκάστῳ μὲν (pro μέρει). Mox corrigatur ἀνδραποδίσσεται [δουλώσεται]. — Dele in § D verba καὶ πολλὸν quae nihil ad imaginem τοῦ βαλκωνίως faciunt; ἀθρόον hic opponitur τῷ κατὰ σμικρόν; conf. Demosth. 14. 30, ubi κρῆναι dicuntur siccare ἂν τις ἀπ' αὐτῶν ἀθρόα πολλὰ λαμβάνῃ, Xenoph. Anab. 4. 8. 11, alia.

P. 345 C: Dubitanter malo ὥσπερ [δαιτυμόνα] τινὰ [καὶ] μέλ-
λοντα ἐστιάσσεσθαι. In subsequentibus (§ D) verba ἀλλ' οὐ ποιμένα post praegressa οὐ πρὸς τὸ τῶν προβάτων βέλτιστον βλέποντα misere languent et proximis τῇ δὲ ποιμενικῇ vim praecripiunt.

P. 346 A: Vereor ne voces ἀλλ' οὐ κοινὴν, quas Vind. F a m. p. omisit, spuriae sint. Illud καὶ ante ὠφέλειαν indicat non modo cuiusque artis δύναμιν, sed etiam ὠφέλειαν esse ἐτέραν sive ἰδίαν τινά. In praegressis post ἐτέραν τὴν δύναμιν ἔχειν non additur ἀλλ' οὐ τὴν αὐτήν. Iam supra eiusdem farinae additamentum ἀλλ' οὐ ποιμένα notavimus. — In § C magis argumentationi conveniret εἴ τιν' ἄρα κτλ. quam ἦντιν' ἄρα (litteras EI et H librariis saepius confundentibus facile ex εἴ τιν' nasci ἦτιν et ἦντιν' potuit).

P. 347 A: Verba ἐὰν μὴ ἄρχῃ non Platonis sunt. Nam primum scriptor dixisset ἦν πάσχοι ἂν μὴ ἄρχων, deinde in vulgata verba ζημίαν ἐὰν μὴ ἄρχῃ, quae ad solos βελτίστους pertinent, ad omnes τοὺς μέλλοντας ἄρχειν referri possunt, ut contra scriptoris sententiam non appareat ζημίαν (damnum) in μισθῶν numero esse. Obscure, non negligenter hic Socrates locutus est. Adscripta sunt ista a lectore sequentium (§ C ἐὰν μὴ αὐτὸς ἐβέλη ἄρχειν) gnaro. — In capitis fine (§ E) in verbis τὸν τοῦ δικαίου ἔγωγε λυσιτελέστερον βίον εἶναι illud βίον, si genuinum esset, ad τὸν τοῦ δικαίου pertineret, sed tum ultima in sede collocatum fuisset coll. Legg. 872 D ἐν ᾗ μήποτε τις ἂν προσδοκῆσειε χάρα, ibid. 678 D ἡ τῶν μεταλλῶν ἀφίκοιτο εἰς ἀνθρώπους τέχνη Demosth. 25. 87 τῇ τῆς φύσεως πρὸς ἀλλήλους,

ὅπερ εἶπον, χρώμενοι Φιλανθρωπία. Noli explicare τὸν τοῦ δικ. (βίου) ἔγωγε λυσιτελέστερον βίον εἶναι (δοκῶ). Ad ἔγωγε e praegressis verbum declarandi (δοκῶ) mente supplendum, nisi corrigere praestat <οἶμαι> εἶναι vel <οἶμαι> deletο εἶναι. Parisinus A ἔγωγ' ἔφη praebet, sed Vind F. m. p. ἔφη omisit.

P. 348 C: Codicum lectio εἰκός γ' sententiarum nexum obscurat, nam ex illis ἐπειδή γε καὶ κτλ. non statim apparet Thrasymachum τὸ λυσιτελές τῷ ἀγαθῷ in aequo ponere. Haplographia οὐκ vel οὐκουν ante ΕΙΚΟCΓ excidisse videtur.

P. 349 A: Recte Schmelzer verba τῷ λόγῳ ἐπεξελεῖν „dem Satze zu Leibe gehen" interpretatus est, sed vel sic σκοπούμενον spurium mihi videtur. In proximis Adam et Burnet Wolfi Cam ἀδικίας pro ἀληθείας mentione dignam habuerunt. Quum palaeographicae perito verba ΑΛΗΘΕΙΑΣ et ΑΔΙΚΙΑΣ unum idemque vocabulum sit, nostrum est diiudicare utra lectio potior videri debeat. Vulgata I. περὶ τῆς ἀληθείας languet propterea quod τὰ δοκούντα apud Platonem saepius sinceram opinionem significat (cf. Theaet. 157 C πότερά δοκούντά σοι λέγεις αὐτὰ ἢ ἐμοῦ ἀποπειρᾶ, Gorg. 495 A εἶπερ παρὰ τὰ δοκούντα σουτῷ ἐρεῖς, ibid. 500 B); altera autem lectio περὶ τῆς ἀδικίας prorsus abundat et saltem περὶ τῆς δικαιοσύνης τε καὶ ἀδικίας scriptum esse debuerat. Quibus probatis mihi verba περὶ τῆς ἀληθείας delenti accessuros doctos viros confido. Post pauca dubitanter suadeo ἀλλ' οὐ — ἐλέγξεις (i. e. quantocius ἔλεγχε), quod homini procaci convenientius.

P. 349 C: Verba μηδὲ βούλεται suppositicia mihi videntur. Praegressa enim verbum ἀξιοῦν sensum τοῦ ἐθέλειν habere ostendunt.

P. 350 A: Fortasse cum uno codice legendum εἴ τί σοι pro εἴ τίς σοι κτλ., „an forte". — In § C vulgatam οὐχ ὥς ἐγὼ sollicitare non debueram, vid. Isocr. 12. 153 ἐγὼ δ' ὁμολογῶ μὲν ἐρεῖν πολλὰ τῶν ἐκεῖ καθεστῶτων, οὐχ ὥς Λυκούργου τι τούτων εὐρόντος ἢ διανοηθέντος, ἀλλ' κτλ., ibid. § 218.

P. 351 A: Coniectura mea <Ναί> recepta Socrates quae est eius in disputando sinceritas, antequam adversarium ἐλέγχειν incipiat, eum ut solet rogat rectene propositam sententiam teneat. Possis etiam corrigere δικαιοσύνης. "ΕΦη (*assensus est*). Νῦν δέ γ', [ἔφη] κτλ. Iam ipsa illa γάρ που („Dixeris, ni fallor, etc.", conf. v. c. 464 B 528 D alia) assensum Thrasyarchi Socratem cupere indicare mihi videntur. — In vulgata in § C εἰ μὲν, ἔφη, ὥς σὺ ἄρτι ἔλεγες, ἔχει, ἡ δικαιοσύνη σοφία *mente* εἰ ante ἡ δικ. σοφία supplere licere docent 359 BC εἰ τοιόνδε ποιήσαιμεν τῇ διανοίᾳ, δόντες . . . ἐπακολουθήσκιμεν, 589 D εἴπερ τοιόνδε τι γίγνεται, λημβάνων . . . καταδουλοῦται, alii loci, sed ellipsis praedicati (ἐστὶ) vix ferenda mihi videtur. — In § D lege ἐγγενομένη pro praesenti; in § E εἰάν . . . ἐγγένηται idem est quod ἐνοῦσα s. ἐγγενομένη.

P. 352 B: Lege δυνατότεροι [πράττειν] coll. 351 A ἐλέχθη γάρ που κτλ., et fortasse in sequentibus οὐδὲ ἐν πράττειν. — In § C suadeo ἐπὶ τὰ δίκαια [ἀδικίᾳ].

P. 353 C: Malim μὴ ἔχοντα τὴν αὐτῶν [οἰκίαν] ἀρετὴν (vide paulo inferius τῆς αὐτῶν ἀρετῆς) aut τὴν [αὐτῶν] οἰκίαν (vid. Ε τῆς οἰκίας ἀρετῆς); prius mihi arridet. Ubi οἰκίος s. ἴδιος aliis opponitur, recte αὐτοῦ additur: vid. ex. gr. Isocrat. 4. 168 τοῖς ἄλλων κακοῖς ἢ τοῖς αὐτῶν ἰδίοις ἀγαθοῖς, Plat. Legg. 758 B. In sequentibus requiro ἥτις, ἣν δ' ἐγώ, αὐτῶν ἡ ἀρετή, οὐ(τί)πω τοῦτο ἔρωτῶ (pro οὐ γάρ πω τοῦτο) vel <οὐ μοι μέλει>· οὐ γάρ πω s. <οὐδὲν διαφέρει>· οὐ κτλ. In eadem sententia corrige εὖ <ἀπ>εργάσεται [ΤΑ] ἐργαζόμενα, cum mihi mens vulgatae, quae Socratem male (sequitur enim *infra* τίθεμεν οὖν καὶ τᾶλλα πάντα εἰς τὸν αὐτὸν λόγον;) iam hic in universum loquentem facit, cum praegressis οὐ γάρ πω τοῦτο ἔρωτῶ parum cohaerere videatur. Addidit autem Socrates ideo ἐργαζόμενα (i. e. τότε, ὅταν ἐργάζεται), quod Thrasyarchus ipsum de oculis caecitate affectis cogitasse putabat.

P. 354 B: Verba ἀλλ' οὐ διὰ σέ deleantur: propter praegressa ὑπὸ σοῦ γε (sc. μοι εἰστίλται) et δι' ἐμαυτὸν (οὐ καλῶς εἰστίλμαι) ista absona sunt.

P. 357 B: Lege Ἐμοιγε, ἣν δ' ἐγὼ deletis verbis δοκεῖ τι εἶναι τοιοῦτον, ne vis particulae γε pereat; paulo post (§ C) Socrates unum Ναὶ respondit. In proximis (§ D) vereor ut verba ἔστι γὰρ οὖν, ἔφη, καὶ τοῦτο τρίτον sana sint, nisi καὶ deleatur (conf. Phil. 32 C ἔστι γὰρ οὖν τοῦθ' . . . ἕτερον εἶδος). Dubitanter mox commendo ἐν <τῷ> ποίῳ, ἔφη, τούτων.

P. 359 B: Legendum puto ἀλλ' [ὥς] ἀρρωστίᾳ τοῦ ἀδικεῖν [τιμώμενον], ne bis idem dicatur. Τιμώμενον ex τιμᾶσθαι, vocis ἀγαπᾶσθαι interpretamento, accommodationis gratia corruptum esse suspicor et ὥς dittographia ΑΛΛωςΑΡρωσΤΙΑ natum mihi videtur. — Quae post pauca leguntur verba ἀδυναμίᾳ τοῦ ἀδικεῖν, sunt modo praegressa ἀρρωστίᾳ τοῦ ἀδικεῖν explicantis. Huc ista non pertinere ex iis apparet, quae supra (358 C) δεύτερον δέ, ὅτι πάντες αὐτὸ οἱ ἐπιτηδεύοντες ἄκοντες ἐπιτηδεύουσιν leguntur. — In § E requiro <τοῦ> εἰωθότος; varia l. εἰωθότως minus placet.

P. 360 A: Varia l. ὥσπερ οἰχομένου (codd. aliquot ὥσπερεῖ) vulgatae ὥς περὶ οἰχομένου anteponatur, quia veri simile est τοὺς παρακαθημένους ἀλλήλοις διαλέγεσθαι de aliis rebus quam περὶ αὐτοῦ (ea enim mente supplenda sunt in vulgata).

P. 360 D: Censeo legendum τούτου τοῦ λόγου vel potius ὥς φήσει ὁ ὑπὲρ τοῦ [τοιούτου] λόγου λέγων· ἐπεὶ εἴ τις τοιαύτης κτλ., nam τοῦ λόγου (ut 362 D), *argumenti* („iniustitiam prodesse, iustitiam nocere”, iniustitiae laudationis) sufficit. Duobus aliis locis 389 C τοῦ τοιούτου . . . τοὺς [τοιούτους] ἄρχοντας et 578 C τὰ τοιαῦτα, ἀλλ' εὖ μάλα τῷ [τοιούτῳ] deleo) λόγῳ σκοπεῖν eodem modo peccatum est.

P. 361 A: Corrige ὁ ἄδικος ἐπιχειρῶν [ὀρθῶς] τοῖς ἀδικήμασι, ne sententia corruat; sensus enim verborum εἰ μέλλει σφῶδρα ἄδικος εἶναι est εἰ δεινός ἐστιν sive ἄκρος (ut audit medicus in 360 E ult.).

P. 361 B: In proximis εἶναι ἀγαθὸν ἐθέλοντα displicet vox ἀγαθόν, quia hic non de iusti ἀρετῇ, sed de eius δικαιοσύνη sermo

est. Aeschyli verba οὐ γὰρ δοκεῖν ἄριστος, ἀλλ' εἶναι θέλει Platonem ad suum usum accommodasse satis ostendunt sequentia (362 A) τὸ δὲ τοῦ Αἰσχύλου ὑπερότερον λέγειν κατὰ τοῦ ἀδίκου. Licet mente δίκαιον suppleri possit, id fortasse in textu addere praestat (εἶναι δίκαιον — pro ἀγαθὸν — ἐθέλοντα). Conferatur etiam Philem. fragm. inc. εἶναι δίκαιος καὶ δοκεῖν εἶναι θέλει. — In § C verba δοκοῦντι τοιοῦτῳ εἶναι, quae nonnulli interpretes silentio presserunt, significant ὅτι δοκεῖ τοιοῦτος εἶναι s. διὰ τὴν δόξαν.

P. 362 A: Multis Glaucon iustitiam dicit videri rem inanem, sed ἀδικίαν ἀληθείας ἔχεισθαι, ut ἄδικος dici possit non umbram persequi (οὐ πρὸς δόξαν ζῆν). Ad δόξαν conf. 505 D τὰ ὄντα ζητοῦσι, τὴν δὲ δόξαν ... πᾶς ἀτιμάζει. — In § B malo [περιγίγνεσθαι καὶ] πλεονεκτεῖν; vel inimicis litem infert vel ab inimicis iudicio implicatur.

P. 362 C: Vereor ne verba καὶ θεραπεύειν usque ad βούληται annotatio sit marginalis, quum homines θυσίαις et ἀναθήμασι deos colant (θεραπεύειν) deque hominibus iam satis in praegressis (Φίλους εὖ πσιεῖν) dictum sit. An hic librarii ipsius Platonis variam l. in textum intulerunt? — Non inepta est in § D scholiastae l. ἀδελφὸς αἰὶ (pro ἀνδρὶ) παρείη (sc. ἀδελφῶ); conf. Demosth. de F. L § 238 ult. καὶ τὸ συγγνώμῃ ἀδελφῶ βοηθεῖν προσειληφότες.

P. 363 A: A. Bastien, interpres Gallicus verba τὰ τῶν δοξῶν vertit „les avantages de l'apparence”, male, nam sensus est „l'appréciation”, vide 367 D δόξας τε περὶ αὐτῶν 612 D ὥσπερ ἔχει δόξης, alia.

P. 364 C: Sive βλάψειν sive βλάψαι legimus, anacoluthon vitari nequit. Potuit βλάψαι in βλάψε, -ψει -ψη corrumpi et βλάψει (i. e. βλάψειν) in βλάψει, sed futurum alacriorem orationem reddit.

P. 365 D: Si φέρει sanum est, tum ὥς in ἥ mutandum (cf. 394 D), sed malo φαίνει pro φέρει legere. In sequentibus ὥς

πλεονεκτοῦντες ad unum βιασόμεθα pertinere puto, et δίκην μὴ διδόναι obiectum esse verborum πείσομεν et βιασόμεθα (i. e. πείθω et βίη impetrabimus). — In § E vereor ne ἡ ἀκηκόαμεν spuria sint; dubito commendare ἴσμεν ἢ ἀκῶ [ἡ]. Voce λόγων ea significantur quae homines narrant. Burnet V^{am} l. νόμων recepit.

P. 366 A: Naberus καὶ αὐτοὶ καὶ παῖδες παίδων pro ἡ — ἡ suasit, sed audi Solonem ἀντίτις ἔργα τίνουσιν ἡ παῖδες τούτων ἡ γένος ἐξοπίσω. Praestat nil mutare, ubi utrumque probari potest. Baiteri coniecturae <ἡ παῖδες> loci quales 363 D Legg. 721 C 773 E 899 E adversantur. Verba φήσκει λογιζόμενος, si sincera, transponenda sunt quo dixi, at haud est improbabile ea esse annotationem marginalem. — In § B aut <ὑπὸ> τῶν πολλῶν aut ἄκρων λεγομένων corrigitur. De iisdem videatur Legg. 885 D τοιαῦθ' ἕτερα τῶν λεγομένων ἀρίστων εἶναι ποιητῶν κτλ. Mox novum caput a verbis ἐκ δὴ πάντων κτλ. ordiatur, quod verba κατὰ τίνα οὖν usque ad λόγος, ficti illius sermonis mihi exitus esse videtur.

P. 366 D: Istud ὅτι non ad εἰπεῖν, sed ad ἐκεῖνο pertinet. Non opus est v. l. ὠρμήθη, sed deleatur εἰπεῖν coll. Tim. 80 D ὅθεν ὁ λόγος ὥρμησε, Theaet. 184 A Politic. 274 A.

P. 367 B: Vulgatam εἰ γὰρ μὴ ... προσθήσεις non sanam puto. Patet enim ex § D μισθοὺς δὲ καὶ δόξας et δόξας τε περὶ αὐτῶν καὶ μισθοὺς nostro loco vocem δόξα non „species” (sic Ast Stallb. Schmelzer) significare, sed idem valere ac 363 A τὰ τῶν δοξῶν 366 E 367 D μισθοὺς δὲ καὶ δόξας πάρες 612 B. Respiciuntur autem Glauconis verba in 358 B ἐπιθυμῶ γὰρ ἀκοῦσαι κτλ. Quae cum ita sint, verba ἀφαιρήσεις τὰς ἀληθεῖς δόξας plane sensu carent, ut unice vera mihi videatur cod. Vind. F *correcti* lectio ἐκατέρωθεν, <ἀλλὰ> τὰς <μὲν> ἀληθεῖς κτλ. Platonis autem manus fuit haec ἐκατέρωθεν, ΑΤΑΡ (pro τὰς) ἀληθεῖς, τὰς δὲ κτλ., hoc est ἀτὰρ τὰς μὲν ἀληθεῖς, τὰς δὲ ψευδεῖς (cf. ex. gr. Phil. 36 E ψευδεῖς, αἱ δ' ἀληθεῖς οὐκ εἰσὶν ἡδοναί; 38 B, alia). In sequentibus corrige οὐ τὸ δίκαιον <εἶναι> φήσομεν.

P. 368 A: Herwerdeni C^{am} θεῖόν <τι> πεπόνθατε, εἰ μὴ πεπεῖσθε

improbendam censeo, nam verba sic explico εἰ μὴ πεπεῖσθε, τοῦτο θεῖον πεπόνθατε, quem ad modum (ut hoc exemplo utar) δεινόν ἐστιν, εἰ ὁ κακὸς εὐδαιμονήσῃ significat εἰ ὁ κακὸς εὐδαιμονήσῃ, τοῦτο δεινόν (cf. Demosth. Cor. 114 σχέτλιον γὰρ ἂν εἴη τοῦτό γε, εἰ κτλ.). Non magis igitur τι hic opus est quam in Gorg. 465 D in verbis ἄτοπον πεποίηκα ὅτι (i. e. ὅτι . . . , τοῦτ' ἄτοπον πεποίηκα). — In § C suadeo ἀπαγορεύειν [καὶ] μὴ βοηθεῖν id est „defugere defensionem”; vulgo interpretantur „animum demittere”.

P. 369 D: Fortasse non opus est *in textu* reponere ὑφάντης <ἔσται>; ἢ καί.

P. 370 A: Non displicet v. l. δι' αὐτοῦ pro δι' αὐτόν; recte Ficinus „sine alterius auxilio”. Conf. Politic. 274 A αὐτοῖς δι' αὐτῶν. — In § B verba εἷς ὢν significant „singulus s. auxilio destitutus”. — In § E in verbis αὐτὴν τὴν πόλιν vox πόλιν civibus opponitur, quod ferri nequit, quia πόλις hic non significat aedificia, tecta. Probanda est igitur Stallb.¹ coniectura γ' αὐ (pro γ' αὐτήν), qua vocula saepius ad nova transitur.

P. 371 A: A. J. Egelie et Nabero, viris doctis, verba οὗτοι δέ εἰσιν ἔμποροι delentibus non assentior. Nam cui haec displicent, etiam proxima ἢ οὐ καπήλους καλεῖμεν (§ D) otiosa videantur necesse est.

P. 372 A: Fortasse legendum est χρειὰ [τινὶ] τῇ πρὸς ἀλλήλους. — In § C propter varias l.l. καὶ λάχανά <γε> et ἐψήματα <τε> suspicor Platonem scripsisse καὶ βολβούς <γε> καὶ λάχανα <καὶ> οἷα δὴ ἐν ἀγροῖς κτλ. servato ἐψήσονται (part. γε nova inducere solet). — In § E dubitanter commendo τρυφῶσαν [πόλιν], nam ὅπως γίγνεται est γιγνομένην (cf. 369 A). Post pauca suadeo εἰ δ' αὐ βούλεσθε . . . <θεωρεῖν>, θεωρήσωμεν coll. 350 E εἰ βούλει ἐρωτᾶν, ἐρώτα, Lach. 196 C εἰ βούλει πυνθάνεσθαι, πυνθάνου, Legg. 688 B, aliis.

P. 373 A: Non inepte in cod. Mon. verba οὐδ' αὕτη ἢ δίαίτα omissa sunt, nam ταῦτα (i. e. „quae modo diximus”) omnia

continet. — In § B conicio ὄγκου ἐμπληστῆς [καὶ] πλήθους κτλ. — In § E σμικρῷ ad στρατοπέδῳ pertinet, eadem constructio occurrit 507 E σμικρᾷ ἄρα ἰδέα ... τιμιωτέρῳ ζυγῷ, 579 C τοῖς τοιοῦτοις κακοῖς πλείω.

P. 374 B: Totam sententiam sic distinguendam censeo Ἄλλ' ἄρα τὸν μὲν ... ἀπεργάζεσθαι, τὰ δὲ δὴ περὶ τὸν πόλεμον [πό-
τερον] οὐ ... ἀπεργασθέντα; ἢ κτλ.

P. 375 A: Repone πρὸς τὸ αἰσθόμενον (pro praesenti) διωκ-
θεῖν. — In § E initio φύσει in multis codicibus incertam habet
sedem ac abundare mihi videtur.

P. 376 A: Displicet mihi που in verbis ὅτι δὲ που δρᾷ ταῦτα,
δῆλον. Suspisor in antiquo codice scriptum fuisse sic

ΔΡΑΤΑΤΤΑΔΗΛΟΝΑΛΛΑΜΗΝ

ΠΟΕΙ

ΚΟΜΨΟΝ κτλ.

, deinde ποει (i. e. ποιεῖ), additum ab aliquo verito ne ΔΡΑ
legeretur ΑΡΑ (ut unus Stobaei codicum praebet), in που mu-
tatum esse. Codex Vind. F' που δρᾷ et <που> κομψόν exhibet
describentis errore. — In § B post ταῦτὸν γὰρ, ἔφη mente sup-
pleatur Ἄρ' οὐν οὐ φιλόσοφον τὸ θηρίον; Πῶς γὰρ οὐ;, quocirca
in § C postulo φιλόσοφον [καὶ φιλομαθῆ], ut legimus 375 E ult.
προσγενέσθαι φιλόσοφος τὴν φύσιν (ταῦτὸν esse φιλομαθὲς et φι-
λόσοφον modo dictum est). Obiter in § B ult. ἐπ' pro ἐν ἀνθρώπῳ
repono (cf. 559 A ἐπ' αὐταῖς).

P. 376 D: Vide an ista δικαιοσύνην τε καὶ ἀδικίαν τίνα τρόπον
ἐν πόλει γίγνεται e margine invecta sint, quia οὐπὲρ non ad
372 E κατίδοιμεν, τὴν τε κτλ. spectat, sed ad 368 C τί τέ ἐστιν
ἐκότερον sive 369 A ἰδεῖν ὃ ζητοῦμεν (cf. 430 D καὶ οὐ δὴ ἕνεκα
πάντα ζητοῦμεν, δικαιοσύνη). In proximis malo [ἐν μύθῳ] μυθολο-
γοῦντές (cod. Mon. a manu s. praebet ὥσπερ εἰ μυθολογοῦντες).
In Tim. 26 C legitur (πόλιν) ἦν ... ὥς ἐν μύθῳ διήμισθα σύ. —
In § E propter V^{am} l. θάτερον suspisor scribendum esse ψευδός
Δ<ετο>ετεPON (i. e. ψευδός δὲ τὸ ἕτερον).

P. 377 A: Τοῦτο δὲ ἔλεγον est διὰ τοῦτο κτλ. — In § B ult. legatur οὐδ' ὁπωστιοῦν [παρήσομεν]. — In § D Eusebius mutato ordine praebet ψευδεῖς τοῖς ἀνθρώποις συντιθέντες; mihi ψευδεῖς inficetum videtur additamentum. — In § E abice glossema *δμοιx* (bonus praeterea scriptor *δμοίοις* scripsisset), nam praeter quos nunc symbolicos vocant, *γραφήs* semper similitudini student.

P. 378 E: Voces *πρὸς ἀρετὴν* interpolatori reddantur: ecquis ex auditoribus post omnia praegressa verba *ὅτι κάλλιστα* (cf. supra 377 C *ὃν μὲν ἂν καλὸν ποιήσωσιν*) ad *μύθων* formam *externalnam* relaturus fuisset? Cod. Vind. F praebet *μάλιστα* pro *κάλλιστα*.

P. 379 D: Cod. Vind. F *τείρεται* pro *κύρεται* praebet, quae lectio e vetere interpretamento *μείρεται* (vid. Theodor.) orta videtur.

P. 380 B: In verbis *κακῶν δὲ αἴτιον φάναι* κτλ. verbum *φάναι* editores anacoluthon statuentes defendunt. Quamquam cum anacoluthis magis quam cum doctis arduum est pugnare, *φάναι* lectori reddendum puto non intelligenti unde acc. c. inf. *κακῶν δὲ αἴτιον θεόν τινι γίγνεσθαι* (i. e. *ὅτι δὲ θεὸς αἴτιος κακῶν τινι ἐγίγνετο*) penderet. Addidit igitur (*τὸ*) *φάναι* i. e. „id quod dicunt”. Vel deletο *φάναι* leve anacoluthon relinquitur (*ταῦτα*). In Legg. 838 B *τὸ ταῦτα εἶναι [φάναι]* κτλ. postulo, *ῥήμα* cogitans.

P. 380 D: Fortasse pro *ΓΙΝόμενον* (*γιγνόμενον*) reponendum *ΚΙΝούμενον* (in Politic. 265 D codd. *τὸ κινούμενον*, edit. *τὸ γιγνόμενον* praebent): vid. § E *τὰ ἄριστα ἔχοντα . . . κινεῖται*, 382 E *οὔτε αὐτὸς μεθίσταται* (cf. Theaet. 181 D *δύο εἶδη κινήσεως, ἀλλοίωσιν, τὴν δὲ περιφοράν*).

P. 381 E: Varia l. *ἡμΑΣ* (pro *ἡμῖν*) δὲ *ποιοῦσι* *δοκεῖν* *σφᾶς* *παντοδαποὺς φαίνεται* probanda mihi videtur, ne *σφεῖς παντοδαποὶ* opus sit.

P. 382 B: Malo τοῦτο <τὸ> ὡς ἀληθῶς ψεῦδος κτλ. (cf. supra § A et infra τὸ μὲν δὴ τῷ ὄντι ψεῦδος). In proximis εἰδωλον interpretamentum mihi videtur. — In § D ἀφομοιωὼν e praegressis male repetitum est; deleatur.

P. 383 C: Corrigendum censeo καὶ [ὡς] νόμοις ἂν χρώμενη; cf. Legg. 854 E ult. τοὺς δὲ ἄλλους παραδείγματα ὀνήσει (sc. οὗτος).

P. 386 D: Fortasse Platoni ΤΟΙ Δὲ σκια, quae varia l. est, reddendum est, nam τοι (i. e. *ceteri*) vix attractione in ται mutari potest. Locus in Menon. 100 A non magis sanus videtur: deletis verbis τῶν ἐν Ἄιδου apparet quomodo post πεπνυται pronomen τοι in ται et αἰ abierit. In Odyss. 11.388 nunc ὅσσοι pro ὅσαι (ψυχαί) editur.

P. 388 D: Praestat ni fallor transponere εἰ καὶ αὐτῷ ἐπίοι κτλ. In 389 B dele ὡς.

P. 389 E: Noli probare Vam l. <παρ> Ὀμήρῳ, nam praecise dictum λέγει pro πεποιήται λέγων (nudus dativus occurrit etiam Legg. 706 D, Hipp. Min. 364 E). In 390 A codd. nostri praebent παρὰ πλείαι ὥσι; incidit mihi aliquando in mentem Platonem παραπλήθωσι τρέπεζαι scripsisse, sed interpretamentum super πλήθωσι additum genuinam l. expulisse. — In § E οὐδ' — ἀξιόσομεν significat „non sinemus Achillem — sc. apud poetas — tam avarum esse”. Infra demum (391 A) rectius μὴ δεῖν πείθεσθαι τοιαῦτα docetur.

P. 393 A: Suadeo [καὶ] οὐδ' ἐπιχειρεῖ („neque” pro „et nequidem”), ne τὸ ἐπιχειρεῖν necessarium esse significetur. Saepius τε — οὐδὲ s. μηδὲ occurrit (cf. Sophocl. O. C. 368). Sequentia ὡς ἄλλος τις ὁ λέγων ἢ αὐτός spuria mihi esse videntur. Ἡμῶν τὴν διάνοιαν ἄλλοσε τρέπειν est ἡμᾶς ποιεῖν ἄλλα διανοεῖσθαι. — Ad sensum vocis παθημάτων in § B conf. 380 A τὰ Τρωϊκά (πάθη). Continuo post malo καὶ [ὅταν] τὰ μεταξὺ κτλ.: illud

enim sine hoc fieri nequit. — In 394 A abesse malo voces καὶ ἀπαιτῶν.

P. 395 A: Fortasse ποιῶντες expungendum est. Statim post repone μιμήματ' ἄρτι. — In § D verba καὶ Φωνάς spuria esse duco; Plato Φωνήν dixisset.

P. 396 C: Verba ἐν ᾧ διηγοῖτο sunt praegressa οὗ ἂν ἔχοιτο ἀεὶ interpretantis: deleantur. — In § E non assentior I. Adamo suadenti τῆς ἀπλῆς (pro ἁλλῆς) διηγῆσεως. Imitatio (μίμησις) pars sive species est διηγῆσεως.

P. 397 A: Licet etiam corrigere <διὰ μιμήσεως> s. <μιμήσει> διηγῆσεται; cf. 392 D διὰ μιμήσεως — sc. διηγῆσει — γιγνομένη, 392 C. Obiter scribe secundum inscriptiones τροχιλαίων.

P. 399 A: Corrigendum censeo ἐκείνην [τὴν ἁρμονίαν]; locos 618 C nec non 616 A eodem modo inquinatos iam alii correxerunt. — Quae in § C legenda conieci βιαίων ἐκουσίων non neutrius, sed masculini generis sunt. — In § E vox πάλιν mihi sollicitanda non fuerat, sed dubito utrum ad primam (398 A) κάθαρσιν, qua Homerus expulsus esset, referri debeat an abundanter (καθαίρειν enim est pristinam condicionem reducere) posita esse existimari. Complures interpretes voculam non expresserunt.

P. 400 A: Verba τὸν πόδα partem pro toto (metro s. rhythmō) significant. — Ad verba ποῖα δὲ ποίου βίου μιμήματα conferas velim Legg. 669 C sqq. Non ποῖα δ' ὁποίου, sed ποῖα δὲ ποίου Platonem scripsisse satis demonstrant loci hīc Theaet. 149 D ποῖα χρὴ ποίῃ ἀνδρὶ κτλ., ibid. § E, Legg. 904 B 683 B 668 E in. — In § B legatur (praeunte Ficino) [καὶ] μετὰ Δάμωνος. Sine causa βραχύ τι (pro τε) conieceram, sed eiectis verbis ξύνθετον καὶ δάκτυλον legendum <καὶ> εἰς βραχύ τε καὶ μακρόν γιγνόμενον [καὶ]. — In § C verba τοῦ ποδὸς immerito exsulare iussi. Ad dativum in verbis καὶ τούτων ΤΙΣΙΝ οἶμαι τὰς ἀγωγὰς (nunc vocamus λεπρό) τοῦ ποδὸς . . . ψέγειν conferatur Isocr. Bus. 38 κλοπὰς . . . αὐτοῖς ὠνεῖδισαν.

P. 401 A: Ut *ἀσχημοσύνη* et *ἀρρυθμία* cognata sunt *κακολογία*, sic contra opera pulchra εἰς *ὁμοιότητά τε καὶ Φιλίαν* τῷ καλῷ λόγῳ ducunt (401 D). — Poenitet me in § B καὶ ὁ μὴ οἶός τε pro ἢ ὁ μὴ οἶός κτλ. postulasse: ἢ satis 503 A defendit. — In § C post καὶ (ante *εὐθύς*) mente supplendum ἵνα αὕτη (ἢ αὖρα). Sine anacolutho auctor scribere potuisset ἴν' ὥσπερ ἐν ὑγίεινῳ τόπῳ οἰκοῦντας τοὺς νέους ὠφελεῖ ὅ,τι ἂν αὐτοῖς προσβάλλῃ — καὶ λαμβάνῃ ἄγον. Verba ὥσπερ ἐν ὑγίεινῳ τόπῳ οἰκοῦντες propter sequentia ἀπὸ χρηστῶν τόπων ὑγίειαν elegantiae officiant neque genuina mihi videntur.

P. 401 D: Dubitanter pro *ὁμοιότητα* suadeo *οἰκείότητα* (cf. 402 A). Propter *ξυμφωνίαν* voc. *ὁμοιότητα* non ante, sed post *Φιλίαν* collocatum oportuerat. Vereor ne Plato scripserit *Φέροντα τὴν εὐσχημοσύνην* [καὶ ποιεῖ *εὐσχήμονα*]. — In § E scholiasta verba ἐκεῖ *τραφεῖς ὡς ἔδει* (fort. legendum *δεῖ*) interpretatur ἐν *ἀριστοκρατία*, sed manifestum est Platonem de musica cogitasse (cf. 404 E). Dubitans commendo *ἐκείνη* (in 403 C *ταύτη ἀκριβῶς τρέφεσθαι*). In subsequentibus *nunc* Vermehrenii Cam <*χαίρων καὶ*> *δυσχεραίνων* probō. Neque enim facile τὰ τοιαῦτα ad *δυσχεραίνων* mente suppletur, nisi *ὀρθῶς* δὴ contra scriptoris sententiam cum *δυσχεραίνων* iungitur, neque tautologia τὰ τοιαῦτα (τὰ μὴ καλὰ) *δυσχεραίνων* et τὰ *αἰσχροῦ μισοῖν* elegans. Non modo ex τῶν *αἰσchrῶν* odio, sed etiam ex pulchrorum amore recte educatus τὰ καλὰ ἐπαινεῖ. Malo tamen *δυσχεραίνων* <*τε καὶ χαίρων*> reponere (vid. Legg. 751 D *δυσχεραίνοντάς τε καὶ ὑποδεχομένους ὀρθῶς κρίνειν καὶ ἀποκρίνειν*), ut haec arctius cum praegressis cohaereant. Alterum *ὀρθῶς* in 402 A initio spurium mihi videtur, si Vermehrenii C^a recipitur.

P. 402 A: Malo <*ἢ*> ἐν *μουσικῇ εἶναι* [H, v. l.] *τροφῇ*, quum iuvenes etiam alias disciplinas doceantur. De litteris discendis videatur locus in Politic. 277 E sqq. — In § B falso ὡς [οὐ] *δέοι αἰσθάνεσθαι* postulavi, licet *ἡτιμάζομεν αὐτὰ αἰσθάνεσθαι* sufficisset. Vertendum videtur „neque cum contemptu existimabamus nos ea non oportere observare”. Herwerdeni sententia ὡς οὐ *δέοι αἰσθ.* spuria esse verbis in § C *μήτε ἐν σμικροῖς κτλ.* defendi potest; frigidissima enim vulgata. Fortasse legendum

est ἐνόντα ἐν ὅσοις (pro οἷς) ἐνεστίν coll. § A ult. ἐν ἅπασιν οἷς ἐστὶ περιφερόμενα.

P. 403 B: Praestat corrigi οὐ μέντοι, μὰ Δί', ἔφη, ὦ Σ. [προσοιστέον s. προσοιστέα] coll. 426 B 444 A Alcib. II 143 C, aliis. Ad dictionem μακρότερα τούτων conf. Crat 413 A, Soph. 258 C μακροτέρως τῆς ἀπορρήσεως, Thucyd. 3. 39. — In § C noli ad ὑφέξοντα conferre Thucyd. 3. 40 ult. παραδείγμα σαφὲς καταστήσατε, ὅς (alii malunt ὡς ὅς) ἂν ἀφίστηται, θανάτῳ ζημιωσόμενον (passive), quoniam παράδειγμα καταστήσαι s. ποιῆσαι ad verba demonstrandi pertinet. Hinc magis nunc inclino ad Richardsi Cam <ὡς> ψόγον, cum verba εἰ δὲ μὴ (sc. οὕτως ὁμιλεῖ) κτλ. ad νομοθετήσεις referenda sint (vid. Legg. 887 A νομοθετοῦντες ὡς ὄντων θεῶν).

P. 404 A: Herwerdenus conii. οὗτοι [οἱ ἀσκηταί], sed aut omnia servanda sunt aut etiam οὗτοι expungendum est. — In § B lege ἀπλῇ που καὶ ἡ ἐπεικὴς κτλ. i. e. simplex procul dubio etiam proba gymnastica etc. In § C corrige [ἴσασί τε].

P. 405 A: Ad Cobeti Cam δικαστικὴ pro δικανικὴ conferatur imprimis Erast. 137 D τίς οὖν ἐστὶν ἡ ἐπιστήμη et quae sequuntur. — Temere olim in § B suasi [καὶ ἀπορίᾳ οἰκείων s. οἰκείου], quia his deletis obscurior sententia fit. Utique autem legendum erit [καὶ] ἀπορίᾳ οἰκείου (sc. δικαίου), nam homo ἄδικος s. ἄπερος δικαίου φεύγων ἢ διώκων, non iustus ius suum persequens vel calumnias diluens hic respicitur. — Ad diversam vocis τοῦτο in verbis τούτου αἵσχιον εἶναι τοῦτο vim conferas 454 E οὐκοῦν μετὰ τοῦτο κτλ. Eurip. Ion. 776 τόδ' ἐπὶ τῷδε κακὸν κτλ.

P. 406 D: Ad verba παρὰ τοῦ ἱατροῦ φάρμακον πιὼν i. e. iussu medici videatur Cobetus in Mnem. 1858 p. 128. Verba καὶ μετὰ ταῦτα κτλ. verte „et après avoir ensuite pris congé d'un tel médecin il reprend sa vie ordinaire etc.”.

P. 407 A: Dubitanter textum sic constituendum censeo Ὁ δὲ δὴ πλούσιος, [ΩΣ] Φαμέν, οὐδὲν . . . ἀβίωτον; Οὐκοῦν δὴ λέγεται γε. Φωκυλίδου γὰρ (part. interr.), ἦν δ' ἐγώ, οὐκ ἀκούεις ὡς (sensu

τοῦ ὅτι, v. l. ὅς) ... ἀσκεῖν; Οἶμαι κτλ. et in proximis lege cum Grou (interprete Gallico) πρότερον, <εἰ> (sive πρότερ' εἰ) μελετητέον ... [τῷ, sic J. J. Hartman] μὴ μελετᾶντι, ἢ (sic Par. A) νοσοτροφία κτλ. In § E quum ad δῆλον non commode ἔτι πολιτικὸν αὐτὸν λέγω cogitari possit, verba ΟΤΙ τριούτος HN inter δηλον et HN δ' ἐγώ, non post ἦν δ' ἐγώ transponenda censeo.

P. 408 A: Non inepte Adam correxit ἐκμύζησάν τ' ἐπὶ τ' κτλ. — In § B verbis νοσῶδη δὲ φύσει τε καὶ ἀκόλαστον unum eundemque significatum censeo. In 409 D ad φύσεως cogita τῆς τοῦ ἔχοντος ἀρετῆν; sine παιδείᾳ etiam optima φύσις perit.

P. 410 C: Ad καθιστᾶσιν (Madvigius καθίστασαν) Schneider contulit Arist. Ran. 23 τοῦτον δ' ὀχῶ, ἵνα μὴ ταλαιπωροῖτο, ibid. v. 761 νόμος ... ἐστὶ κείμενος — ἕως ἀφίκοιτο, sed nostro loco non optativus, sed praesens displicet. — Verbum διατεθῶσιν signo interrogandi post ἄψωνται sublato abesse malim, nisi forte aliud quid ΔΙΑΤΕΛΕΩCIN in eo latet (cf. 426 A in. χαριέντως διατελοῦσιν). — In § E praestat ἀμφοτέρω pro -τέρᾳ scribere.

P. 411 A: In verbis δειλὴ καὶ ἄγροικος solum καὶ recte se habet, quia ἀναρμόστου duo sunt genera. — In § B φύσει in tribus codd. aliam sedem habet, in aliis φύσιν legitur. Fortasse φύσει est verba ἐξ ἀρχῆς interpretantis. — In § C θυμοειδοὺς non neutrius est generis, ut Campbellius existamabat. Si vulgata non sana est, corrigere licet ἀντὶ <τῷ> θυμοειδεῖς (pro -οῦς) sc. εἶναι (cf. Demosth. in Mid. 148 πρὸς τῷ μὴ καλὸν — sc. εἶναι — μηδὲ θεμιτὸν νομίζετε κτλ. ... εἶναι).

P. 413 A: Schneidero verito ut Astius verba ἢ οὐ τὸ τὰ ὄντα δοξάζειν ἀληθεύειν delens quintam suffragiorum partem ferret non accedo. Post ἀληθεύειν scriptori omittere licebat καὶ τὸ τὰ μὴ ὄντα (s. ψευδῇ) δοξάζειν ἐψεῦσθαι τῆς ἀληθείας, quoniam quid ἀκούσιος esset ἐκβολή, scire intererat, sed addere debuerat ἢ οὐ τὰ ὄντα τὰ ληθῆ; . Vulgata in qua δοξάζειν subiectum est admissa argumentatio vi caret (στέρησις ἀγαθοῦ ἀκούσιος, atqui ἀλήθεια

ἀγαθόν, ergo στέρησις ἀληθείας ἀκούσιος). — In § C verba ὑπὸ φόβου mihi male abundare videntur. — In § D malo [καὶ ἀγῶν-ης], quia vulgatae sensus nimis vagus (v. l. est ἀλγηδόνων ἀγῶνας). — In § E ult. praestat, ni fallor, καὶ ante ἀκήρατον delere (cf. praeterea 503 A).

P. 414 A: Lege ἀρχοντα τῆς πόλεως [καὶ φύλακα] et ἀρχόντων [τε καὶ φυλάκων]. Circumscripta sequentium gnarus addidit. Μοχ λαγχάνοντα sequitur quasi τιμητέον καὶ ζῶντα κτλ. praecessisset. Mihi autem librarius notam marginalem τάφων τε καὶ τῶν ἄλλων μνημείων μέγιστα γέρα λαγχ. in textum recepisse videtur. Infra quoque (465 E) verba ταφῆς ἀξίας μετέχουσιν simili errore orationi admixta esse iam olim significavi. Sententiae nostrae favent ea quae 503 A leguntur. — In § B coll. 415 D ult. Tim. 17 D voces πολεμίων et φιλίων exterminandas censeo. Displicet enim φύλακας — τῶν τε ἐντὸς φιλίων, ὅπως οἱ μὲν μὴ (i. e. οἱ φίλοι) βουλήσονται κακουργεῖν. Sensit hoc Bastien interpretatus „à l'égard — des <faux> amis de l'intérieur". — In § C dubitanter suadeo μάλιστα μὲν καὶ <πρῶτον> αὐτοὺς κτλ. (ᾧ ante αὐτοὺς facillime excidere potuit). — In § D legendum [ὥσπερ ὄνειρατα] ἰδούκουν, nam δοκεῖν de somniantibus solemne est (cf. Theaet. 201 D ult. Arist. Vesp. 15 ἰδούκουν αἰτὸν κτλ.). In § E verba μήτηρ οὔσα (ἀνιέναι hic in lucem edere significat), quae sequentibus ὥς περὶ μητρὸς omnem vim praeripiunt, deleantur, deinde corrigatur ἀδελφῶν, ὄντων καὶ <αὐτῶν> γηγενῶν, διανοεῖσθαι (sunt enim omnes cives — 415 A ult. — συγγενεῖς, Tim. 17 D φύσει φίλοις οὔσι).

P. 415 A: Commendo ἵστε μὲν γὰρ δὴ πάντες [οἱ] ἐν τῇ πόλει. Unos φύλακας Socrates alloqui pergit, quamquam πάντες et sequens ὑμῶν etiam ad praegressa τῶν ἄλλων πολιτῶν spectant. — In § E vox πολέμιος pro adverbio dicta est, sed eam abesse malo (ad τις cogito τῶν ἔξωθεν) et dub. praeterea <ἐπὶ πόλιν> τις ἴοι.

P. 416 B: Legendum μὴ τοιοῦτόν <τι>, nam post ἰάν, εἰ, μὴ, alia eiusmodi τι abesse nequit. — In § C scribendum κακουργεῖν . . . [περὶ] τοὺς ἄλλους πολίτας; cf. Legg. 679 E ἀλλήλους,

Euthyph. 3 A τὴν πόλιν, ubi schol. σημ. διὰ τὴν σύνταξιν. — In § D lege οἶων pro ὅσων, ne sequens τοσοῦτον langueat. Μισθὸν est vocis ἐπιτήδεια appositum et τοσοῦτον de more pro τσαῦτα (ἐπιτήδεια) dictum.

P. 417 A: Fortasse emendandum erit μεταχειρίζεσθαι [καὶ ἄπτεσθαι] χρυσὸν καὶ ἄργυρον. — In § B lege τοὺς ἔξωθεν [πολεμίους].

P. 420 A: Dicitur ἐπίσιτος et (τὰ) ἐπισίτια, ut σύσιτος et τὰ συσίτια (cf. praeterea ἀπόσιτος, ὀλιγόσιτος, οἰκόσιτος). Paulo post A. J. Egellie (Observ. Crit.) οἷ δὲ pro οἷα δὲ suasit conferens Menon. 94 D οἷ . . . δαπανώμενον. At vereor ne sic structura pereat. Οἷα δὲ adverbium est; ἀναλίσκουσι Herwerdeno auctore expellendum est. — In § E commendo ἐπιστάμεθα <μὲν> γὰρ (cod. Vind. Fⁱ ἐπίσταμεν) et σοὶ πιθώμεθα.

P. 421 A: Dub. conicio [πᾶσαν] ἄρδην, quoniam ἄρδην ἀπολλύναι est πᾶν ἀπολλύναι (cf. Legg. 677 C 716 B Isocr. 15. 160). Noli comparare Arist. Thesm. 274 ὁμνυμι τοῖνυν πάντας ἄρδην τοὺς θεοὺς (locum ap. Polyb. 3. 53. 1 πάντας ἄρδην ἀπολέσθαι συνέβη alii examinent). In proximis legendum ἢ μὲν εὖν ἢ μεῖς λέγομεν (sic Herwerd.), Φύλακας ὡς ἀ. π. ἡ. κ. τῆς πόλεως, ὁ δ' ἐκεῖνο λέγων (sc. ποιεῖ) γεωργούς τινας καὶ ὥσπερ . . . εὐδαίμονας [ἄλλο — λέγοι]. σκεπτέον κτλ., quae sic verto „Or d'après notre manière de voir nous formons en vérité des gardiens nuisant le moins possible à l'état, notre contradicteur au contraire en fait des agriculteurs quelconques et, comme s'ils se trouvaient à une fête nationale et non dans un état, d'heureux festoyeurs". — In § C corrigendum censeo [τοῦ] μεταλαμβάνειν. — In § D παρέχεσθαι significare potest ἐκυτῷ παρέχειν (vid. Corp. I. A. II add. 834 ἐφ' ὅτε ξύλα αὐτὸς αὐτῷ παρέχειν), sicut ποιεῖσθαι est ἐαυτῷ ποιεῖν (in 370 C corrigatur igitur αὐτὸς ποιήσει — pro ποιήσεται — ἐαυτῷ).

P. 422 E: Praestat δύο μὲν — πολεμῶ ἀλλήλοισιν vel πολέμιαι

ἀλλήλαις scribere quam πολεμία ἀλλήλαις coll. 587B δυοῖν δὲ νόθοιν sc. ἡδοναῖν, Legg. 777C δύο ... μόνω μηχανά, Euthyd. 306C ἢ τε πολιτικὴ καὶ ἡ φιλοσοφία ἐξίῳ λόγου ἔστων.

P. 423 A: Praestat, ni fallor, χιλίων [τῶν] προπολεμούντων corrigere. Paulo ante dele σωφρόνως et in § B lege Τίς, ἔφη [, ὁρος]; cf. 457C, alios locos. — In § D Campbell verba ἕνα πρὸς ἓν ἕκαστον ἔργον κτλ. vertit „we must put each individual man to that one particular work” contra verborum compositionem. Illud πρὸς ὃ τις πέφυκε, πρὸς τοῦτο significat κατὰ τὴν φύσιν. Vocem ἕνα delendam censeo, nisi transponendo scribendum ἕνα <ἕκαστον> πρὸς ἓν [ἕκαστον] ἔργον levi cum anacolutho.

P. 424 A: Voce κύκλος significatur rota figularis (Gallice verto „une fois bien en marche, elle va comme sur des roulettes”); fortasse legatur [αὐξανομένη]. — In § C variam l. μεταλαβεῖν pro μεταβάλλειν fortasse receptam oportuerat; vide Isocrat. VII 71 iuxta 78 et Cobeti notam in Mnem. 1874 p. 383 sq. Mox suadeo μουσικῆς νόμοι (pro τρόποι) ... νόμων <μεταβολῶν> τῶν μεγίστων (vid. Cic. de Legg. II 39 „negat enim mutari posse musicas leges sine mutatione legum publicarum”). — In § D malim οὐδὲν γὰρ [ἐργάζεται], ἔφη, ἄλλο γε ἢ, conf. Euthyd. 277D ult., Menon. 80 A alia. — In § E verbo παιδιᾶς (et παίζειν in 425 A) usus est praegressa (§ D) ὡς ἐν παιδιᾶς γε μέρει (ὡς ibi deleatur, παραδύεται enim ludens, non tanquam ludens) respiciens; significatur prima institutio qua pueri ludentes ad musicam instituuntur. Hinc in 425 A verba διὰ τῆς μουσικῆς interpreti reddenda censeo, ne bis idem dicatur. Est enim ἀρξασθαι παίζειν elementa musicae (dico fabulas cantum choreas) ludentes ut pueri solent doceri. De eodem argumento vide Legg. 797 A sqq.

P. 425 D: Lege aut εἰσι[ν ἢ] κατ' ἀγορὰς aut <κατὰ> λιμένας ac mox cum Vind. F [ἢ] καὶ τὸ παράπαν.

P. 426 B: Propter praegressum ἂν (in verbis οὐδ' ἂν ἡ πόλις κτλ.) l. τοιοῦτόν τι necessaria est. — In § C dub. commendo δς Δ' ἂν σφᾶς ... οὗτός <Δ'> Ἄρα κτλ. — In § E lectione οὐκ

αὐ Adimantus verba πλὴν γ' ὅσοι ἐξηπάτηνται respiciens se errasse significat.

P. 427 C: Verba οὗτος γὰρ δήπου κτλ. sana non erunt, nisi ἐξηγεῖται deletur et ἐστὶν cogitatur. Malo [καὶ] καλῶς γ', ἔφη, λέγεις, ne sequentia καὶ ποιητέον οὕτω abundant, cf. 394 D ult. Politic. 287 B Legg. 632 E ult. 961 C.

P. 428 A: Coniectura mea ἐξ αὐτῶν s. ἐν αὐτοῖς (pro ἐν αὐτῷ) recepta lectio κατὰδῆλον servari potest, cum ἐξ αὐτῶν s. ἐν αὐτοῖς neutrius sit generis et genus neutrum praecedat (τούτων, ἐπειδὴ τετ. ὄντα τυγχάνει). — In § C opus est οὐδ' ἄρα (pro οὐκ ἄρα) et κλητέα <ή> πόλις scribere, sed malo verba σοφὴ κλητέα πόλις deleri. — In § D lege ἐν τούτοις [τοῖς ἄρχουσιν] coll. 414 B.

P. 430 E: Dictiones αὐτοῦ κρείττω γίγνεσθαι et αὐτὸν αὐτοῦ ἄρχειν (cf. Gorg. 491 D) Socrates ὥσπερ ἵχνη σωφροσύνης potestatis appellat. Pro φαίνονται corrigendum est φθέγγονται (quod φέγγονται lectum deinde in φαίνονται mutatum est). Ergo nunc propono ἐπιθυμιῶν ἐγκράτεια, ὥς φασι· κρείττω δὲ αὐτοῦ φθέγγονται οὐκ οἶδ' κτλ. De verbis φαίνομαι φέρομαι φθέγομαι φλέγομαι φθείρομαι inter se in libris stolide permutatis vide Cobetum in Mnem. 1874 p. 258 necnon in Mnem. 1859 p. 63 „exemplum esto versiculus Simiae Rhodii — χρυσῶτυφαέθοντι πολύλιστος φαίνεται κράς. In cod. Marciano est φθέγγεται κράς, cui superscriptum φαίνεται. Vera lectio est, ut vides χρυσῷ τοι φαέθων, τὸ πολύλλιστον φλέγεται κράς.” Ad ὥς φασι conf. Symp. 196 C εἶναι γὰρ ὁμολογεῖται σωφροσύνη τὸ κρατεῖν ἡδονῶν καὶ ἐπιθυμιῶν.

P. 431 A: Non male Par. A et Vind. F praebent λέγειν τὸν κρείττω αὐτοῦ, quum praecedat ἐν αὐτῷ τῷ ἀνθρώπῳ et sic non opus sit εἶναι mente supplere. Mox ἐπαινεῖν οὖν requiro pro ἐπαινεῖ γοῦν (pendet infin. a voce φαίνεται; cf. 436 E οὐδαμῇ γὰρ ἀποκλίνειν). In vicinis verba σμικρότερον τὸ βέλτιον ὄν, quae nihil ad rem faciunt, abesse malim. — In § B in verbis κρείττω γὰρ αὐτὴν αὐτῆς δικαίως φήσεις προσαγορεύεσθαι illud δικαίως ad

Φήσεις pertinet, ut verbum *προσαγορεύεσθαι* (Stob. -*ορεύειν*) ferri nequeat et delendum sit. — In § C recte Herwerdenus correxit *ταῖς δὲ γε ἀπλαῖς κτλ.* (supra *παισι* in *πᾶσι* librarii mutarant), sed praeterea *τοῖς* ante *βέλτιστα* delendum, quod *δλίγοι* illi optima institutione fructi esse dicuntur (sic paulo post perperam unus e Stob'i codd. <τοῖς> *Φαύλοις* et nonnulli Platonis codd. <τοῖς> *ἐπιεικεστέροις*).

P. 432 A: Recte J. J. Hartmanus verba *οὐχ οὕτω ποιεῖ αὐτὴ* damnavit; iam alterum *οὐχ* interpolatorem prodit. Eandem structuram invenias in Legg. 853 C *ἐπειδὴ δὲ οὐ* et quae sequuntur. Etiam in 410 B illud *οὐχ ὥσπερ* mendum peperit; praebent enim illic Platonis codd. *μεταχειριεῖται* pro *μεταχειρίζονται* (Galenī codd.). — In § C requiro *προθυμοῦ* [*κατιδεῖν*], *ἐάν πως* κτλ. vel *ἔρα οὖν* [*καὶ προθυμοῦ κατιδεῖν*], *ἐάν πως* κτλ. (cf. 427 D *σκοπεῖ* — *ἐάν πως ἴδωμεν*), ne corrigere cogamur <καὶ> *ἐάν πως π. ἐμοῦ ἴδης*, [*καὶ*] *μοι φράσεις*. Utique *φράσεις* (fut. pro imper.) opus est.

P. 433 C: Ni fallor legendum erit *τὸ ὑπολειφθὲν [ἐκείνων], εἰ τὰ τρία εὖροιμεν* (sunt enim *τὰ τρία* ipsa *ἐκεῖνα*); cf. 428 A 432 B in. — In § D suadeo *καὶ δημιουργῶ καὶ ἄρχοντι* [*καὶ ἀρχομένῳ*], nam etiam *ἐπίκουροι* s. *φύλακες* in *δημιουργῶν* numero sunt (cf. 395 C *τοὺς φύλακας* κτλ., 421 C ult., ubi postquam de custodum munere egit, sic pergit *τοὺς ἄλλους αὖ δημιουργοὺς*, 466 E *ἴν' ὥσπερ οἱ τῶν ἄλλων δημιουργῶν θεῶνται* κτλ.). — In § E dele verba *εἰς ἀρετὴν πόλεως*, quae iam sedes part. *ἀν* insiticia esse arguit.

P. 434 A: Emenda *καὶ τὰ ὄργανα μεταλ. τὰλ. καὶ τιμάς*; manifestum enim est *ἐπιχειρῶν* et *μεταλαμβάνοντες* coniungenda, non seiungenda esse, ne sine instrumentis lignarius *ἐργάζεσθαι* dicatur (cf. B *ἔταν* — *ἐπιχειρῶ* — *καὶ μεταλαμβάνουσι*). — In § D malo *νῦν δὲ* pro *νῦν δ' ἐκτελέσωμεν*, quum praegressa respiciantur. — In § E subiectum vocis *ἐφάνη* est ἡ *δικαιοσύνη* (cf. 442 D *ἔπερ* κτλ.). In sequentibus *κἂν μὲν ὁμολογῇται* vitium remansit, quia scriptoris sententia (cf. supra § D *εἰς ἓνα ἰδὼν τὸ εἶδος τοῦτο ὁμολογῇται* *κάκει δικ. εἶναι*) haec est „tribuamus ho-

mini τὸ τὰ αὐτοῦ πράττειν (id quod iustitia in civitate ἐφάνη). Qualis homo (τὰ αὐτοῦ πράττων) si iustus a nobis ὁμολογεῖται, res bene se habebit; si vero aliter nominandus est, ad civitatem redibimus". Hinc suadeo <ὅμοιος> ὁμολογῆται, ut sensus sit „si ὁ εἷς τὰ αὐτοῦ πράττων a nobis similis esse civitati τὰ αὐτῆς πραττούσῃ — i. e. iustae — ὁμολογεῖται". Licet etiam, ut subiectum verbi ὁμολογῆται sit τὸ ἐπαναφερόμενον id est τὸ τὰ ἐ. πράττειν, corrigere <ὅμοιον> ὁμολ. et ἐν τῷ ἐνὶ [ἐμ]φαίνεται, hoc sensu, „si τὸ τοῦ ἐνδὸς τὰ αὐτοῦ πράττειν simile est τῷ τῆς πόλεως τὰ αὐτοῦ πράττειν, res bene se habebit; si vero in homine τὸ τὰ αὐτοῦ πρ. aliud quid φαίνεται sc. quam iustitia etc.". Poterant verba καλῶς ἔξει abesse.

P. 435 A: Dub. conicio [σκοποῦντες καὶ] τρίβοντες. — Si in § C Socratem non <οὐκ> εἰς Φαῦλόν, sed εἰς Φαῦλόν dicentem facimus, Glaucon ridicule inducitur Socratem reprehendens. Ante ἴσως γὰρ dele verba εἰς Φαῦλον. — In § E postulo [κατὰ] <πάντα> τὸν ἄνω τόπον (cf. Theaet. 160 D κατὰ μὲν Ὀμηρον καὶ Ἡρ. καὶ πᾶν τὸ τοιοῦτον Φῦλον).

P. 437 B ult.: In verbis ταῦτα εἰς ἐκεῖνά ΠΟΙ ἂν θείης sensus voc. ποι est εἷς τι μέρος ἐκείνων τῶν εἰδῶν (cf. 525 D ἄνω ποι ἄγει i. e. εἷς τι τῆς ἀληθείας μέρος). — Poenitet me in § D vulgatam ἄρ' οὖν, καθ' ὅσον δίψα et quae sequuntur sollicitasse, sed ποτοῦ (post θερμοῦ) delendum est. — Hermanno in § E ψυχροῦ et θερμοῦ inter se transponenti novissimi editt. non accesserunt. Quum vero δίψος s. ἡ τοῦ ποτοῦ ἐπιθυμία corporis conditione regatur, manifestum est ἐπιθυμίαν illam (s. δίψαν) calidam fore, si corpus frigat, itaque τὴν τοῦ θερμοῦ ποτοῦ ἐπιθ. παρέξεσθαι. Obiter moneo Hermanni C^a recepta ordinem adiectivorum θερμοῦ ψυχροῦ πολλοῦ ὀλίγου in §§ D et E eundem futurum esse.

P. 438 E: Corrigatur οὐπερ ἡπιστήμη (pro ἐπισ.) ἐστίν; vid. § C ὅτου δὴ δεῖ θεῖναι τὴν ἐπιστήμην.

P. 439 A: Legendum censeo θήσεις τῶν <οἷων c. Madvigio> τινὸς εἶναι, <καὶ> τούτου οὐπὲρ ἐστίν (i. e. πέφυκε) hoc est „et

quidem eius rei esse (sitim), cuius naturā sit" (cf. 438 E αὐτοῦ, οὐπερ ἡπιστήμη ἐστίν, 438 C ὅτου δὴ δεῖ θεῖναι τὴν ἐπιστήμην, 437 E ἄλλου γένηται ἐπιθυμία ἢ οὐπερ πέφυκεν κτλ.). Postquam ΚΑΙ post εἶΝΑΙ intercidit, τούτου οὐπερ in τοῦτο ὅπερ mutatum est. — In § E postulo τὸ δὲ δὴ [τοῦ θυμοῦ καὶ] ᾧ κτλ.

P. 440 C: Possis etiam corrigere καὶ δι' αὐτὸ (pro διὰ τὸ) πεινῆν καὶ [διὰ τὸ] ῥιγῶν καὶ πάντα τὰ τοιαῦτα πάσχειν ὑπομένων [καὶ νικᾷ καὶ] οὐ λήγει, ita ut νικᾷ sequens διαπράττεται interpretantis sit.

P. 441 C: Hominem cum civitate, non civitatem cum homine comparat. Manifestum igitur librariorum ordinem turbasse verborum et corrigendum esse καὶ ᾧ δὴ ἀνδρεία (πόλις) καὶ ὧς, τούτῳ καὶ ἰδιώτῃν ἀνδρεῖον καὶ οὔτω. — In § D dele ἐπιλελησθαι coll. 404 D οὐ μοι δοκῶ, 435 C, 554 B Lach. 199 E οὐ φαινόμεθα, alia.

P. 442 A: Fortasse vera lectio est τραφέντε <τε καὶ παιδευθέντε> καὶ ὡς ἀληθῶς τὰ αὐτοῦ μυχόντε [καὶ παιδευθέντε] coll. 414 D 445 E 534 D. — In § D dubitanter commendo ἀπαμβλύνεται [ἄλλο τι] δικαιοσύνη [δοκεῖν εἶναι] ἢ ὅπερ κτλ.

P. 443 B: Corrige ὅτ' ἐφάμεν ὑποπτεῦσαι. Aliis fortasse verba ὃ ἐφάμεν ὑποπτεῦσαι interpretamentum esse videbitur vocis ἐν-ύπνιον, quibus deletis ὡς ad τὸ ἐνύπνιον referatur. — In § C veterum edit. l. τὸ δὲ [γε] ἦν ἄρα probanda mihi videtur. Illud τὸ pronominis vim habet (cf. 494 D τὸ δὲ οὐ κτητὸν, Menon. 97 C τὸ δ' ἄρα καὶ δόξα κτλ.) et ad praegressa ἀρχὴν τε καὶ τύπον τινὰ spectat verbisque τὸ τὸν μὲν σκυτοτομικὸν φύσει κτλ. amplius explicatur. — In § D legendum censeo τὴν ἐντὸς ὡς ἀληθῶς (sc. πρᾶξιν τῶν αὐτοῦ) deletis verbis περὶ ἑαυτὸν καὶ τὰ ἑαυτοῦ.

P. 444 B: Nunc commendo τοιαῦτα μὲν οὖν [ταῦτα]. — In § C dub. suadeo [καὶ τὸ ἀδικεῖν] coll. § E ult. δίκαιά τε πράττειν ... ἢ ἀδικεῖν, Demosth. 24. 216 ποιεῖν ἀγαθόν τι τὸ κοινὸν ... καὶ πάντες ἀποσταῖεν τοῦ κακουργεῖν [ἢ κακὸν τι

πράττειν]. — In § D utique corrigatur κομιδῇ <γ>, ἔφη; in responsis enim aut κ. μὲν οὖν aut κ. γε necessarium. — In § E recte Herwerdenus τότε δὲ λοιπὸν correxit.

P. 445 A: Dele verba μηδὲ βελτίων γίγνηται κολαζόμενος (cf. Gorg. 473 B οὐ δέ γε κτλ.), quae lector eorum quae 380 A B necnon Gorg. 477 A occurrunt non immemor adscripserat in margine. In subsequentibus dele σκέμμα (ut vera structura γελοῖον — εἰ appareat) et corrige γίνεσθαι ἂν pro γίγ. ἤδη. — In § C corrigatur ἐν μὲν [εἶναι] εἶδος, ut φαίνεται valeat „in conspectum venit” (praecedit ἀπὸ σκοπιᾶς). — In § D καὶ ante διχῶ inducatur. — In § E commendo κινήσειεν <οὐδέν> A τῶν ἀξίων κτλ. delete AN. Conf. Isocr. 7. 30 μηδὲν μήτε τῶν πατρίων καταλύσουσι κτλ. et τῷ μηδὲν κινεῖν ὧν κτλ. (non τῷ μὴ κινεῖν) necnon ipse Plato in Legg. 798 B τό τι κινεῖν τῶν κτλ.

P. 449 A: Collato 544 E αἱ — κατασκευαὶ τῆς ψυχῆς nunc commendo [τρόπου] κατασκευὴν et suspicor τρόπον interpretamentum fuisse vocis κατασκευήν, sed postea in τρόπου mutatum esse, ut ad textum accommodaretur. Olim τρόπους s. τρόπον [κατασκευήν] coll. 445 C ult. corripiebam, sed veri similis est ψυχῆς κατασκευὴν quam ψ. τρόπον alicui explicationis indigere visum fuisse. — In § C sequentia sic scribe ἐκκλέπτων (pro -τειν) τοῦ λόγου [ἵνα μὴ διέλθῃς καὶ] λήσειν οἰηθῆναι εἰπὼν αὐτὸ φαύλως, ne bis idem dicatur. Socrates enim ἐκκλέπτειν rem τῷ εἰπεῖν eam φαύλως (paucis verbis et tanquam intranscursu) Adimantus putabat. Post pauca sic interpungatur δεῖται. τίς δὲ τρόπος τῆς κοινωνίας; πολλοὶ κτλ. — In § D οἰόμενοι immerito suspectum mihi fuit, sed probo v. l. περιεμένομεν, quia Socratem iam interpellaverant.

P. 450 B: Suadeo μέτρον — τοιούτων λόγων [ἀκούειν], ut significetur tempus talibus sermonibus habendis (non solum audiendis) impendendum. Praecedit enim μετρίων (λόγων) i. e. „tempus iustum non excedentium”. — In § C ad τροφῆς mente διεξιὼν

περὶ suppleatur. — In § D dub. suadeo καλῶς <αὖν> εἶχεν ἢ κτλ., quia εἶχεν h. l. non impersonale est.

P. 451 A: Verbum σφάλλεσθαι expungatur. — In § B verba καὶ καθαρὸν εἶναι καὶ μὴ ἀπατεῶνα ἡμῶν spuria esse duco. Ultima καὶ μὴ α. ἢ. cur male abundant iam olim exposui, sed ne verba (καὶ) καθαρὸν εἶναι quidem ferri posse Socratis dictum ἀλλὰ μέντοι κτλ. indicat. Prorsus enim supervacanea Socrates diceret, si iam Glauco eum purum futurum esse pronuntiasset. Sensus verborum ἀφίμεν σε ὥσπερ φόνου est hic „absolvimus te (sc. talis delicti, τοῦ ποιεῖν ἡμᾶς πλημμελές τι παθεῖν) quasi caedem tantummodo commisisses” (dixerat enim Socrates ἔλαττον ἀμάρτημα ἀκουσίως τινὸς φονέα γενέσθαι ἢ ἀπατεῶνα). — In § C ista κατ’ ἐκείνην τὴν ὁρμὴν ἰοῦσιν dicta sunt quasi praecessisset οὐκ ἔστ’ ἄλλως παιῖδας καὶ γυναῖκας κτᾶσθαι ἢ; *legatur* igitur ἄλλη pro ἄλλῃ.

P. 452 C: Postulo ἄπερ <ἔτι> νῦν. Continuo post Herwerdenus ci. τῶν <τοιούτων> γυμνασίων, sed hic proprio sensu voc. γυμνασίων adhibitum esse videtur, quamquam in § B ult. γυμνάσια modo corporis exercitationes (σωμασκήαν) significat. Ipsa vox γυμνάζεσθαι ab ea consuetudine originem duxit neque vetus esse poterat. — In § D voce καὶ (post ἐφάνη) sententia primaria incipit; ἐνεδείξατο est *docuit*. Propter optimorum codd. l. <καὶ καλοῦ αὖ> σπουδάζει (sec. Adamum Par. A praebet καὶ καλὸν αὖ) nunc scribendum censeo καὶ αὖ <ὁ> σπουδάζειν (sc. ἐπιχειρῶν) sive καὶ αὖ <ὁ> σπουδάζων κτλ. Nullo enim codice lectio ἢ nititur.

P. 453 A: Ad Dobraei transpositionem κάλλιστα καὶ pro καὶ κάλλ. conferas 388 E ἰσχυρῶ γέλωτι, ἰσχυρὰν καὶ 576 C τοῖς δὲ πολλοῖς πολλὰ καὶ δοκεῖ. Phib. 20 C κάλλιστα εἰπὼν οὕτω καὶ διαπέραινε. — In § D nunc Stallbaumio οὐ<κ> [γὰρ] εὐκόλῳ ἔοικεν legenti assentiendum puto, cum revera bis positum γὰρ („profecto”) ferri nequeat (sequitur enim οὐ γὰρ, cf. 603 D *resp.* ὁρθῶς, ἔφη. *Socrat.* ὁρθῶς γὰρ, ἦν δ’ ἐγώ).

P. 454 B: Verborum κατὰ τὸ ἔνομα διώκομεν sensus est „di-

versam esse ἀνδρὸς καὶ γυναικὸς naturam pronuntiabamus propterea quod in sermone quotidiano γυνὴ ἀνδρὶ ἐναντία habetur". Fortasse legendum erit τὴν <μὴ> τὴν αὐτὴν φύσιν pro τὸ <μὴ> τὴν αὐτὴν φύσιν. Ὁριζόμεθα valet „apud nos constitueremus" et verbis πρὸς τί animus significatur. In § ult. dele ἐπεσκεψάμεθα. — In § C dub. coni. εἰ ἡ αὐτὴ φύσις Φαλακρῶν καὶ κομητῶν [καὶ οὐχ] ἢ ἐναντία κτλ. — In § D ad ἱατρικὸν τὴν ψυχὴν ὄντα conf. Alcib. 134 E ult. νοῦν ἱατρικὸν μὴ ἔχοντι. Praestat corrigere τέχνην [τινὰ] ἢ <τι> ἄλλο ἐπιτήδευμα (cf. 469 B 416 A alia). Vulgata διαφέρων φαίνεται defendi potest; supra quoque in 453 E ἄλλην εἶναι singulari usus est. Hinc in sequentibus διαφέρειν in διαφέρων mutandum est, nisi verba φαίνεται διαφέρειν spuria sunt (alio sensu atque hic requiritur φαίνεσθαι c. infin. 426 B ult. occurrit).

P. 455 B: Genitivus οὗ ἕμαθεν est gen. distantiae (Bastien „l'un porte ses découvertes bien au delà de ce qu'on lui a enseigné"). — In § D verbis ὅτι πολὺ κρατεῖται — τὸ γένος τοῦ γένους significatur alterum genus alteri esse inferius, sine sensu (cf. Thucyd. 7. 70 προσπέσοι ναῦς νηὶ Soph. Antig. 413 κινῶν ἄνδρ' ἀνὴρ κτλ. Hom. N 130 sqq. ἀσπίς ἀσπίδ' ἐρείδει κτλ.); deleatur igitur τῷ γένους. E praegressis nullo negotio ad (κρατεῖται —) τὸ γένος suppletur τὸ γυναικεῖον. — Mox corrigendum censeo ὃ φίλε <Φήσομεν> (cf. 479 A ὃ ἄριστε, Φήσομεν) deletis in § E verbis ὡς Φήσομεν, quae illic mihi displicere olim significavi. — In § E ult. nunc suadeo γυμναστικὴ δ' ἄρα οὐ οὐδὲ πολεμική (ad οὐ — part. interr. — οὐδὲ conf. 470 E ἀλλ' οὐ Φιλέλληνες; οὐδὲ κτλ.).

P. 456 D: Interpreti redde verba Φύλακας et σκυτοτόμους: ecquid mirum cuiquam videtur, si σκυτοτόμοι ἐν τῇ σκυτικῇ πεπαιδεύονται? — In § E ad γελοῖον cogita τοῦτο vel πᾶγμα; cf. Alcib. I 109 B ult. δεινὸν τοῦτό γ' ἐρωτᾶς, Prot. 318 B, alia innumera. Iniuria igitur <τι> nonnulli postularunt. Mox interpungendum τί δὲ αἱ γυναῖκες; τῶν γυναικῶν κτλ., ut facilius custodum uxores designentur; fortasse τί δὲ αἱ γυναῖκες <αὐτῶν>; τῶν κτλ. reponere praestat.

P. 457 B: Ἐν (i. e. πρῶτον) ad κῦμα pertinere censeo. Verba τοῦ γυναικείου πέρι νόμου λέγοντες misere languere mihi videntur; suspicor aliquem olim ad κῦμα in margine adscripsisse τοῦ γ. π. ν. λέγεται, quae postea in textum recepta sunt reliquae orationi accommodata. — In § C iniuria Cobetus ci. φέρε δὴ ἴδω, siquidem talia quaestionibus praemitti solent. Itaque nunc, nisi ἴδω spurium est, commendo λέγε δὴ, ἴν' ἴδω. In proximis lege mutato ordine τοῖς ἄλλοις τοῖς ἔμπροσθεν coll. Phaedon. 111 A, Hipp. Mai. 293 B aliis. — In § D dele ἀποδιδράσκων (vid. Symp. 222 D).

P. 458 B: Malo γενόμενα pro γιγνόμενα coll. γενομένου in § A, πραχθέντα in § B γενομένην in 452 B.

P. 459 B: Dubitanter οἷεi delendum censeo ad sequens ἔχειν mente e praegressis ἡγεῖ supplens. — In § C suadeo [ἀλλὰ] διαίτη ἐθελόντων i. e. quia διαίτη ὑπ. non recusant.

P. 460 B: Commendo ἀφθονεστέρα<N> [H] ἐξουσίᾳ i. e. ἀφθονεστέραν ἐξουσίαν, quamquam vulgata exemplis defendi potest. — In § D corrigatur τὸ δ' ἐφεξῆς (sc. ὅν) διέλθωμεν. προὔθεμεθα γὰρ δὴ ἐξ pro τὸ δ' ἐφ. διέλθωμεν, ὃ προὔθεμεθα. ἔφαμεν γὰρ δὴ κτλ. — In § E dubitanter suadeo τίκτειν τῇ πόλει <πρσῆκει> vel simile quid, quoniam vulg. l. durior est. In eadem sententia reponere εἰκοσέτιδος. Non male Campbellius ad δρόμου ἀκμὴν annotavit „when his powers of running are at their highest”, nam pedum velocitas, qua imprimis custodum aetate minores excellere oportet, iuventutis primae est propria (apud Cretenses iuvenes δρομεῖς vocabantur). Quibus Plato metaphorice locutus et iuvenilem fervorem significasse videtur, iis commendaverim ὀξυτάτην <ὀρμὴν> [δρόμου ἀκμὴν]; Eusebius δρόμον, Stobaei cod. A δρόμην praebet.

P. 461 C: Non displicet v. l. <τὰς> γυναικας et continuo post lege ταῦτά γε δὴ pro τ. γ' ἤδη (πάντα significat πάντως). — In § D iure Schneider in notis ἐκεῖν' αὐ (unde l. ἐκείνου αὐ fluxit) commendavit.

P. 462 A: Postulo τί ποτε [τὸ] μέγιστον ἀγαθόν coll. sequentibus τί μέγιστον, 330 D 457 D 464 A ult. — In § D pro τὴν τοῦ ἄρχοντος legatur τὴν τοῦ πάσχοντος; vid. infra § E φήσκει ἐκυτῆς εἶναι τὸ πάσχον. Post T in scriptura unciali Π littera facile excidere poterat. Verba ἐν αὐτῇ significant ἐν τῇ κοινωσίᾳ. — In § E corrige σκοπεῖν [ἐν αὐτῇ] εἰ αὕτη (pro αὐτή).

P. 463 D: Malo εἰ ἄλλα πράττοι [ἢ ταῦτα]; αὐταὶ σοι (fortasse dittographia vulg. nata est). — In § E verba ἄνευ ἔργων post διὰ τῶν στομάτων μόνον frigent; in 494 D ἄνευ νοῦ, in 505 B ἄνευ τοῦ ἀγαθοῦ, in Symp. 215 C ἄνευ ὀργάνων, in Legg. 880 A ἄνευ βέλους (ψιλαῖς ταῖς χερσίν) non omnibus editoribus edere placuit.

P. 464 D: Iure Bekker et Astius <μηδένα> μηδὲν ἴδιον ediderunt coll. 458 C ἰδίᾳ δὲ κτλ., 543 B 416 D οὐσίαν κεκτημένον κτλ. — In § E nisi τιθέντες genuinum, suaserim ἐπιτιθέντες s. προστιθέντες.

P. 465 A: Nunc unice vera mihi videtur Astii C^a καὶ μὴν ὃ γε νεώτερος πρεσβύτερον pro ὅτι γε, quod dittographiae debetur. Ad omissum articulum ante πρεσβ. conf. 425 B τῶν νεωτέρων παρὰ πρεσβυτέροις. Porro transponendo legatur εὔτε τύπτειν οὔτε ἄλλο <τι> βιάζεσθαι κτλ. — In § C ordine verborum mutato dubitanter commendo κκκῶν, ὧν ἀπηλλαγμένοι ἂν εἶεν, δι' ἀπρέπειαν ὀκνῶ καὶ λέγειν. Mox lege πορισάμενοι <τι>θέμενοι deletο interpretamento παραδόντες (v. l. apud Stob. παραδιδ.). Verba ὅσα τε, ὧ φ., περὶ αὐτὰ (curas illas) καὶ οἷα πάσχουσι a voce (ὀκνῶ καὶ) λέγειν suspensa sunt. Quae sequuntur δειλά τε δὴ κτλ. proximis apposita sunt et scriptoris sententiam paucis et cum vi (δὴ) declarant.

P. 466 A: Ad verba οἷς ἐξὸν conf. Menex. 246 D ἡμῶν δὲ ἐξὸν κτλ., Thucyd. V 103 οἷς παρὸν κτλ. — In § B v. l. ἐλέγομεν pro ἔλεγον notatu dignissima est. — In § C nisi corrigitur ὥσπερ <τὰς> κύνας (Bastien: „comme font les femelles des chiens”), voces ὥσπερ κύνας ab aliquo propter ea quae 451 D leguntur adscriptae sunt: ridicule enim mulieres in muneribus

et officiis una cum viris obeundis cum canibus comparantur. — In § E verba εἰς τὸν πόλεμον mihi languere videntur, quum ἄξουσιν vertere licet „secum ducent”.

P. 467 C: Inconsiderate olim <τοὺς> πολεμικοὺς postulavi. Qui in verbis οὐκ, ἀλλὰ διαφέρει cogitent οἶμαι, eos διαφέρειν legere oportet; qui διαφέρει servant, iis Glaucon existimandus est respondisse quasi Socrates in praegressis dixisset ἀλλὰ σμικρὸν διαφέρει. Similis causa redit in 484 D.

P. 468 A: Verba τὰ περὶ τὸν πόλεμον abesse velim, quia iam inde a 466 D de bello sermo est. In sequentibus δωρεὰν διδόναι τοῖς ἐλοῦσι χρῆσθαι τῇ ἄγρᾳ ὅτι ἂν βούλωνται verbum δωρεὰν διδόναι significat „relinquere” („abandonner”), ut ad χρῆσθαι cogitandum sit ὥστε. Verba τῇ ἄγρᾳ abundant ut apud Xenoph. Cyr. 2. 4. 19 ἀπενεγκὼν (sc. τὸν λαγῶ) ἐπὶ λόφον τινὰ οὐ πρόσω ἐχρῆτο τῇ ἄγρᾳ ὅ,τι ἤθελεν. — In § C verba καὶ αἵρέσεις τῶν τοιούτων πολλάκις παρὰ τοὺς ἄλλους sunt praegressa γάμοι τε ἔτοιμοι κτλ. interpretantis: deleantur ne bis idem dicatur. Ex iis enim quae de nuptiis ordinandis ac perficiendis in 459 D—460 A med. et 461 B εἰάν τις τῶν ἔτι γεννώντων μὴ ξυνέρεξαι-τος ἄρχωντος κτλ. leguntur, apparet αἵρεσιν praecedere γάμῳ et sine αἵρέσει γάμον fieri non posse. Qua interpolatione expuncta particula τε post γάμοι nihilominus servanda est. — In § D iniuria olim in nomine Αἴαντα haesi. In subsequentibus aut τοὺς νέους (pro τοὺς ἀγαθοὺς) καθ' ὅσον ἂν ἀγαθοὶ Φαίνονται (cf. § C τῶν νέων ὅσοι ἀγαθοὶ) aut τοὺς ἀγαθοὺς, καθ' ὅσον ἂν ἄξιοι (pro ἀγαθοὶ) Φαίνονται legendum censeo.

P. 469 A: Post ὡς δαιμόνων mente suppl. θήκας θεραπεύομεν, sed malo corrigere ὡς δαιμόνων[, οὕτω] θεραπεύσομεν κτλ. vel potius δαιμόνων <όντων>, οὕτω. — In § B festinantius <ᾧδὲ> πῶς pro πῶς et in § C μηδέν' pro μηδὲ olim postulavi, sed μηδαμῇ pro μηδ' ἄλλῃ unice verum mihi videtur. — In § D corrigatur ἀποπτομένου; vid. Phaedon. 84 B, ubi optimi libb. διαπτομένη praebent.

P. 470 A: Aut *τί δὲ γῆς τε . . . ἐμπρήσεως; ποῖον κτλ.* interpungatur aut *τί δέ; γῆς τε . . . ἐμπρήσεως <πέρι> ποῖόν τι κτλ.* corrigatur (cf. 469 B *πρῶτον μὲν ἀνδραποδισμοῦ πέρι*). — In § B legatur <δεῖν> ποιεῖν suadeo. Sequentia ὥσπερ καὶ ὀνομάζεται interpretor ὥσπερ ταῦτα, πολεμὸς τε καὶ στάσις; δύο ὀνόματα ὀνομάζεται, οὕτω καὶ εἶναι δύο. In § ult. commendo ὅρα δὴ καὶ τόδε, εἰ κτλ. — In § D verba καὶ διαστῆ πόλις spuria mihi videntur: voce *τι τοιοῦτον* enim *στάσις* significatur.

P. 471 A: In § ult. post *ἀεὶ* vocem *ἐχθροὺς* delendam esse suspicor. — In § C verba *εἰ γένοιτο* errore describentis nata censeo; in sequentibus dubitanter commendo *πόλει <ἐν> ἢ γένοιτο* (cf. 541 A *τὸ ἔθνος, ἐν ᾧ ἂν ἐγγένηται* sc. *ἐα πολιτεία*).

P. 472 A: Suspecta mihi sunt verba *τε καὶ ἀκούσης*; in 457 C ὅταν τὸ μετὰ τοῦτο ἴδῃς (*κῦμα*) nihil scriptor addidit. In eadem sententia vox *εἰκότως* propter *πάνυ συγγνώμην* ἔξεις ferri nequit; dici potest *πάνυ συγχωρήσει* ὅτι *εἰκότως* ἄρα ὠκνουν, non id quod vulgatur. Emblema igitur, eiusdem generis ac ὀρθῶς in 361 A, eiiciatur. — In § B praestat fortasse corrigere ἥττον ἀφεθήσει ὑφ' ἡμῶν [*πρὸς*] τὸ μὴ <οὐκ> εἰπεῖν.

P. 473 A: Fortasse Bywateri quidam amicus δὴ (pro δεῖν s. δεῖ) in ἂν commutans rem acu tetigit. — In § Adam verba *ἀτεχνῶς ὥσπερ κῦμα ἐγγελῶν* insiticia putavit (sexcenties *ἀτεχνῶς* voculae ὥσπερ additur), sed vide 457 B ult. *παντάπασιν κατακλυσθῆναι*. Veri simile est lectorem aliquem in ora libri sui scripsisse ὥσπερ κῦμα ἐγγελᾶ, quod deinde textui accommodatum factum esse ὥσπερ κῦμα ἐγγελῶν.

P. 473 D: Ad Madvigii Cam *χωλαὶ* (pro *πολλαὶ*) *φύσεις* conf. praeterea Legg. 634 A *οὐ δῆπου χωλὴν τὴν ἀνδρείαν κτλ.*, Tim. 44 C, alia. — In § E lege *ἣν νυνδὴ* (pro *νῦν*) *λόγῳ διεληλύθαμεν*. Post pauca Vam l. *ἐμβέβληκας* hic minus aptam esse postea cognovi: solent enim (cf. 344 D) *ἐμβάλλειν* ii dici qui adversarium vel confabulantem dicto quasi telo immisso opprimere conantur (alia rursus significatio inest verbis Xenoph. Cyr. II

2. 1 εὐχαριστότατοι τε ἄμα λόγοι ἐμβληθήσονται κτλ.). Ἐκβάλλειν contra iactanter vel imprudenter loquentis est.

P. 474 A: Fortasse sic legendum erit οἶον (pro ὅν) εἰπὼν . . . [οἶον] ῥίψαντας τὰ ἱμάτια [γυμνοὺς] κτλ. Verba νῦν οὕτως significant „illico”. — In § B commendo ἐπειδὴ καὶ [σὺ] οὕτω κτλ., quia pron. σὺ plane inutile mihi videtur (vitium dittographiae debetur). — In § D post φιλόπαιδα verba καὶ ἐρωτικὸν delenda censeo.

P. 475 A: Corrigatur τῶν ἀνθρώπων [ἐν ᾧρα]; ultima ex 474 D (οἱ ἐν ᾧρα) profecta sunt. — In § B legendum, opinor, παντὸς [τοῦ] εἶδους τούτου, ut dicatur quis „quodlibet” εἶδος τούτου amare (cf. supra πάντα οἶον et paulo post πάσης sc. σοφίας); sic demum ad τοῦ μὲν, τοῦ δὲ οὖν facile εἶδους cogitari potest. — In § C vulg. l. τί τε χρηστὸν καὶ μὴ defendi mihi posse videtur his locis: Resp. 467 C ult. ὅσαι τε καὶ μὴ ἐπικίνδυνοι, Legg. 696 D ποταῖα τε ὄρθαι καὶ μὴ γίγνονται, Resp. 392 A οἶους τε λεπτέον καὶ μὴ.

P. 475 D: Iniuria in sequentibus ἔσονται <οἱ> τοιοῦτοι postulaveram, quum πολλοὶ ἄρα καὶ ἄστοι pro subiecto habere liceat. In sequentibus probanda est v. l. <τὴν> τοιαύτην διατριβὴν coll. Theaet. 172 C τοὺς ἐν φιλοσοφίᾳ καὶ τῇ τοιᾷδε διατριβῇ τετραμμένους, Resp. 485 D 549 C.

P. 476 A: Varia l. καὶ περὶ <δὴ> δικαίου dittographia orta mihi videtur; in 357 A cod. Vind. F praebet <ΔΗ> Ἀνδρείοτατος, in 342 D οὖν <δὴ> ἦν δ' ἐγώ. Propter pluralem numerum φανταζόμενα praestat scribi αὐτὰ (pro αὐτὸ, i. e. αὐτὰ καθ' αὐτὰ) μὲν ἐν ἑκάστον . . . καὶ ἄλλων (pro ἀλλήλων) κοινωνίᾳ κτλ., quo facto πάντα τὰ εἶδη subiectum in utroque sententiae membro esse poterit. Ad ἑκάστον iteratum conf. 586 E ἐκάστῳ — ἑκάστον.

P. 477 A: Ἐχειν ἱκανῶς est „probe scire”, vid. Phaedon. 71 A. Ad Astii Cam ἡ καὶ πλεοναχῇ σκοπῶμεν conferre licet Menon. 75 B ἱκανῶς σοι ἢ ἄλλως πως ζητεῖς; Legg. 897 B τιθῶμεν

ταῦτα οὕτως ἔχειν ἢ ἔτι διστάζομεν κτλ.; Arist. Ran. 64 ἄρ' ἐκδιδάσκω τὸ σαφές ἢ ἑτέρᾳ φράσω; alia. Aliis fortasse magis placebit κἂν εἰ <μὴ> πλεοναχῇ σκοποῦμεν.

P. 477 B: Astii nomen exime ex eo numero qui Vam l. κατὰ τὴν δύνανμιν ἐκατέρα receperunt. Ad Herwerdeni Cam confer locum simillimum in Alcib. II 140 B ἀλλὰ κατὰ τὴν αὐτῆς δύνανμιν ἐκάστη. I. Adam probavit C. Schmidtii Cam κατ' αὐτὴν τὴν (pro τὴν αὐτὴν) δύνανμιν ἐκατέρα τὴν αὐτῆς, quod abundantius dictum mihi videtur. Ego probans Vind. F. l. κατὰ τὴν δύνανμιν ἐκατέρα τὴν αὐτῆς suspicor in nonnullis codicibus αὐτὴ e verbis κατὰ τὴν ΔΤναμιν primum κατὰ τὴν ΑΤ ΔΤναμιν, deinde κατὰ τὴν αὐτὴν δύνανμιν ortum esse αὐτὴ e male lecto κατὰ τὴν (κατ' αὐτὴν αὐτὴν) κατ' αὐτὴν) natam esse variam l. κατὰ τὴν δύνανμιν κτλ. — In § C v. l. οὕτε <τι> σχῆμα mihi placet. In proximis dub. suadeo propter praegressam negationem οἶον [καὶ] ἄλλων πολλῶν. Pro ἐνια postulo ἐκεῖνα. — In § E vulg. l. οἶσομεν defendi potest iis quae in Soph. 237 C leguntur, sed propter antecedens τίθης Vam l. θήσομεν cum Cobeto probandam censeo.

P. 478 A: Dubitanter suadeo ἐφ' ἑτέρῳ <τῷ> ἄρα ἑτερόν τι. — In § B iniuria olim verba ὁ δοξάζων in suspicionem vocavi. — In § D repono κείσεσθαι pro κείσθαι coll. 477 A ἂν κέοιτο et in proximis ἔσεσθαι. — In § E verbum φήσω, quod editores frustra interpretari conantur, e margine irrepsisse suspicor. Puto aliquem lectorem olim propter (λεγέτω) ΜΟΙ ad proximum (479 A) φήσομεν adscripsisse φήσω, quod postea in textum receptum esse.


P. 479 D: Malo [τὸ] μεταξὺ πλανητόν. Ad ἀλίσκόμενον cf. Tim. 28 A νοήσει ... περιληπτόν, Phaedon. 81 B φιλοσοφία αἰρετόν.

LECTIONES VALERIANAE.

SCRIPSIT

P. H. DAMSTÉ.

(Continuantur e pag. 164).



VII 1, 2 p. 321, 26 *Is erat Arcadum pauperrimus, sed aetate iam senior terminos agelli sui numquam excesserat, parvuli ruris fructibus [voluptatibus] contentus. verum profecto beatæ vitæ finem Apollo non adumbratum oraculi sagacitate complexus est.*

Voc. *voluptatibus* glossam esse Kempfius Pighio credidit atque uncis inclusit vehementer errans, nisi me fallunt omnia. Pighii sententia iam hanc ob causam ea est quæ merito scrupulum cuivis inicit quod vix ac ne vix quidem credibile videtur, scilicet quamvis stupidum vocabulo notissimo, quale est *fructus*, tamquam explicatione aliqua indigenti glossam ascripsisse, verum lectionem bonam etiam ac genuinam esse apparebit si loco suo erit restituta, qui est in versu sequenti ante voc. *adumbratum*. Videlicet factum est id quod in libris Valerianis mss. sæpiissime obtinuit: in archetypo exarando librarius voc. *voluptatibus* per errorem omissum supra lineam appinxit, quæ causa fuit ut scriba alterius codicum optimorum (L) vocabulum ad versum superiorem pertinere existimans *ruris fructibus voluptatibus contentus* exhibuerit — alterius (A) sive imprudenter sive consulto, quasi glossam a nescio quo additam, omiserit.

VII 2, 2 p. 323, 11 *nam et prospere gerendæ rei facultatem*

omittere maxima dementia est et in angustias utique pugnandi compulsum abstinere se proelio pestiferae ignaviae adfert exitum.

Mutatione nulla illata editor in apparatu critico affirmat, Wensium recte coniecisse sibi videri *pestifera ignavia* deletis verbis *adfert exitum*, ipsum tamen supra legere malle *maximae dementiae* et h. l. cum codd. *pestiferae ignaviae*. At verba *adfert exitum* nescio an non inducenda, sed emendanda sint: quidni *pestiferae ignaviae adfert exemplum*? Vid. p. 333, 7; 339, 9; 378, 19 e. a.

ibid. 22 *metuique debere ne acri aemulo liberata in eundem somnum revolveretur* (Italia sc.).

Legendum videtur *resolveretur* cl. p. 322, 25: quod animadverteret praepotentia imperia agitatione rerum ad virtutem capeSSendam excitari, nimia quiete in desidiā resolvī.

VII 2 Ext. 7 p. 329, 19 *Aristophanis quoque altioris est prudentiae praeceptum, qui in comoedia introduxit remissum ab inferis + Atheniensium Periclen vaticinantem non oportere in urbe nutriri leonem, sin autem sit altus, obsequi ei convenire.*

Aristophanes cum Aeschylum in inferis enuntiantem fecerit (Ran. 1431 sq.):

οὐ χρὴ λέοντος σκύμνον ἐν πόλει τρέφειν·

ἢν δ' ἐκτραφῇ τις, τοῖς τρόποις ὑπηρετεῖν,

Toepfferus pro *Periclen* scribendum censuit *principem poetam* (sc. Aeschylum), ut nimirum Valerii verba cum Aristophaneis congruerent. At hercle vero ne sic quidem sibi responderent, quia apud poetam in ipsis inferis Aeschylus loquitur — apud nostrum locutor inducitur remissus ab inferis. Est operae pretium attendere animum ad ea quae Van Leeuwen (Aristoph. Ran. Lugd. Bat. 1896) ad locum annotavit; verbis enim Valerii descriptis (in quibus saepe pro lectione in codd. omnibus tradita *Atheniensium* tacite *Atheniensem* substituit) haec ipse addit: „Quibus in verbis si Periclis nomen debetur lapsui memoriae, nihil est quod de hac re addamus; sed scimus in Eupolidis fabula *Δήμοις* Periclem revera ex inferis excitum in scenam produxisse et de patriae rebus opinionem suam protulisse, is autem de *iuvene* Alcibiade aliquanto aptius interrogari ibi potuit quam

nunc Aeschylus vates de viro maturo". Suspicionem, quae Leeuwenio inde nata est, in Ranarum fabulae exitum cum aliis versibus spurii nonnulla ex Eupolidis *Δήμοις* nescio quomodo irrepsisse, honoris causa commemoro, sed ipse incertiore, immo audaciorē esse iudicio quam cui diu immoremur. Quae cum ita sint, equidem pro verbis, quibus Kempfius Toepfferi inventum, reicit: 'mihi Pericles Valerii potius quam librarii errore intrusus videtur', haec ei respondere malim: nomen *Periclen* tangendum non est, sed memoria Valerium fefellit *Aristophanis* pro *Eupolidis* ponentem.

At vero lectione ista manifeste corrupta *Atheniensium* quid faciamus, quam alii *principem* — alii *ducem* addendo emendare studuerunt? Editor vocabulo crucem praefixit, quamquam Gertzium *Atheniensium* <populo> probabiliter coniecisse affirmat. At nihil omnino supplendum est, sed nomen, in versu sequenti post *urbe* scriptum, a librario neglectum, dein supra scriptum est, denique in versum superiorem migravit. Reponas igitur: *qui in comoedia introduxit remissum ab inferis Periclen vaticinantem non oportere in urbe Atheniensium nutrirī leonem* et cf. p. 332, 4: Nihil etiam Agesilai facto sapientius, siquidem, cum adversus rem publicam Lacedaemoniorum conspirationem ortam noctu conperisset, e. q. s., ibid. 14: Magone enim Cannensis pugnae exitum senatui Poenorum nuntiante.

VII 2 Ext. 11 p. 331, 6 *Idem Aristoteles de semet ipsos in neutram partem loqui debere praedicabat.*

Quoniam e more Valeriano non est, postquam viri alicuius celeberrimi dictum factumve rettulit, alterum factum vel dictum eiusdem relaturus cum est, viri nomen repetere, nomen *Aristoteles* a nescio quo intrusum opinor. Cf. 327, 6 et 17; 328, 4; 471, 26 e. a.

VII 2 Ext. 16 p. 332, 16 *Magone anulos aureos trium modiorum mensuram explentes fundente, qui interfectis nostris civibus detracti erant, quaesivit* e. q. s.

Praefixum suum *ef-* verbo *fundente* reddendum est, quod propter similitudinem ultimae syllabae verbi *explentes* facile omitti potuit, neque aliter est apud Liv. XXIII 12 init.: ad

fidem deinde tam laetarum rerum effundi in vestibulo curiae iussit anulos aureos, qui tantus acervus fuit, ut metientibus supra tres modios explesse sint quidam auctores.

Quicumque utriusque scriptoris locos perlegerit, non dubitabit quin noster locum Livianum ante oculos habuerit.

VII 3 p. 333, 17 *Est aliud factorum dictorumque genus . . . quod, nisi fallacia vires adsumpsit, finem propositi non invenit laudemque occulto magis tramite quam aperta via petit.*

Coniecturae Perizonii *fallaciae virus* et Torrenii *a fallacia vires* ab editore memorantur, sed una litterula addita loco satis superque consulueris; mihi quidem persuasum est Valerium scripsisse: *nisi fallaciae vires adsumpsit* coll. p. 335, 5: Scipio quoque superior praesidium calliditatis amplexus est, p. 353, 23: cedit ergo interdum generosus spiritus utilitati et fortunae viribus succumbit.

VII 3, 3 p. 335, 11 *namque ex his iuvenibus, quos secum tota Sicilia nobilissimos et divitissimos sed inermes habebat, trecentos speciosa arma et electos equos quam celerrime expedire iussit.*

Duabus de lectionibus a Kempfio in hisce dissentio: male eum recensuisse arbitror *tota Sicilia* pro *tota e Sicilia*, quod èt Iulius Paris commendat, qui reliquam Valerii narrationem ad verbum reddens *tota ex Sicilia* scripsit, èt p. 416, 23 verba: *tota in urbe*. Porro quod Gertzii coniecturam *inertes* pro *inermes* veram videri in apparatu critico declarat improbo: lectionem traditam optimam esse apparet e loco qui est p. 394, 4: ne . . . vitam inermem exigant, deinde e Iulii Paridis fida totius loci repetitione, denique e Cic. de Fin. I 7, 22: *Iam in altera philosophiae parte . . . iste voster plane, ut mihi quidem videtur, inermis ac nudus est*. Cf. etiam Ov. Ibis 2: *omne fuit Musae carmen inerme meae*.

VII 3, 8 p. 338, 17 *quid illa necessitate miserius, quae magistratum populi Romani abiecto honoris praetexto alienigenae religionis obscuratum insignibus per urbem iussit incedere!*

Immo *per urbes*: nempe Volusium, proscriptus cum esset, Isiaci habitu tectum et per itinera viasque publicas stipem petentem in M. Bruti castra pervenisse supra cognovimus.

VII 3 Ext. 1 p. 340, 7 *summa in hoc + mansuetudo, in alterius regis equisone calliditas.*

Enumeratis coniecturis parum probabilibus, quibus hunc locum mutilum sanare multi iam conati sunt, Kempfius se nescire affirmat an mutata voce *mansuetudo* in *asinario* reliqua recte procedant. At sic tamen deest aliquid quod vocabulo *alterius* apte opponatur. Corrigendum puto: *summa in huius asinario, in alterius regis equisone calliditas*; huius (regis) = Alexandri, cuius asinarii calliditatem modo Valerius rettulit, alterius regis = Darii, cuius equisonis vafritiam iam est relaturus.

VII 3 Ext. 3 p. 341, 11 Bias ... ita aiebat oportere homines in usu amicitiae versari, ut meminissent eam ad gravissimas inimicitias posse converti. *quod quidem praeceptum prima specie nimis fortasse callidum videatur inimicumque simplicitati, qua praecipue familiaritas gaudet, sed si + altior in ita mini cogitatio demissa fuerit, perquam utile reperietur.*

Hunc locum in integrum nondum restitutum esse magnopere miror, quandoquidem sententia ipsa medelam quasi ultro suggerit, haec autem una tantummodo litterula mutata facile paratur. Quid de Biantis dicto cynico, ut nunc loquimur, Valerius indicat? Praeceptum prima specie nimis fortasse callidum videri inimicumque simplicitati, qua praecipue familiaritas gaudet, sed perquam utile reperiri — quando? Nempe *si altior ista animi cogitatio dimissa fuerit*, h. e. magnam praecepti utilitatem statim perspicies, si eius considerationem nobiliorem, eius aestimationem moralem, quam modo V. memoravit, seposueris.

Cf. p. 464, 25: opum magnitudine quam altiore animi sensu felicior, p. 412, 22: cuius stabiliendi mores altioris animi philosopho traderentur, Cic. ad Brut. 2, 3: numquam dimittere videtur cogitationem, cuius filius sit.

Simile vitium sed vice inversa a librariis commissum est p. 461, 30, ubi *dimisisset* pro *demisisset* scripserunt.

VII 3 Ext. p. 344, 3 *cum enim ... Furius Camillus maximus dux validissimo instructus exercitu venisset, universi ei togati obviam processerunt.*

In libris mss. cum exaratum sit *universi estogati* et Iulius

Paris posuerit *universi togati obviam venerunt* neque ipse pronomen *ei* addiderit, veram lectionem esse credo: *universi cives togati obviam processerunt*.

VII 4, 1 p. 345, 7 † *Omnibus militaribus copiis Tullus Hostilius Fidenas adgressus, . . . Mettius Fufetius dux Albanorum dubiam et suspectam semper societatis suae fidem repente in ipsa acie detexit.*

Soloeicisum alii aliter tollere sunt conati, verisimillimum tamen esse opinor post verbum *adgressus* praetermissa esse: *cum esset*.

VII 4, 2 p. 346, 15 *iuvenili calliditati senilis astutia respondit, si quidem re eximie delectatus Tarquinius, fidei autem nuntii parum credens nihil respondit, sed e. q. s.*

Inducendum est nomen *Tarquinius*, quod moleste abundat, collata etiam Iulii Paridis rei versione, ubi non legitur.

VII 5, 4 p. 352, 9 *eine ergo populus consulatum negare potuit, cui mox duas clarissimas provincias aut daturus erat aut debiturus, Achaïam et Macedoniam?*

Emblema manifestum quod est *Achaïam et Macedoniam* quanto-cius delendum est. Metellum videlicet de Pseudo-philippo triumphasse atque Achaici belli maximam partem profligasse Varius modo exposuit.

VII 6, 1 p. 353, 24 *cedit ergo interdum generosus spiritus utilitati et fortunae viribus succumbit, ubi, nisi tutiora consilio legeris, speciosa sequenti concidendum est.*

Corrigendum est: *speciosiora*.

VII 6, 3 p. 355, 16 *sed, credo, deorum providentia [effectum] et venditori et emptori quem uterque merebatur exitum adtribuit.*

Pighio voc. *effectum* deleri iubenti editor merito obtemperavit: haud dubie glossa est voci *exitum* a nescio quo olim suprascripta.

VII 6 Ext. 3 p. 357, 25 *ex hoc nimirum hoste tanto duci poena*

magis quam victoria petenda fuit, quia plus vindicatus [libertatis] quam victus gloriae adferre potuit.

Male Kempfius Perizonio obsecutus voc. *libertatis* uncinis includit neque Foertschii propositum *dignitatis* probandum videtur.

Veram lectionem esse credo: *s a lubritatis*.

VII 8, 2 p. 362, 20 *nam cum haberet duas simillimae probitatis filias Pletoniam et Afroniam, animi sui potius inclinatione propecta quam ullis alterius iniuriis aut officiis conmoti, Pletoniam tantum modo heredem instituit.*

Loco mendum inhaeret. Scriptoris sententia tum demum recte significabitur, si aut verba *aut officiis* expunxerimus aut pro *alterius* substituerimus *alterutrius*. E duabus emendandi rationibus hanc adhibendam esse suspicor.

VIII 1, 3 p. 367, 19 *qui iudicabant ira perciti poenam hominis cupide expetebant.*

E lectionibus, quae pro *cupide* in codd. mss. sunt (*cupidinem* L — *cupidius* A — *cupide* ** A² et libri deteriores exhibent), suspicio mihi nata est, olim scriptum fuisse: *cupide omnes expetebant*, ut vs. 8 huius paginae est: qui omnium consensu periturus erat.

VIII 1, 11 p. 371, 3 *causa ... absoluta est, quia homines verebantur ne praecipuae accusatoris amplitudini damnatio eius donata existimaretur.*

Pro *homines* Foertsch coni. *omnes* — Kempfius post hoc vocabulum excidisse suspicatur *sapientissimi* vel *illum rem tum iudicantes*. Equidem supplere malim *verecundi*, quod ante *verebantur* omitti facile potuit.

ibid. 18 *adfirmavit enim se ob amorem pueri servi eo esse perductum.*

Voc. *servi*, utpote vocabuli praecedentis glossa, delendum est, cl. Iul. Par.: adfirmavit se ob amorem pueri eius (i. e. mariti) eo esse perductum. Cf. etiam p. 374, 2: qui pueruli sui nimio amore correptus, ubi Iul. Par.: quidam pueri sui nimio amore correptus.

VIII 2 p. 375, 10 *quorum magis aequitas quaestionum delectare quam immoderata turba offendere lectorem poterit.*

Iure Gertzius animadvertit, nullam esse in quaestionibus, sed in iudiciis aequitatem, neque tamen ea de causa voc. *quaestionum* extirpandum iam esse illi Kempfioque monentibus astipulor, sed potius emendandum: *quorum magis exiguitas quaestionum* cet. Cf. p. 379, 17: Atque ut omnes iudiciorum numeros exequamur, quaestiones ... referamus.

ibid. 19 *Calpurnius ... M. Porcium Catonem ... arbitrum + cum Claudio adduxit formulam, quidquid sibi dare facere oporteret ex fide bona.*

Uno vocabulo *quidquid* transposito (traiectione enim, non emendatione opus est) hunc locum restituere me posse confido. Legas velim: *Calpurnius ... M. Porcium Catonem ... arbitrum cum Claudio adduxit formulam sibi dare, quidquid facere oporteret ex fide bona.*

Moneo lectionem *adduxit*, quam Cuiatius et Gertzius in *addixit* immutare voluerunt, defendi loco, qui est p. 376, 21: de qua re C. Aquilius ... iudex adductus, nec non Iul. Paridis versione: arbitrum cum Claudio sumpsit, manum autem secundam in cod. A infinitivum *sibi dare* illustrasse vel potius confirmasse scribendo: *ut formulam daret.*

VIII 2, 2 p. 376, 24 *quod si eadem formula Varro et damnari et ab adversaria absolvi potuisset, eius quoque non dubito quin turpem et inconcessum errorem libenter castigaturus fuerit.*

Foertschium Madvigiumque secutus Kempfius *ab adversaria* recensuit pro lectione in libris mss. ad unum omnibus tradita: *adversariae*, cum antea cum Torrenio vocabulum uncis inclusisset. At tamen codicum scripturam immerito suspicionem movisse credo: in hac eadem pagina vs. 2 legimus: *continuo illum Calpurnio damnavit*; quoniam igitur *damnare aliquem alicui* latine dici potest, me non videre confiteor quare *absolvere aliquem alicui* dicere non liceat.

VIII 3, 2 p. 378, 21 *itaque inusitatis foro latratibus adsidue tribunalia. exercendo muliebris calumniae notissimum exemplum*

evasit, adeo ut pro crimine improbis feminarum moribus C. Afraniae nomen obiciatur.

Pro moribus reponendum est: *oribus*.

VIII 7 p. 384, 2 + *quae* (sc. industria) *cum sit perfectissima virtus, duramento sui confirmatur.*

Coniecturarum copiam, quam ad hunc locum viri docti protulerunt, Kempfius in apparatu conguessit, e quibus cum ne ulla quidem probabilis ei visa sit, lectioni traditae crucem praeponendam curavit. At quid tandem sit quod in hoc dicto multis displiceat numquam intellego; quidni interpretamur: industria, quae quia est (ipsa per se) perfectissima virtus, duramento sui confirmatur (neque incremento sive ex se ipsa seu ope aliena parato indiget). Si quid utique mutare velis, verba *per se* ante *perfectissima* excidisse conicias, quamquam necessaria non sunt (cf. p. 407, 1; 410, 17; 453, 25). Apte conferas p. 432, 16, ubi crudelitas effervescere dicitur, cum munimentum ex se ipsa repperit.

ibid. 22 *qua quidem industria ostendit aliis tempora deesse, alios [superesse] temporibus.*

Gertzio et Wensio auctoribus editor verbum *superesse* delevit, cum ipse suspicatus esset *aliis superesse* (deleto vocabulo *temporibus*). At nihil in hisce delendum est, sed iustus verborum ordo revocandus; uno enim vocabulo *superesse* traiecto sic locum refingo:

ostendit aliis superesse tempora, deesse alios temporibus.

ibid. 24 *Terentius autem Varro humanae vitae expleto spatio non annis, quibus saeculi tempus aequavit, quam stilo vivacior fuit.*

Ista Wensio obsecutus Kempfius dedit pro codicum scriptura *exemplo et spatio*, alii alia proposuerunt quae in apparatu memorantur. Legendum credo: Terentius autem Varro *humanae vitae exemplo* (<eximius>) *et spatio*, cl. p. 390, 19: *eximia* tamen hominis prudentia delectatus, p. 391, 14: atque ut longae et felicitis industriae quasi in unum acervum exempla redigamus, p. 408, 24: et ipse nervosae vivacitatis haud parvum exemplum, p. 416, 10: ut senatus deinceps in eam provinciam ituris magistratibus exemplum

atque normam officii Scaevolam decreto suo proponeret, p. 449, 5: honorum omnium consummatione civis eximius.

VIII 7 Ext. 5 p. 389, 25 *sed ei Melissa, quam uxoris loco habebat, temperato [inter] studia non interpellandi et inediae succurrendi officio dexteram suam necessariis usibus aptabat.*

Præeunte Madvigio Kempfius voc. *inter* inclusit spretis Gertzii conatibus viri vel *rite* vel *scite*. An forte: *intenta studia*? Cf. p. 458, 28: intento illas animo legens.

VIII 8 in. p. 394, 4 *illis, ne † propriae vitam inermem exigant, his, ut tempestiva laboris intermissione ad laborandum fiant vegetiores.*

In codice optimo *proprie* exaratum est — Halm *pro patria*, Madvig *propriam* scribi iussit. Fuit cum loci sententiam flagitare censerem: *perpetuo*, nunc tamen a sententia non alienum et quod ad palaeographiam attinet probabilius duco olim scriptum fuisse: *pro p. re h. e. pro re publica*. Cf. ea quae ad II 1, 2 p. 58, 2 et II 4, 4 p. 69, 9 (Mnem. Vol. 41 p. 140 sq.) a me exposita sunt.

VIII 10, 1 p. 398, 9 *Sed ut propositi fides in personis inlustribus exhibeatur, C. Gracchus, eloquentiae quam propositi felicioris adulescens, e. q. s.*

Voc. *propositi* cum intra brevissimum sermonis spatium bis positum sit, illud Gertzio merito suspectum visum esse Kempfius annotavit. Mihi vero potius hoc spurium videtur utpote ex illo male repetitum, quod defenditur etiam loco in p. 438, 3: cum *propositi fides* excellentissima quaeque complecti moneat, atque Valerium scripsisse suspicor: *eloquentiae quam consilii felicioris adulescens*. Cf. p. 203, 17: prostratis enim iam et perditis C. Gracchi consiliis rebusque.

VIII 10 Ext. 1 p. 400, 7 *ergo etsi operi illius adici nihil potest, tamen in Demosthene magna pars Demosthenis abest, quod legitur potius quam auditur.*

Quin puerile illud additamentum quod... *auditur* in marginem rursus relegandum sit equidem non dubito.

ibid. 9 XI. QVAM MAGNI EFFECTVS ARTIVM SINT.

Effectus etiam artium + recognosci posse aliquid adferre voluptatis, protinusque et quam utiliter excogitatae sint patebit.

Multi in hoc loco restituendo iam desudarunt, e quorum inventis, a Kempfio in apparatu enumeratis, alia soloeca, ingeniosa alia sunt, verum improbabilia omnia. Atque sane frustra laborem susceperunt, cum semel vocabula *recognosci posse* corrigenda esse sibi persuasissent, nam revera optime se habent, sed e titulo in contextam orationem per scribae errorem migrarunt. Sic enim locus sarciendus est:

XI. QVAM MAGNI EFFECTVS ARTIVM SINT RECOGNOSCI POSSE.

Effectus etiam artium aliquid adferre voluptatis protinusque et quam utiliter excogitatae sint patebit.

Similem tituli formam et alibi saepe animadvertere licet et in capitulo sequenti (p. 402): QVAEDAM NVLLA ARTE EFFICI POSSE.

VIII 11, 2 p. 401, 9 Caesar Spurinnae 'ecquid scis idus iam Martias venisse?' at is 'ecquid scis illas nondum praeterisse?' abiecerat alter timorem tamquam exacto tempore suspecto, alter e. q. s.

Scribendum puto Caesar Spurinnae 'ecquid' inquit 'scis cet. cl. Iul. Par.: 'ecquid scis' inquit, 'iam idus Martias venisse?' et in seqq.: abiecerat alter timorem tamquam iam exacto tempore suspecto.

VIII 11 Ext. 5 p. 402, 20 Ceterum natura, quem ad modum saepe numero aemulam virium suarum artem esse patitur, ita aliquando in ritam fesso labore dimittit.

Corrigas quaeso: ita aliquando in rito fessam labore dimittit.

VIII 13 Ext. 4 p. 408, 18 Arganthonius autem Gaditanus tam diu regnavit, quam diu etiam ad satietatem virisse abunde foret.

Verba ad satietatem, a nescio quo inserta, expungenda sunt. Gertzius vitio, quo locus laborat, ita occurrere voluit ut *virisse* ad satietatem transponeret, sed vel sic voc. abunde facit ut verba ad satietatem molestissime abundare videantur.

VIII 14 Ext. 5 p. 413, 20 ac bene consuluerant Ephesii decreto memoriam taeterrimi hominis abolendo, nisi Theopompi magnae facundiae ingenium historiis eum suis comprehendisset.

Post decreto excidisse credo: *suo*, cl. p. 416, 11: ut senatus ... exemplum atque normam officii Scaevolam decreto suo proponeret, p. 452, 4: ne ad eam ullus honor suffragiis *suis* (omissum est in codd. optimis!) perveniret. Porro quod in libris mss. optimis *in abolendo* exaratum est, nescio an praepositio *in* olim ante voc. *historiis* scriptum fuerit atque in lineam superiorem infeliciter demigraverit.

VIII 15, 2 p. 414, 22 *tam hercule quam curia + superioris Catonis effigies illius ad cuius generis officia expromitur.*

Quod in hoc loco emendando viam aliam ingrediendam esse censeo atque alii multi ante me ingressi sunt animum meum incendit ut meam quoque opinionem in medium proferam. Qui longam coniecturarum seriem, quam Kempfius ad l. attulit, inspiciet, videbit omnes loco mederi conatos esse *verba* tradita mutando aut nova vocabula vel vocabulorum particulas supplendo. Mihi vero locus sanandus videtur duabus vocibus *effigies illius* post voc. *officia* transpositis:

tam hercule quam curia superioris Catonis (sc. imagini), ad cuius generis officia effigies illius expromitur.

VIII 15, 7 p. 416, 12 *Inhaerent uni voci posterioris Africani septem C. Marii consulatus ac duo amplissimi triumphi.*

Magnopere miror, quod editor pro codicum mss. scriptura illi de suo *uni* recensendum esse credidit. Semper et ubique Valerius rem vel hominem, de quo aliquid traditurus est, pronomine *ille* significare solet, cuius rei exempla afferre ne opus quidem esse opinor.

VIII 15, 8 p. 417, 1 *Iam quae in Cn. Pompeium et ampla et nova congesta sunt, hinc adsensione favoris, illinc fremitu invidiae litterarum monumentis obstrepunt.*

Ita Madvigio monente Kempfius locum constituit. Cum vero in libris mss. sit: *invidiam — obstrepuntur,* veram lectionem esse credo: *hinc adsensione favoris, illinc fremitu invidiae in litterarum monumentis obstrepuntur,* cl. Cic. Marc. 9: sed tamen eiusmodi res nescio quo modo, etiam cum leguntur, obstrepi clamore militum videntur et tubarum sono.

IX 1 in. p. 419, 22 *Blandum etiam malum luxuria, quam accusare aliquanto facilius est quam vitare, operi nostro inseratur.*

Immo *mutare* cl. p. 420, 3: iungatur illi libido ... neque aut a reprehensione aut ab emendatione separentur. Cf. etiam p. 448, 8: satiusque duxit maximo scelere coinquinari quam pravos ac taetros mores mutare.

IX 1, 3 p. 421, 24 *quod si animi muliebris apparatus intueri potuissent, quibus cotidie aliquid novitatis sumptuosius adiectum est, in ipso introitu ruenti luxuriae obstitissent.*

Gertzii coniectura *animis* laudata editor se subdubitare dicit an *animi* a librario adiectum sit *muliebris* genetivo dictum putante. At *muliebris* revera pro genetivo casu habendum neque quicquam male additum esse aio, verum vocem *animi* emendatione egere. Legendum enim est: *mundi muliebris apparatus* (toiletartikelen), quod nemo negabit, qui totum capitulum attente perlegerit. Sequuntur nempe haec: „Sed quid ego de feminis ulterius loquar, quas et inbecillitas mentis et graviorum operum negata adfectatio omne studium ad curiosiorem sui cultum hortatur conferre?”

Cf. p. 231, 13: exequiarum apparatus, Liv. XXXII 40, 11, XXXIV 7, 9, Tertull. de hab. mul. 4.

IX 1 Ext. 3 p. 426, 3 *quanta, dum deliciis nimis capitur, amplissimi imperii ruina evasit!*

Corrigere ne dubita *carpitur*, cl. huius paginae l. 23: quapropter deliciis tam enerves animi spiritum exercitus nostri sustinere non potuerunt, p. 425, 8: quid iis ergo vitiis foedius, quid etiam damnosius, quibus virtus atteritur, cet.

IX 2 in p. 427, 6 *crudelitatis vero horridus habitus, truculenta species, violenti spiritus, vox terribilis, omnia minis et cruentis imperiis referta.*

Pighius ora *minis* — Gertzius *lumina minis* coni., Kempfius an *omnia* delendum sit rogat. Immo, opinor, *omnino minis et cruentis imperiis referta.*

ibid. 14 *Sulla, quem neque laudare neque vituperare quisquam*

satis digne potest, quia, dum quaerit victorias, Scipionem [se] populo Romano, dum exercet, Hannibalem repraesentavit, e. q. s.

Madvigio iubente editor voc. *se* reiecit, at vero vix dubito quin verba *se populo Romano* insiticia sint; suspicio me tenet, formam interpretamenti prius fuisse: *sc. populo Romano* atque postea *sc in se* abiisse.

IX 2, 1 p. 428, 18 *quem ... non prius vita privavit quam oculos infelices erueret et singulas corporis partes confringeret.*

Praetulerim infelici.

IX 2, 2 p. 429, 8 *paene tanti victoriae eius* (C. Marii sc.) *non fuerunt, quarum oblitus plus criminis domi quam laudis in militia meruit.*

Voc. *paene*, quod quam inepte ibi positum sit facile vides, denique iam loco suo reddendum est in linea sequenti; legendum enim est: *paene plus criminis domi quam laudis in militia meruit.*

IX 2 Ext. 2 p. 431, 4 *idem* (Hannibal sc.) *captivos nostros oneribus et itinere fessos iam prima pedum parte succisa relinquebat.*

Quid sit *prima pedum parte succisa* non assequor neque multum praestare Gertzii coniecturam credo: *ima [prima] p. p. s.*, quae Kempfio vera esse videtur. Locum legenti mihi versus Ennianus in mentem venit:

his pernas succidit iniqua superbia Poeni,
atque quaerendum esse mihi visum est, cum Valerii narratio haud dubie ad idem factum pertineat atque Ennii versus, num forte noster, cum ei inter scribendum verba poetae in mentem venirent, *perna succisa* posuerit, nescio quis ad vocabulum minus usitatum illustrandum deinde verba *pedum parte* addiderit, quibus ut fieri solet in textum receptis scriba, cui voc. *perna* ignotum minusve notum esset, pro eo *prima* exaraverit. Accedit videlicet quod Iul. Paris locum ita reddidit: *iam pedum parte succisa* omissa voce *perna*: nempe ex indiciiis duobus, quae apud Valerium invenit, sc. *perna* et *pedum pars*, id elegit quod melius norat.

Verba quae continuo sequuntur haec sunt:

quos vero in castra perduxerat, paria fere fratrum et propinquorum iungens ferro decernere cogebat neque ante sanguine explebatur quam ad unum victorem omnes redegisset.

in quibus voc. *victorem* inducendum est.

IX 3 Ext. in. p. 438, 5 *ceterum cum propositi fides excellentissima quaeque complecti moneat, voluntas operi cedat, dum praeclara libenter probandi necessaria narranti conscientia non desit.*

Sunt ista quae editor e manus alicuius secundae scriptura (*probandi*), ex ambigua unius codicis lectione (*necessaria*), e Madvigii coniectura (*narranti*) consarcinavit, e quibus omnibus enuntiatum constituit cuius neque forma neque sententia cuiquam probari posset.

Ad traditam lectionem nobis confugiendum est ut quid agendum sit considerare valeamus; est autem haec:

dum praeclara libenter probanda necessaria narrandi conscientia non desit.

In his autem non nisi unum verbum desideratur ad eam sententiam revocandam quam quisque qui locum accurate percensuerit requiret.

Reponendum enim est:

dum praeclara libenter proban<ti improban>da necessario narrandi conscientia non desit.

h. e. dummodo mihi, qui res praeclaras semper libenter probō, si quando res improbandas narro, conscientia ne desit, me necessario eas narrare. Origo corruptelae manifesta est: oculi librarii, cum *proban* scripsisset, ad alterum *proban* aberraverunt ita ut litteras interiacentes omiserit.

IX 6, 1 p. 444, 8 *cuius filiam virginem ... Tatius ut armatos Sabinos in arcem secum reciperet corrupit.*

Conicio: *secreto reciperet.*

IX 7 Mil. Rom. 1 p. 447, 10 *Detestanda fori condicio, sed si castra respicias, aequae magnae orietur indignatio.*

In his post *detestanda* excidisse videtur *ista*.

IX 10, 1 p. 451, 20 *Tribunus pl. M. Flavius ad populum de Tusculanis retulit, quod eorum consilio Veliternos Privernatesque + rebellaturos diceret.*

Iul. Paridem, cum scripserit: *quod eorum consilio Veliterni et Privernates rebellassent, apud Valerium legisse suspicor: rebellantes.*

IX 11, 5 p. 455, 5 *e quibus unus 'ab illo' inquit, 'quem tantopere diligis, demonstratus nostro ministerio filii indicio occideris'.*

Emblema manifestum *filii indicio* tollendum est.

IX 12 in. p. 458, 1 *nam et si eo bene uti velis, etiam parvum amplissimum efficies, numerum annorum multitudine operum superando.*

Veram lectionem esse arbitror: *namque si.* Cf. p. 459, 7.

IUVENALIS SAT. 3, 23.

hic tunc Umbricius 'quando artibus' inquit 'honestis nullus in urbe locus, nulla emolumenta laborum, res hodie minor est, here quam fuit, atque eadem cras deteret exiguis aliquid, proponimus illuc ire, e. q. s.

Verba *atque eadem cras deteret exiguis aliquid* editores quantum scio omnes nunc ita fere explicant: atque (res ea familiaris) cras rursus aliquid consumet de exiguis suis reliquiis. Interpretatio minime probabilis, quoniam res eadem primum minui (hodie minor est), deinde minuere (cras deteret) dicitur, neque intentio, quam pronomen *eadem* vocabulo *res* addit, opportuna esse mihi quidem videtur. Fortasse emendandum est pro *eadem: itidem*, ita ut adverbium *cras* verbi *deteret* fiat subiectum. Cf. Hor. S. II 3, 124:

quantulum enim summae curtabit quisque dierum.

P. H. D

AD PLUTARCHI MORALIA ANNOTATIONES CRITICAE.

SCRIPSIT

J. J. HARTMAN.

(Continuantur e pag. 151.)



DE AMORE PROLIS ¹⁾.

Libellum *de fraterno amore* hic in codicibus excipit. Sic aliquatenus intellegitur quomodo nata sit scriptorum horum moralium collectio quam nunc habemus. Huc illuc sparsae erant illae clarissimi philosophi ad amicos epistolae, orationes, diatribae;

1) Priusquam ad hunc libellum tractandum transeam ea, quae huiusce voluminis p. 137 (inde a verbis *sunt iis* l. 20) et sequenti (usque ad l. 7) leguntur, sic esse corrigenda moneo:

Sunt iis nomina Nigrinus et Quintus sed pro altero legendum est *Quietus* secundum Q. C. III, 1, 5, ubi in genitivo audit *Κυρῶν*, atque idem illud nomen reddendum Macrobio (VII, 3, 15) pro *Quinto*, nam et apud Macrobius (l. c.) et illo Quaestionum Convivialium loco iisdem fere verbis hoc documentum datur quanta ille integritate suae provinciae praeferit:

cum aegrotans de frigidis quereretur manibus, „atqui” amicus quidam inquit „calidas eas e provincia retulisti”. Sic adversus illum iocari amicus poterat, gnarus probe eum intellecturum contrarium cogitari.

Denique *Quieto* (non *Quinto* e ci. Reiskii, *Κόυρε* pro *Κόυρε* legentis) dedicatus est praeclarus ille liber de S. N. V. Ad Nigrinum quod attinet, in promptu est coniecere eundem eum esse atque AVIDIUM Nigrinum proconsulem, quocum per literas de re gravissima egit Domitianus (Plin. *Epl.* X, 65 sq.). Ergo et hic eo tempore fuit vir amplissimus. Atqui fratres sunt Nigrinus et Quietus. Inspice nunc C. I. L. VI, 3828 (= Dessau 6105). Legitur ibi ... dio *Quieto*. Non dubitabis quin recte Mommsenus lacunam literis *Avi* impleverit.

Avidii ergo fratribus suum *de fraterno amore* dedicat libellum Plutarchus lepidissima urbanissimaque hac usus praefatione.

post mortem eius sedulo conquirebantur, conquisitae disponebantur coniungebanturque. Quo munere qui fungebantur grammatici philosophique interdum rem acu tangebant, velut cum librum *de superstitione* statim post *septem sapientium convivium* ponerent; ipsum hoc sic voluisse Plutarchum credibile est: cum in *convivio* admodum strenuus exstitisset miraculorum patronus, ne hoc libro ad nimiam credulitatem abriperentur homines, statim alterum adiunxit, cuius hoc esset primum propositum ut demonstraretur minus esse impium eum qui omnino deos esse neget quam qui dirissima quaeque et turpissima de iis credat. Sed saepe externam speciem secuti et titulorum similitudine in errorem induci inter se iunxerunt quae essent diversissima. Sic libellus *de fraterno amore* vitae plenus est: ipsam enim vitam spectat et ad mores hominum emendandos est utilissimus, ob eandemque causam lectu est iucundissimus et variis exemplis narrationibusque legentem detinet. Et subiungitur hic qui neque suavitatis neque utilitatis habet quidquam: docta docti est philosophi diatribe, qui nunc quidem de curandis sanandisque hominum mentibus non cogitat, philosophicam quaestionem quam accuratissime illustrare studet et in ea re neque labori neque chartae pepercit, nam dubium non est quin multo maior pars perierit. Sermo est admodum intricatus neque desunt loci ubi ingenii quoddam ostentandi deprehendatur studium. Aequales tamen Plutarchi, ut equidem opinor, doctum hoc et laboriosum opus impense admirati sunt. Cui si quis suum sibi inter Plutarchi scripta assignare locum velit, haud inepte cum libris ab eo contra Epicureos scriptis coniungat. Quaedam enim hic leguntur quae libri *adversus Colotem* nos admoneant.

Quae de singulis libri lectu tam difficilis locis observanda videantur haec fere sunt:

493 C Adeo a sua natura aberrarunt homines ut iam debeamus
 ζητεῖν ἐν ἵπποις καὶ κυσὶ καὶ ὄρνισι, πῶς γαμοῦμεν αὐτοὶ καὶ
 γεννῶμεν καὶ τεκνοτροφοῦμεν.

Aut sensu cassa haec sunt aut falsissima absurdissimaque. Sed vera et apta praebet interpret: „apud equos, canes et aves quaerimus quomodo nobis matrimonia *contrahenda*, proles *procreanda* et *educanda* sit”.

Ut sana haec sententia in Graecis insit verbis lenissima emen-

datione γαμῶμεν et τεκνοτροφῶμεν legamus pro eorundem verborum indicativis.

Sequuntur haec:

ὥς μὴδὲν ἐν ἑαυτοῖς δῆλωμα τῆς φύσεως ὄν τὰ τῶν θηρίων ἦθῃ καὶ πάθῃ προσαγορεύσαι

quae cum praecedentibus non cohaerent. Reiskii supplementum καί, ante τὰ positum, probat Wyttenbachius, et certe sic vitium tollitur. Videndum tamen an non rectius illud καὶ ante ὥς ponatur. Mihi quidem in hac re hiatus impedimento non est. Insolite hic προσαγορεύσαι positum est hoc fere sensu: convertere se, appellare, consilium inde petere. Vitium subesse non credo.

ib. (Natura nostra) πρὸς πολλὰ μίγνυμένη δέγματα καὶ κρίσεις ἐπιθέτους ποικίλη γέγονε καὶ ἰδία.

Quae sint κρίσεις ἐπιθετοὶ intelligere mihi videor. Sunt iudicia aliunde, non ex nostra ipsorum mente, petita. Conferatur quod de vocabuli κρίσις significatione annotavi ad priorem partem disputatiunculae libello *de fraterno amore* praemissae. Sed ἰδία mihi ferendum non videtur, licet annotet editor: ἰδιάζουσα ἐκάστῳ. Hanc enim vim adiectivum illud neque habet neque potest habere. Quid requiratur docet quod continuo sequitur: τὸ δ' οἰκεῖον οὐ τετήρηκε. Requiritur ergo aliquid quod τῷ οἰκίῳ ὀρπνᾶται, ἴδιος vero et οἰκεῖος tantum non synonyma sunt. Ipsum vocabulum non praesto. Nam ἀλλοτρία a ductibus literarum traditarum nimis remotum est.

493 D Ne miremur εἰ τὰ ἄλογα ζῶα τῶν λογικῶν μᾶλλον ἔπεται τῇ φύσει· καὶ γὰρ τὰ φυτὰ τῶν ζώων, οἷς οὔτε φαντασίαν οὐδ' ὄρμην ἔδωκεν ἐτέρων ὀρεξίν τοῦ κατὰ φύσιν ἀποσαλεύουσιν.

Admodum molestum quod legenti verbi ἔδωκεν subiectum petendum est ex φύσει. Diu frustra quis illud quaerat necesse est. Sed prorsus non ferenda sequentia, quae arenae sine calce instar sunt. Annotat editor Emperium pro ἐτέρων proposuisse ἐνεργόν, quod vix credo, nam illa vox ad totam sententiam non quadrat, sibi autem magis placere ἢ ἐτέρων, quod mihi quidem languidissimum videtur. Suspicio totum istud ἐτέρων ὀρεξίν natum esse ex annotatione quae legentem certiore fecerit pro

ὁρμὴν exstare *variā lectionem* ὄρεξιν. Si in marginem erit reiectum, optime procedent omnia.

ib. Parum elegans hoc quod cetera animalia (praeter hominem) primum cum nave comparantur, quae movetur quidem sed ancora retinetur, deinde dicuntur tamquam frenis et habenis regi ita ut rectam teneant viam.

493 E Illa naturam sequuntur neque alia legum praemia poenasque respicientes neque τιμὰς τρίπαιδας.

Optime ultimum vocabulum correxit Doehnerus, vir acutissimus, *τρίπαιδιος* reponens. Lepidissime additur:

ὥς Ῥωμαίων πολλοὶ γαμοῦσι καὶ γεννώσιν, οὐχ ἵνα κληρονόμους ἔχωσιν ἀλλ' ἵνα κληρονομεῖν δύνωνται.

Agnoscis hic scriptorem qui vitae haud parvam partem Romae degerit.

494 A Omnia quae ad animalium graviditatem partumque pertinent enarrare pudor me vetat

πλὴν ὅτι γίγνεται ἕκαστον αὐτῶν ἐν τῷ Φιλοστόργῳ, ταῖς προνοίαις, ταῖς καρτερίαις, ταῖς ἐγκρατεῖαις.

Prorsus me fugit cur editor commemoret tantummodo, non recipiat in textum egregiam Emperii emendationem ἕκαστον αὐτῶν ἐν. An ullam putat excogitari posse rationem qua ista praepositio defendatur?

494 B Nidum suum accuratissime perfectum alcyon ἀκριβῶς ὑπέθηκε τῷ κλύσματι τοῦ κύματος. Operam perdit infelix avis, si tamen *mergitur* nidus, neque ad eam rem magna opus est cura (ἀκριβῶς). Repone cum Doehnero ἐπέθηκε.

ib. Tam accurate autem illae aves nidum ad sui corporis mensuram construunt

ὥστε . . . μηδὲ θάλατταν παραδέχεσθαι μηδὲ τὰ ἐλάχιστα.

Lure editor malit παρεισδέχεσθαι. Sequitur:

μάλιστα δ' οἱ γαλεοὶ ζωογονοῦσι μὲν ἐν ἐχυτοῖς κτέ.

Istud μάλιστα quorsum pertineat in tenebris latet. E corrupto praecedenti τἀλάχιστα natum suspicor, Plutarchum autem scripsisse *οἱ δὲ γαλεοὶ ζ. κτέ.*

494 F Quotidie ante oculos sunt gallinae et aliis rebus pullis suis prospicientes ἐτ προσέρποντα πανταχόθεν ἀναδεχόμεναι.

Delectant me pulli isti *reptantes*. Sustulit ineptias Doehnerus προστρέχοντα legendo.

ib. κύνας δὲ καὶ δράκοντας, ἂν περὶ αὐτῶν φοβηθῶσι, Φεύγουσι.

Fabulosas bestias ab hoc loco alienas puto, sed quid pro δράκοντας sit legendum non definio.

ib. Denuo in *animalium* nomine turbatum est, ubi hanc partem disputationis suae sic concludit scriptor: et putemus haec omnia sic naturam creasse

· ἀλεκτορίδων ἐπιγονῆς καὶ κυνῶν καὶ ἄρκτων προνοῦσαν

et non prospicientem hominibus eosque exemplis monentem?

Quandoquidem in praecedentibus non fuit sermo de canum fetu, et hic siletur de alcyonibus, de quibus accurate est disputatum, dubium non est quin pro κυνῶν recte Doehnerus ἀλκυόνων reposuerit.

495 A Admodum raro vocabulorum usu hic inter se opponuntur: οἱ ἐπόμενοι, ii qui naturae obtemperant, et οἱ ἀνάλγητοι, ii qui praecepta eius exemplaue nihil curant.

495 E γῆν ἐν φυτοῖς ὀργῶσαν ἐν καιρῷ παρέχειν nihili est, licet annotet editor: „ἐν φυτοῖς i. e. ἐπὶ τῶν φυτῶν frustra tentatur”, nam ista explicatione nihil proficimus. Dele prius ἐν ex errore in Plutarchi textu frequentissimo natum: oportet in tempore agrum tamquam cupidum concipiendi praebere *seminis*.

495 F Contorte admodum et nimio ornatu obscure haec dicuntur de foetu quae in utero alitur:

ἄχρι οὗ τοὺς προσήκοντας ἀριθμοὺς τῇ ἐντὸς αὐξήσει κυηθὲν ἐτέρας ἀνατροφῆς καὶ χώρας δέχται.

ib. Tum vero natura

ἔχει παρεσκευασμένας οἷον ἐγγείους ἢ τινὰς κρήνας νάματος ἐπιρρέοντος.

Deliberandum etiam fuit editori ut certam probaret Reiskii

emendationem ἢ delentis. Et tamen ne nunc quidem in textum eam recepit!

496 A Lepide de eadem haec dicuntur:

εὐμενὲς τῷ τοῦ νηπίου στόματι καὶ προσφιλὲς ψαῦσαι καὶ περιλαβεῖν ἐνδίδωσι ταμειῶν
nisi quod simplici verbo δίδωσι opus hic est.

496 D Versus Iliadis (Λ 269 sqq.) quibus parientis dolores describuntur non Homerum scripsisse sed Homeridem quandam
λέγουσι τεκοῦσαν ἢ τίκτουσαν ἔτι καὶ τὸ μῖγμα τῆς ἀλγυθόνης
... ἐν τοῖς σπλάγχνοις ἔχουσαν.

Praeclara est Reiskii emendatio *νύγμα* legentis pro absurdo *μῖγμα*. Sed ne sic quidem locus est persanatus. An quisquam tam insanus fuit unquam ut *parientem* fingeret versus facientem, atque adeo *etiam* (ἔτι) parientem? Restituetur manus Plutarchi si sic legemus: λέγουσιν, ἔτι τὸ *νύγμα* τῆς ἀλγυθόνης ... ἐν τοῖς σπλάγχνοις ἔχουσαν, cetera sciolo reddemus.

Adduntur haec: ἀλλὰ τὸ φύσει φιλόστοργον ἔκκμπε καὶ ἤγεν.

Nollem editor hic pro ἤγεν coniecisset, ἤγχεν, quo nihil minus aptum potuit excogitari. Aptissime contra *κάμπτειν καὶ ἄγειν* inter se iunguntur: a mala abducere via et ducere recta.

496 E Recens natum infantem mater statim fovet refrigeratque
τίνων ταῦτα μισθῶν ἢ χρεῖῶν ἐκείνοις; ἀλλ' οὐδὲ τοῖς νῦν.

Omittit haec interpres; certe ista ἐκείνοις et τοῖς νῦν admodum obscura sunt. In praecedenti tragici fragmento quae sint *σπαργάνων ἐρείπια* frustra quaero.

497 A Lepide perstringuntur hereditariae *Romani*, quos ex Horatio, Luciano, Martiale aliis tam bene cognitos habemus. „Divites” ait „cur liberos habere cupiunt? Num ut ab iis adultis alantur ipsi? An ut habeant heredes?”

οὐ γὰρ ἔστιν εὐρεῖν οὐδ' ἐπιτυχεῖν τοῦ τὰλλότρια βουλομένῃ λαμβάνειν.

Optime haec sic vertit interpres: „*scilicet*, quia non licet invenire qui aliena accipere velit”.

497 B Danaus quinquaginta filiarum pater

εἰ ἄτεκνος ἦν, πλείονας ἂν εἶχε κληρονομοῦντας καὶ οὐχ ὁμοίως.

Addit ἀχαρίστους Reiskius. Leniori emendatione ὁμοίους legemus: non similes, i. e. meliores.

497 C Facile quamvis multos amicos inveniunt non omnes divites sed divites orbi:

τούτους οἱ πλούσιοι δειπνίζουσιν, οἱ ἡγεμόνες θεραπεύουσιν, οἱ ῥήτορες μόνοις τούτοις προῖκα συνηγοροῦσιν.

Haec sic refingendæ censet editor: τούτους (orbos), εἰ πλούσιοι, δειπνίζουσιν οἱ ἡγεμόνες, θεραπεύουσιν οἱ ῥήτορες, μόνοις κτέ.

Frustra, ut opinor. Sua cuique danda sunt, nunc singula de ceteris, bina de oratoribus enuntiantur. Quid autem ducibus et magistratibus cum cenis? Epulis excipere proprium est divitum; ducum autem et imperatorum coli et observari, orbos vero pecuniosos colunt ultro observantque.

ib. Postquam satis iam demonstravit solam naturam facere ut liberos ament parentes, sic pergit:

ἐξαμαυροῦται γὰρ καὶ ταῦτα καὶ πολλὰ τῶν ἄλλων ὑπὸ τῆς κακίας.

Nullus hic particulae γὰρ locus: ad *alia* enim transitur. Lege ergo δέ cum Amyoto.

AN VITIOSITAS AD INFELICITATEM SUFFICIET.

Si quis unquam exstiterit qui omnino sibi incredibile videri declaret vel fraude vel casu scriptoris antiqui libris spuria quaedam esse admixta — et quam opinionem nunquam ab ullo mortalium prolatum iri pro certo affirmare possumus? — is mihi legat ineptias quas hiece περὶ κακίας et κακοδαιμονίας libellus Plutarcho obtrudat: statim sententiam mutabit. Habemus enim hic meras nugas quisquillasque, quas sophista aliquis a Plutarcho quam diversissimus effundens paratum sibi speravit legentium audientiumque plausum. Et tamen in sola Didotiana asteriscum appictum titulo videmus. Ergone neque Wytttenbachio

neque Bernardakio quidquam suboluit? At damnare libellum non dubitavit Naberus. Dixeris ergo meis iam argumentis opus non esse. Certe ipse mihi non is videor qui Naberi suscipiam patrociniū. Sed paucis verbis defunctus ille est; res ipsa autem haud indigna est de qua accuratius disputetur, cum praesertim videamus aliorum, eorumque maxime idoneorum, iudicium et fuisse et esse etiamnunc contrariam sententiam. Age ergo litem hanc, nam *litem* esse apparet, tandem aliquando ad exitum perducere conemur!

Naberum hoc prae ceteris movet, et hoc solo utitur ille argumento, quod de Decio absurdissima hic traduntur et quae ineptum in modum recedant a pervulgata narratione. Et sunt profecto absurdissima illa et Plutarcho prorsus indigna. Sed ut quam sint inepta et insana penitus *sentiatur* — nam *sentiuntur* eiusmodi res magis quam certis argumentis demonstrantur — totum caput, ubi leguntur, considerandum est. Quod qui fecerit non poterit non mirari talia unquam pro Plutarcheis venditari potuisse. De toto ergo capite illo (tertio) nostris referamus verbis.

Inducitur ἡ κακία („vitiositatem” eam appellat interpres, et utendum nobis eo est vocabulo, quoniam melius aliquod in promptu non est), Vitiositas ergo inducitur cum Fortuna disputans ut demonstret ab illa sola hominem miserum reddi non posse. Atque sic fere suam agit causam:

„Paupertatemne minaris, Fortuna? Ridet te Metrocles qui hieme in ovium stabulis, aestate in vestibulis templorum noctem degens Persarum rege sibi beatior videretur, licet hibernam ille haberet regiam Babylone, aestivam in Media”.

Hic mihi paulisper subsistendum est. Si quidquam in his probandum, equidem probanda censeo *stabula* illa *ovium*. Quid enim aptius mendico vel vero vel simulato quo hieme sub noctem confugiat? Nonne is ad summam redactus aut est aut videtur paupertatem, qui ne inter immundissima quidem animalia somnum capere reformidet? Haud ita Usenero visum qui pro Graecis vocabulis ἐν τοῖς πρῶτοις reponi iussit ἐν τοῖς πρῶτοις i. e. in balneis privatis. Hic notum illud „distingue” usu venit. Ipse Plutarchus vocabulis utitur latinis, sed raro et cum ipsa res de qua agitur tantum non cogit uti. Sic in libello de vitando aere alieno *Kalendarum* nomen legitur, aptissime: ante

oculos enim nunc pastor noster ovibus suis ponit pericula iis impendentia nisi cavebunt sumptibus suis excedere reditus terminos: tum enim aes alienum contrahere debebunt, quae res quantum habeat mali certo experientur tempore, nunquam enim deerit vir ille metuendus qui eos *Kalendarum* admoneat; nam in provinciis foeneratores plerumque erant equites *Romani*, et *Romanis* tota res peragebatur legibus, ergo tunc Graeculis *Kalendarum* aequae erant notae atque olim ἡ ἐνὴ τῇ καὶ νῦν. Tum latinis utitur vocabulis Plutarchus cum de rebus agit Romanis aut certe Romanis magis quam Graecis: tum enim ea vocabula magnam habent persuadendi vim. Hic vero cur *privata* potius quam ἰδία vocet βαλανεῖα? Et quis mendicus tam est praeposterus et perversus ut multo labore *privata* effringat balnea, publica, etiam patentia, praetereat? Stabula autem ovium hieme et calore praebent et haud magno aperiuntur labore; aestate, cum pecus in montes acta est, aut omnino nulla sunt — magna enim eorum pars in tempus e lignis componitur — aut ita iacent neglecta ut pluviam aquam non arceant. Tum templorum vestibula perfugium praebent gratumque frigus. Non fuit iste Plutarchi imitator — nam cum imitatore Plutarchi hic nobis res est — adeo et in Plutarcho et in sui temporis vita ipsa hospes ut ista omnia ignoraret.

Pergamus, nam pergit Vitiositas et sic declamat:

„An servitutem affers, vincula, forum venale? Contemnit te Diogenes ille qui, cum a praedonibus venundabatur, exclamabat: quis dominum vult emere? An venenum misces?”

Etiam in sermone Graeco mirum quantum impostor hic turbet: κύλικας Φαρμάκου τὰράττεις ait.

„An venenum misces? Nonne et Socrati illud propinasti, nonne ille ebibit impavidus, lenis, placidus, neque colore neque habitu mutato? Post mortem vero eius *vivi* (profecto sic Graece legitur: οἱ ζῶντες) beatum eum praedicabant (mirum ni *mortui* id fecerint!) quod ne apud inferos quidem sorte cariturus esset divina? Ignem tibi praecepit Decius Romanorum dux, qui inter duos exercitus exstructo rogo *ex voto* se immolavit Saturno pro patriae principatu”.

ὕπὲρ τῆς ἡγεμονίας ait. Nonne sic ea sunt verba latine vertenda ut ego verti? An prorsus sensu cassa sunt? Sed quae

audimus Plutarchum disputantem, neque mirum est exstitisse virum doctum qui contenderet non tam suam quam alienam hic defendere Plutarchum opinionem. Iohannes Schroeterus ille est, qui nuper libello eleganter scripto, apte disposito atque bonae frugis pleno (prodiit ille Lipsiae ex aedibus Dieterichianis) demonstrare conatus est Plutarchum non sponte iniisse viam illam quae *a dubitatione ad fidem* ¹⁾ ducat sed Philonis vestigia secutum. Ita se rem habere equidem infitias ire nolim, sed non est cur ob eam causam Plutarchum contemnamus. Etenim quamvis doceat idem Plutarchus quod Philo, ne hic quidem quidquam docet quod non ipsi sit persuasissimum, et longe longeque auctorem suum superat, tenebrionem istum qui suis allegoriis omnia perturbat obscuratque.

Sed scriptus est liber ille *de primo frigido* Favorino philosopho *sceptico* et inter scripta Plutarchi singularem tenet locum. Certe nullum novi quod nobis ita *meram* praebeat doctrinam, eam doctrinam quam *doctrinae causa* exerceri aiunt, quam ceteroquin Plutarchus minime solet habere in deliciis, neque ullum quod tam aperte uni tantummodo sit homini destinatum eique non minus docto quam ipse est scriptor. An *iuniori* hic in re philosophica socio Plutarchus specimen dare vult quomodo agendum illi sit qui difficilem aliquam quaestionem quam accuratissime tractare velit?

Quocunque modo se res habet, quin Plutarchi liber ille sit neque dubitat quisquam neque potest dubitari: tanta est cura tantaque diligentia elaboratus — etiam hiatus sedulo vitantur — ut affirmare liceat non potuisse eum *ἀκρίφαλον* errare inter homines, hunc qui scripsit strenue dedit operam ut sibi vindicaret opus unde tantum laudis posset sperari gloriaeque. Eiusmodi liber qui auctor *fertur* auctor *est*. Accedit indicium unum minime spernendum: hic quoque habemus flosculum illum quo adeo delectari solet Plutarchus de aqua e puteo hausta iterumque demissa sed ita ut urna qua hausta est superficiem aquae, quae est in puteo, non tangat: haustam tum aquam frigidiorē aqua putei esse docet.

Sed alia est illius libri et nostri fragmenti causa. Litem *de*

1) Germanice: „von der Sceptis zum Offenbarungsglauben“.

οὐ ληστῶν ἐνοδίοις διαζώνουσιν ἐνέδρξις ἐρήμους ὑπωρείας, οὐ νέφη χαλαζοβόλα πεδίοις περιρρήγνυσι καρποφόροις.

Et sunt cetera ad eandem normam. Sequitur hic aliquid quod certa emendatione corrigi et possit et debeat. Nam cuicuiusmodi iste nebulo fuit, *intelligi* certe voluit:

οὐ Μέλητον οὐδ' Ἄνυτον οὐδὲ Καλλιξενον ἐπείγει συκοφάντην.

Illud *ἐπείγει* Bernardakii est pro tradito *ἐπεί τι*. Quanto Wyttenbachii certa emendatio *ἐπάγει* praestat!

Cetera cum pulvisculo excutere piget taedetque.

ANIMINÆ AN CORPORIS AFFECTIONES SINT PRIORES.

Hoc quoque fragmentum levem quidem et tantummodo titulum aspicienti sed tamen aliquam movet de auctore dubitationem. Quae cuiusmodi sit paulo accuratius exponere lubet. Novimus omnes librum illum *de frigoris origine* sive, ut Graeca hic verba verti solent, *de primo frigore*. Ibi variae sententiae:

a frigus est caloris deminutio

b " " aer frigidus

c " " aqua frigida

d " " terra frigida

proponuntur et sola earum prima plane ut levis futilisque damnatur, ceterae quam accuratissime tractantur defendunturque, atque ita ut quae scriptori maxime placeat haudquaquam appareat, totaque disputatio sic clauditur:

„hanc opinionem (frigus esse terram frigidam) ceteris oppone. Quod si illis minus probabilis videtur, immo vero nisi ceteras probabilitate longe videtur superare, missas fac omnes, philosopho dignius esse ratus in rebus incertis iudicium differre quam se huic vel illi sectae addicere”

En hic habemus philosophum qui non solum Academicus est sed etiam βούλεται εἶναι τοιοῦτος, cui ἐπιχῆ illa non tristis quaedam videtur necessitas, quam aequi bonique vir vere sapiens consulere debet, sed qui illud putat omnis philosophiae propositum, quo naviter et ex animi sententia cuivis docto sit tendendum. Tam Academice atque adeo tam Sceptice vix unquam

audimus Plutarchum disputantem, neque mirum est exstitisse virum doctum qui contenderet non tam suam quam alienam hic defendere Plutarchum opinionem. Iohannes Schroeterus ille est, qui nuper libello eleganter scripto, apte disposito atque bonae frugis pleno (prodiit ille Lipsiae ex aedibus Dieterichianis) demonstrare conatus est Plutarchum non sponte iniisse viam illam quae *a dubitatione ad fidem* ¹⁾ ducat sed Philonis vestigia secutum. Ita se rem habere equidem infitias ire nolim, sed non est cur ob eam causam Plutarchum contemnamus. Etenim quamvis doceat idem Plutarchus quod Philo, ne hic quidem quidquam docet quod non ipsi sit persuasissimum, et longe longequae auctorem suum superat, tenebrionem istum qui suis allegoriis omnia perturbat obscuratque.

Sed scriptus est liber ille *de primo frigido* Favorino philosopho *sceptico* et inter scripta Plutarchi singularem tenet locum. Certe nullum novi quod nobis ita *meram* praebeat doctrinam, eam doctrinam quam *doctrinae causa* exerceri aiunt, quam ceteroquin Plutarchus minime solet habere in deliciis, neque ullum quod tam aperte uni tantummodo sit homini destinatum ei que non minus docto quam ipse est scriptor. An *iuniori* hic in re philosophica socio Plutarchus specimen dare vult quomodo agendum illi sit qui difficilem aliquam quaestionem quam accuratissime tractare velit?

Quocunque modo se res habet, quin Plutarchi liber ille sit neque dubitat quisquam neque potest dubitari: tanta est cura tantaque diligentia elaboratus — etiam hiatus sedulo vitantur — ut affirmare liceat non potuisse eum *ἀνέφαλον* errare inter homines, hunc qui scripsit strenue dedit operam ut sibi vindicaret opus unde tantum laudis posset sperari gloriaeque. Eiusmodi liber qui auctor *fertur* auctor *est*. Accedit indicium unum minime spernendum: hic quoque habemus flosculum illum quo adeo delectari solet Plutarchus de aqua e puteo hausta iterumque demissa sed ita ut urna qua hausta est superficiem aquae, quae est in puteo, non tangat: haustam tum aquam frigidiorē aqua putei esse docet.

Sed alia est illius libri et nostri fragmenti causa. Litem *de*

1) Germanice: „von der Sceptis zum Offenbarungsglauben“.

primo frigido a Plutarcho non dirimi facile ferimus; utrum esset aqua illud an aer an denique terra, quamvis docte de ea re disputaverit, parum eum curasse consentaneum est. Facile se poterat hic communem praebere omnibus iudicem, qui aequo esset quemvis litis exitum laturus animo. Ad mentes hominum tota illa quaestio non pertinet. *Sana* mente esse potest qui aerem primum frigidum esse putat non minus bene quam qui pro aqua vel terra hic pugnat. At nunc vix auribus nostris credimus hoc *rogare* Plutarchum utrum peiores sint animi an corporis affectus, tamquam si de ea re ulla possit esse dubitatio. Vel *poni* ab eo eiusmodi dilemma est quod miremur, nam quis unquam de ea re dubitavit, nunquam noster dubitavit mentium medicus. Sed est *fragmentum* tantummodo, idque non plus quatuor paginarum, quod ubi perlegisti, omnem tibi exemptum sentis scrupulum: nihil habet vel in sermone vel in ornamentis orationis quapropter spurium nobis videri possit, contra haud pauca in quibus statim peculiare illud scribendi genus atque adeo ipsum agnoscas Plutarchum. Ii citantur poetarum loci quos prae ceteris semper in ore habuisse nostrum ex aliis eius libris novimus, illud

κινούσα χορδὰς τὰς ἀκινήτους Φρενῶν,

Agaves carmen quod occiso cecinit filio

ἄγομεν ἐξ ὄρεος,

adhortationem qua homo mente perturbatus placatur:

μέν, ὃ ταλαίπωρ, ἀτρέμα σοῖς ἐν δεμνίοις.

Ipsium mentium medicum semper arti suae intentum hic videmus (501 B):

„qui corpore laborant ipsi medicos vocant, sentiunt enim quibus rebus sibi adversus morbos suos opus sit; at quorum mens aegra est ii *philosophos* fugiunt, in ipsis enim rebus illis, in quibus peccant, recte sibi agere videntur”.

Pars vero ipsius vitae, quae tunc fuit hominum in provinciis Romanis, tamquam in tabula nobis proponitur in hisce (501 E F):

„Sed quid opus est animorum affectus enumerare, quorum ipsum quod nunc adest tempus nos admonet? Videtis magnam illam promiscuamque hominum multitudinem, quae nunc *huc* confluit in forum et circum tribunal: pulsantur et alius alii impinguntur. Non ut patriis rem divinam facerent diis conve-

nerunt, non ut simul gentilibus uterentur sacris, non *Ascraeo* Iovi Lydiorum ferunt fructuum primitias, non Baccho nocturnas celebrant ferias communibusque funguntur orgiis; sed certo anni tempore morbi quodammodo vis summa Asiam exasperat et *huc* compellit ad iudicia litesque, quibus suus est constitutus dies. Tum, ut fluminum, causarum multitudo in unum incidit forum fervetque, certamina fiunt *perdentium et pereuntium*, ut ait Homerus”.

Huc — huc, *ἐνταῦθα* ... *ἐνταῦθα*. Sic solet Plutarchus pro *ἐνθάδε*. Sed quo, quaeso? Romamne? Non opinor. Quid enim Romae cum Baccho et praesertim cum *Ascraeo* illo Iove? ¹⁾ Et cum sic uno vocabulo *ἐνταῦθα* locum, ubi cum maxime versatur, Plutarchus iudicat, aut de sola cogitat Chaeronea aut certe de patria sua Boeotia. Ergo ita res se habere videtur ut praetor Achaiae stato tempore, atque eodem, quo magnae ibi in honorem indigenarum deorum celebrantur feriae, Delphis considat, ibique dirimendis vacet controversiis privatis, non Graecorum modo sed etiam Asianorum, qui mox deorum cum omnium tum Boeotorum obliti internecivum inter se gerunt bellum.

Denique ne mireris in idem huncce receptum libellum volumen, quod et librum *de tranquillitate animi* continet, atque adeo ut mireris non statim post illum esse positum, lege mihi quem sibi scriptor suae disputationis promittat fructum (500 C):

οὐ μικρὸν πρὸς εὐθυμίαν ὄφελος.

Profecto, si integer ad nos liber pervenisset, multa hic quoque haberemus exempla atque praecepta ad sanandas hominum mentes utilissima.

Quae ad singulos annotem pauca sunt et eiusmodi ut plerumque cur haeream dicam, raro difficultatem tollere coner.

500 C Homerus nullum dixit in terris vivere animal *διζυρότερον ἀνδρός*. Nos vero hominem secum ipso comparemus ὥσπερ ἤδη νικῶντα κακοδχιμονίᾳ ... καὶ τῶν ἄλλων ἀθλιώτατον ζῶντα ἀνηγχορευμένον.

Scio interdum sic superlativum pro comparativo poni et cum

1) In Plutarchi Moralibus hoc loco solo deus ille commemoratur. Qui praeterea in *indice nominum* apud B. hic inveniuntur numeri, ii a nomine Ἀσκληπιός aberrarunt.

genitivo τῶν ἄλλων (hoc sensu: *quam* alii) iungi, ut hoc significetur: „multo melior, peior *simm.*”, sed hic, ubi in *comparandi* ratione tota res vertitur (αὐτὸν ἑαυτῷ συγκρίνωμεν), crediderim solito librariorum errore ἀθλιώτατον ex ἀθλιώτερον natum.

Tum „certamen instituamus corporis animique de suis malis” ait. „Non inutilis ea res sed qua maxime nobis opus est; scire enim oportet: πότερον διὰ τὴν τύχην ἢ δι' ἑαυτοὺς ἀθλιώτερον ζῶμεν”.

Miramur hic subito *fortuna*e inicii mentionem, sed quomodo decurrat disputatio sat bene tamen intelligimus. Sic enim pergit: „in corpore morbus oritur *natura*, mentis pravitas incipit eius esse opus, deinde morbus eius fit”.

Hoc est: „si corpore laboramus, morbi causa extrinsecus est allata, ergo tunc habemus cur accusemus fortunam; si mente, morbi causa in nobis ipsis latet, ergo tunc praeter nos ipsos nihil aliud accusare possumus”.

Continuo sequitur οὐ μικρὸν δὲ πρὸς εὐθυμίαν ὄφελος, quae verba iam laudavimus tamquam totius libri consilium — et consilium Plutarcho dignissimum! — in clara ponentia luce. Sed quae adduntur ea probare non possum. Quid enim suam sibi animo tranquillitatem reddere dicitur?

ἂν ἰάσιμον ἢ τὸ χεῖρον.

Hic nimiam brevitem aequi bonique consulo, quamquam admodum obscure scriptor significat se non solum peiores animi quam corporis esse morbos demonstraturum sed etiam peiores illos esse sanabiles. At his quae annectuntur recte esse tradita non credo: καὶ κουφότερον καὶ ἄσφυκτον. Non latuit vitium interpretem, qui haec dat: „allevarique *possit* et impetu careat”. Sed hoc non est explere rimam verum fidelia obtegere; quid quod tantum partem obtegit? *Excidisse* hoc fere equidem crediderim: δύνηται γίγνεσθαι, ut tota haec sit sententia: „ad tranquillitatem animi multum confert si sciamus morborum nostrorum id quod peius sit genus aut sanari posse, aut certe ita allevari ut iis non concutiamur”.

500D Vulpes cum panthera certans utra sit ποικιλωτέρα, suam περὶ τὸ ἦθος εὐτροπίαν monstrat.

Nulla est in vocabulo *εὐτροπία* calliditatis et versutiae notio, virtus ea est potius quam vitium. Probe hoc sensit Reiskius et *εὐστροφίαν* proposuit. Provocare hic poterat et ad alios auctores et ad Aristophanem: in mentem enim venit Carionis in Pluto iocantis ubi *Στροφαίου* nomen audit.

500 E Corporis morbos et aliae res indicant et *πόννοι προπετεῖς*.

Qui illi sint scire velim. Interpretis hic verba sunt: „*subtilis doloribus* indicantur”. Et eiusmodi aliquid hic requiritur sed e verbis Graecis peti non potest. Vitium subesse puto.

ib. Sed animi vitia plerumque latent et *διὰ τοῦτ' ἐστὶ κακίᾳ προσ αφαιρούμενα τὴν ἐπ' αὐτοῖς τοῦ πάσχοντος αἰσθῆσιν*.

Non praepositione *πρός* (quid enim *praeterea* vitia illa hic adimere dicuntur?) sed *πρό* opus esse, nemo, ut opinor, semel monitus negabit. Sed mihi praeterea suspectum illud *ἐπ' αὐτοῖς* est, quod ab oscitante vel festinante librario scriptum puto pro *ἐπ' αὐτοφώρῳ*.

Statim sequitur: *τῶν μὲν γὰρ περὶ τὸ σῶμα νοσημάτων ἐρρωμένος ὁ λογισμὸς αἰσθάνεται*.

Sana quidem haec, sed neque eleganter neque perspicue enuntiata. Quid enim sibi illud *ἐρρωμένος* velit sequens demum *τοῖς δὲ τῆς ψυχῆς συννοσῶν αὐτὸς οὐκ ἔχει κρίσιν ἐν οἷς πάσχει* docet.

500 F *ἀρχὴ γὰρ ἀπαλλαγῆς νόσου μὲν αἰσθησις . . .*

Hiatus vitandi causa non suo loco posita est particula: oportebat enim sic: *ἀρχὴ μὲν γάρ*. Nam mox opponitur: *ὁ δ' ἀπιστία τοῦ νοσεῖν οὐκ εἰδὼς ὧν δέεται, καὶ παρ' ἢ τὸ θεραπεῖον, ἀρνεῖται*.

501 A Enumerantur hi corporis morbi qui *non sentiuntur*: *λήθαργοι, κεφαλαλγίαι, ἐπιληψίαι, ἀποπληξίαι*.

Et vox ipsa et usus docet unum ex his absurdissime hic poni. Nam quis ille est *dolor* qui *non* sentitur? Et dolere se nemo, ut opinor, sentit magis quam qui capite laborat. Exime totum vocabulum: sufficiunt enim tria exempla.

501 C Saepe ad persuadendum ei qui corpore laborat ut necessariam sibi quietem capiat sufficit monitum quale est illud μέν' ὧ ταλαίπωρ' ἀτρέμα σοῖς ἐν δαμνίοις. At qui mente laborant τότε μάλιστα πράττουσι, τότε ἥκιστα ἡσυχάζουσιν.

Haec quoque morbo laborare probe sensit editor, sed quam ille affert medicinam (ὅτε pro priore τότε legens) neque sanat quidquam et ridiculi aliquid addit. Quis enim monendus etiam est quo quisque magis opus faciat eo minus eum quiescere? Et remanet id quod et traditam lectionem et repositam vitii arguat. Requiritur enim hoc: „cum maxime opus faciunt et se exercent”. Sed id in πράττουσι non inest. Totum illud τότε μάλιστα πράττουσι insulsum esse interpretamentum sequentium suspicor. Vix unquam a se impetrant scioli ut ad enuntiata *negativa* nihil adscribant.

501 D Mentis morbi hominem non sinunt in quietis confugere portum, atque sic ille per turbidum mare sine gubernaculo ancorave iactatur donec εἰς τι ναυάγιον φοβερὸν ἐξέπεσε.

Insolito sensu hic ναυάγιον non est navis *fragmentum*, sed id quod *frangit* navem. *Scopulum* interpres vertit.

501 E ὥστε καὶ διὰ ταῦτα καὶ τούτοις χεῖρον νοσεῖν ταῖς ψυχαῖς ἢ τοῖς σώμασιν.

Non fert hanc verbositatem editor et aut διὰ ταῦτα aut καὶ τούτοις damnat. Abesse hoc equidem malim.

ib. In loco supra laudato de litigantium multitudine qui certo anni tempore ex Asia affluunt ad praetorem Romanum illud certo anni tempore sive die stato condicto inaudito significatur vocabulo ἐμπροθέσμως, quod natum opinor ex ἐκ προθεσμίας. Proclivis error ille.

(Continuabuntur).

II. DE ILIADIS COMPOSITIONE.

SCRIPSIT

MATTHAEUS VALETON.

(Continuantur ex pag. 80).



c. *Quibus Iliadis partibus contineatur poema a Πατροκλείας auctore conditum.*

Qui poëta Patroclum Achillis comitem atque amicum ab Hectore caesum finisset, eundem sibi proposuisse eius mortem ab Achille vindicatam, uni igitur auctori et Πατροκλείαν deberi et Ἑκτορος ἀναίρεσιν, ita per se perspicuum est ut demonstratu non opus sit. Neque tamen minus certum videtur eundem ad-emisse Achilleïdi Πρεσβείαν et Μηνίδος ἀπόρρησιν. Nam nisi voluisset in harum locum substitui Πατροκλείαν et Ἑκτορος ἀναίρεσιν, nihil negotii fuit rem ita instituere ut repugnantia quam inter eas cerni demonstravimus evitaretur, omittenda nimirum fuerunt ea quae nunc leguntur Π 70^b, 71, 84—87 „si Agamemnon mihi benignus esset” et „reddant mihi Achivi virginem et augeant me honore”, quae non tantum excogitari non poterant a Πρεσβείας auctore, sed ne ab ullo quidem poëta qui Πρεσβείας rationem haberet, id quod etiam pertinet ad Achillis verba Λ 608 sqq. „nunc credo Achivos ad meos pedes procubitu-ros esse”, quae aut debentur Πατροκλείας auctori aut poëtae recentiori cui Πατροκλεία nota erat. Atqui Μηνίδος ἀπόρρησιν a Πρεσβεία secerni non posse cum ostenderimus, necesse est hanc quoque noster spreverit.

Itaque sic statuendum est, Πατροκλείας auctorem quodammodo alteram condidisse Achilleïdem, cuius prior pars eadem esset atque Achilleïdis principalis, altera prorsus differret praecisis omni- bus quae in illa sequerentur ab inde solis occasu qui nar- ratur Θ 485 sqq., eorumque loco substitutis Patrocli cum Achille colloquio, rebus gestis, clade, Achillis in aciem reditu, caede

Troianorum, amici morte in Hectore vindicata. Ne sic quidem partes ambas optime cohaerere, Thetidis enim preces quibus Iovem oret ut hostibus adsit donec Graeci filium in honorem revocent, Iovis consilium eo pertinens, Minervae vaticinationem fore ut triplicibus donis Agamemnon iniuriam compenset, recta ratione carere cum Achilles nulla satisfactione oblata iram dimittat, minime negandum est; hoc vero cum in unius poëtae opere ferri non possit, tamen eiusmodi est ut ab alterius partis auctore facile intellegatur neglectum esse aut eum fugisse. Neque aliter iudicandum de Iovis ad Iridem mandatis quibus Hectore se vires additurum dicit (A 193 sqq.), donec ad Graecorum naves perveniat et solis occasu tenebrae oboriantur; nam ne haec quidem ad *Πατροκλείαν* quadrare supra ¹⁾ demonstravimus. Sin autem quis putet *Πατροκλείαν* et *Ἕκτορος ἀντίρρην* non tam eo consilio conditas esse ut priori Achilleidis parti iungerentur quam ut carmen existeret quod sua pila staret, hoc obstare videtur quod haud obscure *Πατροκλείας* initium se applicat ad ea quae narrantur sub finem libri O.

At vero nunc oritur alia quaestio; perlegentem enim quae continentur libris Π—X, ut nunc omittamus ea quae sequuntur post Hectoris mortem, neminem non subibit suspicio multa in his esse quae a poëtis recentioribus sint addita. Sed accurate rem inspicienti mox apparet multa hic ambigua esse, indicia certa quibus res conficiatur in plurimis desiderari. Itaque de singulis proferentes ea quae sentimus, nonnulla evincere posse putamus, cetera satis habemus si ostenderimus credibilia esse. Hoc praefamur. Nisi tamen certa documenta essent quibus diversitas auctorum Iliadis probaretur, si contra ab illa suspicione cum discederes, nihil credere vetaret Iliadis argumenti ubertatem uni deberi auctori, facile ferremus hunc in tanti ambitus incepto multa quae salva argumenti cohaerentia abesse possent delectandi causa inseruisse. Sed quoniam hic habemus poëtam, *Πατροκλείας* auctorem dico, cuius poëseos fines minus late pateant, quippe qui sibi proposuerit hoc maxime narrare cur et quomodo Achilles alia ratione quam etiam nunc crederetur, iram demisisset et in aciem redisset, quae narratio adeo natura sua ad finem festinat,

1) p. 59.

aliena censenda esse videntur quaecunque in ea obvia eius decursum morantur.

Iam vero primum quidem interpolatum censeo versum Π 27 ubi memoratur Euripyli vulnus, quam rem infra ostendam *Πατροκλείας* auctori ignotam fuisse. Sed tum a poëtae nostri opere seiungendum puto quamvis per se spectatus nihil habeat quod offendant et pro parte saltem ex antiquis fontibus haustus esse videatur ¹⁾, locum Π 168—196 ubi Myrmidonum copiis in quinque partes distributis singulorum ducum commemorantur nomina et origo. Porro vss. 342—350 quibus Meriones narratur occidisse Acamantem, Idomeneus Erymantem. Idomeneus hic, quasi eum iam cognitum habeant auditores inter belli Troiani duces, sine patris vel patriae nominibus appellatus, néque comparet in Achilleïde ²⁾, quae sola Iliadis pars — id quod mox ostendemus — poëma nostrum originis aetate superat, néque credibile esse eum carminibus Iliade antiquioribus adnumeratum esse oppugnatoribus Troiae in superioribus demonstravimus ³⁾, néque in poëmate nostro recurrit, nam locum P 605 sqq. ubi rursus eius mentio fit mox ostendemus ob causas ad Idomeneum nihil pertinentes *Πατροκλείας* auctori denegandum esse, quapropter hic simul cum comite Merione insitivus est habendus. Tum vero Sarpedonis, deinde Cebrionae cladem et, una cum utraque, ea quae praecedunt i. e. Π 372—683 698—783 a *Πατροκλείας* auctore ab iudico. Ubi in his de Sarpedone agitur, bis tangitur *Τειχομαχία*. Nam Π 510 legimus de Glaucō quem Sarpedon moribundus auxilio vocat „*τῆρε γὰρ αἰνῶς ἔλκος ὃ δὴ μιν Τεῦκρος ἐπεσσύμενον βάλεν ἰὼ τείχεος ὑψηλοῖο*, quae res narrata erat M 388 sqq., et Π 558 a Patroclo Sarpedon vocatur is qui *πρῶτος εἰσήλατο τεῖχος Ἀχαιῶν* ⁴⁾. Iamvero *Τειχομαχίαν* et propter belli annum decimum commemoratum M 15 inter recentiores habemus Iliadis partes, et propter Euripyli vulnus a Patroclo curatum cuius mentio fit M 1, recentiore saltem origine est quam Patrocli missio ad Nestorem (Λ 596 sqq.), nam ab hoc rediens Patroclus

1) Vide Mnem. 1912 p. 306 sq.

2) Locum A 145 ubi obiter memoratur, propter ipsam hanc causam Achilleïdi ab iudicavimus.

3) Cf. de hoc loco etiam Mnem. 1913 p. 227, ann. 1.

4) De hoc loco egi Mnem. 1913 p. 247, in ann.

incidit in Eurypylum vulneratum (Λ 809 sqq.). At manifesto Patrocli missio non excogitata est ante quam Πατροκλείᾳ condere-
tur, huic igitur Sarpedonis clades demenda est. Nunc autem
agam de eis quae ei anteeunt. Hic locus (Π 372—418) si re-
tinetur demtis eis quae ad Sarpedonem pertineant, coniungendi
sunt vs. 419 et 684 sqq. Sed non bene hi conveniunt; nam
„Τρῶας μετεκίαθε” (vs. 685) non apte dicitur de eo qui in
mediis Troianis versatur quemadmodum Patroclus vs. 685;
praeterea displicet quod octo Troianos poëta enumerat ab eo
occisos paene continuo rogaturus (vs. 692 sqq.) ἔνθα τίνα πρῶτον
τίνα δ' ὕστατον ἐξενάριξας Πάτροκλος; novemque enumeraturus
Troianos ab eo interfectos; propterea περικοπή quae continetur
versibus Π 394—419 insitiva videtur. Neque vero aliter iudi-
cabit de versibus praecedentibus (Π 372—393) qui attendet his
vix aliud quidquam enuntiari atque proxime superioribus (Π 358
—371), nisi quod ibi Ajax hic Patroclus Troianos fundere nar-
ratur, èt vs. 367 èt vs. 383 legimus Ἐκτορα δ' ἔφερον ἵπποι;
praeterea versus 372 Πάτροκλος δ' ἔπετο κ.τ.λ. vix differt a versu
684 Πάτροκλος μετεκίαθε. Postremo Cebrionae cladem et
quae praecedit, Patrocli audaciam ab Apolline repressam (Π 698
—783) propterea Πατροκλείας auctori abiudicamus, quoniam post
verba τίνα πρῶτον, τίνα δ' ὕστερον ἐξενάριξας Πάτροκλος ὅτε δὴ
σε θεοὶ θάνατόν δ' ἐκάλεσσαν (Π 692 sq.) iure existimaveris
commemoratis novem Troianis a Patroclo trucidatis in eo esse ut
heroïs ipsius iam exitus narretur, quae tamen res differtur inter-
iectis impetu in Troianae murum ab Apolline repulso, congressu
cum Hectore, Cebrionae interfectione. Haec igitur aliena viden-
tur, quibus omissis optime coniunguntur vs. 697 et vs. 784.
Versibus 693—696 enumerati erant novem Troianos quos Pa-
troclus interfecit, versu 784 sq. ter novem Troianos triplici
impetu caesorum numero addidisse dicitur, tum sequitur ipsius
interitus de quo praemonuerat poëta eum compellans δὴ σε θεοὶ
θάνατόνδ' ἐκάλεσσαν. Cetera pars libri Π non vexanda vi-
detur, itaque haec coniungenda sunt 1—167, 198—341, 351—
371, 684—697, 784—867. Quae ab his secrevimus maximam
partem tamen laude poëtica non inferiora putamus, imo Sarpe-
donis fatum magnifice proponi, neque eum quidem qui Cebrionae
descripserit obitum inter malos poëtas referendum esse. De

Sarpedone pro fonte fuisse supra suspicati sumus ¹⁾ carmina quae haberent laudes Dorum Rhodiorum Tlepolemo duce contra Lycios bellantium; Patrocli fortitudinem propellentis hostes a Graecorum navibus et mortem ei ab Euphorbo illatam nulla dum Achillis, Apollinis, Hectoris ratione habita, celebratam esse vidimus ²⁾ ab antiquissimis cantoribus belli Troiani; sed Πατροκλέας auctor cum spreto Achilleidis exitu mansuetiore, suscepisset auditoribus proponendam Achillis imaginem in pugnam regredientis, contra hostes saevientis in eos ira conversa a popularibus, et incidisset in cogitationem eam rem ita expediendi ut sumeret Achillis mentem mutatam esse ardore ulciscendi Patroclum quem Irae Cantor aut antiquior iam poëta eius comitem fuisse finxit, sponte inducebatur ut hunc proponeret ab ipso Troianorum duce fortissimo occisum: sic futurum ut Achilles haberet dignissimum adversarium, qui Graecis illo quiescente insignem cladem intulisset, cuius morte simul illa clades lueretur. Praeterea vero nobis apparuit nonnullas e Patrocli rebus in Iliade narratis, imprimis quae ad eius mortem pertinerent, repetitas esse e carminibus quibus Achilles ipse ageretur initio de hoc heroë traditas, ut Apollinis partes in eo occidendo, ploratum equorum divino-rum, tenebras offusas pugnantibus de mortui corpore cetera quae suo loco enumeravimus ³⁾.

Quae huius generis sunt leguntur in libris PΣ; sed multa in his libris edita ét alia ét huc spectantia vehementer dubitandum est an hausta e fontibus antiquis, a poëtis recentioribus inserta sint Iliadi, ornamenti loco addita Πατροκλέας auctoris poësi. Huic libri P versus 1—129 denegandi non videntur neque enim omittere poterat referre quid Euphorbo factum esset ⁴⁾, quomodo Achillis armis potitus esset Hector. Neque dubium quin eum haec induisse, id quod legitur P 192 sqq. narraverit noster, eisque indutum ab Achille occisum esse (X 322 sqq.), quod nisi voluisset non finxisset Patroclum ea ab Achille

1) Mnem. 1913 p. 246.

2) Mnem. 1912 p. 10.

3) Cf. Mnem. 1912 p. 324.

4) Fortasse Euphorbi exitus iam traditus erat in antiquo carmine quo Patroclum interfecisse narraretur; modo non Menelaus, quippe de quo illius carminis auctor cogitare non poterat (cf. Mnem. 1912 p. 6, 32; 1913 p. 26 sqq.) sed alius quispiam e Graecorum principibus eum occidisse narrabatur.

mutuatum ¹⁾. Sed et colloquium Glauci et Hectoris quod praecedit (P 140—187) et Hectoris adhortatio sociorum (P 210—232) a qua separare non licet Menelai monita appellantis Graecorum duces (P 233—261), consulto enim haec iuxta posita esse videntur, aperte confiteor indigna videri *Πατροκλείας* auctore qualem ceteroquin se ostendit insignem ingenio poetico; displicet Glaucus Hectori nullo iure increpans, displicet Hector ei respondens se non totum diem ignavum se praebiturum (vs. 179 sqq.), magis etiam displicet promittens (vs. 230 sqq.) se si quis Patrocli corpus Graecis eripiat dimidiam partem daturum eius spoliis quibus nempe ipse iam indutus erat. Rem vero conficere videtur mentio facta de Sarpedonis morte (P 160 sqq.), quam ad *Πατροκλείας* auctorem nihil pertinere vidimus. Qua propter vss. 130—191 et 210—261 secernendos puto et coniungendos vs. 192 cum vs. 129, vs. 209 cum vs. 262. In sequentibus autem ita ducitur per varios casus narratio pugnae ancipitis ut eius longitudinem descriptio fere aequet, quae minuta diligentia historici potius est quam poetae, verborumque ponderi quod minime desideratur multitudo tamen nocet imprimis molesta quod festinandum erat ad Achillis in pugnam reditum. Versu P 262 legimus *Τρῶες δὲ προύτυψαν ἀόλλεες, ἦρχε δ' ἄρ' Ἑκτωρ* tum post duodecim versus rursus vs. 275 *ᾧσαν δὲ πρότεροι Τρῶες Φελίκωπατ' Ἀχαιοῦς*, qui tamen impetus mox reprimatur ab Aiace neque multum abest quin *Τρῶες Ἄρηι φίλοι ὑπ' Ἀχαιῶν φίλιον εἰσανέβησαν*, id quod prohibetur ab Apolline et Aenea et pugna restituitur teste versu 365: *ᾧσ' οἱ μὲν μάρναντο δέμας πυρός*; cumque vs. 384 legamus *τοῖς δὲ πανημερίοις ἔριδος μέγα νεῖκος ὄρωρε* et vs. 424 *ᾧσ' οἱ μὲν μάρναντο, σιδηρεῖος δ' ὀρύμαγδος χάλκεον οὐρανὸν ἴκε*, vix dictu opus est nihil decerni certaminibus quae inter hos versus depingantur, imo in sequentibus res eodem loco manet donec pervenitur ad versum 543 *ᾧψ δ' ἐπὶ Πατρόκλῳ τέτατο κρατέρη ὕσμινη*.

1) Bergk. v. cl. (in opere cui titulus „Griechische Literaturgesch.“ p 627) in antiquissima Iliade Patroclum Achillis arma induisse negat. Quem sequitur Ben. Niese v. cl. (die Entwicklung der Hom. Poesie p. 92). Sed adstipulandum videtur Nabero (Quaestiones Homer. p. 193) Bergkium „levibus quibusdam conclusiunculis efficere hoc conatum“; neque debueram in superioribus (Mnem. 1912 p. 299 in ann. 1 sub fin.; p. 324) in huius ire sententiam.

Quis non sentit non cuncta haec eidem poëtae deberi, sed complures concinisse alio alium excipiente? Atque totus locus P 274—318 quo Aiakis Telamonii demonstratur virtus, quamvis per se spectatus optime se habeat fortasse haustus ex antiquissimis de bello Troiano carminibus, tamen denegandus videtur *Πατροκλείας* auctori quoniam sine ullo contextus damno carere eo possumus; item versus qui sequuntur 319—365 quippe quos propter versum 319 „ένθα ’κεν αὐτίς Τρῶες Ἄρηι Φίλων ὑπ’ Ἀχαιῶν, Φίλιον εἰσανέβησαν” cohaerere pateat cum superioribus; tum locus insequens vs. 366—383 ubi explicatur cur Patrocli mors latuerit Antilochum, hoc enim pertinet ad Antilochi missionem Achillem de ea re docturi, — nam ubi missio narratur (P 640 sqq.) legimus Antilochum rei ignarum a Menelao certio-rem fieri — quam missionem mox videbimus *Πατροκλείας* auctori non posse tribui. Coniungendus igitur videtur vs. 273 cum vs. 384. Postremo autem versus 424—542 — sive potius 412—452 de qua re quoque mox agemus — a poëta nostro abiudicandi videntur. Vs. Π 865 is narraverat Automedontem ab Hectore petatum abstulisse equorum celeritatem. Convenit quod nostro loco P 425 proponuntur μάχης ἀπάνευθεν ἔοντες. Neque hoc offendit quod dolore oppressi οὐτ’ ἀρ’ ἐπὶ νῆας ἐπὶ πλατὺν Ἑλλήσποντον ἠελέτην ἰμέναι οὐτ’ εἰς πόλεμον μετ’ Ἀχαιοῦς, atque optime se habet quod Iuppiter eos consolans, (vs. 451 sq.) „γούνασι δ’ ἐν σφῶιν” inquit „βαλέω μένος ἥδ’ ἐνὶ θυμῷ, ὄφρα καὶ Αὐτομέδοντα σώσεται ἐκ πολέμοιο νῆας ἐπὶ γλαφυράς.” Quid autem porro? Navesne igitur petunt? Ita censes; revera autem ῥίμφ’ ἔφερον θόον ἄρμα μετὰ Τρῶας καὶ Ἀχαιοῦς. Sequitur Automedontis ἱππασία in curru παραιβάτη vacuo, colloquium cum Alcimedonte, congressus cum hostibus. His consideratis satis apparet ploratum equorum Iovisque eorum confirmationem, ex antiquo hausta fonte quo ageretur mors Achillis, hic adhibita esse ut facultas daretur inserendi id quod fontis auctor minime cogitaverit, Automedontis volo strenua facta. Iamvero si rogas utrum veri similis sit hoc ἐπεισόδιον deberi *Πατροκλείας* auctori cui etiam his omissis uberrima materies tractanda erat an poëtae recentiori — neque hercle optimo ἱππασία enim illa satis insulsa est — qui poësi nobili flosculum addere cuperet, vix dubitaveris utrum optandum sit. Reliqua pars libri P i. e. vss. 543—761 ita

cohaerere videtur ut non possis quin uni tribuas auctori. Sed dubitare licet an hic non fuerit *Πατροκλείας* auctor. De qua re nunc agendum nobis est.

Pars nostra libri P complectitur èt nonnulla certamina (vs. 543—625) in quibus a Troianorum parte excellit Hector, a Graecorum parte complures heroës, èt missionem Antilochi ad Achillem de Patrocli interitu, quae continuatur in libro Σ (vs. 1—35). Quod autem ea missione intenditur, ut Achilles surgat et amici corpus ab hostibus defendat (P 692) sic non impetratur; neque Achilles de hac re cogitat neque Antilochus omnino verbum facit ad eum monendum, lugentibus supervenit Thetis, longum habetur colloquium; mortuum absportassent Troiani nisi Iuno *κρύβδα Διὸς ἄλλων τε θεῶν* Iridem misisset (Σ 166 sqq.), cuius tandem hortatu id efficitur quod ut fieret frustra missus erat Antilochus.

Hanc rerum compositionem unius poetae deberi ingenio parum veri simile est. Et primum quidem hoc absonum est, non Achilli ipsi quamvis percusso amici morte hoc ante omnia in mentem venisse corpus mortui servandum esse, non Antilocho succurrisse propterea se missum esse ut corpus servaretur. Voluit poëta colloquium Thetidis cum filio interponere uniceque intentus ut id ei contingeret rectam rationem ex oculis amisit. Colloquii quis non admiretur pulchritudinem et splendorem? Sed est „purpureus” quem dicit Horatius „late qui splendeat pannus” cui „nunc non erat locus”. Oculos ferit ibi id fuisse inserendum ubi mortuum in lecto positum Myrmidones plorare coeperunt (Σ 355 sq.). Tum demum Achilli otium dabatur indulgendi dolori. Atque vix credibile, poëtam quem fugeret eum debuisset nihil antiquius habere quam defendere Patroclum, Antilochum nihil quam id eum poscere, eundem narravisse hunc ad ipsum eum finem missum esse. Attende vero hoc quoque. Cum Iris Achillem incitare conatur (Σ 178 sqq.) ut surgat hostesque arceat, quid respondet? Pudetne eum obliviosae segnitiae? Imo reluctatur, matrem se vetuisse in aciem prodire dum sibi arma a Vulcano comparasset, neque inter milites Graecorum quemquam esse cuius armis uti possit nisi scuto Aiakis Telamonii. Quam ignava haec sunt, quam indigna fortissimo Graecorum, quam pusilla, ne dicam quam absurda quasi tegi non posset scuto

viri minoris staturae! Ad expediendas has molestias unum praesto est auxilium. Sic ratiocinandum. Utraque missio, Iridis dico et Antilochi, non uni tribuenda est poëtae. Altera debetur Πατροκλείας auctori, alteram in eius locum alter poëta substituit, tertius nescio quis utramque coniunxit. Qui Iridis missionem invenit non tantum voluit Achillem ab ea incitari, voluit simul ab ea prima nuntium afferri de Patrocli morte. Utrique consilio suppetunt deae verba quae leguntur Σ 171 sqq. Πατρόκλω ἐπάμυνον, οὐ εἵνεκα Φύλοπις αἰνή ἔστηκε πρὸ νεῶν, οἱ δ' ἀλλήλοισι δλέκουσι οἳ μὲν ἀμυνόμενοι νέκυος πέρι τεθνηῶτος, οἱ δὲ τερύσασθαι ποτὶ Φίλιον ἠνεμέεσαν Ἵρῳες ἐπιθύουσι; his auditis omnia habebat Achilles quae scire opus erat. Itaque deae verba ἀλλ' ἄνα μῆδ' ἔτι κείσο olim non valuerunt „torporem pelle quo dolor te illigavit” verum „desidiam exue cui indulsisti propter iram” ¹⁾. Ab altera parte is qui Antilochi missionem invenit et hunc narravit asse- disse amico torpore percusso, haud dubie finxit deinde incitantem ut in hostes prosiliret, quae instigatio in Iliade nostra praecisa est interposito Thetidis adventu. Alium fuisse qui Iridis, alium qui Antilochi cogitaret missionem, eo quoque confirmatur quod Σ 9 sq. qui locus cum hac cohaeret, discimus Achillem procul viso tumultu Graecorum cogitationem subisse matrem se prae- monuisse Myrmidonum optimum ipso vivo a Troianis perditum iri, cum P 410 sqq. quem locum nihil opus est cum Antilochi missione coniungere neque quidquam vetat auctori tribuere Iridis missionis, perhibeatur mortem Patrocli non praesagisse Achillem quippe quem mater cum saepe monuisset neque cum Patroclo neque sine hoc eum Troiam deleturum esse tum non fecisset certiore de tanto malo quod occidisset comes carissimus. Accedit quod P 268 sq. legimus Iovem tenebras multas offendisse certan- tium de Patroclo oculis cum nollet eum tradi Troianorum canibus, haec igitur caligo significatur prodesse Graecis, sed P 643 sqq. qui locus rursus cohaeret cum Antilochi missione eadem res prorsus aliter proponitur; ibi enim Ajax e commilitonibus ali- quem nuntium ad Achillem missurus queritur, se propter cali- ginem neminem discernere posse et Iovem precatur ut tenebras dissolvat. Iam vero Thetidis colloquio neutrius missionis auctor

1) Cf. B 689 κείτο γὰρ ἐν νήεσσι ποδάρκης δῖος Ἀχύλλεύς.

carere potuit, necesse enim fuit nova promitti arma a Vulcano fabricata, sed cum initio locum obtineret quem supra monuimus unice aptum esse, unde sequitur ut versus qui nunc est Σ 323^a olim sic se habuerit: ὅς ὁ βάρυ 'στενάζει, atque huic successerit qui nunc est Σ 35^b ἀκουσε δὲ ποτνία μήτηρ, tum Σ 36—148, deinde vs. 344 (ibi autem 'στῆσαν non στῆσαι) —355, tertius ille poëta quem supra dixi, quoniam nullo alio modo utramque missionem coniungere potuit, ibi id collocavit, ubi nunc legitur. Huic igitur debentur ea quae continentur versibus Σ 181—201, quae quam insulsa sint, supra ostendimus, et quae continentur versibus Σ 324—343 quae aliquanto melioris notae sunt, postremo versus qui nunc sunt Σ 149 sq. Qua forma autem poëma erat cum in eo mortem Patrocli Iris Achilli nuntiaret, statim post versum qui nunc est P 411, habebat ea quae leguntur Σ 151 sq. Nam locum P 424—542 Πατροκλείη demendum esse supra ostendimus cuius auctori mox ostendemus debere Iridis missionem, omnia autem quae post P 542 sequuntur usque ad Σ 35^d ita cohaerent ut divelli nequeant, atque in iis abinde P 640 ea narrantur quae ad Antilochi missionem pertineant; tum versus quoque P 412—424 huius auctori assignandi esse videntur propterea quod, cum Iridis missio optime coniungatur cum versu P 411, ubi legimus Achillem a matre non praemonitum esse de amici sorte, maximam enim vim habet ad animum commovendum Achillis mens ignara mali imminentis deinde subito ab Iride edocta, versus nostri quamquam per se spectati bene se habent, eo ipso quod intercedunt nescio quomodo frigent, sed ad ea quae in Iliade nostra eis succedunt optione quadrant. Iamvero locum Σ 153—165 insertum puto sive a tertio illo poëta, sive a recentiore. Nam huius loci causa fere eadem est atque versuum P 412—424, per se spectatus nihil habet quod offendant, hoc offendit quod inutilem moram interponit repetita imago pugnae ancipitis quae in superioribus satis erat descripta. Atque Iovis colloquium cum uxore Σ 356—368, quam propter Iridis missionem perstringit Olympius, olim continuo post ipsam missionem i. e. post versum qui nunc est Σ 202 locum suum ha-

1) Nonnullos viros doctos male habuit quod Minerva, quamvis Iunonis incepti ignara esset, tamen continuo post in parte eius fuit, sed quid obstabat quin dea cum Iridem vidisset colloquentem cum Achille atque hunc surgentem ad eum festinaret?

buisse videtur, transpositum a tertio nostro poëta quem ostendimus inseruisse versus Σ 181—201. Ipsum colloquium vexare nolim. Eo quod dixerat poëta (Σ 167 sq.) Iunonem *κρύβδα Διδὸς ἄλλων τε θεῶν* misisse Iridem, quid aliud significaverat nisi hoc *ὑπὲρ μύθον* eam egisse? Neque enim id quod fato convenienter fit insciis deis omnibus fit quemadmodum nostro loco Iunonis inceptum omnes deos latet, imo alio loco poëta Patrocli interitum fato debere significans — id quod supra vidimus ¹⁾ — eum compellat *δὴ σε θεοὶ θάνατόνδ' ἐκάλεσαν*; videtur autem Homerus distinxisse inter ea quae fatum ultro constitueret neque sineret eludi, et alia quae non constitueret attamen sineret fieri, quemadmodum in Odyssea Iuppiter queritur (α 33 sq.) saepius mortales sibi mala praeter fatum contrahere. Propterea neque mirum est quod poëta dicit futurum non fuisse ut Patrocli corpus ab amicis servaretur, nisi Iuno misisset Iridem ²⁾, neque vero quod maritus eam propter audaciam reprehendit, sed hoc non oportuit differri in tempus posterum quemadmodum in nostra Iliade et Achillis *ἀνάστασις* et Troianorum contio intermittitur. Hanc etiam alienum videtur, id quod obiter moneo, narrari antequam Achillis et Myrmidonum lamentationes, colloquiumque Thetidis cum filio quod initio cum illis cohaesisse vidimus, ad finem perducta essent; quapropter suspicor initio post versum qui nunc est Σ 242 secutum esse versum qui nunc est 316, et qui nunc est 243 successisse ei qui nunc est 356: versum autem 315 insertum esse ab eo qui illa transposuerit et postrema verba vs. 314 quae nunc sunt *αὐτὰρ Ἀχαιοὶ* mutata esse cum antea legeretur *ἐν τελέεσσιν* vel eiusmodi aliquid. Ceterum qua forma poëma erat cum in eo Antilochi non vero Iridis missio extaret, locum P 412— Σ 35^a habebat qualis nunc est, post versum Σ 35^a aliqua in eo aderant quae nunc deperierunt, aberant autem versus Σ 149—202, 356—368.

Aliter quam is qui eorum poesin congelatinavit, auctores missionum Iridis et Antilochi inter summos poëtas haud dubie habendi sunt. Utri si rogas palma tribuenda sit, incertus haereo. Oratio Iridis acerba sua brevitate id habet quo nihil altius pe-

1) Mnem. 1912 p. 273.

2) Fortasse in fontibus suis invenit Patrocli corpus ab hostibus abreptum esse.

netrare olim potuerit animos auditorum, nos *δψιγόνους* vix ullum poseos cuiusvis saeculi exemplar vehementius afficiat. „Age, surge Achilles, defende Patroclum, de corpore mortui hostes et amici certant, Hector studet caput abscidere et palo affigere; ne diutius deses iacueris, pudeat amicum mutilatum ad inferos descendere”. Hoc modo Achilles de clade certior fit. Quid vero ille? Quid respondet? Ne verbum quidem. Neque enim respondendum erat, sed agendum — *αὐτὰρ Ἀχιλλεὺς ὄρτο Διὶ φίλος* — prorumpentis autem etiam vividius exprimitur terribilis aspectus et saevi clamores, quod Minerva fingitur aegidis terrore et voce consona eum prosequens; tum Iovis Iunonisque altercatio collocata inter Iridis ad coelestes reditum et heroïs *ἀνάστασιν*, nonnihil affert ad augendam rei totius magnitudinem ferocem. Ab altera parte mollius quidem tangimur neque tamen minus commovemur Antilochi nuntio. „ὦ μοι Πηλέος υἱε δαΐφρονος ἥ μάλα λυγρῆς πύσεαι ἀγγελίης ἢ μὴ ὤφειλε γενέσθαι”, quanta miseratio, quanta pietas in dicendi exordio ¹⁾. Brevissime deinde ne amicum ultra quam necesse sit affligat quid acciderit docet. Tum ante oculos nobis ponit poëta imaginem fortissimorum iuvenum in communi moerore iacentium, alterum humi prostratum caput formosum cinere adspergentem, alterum inter lacrimas non immemorem curae amici, eius manus occupantem ne magnitudine luctus oppressus, ferro sibi mortem consciscat. Sed si quis rogat utra missio, Iridis an Antilochi, adscribenda sit *Πατροκλείας* auctori, vix dubium videtur quin illa optanda sit. Nam primum quidem nihil veri similis erat quam Achilli ex amicis aliquem pro nuntio venisse, neque igitur si haec narratio antiquior esset eundem ob finem recentior poëta arcessivisset nuntium e coelo. Ab altera parte Iridis missio quia brevius narratur, antiquiorem prodit originem. Nam materies carminis cum recoquitur, consentaneum est dilatari eam non contrahi. Atque brevitatis illa magis quadrat ad ceterae *Πατροκλείας* rationem quam fusior expositio. Quod ut apparet placeat conferre quae in Iliade sequantur post terrorem Troianis incussum subito Achillis con-

1) Ceterum haec nuntii verba quodammodo in formulam abisse inde apparet quod isdem Antilochum alloquitur Menelaus P 686.

spectu. Quinque ibi versibus (Σ 232—236) proponitur mortuus ex hostium telis ereptus, in Achillis tabernaculum ipso comitante feretro delatus, in lectulum depositus, a commilitonibus plangentibus circumdatus. Optime autem convenit quod eodem modo cunctas res gestas in *Πατροκλείῃ* tractatas esse e superioribus apparet, omissis nempe eis quae ob varias causas ab ea secernenda esse iudicavimus. Postremo hoc ipsum, quod Patroclum fato sacrum dei ad mortem vocavisse dicuntur (Π 693) et rursus Iuno sine fati auctoritate se interponens *κρύβδα θεοῦ* egisse dicitur, utroque igitur loco fatum significatur deorum consensu, eiusdem poëtae manum prodere videtur. Ceterum quia constare vidimus ¹⁾ Thetidis cum filio colloquium deberi illius missionis auctori quae antiquior sit, apparet iam id deberi auctori missionis Iridis. Nec arte poëtica inferior est. Matrem enim, eamque deam, lamentantem se filium nec morti maturae eripere posse, nec adeo iuvare contristatum, dum vivat, aerumna perpetua, euntem tamen ne lugenti desit; filium fortissimum omnium aequalium querentem se sibi videri terrae oneri esse qui nullo usu omnes viribus superans amicum non valuerit servare, quem fugiat mirifice reddere eos affectus qui non sint populi vel temporis unius, sed omnibus hominibus communes omni tempore pectora agitaverint?

Pervenimus ad versum Σ 369 a quo inde libri pars extrema continetur Thetidis apud Vulcanum adventu, precibus de armis filio fabricandis, dei armorum fabricatione. Ceteris mihi videtur *Πατροκλεία* carere non posse, clipei amplam descriptionem excipio. Idque ob nullam aliam causam nisi quod eius ambitus longe superat modum et quem consentaneum erat poëtam sibi statuere in eiusmodi *παρέργois* et quem revera in ceteris statuisset in superioribus ostendere conati sumus. Quod Vulcanum memorantem audimus (vs. 397 sqq.) se a matre olim e coelo deiectum esse cum a patre se id perpeßsum in deorum coetu paucis diebus ante dixisset (A 590 sqq.), molestum est iis qui Achilleïdem et *Πατροκλείαν* uni auctori tribuendas putent, nos alia omnia censes nihil moramur in hac rem eandem negligentius paulo aliter quam in illa proponi. Sed quae Thetis

1) Supra p. 298.

refert (Σ 448 sqq.) principes Graecorum Achillem oravisse multis promissis donis ut hostium impetum a se defenderet, hunc vero recusantem quominus ipse hoc susciperet, Patroclum suis armis indutum in aciem misisse, de his nobis paulo accuratius agendum est. Fuerunt inter viros doctos qui contenderint aut hoc loco *Πατροκλείας* auctorem respexisse *Πρεσβείαν* aut locum interpolatum esse. Quibus assentiendum non videtur. Non hoc consilio poëtam nostrum instituisse opus suum ut carmen conderet quod sua pila staret ipsum patefecisse vidimus cum ita exordiretur (Π 1) *ὦς οἷ μὲν περὶ νηὸς εὐστέλμοι' ἐμάχοντο* quo versu quasi digito indicavit hanc pugnae ad naves conditionem quam descripsit Achilleïdis auctor iis versibus qui nunc leguntur in fine libri O. Ab hoc autem rerum statu initium faciens, pro solis occasu quem ille poëta, id quod in superioribus vidimus, sequi narraverat, nunc legimus Θ 584 sqq., proque consilio regum et legatione ab Agamemnone ad Achillem missa, quae continentur libro Iliadis I, et regum amicitiae reconciliationem quam nunc habet Iliadis liber T, substituens Patrocli cum Achille colloquium, incendium navis Protesilai, Patrocli res gestas et mortem, cetera quae *Πατροκλεία* habet, auditores haud dubios reliquit quin illa sperneret et negligeret non *ἔτυμον λόγον* esse iudicans, ipse meliora docturus, neque igitur potuit eo loco de quo nunc agimus respicere *Πρεσβείαν*. At tamen nihil vetabat eum quasi per transennam strictim enuntiare se non infitias ire Nestorem, Diomedem Ulixen qui ex acie discessissent, heroem iratum adisse et cuncti exercitus verbis larga dona promississe dum sociis laborantibus auxilio veniret; quodammodo sic significavit quem veri nucleum inesse censeret *Πρεσβεία* quam ceteroquin respueret. Facere hoc potuit inquam sine ulla repugnantia. An postquam Achillem finxit negantem Agamemnonem sibi benevolum esse (Π 72 sqq.), Patroclum adhortantem ad ita rem instituendam (Π 83 sqq.) ut Graeci sibi Briseïdem restituerent, loco nostro Thetidem proposuit dicentem Agamemnonis spiritus fractos esse, declarasse regem se Briseide cessurum? Ne verbo quidem. Quod autem Thetis de Patrocli silet precibus, quidni eis supersedere licebat? Causam igitur non video cur locum nostrum censeamus interpolatum esse.

Libri T perspicuum est quaecunque ad *Μηνίδος ἀπόρρησιν*

pertineant a Πατροκλεία separanda esse. Restant vs. 1—34 (sed pro εἰς ἀγορὴν καλέσας requiritur εἰς πόλεμον καλέσαι) 37—41 356 (sed pro ὥχετο requiritur πάντα) 357—424. Sed Achillis colloquium cum equis i. e. vs. 399—424 vehementer dubito an melius excipiat, quippe quod alienum videatur a proposito poëtae nostri. Audit ex equis mortem sibi imminere Achilli non opus erat, satis superque eius rei gnaro, frustra eis ob hanc causam Iuno vocem praebeat. Ex antiquissimo sane mytho haustus qualibus in Thessalia Achillem celebratum fuisse nemo nescit, e quorum numero supra vidimus ¹⁾ complures in Iliade tangi, a poëta recentiore locus noster insertus esse videtur.

Librum totum T et maximam partem libri insequentis (usque ad vs. 525) Πατροκλείας auctori abnegavit Naber ²⁾. Quocum magna ex parte sentio neque tamen ex omni parte. Nam versus T 1—3, 156—158^a, 364^b—405, 456—503 retinendos puto. Naber versum T 398 coniungit cum Φ 526. Sic vero aliqua desiderantur. Versibus T 365—398 poëta descriperat Achillem arma induentem, Automedontem et Alcimum equos iungentes, illum in currum ascendentem. Versu Φ 526 sqq. legimus: εἰστήκη δ' ὁ γέρων Πρίαμος θεοῖ' ἐπὶ πύργου εἰς δ' ἐνόησ' Ἀχιλλῆα πελώριον αὐτὰρ ὑπ' αὐτοῦ Τρῶες ἄφαρ ἔκλονέοντο πεφυζότες, οὐδέ τις ἄλλη γίγνεται. Aegre sic requiritur èt pugnae èt fugae initium, quod utrumque bene suppleant versus quos supra diximus. Legimus enim T 1—3 ὥς οἱ μὲν παρὰ νηυσὶ κορώνισι θωρήσσοντο ἀμφὶ σε Πηλέος υἱὲ μάχης ἀκόρητον Ἀχαιοί, Τρῶες δ' αὖ ἐτέρωθεν ἐπὶ θρώσμφ' ἐδίδοιο et T 156—158^a Τῶν δ' (i. e. Graecorum et Troianorum) ἅπαν ἔπλησθη πῆδιον καὶ ἐλάμπετο χαλκῷ ἀνδρῶν ἡδ' ἵππων, κάρκαιρε δὲ γαῖα πόδεσσιν ὀρυμμένων deinde 364^b Τρῶεσσι δὲ Φιδίμοσ' Ἑκτωρ ἐκέλεθ' ὁμοκλήσας, Φάτο δ' ἄντ' ἱμέναι Ἀχιλλῆος, quibus apte succedunt verba Apollinis monentis ne Achilli obviam eat Hector et huius recessus intra suorum turbam (vs. 366—380), Achillis autem impetus (vs. 381—382^a) et strages hostium (382^b—405, 456—489), tum comparationes aliquae quibus haec illustrantur (vs. 490—503); his bene se applicant versus Φ 526 sqq.

Iamvero ex iis quae Naber affert ad probandam sententiam

1) Mnem. 1912 p. 324.

2) l.l. p. 200 sqq.

suam, complura virum clarissimum acute et vere disputasse puto. Et primum quidem de *Θεομαχία* agens, cuius altera pars legitur τ 4—74 altera φ 383—425, „admirabili consilio” inquit, τ 26 sqq. „Iuppiter deos et deas iubet pugnae interesse ne forte Achilles contra fatum urbe potiatur”. „Nam plures erant dii qui Graecis favebant quam Troianis” ¹⁾. „Postquam autem satis diu adsteterunt in acie tandem sequenti libro videbimus quem exitum deorum pugna habuerit. Scilicet est haud dubie victoria penes Graecorum deos, reliqui solis exceptis Minerva et Apolline redeunt in coelum nec tamen Troia ab Achille capitur”. Sed „poëta etiam obliviosus est neque recordatur ipse cur dii in campum descenderint: facit enim Iunonem (τ 125) ita dicentem πάντες δ' Ὀλύμπιοι κατήλθομεν ἀντιάοντες τῆσδε μάχῃς ἵνα μή τι μετὰ Τρώεσσι πάθῃσιν (Ἀχιλλεύς) σήμερον”. Rectissime sane haec sunt monita, neque minus recte addidit vir clarissimus ridicule se gerere deos, testibus imprimis versibus φ 380 sq., 463 sq., 389 sq., 396 sq., 426 sq., palmam autem stoliditatis iure contendit praeripere vs. 502 sq. ὥς ἀρ' ἔφη, Λητὼ δὲ συνήνυτο κάμπυλα τόξα πεπτεῶτ' ἄλλυδις ἄλλα μετὰ στροφάλιγγι κόνιῃς ²⁾. Quod autem post priorem *Θεομαχίας* partem sequitur certamen singulare Achillis et Aeneae (τ 75—364^a), in superioribus demonstravimus haustum esse e carmine ante Homeri aetatem condito, sed insertum est ab alio poeta non a *Πατροκλείας* auctore quippe ad cuius propositum prorsus inutile sit. Tum Achillis et Hectoris certamen incohatum (τ 419—454) etiam magis in

1) Antequam Iuppiter consilium declarat, Themidem iubet omnes deos advocare (τ 4 sqq.), quo fit ut omnes quoque fluvii, Oceano excepto, omnesque Nymphae in Olympum ascendant. Ingeniose vLeeuwen suspicatur (in Comm. Exeget. 1912) poëtam sic mutasse fabulam vetustam in qua deus non Olympius sed Idaeus non cuncta numina in bellum mitteret sed suos fluvios et suas Nymphas iuberet Troianis adversus Achillem et deos peregrinos opitulari, quemadmodum mox Scamander revera iis auxilium tulerit. Ita viro clarissimo assentiri possum, si ea fabula censetur in Troianorum agro pervulgata fuisse antequam prima carmina de bello Troiano a Graecis poëtis panderentur neque igitur ad hoc bellum initio pertinuisse. Nam si primi cantores belli Troiani deum Idaeum cum cognoscerent, distinguissent ab Olympio, manifesto ne posteriores quidem, id quod alio loco demonstravi (cf. supra Mem. 1913 p. 269), eos pro eodem habuissent. Ceterum quoquomodo haec res se habet, nullo modo eam vim habet ut desinamus vituperare poëtam qui in Iliadem eam fabulam adhibuerit. Ita enim contorte et inepte eam proposuit ut omnis ratio absit.

2) vLeeuwen monet (l.l.) vocibus κάμπυλα τόξα hic sagittas una cum arcu designari. Sane. Sed id ipsum absurdum est.

oculos incidit poëtae huic abiudicandum esse, nam repugnat Apollinis consilium Hectori datum cedendi, utque hoc recte se habet ita illud friget. Etenim Achilles et Hector sicubi congrederentur, huic esse succumbendum adversario neque fieri posse quin imminueretur rei vis et effectus si non primo statim certamine sed altero vel tertio demum Achilli contingeret ut pro Patrocli morte interfectorem ulcisceretur, si ante aut aequo Marte discederetur aut tamen Hector e vitae periculo evaderet; auditorum autem animos intentos in congressus eventum non oportere differri et duci, haud dubie intellexit poeta summus qui poematis de quo agimus argumentum mente concepit. Ab altera parte non poterat eum fugere victoriam ex Hectore reportatam caput et summam esse cladis ab Achille Troianis illatae, debere igitur ceteras huius res gestas praecedere, concludi Hectoris exitu, neque tamen hunc fingendum esse metu adductum certamen detractantem quod et ipso indignum foret et quo fieret ut dignus non esset Achille adversario. Is cuncta haec felicissime expedivit cum Apollinem arcesseret qui Hectori auctor esset ne Achilli obviam iret, et liquido apparet miserrime omnia conturbasse eum qui certamen illud incohatum insereret. Ceterum cum hoc quoniam cohaeret Polydori clades (τ 407—418) haec una cum eo resecanda est, qua propter praecisis versibus 406 et 455, versum 456 coniunximus cum versu 405. Postremo libri Φ versus 1—382 — nam versibus 383—525 continetur altera *Θεομαχίας* pars de qua iam egimus — cur displiceant restat ut ostendatur. Quae libri initio narrantur (vs. 1—33) paucis sic comprehendo ¹⁾: altera pars Troianorum recta urbem petivit, altera urgente Achille dextrorsum deflexit, dein cum ad ripam Scamandri pervenisset hunc per vadum traicere conata est ut in montium saltus posset se conicere; cuius vadi spatium quoniam multo erat angustius quam quod omnes qui simul illuc ruebant recipere posset, multi fugientium de ripae praeruptae saxis in ipsum fluminis alveum inciderunt. Haec si per se spectantur optime se habent, verum cum nusquam Achilles dicatur cursum a flumine avertere, contra omnes eius res gestae quae narrentur nostra libri Φ parte, agantur aut in Scamandri ripis

1) Leeuwenii utor verbis cf. Comm. Exeg. 1912 p. 736 sq.

aut in flumine ipso, ac nihilominus abinde versu 526 fingatur proxime accedens ad urbem, satis causae esse videtur cur versus 1—33 quoque tribuamus illi poetae vel, si plures fuerint, uni ex illis qui has res gestas inseruerint. Et primum quidem hic offendimus eius congressum cum Lycaone (Φ 34—135), qui quamvis multa habeat quae arte poetica excellent, tamen Lycaonis iterum comprehensi casus fuse enarratus et Achillis verboritas in occisi nece triumphantis, haud dubie hausta e carmine vetustiore ¹⁾, nostro loco prorsus aliena sunt. Sequitur certamen cum Asteropaeo consortum (Φ 136—210) cui rursus antiquum carmen pro fonte fuisse videtur ²⁾. Achillem hic non modo verbum sed loquacem iure dicas, ridicule autem, quod non fugit Naberium ³⁾, hostem mortuum allocutus, genus suum paternum recenset et de matre dea tacens gloriatur se tertium esse a Iove. Tum proelium narratur a Scamandro initum (Φ 211—281) quod ipsum quoque veri similiter censeas ex antiquo derivatum carmine ⁴⁾. Sed narrationem qualem nostro loco habeamus rectissime Naber hiare monuit ⁵⁾. Rogat enim Scamander Achillem ne mortuorum corporibus fluminis cursum impedire velit (vs. 219), concedit Achilles (vs. 223 sqq.) nec tamen desistit a caede (vs. 227 sqq.). Scamander Apollini exprobrat (vs. 229 sqq.) quod Troianorum interitum non curet, sed antea ne ipse quidem curaret si quidem ad Achillem dixerat (vs. 216 sqq.) εἴ τοι Τρῶας ἔδωκε Κρόνου παῖς πάντας δλέσθαι, ἐξ ἔμεθεν ἐλάσας πεδίον κάτω μέρμερα βέξει. Apollo nihil respondet, nec opem fert laborantibus Troianis nec laboranti fluvio. Denique ne verum quidem est quod Scamander retulit vs. 229 sq. Iovem iussisse Apollinem adesse Troianis, liberum enim deis arbitrium dederat Iuppiter τ 25. Sed ne Achilles quidem servat quod spoponderat, nam neque Scamandro parcat et in fluctus insilit vs. 233. Iure haec Naber usque quaque absurda esse iudicat.

Extremam partem libri Φ Naber integram Παιτροκλείας auctori assignat. Cui adstipulari nequeo. Nam de Achillis cum Agenore congressu Φ 544—X 4, X 7—24 non alio modo iudicandum puto atque de eiusdem certamine cum Aenea deque priore certamine

1) Mnem. 1912 p. 290.

3) l.l. p. 204.

5) l.l. p. 205.

2) Mnem. 1912 p. 305.

4) Mnem. 1912 p. 290.

cum Hectore, credibile non esse ita non poëtam nostrum circumscripsisse argumentum propositum ut moraretur in Παράργοις quae eo non facerent. Aliter res se haberet si poëma nostrum farrago esset e carminibus antiquioribus conglutinata nullo interioris cohaerentiae vinculo, sed quamvis ἐν Πατροκλείᾳ et Ἐκτορος ἀναιρέσει vetusta carmina pro fontibus fuerint, manifesto tamen novi quid et penitus cohaerens ex his poeta effecit. Atque saltem Achillis et Agenoris congressum nihil est cur ex antiquo fonte derivatum credamus. Quod autem complures viri docti multi fuerunt in demonstrando suo iure poësin epicam nectere moras (teutonice: „retardirende Momente”) et fuse („in Epischer Breite”) singula persequi, quoniam haec lex efficitur ex ipsa Iliade qualem eam nunc habemus iisque poëmatis, quibus ut Vergilii Aeneidi illa pro exemplo fuit, in circulo vertitur, id quod alio loco iam monueramus ¹⁾, qui eam legem afferat ut poëmatis auctori vindicet quaecunque quasi per satiram eius argumento inmixta sunt. Ab altera parte quid magis in promptu, quid convenientius naturae humanae, quam ut quo tempore epica poësis floreret et vigeret, multi poëmatis laudibus incenderentur ut ipsi quoque aliquantulum conferrent ad id exornandum? Ne multa; coniungendos censeo vss. Φ 543, X 5, 6, 25 sqq.

In sequentibus autem Naberio iure neganti retinere posse vss. X 46—53 quibus Priamus de filiis Lycaone et Polydoro loquitur, ita assentior ut etiam vs. 45 abesse malim. Quid autem quod damnat vir clarissimus vss. 111—130, 167—187, 254—259, 261—269, 281—288, 323, 328—329, 335—366? Versum 323 quem propterea eicit, quod sibi persuasit ¹⁾ Hectorem non induisse Patrocli arma, de ea re qui aliter sentit retinendum putabit. Quod autem Naber repugnare censet A 353 ubi Hectoris galea dicitur Apollinis donum, nihil huc facit si nobiscum ab Achilleïdis auctore ad quem ille locus pertinet, Πατροκλείαν abiudicas; porro quod vir cl. suo iure Hectoris verba quae sequuntur (P 231 sqq.) damnat, inserta haec esse a poëta recentiore demonstravi supra ²⁾. Tum vss. 111—130, 167—187, 281—288 Naberio videntur languere, aliis fortasse placent, equidem do nihil desiderari si absint, ferri tamen posse arbitror. Sed vss.

1) l.l. p. 188.

2) p. 295.

254—259 ubi Hector conditionem proponit de tradendo mortui corpore, 261—269 quibus eam abnuit Achilles, 335—336 quibus Hectoris corpus canes laceraturos praedicat, 337—366 ubi moribundus hic precatur ut corpus suum parentes redimere Achilles sinat, et precibus spretis inimico mortem vaticinatur, 328—329 quibus explicatur qui fieri potuerit ut Hector quamquam δι' αὐχένος ἦλυθ' ἀκμή (vs. 327) tamen vocem ruperit, propterea Naber resecandas censet, quoniam non dubitat quin vs. 393 poëta destiterit, neque igitur tradiderit vexasse Achillem inimici corpus (vs. 395—404). At fac hoc ita esse, inde non sequitur ut illa retineri nequeant. Ab altera parte negare non licet optime ceteris omnibus careri posse, tantum vs. 335 sq. ita convenit ut potius retineas. Sed imprimis hoc molestum est quod Hector ingulo perfosso satis longa utitur oratione, nam quod additur versibus 328—329 ad id expediendum, iure Naber frigidum dicit inventum. Etiam vss. 372—375 alienos puto, neque enim iocos militares apte afferri ad rem tragicam.

Utrum poëta noster coucluserit versu qui nunc legitur x 393 an versus quoque x 394—404 ei assignandi sint non decerno, utrumque enim aequè credibile videtur. Sed prorsus assentiendum est, ex iis quae deinde habeat Ilias, nihil addendum esse. Auditoribus illo poëmatis exitu non satisfactum esse, flagrasse studio cognoscendi pater, mater, uxor heroïs occisi, quo animo quo planctu accepissent tantum mali, quo honore Achilles amici funus celebrasset, denique quid factum esset Hectoris corpore, negabit nemo. Sed ad argumentum natura sua definitum quod poëta sibi proposuisset haec non pertinebant; ab altera parte mirum fuisset si materiem ab eo rite relictam nulli occupassent alii. Itaque id quod iam saepius animadvertimus hic quoque videmus, multa in Iliade legi quae egregie placeant sed nihilo minus liquido appareat inserta esse.

Superest ut e superioribus computemus versuum numerum quibus consistat Πατροκλεία ceteraque eiusdem auctoris poësis. Sunt autem hi:

Π 1—167, 198—341, 351—371, 684—697, 784—867.

Ρ 1—129, 192—209, 262—273, 384—411.

Σ 151—152, 166—180, 202, 356—368, 203—242, 316—322, 323^a (mutato στενάχων in 'στενάχιζεν) 35^b (abinde ἄκουσε)

- 148, 344 (mutato *στῆσαι* in *᾽στῆσαν*) —355, 243—314
 (mutato *αὐτὰρ Ἀχαιοί* in *ἐν τελέεσσι*), 369—481, 609—617.
 T 1—34 (mutato *εἰς ἀγορὴν καλέσας* in *εἰς πόλεμον καλέσαι*),
 37—41, 356 (mutato *ῥχετο* in *πάντας*), 357—398.
 T 1—3, 156—158*, 364^b—405, 456—503.
 Φ 526—543.
 X 5—6, 25—44, 54—110, [111—130?], 131—166, [167—
 —187?], 188—253, [254—259?], 260, [261—269?], 270
 —280, [281—288?], 289—327, 330—336, 367—371, 375
 —393, [394—404?]

Poëma hoc niti duplici quasi fundamento ex antiquis hausto fontibus sequitur ex iis quae in superioribus demonstrare conati sumus ¹⁾, aliis carminibus celebratas esse Patrocli res gestas et mortem Apollinis ope ei illatam ab Euphorbo, aliis certamen quo congressi essent Hector et Ajax Telamonius, ille autem victus occidisset. Duplicem hanc materiem noster ita coniunxit et reformavit ut prorsus novum inde argumentum existeret: Patroclus ab Achille rogatu suo ipsius armis indutus in proelium missus, ab Euphorbo et Hectore Apollinis ope interfectus, ultor Achilles post magnam Troianorum clade Hectore devicto et necato. Applicavit noster poësin suam ad Achilleïdem quo loco in hac proponebatur summum navium discrimen, substituens suum opus pro illius poëmatis parte posteriore, Achillem fingens, nullis ab Agamemnone legatis missis, cum amico querentem regis superbiam. Aliter atque Achilleïdis auctor Apollinem auxilium praesens Troianis Hectori imprimis tulisse ratus est; Graecorum ducibus quos ea habuit, addidit Peneleum; Troianorum principes praeter Hectorem et Paridem appellavit Panthoum, Euphorbum, Polydamentem, Deiphobum, cunctos e priscis carminibus iam diu cognitos. Etiam Othryntei filium Iphitionem ab Achille occisum (T 382 sqq.) eiusmodi fonti debuisse videtur ²⁾. Praeterea vix dubium quin arma Achilli Thetidis rogatu a Vulcano fabricata, lamentationes Thetidis mortem filio instantem deplorantis, mentio Vulcani a matre e coelo deiecti ex antiquis fontibus ad bellum Troianum nihil pertinentibus derivata sint.

1) Mnem. 1912 p. 10, p. 15.

2) Mnem. p. 1912 p. 291.

d. *Qua maxime ratione ex Achilleïde Ilias facta sit.*

Is qui Achilleïdem duplicem in superioribus pertractatam in unum poëma coniunxit, quomodo rem instituerit docet ipsa quam nunc habemus Ilias. Nam ex hac apparet eum, id quo nihil magis in promptu erat, legationis ad Achillem missae exitum ita mutasse ut reverterentur legati re infecta; cladem autem Graecorum ab Agamemnonis vulneratione ortam quam in priore Achilleïde legatio sequeretur, post eam collocasse ita ut pro solis occasu qui in illa Troianorum victoriam terminasset et contione horum nocturna deinceps habita, sequeretur Achillis cum Patroclo colloquium, incendium Protesilai navis, Patrocli res gestae et mors, arma coelestia filio a Thetide petita, non aliter ac in Achilleïde altera; tum inter arma Achilli a matre allatae et Achillis reditum in aciem quo Troiani profligarentur interficeretur Hector, inseruisse Agamemnonis cum Achille gratiae reconciliationem quae in Achilleïde priore continuo post legationem sequeretur; postremo cum iam desideraretur pugna Graecis adversa ante legationem commissa, ipsum eam confinxisse quae *Κολδος μάχη* nomine Iliadis nostrae libro Θ proponitur, eamque finivisse solis illo occasu quo in Achilleïde priore finiretur Graecorum clades, ita ut èt hic èt Troianorum contio quae eum sequitur eodem ante legationem loco quem in illa haberet, retineretur. Aptissime nostrum assecutum esse propositum suum haud cunctanter pronuntiaveris, nam quamquam singula considerantem latere non possunt eiusmodi inconcinna quae diversitatem auctorum haud dubie arguant, tamen si poëtas omittis et poëma solum spectas, compositionis summa minime reprehendenda videtur. Heroëm fortissimum gravi iniuria ab expeditionis duce affectum, cum et ipse recusasset ne amplius proeliis interesset et a summo deo impetrasset ut quamdiu bello abstineret hostes vincerent, neque verbis supplicibus neque pollicitationibus regis et exercitus mente mutata, mox tamen amico roganti dedisse ut cum suis militibus, suis armis indutus sociis laborantibus auxilio veniret, atque illo post multa fortia facta ab hostium duce occiso, surrexisse ad eum ulciscendum, ultro cum imperatore in gratiam redisse, in hostes invasisse,

magna eorum strage edita denique interfectorem petitum necavisse: huc redit argumentum Iliadis quod optime se habere ecquis negat? Nihilominus quamvis haec ita sint arte poëtica non excelluisse *διασκευάστην* nostrum, sic enim eum appellare licet, confitendum est, siquidem, id quod multi viri docti videntur, ante omnes Naber demonstravit ¹⁾, illa poëmatis pars quam solam illi debemus, *Κόλον μάχην* dico, minus commodas habet scenae mutationes rerum conversiones victores qui modo victi erant et contra ²⁾, atque praeterea velut cento est e variis locis comportatus. Ipsa huius poëseos ratio, id quod obiter notare libet, qua ceteris omnibus fere Iliadis partibus est posthabenda, permira sit si tota Ilias tribuatur auctori uni, sin vero hic habemus supplementum *διασκευάστη* debitum, nihil est cur miremur.

Iam vero eo ipso quod *Κόλος μάχη* magnum exhibet versuum numerum „quorum ea est ratio” ut iterum Naberii utar verbis „ut saepe aliunde desumti possint videri, raro autem octavus liber fons sit reliquorum locorum”, interest nostra accuratius hanc rem considerare, quo appareat quae Iliadis partes praeter Achilleïdem et *Πατροκλείαν* cetera quae huius auctori debentur, *διασκευάστη* nostro praesto fuerint. Et primum quidem animadvertimus versum Θ 68 eundem esse ac Π 777 qui versus legitur

1) l.l. p. 141.

2) Documento sit libri conspectus quem dat Naber l.l. p. 141 „Post deorum concilium a Iove advocatum fit proelium atrox donec Iuppiter duas aequato examine lances sumit et fata imposuit diversa duorum. Exin post meridiem inclinatur Graecorum acies. Fulminibus ex Ida territi undique fugiunt, sed restituit pugnam Diomedes occiso Hectoris auriga. Hinc metuens ne Graeci Troianos usque ad urbem repellant ipse summus Iuppiter identidem tonans fulgurans Diomedem cogit convertere currum. Sequitur breve colloquium Iunonis et Neptuni. Frastra soror fratrem hortatur ut Graecis auxilio sit. Interim Graeci sensim complerant intervallum quod inter murum et fossam erat et Hector iam poterat sperare fore ut naves incenderentur. Sed Iuno ipsa animum addit Agamemnoni eumque hortatur ut pugnam renovet. Postquam rex sociis exprobravit ignaviam et Iovem precatus est ut perniciem a classe avertat miseratus Graecorum calamitatem, pater deorum mutat consilium eosque missa aquila fausto omine recreat. Exin Graeci extra fossam prorumpunt eduntque ingentem stragem, sed mutatis partibus Iuppiter iterum adest Troianis et Hector Graecos intra munitiones repellit. Ancipitem pugnam de summa arce Iuno et Minerva indignabundae aspiciunt, itaque parant Graecis auxilium ferre, sed cum in eo est ut de Olympo descendant, conspicit eas Iuppiter et per Iridis ministerium domum eas ire iubet. Ipse quoque paulo post redit in Olympum ut rideat dearum irritos conatus et deinde proficitur postero die quam diu Achilles absit a pugna insignem se daturum Hectori victoriam, postremo sol occidit”.

in *ἐπεισοδίῳ* quo Cebrionae clades agitur (Π 727—783), sed cum solus sit illi cum *Κόλῳ μάχῃ* communis isque eiusmodi ut facile e quovis carmine antiquiore depromi potuerit — est enim hic: *ἤμος δ' ἡέλιος μέσον οὐρανὸν ἀμφεβεβήκει* — nolimus eum adhibere. Tum Θ 29 sq. idem est ac X 183 sq., qui versus utrum *Πατροκλείας* auctori dandi sint an cum Naberio pro insitivis habendi supra censuimus ¹⁾ non constare, qua propter item omittimus. Ceteri versus de quibus inquirimus repetiti sunt e libris Γ Δ Ε Ν Ο (Γ 127 = 251 = Θ 71, Δ 20—25 = Θ 457—462, Δ 446—451 = Θ 60—65, Ε 40—42 = Θ 258—260, Ε 221—223 = Θ 105—107, Ε 719—721 = Θ 381—383, Ε 733—737 = Θ 384—388, Ε 745—752 = Θ 389—396, Ε 787 = Θ 228, Ν 23—26 = Θ 41—44, Ν 420—423 = Θ 331—334, Ο 1—3 = Θ 343—345, Ο 367—369 = Θ 345—347), supra autem demonstravimus ²⁾, si discedas a paucis aliquibus *ἐπεισοδίοις* vel versuum fasciculis per libros de quibus agimus dispersis, auctorem libri Γ eundem esse ac libri Δ et libri Ε, libri Ν eundem ac libri Ξ et libri Ο. Inter *ἐπεισόδια* quae excepimus, *Τεichoσκοπίαν* esse (Γ 121—244) ostendimus suo loco, hic notamus *Κόλῳ μάχῃ* cum illa unum versum communem esse, hunc autem versum (Γ 127 = 251 = Θ 71) cum nihil habeat nisi hoc „*Τρώων θ' ἵπποδάμων καὶ Ἀχαιῶν χαλοχιτώνων*” non eiusmodi esse ut inde quidquam efficere liceat. E libris Ν Ο Ξ excepimus ³⁾ nonnisi versus Ν 136—155, Ο 593—595, 653—658, 674—67 quorum nullus in *Κόλῳ μάχῃ* recurrit, sed cum eos Achilleïdi dandos esse ostenderimus, apparet omnia quae contineantur libris illis origine antiquiore esse quam *Κόλον μάχην*. De libris autem Γ Δ Ε in praesentia satis habemus concludere maiorem eorum partem originis aetate superare *Κόλον μάχην*.

In libris Ν Ξ Ο amplum locum obtinent res gestae Idomenei, id vero ita ut quo loco in his libris primum inducitur (Ν 210), poëta significet se non dubitare, quin auditores eum inter duces belli Troiani iam cognoverint, nam patriam patrem fortunam omittit. Tamen ex iis quae in superioribus disseruimus ⁴⁾ cum sequatur nihil esse cur credamus ullis quae ante Homerum essent de

1) p. 308.

3) p.p. 75 sqq.

2) p. 68 sq., p. 74 sq.

4) cf. Mnem. 1913 p. 260 sqq.

bello Troiano carminibus laudatum esse Idomeneum, fieri non potest quin aliquis ex Iliadis auctoribus primus eum in bellum Troianum induxerit. Inquirendum igitur videtur quibus locis Iliadis ubi primum appelletur in aliquo contextu qui proprio auctori deberi credibile sit ¹⁾, ita proponatur ut simul cum auditoribus communicetur quis sit genere et natione. Sunt autem huius generis nonnisi loci tres. Quorum primus invenitur in Catalogo navium ubi legimus (B 645): Κρητῶν δ' Ἰδομενεὺς δουρὶ κλυτὰς ἡγεμόνευε, alter in Τειχοσκοπία (Γ 230 sqq.): Ἰδομενεὺς δ' ἐτέρωθεν ἐνὶ Κρήτεσσι θεὸς ὥς ἔστηκε ἀμφὶ δὲ μιν Κρητῶν ἄγοι ἡγερέθονται, tertius in Ἀγαμέμνονος ἐπιπώλησει (Δ 251 sqq.): ἦλθε δ' ἐπὶ Κρήτεσσι κίων ἀνὰ Φούλαμον ἀνδρῶν, οἳ δ' ἀμφ' Ἰδομενῆα δαΐφρονα θωρήσσοντο". Primum locum ex his omittere licebit, neque enim quisquam putaverit in Catalogo receptum esse Idomeneum antequam in cetera Iliade aliquas partes egisset; Τειχοσκοπίαν et Ἀγαμέμνονος ἐπιπώλησιν inter ea ἐπεισόδια esse quae maiori parti librorum Γ Δ Ε altera manu addita sint, propterea suspicari licet, quod salvo ceterorum quae in his libri narrantur contextu auferuntur, nihil habent quo illi opus sit; atque aut eidem auctori tribuendae sunt aut Ἐπιπώλησις recentior est nam Τειχοσκοπίαν quodammodo explet, in hac enim appellantur Agamemnon, Ulixes, Ajax, Telamonius, Idomeneus, in illa rursus eidem sed praeterea Nestor Menestheus, Diomedes, Sthenelus, Ajax alter. Concludimus maiorem partem librorum Ν Ε Ο origine recentiore esse quam Τειχοσκοπίαν, fortasse etiam quam Ἀγαμέμνονος ἐπιπώλησιν, quae ἐπεισόδια ipsa recentiora sunt quam maior pars librorum Γ Δ Ε quippe cui inserta sint. In hac autem cum iam sequatur fieri non posse ut Idomenei mentio facta sit, quippe quem Τειχοσκοπίας auctor in Iliadem induxerit, etiam locus Ε 43—47 quo solo praeterquam in Τειχοσκοπία et in Ἐπιπώλησει in his libris commemoratur — narratur autem ibi eius certamen cum

1) Cur eiusmodi tantum locorum ratio habenda sit hac in re, exemplo patefiet. Ψ 450 Idomeneus vocatur Κρητῶν ἄγος sed Ψ 113 qui primus locus est libri Ψ ubi commemoretur, mentio eius facta erat neque patre neque patria addita. Itaque Ἀθλῶν ἐπὶ Πατρόκλῳ auctor, qui haud dubie idem est ac Τάφου Πατρόκλου auctor, tamen sibi proposuit eum inter belli Troiani duces cognitum habere auditores. Ut etiam Ν 259 vocatur Κρητῶν ἄγος, sed Ν 210, id quod supra monuimus, primum in libro Ν commemoratus, nomine solo indicatus erat.

Phaesto, Bori filio Maeonio — fieri non potest quin recentiore manu insertus sit, eaque fortasse eadem atque *Τειχοσκοπία*, neque enim quidquam magis in promptu erat quam ut ab eodem qui Idomeneum induxisset in Iliadem, etiam aliquod fortitudinis eius exemplum laudaretur. Accedit, id quod supra monuimus ¹⁾, quod auctor loci E 43—47 cum ab Idomeneo narret necatum esse Phaestum, quem quamvis ex urbe Tarne oriundum tradat ipso nomine suo apparet initio fuisse heroëm eponymum urbis Phaesti in insula Creta sitae, in usum suum convertisse videtur carmen antiquum ad bellum Troianum non pertinens, quod optime convenit ei qui primus Idomeneum belli Troiani participem fecerit. Ceterum cum paene ubicunque Idomeneus in acie prodit iuxta eum comparet comes Meriones, vss. quoque E 59—68 ubi hic narratur interficere Phereclum Tectonis filium, eidem poëtae atque vss. 43—48 tribuendos censeo. At de Merione pauca aliqua addere placet. Hic enim quamquam plerumque Idomenei comes est, in Achilleïde, quam Idomeneum non habuisse èt sequitur ex eis quae modo demonstravimus èt nobis iam apparuit cum illius poë-matis ambitum descripsimus ²⁾, solus tamen appellatur duobus locis (I 83, T 239) idque ita ut neque addatur patria neque pater, quamvis non magis quam de Idomeneo ullum extet indicium unde efficias eum iam ante Homeri aetatem in bellum Troianum inductum esse, Iliadis autem antiquissima pars ipsa Achilleïs sit. At utroque loco personam agit minoris momenti, altero enim (I 83) est inter septem praefectos custodiarum quorum quisque centum ducit milites, altero (T 239) cum septem aliis eum eligit Ulixes per quos curet Agamemnonis dona Achilli subministranda, cumque simul cum Merione inter illos custodiarum praefectos sit Deïpyrus quidam (I 83), inter donorum administratores Melanippus quidam (T 240), quorum neutrius per totam Iliadem aut pater aut patria commemoratur ³⁾, nihil vetat credere Irae Cantorem ut sescenties fit apud Homerum ubi aguntur homines de plebe, arripuisse nomen aliquod quod ei sive e carmine aliquo sive aliunde acceptum ob animum versaretur, alios poetas

1) Mnem. 1913 p. 260 sq.

2) Supra p. 65 sqq. cf. imprimis p. 80 cf. etiam p. 292.

3) Alius Melanippus natione Troianus ab Antilocho iuterfectus filius Hicetaonis dicitur O 547 sqq.

postquam Idomeneus in bellum Troianum receptus esset eodem nomine usos esse ut huic comitem adderent ¹⁾.

Supra vidimus maiorem partem librorum ΝΕΟ recentiorem esse quam *Τειχοσκοπίαν*. Sed etiam recentior est quam *Τειχομαχίᾳ* ²⁾. Nam versu O 3 haud obscure illa spectatur, ubi dicuntur Troiani Iove dormiente e castris Graecorum repulsi esse ad eum locum ubi currus suos reliquisse narrati erant M 80 sqq. Repugnare videtur locus M 113—117 ubi tangitur mors Asii ab Idomeneo trucidati, quae res narratur N 381—401. Sed nihil dubii quin locus ille interpolatus sit, absurdum enim est quod ibi profertur, Asii stultitia factum esse, utpote qui currum relinquere noluisse, ut Idomeneus eum interfecerit. Re vera inter utramque rem nullam intercedere rationem in oculos incidit inspicienti locum N 381—401; alter locus videtur deberi scioli alicuius praeposteræ solertiae ³⁾. Ceterum *Τειχομαχία* ipsa condita est post quam locus A 806—848 ubi narratur Patrocli cura adhibita Eurypylo vulnerato, nam tangitur haec M 1 sqq. Atque haec, id quod demonstratu non opus est, aut eidem debetur aut recentior est quam *Νέστορος καὶ Πατρόκλου ὁμιλία* (A 596—805), cuius auctori etiamtribuendum esse locum A 501—520 inde apparet, quod manifesto propterea Alexander Machaonem vulnerasse narratur et Nestor eum secum ex acie abduxisse, ut inseri possit *Ὅμιλία*. Sed A 501 appellatur Idomeneus, idque rursus ita ut haud dubie auditoribus cognitus esse habeatur, qui locus igitur recentiore est origine quam

1) Antiquum carmen spectare videntur quae de Merionis galea narrantur ei dono data ab Amphidamante hospite Cythereo K 261 sqq. Ibi patris quoque Moli nomine mentio fit qui semel in Iliade recurrit (N 249). Poëtae qui post Homerum vixerunt eum finxerunt Idomenei fratrem sed galeae *ἱστορία* indicio est nullam ei initio cum insula Creta intercessisse rationem. — Itaque minus recte in superioribus (Mnem. 1912 p. 261) suspicati sumus Merionem iam Cretensium carminibus simul cum Idomeneo laudatum esse.

2) Perperam in superioribus (Mnem. 1913 p. 246 in ann.) contrarium perhibuimus. Vide ann. 3 in hanc paginam.

3) Praeter locum M 113—117 etiam hoc speciem praeberet quasi *Τειχομαχία* recentior sit quam maior pars librorum ΝΕΟ, quod huius auctorem apparet (propter locum N 362 sqq., cf. supra p. 66) sibi proposuisse res quas narret primo belli anno gestas esse, *Τειχομαχίας* vero auctor Troiam tradit (M 15) decimo belli anno expugnatam esse. Sed vidimus (supra p. 73, p. 74 ibique in ann. 1) poëtam hunc quamvis veri simile sit etiam iram Achillis Hectoris exitum adscripsisse decimo belli anno non tamen prorsus necesse esse ut id inde efficiatur, et fieri posse ut auctor maioris partis librorum ΝΕΟ non effecerit.

Τειχοσκοπία. Quam recentiorum esse quam librorum Γ Δ Ε partem maiorem supra vidimus, quippe cui inserta sit.

Ab altera parte haec recentior est habenda quam Πατροκλεία idque propter duas causas. Quarum una est quod ubi eius auctor primum appellat Antilochum (Δ 457), eodem modo atque de Idomeneo vidimus ubi hic primum appellaretur ab auctore maioris partis librorum Ν Ο Ξ, solo nomine eum indicat, haud dubie iudicans patrem et patriam auditoribus cognita esse. Iam vero Antilochum cum fratre Thrasymede non magis quam Idomeneum cum comite Merione ulla est causa cur credamus ullis carminibus ante Homeri aetatem conditis in belli Troiani partes receptos esse, imo veri simile videtur omnino nullis ante Homeri aetatem carminibus eos commemoratos esse. In Achilleide autem semel mentio fit de Nestoris filio Thrasymede (I 83), semel etiam de Nestoris filiis (Τ 239) nomine proprio non appposito. Neque in Achilleide maiores hi partes agunt quam Meriones, nam altero loco Thrasymedes una cum hoc est inter custodiarum praefectos, altero loco „filii Nestoris” rursus cum eodem enumerantur inter Agamemnonis donorum administratores. Addito autem patris nomine Antilochus commemoratur èt ubi primum mentio eius fit in Πατροκλεία (Π 317 sqq.) èt ubi narratur eius missio ad Achillem (Ρ 365 sqq.), quem locum Πατροκλεία insertum esse ostendimus ¹⁾, èt in Ἀθλοισ ἐπὶ Πατρόκλῳ, quod ἐπεισὸδιον fieri non posse ut vetustiore sit origine quam Πατροκλεία perspicuum est. Itaque auctor maioris partis librorum Γ Δ Ε Πατροκλείαν cognitam habuit.

Altera autem causa cur hanc illa antiquiorem esse contendimus ea est quod èt illius auctori tribuendum censemus locum Α 1—83, quem supra demonstravimus recentiorem esse quam ea quae in eodem libro sequuntur ²⁾, sive potius locos Α 1—46, 56—83 nam vss. Α 47—55 interpolati esse videntur; èt versu Α 56 „Τρῶες δ' αὖθ' ἐτέρωθεν ἐπὶ θρώσμφ πεδίοιο” repetitum esse iudicamus versum Τ 3. Hic versus eo differt a versu Α 56 quod vox ὀωρήσονται quae in hoc aegerrime desideratur in eo facile auditur e versu Τ 1, is igitur loci sui contextu melius se habens ab huius loci auctore excogitatus esse videtur; neque enim cur credamus illud

1) Supra p. 301 sq.

2) p. 72.

Τρῶες δ' αὖθ' ἐτέρωθεν κ. τ. λ. ex antiquo carmine depromptum esse — quod si ita esset vs. Α 56 antiquior esse posset quam τ 3 — ulla omnino causa est. Versus autem Α 47—55, si recte contendimus locos Α 1—46, 56—83 eidem auctori tribuendos esse atque maiorem partem librorum Γ Δ Ε, fieri non potest quin recentiore manu sint additi nam, id quod etiam iam supra animadvertimus ¹⁾, versus Α 47 sq. eidem sunt atque Τειχομαχίας locus Μ 84 sq. ubi aptissime duces Troiani castra Graecorum oppugnaturi currus suos apud fossam reliquisse narrantur, cum altero loco omnino nihil sit cur currus apud fossam retineri opus sit, de fonte vero antiquo cogitandi nihilo magis quam loco modo pertractato ulla omnino reperiatur causa. Iam vero Τειχομαχίαν supra vidimus recentiorem esse quam libros Γ Δ Ε. Quo autem iure perhibeamus vs. Α 1—46, 56—83 assignandos esse eidem auctori cui maiorem partem librorum Γ Δ Ε, nunc demonstrabimus. Libros Ζ Η supra ostendimus ²⁾, si excipias unum alterumve ἐπεισόδιον quod recentius esse videatur, uni auctori tribuendos esse eique aut eidem atque maiorem partem librorum Γ Δ Ε aut, id quod maluimus, alii qui hanc cognitam habuerit. Atqui sive libri Ζ Η recentiore sunt origine quam Γ Δ Ε, sive referendi sunt ad horum auctorem, hic cum suam poësin Iliadi insereret, Ἀγαμέμνονος ἀριστεία nondum locum suum mutaverat quippe quae mutatio debeatur Κόλον μέγης auctori, quem vidimus cognitam habuisse maiorem partem librorum Γ Δ Ε utpote e qua complures versus repetiverit. Itaque versum qui nunc est Γ 14 tum continuo sequebatur Α 84 ³⁾. Sed hic versus („ὄφρα, μὲν ἥως ἦν καὶ ἀέξετο ἱερὸν ἡμᾶρ”) neque apte iungitur libri Ε neque libi Η versui postremo, sed ut contextus recte se haberet requirebatur ut huic versui praemitteretur novi diei exordium, quale describitur ipsis versibus Α 1 sqq. Necesse est igitur ut hi versus inserti sint ab auctore maioris partis librorum Γ Δ Ε sive hic simul auctor est librorum Ζ Η sive minus. Ceterum sub finem libri Η narratur solis occasus, sed si libri Ζ Η recentiores sunt quam maior pars librorum Γ Δ Ε, manifesto fieri non potest quin antequam illi insererentur solis occasus comme-

1) Cf. p. 72.

2) p. 69.

3) Vide supra p. 72 ubi tamen perperam scripsi Α 85 (ut etiam p. 75) et Γ 15.

moratus fuerit post ea quae narrantur libro E. Hunc igitur solis occasum quo post dearum Iunonis et Minervae in Olympum reditum diem terminari consentaneum erat, resecauit auctor partis maioris librorum Z H. At cur tandem censemus hos libros recentiores esse quam maiorem partem librorum Γ Δ Ε? Ob varias causas. Et primum quidem incredibile videtur *δρῶν σύγχυσιν* et certamen singulare Aiakis et Hectoris ab eodem poëta esse condita. Mitto quod etiam per se spectatum minus veri simile est eundem poëtam sibi duo proposuisse certamina eodem die commissa cum praesertim is dies iam satis superque expletus esset rebus gestis quas habent libri Γ Δ Ε. Verum hoc nego ullo modo fieri potuisse ut poëta qui certaminis mane habiti leges foede a Troianis violatas narrasset, idem narraverit sub eiusdem diei meridiem alterius certaminis leges nullo pudore ab Hectore propositas (H 67 sqq.) ¹⁾, nulla apud Graecorum principes contumeliae recordatione, ne recentis quidem Menelai vulnere neque ipso neque ceterorum quoquam memore, acceptas esse. Idque cuiusnam certaminis? quod nullam neque necessitatem neque rationem haberet. At inquit ea quae leguntur libris Γ Δ Ε Ζ Η inserta sunt ut adhiberentur argumenta carminum antiquorum ad ornandum et augendum poëma cui insererentur, eoque factum est ut inconcinna aliqua negligerentur. Non refragor; *Ἀλεξάνδρου καὶ Μενελάου μονομαχίαν, Διομήδους ἀριστείαν*, Hectoris cum uxore colloquium, Paridis in proelium reductionem, Nestoris res gestas narratas in libro H, Hectoris Aiakisque certamen, Troianorum contionem de reddenda Hellena habitam, cuncta haec ex antiquis fontibus hausta esse in superioribus demonstrare conatus sum. Sed haec res tantam habet vim ut intellegamus quomodo fieri potuerit ut auctores librorum Γ Δ Ε et Ζ Η complura ediderint quae minime concinant, non ut credamus potuisse unum eundemque esse. Accedunt enim ad ea quae attulimus

1) Hector quid de Pandari fraude censuerit non significat auctor librorum Γ Δ Ε. Veri simile est eum ne voluisse quidem Hectorem scivisse quisnam sagittam in Menelaum intendisset, nam Agamemnonem saltem id nescisse significat (Δ 206 sqq.) neque non Diomedem et Sthenelum qui tamen de ea re non siluissent cum Pandarum et Aeneam se petere animadverterent (E 241 sqq.). Sed utique duci Troiano etiam si perfidiam indigne ferret vix quidquam reliqui erat nisi ut foedere irritato suos in hostem duceret.

alia. Nam nuntius quem Priamus Agamemnoni mittit (H 372 sqq.) nolle Paridem Helenam reddere, si Graecorum imperator flagitasset ut redderet recte se haberet, ultro missus, sicut factum legimus, post vulnus Menelao inflictum et proelium deinde commissum praeposterus ne dicam absurdus est. Expectasset, credo, senex dum rogaretur, quod sane rogare Graeci vix operae pretium ducturi essent. Fugisse hoc auctorem libri H si alius fuit ac librorum Γ Δ Ε facile intellego, si idem fuit incredibile puto. Praeterea hoc notandum. Appellatur (H 165) Idomeneus inter heroës qui surgunt ad certamen cum Hectore ineundum sed rursus ita appellatur ut auditoribus cognitus esse habeatur, cum tamen neque antiquiorum Iliadis partium neque maioris partis librorum Γ Δ Ε auctores eum cognovisse viderimus.

Pertractavimus eas Iliadis partes quas licebat ostendere ante conditas esse quam Κόλον μάχην. Simulque apparuit quo temporis ordine deinceps essent conditae. Vidimus enim originis aetate maiorem partem librorum Ν Ο Ξ e qua illa complures versus repetitos haberet, succedere Τειχομαχίᾳ quae in ea tangeretur, Τειχομαχίαν vero tangi in Eurypyli vulnerati curatione atque hanc sequi post Τειχοσκοπίαν in qua Idomeneus quis esset auditoribus proponeretur, qui in hac, sive potius loco (Λ 501) qui eidem auctori esset tribuendus, auditoribus cognitus esse sumeretur, Τειχοσκοπίαν autem recentiorem esse quam maiorem partem librorum Γ Δ Ε utpote cui inserta esset, postremo hanc ob duplicem quam explicavimus causam recentiore origine habendam esse quam Πατροκλείαν cuius auctor Achilleïdem antiquissimam Iliadis partem cognitam haberet. Nunc autem videamus de ceteris Iliadis partibus ecquid statuere liceat quod pertineat ad temporis rationes sive quae inter ipearum origines intercedant sive cum originibus earum partium quas modo pertractavimus.

Κόλος μάχη quamquam inter recentissimas partes Iliadis habenda est, recentior tamen est Νυκτεργεσία et Δολωνεία. Pro fonte Δολωνεία fuisse supra vidimus ¹⁾ carmen aliquod quod ad bellum Troianum non pertineret sed librum K inseri non potuisse nisi cum Πρεσβεία et Πατροκλεία in unum poëma con-

1) Mnem. 1913 p. 44.

iunctae essent, per se perspicuum est. Nam neque in Achilleïde ullus locus ei erat, neque in illo poëmate quod in Πρεσβείας locum substitutam haberet Πατροκλείαν. Porro Διάπειρα videtur recentior esse libris ΝΞΟ, nam Ν 362 sqq. agi nobis apparuit (cf. supra p. 66) primum belli annum, in illa vero regum rixam cetera quae in Iliade narrentur, fingi vidimus acta esse belli anno decimo, sed utrum Διάπειρα ante an post Κόλον μάχην Iliadi addita sit sciri nequit, huius enim auctor quid de illa re censuerit non apparet neque aliud extat indicium quo res conficiatur. Neque magis apparet quae temporis ratio intercedat inter Κόλου μάχης et Καταλόγου origines. Sed hic videtur post Διάπειραν insertus esse nam in hac legimus Β 355 τίσασθαι Ἑλένης ὁρμήματά τε στοναχάς τε, qui versus in illo recurrit Β 590. Haustum esse hunc versum ex antiquo fonte in superioribus demonstravimus. Sed vix dubium quin Catalogi auctor repetiverit Διαπείρας locum. Nam in Nestoris oratione magnam vim habet mentio facta de Helenae luctationibus et lamentis, Catalogi vero loco vix ullam. Itaque si rogamus utri poëtae, Διαπείρας an Catalogi auctori, verisimilius sit fontem antiquum animo obversatum esse, responsum dubium esse non potest; neque enim versus noster in eorum numero est qui quasi pro formulis habendi sint. Ab altera parte res fert ut is qui Catalogum confecerit — cuius nuclei fontem fuisse ostendimus ¹⁾ inter carmina antiquissima quae essent de bello Troiano — omnium receperit ducum nomina qui in Iliade qualis esset eius aetate, aliquas partes agerent. Itaque cum in eo desiderentur Asteropaeus dux Paeonum qui obiter commemoratur Ρ 218, 351, et cum Achille congressus ab hoc interfectus esse narratur Φ 135 sqq., — Paeones duce Pyraechme habet Catalogus (Β 848) et nullo duce addito Δολώνεια (Κ 428) —, Rhesus Thracum rex cuius cladem legimus in Δολωνεία (Κ 435 sqq.), — Thracum autem gentem cui Rhesus imperet ante hac ostendimus ²⁾ distinguendam esse ab iis Thracibus quibus praesint Acamas (Ζ 8) et Pirous (Δ 520, 484) —, Caucones qui commemorantur in Δολωνεία Κ 429 et in ἐπεισοδίῳ quod est de Aeneae et Achillis certamine (Τ 329 sqq.), sequitur ut Δολωνεία, Asteropaei clades, Achillis

1) Mnem. 1912 p. 4.

2) Mnem. 1912 p. 86 sq.

cum Aeneae certamen, loci P 218, 351, postea quam Catalogus Iliadi addita sint. Etiam M 102 obiter appellatur Asteropaeus una cum Glaucō, hos enim ibi Sarpedon sociis Troianorum praefectus comites in pugnae ductum ascivisse sibi narratur. Sed vs. M 102—104 interpolatos puto; proponitur enim ibi uterque quasi auditoribus iam cognitus sit neque patris neque patriae nominibus additis, cum tamen néque in libro M ante quam nostro loco néque usquam in cetera Iliade nisi locis origine libro M recentioribus compareant, néque quidquam sit cur credamus comparuisse in antiquioribus de bello Troiano carminibus ¹⁾. *Δολωνείαν* modo vidimus recentiore esse origine quam *Κόλον μάχην*, de Catalogo sitne idem statuendum iam monuimus latere, inque eadem causa sunt loci quibus Asteropaei mentio fit, et certamen Achillis cum Aenea. Ceterum in Catalogo non tantum desiderantur complures duces et populi qui alibi commemorantur, sed ab altera parte complures etiam populi cum ducibus in Catalogo recensentur qui alibi in Iliade non occurrunt. Nam nonnisi B 603 sqq. inveniuntur Arcades, 748 sqq. Aenianes et Perrhaebi, 750 sqq. Dodonaei, 756 sqq. Magnetes, 671 sqq. incolae insularum Symae, Carpathi, Coi, Calydnarum. Hos igitur aut Catalogi auctor, aut quisquis alius sive poëta recentior sive rhapsodus eos Catalogo addidit, satis habuit inter Graecorum copias appellari nihil curans eos nullas partes agere in cetera Iliade. Quid vero? An inde efficiemus fieri posse ut etiam inter duces populosque Graecorum quos èt Catalogus èt cetera Ilias habet, tamen sint qui quo tempore ille conficeretur in hanc non dum recepti essent? Neque hoc per se verisimile est neque revera ex iis ulli sunt qui non occurrant in eis Iliadis partibus quae aetate superent *Διάπειραν*, quam ipsam antiquiorem esse quam Catalogum nobis apparuit. Sed videntur Arcades, ceteri quorum causa eadem est, tum additas esse cum multitudo nationum quas cetera Ilias doceret contra Troianos profectos esse, speciem praeberet expeditionis cuius universa fere Graecia particeps fuisset. Sic enim facile intelligitur fuisse qui censerent sine iusta causa illos praeteriri — praesertim si aliqua fama extaret ne eos quidem expertes fuisse expeditionum maritima-

1) De Asteropaeo cf. Mnem. 1912 p. 305; de Glaucō cf. Mnem. 1913 p. 245 sqq.

rum — neque tamen qualis ipsorum aetate Ilias esset, ullum locum in ea relinqui viderent inserendi aliqua fortia facta ab illorum principibus edita, aut ipsi non essent ea ingenii fertilitate quae talia eis suppeditaret. E Troianorum sociis non populos quidem sed duces aliquos Catalogus habet qui in cetera Iliade non recurrant, qualis est Oiconum dux Euphemus (B 846) Halizonum Epistrophus (B 856), Pelasgorum Pylaeus (B 840), Carum Nastes (B 867). Sed nihil vetat credere Catalogi auctorem hac in re sive liberius sive negligentius egisse praesertim si horum nomina aliunde cognita haberet.

In *ἐπεισοδίῳ* quod continetur libris Γ Δ Ε ob eandem causam cur *Τειχοσκοπίαν* et *Ἀγαμέμνονος ἐπιπώλησιν*, etiam Alexandri et Helenae amores (Γ 383—447) et Tlepolemi et Sarpedonis certamen (Ε 627—698) initio abfuisse veri simile est, quippe quibus, ut nihil molesti habeant, ita nullum necessitatis vinculum cum ceteris intercedat, amplius autem quam ipsa materiae cohaerentia cogeretur non credibile sit *ἐπεισοδίου* auctorem dilatasse huius ambitum, onerantem non ingratum quidem sed supervacuis additamentis. Sed qui inseruerit Tlepolemi et Sarpedonis certamen, eidem aut etiam recentiori poetæ adscribenda videntur Sarpedonis iurgia quibus Hectorem insectatur (Ε 471—506) quae frigent iactata post Martis adhortationem (Ε 464—470), cum praesertim hanc divellant ab eis quae deinde belli deus agit (Ε 506 sqq.) quacum haec artissime cohaerent, siquidem et Ε 454 sqq. et Ε 508 sqq. significatur Apollinis rogatu se interposuisse. Accedit quod per totos libros Γ Δ Ε nisi hic et in certamine cum Tlepolemo, Sarpedon non prodit. Ceterum ante *Τειχομαχίαν* hoc certamen Iliadi insertum esse statuendum est, si recte supra suspicati sumus ¹⁾ ansam id dedisse *Τειχομαχίας* auctori laudandi insignem Sarpedonis fortitudinem; de originis aetate eius loci quo aguntur Alexandri et Helenae amores hoc tantum patet recentiore eam esse quam maioris partis librorum Γ Δ Ε. Restat ut duos locos notemus quos libro Ε insertos censeamus. Nam Ε 384 sqq. Dione ait propterea saepius deos ab hominibus laesos esse, quod dei ipsi inter se mala machinarentur; quibus cum dictis optime cohaerent quae legun-

1) Mnem. 1913 p. 247.

tur vs. 405: „et in te incitavit Minerva Tydei filium”; sed quae mediae inter haec referuntur iniuriae deis a mortalibus illatae, nulla harum eiusmodi est, quam *inimico deo* auctore deus aliquis ab homine mortali acceperit. Itaque vs. 385—404 recentiore manu additos esse satis certum videtur, in quibus rursus vss. 395—702 recentiores ceteris esse iam antehac demonstravimus ¹⁾. Postremo vss. 340—342) vix dubium est quin interpolatori assignandi sint, neque enim is qui modo dixerat (vs. 39) „ῥέε δ' ἄμβροτον αἶμα θεοῖο” dicere potuit (vs. 342) „ἄναιμόνεσ εἰσι [θεοί].” Rursus inter Iliadis auctores quem locum obtineant, si temporis ordo observetur, aut horum versuum aut vss. 385—404 auctores sciri non posse confitendum est.

Libros ZH cum maximam partem uni eidemque auctori tribuendos esse supra demonstraverimus ²⁾ unum in eis invenitur *ἑπισόδιον* quod nescio an potius recentiore manu insertum esse censeas. Est hoc autem Γλαύκου καὶ Διομήδους συμβολή (Z 119—236). Quod ob nullam aliam causam alii auctori assignandum putamus, nisi quod salvo contextu ceterorum quae libris ZH continentur tollere licet, quam causam tamen sufficere arbitramur. Cumque e Glauci verbis (Z 124) „nequaquam te ante vidi in proelio” ³⁾ satis fidenter efficere liceat huius *ἑπισοδίου* auctorem sibi proposuisse primum belli annum, absurdum enim esset eum cogitare de belli tempore decennali, veri simile est illud neque non — id quod hinc sequitur — maiorem etiam partem librorum ZH conditam esse ante quam *Διάπειραν* quippe quae decimum belli annum referat ⁴⁾. Sed libros ZH recentiores esse origine quam *Τειχομαχίαν* inde efficiendum videtur quod sub finem libri H (vss. 336—343, 436—443) muri Graecorum castris circumdati narratur aedificatio. Etiam in Achilleide ter commemoratur murus, id vero duobus locis (I 67, 87) ita coniuncte cum fossa ut si hos locos per se spectes, minime necesse videatur aliud quidquam significatum esse nisi aggerem e fossa erutum, ab interiore eius parte, spatio mediocri interiecto nam custodes considunt (I 87) inter murum fossamque, exstructum. Neque repugnat tertius locus (I 232), ubi Troiani dicuntur consedis-

1) Mnem. 1913 p. 258.

3) Cf. supra p. 66.

2) p. 69.

4) Cf. Mnem. 1913 p. 54 sq.

ἐγγύς νηῶν καὶ τείχεος, confirmatur autem res non tantum eo quod in Ἀγαμέμνονος ἀριστεία èt rex vulneratus in campo suos adhortatur (Λ 277) ut defendant naves èt paulo post Ajax (Λ 557) hostibus cedens a poëta dicitur pertimuisse navibus, neutro loco muri mentione facta et quasi illae sicubi in campo male pugnetur salvae esse non possint, murus igitur vix ullius pretii esse videatur — tamen hi loci idcirco minus valent quia veri simile est, id quod in superioribus demonstravimus ¹⁾ ex antiquo carmine Ἀγαμέμνονος ἀριστείαν haustam esse quapropter fieri potest ut illi minus considerate e fonte repetiti sint — sed praesertim inde apparet poetam sibi proposuisse murum humilem, quia O 653 legimus „εἰσωπὸν δ' ἐγένοντο νεῶν”. Qualis Ilias nunc est Troiani iam multo ante quam in conspectum navium venissent, murum intraverant (O 384), iam intra eum cum hostibus pugnaverant de navibus se defendentibus (O 387), iam Hector conatus erat navem incendere (O 415 sqq.) quam rem, quia nusquam ne verbo quidem indicatum erat eos deinde repulsos esse, vere dixeris absurdam esse, quapropter in superioribus ²⁾, cum vss. 653 sqq. adscriberemus Achilleïdi cui etiam tribuebamus vss. 592—595 ubi Troiani ad naves contendere narrabantur, locum 306—591 iudicavimus poëtae deberi recentiori qui totus in ornanda et augenda pugna apud naves non attenderit repugnantiam quam admitteret. Atque vss. 596—652 alias ob causas abnegavimus Irae Cantori ³⁾ qui igitur postquam narravit (O 592—595) Troianos in naves ruere, cum nostro loco (O 653) nulla muri mentione facta eos in illarum conspectum venire diceret, deinde, ita enim pergit (O 653 sqq.), nulla mora facta inter naves se effundere — quod recte se habet, optime enim sic festinatio et brevissimum temporis spatium quo res confecta sit, ante oculos ponitur — luce clarius significavit nullius momenti esse aggerem pro navibus extractum, qui neque conspectum earum prohiberet, neque hostium impetum ab iis arcere posset, ut nihilo magis fossa quae aequae siletur. Prorsus alia imago in Τειχομαχία proponitur ubi murus latus (M 5) fundamentis lapidibus impositus (M 29, 259), pinnis supra instructus

1) Mnem. 1913 p. 51.

2) Supra p. 76.

3) Supra p. 77 sq.

(M 258, 397), fores portae ingenti obice clausae (M 121), turres iuxta institutae (M 36, 332), fossae ultro etiam vallis praeacutis munitae (M 55), crebros Troianorum impetus aliquamdiu sustinent; tantae autem munitionis moles facile poëtam quempiam in cogitationem adduxit opus maius esse quam quod Graeci statim suscepissent cum appulissent classem, ancipiti eventu primae pugnae in campo commissae factum esse ut quo prudentissimo consiliario uteretur exercitus, Pyliorum rex grandaevis in regum consilio id suasisset, eamque rem dignam esse quae ab oblivione vindicaretur; fac contra librorum ZH auctorem non cognovisse *Τειχομαχίαν*, non intellegis quid eum induxerit ut narraret Graecos consilium inisse aedificandi *πύργους ὑψηλοὺς εἶλαρ νηῶν τε καὶ αὐτῶν* (H 338) vel, ut paulo post legimus (H 435 sq.), *τεῖχος πύργους θ' ὑψηλοὺς* cuius rei nullusdum poëta mentionem fecisset in proeliis describendis. Nam etiam auctor eius loci quem modo attuli (O 306—591) non eum murum sibi proposuit quem is qui *Τειχομαχίαν* condidit, narrat enim Apollinem ut Troianis viam sterneret qua intrarent, pedibus diruisse *ῥχθας καπέτοιο βαθείης*, deinde evertisse murum *ρεῖτα καλ' ὥς ὅτε τις ψάμαθον πᾶϊς ἄγχι θαλάσσης ὅς τ' ἐπεὶ οὖν ποιήσῃ ἀθύρματα νηπιίῃφι ἅψ' αὐτίς συνέχευε ποσὶν καὶ χερσὶν ἀθύρων*, sed *Τειχομαχίας* auctor totidem verbis perhibuit (M 10 sq.) *ῥφρα μὲν Ἐκτωρ ζῶδς ἔεν καὶ ἐμήνι Ἀχιλλεύς καὶ Πριάμοιο γάνακτος ἀπόρθητος πόλις ἔπλε τόφρα δὲ καὶ μέγα τεῖχος Ἀχαιῶν ἔμπεδον ἦεν*. Praeterea totus ille locus nescio quomodo friget si cogitamus Apollinem pedibus deiecisse murum fundamentis lapideis, turribus munitum, qualem *Τειχομαχίας* auctor vix vi coniuncta septem fluviorum a duobus deis destructum esse tradidit (M 17 sqq.). Itaque loci O 306—591 auctor, quem quamquam ab eo Achilleïdem abiudicandam esse vidimus, tamen in superioribus iam demonstraveramus ¹⁾ nihil vetare pro antiquiore habere quam auctorem maioris partis librorum NΞO, etiam *Τειχομαχίας* auctori aetate praeesse videtur, sed hic auctori librum ZH.

In libris ΠΡΣΤΤΦΧ quibus contineatur poësis *Πατροκλείας* auctori debita, praeterea èt inveniri — idque in libro T — quae ad Achilleïdem referenda sint, èt complures locos a recentioribus

1) Supra p. 75 sq.

insertos in superioribus demonstravimus. Hi vero loci inserti utrum uni an pluribus poetis tribuendi sint, quisnam de singulis dicat? Unum tantum constare videtur, eum qui Antilochi missionem ad Achillem condiderit alium fuisse atque eum qui èt hanc èt Iridis missionem coniunxerit, illum enim hoc egisse ut Antilochi missionem in Iridis missionis locum substitueret, ab hoc qui ea coniungeret insertum esse responsum Iridi ab Achille datum (Σ 187—201), ab hoc loco suo quem initio obtinuissent mota esse èt Thetidis cum filio colloquium quod nunc legitur Σ 36—67 èt colloquium Iovis cum uxore (Σ 356—367) èt fortasse conationem Troianorum (Σ 243—314); quibus de rebus in superioribus ea quae satis esse viderentur disseruimus¹⁾. Iam vero temporis ordinis si habeatur ratio, quo loco in Iliadis auctorum numero collocandus sit aut Antilochi missionis auctor aut is qui eam cum Iridis missione coniunxerit aut ceterorum locorum insertorum aut auctor aut auctores, de ea re rursus maximam partem prorsus incerti haeremus. Pauca aliqua statuere licet. Nam èt per se perspicuum est tam Irae Cantorem quam Πατροκλείας auctorem illis aetate praeire, èt certamen Patrocli et Sarpedonis cum pugna de huius corpore èt fratrum geminorum Mortis et Somni ministerium absportandi id in patriam, condita (Π 419—683) esse post Τειχομαχίαν quippe quae in iis tangatur (Π 558), tum Glauci iurgia quibus insectetur Hectorem (P 140—191) cum in iis Sarpedonis mortem huic obiciat, aut eidem poetae deberi aut recentiori. E locis libris de quibus nunc agimus insertis complurium argumenta hausta esse e carminibus antiquis, ut certamen Achillis et Aeneae (T 156—364^a), eiusdem et Iphitionis (T 381—392), Lycaonis ab Achille capti casus (Φ 35 sqq.), Asteropaei cladem ei ab Achille illatam (Φ 135—199), Scamandri cum Achille proelium (Φ 211—382) suo loco ostendimus²⁾.

Superest ut agamus de libris $\Psi \Omega$. Hos siquidem Πατροκλείας auctori abnegandi sunt, id quod supra demonstravimus³⁾, a recentiore poeta vel poetis illius operi esse additos non opus dictu est. Ac neque Ἀθλα ἐπὶ Πατρόκλῳ neque Ἐκτορος λύθρα tota

1) p. 299 sq.

2) Mnem. 1912 pp. 289 sqq., 305, 316.

3) p. 309.

deberi uni poëtae verisimile puto, neque tamen huiusmodi indicia se offerri unde certi quidquam efficere liceat. Unum tantum afferam, loci Ω 347 sqq. auctorem sibi fingere Hectorem primo anni bello occisum, nam narratur ibi Mercurius *κούρῳ φεφοικῶσ* *πρῶτον ὑπηνήτη* Priamo occurrens eum docere se e sex fratribus sortitum esse militiam, quod cum res ferret ut belli initio factum esset, ex ipsa dei specie iuvenili sequitur ut non nisi paulo ante bellum exortum sit; contra poëtam eum qui Helenam proposuerit lamentantem Hectorem mortuum (Ω 762 sqq.) eam facere dicentem „*ἤδη γὰρ νῦν μοι τόδ' ἐφεικοστὸν γέτοσ ἐστί*”. Quid autem amplius de horum librorum originis aetate? Liquido apparet vix quidquam sciri posse. Solum hoc satis fidenter confirmes habitum et quasi colorem orationis, id quod in superioribus iam monuimus¹⁾, eum esse ut sermo epicus videatur quodammodo deficere poetas in clare enuntianda mente, et verba rem ut ait Horatius iam invita sequi incipiant. Id autem cum temporis decursu fieri perspicuum sit ut usus paulatim constitutus poëtas quasi vetet nova verba novas elocutionis rationes adhibere, sequitur ut haec Iliadis pars inter recentissimas habenda sit.

Postremo hoc notandum videtur. In superioribus ubi de Idomeneo et rursus ubi de Nestoris filiis tum ubi de Glaucodeque Asteropaeo egimus, perhibuimus eos heroës qui non ante Homeri aetatem a poëtis in bellum Troianum inducti essent — qui quidem in principum numero essent nam de hominibus e plebe rem aliter se habere — fieri non potuisse quin poëtae qui primi in Iliade appellarent, ubi primum eos appellarent, addiderint aut patrem aut patriam, ea igitur *ἐπεισόδια* in quibus, quo loco primum appellentur, addantur neque pater neque patria, non deberi poëtis qui primi eos in Iliadem induxerint. Sed forsitan hic quis roget cur constituentes temporis ordinem quo Iliadis partes conditae sint huius legis rationem non habuerimus nisi ubi egerimus de eis *ἐπεισόδιοις* in quibus commemorarentur Glaucus, Asteropaeus, Idomeneus, Nestoris filii. Respondendum est heroûm Graecorum et Troianorum qui in Iliade appellentur longe plurimos

1) Supra p. 51.

iam in carminibus antiquioribus quibus bellum Troianum ageretur, celebratos esse eosque non tantum qui primum in eo locum obtineant Achillem, Diomedem, Ulixem, Aiaces, Hectorem, Paridem, Aeneam, Antenorem ceteros, sed etiam qui secundas vel tertias agant partes Thoantem, Megetem, Menestheum, Peneleum, Medontem, Podarcem alios, id quod suo loco demonstravimus ¹⁾, e perpaucis autem illis qui ab Homero primo in bellum Troianum recepti sint si discedas ab Idomeneo Nestoris filiis Glaucō Asteropaeo, ceteros aut omnino non appellari patre et patria non additis, aut non nisi in *ἐπισκοδίστοις* quae ob alias causas recentiora esse habenda demonstraverimus quam ea ubi appellentur additis. Sic comparatis locis ubi commemoratur Eurypylos, apparet ceteros recentiores esse quam E 76 ubi additur pater Euaemon ²⁾, omnes ubi Machaon appellatur recentiores sunt quam Δ 193 ubi additur pater Aesculapius ³⁾. Praeter hos duos nulli sunt qui in eadem causa versentur, eos autem appellare qui in Iliade non commemorantur nisi patria addita, nihil opus videtur.

(*Continuabuntur*).

1) De Thoante cf. Mnem. 1912 p. 13; de Megete l.l. p. 18; de Menestheo, Stichio, Phidante, Abante, Iaso l.l. p. 9; de Peneleo, Leito, Ascalapho, Prothoenore, Promacho, Arcesilao l.l. p. 7; de Medonte et Podarce l.l. p. 5; de Antenoris filiis Archilocho, Acamante, Agenore, Laodamante, Pedaeo l.l. p. 33, de Polydamante l.l. p. 33; de ducibus Ciconum, Halizonum, Pelasgiorum, Maeonum, Mysorum, Phrygum Ascaniorum cf. l.l. p. 39.

2) De Eurypylo cf. p. 316. Commemoratur autem B 677, 736, E 76, 79, Z 36, H 167, Θ 265, Λ 575, 579, 582, 591, 661, 808, 818, 821, 837, M 2, O 392, 399, Π 27. Sed versus Π 27 fieri non posse quin spurius sit, ex eis quae demonstravimus l.l. sequitur.

3) Machaon commemoratur B 732, Δ 194, 200, Λ 506, 512, 517, 832, ε 3.

NOVAE INSCRIPTIONES ARGIVAE.

SCRIPSIT

GUILIELMUS VOLLGRAFF.



Titulorum antiquorum Argis repertorum satis magnum numerum hucusque in diario cui nomen *Bulletin de correspondance hellénique* ¹⁾ publici iuris fecimus, libenter usi urbanissima hospitalitate qua et nos et studiorum nostrorum epigraphicorum primitias rectores scholae franco-gallicae, quae Athenis floret, exceperunt. Iam horum alterum fasciculum cum lectoribus Mnemosynes nostrae communicare libet, idque ea ratione ut perpetuo commentario adiecto singulos minutius interpretari et quidquid novi ex iis cognoscatur scrutari studeamus.

I.

INSCRIPTIO AD RES COMMUNIS ARCADUM REIPUBLICAE PERTINENS.

Die XXII mensis Iunii anni 1912 e muris aetatis byzantinae, quae aream templi in foro urbis siti ²⁾ occupaverant, protracta sunt duo fragmenta permagnae tabulae lapideae. Lapis est

1) 1903, p. 260—279; 1904, p. 420—429; 1905, p. 318; 1908, p. 236—258; 1909, p. 171—200, p. 445—466; 1910, p. 331—354; 1913, p. 279—309.

2) De quo vide B. C. H. 1907, p. 177.



Inscriptio Argis reperta.



calcarius albicans indigena. In fragmento A tabulae margo dexter inde a vs. 7 usque ad vs. 14 servatus est, fragmentum B undique mutilum est. Fragmenti A altitudo est 0m.28, latitudo 0m.23, crassitudo 0m.16, fragmenti B altitudo 0m.44, latitudo 0m.40, crassitudo 0m.16. Litterae sunt 0m.01 altitudine, spatium, quo versus inter se distant, est tantum 0m.005, vel certe 0m.007 nusquam excedit.

Uno tantum puncto fragmenta iunguntur: si lapides ita iuxta compones, ut versus 13 fragmenti A versui 5 fragmenti B contiguus sit, cernes litterae O sinistram partem in fragmento B, dextram in fragmento A exstantem. Quapropter photographemata fragmentorum in tabula, quae huic disputationi adiecta est, hoc modo coniungenda curavi.

Litterarum formae IV^o a. C. n. saeculo inscriptionem tribuendam esse docent cumque littera, qua adspiratio vocalium indicatur, adhuc identidem hic occurrat ¹⁾, potius priori parti illius saeculi lapidem adsignandum esse arbitror quam posteriori. Similes litteras, quamquam paululo neglegentius incisas, exhibet alia inscriptio Argiva (I. G. IV, 616), quae anno 362—361 tribuenda esse videtur. Occurrit etiam littera ϣ, vel potius vs. 11 in voce ἀ[ϣ]ῶ restituenda est, sed haec de aetate tituli nihil nos docere potest, quippe quae Argis vel III^o a. C. n. saeculo adhuc in titulis publicis inveniatur. Lapidem rem suam ita egit, ut finis uniuscuiusque versus cum fine integrae syllabae congrueret. Scimus autem hac ratione uti coepisse lapidas vergente saeculo V^o, deinde saeculo IV^o celeriter percrebruisse. Cuius rei multa exempla conguessit Larfeldius ²⁾.

Ut inscriptionem legerem et in marginibus litterarum vestigia examinarem, usus sum apographis meis photographematis ectypo chartaceo.

1) In nonnullis vocabulis modo scribitur, modo omittitur: ὀπέρ (vs. 23), ὀπέρ (vs. 10, 20), ὀ[πέρ] aut ὀ[πέρ] (vs. 22), ὀδού (vs. 14, 23), ὀδῶ (vs. 28).

2) Larfeld, Handbuch der griech. Epigraphik, I, p. 218—220.

- α
- ος, ἐνς τὸ Πα
λου κοινὰ τῶν ᾧ
[ἀ]ίεσ. ὄρος Κιθάρι[ον].
5 ονς, ἐνς τὸν Ῥηχμό[ν],
ον, ἂν τὰν Στεφάνα[ν],
[ἐ]νς τὸ τοῦ Πολεμο-
ου ἀνιόντος ἀπὸ τᾶς
ς, ἐνς τῷ[ν ὑδάτω]ν συνιρᾶν ὦρω
10 [δύο] [ἐ]κ τῶν Αὐλίων ἐπι[πολ]ᾶ τῶν ὦρων ὑπὲρ
κλα ἄλλος ὦρος, τὰ δ' ἐπ' ἀ[ρ]ῷ τούτου ὄρος Ποι-
[ἐνς] Τραγευρίαν, τὰν ὀδὸν τὰμ Μελεαγρείον-
[δε] [τοῦ συντ]όμου τοῦ κατὰ Μελεάγειον ποῖ τε τὰν Δρογα
ω τᾶς ὁδοῦ ὄρος Ἐπινώιον· ἧ ὤ[ρι]σται, κατὰ τὸ
15 [κ]ατὰ Μελεάγειον καὶ ἐνς τὰν Σκο[π]ᾶν κ
[ἐνς τὸ τοῦ Ἐρ]μᾶνος, κατ' Ἀμφίροον, ἐνς τὸ τοῦ Λυ
[ἐνς τ]ὸν Δαμάανδρον, ἐνς τὰν Δυσπορ[ίαν]
αν, ἐνς τὸ ὀχετόκρανον, ἐνς τὸ τοῦ
ἐν τοῖς Κλάθροις. ὄρος Ἀργειατᾶ[ν].
20 τὰν ὑπὲρ τοῦ Λιθάμαντος. ὄρος
αν. ὄρος Ὀνχινιάιον· ἧ ὤρισται[ι]
ας, ἧ ᾧ πέτρα, ἐνς τὸν ὦρον τὸν ὑ[π]
παν τὰν ὑπὲρ τᾶς ὁδοῦ, ἐνς τὸν
[ἐν]ς Τράπεζαν, τᾶς ἐνς τὸ τοῦ Πανδς πο[ί]τε
25 ου. (Λ)εὔκτρον ὄρος· ἀπ' Αἰστοῦ Ἐλαῆς
ου, ἐνς τὸ Κεραύνιον, ἐπ' Ὀνον, ἐνς τὰν
[Α]ἰστοῦ Ἐλάν. Πλατὺ ὄρος· ἀπὸ Κοραν
υλίσαιαν κράναν, ὀδῶ διὰ τοῦ δρυμο[ῦ]
[ἐν]ς τὸ Χαράκωμα, ἐνς τὸν Ἄνδρα
30 [ἐν]ς τὰν Σκοπᾶν. ὄρος Αὐκλιεία[ς].
[ὄρος] Κώπιον· ἀπὸ τοῦ λάκκου τοῦ π
ὀδῶ ἐ[ν]ς τὸν Δο
ιλ. ν

Haec qui vel strictim percurrit continuo intellegit de finibus regendis hic agi. Non vero confinium duarum civitatum terminatur, sed in pagos aliqua civitas dividitur. Pagi autem illius civitatis, quaequae est, dicuntur *δρη*, quae vox hac sententia adhuc inaudita est nec nisi in regionem montuosam quadrare videtur. Ecce nomina X pagorum, quae in fragmentis nostris leguntur:

δρος Κισθάρ[ον] (vs. 4)

δρος Ποι — (vs. 11)

δρος Ἐπινώιον (vs. 14)

δρος Ἀργειατᾶ[ν] vel *Ἀργειᾶτα[ι]* (vs. 19)

5 *δρος* — (vs. 20)

δρος Ὀνχινάιον (vs. 21)

(Λ)εὔκτρον *δρος* (vs. 25)

Πλατὺ *δρος* (vs. 27)

δρος Αὐκλίεια[ς] vel *Αὐκλίεια* (vs. 30)

10 [*δρος*] *Κώπιον* vel — *κῶπιον* (vs. 31).

Inde a vs. 19 lapidica sexies ¹⁾ ante vocem *δρος* initii novae paragraphi indicandi causa unius litterae spatium vacuum reliquit. Vs. 4 (= A, vs. 4) ante *δρος Κισθάρ[ον]* et vs. 14 (= B, vs. 6) ante *δρος Ἐπινώιον* non item, quo facto incertum fit incipiantne ibi novae paragraphi necne. Ne vs. 11 (= A, vs. 11) quidem ante *δρος Ποι* — ullum spatium vacat, sed id recte, quia ibi ex ipsis verbis efficitur non exordiri novam sententiam. Ceterum etiam vs. 12 (= B, vs. 4) vocabula *Τραγευρίαν* et *τᾶν* sine causa, ut videtur, parvo intervallo dissaepa sunt.

Tabulam solito maiorem fuisse manifestum est. Inter finem enim vs. 20 et initium versus sequentis deest nomen unius e pagis cum omnibus eius finibus terminisque. Quodsi tam lata fuit tabula, etiam altissimam eam fuisse consentaneum est. Exiguam ergo partem tenemus magni alicuius decreti.

Prima nunc quaestio oritur, cuiusnam regionis pagi hic terminentur. Quae ut possit solvi, ante omnia index nominum geographicorum, quae in fragmentis nostris insunt, oculis subiciendus est:

1) vs. 19 = B, vs. 11; vs. 20 = B, vs. 12; vs. 21 = B, vs. 18; vs. 25 = B, vs. 17; vs. 27 = B, vs. 19; vs. 30 = B, vs. 22.

- Αἰετοῦ Ἑλά (vs. 25, 27)
 Ἀμφίροος (vs. 16)
 Ἀνδρα (vs. 29)
 Ἀργεῖᾱται (vs. 19)
 5 Αὐκλεία (vs. 30)
 Αὔλια (vs. 10)
 Δαμάανδρος (vs. 17)
 Δο — (vs. 32)
 Δρογα (vs. 13)
 10 Δυσπορ[ία] (vs. 17)
 Ἐπινώιον ὄρος (vs. 14)
 [τὸ τοῦ Ἑρ]μᾶνος (vs. 16)
 Κεραύνιον (vs. 26)
 Κισῆρι[ον] ὄρος (vs. 4)
 15 Κλᾱθρα (vs. 19)
 Κοραν — (vs. 27)
 Κώπιον (vs. 31)
 (Λ)εὔκτρον (vs. 25)
 Λισάμας (vs. 20)
 20 τὸ τοῦ Λυ — (vs. 16)
 Μελεάγρειον (vs. 12, 13, 15)
 Ὀνος (vs. 26)
 Ὀνχινιάιον ὄρος (vs. 21)
 Πα — (vs. 2)
 25 τὸ τοῦ Πανός (vs. 24)
 Πλατὺ ὄρος (vs. 27)
 τὸ τοῦ Πολεμε[κράτους] (vs. 7, 8)
 Ῥηχμός (vs. 5)
 Σκοπά (vs. 15, 30)
 30 Στεφάνα (vs. 6)
 Τραγευρίνα (vs. 12)
 Τράπεζα (vs. 24)
 — κλα (vs. 11)
 — υλεία κράνα (vs. 28)
 35 τὸ τοῦ — (vs. 18)

Horum locorum maxima pars ignota est: Τράπεζα Σκοπά (Λ)εὔκτρον Ἀργεῖᾱται ubi sita fuerint ex scriptoribus antiquis demonstrari posse arbitror. His addendum videtur fanum Pole-

mocratis, quod tamen in praesens omittere satius duco, quoniam nomen herois non integrum in lapide legitur.

Τράπεζα. Cf. Steph. Byz.: Τράπεζα· πόλις Ἀρκαδίας ἐγγὺς Τρικολώνων· οἱ πολῖται Τραπεζεῖς. Paulo infra Stephanus etiam oppidi Trapezuntis mentionem facit: Τραπεζοῦς· . . . ἔστι καὶ Ἀρκαδίας πόλις Τραπεζοῦς, ἀπὸ Τραπεζοῦντος παιδὸς Λυκάονος, ὡς Πausanίας, ὁ γδῶ . . . ὁ πολίτης Τραπεζοῦντιος . . . καὶ ἡ χώρα Τραπεζουντία. Alia igitur Trapeza, alia Trapezus erat? Hoc difficile ad credendum videtur. Itaque hucusque viris doctis persuasum erat oppidum illud et Τράπεζαν dictum fuisse et Τραπεζοῦντα; Trapezunta enim non procul a Tricolonis sitam fuisse plane constat. Nuper tamen Hillerus in utilissimo libro, quo omnes inscriptiones Arcadicas collegit ¹⁾, aliter se censere significavit. Cum enim universa de Arcadiae locis testimonia undique conquirere et componere ei curae esset, ea quae Stephanus de oppido Trapeza praebet consilio omisisse videtur, ut se docto Byzantino hac quidem in re fidem denegare ostenderet. At nunc Stephano opitulatur inscriptio nostra, siquidem, ut in sequentibus me tibi probaturum esse spero, de Arcadiae oppido Trapeza hic agitur. Manet quaestio, utrum Trapeza et Trapezus diversae fuerint necne. De qua ut recte possit iudicari, historiam Trapezuntis inspiciamus, si quid ex ea commodi capere contingat. Oppidum hoc, quod primum apud Herodotum (VI, 127) commemoratur, sed sine ullo dubio antiquissimum erat, post Megalopolin conditam prorsus interiisse et e numero civitatum Arcadicarum excessisse efficitur e Pausania (VIII, 27, 5—6). Narrat enim Trapezuntis primo ipsis placuisse, ut sedibus suis desertis Megalopolin migrarent, postea vero et illos et trium vicinarum civitatum incolas consilii paenituisse. Tum ceteros partim vi in urbem ductos esse, sed in Trapezuntios iram Arcadum exarsisse: Τραπεζοῦντιοι δὲ ἐκ Πελοποννήσου τὸ παράπαν ἐξεχώρησαν, ὅσοι γε αὐτῶν ἐλείφθησαν καὶ μὴ σφᾶς ὑπὸ τοῦ θυμοῦ παραυτίκα διεχρήσαντο οἱ Ἀρκάδες· τοὺς δὲ αὐτῶν ἀνασωθέντας ἀναπλευσάντας ναυσὶν ἐς τὸν Πόντον συνοίκους ἐδέξαντο μητροπολίτας τ' ὄντας καὶ δμωνύμους οἱ Τραπεζοῦντα ἔχοντες τὴν ἐν τῷ Εὐξείνῳ. Haec ultima

1) Inscriptiones Graecae, V, 2: Inscriptiones Arcadiae, ed. Fridericus Hiller de Gaertringen, Berolini, 1913.

Hillerus ¹⁾ ficta esse autumat, quod Pontica civitas revera Sinopensium colonia fuerit. Esto rem sic habuisse: nonne nihilominus fieri potest ut iam saeculo IV^o Trapezunte in ora Pontica fabula et persuasio quaedam popularis de prisca Arcadica origine pro vero obtinuerit? Utut est, de Arcadici oppidi interitu, cum Megalopolis condebatur, nemo unquam dubitavit. Ecquid post hunc eventum loco, quo oppidum iacuerat, pro execrato nomine Trapezuntis Trapeza nomen inditum est ²⁾? Si hoc verum esset, postea novi loci incolae *Τραπεζίταις*, ut ait Stephanus, dicti esse possent. At Hillerus Diodori l. XV c. 94 nisus affirmat non diu post pugnam ad Mantineam, itaque anno 361, Trapezunta dirutam esse ³⁾. Qua in re si recte senserit ille, corruiat explicatio mea, cum inscriptio ante annum 361 incisa sit. Sed cum Trapezus apud Diodorum non nominatim adferatur, fieri posse dixerim ut iam prius Panarcadibus restiterit et deleta fuerit. Sin minus, putandum erit Argivos pro Trapezunte Trapezam dixisse.

Σκοπιά. Tradit Pausanias (VIII, 11, 7) Epaminondam in proelio apud Mantineam graviter saucium ex acie in locum vicinum translatum esse, unde prospectus ad milites pugnantes pateret: *ὁπόθεν δὲ ἀπέβλεπεν εἰς αὐτούς, ὠνόμαζον Σκοπήν οἱ ἔπειτα*. Ex hoc loco pro certo discimus haud procul a campo, ubi anno 362 pugna commissa est, fuisse collem, cui nomen esset *Σκοπιά* i. e. *specula*. Nam quod ait Frazerius in commentario suo e narratione Pausaniae ne illud quidem effici posse eum de loco *edito* loqui, hoc prorsus redarguitur verbis *ὁπόθεν δὲ ἀπέβλεπεν*. Dudum tamen intellexerunt Loringius ⁴⁾ et Fougèresius ⁵⁾ collem illum non post proelium Mantinense demum Speculam nominatum esse, sed ei antiquitus hoc nomen fuisse; quod loci incolae dum more populari explicare conantur, suo Marte finxerunt Epaminondam inde in planitiem despexisse. Recte sensisse viros doctos nunc nitido argumento demonstratum est, si modo iure in-

1) I. G. V, 2, p. 128, vs. 80 sqq.

2) Cf. Curtius, Peloponnesos, I, p. 804: Das breite *Tafelland*, mit dem das Lykaion ostwärts gegen den Alpheios vortritt ... war die alte Trapezuntia.

3) I. G. V, 2, p. xx, vs. 58 sqq., p. 128, vs. 25 sqq., p. 140, vs. 108.

4) Journ. of Hell. Stud. 1895, p. 82 sq.

5) Fougères, Mantinée et l'Arcadie orientale, p. 111.

scriptionem nostram anno 362 antiquiorem esse sumimus. Antiquam Σκοπὴν eruditorum maxima pars collem hodie Mytika dictum esse credunt, unde Mantinica omnis et pars agri Tegeatarum conspicitur et in cuius latere rudera turris, quae speculae vice functa esse videtur, hodie exstant. Vide descriptionem locorum apud Fougeresium l.l.

(Λ)εῦκτρον. In lapide Ἀεὺκτρον legitur, quod mendum operarii esse suspicor. Est sane aliquid quod nobis hic primo obtutu scrupulum inicere possit. Exstabat olim inscriptio Argiva inferioris aetatis ¹⁾, qua continebatur index civitatum e variis regionibus Graeciae. Inter alia nomina legebantur haec:

Λεὺκτρον

Κορώνη Ἀρχ .

Sed titulus ille, qui periisse videtur, forsitan male lectus sit; sin minus, casu accidisse putaverim, ut ~~idem error hic in duobus lapidibus Argivis~~ repetitus sit. Hoc enim luculenter ostendit titulus Corinthius ²⁾ eiusdem aetatis, qui in simillimo civitatum indice haec exhibet:

Λ[ε]ῦκτρο[ν]

Κορώνη .

Tres locos in Graecia fuisse quibus nomen esset Λεῦκτρον sive Λεῦκτρα docet Plutarchus ³⁾: horum alterum in Boeotia, alterum in ora Laconiae maritima ⁴⁾, tertium haud procul a Megalopoli (πρὸς τῇ Μεγάλῃ πόλει τῆς Ἀρκαδίας) situm esse dicit. Hoc ultimum, quod in inscriptione nostra commemoratur, saeculo V^o adhuc Laconicum fuisse tradit Thucydides (V, 54: ἐξεστράτευσαν δὲ καὶ οἱ Λακεδαιμόνιοι κατὰ τοὺς αὐτοὺς χρόνους (anno 419) πανδημεί ἐς Λεῦκτρα τῆς ἑαυτῶν μεθορίας πρὸς τὸ Λύκαιον. Neque a. 370 aliter res habebat. Xenophon enim (Hell. VI, 5, 24), ubi de rebus hieme anni 370—369 gestis loquitur, Lacedaemonios Leuctri praesidium collocasse narrat: ἦν δὲ καὶ ἐπὶ Λεῦκτρῳ ὑπὲρ τῆς Μαλεάτιδος ἄλλη Φρουρά. Pausanias vero (VIII, 27, 4) Leuctrum recenset inter oppida, quibus anno 369 incolas suos in unam

1) I. G. IV, 619. Cf. Ross, Rhein. Mus. 1851, p. 128; Kolbe, I. G. V, 1, p. xvii, vs. 138—146.

2) I. G. IV, 1605.

3) Plat. Pelop. 30.

4) Paus. III, 21, 7; 26, 4.

urbem Megalopolin congregare visum est: . . . *παρὰ δὲ Αἰγυτῶν καὶ Σκιριτῶν Οἶον καὶ Μαλέα καὶ Κρῶμνοι καὶ Βελεμίνα καὶ Λεῦκτρον* ¹⁾). Pluribus verbis non opus est: luce clarius est Leuctrum initio anni 369 a Lacedaemoniis ad Arcades defecisse. Quod cum semel factum esset, postea non immutatum esse videtur: anno 228 saltem, cum Leuctrum a Cleomene rege Lacedaemoniorum occupatum est, adhuc Arcadicum erat; cf. Plut. Cleom. 6: *Λεῦκτρα τῆς Μεγαλοπολίτιδος χωρίον*.

Ἀργεῖαι ται. Iter a Caphyis ad Psophida apud Pausaniam (VIII, 23, 8) describitur hoc modo: *ἀνελθὼν δὲ ἐκ Καφυῶν ὅσον σταδίους ἑπτὰ ἐπὶ Νάσους καλουμένας καταβήσῃ· πεντήκοντα δὲ προελθόντι αὐτόθεν σταδίους ἐστὶν ὁ Λάδων. διαβήσῃ τε δὴ τὸν ποταμὸν καὶ ἐπὶ δρυμὸν ἀφίξῃ Σόρωνα διὰ τε Ἀργεαθῶν καὶ Λυκούντων καλουμένων καὶ Σκοτάνης. τείνει μὲν δὴ ὁ Σόρων τὴν ἐπὶ Ψωφίδος . . .* Pro *Ἀργεαθῶν* legendum esse *Ἀργεαδῶν*, ut nominativus esset *Ἀργεάδαι*, nuper coniecit Hillerus ²⁾). Iam si ex titulo Argivo Pausaniam emendare placeat, commode scribi possit: *Ἀργε(ι)ατῶν* ³⁾). Sed nonne reputare nos oportet Pausaniae opus a nostra inscriptione intervallo plus quingentorum annorum distare? Provocabo ad aliud exemplum fere consimile. Secundum Pausaniam in ea parte Arcadiae, quae ad meridiem et orientem spectat, pagus Tegeatarum iacebat, cui nomen erat *Γαρεῖται* ⁴⁾, itemque in eadem regione inter Tegeam et Thyream flumini alicui nomen erat *Γαράτης* ⁵⁾. Idem nomen hoc est neque quicquam apud Pausaniam mutandum, quod propter Fickium ⁶⁾ moneo, qui *Γαρεάτης* pro *Γαράτης* scribendum esse contendit. Multa nomina fluviorum Arcadicorum apud Pausaniam in *-εάτης* exeunt, ut *Ἀσεάτας Βρενθεάτας Γαθεάτας*, sed ex *-εάτας* oriri poterat *-άτας* per contractionem (*εᾱ* = *ᾱ*) ⁷⁾, quam Pausaniae

1) Cf. Hiller de Gaertringen, I. G. V, 2, p. 129, vs. 21 sqq.

2) I. G. V, 2, p. 85, vs. 40 sq. Cf. Angermann, *Fleckeisen's Jahrb.* 1888, p. 6; Grasberger, *Stud. zu den griech. Ortsnamen*, p. 138.

3) Terminatio *-άτης* in Arcadia una omnium frequentissima est.

4) Paus. VIII, 45, 1. Cf. Kiepert, *Form. orb. ant.* XIII, Dg.

5) Paus. VIII, 54, 4 (nomen bis occurrit).

6) Cf. Fick, *Altgriech. Ortsnamen*, Bezzenberger's Beitr. XXIII, 1896, p. 54.

7) Nomen oppidi Mycenarum praeis temporibus non *Μυκαναί*, *Μυκανά*, sed *Μυκανέαι*, *Μυκανέα* fuisse videtur. Cf. I. G. IV, 492 (VI^a saec.), vs. 1 sq.: *Μυκανέαθεν*. Oppidum Arcadicum *Μελαινέας* (Paus. V, 7, 1; VIII, 3, 3; 26, 8) Rhianus (v. Steph.

aetate vulgatissimam fuisse ostendunt nomina virilia Τιμέας, Τιμᾶς, Δημέας, Δημᾶς similia ¹⁾. Iam illud te attente considerare velim, quod in inscriptione Argiva saeculi IIⁱ p. C. n. legitur Γαραθῶν ²⁾. Est sane ista tabula tam difficilis ad interpretandum quam facilis lectu. Sed in praesens saltem nullus video quid esse possit illud Γαραθῶν nisi genitivus nominis Γαρῶθαι, Γαρῶται, Γαρεῶται. Suspicio igitur in Arcadia posteriore aetate in ore vulgari terminationem -ᾶται in -ᾶθαι abiisse. Forsitan idem transitus soni τ in θ reperiatur in nomine loci Ὀρέστειον, Ὀρέσθειον, Ὀρεσθάσιον, quod ultimum aetate Pausaniae praevaluisse videtur ³⁾.

Quatuor locos, qui apud scriptores antiquos commemorantur, omnes Arcadiae tribuendos esse statuimus neque quemquam iam dubitaturum esse credo quin titulus noster Arcadiam spectet, quamvis Argis in foro repertus et Argivo sermone conscriptus sit. Iam operae pretium esse videtur eum ab initio usque ad finem pertractare, ut copiosius in singula inquirere potestas nobis fiat.

Vs. 2: ἐν τῷ ΠΑ —. Tres novimus locos Arcadicos neutrius generis, qui a ΠΑ- incipiunt:

1^o Παριβάσιον (μνήμα). Erat ibi monumentum iuxta viam, quae Gortyne Megalopolin ducebat. Quod cum auctore Pausania (VIII, 28, 4) erectum esse sciamus, ne perfidiae, qua Cleomenes III adversus Megalopolitanos deliquerat, memoria abiret, vetat temporum ratio hoc loco memoratum esse.

2^o Παρθένιον. Ita vocatur mons, qui agrum Tegeatarum ab Argolide dividit ⁴⁾. Plinius quidem (N. H. IV, 20) etiam oppido Arcadico alicui hoc nomen fuisse refert; sed falli eum veri simile est, ut saepissime in talibus rebus erravit.

3^o Παλλάντιον, Maenaliū oppidum pervetustum.

Byz. s. v.) Μελαινάς dixit, Plinius (N. H. IV, 20) *Melaenas*, tabula Peutingeriana *Melenam*.

1) Cf. e. g. I. G. V, 2, 55.

2) B. C. H. 1909, p. 462, col. I, vs. 12.

3) Cf. I. G. V, 2, p. 144.

4) Paus. VIII, 54, 6; Herod. VI, 105; Polyb. IV, 23, 2; Liv. XXXIV, 26, 9.

Sequitur igitur, si modo concedimus loci nomen hic supplendum esse, ut aut de Parthenio aut de Pallantio cogitandum sit, nisi si lateat nomen loci nobis ignoti.

Vs. 3: κοινὰ τῶν ἀ —. Quandoquidem tota inscriptio de Arcadia est, in promptu est supplere: κοινὰ τῶν Ἀ[ρκάδων]. Τὸ κοινὸν τῶν Ἀρκάδων, quod anno 370 conditum est, regebatur imperio contionis decem milium virorum, cui apud Diodorum (XV, 59, 1) nomen est κοινὰ σύνοδος. Etiam alia communia habuisse possunt Panarcades velut sacra delubra certamina. Sic Pausanias (VIII, 53, 3) Tegeae ἐστίν τιν Ἀρκάδων κοινὴν commemorat, quae aedificata fuerit, cum annuae contiones concilii Arcadici, quia Megalopolis nondum exstructa erat, Tegeae habebantur¹⁾; sin minus, antiquissimam eam fuisse necesse est, quod Tegea non post medium VI^{um} a. C. n. saeculum principatum in Arcadia sibi vindicare potuit.

Vs. 4: Κιθάρι[ον]. Nomina huius similia inveniuntur haecce: Κιθάριον ὄρος, mons in Macedonia situs²⁾, Δημήτηρ Κιθαρία Phenei culta,³⁾ Κιθαιρών. Horum nullum inter nomina geographica, quibus stirpem Graecis antiquiorem tribuit, recenset Fickius⁴⁾. Iam Κιθαιρών alium explicatum habet, cetera haud scio an inter se cognata esse possint. Fluxerint forsitan ex voce κίταρις sive κίδαρις⁵⁾, quae Graeca potius quam Persica esse mihi videtur. Saltatio Arcadica, quae κίδαρις dicebatur⁶⁾, mea sententia erat saltatio, in qua frontem fascia redimebant, Ceres Κιδάρια erat persona diademata, Κιθάριον Macedonicum et Κιθάριον Arcadicum fuerint montes, quorum formae taeniis comparabantur⁷⁾. Simili ratione Atticum promontorium Ζωστήρ, arx Picena Cingulum dicta est. Cf. vs. 6: Στεφάναν.

Vs. 5: ῥηχμόν = ῥηγμόν, fissuram, abruptum, ut ῥωχμός = ῥωγμός. Cf. inscr. Epidauri initio saec. IVⁱ tribuenda, I. G. IV, 1484, vs. 253: φάρχηματα; vs. 296, 303: παρδείχματος; vs. 251:

1) Cf. I. G. V, 2, p. 4, vs. 28—37.

2) Ptol. III, 12, 16; Strab. VII, frg. 14 sq. IX, p. 441.

3) Paus. VIII, 15, 3.

4) Fick, Vorgriech. Ortsnamen; Hattiden und Danubier.

5) Cf. Hesych. et Suid. s. v.

6) Ath. XIV, p. 681, d.

7) Cf. Fick, Bezzenberger's Beitr. XXI, 1895, p. 244.

παρδειχμάτων ¹⁾. Ambigi potest sitne *βηχμός* nostro loco substantivum an nomen loci.

Vs. 6. Idem de voce *στεφάνα* dicendum est, quippe qua fasciae et coronae, deinde montium apices et cacumina designantur. Cf. S.G.D.I. 5060, vs. 59 sq. 63, 67: *ἐς τὰν στεφάναν*; 5075, vs. 65: *ἄ αἱ στεφάναι*. Hodie Lycaeī culmini, quod septentrioni proximum est, nomen est *τὸ στεφάνι* ²⁾. Cf. S.G.D.I. 5075, vs. 53, Deiters, De Cret. tit. publ. p. 35: *ἄ ἂ ταινία*.

Vs. 7: [*ἐ*]νς τὸ τοῦ Πολεμο ——. Cf. vs. 16: [*ἐ*]νς τὸ τοῦ Ἑρμῆος, *ἐνς τὸ τοῦ Λυ* —, vs. 18: *ἐνς τὸ τοῦ* —, vs. 24: *ἐνς τὸ τοῦ Πανός*. His locis omnibus sana sacellave designari manifestum est. Sequitur, ut Πολεμο —— initium nominis herois sit, cumque unum tantum inter heroes Graecorum norimus, cuius nomen hoc modo incipiat, non dubium esse videtur, quin de Polemocrate, Machaonis filio, loquatur titulus. Audi Pausaniam II, 38, 6 sq.: *ἀπὸ δὲ τῶν πολυανδρίων ἰόντι Ἀθήνη τέ ἐστιν, ἐν ᾗ Αἰγινῆται ποτε ὤκησαν, καὶ ἑτέρα κώμη Νηρίς, τρίτη δὲ Εὐα, μεγίστη τῶν κωμῶν, καὶ ἱερὸν τοῦ Πολεμοκράτους ἐστὶν ἐν ταύτῃ. ὁ δὲ Πολεμοκράτης ἐστὶ καὶ οὗτος Μαχάονος υἱός, ἀδελφὸς δὲ Ἀλεξάνορος, καὶ ἰᾶται τοὺς ταύτῃ καὶ τιμὰς παρὰ τῶν προσοίκων ἔχει. ἀνατείνει δὲ ὑπὲρ τὰς κώμας ὄρος Πάρνων καὶ Λακεδαιμονίων ἐπ' αὐτοῦ πρὸς Ἀργείους ὄροι καὶ Τεγεάτας εἰσὶν· ἐστήκασι δὲ ἐπὶ τοῖς ὄροις Ἑρμαῖ λίθου καὶ τοῦ χωρίου τὸ ὄνομά ἐστιν ἀπ' αὐτῶν* ³⁾. Praeterea legitur apud Stephanum Byzantinum: *Εὐα· πόλις Ἀρκαδίας· Θεόπομπος ἐν ἔκτῳ· τὸ ἔθνικόν Εὐαῖος*: unde efficitur Evam aliquando Arcadiae contributam fuisse. A(n)thene quoque apud eundem Arcadiae attribuitur: *Ἀνθάνα... Ἀρκαδίας πόλις*, itemque Thyreatida et Cynuriam ab Arcadibus sibi vindicatas esse ostendit scholion corruptum in Dion. Perieg. 415 ⁴⁾,

1) Cf. Hanisch, De tit. Argol. p. 51, 3, α; Brugmann-Thumb, Griech. Gramm. § 185, 1.

2) Bursian, Geogr. von Griech. II, p. 235.

3) Vide ne heros Polemocrates non alius sit atque Aesculapius ille, qui apud Ciceronem (de nat. deorum, III, 57) secundus est, Ischyis et Coronidis filius, qui -dicitur humatus esse Cynosuria". Cf. Iydas, de mens. IV, 90: *δεύτερος (Ἀσκληπίος) Ἰσχύος τοῦ Ἑλάτου καὶ Κορωνίδος, (ὅς ἐν τοῖς Κυνοσουρίδος) ὁρίοις ἐτάφη*. Cf. W. Bobeth, De indicibus deorum, diss. Lips. 1904, p. 72. Aliter Hillerus, I.G. V, 2, p. ix, vs. 73; cf. p. 125, vs. 55 sqq.

4) Geogr. Graec. Min. II, p. 447.

ex quo haec adferre satis est: Ἐλατος μὲν (Arcadis filius) ἔλαχε μῦθον Ὀρχομενόν, Μαντίνειαν καὶ τὴν Κυνουρικὴν, ἣτις Θυρέα καὶ Ἀνθήνη καὶ τὰ περὶ τοὺς καλουμένους Πραΐτους. Itaque non est cur mireris fanum Polemocratis, quod Pausaniae aetate in Thyreatide Argolica haud procul a finibus Tegeatarum iacebat, in titulo nostro in Arcadia, vel fortasse in ipso confinio Arcadiae et Thyreatidis collocari. De situ Evae hodie ambigitur. E loco Pausaniae supra adlato efficitur tantum eam in radicibus aut in latere orientali montis Parnonis iacuisse, cui hodie Malevo nomen est. Inter viatores hodiernos, qui hanc regionem perlustraverunt, Ernestus Curtius ¹⁾ Evam in vicinia vici, cui Hagios Petros nomen est, recte quaesivisse mihi videtur ²⁾.

Vs. 9: ἐνς τῷ ν συνροάν. Spatium lacunae metienti mihi quinque fere litterae excidisse visae sunt. Atque primo, cum dicat Pausanias haud procul a fano Polemocratis Arcades Lacedaemoniorum et Argivorum fines contingere, in mentem venit restituere: ἐνς τῷ[ν ὥρω]ν συνροάν. Sed voce, quae est συνροά, potius fluviorum confluentes designari patet. Supplevi igitur: ἐνς τῷ[ν ὑδάτ]ων συνροάν, eum locum hic significari suspicatus, qui apud Pausaniam (VIII, 54, 1) Σύμβολα, hodie autem Kryavrysis dicitur ³⁾. Rivus montanus, qui in Parnone prope a vico Sancti Petri ortus apud Kryavrysin in flumen, quod hodie Sarrantapotamos dicitur, influit, Lacedaemonios et Tegeatas dividebat. Cf. inscriptionis de confinio Meliteae et Pereaee ⁴⁾ vs. 11 sq.: τοῦ Σκαπεταίου καὶ τοῦ Εὐρωποῦ ἐν τὰν συμβολάν. S. G. D. I. 5016, vs. 12; 5075, vs. 51, 61, 63; B. C. H. 1910, p. 331, vs. 8 sq: ἔ ὕδωρ βεῖ.

Cum in fine versus spatium vacuum conspiciatur, legi non potest: ὥρω[ν]. Sequitur ut ὥρω nominativus dualis sit, ad quem mente supplendum foret: ἐστόν. Cf. vs. 11: — — κλα ἄλλος ὥρος; S. G. D. I. 5075, vs. 70 sq.: οἱ ὄροι οἱ ἐς τὸν βορέαν ἔχοντες.

E prisca voce ὄρος apud Iones οὔρος, apud Atticos ὄρος fluxit, apud Argivos vero (cf. vs. 10, 11, 22), sicut apud Creten-

1) Curtius, Peloponnesos, II, p. 383.

2) Evae nomen quid significet nescimus. Idem nomen erat monti Ithomae proximo (Paus. IV, 31, 4).

3) Paus. ed. Frazer, vol. IV, p. 444.

4) Michel, Recueil d'inscr. grecques, 22; Dittenberger, Syll. 425.

ses ¹⁾, ὄρος. Quanta sermoni Argivo cum Cretensi similitudo sit, non semel statui.

Vs. 10: [ἐ]κ τῶν Αὐλίων. Locus ignotus est. Cf. Ael. de nat. anim. XI, 6: ἐν Ἀρκαδίᾳ δὲ χώρα ἐστὶν ἱερὸν Πανός· Αὐλὴ τῇ χωρίῳ τὸ ὄνομα. Locus ille forsitan idem sit, quem Stephanus Byzantinus Αὐλὴν dicit: Αὐλὴ· πόλις Ἀркаδίας· Ἀλέξανδρος δευτέρῳ περὶ Λυκαρείας. τὸ ἐθνικὸν Λυλαῖος. Sed Αὐλία nostrae inscriptionis eadem esse atque Αὐλὴν Aeliani veri simile non est aut saltem idoneis argumentis demonstrari non potest.

ἐπι[πολ]ᾶ. Inter ἐπι et ΑΙ interest spatium trium litterarum. Harum primam probabiliter efficitur π fuisse, secundam, quae tota periit, affirmare licet non fuisse ΑΛΔ, tertia fuit Α aut Α. Ἐπιπολᾶ idem hoc loco significare sumo atque ἐπιπολῆς, supra, quam vocem praepositionis loco ab Ionicis Atticisque scriptoribus usurpari notum est ²⁾.

Vs. 11: τὰ δ' ἐπ' ἀ[ρ]ῶ τούτου ὄρος Ποι —, inde terra quae ad orientem spectat est pagus Poe —.

Vs. 12: Τραγευρίων. Cf. Εὐρίππα, cognomen Dianae, quae Phenei colebatur (Paus. VIII, 14, 5). Suffixum -ιον-, quod in nominibus locorum apud Graecos haud frequens est ³⁾, in Arcadia reperitur in nominibus quae sunt: Βελεμίνι, oppidum Sciritidis, Ὀστρακίνα, mons in agro Mantinensi, Πωρίνας, flumen aut mons in confinio Phenei et Pellenes.

Vs. 12 sq. 15: Μελεάγρειον. Μελεάγρειον hoc non procul a Scopa situm fuisse apparet e vs. 15. Neque dubium est quin in agro Tegeatarum iacuerit: hoc enim indicat ipsum nomen Meleagri. Tegeae in templo Minervae Aleae ostendebantur dentes pellisque apri Calydonii ⁴⁾ traditque Pausanias (VIII, 45, 6) Scopam in fastigio aedis orientali heroes aprum venantes effinxisse; quod idem hodie reliquiae servatae testantur. Iam utrum Μελεάγρειον inscriptionis nostrae sacellum Meleagri an vicus an

1) S. G. D. I. 5016, 12; 5024, 20, 22; 5060, 59.

2) Herod. I, 187; IV, 201; Thuc. VI, 96; Arist. Plut. 1205, Eccl. 1108.

3) Fick, Bezenberger's Beitr. XXIII, 1897, p. 221.

4) Call. hymn. in Dian. 219, Paus. VIII. 47, 2. Dentes abstulit Augustus (ibid. 46, 1) eosque Romae in templo Bacchi in hortis exposuit (ibid. 46, 5). Horum unus aetate Pausaniae supererat. Qui cum tres fore pedes (ἡμισυ ὀργυίας) longus esset, dentem elephantis primigenii fuisse conicio.

mons collisve fuerit, ambigi possit. Varias enim sententias habere possunt nomina per suffixum *-ειον* a nominibus heroum ducta. Sic in litore prope ab oppido Rhoeteo erat Αἰάντειον . . ., μνημα καὶ ἱερὸν Αἴαντος καὶ ἄνδριάς (Strab. XIII, p. 595), Aeginae τὸ Αἰάκειον καλούμενον, περίβολος τετράγωνος λευκοῦ λίθου (Paus. II, 29, 6). Contra Θοάντειον Rhodi, Κοιράνειον Pari, Αἰάντειον Magnesia, Λευκόθειον Ciliciae promontorium erat. Sed, utut est, nomen quod est Μελεάγειον ostendit Meleagrum apud Tegeatas herois loco cultum esse. Atque hunc cultum non IV^o demum saeculo institutum esse posse consentaneum est: imo antiquitus Tegeae heros alienigena Arcadicae heroinae Atalantae iunctus est. Hucusque credebatur primum Euripidem Meleagri et Atalantes amores machinatum esse, neque ipse aliter censebam ¹⁾. Quod nunc non ita habere demonstratum est. Etiam Atalantes filium Parthenopaeum non e Milanione, sed e Meleagro natum esse (Hyg. fab. 70, 99 sq. 270) iam non est, cur a poetis aetatis alexandrinae de nihilo fictum esse arbitremur. Tegeatarum hae fabulae sunt, eaeque antiquissimae, sed nonnisi raro ab uno et altero poeta receptae esse videntur.

Quod sciamus, Meleager nusquam alibi in Graecia ut heros adorabatur. Nonne ergo veri simile est signum Meleagri, quod Scopae summo iure tribuitur ²⁾, in fano eius prope a Tegea consecratum fuisse ³⁾? Illud quoque paulo audaciore coniectura augurari possis Augustum id simul cum apri dentibus et eburneo simulacro Minervae Aleae, nobilissimo Endoei opere ⁴⁾, Romam abstulisse. Hoc si verum sit, statim intellegamus, quomodo factum sit, ut Romae tot artifices Meleagri signum sibi imitandum et in marmore exprimendum sumpserint. Augustum eo consilio Tegeatas spoliasse dicit Pausanias, ut Arcades ulcisceretur, qui, exceptis Mantinensibus, omnes Antonii rebus favissent. Idem civitatibus, quarum delubra Antonius exspoliaverat, simulacra numinum abrepta reddidisse traditur (Strab. XIII, p. 595).

Vs. 13: [τῷ συντ]έμον. Vides requiri substantivum masculini

1) Nikander und Ovid, I, p. 53.

2) Graef, Röm. Mitt. 1889, p. 218 sqq.

3) Cf. Furtwängler, Meisterw. p. 526, 2: Es liegt nahe zu vermuten, dass der Meleager des Skopas einst in Tegea stand.

4) Paus. VIII, 46, 1; 4 sq.

generis in -ομος exiens, quod significet: *iter, via*. In vulgari sermone posterioris aetatis *δρομος* hac vice fungitur, sed hanc vocem iam saeculo IV^o a. C. n. ita usurpari posse negaverim. Cum vero apud Herodotum Xenophontem Aristotelem *viae compendiariae* dicantur *σύντομοι*, idem vocabulum hic restituere ausus sum. Apud scriptores quidem *σύντομος* (*ὁδός*) nusquam masculini, sed feminini generis esse videtur ¹⁾, sed hic fortasse mente suppleri potest *στίβος, τριμμός* vel tale quid.

Vs. 14. Videtur fuisse aut [*ἄν*]ω, vel [*ἐπάν*]ω, aut *κάτω τῆς ὁδοῦ. ὄρος Ἐπινώιον, pagus supra fluvium Νοῦν situs*. Auctor est Pausanias (VIII, 38, 9) *Νοῦν* influere in *Alpheum*. Ceterum cum *νοῦς* (quod apud *Dores* etiam *νῶς* fuerit, sicut nonnumquam *βῶς* dicebant pro *βοῦς*) nihil aliud significet nisi: *amnis, flumen* ²⁾, etiam aliis rivis Arcadicis hoc nomen fuisse potest. Hoc loco unum e rivis, qui a *Maenalo* in *Helissonta* influunt, significari coniecero. Cf. *Ἐπικηφισία*, pagus Atticus, *Ἐπιδήλιον*, *Ἐπιζεφύριον*, *Παρασώπιοι*, *Παραποτάμιοι* etc. ³⁾.

Vs. 14, 21: *ἔ ὅρισται, qua termini (ὄροι) positi sunt*.

Vs. 16: [*ἐνς τὸ τοῦ Ἐρ*]μᾶνος; ⁴⁾. Mercurium Arcadum deum clarissimum

Κυλλήνης μεδέοντα καὶ Ἀρκαδίας πολυμήλου

tot locis ab Arcadibus cultum esse constat, ut dici non possit, ubi hoc templum eius iacuerit.

ἐνς τὸ τοῦ Λυ —. Suppleri possit: *ἐνς τὸ τοῦ Λυ[καίου Διός]*. Sed cum vs. 15 *Scopa*, vs. 19 *Argeatae* in agro *Clitorio*, vs. 24 *Trapeza* nominetur, concluderis nomen celebris fani in *Lycaeo* hic non restituendum esse. Obici tamen potest *Iovem Lycaeam* apud *Arcades* etiam aliis locis cultum esse. Sic in foedere *Megalopolitanorum* et *Messeniorum* saec. IIⁱ ⁵⁾ (vs. 29, cf. vs. 69, 71) delubrum quoddam *Iovis Lycaei* in confinio *Arcadiae* et *Messeniae*

1) Cf. etiam Herod. I, 185; IV, 186; τὰ σύντομα τῆς ὁδοῦ; Xen. Cyn. 5, 17: τὰ σύντομα.

2) Cf. Fick, Bezzenberger's Beitr. XXII, 1896, p. 48, 64; XXV, 1899, p. 116; van Herwerden, Lex. suppl. s. v.

3) Cf. Fick, l.l. XXIII, 1897, p. 227 sq.

4) Genitivus *Ἐρμᾶνος* legitur etiam in inscriptione antiquissima in agro *Tegeatarum* reperta (I. G. V. 2, 95), in titulo *Pheneatico* saec. Vⁱ (ibid. 360), in lateribus coctis *Megalopoli* repertis (ibid. 469, 1, a).

5) Dittenberger, Inschr. von Olympia, 46; I. G. V, 2, p. xxvii.

commemorari videtur. Cf. quoque Paus. VIII, 53, 11: ἐκ Τεγέας δὲ ἰόντι ἐς τὴν Λακωνικὴν ἐστὶ μὲν βωμὸς ἐν ἀριστερᾷ τῆς ὁδοῦ Πανός, ἐστὶ δὲ καὶ Λυκαίου Διός· λείπεται δὲ καὶ θεμέλια ἱερῶν. 30, 2: περίβολος δὲ ἐστὶν ἐν ταύτῃ (i. e. Megalopoli in foro) λίθων καὶ ἱερὸν Λυκαίου Διός. Res incertior fit eo, quod etiam Lycurgi nomen restitui potest. Lycurgus Alei filius procul dubio apud Tegeatas colebatur. Cf. schol. Apoll. Rhod. I, 164, ubi Arcades Lycurgo τὰ Μώλεια celebrare dicuntur.

Vs. 17: [τ]ὸν Δαμάανδρον. Locus est, cui ipsum nomen herois, qui ibi colebatur, inditum est. Huius rei exempla conguessit Pickius¹⁾. Unum ex ipsa Arcadia petitum adferre satis habeo. Pausania (VIII, 12, 2) auctore, haud procul a Methydrio πεδίον τε ὀνομαζόμενον Ἀλκιμέδων καὶ ὑπὲρ τοῦ πεδίου τὸ ὄρος ἐστὶν ἡ Ὀστρακίνα, ἐν δὲ αὐτῷ σπήλαιον, ἐνθα ᾤκησεν Ἀλκιμέδων, ἀνὴρ τῶν καλουμένων ἥρώων.

Sigma inter duas vocales positum et hic et infra vs. 21 in Ὀνχινιάειον suppresserit Argivus, qui haec scripsit. Nam huius rei exempla licet in cognata Cypria dialecto inveniantur, in sermone Arcadico deesse videntur.

Δυσπορ[ίαν]. Cf. στενοπορία; Πόρος, 1^o pagus Atticus, 2^o locus in Sicilia. V. ad vs. 19.

Vs. 18: ὀχετόκρανον. Cf. Pollux, X, 30: ὀχετόκρανα δ' ἂν εἴποις τὰς τῶν ὀχετῶν ἀρχάς, ὡς Ὑπερίδης ἐν τῷ περὶ ὀχετοῦ.

Vs. 19: Κλάθροις. Κλᾶθρα, κλεῖθρα (apud Graecos, qui nunc sunt, κλισούρα) sunt *claustra*, *fauces*, *angustiae*. Cf. Strab. IX, p. 428 (de Thermopylis): τῶν κλεῖθρων ἐκυρίευσεν τῶν περὶ τὰ Στενά. III, p. 152: τοῖς δὲ τοῦ ποταμοῦ κλεῖθροις²⁾ ἐπετείχισε τὴν Ὀλυσιπῶνα. Cum e nomine Ἀργειατᾶ[ν] effecerimus de pagis in agro Clitorio hic agi, forsitan non indignum adnotatu sit nomen Κλήτωρ sive Κλείτωρ idem fere significare. Arx Clitoris in valle non ita lata aedificata liberum commeatum *intercludebat*³⁾. Fieri tamen omnino non posse censeo ut Argivi nomen Arcadicum Κλήτωρ in Κλᾶθρα transformarint. Sed operae pretium est con-

1) Bezenberger's Beitr. XXI, 1895, p. 286; XXIII, 1897, p. 242 sq.

2) Codd. πλᾶθροις, emend. Meinekios Carolus Mueller Madvigius.

3) Cf. I. G. V, 2, p. 85, vs. 45 sqq. Paus. VIII, 21, 3: οἰκεῖται δ' ἐν ὀμαλῇ, κύκλῳ δὲ ὕρην περιέχοντα οὐ μεγάλη.

ferre locum Pausaniae (VIII, 21, 1), quo haud procul ab oppido Clitore angustum alveum fluminis esse tradit: τοῦ Λάδωνος δὲ τῶν πηγῶν ἀπέχει στάδια ἐξήκοντα ἢ Κλειτορίων πόλις· ἢ δὲ ὁδὸς ἢ ἀπὸ τῶν πηγῶν τοῦ Λάδωνός ἐστιν αὐλῶν στενὸς παρὰ τὸν Ἀροάνιον ποταμόν. Hanc viam flumenque Aroanium, cui hodie Katsana nomen est, testis oculatus describit Frazerius ¹⁾, cuius haec sunt verba: „... Soon the valley contracts to a defile through the protrusion of the hills on either side ...”. Accedit quod locus Ἀργεῖται, cuius nomen in inscriptione continuo sequitur, non magno intervallo a Ladone et Aroanio distabat.

Plane simili loco nomen Δυσπορ[ταν] fuisse consentaneum est. Quapropter, licet pro certo nihil affirmari possit, non omittenda esse duco ea quae Frazerius de alteris angustiiis scripsit, in quas alveus Aroanii inter Lusus et Clitora contrahitur. Audi ipsum l.l. p. 264 sq.: „After traversing the upland plain of Soudena ... the river enters a defile at the southeastern corner of the plain. Through this defile ... the Aroanium and the road to Clitor run side by side ... Farther on, the glen contracts into a deep rocky gorge between steep mountains ...” In eadem regione Arcadiae sunt etiam angustiae Ladonis prope a vico Divitsa, de quibus cf. Frazerius l.l. p. 288 sq.

Vs. 20: Λιθάμαντος. Eandem terminationem habet nomen Triphyliae fluminis Ἀκιδαντος ²⁾.

Vs. 21: ὄρος Ὀνχινιάδων. Nomen ductum est a substantivo quod est ὄγχνεια, ὄγχνη, ὄγχνην, *pirus*. Simili modo vicus Ladoni adiacens nominatus fuerat Λευκάσιον (Paus. VIII, 25, 2) et flumen valli Stenyclericae vicinum Λευκασία (Paus. IV, 33, 3) a λεύκη, *populus*. Cf. Paus. VIII, 18, 8: τὴν Ἀρτεμιν ταύτην Ἡμερασίαν καλοῦσιν οἱ Κλειτόριοι ³⁾; 36, 4: Μεθυδρίου δὲ ὡς τριάκοντα ἀπέχει σταδίου; Νυμφασία πηγὴ. Cf. Ὀρεσθάσιον, Παραιβάσιον (μνήμα), Φλειάσιον, Κορυφάσιον, Αἰπάσιον πεδίον.

Vs. 24. Fuerit: τᾶς ἐνς τὸ τοῦ Πανδὸς πο[τ]ε τὸν δεῖνα τόπον ὁδοῦ ἐπὶ δεξιᾷ vel tale quid. Cf. vs. 13.

1) Paus. ed. Frazer, vol. IV, p. 263 sq.

2) Cf. Aræthus in schol. Townl. ad II. IV, 319; Paus. V, 5, 8,

3) Non probatur mihi coniectura Adolphi Wilhelm, qua legi iussit: τὴν Ἀρτεμιν ταύτην Ἡμέραν καλοῦσι καὶ ἀγῶνα Ἡμεράσια ἔχουσιν οἱ Κλειτόριοι (Oesterr. Jahresh. 1901, p. 83).

τὸ τοῦ Πανός. Quoniam hoc delubrum non procul a Trapeza situm fuisse declarat titulus, fieri potest ut sit celebre fanum Panis Lycaeī (Paus. VIII, 38, 5), quod inter duo cacumina iacuisse scimus, quorum hodie alteri St. Elias vel Diaphorti, alteri Stephani nomen est.

Vs. 25, 27: Αἰετοῦ Ἑλά. Ἑλά est ἐλλά, ἐδ-λά, *sella, sedes*. Cf. Hesych. ἐλλά· καθέδρα, Λάκωνες εἰς: κασέ(λ)α· καθέδρα ¹⁾. Diximus Leuctrum usque ad annum 370—369 *Iaconicum* fuisse. Iam nonnisi monti alicui praealto huiusmodi nomen fuisse veri simile est ²⁾. Leuctrum igitur si recte ibi fere collocetur, ubi nunc oppidulum Leondari iacet, forsitan Αἰετοῦ Ἑλά dictus fuerit mons, cui hodie nomen est Hellinites quemque antiquum nomen adhuc servare dixerit quis barbara terminatione maculatum.

Vs. 26: τὸ Κερκύριον. Hoc nomen in Arcadia adhuc ignotum erat, sed apud Pausaniam (VIII, 41, 3) occurrit τὸ Κεραύσιον ὄρος, de quo haec ipsius verba sunt: εἰσὶ δὲ αἱ πηγαὶ τῆς Νέδας ἐν ὄρει τῷ Κεραυσίῳ· τοῦ Λυκαίου δὲ μοῖρά ἐστι. Hunc montem eruditorum maior pars haud procul a Bassis septemtrionem aut septemtrionem et orientem versus iacere censent ³⁾. Quod minime certum est. Licet enim verum sit Nedam etiam a septemtrione aquas Lycaeī accipere ⁴⁾, non minus tamen recte contendī potest fontes eius esse sub monte Τετράγι ⁵⁾, qui iugo cum Lycaeō coniunctus est ⁶⁾. Libenter equidem Leakio ⁷⁾ adstipulor, qui Κεραύσιον Pausaniae montem Τετράγι esse intellexit. At nunc montem Τετράγι Νόμια ὄρη esse autumant. Alius rursus hic error est. Pausanias enim, ubi Lycosuram describit, de montibus circumiacentibus loquitur hoc modo: ἐν ἀριστερᾷ δὲ τοῦ ἱεροῦ τῆς Δεσποίνης τὸ ὄρος ἐστὶ τὸ Λύκαιον (VIII, 38, 2) ... τῆς Λυ-

1) Cf. Fick, Zeitschr. für vergleich. Sprachforsch. 1914, p. 113.

2) Hodie quoque in Graecia compluribus montibus altis nomen est Ἀετοφωλιά.

3) Cf. Paus. ed. Hitzig Blumner, vol. III, p. 264; Kiepert, Form. orb. ant. XIII.

4) Cf. Strab. VIII, p. 348: τὸ τῆς Νέδας βεῦμα λαβρὸν ἐκ τοῦ Λυκαίου κατιόν; Hiller de Gaertringen et Lattermann, Hira und Andania, p. 14.

5) Cf. Baedeker, Grèce, 1910, p. 413.

6) Paus. ed. Frazer, vol. IV, p. 389: "A long and rugged ridge connects it with Mt. Lycaeus (Diaphorti) on the north." Mons Τετράγι distat a Lycaeō chiliom. IX.

7) Leake, Travels in the Morea, II, p. 10 sq.: "The proper Neda was that which has its origin in Mount Τετράσι. Hence also it appears that this mountain was the ancient Cerausium."

κοσούρας δὲ ἔστιν ἐν δεξιᾷ Νόμια ὄρη καλούμενα (38, 11). Ex his, si quae auctori fides est, efficiendum est, cum Lycaeum a septemtrionibus iaceat, Νόμια ὄρη a meridie iacere ¹⁾. Oritur iam quaestio subdifficilis, quomodo nomen Κεραύσιον sit explicandum. Κεραύνια ὄρη multis locis in antiqua Graecia cognoscebantur, Κεραύσιον hoc uno loco in codicibus Pausaniae legitur. Fickius ²⁾ Κεραύσιον aut a κέρας ductum aut idem significare atque Κεραύνιον suspicatus est. Hoc si verum sit, aut si forte nomen apud Pausaniam corruptum sit, Ceraunius noster non diversus a Cerausio Pausaniae fuerit. Ceraunium montem in inscriptione nostra pago Leuctrico attributum fuisse paene certum est, siquidem limes eius pagi, qui vs. 25 ab Αἰετοῦ Ἐλά orditur, vs. 27 rursus in Αἰετοῦ Ἐλάν terminari videtur. Modicum spatium, quo Leuctrum et mons Tetragi inter se distant ³⁾, non impedit quominus ambo unius pagi limite contenta fuerint.

ἐπ' Ὀνον. Nomen montis hoc esse dixerim. Cf. Ὀνειον, Ὀνεια ὄρη prope a Corintho.

Vs. 28: — υλίσταν κράναν. Cf. vs. 30: Αὐκλεία[ς], Steph. Byz.: Φορίεια· κόμη Ἀρκαδίας. τὸ ἐθνικὸν Φοριαεύς, ὡς Ἐφορος ἐν τῇ ἔκτῃ τῶν ἱστοριῶν. Vix probanda est coniectura Hilleri, qui apud Stephanum legendum esse suspicatus est: Φορβεία, Φορβαεύς ⁴⁾.

Vs. 30: [ἐν] τὰν Σκοπάν. Numne verisimile est eundem hunc locum esse quem vs. 15 offendimus? Ut in plerisque Graeciae regionibus, sic maxime in Arcadia saepe eadem nomina locorum bis terve occurrere videmus. Σκοπή et alibi nominis loci vice fungitur ⁵⁾, sed etiam substantivum esse potest, ut S. G. D. I. 5075, vs. 58 ⁶⁾: ἐς τὰν σκοπάν. Etiam vs. 23 restituere possis: [τὰν σκο]πάν τὰν ὑπὲρ τᾶς ὁδοῦ.

De nomine Αὐκλεία quomodo iudicandum sit videant alii.

1) Cf. Paus. ed. Frazer, vol. IV, p. 389.

2) Bezenberger's Beitr. XXI, 1895, p. 250. Omitto somnia Grasbergeri (Stud. zu den griech. Ortsnamen, p. 133).

3) Intervallum est chiliom. XVIII. Cf. Hiller de Gaertringen et Lattermann, Hira und Andania, tab. I.

4) I. G. V, 2, p. 169.

5) Plin. N. H. V, 31, 35; Ptol. IV, 5, 14.

6) Cf. Deiters, De Cret. tit. publ. p. 35.

Apud Arcades *εσι* in *ισι* abire posse docet I. G. V, 2, 96: ἀπυδίσ*ι* i. e. ἀποδέ*ι*σι. V. supra ad vs. 28.

Vs. 31. Incertum utrum scribendum sit: Κώπ*ι*ον an: -- κώπ*ι*ον. Cf. Κῶπαι, oppidum Boeotium, et I. G. V, 2, 249:

Δαμαινέ[τ]

Κω --

ubi Hillerus restituit Κῶ[ος] vel Κῶ[α]. Fortasse supplendum: Κω[πιεύς].

ἀπὸ τοῦ λάκκου. In titulo Olympiae reperto, quo confinium Megalopolitanorum et Thuriensium terminatur, item stagni alicuius mentio fit ¹⁾. Idemne hoc sit an aliud nemo nunc dixerit. Cf. S. G. D. I. 5060, vs. 60, 64, 67: ἐπὶ τὸν λάκκον.

Rationibus subductis, pro certo statuimus vs. 7—15 ad Tegeatida, vs. 19 ad agrum Clitorium, vs. 24—27 ad Parrhasiam et Aegyptim pertinere. Inde a verbis Πλατὺ ὄρος (vs. 27) nescimus de qua parte Arcadiae agatur. Aetatem, cui inscriptio tribuenda est, certo argumento aliquatenus circumscribere licet: cum enim Leuctrum hic inter oppida Arcadica compareat, apertum est eam anno 370 posteriorem esse; neque multo recentior rem esse formae litterarum indicare videntur. Reliquum est iam, ut generaliter definiamus, qua de re in ea agatur. Censeo hic in novos pagos dividi territorium illarum civitatum Arcadicarum, quibus brevi post pugnam Leuctricam in unius populi corpus coalescere et communi consilio urbem Megalopolin condere visum est. Quibusnam autem civitatibus haec initio placuerint, discimus e notissimo quodam Pausaniae loco (VIII, 27, 2 sq.). Primum enim ibi enumerantur viri, qui conditores novae urbis designati fuerant; quos oriundos esse videmus e Tegea Mantinea Clitore Maenalo Parrhasia. Deinde recensentur oppida, quae utpote obscuriora deserere placebat, ut incolae in una moenia convenirent: haec iacuisse apparet in Maenalo Eutresia Aegyti Sciriti Parrhasia Cynuria agro Orchomenio Tripoli. Sequitur ut foederis Arcadici participes fuerint hae civitates regionesque: Orchomenus Mantinica Tegeatis Sciritis Maenalus Eutresia Parrhasia Aegyptis Cynuria Tripolis Clitor. Atque hac in re Pausaniae fides habenda

1) I. G. V, 2. p. xxvii, 80: ὅφ' ἔστιν ὁ λάκκος.

est, quoniam alio loco se haec hausisse indicat e decreto concilii Arcadici ¹⁾, quod eum in cuiusdam Ἀρκαδικῶς reperperisse coniecerim. Fieri tamen potest ut iam eo tempore, quo decretum illud factum est, etiam aliae civitates Arcadicae foederis participes fuerint, nam sicut non ex omnibus regionibus conditores electi sunt, ita etiam non est cur in unaquaque regione necessario unum plurave oppida deserta esse sumamus ²⁾. Iam post mortem Epaminondae secus accidisse scimus: divulso foedere, periit libertas malisque civilibus et externis Arcades affecti sunt ³⁾. Sed hoc nunc nihil ad rem: quaerimus quid decretum sit, cum foedus constituebatur. Comparanti autem locos, quorum in titulo mentio fit, cum regionibus, quarum nomina e Pausania composuimus, apparebit tibi illos omnes his contineri; qua in re maximè animadversione dignum est, quod ager Clitorius utrobique commemoratur ⁴⁾.

Facile perspicitur fines novi foederis duabus de causis in novos pagos dividendos fuisse. Primum enim cavendum erat ne communis civitas rursus in vetera conventicula dilaberetur, deinde ante omnia infringi oportebat potestatem optimatum, Spartanorum sodalium, ut respublica popularis diu exoptata tandem aliquando constitueretur et firmiter stabiliretur ⁵⁾. Quis non meminit praeceptorum Aristotelis: *ἔτι δὲ καὶ τὰ τοιαῦτα κατασκευάσματα χρήσιμα πρὸς τὴν δημοκρατίαν τὴν τοιαύτην, οἷς Κλεισθένης τε Ἀθήνησιν ἐχρήσατο βουλόμενος αὐξῆσαι τὴν δημοκρατίαν, καὶ περὶ Κυρήνην οἱ τὸν δῆμον καθιστάντες. Φυλαὶ τε γὰρ ἕτεραι ποιηταὶ πλείους καὶ Φρατρίαι, καὶ τὰ τῶν ἰδίων ἱερῶν*

1) Paus. VI, 12, 8: τὰς δὲ ἐξ ἀρχῆς τε ὑπὸ ἀσθενείας ἀφανεστέρας (πόλεις) καὶ δι' αὐτὸ ἀνοικισθείσας εἰς Μεγάλην πόλιν περιέχει σφᾶς γενόμενον τότε ὑπὸ τοῦ Ἀρκάδων κοινοῦ δόγμα. Cf. VIII, 27, 5: τὸ μὲν δὲ ἕλλο Ἀρκαδικὸν οὔτε τι παρέλυσεν τοῦ κοινοῦ δόγματος καὶ συνελέγοντο εἰς τὴν Μεγάλην πόλιν σπουδῇ ...

2) Foederis Arcadici etiam cives Heraeae Telphusae Stymphali Leprei Lasii participes facti sunt.

3) Cf. Isocr. Archid. 64—68.

4) Postquam titulus inventus est, initio de agro Megalopolitano in pagos dividendo agi arbitrabar (cf. Museum, Oct. 1912, p. 33). Cum tamen Tegeatis et ager Clitorius commemorarentur, de territorio foederis Arcadici agi liquet. Cf. I. G. V, 2, tab. VIII.

5) Cf. B. Niese, Beiträge zur Geschichte Arkadiens, Hermes, 1899, p. 521: Es (i. e. Arcadia a. 370) bildete zum ersten Male, seitdem es bestand, eine politische Einheit, und zwar auf demokratischer Grundlage ... Demokratie und Einheitsbetrübungen gehen zusammen.

συνακτέον εἰς ὀλίγα καὶ κοινὰ καὶ πάντα σοφιστέον ὅπως ἂν ὅτι μάλιστα ἀναμιχθῶσι πάντες ἀλλήλοις, αἱ δὲ συνήθειας διαζευχθῶσιν αἱ πρότερον ¹⁾. In novos conventus homines cogendos esse dicit, quod ut fiat, aut novae phratritiae instituendae sunt aut pagi in phratriarum locum substituendae. Ita agendo consuetudines maiorum magnam partem subvertuntur et antiqua sacra publica deseruntur. Procul dubio huc referenda sunt verba Isocratis Archid. § 66, ubi dicit in Arcadia post proelium Leuctricum ἀνεστράφθαι τὰς πολιτείας καὶ καταλεῦσθαι τοὺς νόμους; cf. § 68: καταλύσαντες δὲ τὰς θυσίας . . .

Neque magis mirabimur quod Argivis mandatum est ut hoc negotium susciperent. Nam extraneis arbitris aliquid tale commodius demandari potest quam civibus, inter Peloponnesios vero iis temporibus Argivi Thebanorum socii novis Arcadum rebus quam maxime favebant ²⁾. Quos etiam Messeniis eadem aetate simili modo opem tulisse videmus. Epiteles praetor Argivus una cum Epaminonda, ut narrat Pausanias, synoecismum Messeniorum perfecit. Cf. Paus. IV, 26, 7: στρατηγεῖν δὲ αὐτὸν οἱ Ἀργεῖοι τὸν Ἐπιτέλην καὶ Μεσσηνὴν ἀνοικίζειν ἤρηντο. Tibiarum Boeotiarum et Argivarum alternis cantibus incitabantur ἦ, qui moenia novae urbis Messenes aedificabant (ibid. 27, 7). Delphis simulacra priscorum regum suorum ἀεσα consecraverunt Argivi τοῦ οἰκισμοῦ τῶν Μεσσηνίων Θηβαίοις καὶ Ἐπαμεινώνδῃ μετασχόντες (Paus. X, 10, 5). Accedit quod diserte tradit Pausanias (VIII, 27, 1) Arcades Megalopolin condituros exemplum ab Argivis cepisse: συνῆλθον δὲ ὑπὲρ ἰσχύος ἐς αὐτὴν (τὴν Μεγάλην πόλιν) οἱ Ἀρκάδες, ἅτε καὶ Ἀργεῖους ἐπιστάμενοι τὰ μὲν ἔτι παλαιότερα μόνον οὐ κατὰ μίαν ἡμέραν ἐκάστην κινδυνεύοντας ὑπὸ Λακεδαιμονίων παραστῆναι τῷ πολέμῳ, ἐπειδὴ δὲ ἀνθρώπων πλήθει τὸ Ἄργος ἐπηύξησαν καταλύσαντες Τίρυνθα καὶ Ἱστιάς τε καὶ Ὀρνεᾶς καὶ Μυκήνας καὶ Μίδειαν καὶ εἰ δὴ τι ἄλλο πόλισμα οὐκ ἀξιόλογον ἐν τῇ Ἀργολίδι ἦν, τὰ τε ἀπὸ Λακεδαιμονίων ἀδείστερα τοῖς Ἀργείοις ὑπάρξαντα καὶ ἅμα ἐς τοὺς περιόικους ἰσχύον γενόμενῃ αὐτοῖς. γνώμη μὲν τοιαύτη συνφιλίζοντο οἱ Ἀρκάδες. Non

1) Arist. Polit. VII, p. 1319, b, va. 19—27.

2) Cf. Ed. Meyer, Gesch. des Alt. V¹, § 948: Der Hauptheerd der revolutionären Erhebung war Argos, etc.

probanda videtur Niesii ¹⁾ sententia, qui ipsum Pausaniam haec de nihilo commentum esse coniecit.

Quodsi nunc rursus quaerimus, cuinam aetati titulus noster tribuendus sit, respondendum est eum magna cum probabilitate anno 369 vel 368 adsignari posse. Vix enim fieri potest ut Arcades libertatem adepti novam soli divisionem, quae ipsius constitutionis communis reipublicae magna pars erat, diutius distulerint ²⁾.

Extremum est ut quaeramus num hoc tantum ab Arcadibus Argivis mandatum sit, ut terminos pagorum constituerent. Nam quod dicit Pausanias (VIII, 27, 2): τῆς (Μεγάλης) πόλεως δὲ οἰκιστῆς Ἐπαμεινώνδας ὁ Θηβαῖος σὺν τῷ δικαίῳ καλοῖτο ἄν; τοὺς τε γὰρ Ἀρκάδας οὗτος ἦν ὁ ἐπεγείρας ἐς τὸν συνοικισμὸν . . ., hoc non magni aestimandum est. Atque id quod tradit Plutarchus (adv. Col. 32): Πλάτων δὲ τῶν ἐταίρων ἐξαπέστειλεν Ἀρκάσι μὲν Ἀριστῶνυμον διακοσμήσοντα τὴν πολιτείαν . . ., ut verum sit, tamen communem Arcadum rempublicam, quae anno 370 constituta est, spectare non potest: Plato enim popularium partibus non favebat. Forsitan illis Arcadibus operam suam praestiterit Aristonymus, quibus post Epaminondae mortem praefuit Mantinea. Iam quaeso haec tecum reputes. Primum, ut supra p. 333 ostendi, tabula praegrandis fuit. Deinde primos versus fragmenti A ad terminationem pagorum pertinere certum non habeo. Nam vs. 2 quanam verbis ἐνς τὸ πα — sententia subsit, nemo dixerit, vs. 3 vide ne, si legatur κοινὰ τῶν Ἀ[ρκάδων], de aliis rebus agi veri simile fiat, vs. 4 nominativus pluralis substantivi in -α(σ)ις exeuntis ne ipse quidem in limitum descriptionem optime quadrare videtur. Nonne igitur fieri potest ut interventu Argivorum etiam plura in nova Arcadum republica constituta sint, quam nunc certis argumentis demonstrare valemus? Sed haec ultima quaestio, siquando alia fragmenta tabulae nostrae ex solo Argivo recuperare continget, fortasse solvi et enucleari poterit. In praesens nihil pro certo statuere praestat.

(Continuabuntur).

1) Herm. 1899, p. 534 sq.

2) Iam inde ab anno 367 inter Argivos et Arcades dissensionem quandam ortam esse suspicatur Ed. Meyer (Gesch. des Alt. V², § 960).

De Dolabella sic Cicero iocatur: „O hominem pudentem! Kal. Ian. debuit, adhuc non solvit, praesertim cum se maximo aere alieno Faberii manu liberavit et opem ab eo petierit. Licet enim iocari ne me valde conturbatum putes.”

Merito hic omnes Cobeti admirantur acumen e verbis *ab eo* eruentis *ab Ope*, et iure probatur eiusdem emendatio *libet* pro *licet* reponentis. Sed quod praeterea annotat vir summus: „quod autem Faberii manu id Dolabellam fecisse dicit, demonstrat Faberium eum esse, qui Caesaris manum imitatus Antonio falsa chirographa paraverit, quibus ille usus maximo aere alieno et sese et Dolabellam ad Opis liberavit”, a scopo aberrasse videtur. Primum neque notus aliunde nobis iste Faberius, tum ceteri loci huc pertinentes, quos Cobetus affert, de solorum Antonii Dolabellaeque vel vi vel fraude loquuntur, postremo aliquo modo legentis mens ad iocum illum de Ope est praeparandus, qui nunc parum apte statim coniungitur cum illa Faberii mentione, qui aut nullus fuit unquam aut notus quidam omnibus falsorum chirographorum artifex. Ipsam Ciceronis manum restitues pro Faberii legendo *fabri*: *fabrum* iussit claves sibi facere adulterinas, aut — quod aequalibus nostris rem in memoriam revocabit in *Aede Nova* Amstelodamensi peractam, quae in ore est populi — hominem qui *serra* apte uti posset adhibuit.

AD TAC. H. II, 25.

Erat Suetonius Paulinus: „Cunctator natura et cui cauta potius consilia cum ratione quam prospera ex casu placerent.”

Quis unquam fuit tam praeposterus et perversus ut in re militari quidquam magis quam *prospera* laudaret? Nisi forte vir ille nobilis in suavissima comoedia Franco-Gallica (Augerii *Mademoiselle de la Seiglière*) qui de Napoleone loquens „Bonapartius iste” ait „qui contra leges artis victorias reportavit”. Nam in bello *prospera* consilia sunt victoriae, quocunque tandem reportatae modo. Ut obtineas quod cunctatorem deceat et quod apte opponatur praecedentibus, lege *propera*. Vox ea apud Tacitum frequentissime tam de rebus quam de hominibus adhibetur.

J. J. H.

OBSERVATIUNCULAE DE IURE ROMANO.

SCRIPSIT

J. C. NABER S. A. FIL.

(Continuantur ex pag. 192).



CV.

DE IUDICIIS IN REM DUPLICIBUS.

Pars quarta (ultima).

Ad summam, apud quos talis lex est, ut possessor auctorem sistat, ibi auctore dato, cui quidem auctori auctoris datio remittatur vel non imponatur, favorabilior est causa possidentis, non dato, petentis ¹⁾, sed non propterea fit iudicium duplex ²⁾. Quin immo, ubi iudicium duplex est, ibi non potest imponi possidenti auctoris datio aut desinet esse duplex ³⁾. Sed sunt, qui doceant in rem iudicium duplex esse non posse propterea, quod omnino sit locum habiturum possessionis qualecumque, commodum ⁴⁾. Errant mehercle, erunt enim paria petitoris et

1) Omnimodo favorabiliorem esse causam possidentis, docet Planck, *Gerichtsverf.* I p. 550, 575 („wenn der Kläger kein besseres Recht zu behaupten vermocht hat“), p. 582/3.

2) Eck, *die doppels. Klagen* (1870) p. 13: „Gesetzgebungen alter und neuer Zeiten (haben) den Vindikationsbeklagten zur Angabe seines Titels verpflichtet, ohne dass man darin eine Duplicität der Klage findet.“

3) Ergo fallit Declareuil, *Nouv. rev. hist.* XXII (1898) p. 464, quum scribat apud veteres Germanos in rem iudicium ceterorum iudiciorum exemplo fuisse duplex.

4) Velut Hübner, *Immobiliarproz.* p. 160 (= Heusler, *Institutionen* II (1886)

possessoris iura, ubi vel iudicio Dei veluti per crucem vel duellum contendetur vel inquisitione iudicis de proprietate constabit ¹⁾, nec ad rem faciet ²⁾, utrum vice mutua detur iure constituto in rem actio, an adversus possessorem dumtaxat. Extat autem ³⁾ vindicatio *ad crucem* in formula quadam Salica ⁴⁾ et vera lite ⁵⁾ anni 775, *ad ferrum calidum* in vera lite ⁶⁾ anni 907, quum praecessisset inquisitio, igne in iudicio synodali de iure decumarum ⁷⁾ anni 925, *per duellum* autem in lege Bajuvarica ⁸⁾, *si causa fuerit* ⁹⁾, Alamannorum ¹⁰⁾, *si qua contentio fuerit inter duas genealogias* ¹¹⁾ *de termino* ¹²⁾, et in litibus duabus altera Matisconensi ¹³⁾ anni fere 950, altera Ruthenica ¹⁴⁾ anni 960. Computamus enim eas tantum species, ubi principaliter de proprietate per duellum agitur, non iuratoris vel iudicis arguendi causa ¹⁵⁾. Sane posterioribus saeculis ¹⁶⁾ multo magis vindicatio per duellum in Francia frequentata est, quum esset ea sola vel

p. 45): „in jedem Prozessrechte . . . gilt die Rolle des Beklagten als die vortheilhaftere.“

1) Brunner, *Entst. der Schwurger.* (1872) p. 85: „die Inquisition hebt die (p. 107: „dem formalen Prozesse eigenthümliche(n)“) Grundsätze der Beweisvertheilung auf.“ Idem dicere poterat circa iudicium Dei.

2) Facturum putat Lotmar, *zur legis actio sacramento* (1876) p. 97, nec ibi posse existere de proprietate iudicium duplex, ubi sicut Romae (ibid. p. 77) non competat nisi adversus possessorem.

3) Omitto quum perplexam *GU* 416a, tum, ubi nec constet de genere iudicii nec peragatur, *GU* 470a; 591.

4) Bignon. 13 (12).

5) *GU* 93 (de 94 error est Huebneri).

6) *GU* 469a.

7) *GU* 495a. Ex diverso aquae iudicium in pari causa spondetur *GU* 604a.

8) App. IV. De re mobili cf. tit. 16 § 11.

9) Cf. tit. 12 § 8 (*si alia probatio nusquam inveniri dīnoscutur, nec utriusque* (= uter utri) *invasionem compensare voluerit*).

10) tit. 81 (84). Utebar editione Caroli Lehmann (1888).

11) Cf. Ranke, *Päpste* I (1878) p. 255/6.

12) Finalem controversiam proprietatis esse, docebam cap. LXXIII.

13) *GU* 531.

14) *GU* 547. Cf. etiam nunc *GU* 432; 495; 511a; 535; 611; 612, ubi offertur quidem vel spondetur nec tamen peragitur pugna.

15) Cf. Brunner, *Rechtsgesch.* II p. 418: „Der Hauptfall, in welchem das Ordal des Zweikampfs zur Anwendung gelangt, ist die Schelte . . . des Urteils, . . . des Parteieides, . . . des Zeugeneides.“ It obviam van Kuyk, Diss. cit. p. 16/7, 33/5. Ex litibus huc pertinent *GU* 429; 868; Act. Sanct. mens. Mart. III p. 309 A.

16) „sous la troisième race de nos rois.“

certe praecipua ratio decidendi causas èt civiles èt criminales facta ¹⁾, unde secum hoc ius Normanni ²⁾ quum in Angliam ³⁾ transtulerunt tum in Apuliam ⁴⁾. In Longobardica enim Italia ex capitulari primi Othonis ⁵⁾, quod supra laudavimus, *de investitura praedii* duellum competit; simul indicavimus, quomodo hoc ius interpretes ad ipsam de proprietate contentionem transtulerint. Ergo in monumentis Italicis posterioribus non adeo rarum est, ut praedia ⁶⁾ per duellum vindicentur ⁷⁾. Ex diverso apud Saxones vindicatio per duellum non invenitur, in criminalibus enim causis dumtaxat duelli actio permittebatur ⁸⁾; admittitur quidem de proprietate ⁹⁾ iudicium aquae ¹⁰⁾, quum possessio in incerto est ¹¹⁾. Est in obscuro possessio, si vicinis ignoratur. Licet enim totidem testibus possessio probari possit, quot ius probatur, id est, sex ¹²⁾, tamen, quia inter solum do-

1) Loysel, *Instit. coutum.* (ed. 1846) no. 808 (p. 180); Warnkoenig et Stein, *franz. Staats- und Rechtsgesch.* III (1846) p. 216, p. 226; Brunner, *Entst. der Schwurger.* (1872) p. 439/40; Coulin, *der gerichtl. Zweikampf* I (1906) § 1, § 2; Declareuil, *Nouv. rev. histor.* XXXIII (1909) p. 83/4. — Dicturus igitur, quibus ex causis duellum locum habeat (ed. 1900 no. 1709), hoc non implet Beaumanoir, sed docet (no. 1818 io. 1046 i. f.), quando cesset.

2) Brunner, *Entst. der Schwurg.* p. 181: „die normannischen Urkunden des ausgehenden 11. und des 12. Jahrhunderts geben zahlreiche Beispiele des gerichtlichen Zweikampfs.“ Cf. ibid. p. 178/9; Coulin, op. cit. p. 3/4.

3) Loysel, l.l.; Phillips, *englische Reichs- und Rechtsgesch.* II (1828) p. 127, p. 280/2; Brunner, *Entst. der Schwurger.* p. 397 (et p. 181: „die englischen Urkunden des ausgehenden 11. und des 12. Jahrhunderts geben zahlreiche Beispiele“); Bigelow, *History of procedure* I (1880) p. 327, 295/7, 157; Neilson, *Trial by combat* (1890) p. 81 sqq. Cf. inprimis Glanvilla II 8; XIV 1. — Sine fructu contuli Pollock et Maitland, *History of english law*.

4) Const. regni Sic. II 32 (Huillard, *Hist. diplom.* IV 1 p. 108).

5) 3. Cf. praeterea filii diploma 282 (*GU* 1043).

6) Idem fit in lite libertatis *GU* 1132 propter capit. Longob. extrav. 39.

7) Veluti *GU* 1176; 1209; 1228; 1369; 1372; 1378; 1501; 1513; 1558; 1583; 1610 (laudo èt hic èt ubique τὰ πρῶτόντα, non viri clarissimi indices). Cf. praeterea privilegia quum Pisanum, quod laudat Bethmann-Hollweg, *Civilproz.* V p. 379²⁴ tum Lucense, quod descripsit Ficker IV no. 81. Nam *GU* 982; 1119; 1164 pugna spondetur de carta, quae dicatur falsa, ex capitul. 1 Othonis I. Quo pertinere potest similiter Diplom. Henr. II 302 (ia. *GU* 1198).

8) Planck, *Gerichtsverf.* I § 88 (p. 787: „nur wegen Friedenbruchs.“)

9) Planck, *Gerichtsverf.* I p. 617 (de possessione putat Heusler, *Gewere* p. 260).

10) Vel divisio aequa Cf. *GU* 30; 181; 1595.

11) *Sep.* III 21 § 2.

12) Hensler, *Gewere* p. 147/8; Planck, *Gerichtsverf.* I p. 613. Quin exstat sententia, ut de possessione iuretur septima manu, deinde tertia manu de iure (Wilmanus, *Additam.* 78).

minum et fidelem constat, utri possessionis probatio danda sit — danda est fidei ¹⁾ — ergo in ceteris causis vicinorum testimonio res debet dirimi ²⁾. Quodsi id quoque defecerit, iam non potest per iudicium simplex lis proprietatis ordinari. Remanet igitur iudicium Dei, quod est sui natura duplex. Similiter duplex est recognitionis sive inquisitionis ³⁾ iudicium, quod potest videri descendere ex iure Romano ⁴⁾, tunc autem iure Francorum habet locum ⁵⁾, inprimis ubi causa dicitur apud regem apud eumve, qui sacra vice iudicet, postquam is decreverit, ut per inquisitionem agatur, atque praeterea Capitularium testimonio de iure diutinae possessionis ⁶⁾ ecclesiae utique *vel parochia(e)*. Quod ius mansit *de his libertatibus et rebus reddendis, quae in nostra*, id est, regis, *vestitura sunt* ⁷⁾, postquam placuit, *ut pagenses per sacramenta aliorum hominum causas non inquirantur nisi dominicas* etc. ⁸⁾. Rursus porrectum est ius regium ad res ecclesiarum ⁹⁾ sub hac tamen exceptione, quod ecclesiae ad exemplum privatorum per inquisitionem retinebunt, *quae res ab eis per triginta annorum spatium sine ulla interpellatione possessae sunt* ¹⁰⁾, regi

1) Laband, *Vermögensr. Klagen* p. 206; Planck, *Gerichtsverf.* I p. 611 (erraverat p. 576/7); Heusler, *Gewere* p. 262.

2) Cf. Laband, *Vermögensr. Klagen* p. 219; Planck, *Gerichtsverf.* I p. 613; Heusler, *Gewere* p. 258.

3) Quo discrimine posterior aetas hac utraque voce usa sit, dicit Brunner, *Entst. der Schwurger.* p. 293/5.

4) Cf. Bruns, *font.* (1909) no. 79 lin. 15-21 (Brunner, *Rechtsgesch.* II (1892) p. 525 not. 7); Liv. XLII c. 19 (io. c. 1).

5) Cf. Brunner, *Entst. der Schwurger.* (1872) p. 84 sqq.; id. *Rechtsgesch.* II (1892) p. 524-526. Exempla sunt quamplurima apud Huebnerum (*GU*), quibus addi potest Cod. Carol. epist. 56 (Murat.).

6) Capit. 36 § 17. Litium documentis possidenti probatio permittitur. Exempla dedimus supra.

7) Capit. 141 § 2 (cf. § 1); 145 § 1.

8) Capit. 144 § 1 (cf. 188 § 2).

9) Capit. 188 § 1; 191 § 8: *ut omnes res ecclesiasticae* (191: ecclesiarum) *eo modo contineantur sicut res ad fiscum nostrum* (191: pertinentes) *contineri* (= retineri, cf. capit. 140 § 6; 188 § 2) *solent*. Laudatur praeterea (*GU* 1174) capitulare Caroli Magni: *ubi res ecclesiastica per inquisitionem inveniri poterit, ut non excludat eam per possessionem aliquis*, quibuscum conferri oportet quod Ludovico Pio tribuitur apud Boretium in Praef. libri Pap. § 8. Illud Caroli pro spurio habet Ficker, *Sitzungsber. (Wien)* 67 (1871) p. 586.

10) Capit. 191 § 8. In privilegio quodam (*GU* 802) pro hoc spatio requiritur *a tempore Karoli magni legal(is) vestitur(a)*.

tantum confert antecedentis regis possessio quantum privato vel ecclesiae tricennaria ¹⁾, modo sit *iusta ac legitima*, id est, ni fallor, nec violenta nec interpellata, *nam aliter ne vestitura (quidem) nominari debet, sive sit in ecclesiasticis sive in palatinis rebus* ²⁾. Eveniet autem sive per duellum agitur sive per inquisitionem, ut interdum neuter vincat et erit lis indecisa, sive quaestio proponitur, uter dominus sit, sive proponitur, uter maius ius habeat in terra illa ³⁾. Veluti refertur sententia ⁴⁾ ea quidem ex Italia (ann. 1098): propter incertum pugnae eventum *nullam inde iudices ded(isse) sententiam*. In Francia quidem ⁵⁾ et in Anglia ⁶⁾ incertum pugnae eventum absolutio sequebatur, quem morem tuebantur verbis formulae nec animadvertabant ⁷⁾, contra naturam esse duelli, ut alteri utri victoriae praerogativa deferatur, siquidem hoc modo Deo èt mandatur iudicium èt subtrahitur. Similiter fieri potest, ut inquisitio neutro inclinet. Quamobrem Ludovicus Pius ⁸⁾, si per inquisitionem *veritas inveniri (non) potest*, remittit ad ordinariam litigandi viam (*tunc liceat litigantibus ex utraque parte testes adhibere*); Glanvilla denique apud Anglicos Normannos dubitat, si possessor petierit recognitionem eam, quae vocatur *magna assisa* ⁹⁾ — permissum erat hoc modo duellum evitare tenenti ¹⁰⁾ — si deinde utriusque iura in obscuro sint, *numquid eo ipso obtine(a)t is qui tenet ad-*

1) Hoc nondum videtur observatum esse, sed aperte demonstratur capit. 40 § 9; 145 § 1; 145 § 8; 167 § 1 (cf. 139 § 20). De mancipiis quia non potest fiscus *propter vestituram* antecedentis regis vindicanti *contradicere*, sed tantummodo ad sententiam retinere possessionem (cap. 140 § 6), habebit regula locum in rebus immobilibus. Cf. praeterea capit. 155 § 2.

2) Capit. 145 § 1.

3) Hanc alteram speciem sine causa excipit Eck, *die doppelseit. Klagen* p. 16/7.

4) GU no. 1513.

5) Loysel, *Instit. contum.* (ed. 1846) no. 815. — Non est contraria (esse putat Coulin, *gerichtl. Zweikampf* I (1906) p. 139) GU no. 547, siquidem in ea lite neuter possidebat (Brunner, *Rechtsgesch.* II p. 440 not. 89), itaque non poterat pro reo pronuntiari.

6) Brunner, *Entst. der Schwog.* p. 179 (ima) cum not. 4.

7) Fortasse dissimulabant.

8) Capit. 141 § 2.

9) *Magna assisa* est, quae proprietatis causam continet; ceterae de possessione dabantur (Brunner, *Entst. der Schwog.* p. 414).

10) Glanv. Tract. II 7 § 1 (cf. ibid. 3 § 2).

versus petentem ¹⁾, neque eam quaestionem expedit ²⁾. Facti denique refertur ³⁾ species huiusmodi: *comes Legecestriae, qui iustitia et iudex aderat, eorum, quibuscum inquisiverat, videns opiniones variare, nihil super hoc iudicare praesumpsit*, quemadmodum post incertum pugnae eventum in Italia pronuntiatum retulimus. Proponitur praeterea iudicium duplex de proprietate servi in lege Gortynica ⁴⁾: . . . αἱ δὲ κ' ἀντὶ δόλωι μωλίωντι πωνίοντες τὸν τεκατερος ἡμεν, αἱ μὲν κα μαῖτυς ἀποπώνῃι, κατὰ τὸν μαῖτυρα δικάδδεν· αἱ δὲ κ' ἡ ἀνποτέροις ἀποπώνιωντι ἢ μηδατέρωι, τὸν δικαστὰν δμνύοντα κρίνεν ⁵⁾. Ergo variis modis potest esse iudicium de proprietate nec ullum in eo possessoris commodum. Neque id mirum videri debet, siquidem decantatum illud favorabiliorem esse rei causam ⁶⁾ non obstat, quominus sit iudicium duplex, sed cessat, ubi est iudicium duplex, vel magis, ubi lex actoribus favet, quod interdum usu venit. Quin immo licet principaliter non sit, potest ex accidenti fieri proprietatis iudicium duplex, sive litigantium neuter possidet sive uterque ⁷⁾, modo permissum sit de proprietate agere cum non possidente et agere, licet ipse possideas. Quod apud Germanos, quia de proprietate semper agitur negativa actione ⁸⁾, utrumque procedit ⁹⁾, nec ibi quidquam obstat, quominus in lite proprietatis aut uterque possideat aut neuter ¹⁰⁾. Potest praeterea possessor ultro vindicationi se of-

1) Tractat. II 21 § 1. Cf. in re simili Bracton apud Henricum Brunner, *Entst. der Schwg.* p. 423¹.

2) De incerto pugnae eventu Glanvilla loquitur nusquam.

3) Apud Henricum Brunner, *Entst. der Schwg.* p. 289⁴ (= Bigelow, Placit. p. 201).

4) col. I lin. 17-23.

5) Cf. *Inscr. jurid. grecq.* (I) pag. 447.

6) Gai. l. 125 D. 50 § 17; Antiph. or. 5 § 51 (τὰ ἐξ ἴσου γενόμενα τοῦ φεύγοντός ἐστι μᾶλλον); Aethelred II 9 (*a bið andsaec swiðre*).

7) Non potest quidem proprie possessio duorum esse in solidum (l. 5 § 15 D. 13. 6; l. 3 § 5 D. 41. 2; cf. l. 3 pr. D. 43. 17), sed facile fieri potest, ut modo hic modo ille possidere videatur, proinde possessio in incerto sit. Eam speciem intelligimus, quam dicimus utrumque possidere.

8) Hoc demonstravimus cap. LXXXVIII.

9) Ordinarium quidem est, ut, qui non possidet, agat (*Richst. Ldr. 26 § 3: hebbe gi de were, wes clage gi denne?*), quod magis exprimere voluit Laband, op. cit. p. 403 (§ 43) quam expressit his verbis: „eine Klage auf Herausgabe . . . konnte nur gegen den Besitzer angestellt werden.“

10) Planck, *Gerichtsverf.* I p. 501/2, 596-618. Cf. Brunner, *Rechtsgesch.* II p. 440⁰⁰; Laband, op. cit. § 43 (p. 403-406).

ferre ¹⁾. Ex diverso apud Romanos quia de proprietate non competit negativa actio, consequens est, neque possidentem de proprietate agere posse ²⁾ et non possidentem absolvi oportere ³⁾. Quocirca ne ex accidenti quidem potest nasci apud Romanos de proprietate iudicium duplex, et est ab iure Romano remotum id, quod tradit Pothier ⁴⁾: quum de possessione apud iudicem non constiterit, constitui proprietatis iudicium, quod necessario erit duplex. Sed, an apud Romanos proprietatis iudicium tunc principaliter fuerit duplex, quum ordinari adhuc solebat per contrariam vindicationem ⁵⁾, quaeri potest. Stant magni utrimque auctores ⁶⁾, mihi tamen ideo duplex iudicium fuisse videtur, quod non sufficiebat pronuntiare „(*rem actoris*) *non esse*” ⁷⁾, sed vel huius vel adversarii sacramentum iustum esse ⁸⁾, id est, rem esse vindicantis vel eius, qui contra vindicet. Quamquam negat Abgarowicz ⁹⁾ posse uno sacramento de utriusque litigatoris iure contendendi, quocirca videtur ei solius contra vindicantis ¹⁰⁾ ius in iudicium deduci (huic enim quod *iniuria vindicaveri(t)*

1) Haec non, quantum satis est, separat Laband, op. cit. p. 155/8. Diximus nos de iudiciis oblatitiis cap. LXXXIV. Cf. praeterea Hübner, *Immobilienproz.* p. 66-70.

2) § 2 (i. f.) Inst. IV 6; l. 1 § 6 D. 43. 17. Quodsi de possessione actor contendit, (*ad*) *interdictum remittendum est* (l. 1 § 3 D. 43. 17). Olim, quum legis actiones in usu essent, potuisse possidentem rem vindicare, coniectura est Fridolini, *Beiträge* (1896) p. 257/8.

3) Debet iudex inprimis *inspicere*, an reus possideat (l. 9 D. 6. 1).

4) *Traité de la possession* no. 105; *Introd. au titre XXII* no. 53. Vetus exemplum: *GU* 1665.

5) Remittit quidem Lotmar, ne sit iudicium duplex, ipsam contrariam vindicationem. Qua de re disputavimus cap. XCVII.

6) Aliquot nomina dabit Keller, *Civilproz.* § 14 (p. 68) not. 210. Est etiam, qui verbo fateatur iudicium duplex, re tollat, velint Girard, *Manuel* (1911) p. 338/9.

7) Cf. l. 15 D. 44. 2.

8) Cic. pro Caec. 33 § 97; de domo 29 § 78; de Orat. I 10 § 42. Cf. Keller, *Civilproz.* § 13 (p. 61) not. 201; § 16 (p. 78) not. 222, et adversus Ludovicum Mitteis, *Privatrecht* I p. 30^a, observatio Fridolini, *mater. Grundl. der exceptio* (1871) p. 178/9 (sub textu).

9) *Essai sur la preuve dans la R. V.* (1912) p. 105: „si le pari était unique il s'ensuit d'une façon nécessaire que l'on ne pariait que sur les prétentions d'un seul.” Praeiverat ex parte Demelius, *die confessio* (1880) p. 71: „Gegenstand des Rechtsstreites ist somit die Frage, ob des Beklagten (contra) vindicare als iniuria vindicare erscheine.”

10) Eum esse petitozem, ex diverso unde petatur eum, qui prior vindicet, docuerat *Essai* cit. p. 38 svv. (nec in ea re, quod sciam, praecursorem habet ullum).

obicitur), quae sententia est quidem arguta, sed in eo peccat, quod inutilem reddit primariam vindicationem. Quamobrem crediderim potius, aliquanto post legis actionem ipsam compositam adglutinatam ei sacramento provocationem, in qua verborum principalium ratio habita religiose non sit, sed esse eam nihilo minus ex ipsis verbis principalibus interpretandam ¹⁾, proinde iudicem debere vel vindicantis sacramentum iniustum pronuntiare, si non probet se dominum. Haud magis est contrarium ²⁾, quod videtur ³⁾ suo loco mansura possessio, si neutrum sacramentum iustum sit. Nam non est mansura apud eum, qui possessor in ius venerit, sed apud eum, quem praetor possessorem constituerit ⁴⁾, atque praeterea interest, utrum possessio suo loco maneat lite decisa an indecisa ⁵⁾. Ad summam duplex fuisse iudicium ut sentiam, me impellit inprimis, quod aut fallunt me omnia aut introducebatur olim ⁶⁾ per vindicationem et contrariam vindicationem duellum ⁷⁾, quod sui natura iudicium duplex efficit; quid enim initio fuisse potest manus illa consertio nisi verum duellum ⁸⁾? quidve similis ⁹⁾ Romanorum vindicationi quam Alemannica ¹⁰⁾ illa contentio *inter duas genealogias de termino terrae*, nam ibi quoque ex terra, de qua ambigitur, id

1) Idcirco fallere videtur Demelius, *die confessio* (1880) p. 71, quum neget, „dass durch die bisherige Verhandlung (dem Richter) formell der Weg gewiesen wäre.“

2) Contrarium esse putat Bekker, *Aktionen* II p. 62¹⁸.

3) Hic occurrit Lotmar, *Krit. Studien* (1878) p. 112, putatque commissum iri stipulationem *pro praede litis et vindictiarum*, quod negat Wach (ad Kellerrum not. 201 cit.).

4) Gai. IV § 16.

5) Bekker, *Recht des Besitzes* (1880) p. 254: „was dann die Folge haben musste, dass, wer die thatsächliche Innehabung hatte, diese zwar behielt, aber die Sicherung, die ein ihm günstiger Spruch bewirkt hätte, nicht dazu gewann.“ Hoc non perspexit Girard, *Manuel* (1911) p. 339¹.

6) Diu quidem ante Ennium.

7) Cf. Jhering, *Vorgeschichte* (1894) p. 436: „ich hoffe an späterer Stelle die Ansicht begründen zu können, dass (das Prozessverfahren mittelst sacramentum) an die Stelle der Gottesurtheile der Urzeit getreten ist.“

8) *Simul manu prendere vertit* quidem Gellius (XX 10 § 7) et scribit Gaius (IV § 16) festucam intervenire *hastae loco quasi signum quod(d)am iusti domini*. Sed videtur uterque ex coniectura magis quam certa et vera scientia statuere. Cf. Bethmann-Hollweg, *Civilprozess* § 40 (I p. 134).

9) Similitudinem indicavit Siegel, *Gesch. des deutschen Gerichtsverf.* I (1857) p. 126¹¹.

10) Tit. 81 (84). Sequor textum B (ad sensum nihil interest).

tollitur, quod Alemanni zurf dicunt, id est, cespes, praesente comite, eique in manu ponitur; hic commendat cespitem *fideli manu usque ad statutum placitum* ¹⁾. Sic deinde legislator pergit: *tunc spondeant inter se pugnam duorum. Quando parati sunt ad pugnam, tunc ponant ipsam terram in medio et tangant ipsam cum spatibus suis cum quibus pugnare debent . . . et pugnent*. Quodsi apud Romanos vindicatio sacramento iudicium duplex fuit, iam apparet, cur a praetore eo utique tempore, quo adhuc legis actiones in usu erant, sit introducta ²⁾ in rem actio per sponsionem praediudicalem. Nam sic dicendum: a praetore ³⁾, et: eo tempore, quo adhuc legis actiones in usu erant ⁴⁾. Etenim poterant litigatores domi componere quamlibet sponsionem; sed in iure quae fiat sponsio, auctore praetore fiat necesse est, quocirca *in praetoriis stipulationibus, si ambiguus sermo acciderit, praetoris erit interpretatio: eius enim mens aestimanda est* ⁵⁾, *sed et si quid vel addi vel detrahi vel immutari in stipulatione oporteat, praetoriae erit iurisdictionis* ⁶⁾. Et introduxerit oportet praetor in rem actionem per sponsionem, quum nondum erant legis actiones abrogatae, nam post abrogatas legis actiones et introductas formulas naturalis quaedam proclivitas ferebat a legis actione: *Aio hunc hominem meum esse ex iure Quiritium* ad formulam: *Si paret hominem Auli Agerii esse ex iure Quiritium* nec inter has metas consistendi locus. Manet quaestio, cur introduxerit. Sunt qui respondeant: incommodi eius tollendi causa, quod cum legitima vindicatione coniunctum est ⁷⁾,

1) Hactenus fit similiter in lite quadam Andecavensi anni circiter 1075, quo remittit Schupfer, *l'Alodio* (1886) § 55 (i. f.).

2) Minus apparet, conservata cur sit post legis actiones abrogatas. Propter fructuum duplicationem, putant Dernburg (*krit. Zeitschr.* I (1853) p. 156/7), Ubbelohde *Serie der B.* 43 und 44, V p. 649/50).

3) Keller, *Civilproz.* p. 129 not. 389 (= Bachofen, de Rom. iudiciis (1840) p. 33 lin. 1/2). Erraverat in ea re Stintzing (quem sequitur tamen Girard, *Manuel* (1911) p. 338 not. 1) post Georgium Gulielmum Wetzell, *Vindicationsprozess* p. 74. Cf. Bethmann-Hollweg, *Civilproz.* § 89^a (II p. 234).

4) Stintzing, *Ueber das Verh. der legis actio sacr. zu dem Verf. durch sponsio* (1853) p. 41 sqq. Erraverat in ea re Keller.

5) I. 9 D. 46. 5.

6) L. 1 § 10 D. 46. 5.

7) Schmidt, *Ztschr. der Sav.-St.* II p. 153 (not.): *„um . . . der für beide Theile mit wesentlichen Beschwerden verbundenen vindicatio des Sacramentsprozesses zu ent-*

quibuscum ego facere non possum. Si qua enim res talis erat, ut sine incommodo non posset in ius adferri vel adduci, salva legitima actione remedium inventum est ¹⁾. Docent alii ideo introduxisse, ut per formulam ageretur in rem ²⁾. Quos refutavimus supra hoc argumento: non potuisse praetorem, si quaerebat formulam, petitoriam non statim invenire. Accedit, quod non propterea per formulam litigatur, quod sponsio facta sit ³⁾: fit sponsio, etiamsi certum sit per formulam actum non iri, quod valde foret mirum, si interponeretur sponsio, ut per formulam litigaretur. Sequens est opinio, sponsonem introductam, ut sacramentum evitaretur aut maius ⁴⁾ aut minus ⁵⁾, quod neutrum probo. Cur enim praetor sacramento contrarius exstitisset? Atqui foret hoc dicendum, quia a praetore sponsio introducta est vel certe praetore auctore. Accedit in causa sacramenti minoris, quod non propterea sponsio denegatur, quod res maior sit mille assibus, velut homo ⁶⁾, qui potest longe pluris esse ⁷⁾ nec minori sacramento locus. Ne ii quidem verum vidisse mihi videntur, qui propterea contendunt sponsonem introductam, ut centumviralis iudicatio interciperetur ⁸⁾; non enim propterea ad centumviros non itur, quod sponsio facta sit ⁹⁾. Multo minus, quo-

gehen." Hoc fuisse causae verisimile non videtur Fridolino, *mater. Grundl. der exceptio* (1871) p. 171 not. 50 (*„Die legis actio sacramento in personam wird wohl immer noch etwas einfacher gewesen sein als die in rem Das wird aber nicht hingereicht haben, um die sponsio praeiudicialis einzuführen“*).

1) Gai. IV § 17.

2) Hoc putant Bachofen, de Rom. iudiciis (1840) p. 31; Wetzell, *Vindicationsprozess* (1845) p. 73; Bethmann-Hollweg, *Civilprozess* § 89 (II p. 233/4). Similis est sententia Fridolini, *die mater. Grundl. der exceptio* (1871) p. 170.

3) Gai. IV § 95. Reponit Eisele, *mater. Grundl.* p. 171, non esse mirum, si propter centumvirale iudicium legis actio interponatur, quod cur non pertineat ad rem, demonstramus in textu in aliam formam argumento translati.

4) Hoc putant Stintzing, op. cit. (1853) p. 70/1; Witte, *das interd. uti poss.* p. 36 ima; Wlassak, *Prozessges.* I (1888) p. 113; Girard, *Manuel* (1911) p. 338 not. 1 (i. f.). Sed adsumit hic, ut Witte (p. 37 summa) aliam quoque causam ex iis de quibus diximus supra. — Ad sententiam Fridolini disputabitur infra (sub textu).

5) Hoc putat Karlowa, *Civilproz.* (1872) p. 99.

6) Gai. IV § 93.

7) Gai. IV § 14.

8) Ea est opinio civis mei (*Abhandl.* (1885) p. 319/20).

9) Gai. IV § 95 (cf. Dernburg, *krit. Ztschr.* I (1853) p. 264/269). Eapropter docet Eisele, *Abhandl. z. röm. Civilproz.* (1889) p. 84/5, in quibus speciebus ad Centum-

rum est sententia, postquam de possessione interdicta dari coeperint, de proprietate sponsionem inventam, ut cum eo posset in rem agi, qui interdicto obtinuisset ¹⁾, quasi vero cum possessore constituto non potuerit sacramento contendere. Quos aperte refellit Cicero ²⁾: *si habuisset iste edictum, quod ante istum et postea omnes habuerunt, possessio Minuciae genti esset data; si quis testamento se heredem esse arbitraretur, quod tum non exstaret, lege ageret* ³⁾ *in hereditatem* ⁴⁾. Restat sententia, in qua acquiesco, Ottonis Karlowa ⁵⁾, Eduardi Cuq ⁶⁾: ideo introductam in rem per sponsionem actionem, ut sufficeret pronuntiare *rem actoris non esse*, id est, ut exstaret de proprietate iudicium simplex ⁷⁾. Cui sententiae est consequens: non actori electionem tributam esse, utrum sacramento an sponsione certare mallet ⁸⁾, quod vitio cariturum non fuit ⁹⁾, sed possidenti, pro quo sit introducta sponsio, remissam contrariam

viros non eatur, sponsionem fieri, ut eorum indicatio intercipiatur et ut sacramentum maius evitetur, in reliquis speciebus ideo, ut sacramentum maius evitetur, quam causam olim sufficere per se negabat (*mater. Grundl. der exceptio* (1871) p. 171¹⁰: „(dass) man das höhere sacramentum umging, wird nicht hingereicht haben, um die sponsio praeiudicialis einzuführen“), sufficere nunc si putat, cur adiungit aliam?

1) Eo deducit rem Ubbelohde, *Serie* etc. V p. 632 sqq., eodem, ni fallor, Wlassak, *Ztschr. der Sav.-St.* XXV p. 137¹ (ia. p. 156 ima). Quodsi ille recte docet (p. 633), post interdictum vindiciarum dationi locum non esse (diversum placet Hermano Witte, *das interd. uti poss.* (1863) p. 38/9; Philippo Lotmar, *zur legis actio sacram.* (1876) p. 89; *krit. Stud.* (1878) p. 131), est quidem consequens, post introducta de possessione interdicta, dici vindicias desiisse (Bruns, *Besitzkl.* (1874) p. 18), nec oportet quem movere verba Gellii XX 10 § 1. Sed non sequitur sacramento agi desiisse.

2) Accus. III 45 § 115.

3) Cum possessoribus constitutis Minuciis.

4) Locum exscripsi, ne esset necesse refutare Augusti Ubbelohde (*Serie* etc. V p. 645 sqq., quo remittit III p. 5/6) interpretationem eius.

5) *Rechtsgesch.* II p. 324 (cf. *Beiträge* (1865) p. 54-56; Bekker, *Aktionen* I p. 211).

6) *Nouv. Rev. histor.* XVIII (1894) p. 19.

7) Non recte docent, docebat Brinz, *Festschr. f. Spengel* (1877) p. 139, introducendam fuisse *μνησέειν* in rem actionem propter interdicta. Quidni enim post interdicta potuit iudicio duplici configi?

8) Hoc putant Bachofen, de Rom. iudiciis p. 34 (cf. p. 32/3); Bethmann-Hollweg, *Civilproz.* § 89⁷ (II p. 235); Bekker, *Aktionen* I p. 211/2; Martin, *Tribunal des Centumvirs* (1904) p. 107/8.

9) Cf. in re simili Lenel, *Ztschr. der Sav.-St.* XXX (1909) p. 334.

vindicationem, si sponsione pati mallet ¹⁾, modo caveret pro praede litis et vindiciarum ²⁾. Accessit *propter* ³⁾ legem Crepereiam ⁴⁾, si iudicium centumvirale futurum esset, ut sponsio fieret sestertium CXXV, id est, quingentum assium; ideo, ni fallor, quia lege Crepereia sacramenti actio denegabatur de minoribus summis, quae res non est sine exemplo ⁵⁾. Putat quidem Dernburg ⁶⁾ legem Crepereiam, id est, Pinariam (nam credit eandem esse nomine legis per errorem librarii leviter mutato) denegavisse centumvirale iudicium ⁷⁾ de minoribus summis; sed non observavit centumvirale iudicium, etiamsi maxime per sponsionem ordinetur, tamen principaliter fieri de *hereditat(e)* ⁸⁾, itaque potuisse quidem de parvis hereditatibus, non potuisse de summis centumvirale iudicium denegari. Potuit denegari de summis actio sacramenti, eo vel iustius, quod de eo, quod nobis dari oportet, etiam sine sacramento lege agere permissum erat ⁹⁾. Quod perspexisse videtur Huschke, sed obscuravisse calculi errore ¹⁰⁾, quum adnotaret ¹¹⁾ lege sanctum, *ne sacramentum rei, qua de ageretur, summam excederet*, nam adnotandum erat: lege sanctum, ne sacramentum *decies ductum* rei, qua de ageretur, summam (aestimationem potius) excederet, id est: ne sacramento certaretur de re quingentos asses non valente. Quod ut admittatur, longe facilius est, quam, cum Fridolino ¹²⁾ ut statuatur: lege Crepereia sanctum, de omni

1) Non abhorret Plaut. Menaechm. 592/3 (Hartmann, *Ueber die röm. Gerichtsverf.* (1859) p. 106).

2) Cic. Acc. III 45 § 115 (atque de cautionis origine: Gai. IV § 94).

3) Quasi *ex scriptum* esset, interpretatur Stintzing, *Ueber das Verhältniss etc.* p. 72¹.

4) Gai. IV § 95.

5) Cf. lex repet. inscr. (lin. 2).

6) *Ueber das Verhältniss der hered. petitio zu den erbschaftl. Singularklagen* (1852) p. 71¹.

7) Statuendo, (ut) *index daretur* (Gai. IV § 15).

8) Cic. de leg. agr. II 17 § 44.

9) Gai. IV § 20.

10) Similem Bethmanni Hollwegii errorem notavit Krüger, *krit. Versuche* (1870) p. 70 not. 2 (p. 71).

11) Ad Gai. IV § 95.

12) *Abhandl.* (1889) p. 85¹². Praeiverat Bachofen, de Rom. iudiciis (1840) p. 38 (nisi quod Crepereiam Cornelia lege commutat).

hereditate quingenario sacramento ut configeretur, idque postea ¹⁾ translatum ad summam sponsionis ²⁾. Illud utique constat, post actionem per sponsionem introductam apud Romanos proprietatis iudicium, olim si duplex fuit, simplex esse coepisse ³⁾, atque sic effectum, ut, cum obscura essent utriusque iura, pro possessore iudicandum esset. Displicuit aliquando Constantino hoc possidentis privilegium, quamobrem praescripsit, *si deficiat pars (petitoris) in probationibus, tunc . . . possessori necessitas imponatur probandi, unde possideat vel quo iure teneat, ut sic veritas examinetur* ⁴⁾. Quod statutum ⁵⁾, licet asit a legis Romanae Visigothorum compilatione, tamen in *legē Visigothorum Reccesvindi* ⁶⁾ redit (*quotiens causa auditur, probatio quidem ab utraque parte, hoc est, tam a petente quam ab eo qui (= a quo) petitur, debet inquiri, et quae magis recipi debeat, iudicem discernere competenter oportet. Tamen etc.*), sed a Iustiniano Codice exulat. Quin adeo non haesit, ut, nedum probationem a possidente exigere, verum *cogi possessorem . . . titulum suae possessionis edicere*, amentiae adscribat Arcadius ⁷⁾. Quamquam hoc ipsum: ne titulum possessionis suae possessor edicat, ita procedit, nisi petitor iam demonstraverit, rem fuisse suam, tunc enim necessario cogendi sunt possessores docere, *unde postea domini facti s(i)nt* ⁸⁾. Est praeterea ex constitutione Alexandri ⁹⁾ in actione furti, quum

1) Lege Iulia iudicaria.

2) Nihil translatum, sed sponsionem centumviralium causarum esse sacramentum, opinio est Bethmanni Hollwegii, *Civilprozess* § 89¹⁴ (II p. 232), quem refellit Martin, *Tribunal des centumvirs* (1904) p. 99¹.

3) Repugnat Wetzell, *Findicationsprozess* § 14 (ia. § 13), quoad quidem eius ad altercandi genus (*das Behaupten*) attinet, nam, ad probationem quod attinet, etiam sacramenti in rem actionem duplicem fuisse negat (p. 7, p. 60).

4) c. 1 C. Th. 11. 39. Initio constitutionis suppleo: *etsi veteris iuris definitio et retro principum rescripta in iudicio (petitorio) petitori eius rei, quam petit, necessitatem probationis dederunt, ut mox verba: si quando talis emerit causa, habeant, quo referantur.*

5) Conferri iubet Eck, *doppels. Klagen* (1870) p. 18 (not. 52): § 184-187 *preuss. allgem. Landr.* I 7.

6) II 2 c. 5.

7) c. 12 C. Th. 11. 39 = c. 11 C. 3. 81 = Ed. Theod. 132.

8) c. 16 C. 4. 19. Exemplum est in pap. Oxyrrh. 67.

9) c. 5 C. 6. 2 (Erman, *Ztschr. der Sav.-St.* XI p. 219). Conferendum est omnino capit. 67 § 3 (Caroli Magni).

quis fassus sit rem apud (s)e fuisse, necessaria exhib(itio) venditor(is), nam a transeunte etiam ignoto emisse, dicere non convenit volenti evitare alienam viri boni opinionem. Quod non esse trahendum ad ius vindicationis, iam Thalelaeus adnotavit ¹⁾. Similiter in crimine falsi, quum quis falsis rescriptionibus usus esse dicatur, si suam innocentiam probat et eum a quo accepit exhibet, ex eiusdem Alexandri constitutione ²⁾ se liberat, proinde, verbis ut utar Modestini ³⁾, nullo auctore habito plectitur. In his igitur adversus crimen auctore habito reus defenditur, non, ut supra, delicti sed possessionis ⁴⁾ auctore dato. Quod similiter evenit in Goslariensibus passim statutis ⁵⁾. Nam diversa causa est c. 9 C. Th. 9. 34, ubi poena libelli vulgati remittitur ei qui prodiderit auctorem; nam ibi neque possessionis neque delicti alieni, sed libelli auctorem intelligendum esse manifestum est ⁶⁾.

(Continuabuntur).

1) sch. 3 ad Bas. 60. 6. 22: σημείωσαι, ὅτι, εἰ μὲν φιλῶς περὶ δεσποτείας ἐστὶν ἡ ζήτησις, οὐκ ἀπαιτεῖται τις δεῖξαι, πόθεν ἐκτήσατο· εἰ δὲ περὶ κλοπῆς, ἀναγκάζεται δὲ . . . ἐναγόμενος δεῖξαι, πόθεν νέμηται.

2) c. 3 (4) C. 9. 22.

3) L. 33 D. 48. 10.

4) Vel rei furtivae vel constitutionis falsae.

5) 37, 23-38, 6 (= 113, 36-114, 2); 39, 5-7; 88, 27-33; Göschen p. 306/7.

6) Cf. c. 10 eod. (ubi Gothofr. pro *lectorem* rep. *auctorem*, sicut GU 1349 pro *doctorem* Hübner).

AD TACITI HIST. IV, 24.

Ex hoc loco videor mihi protrahere posse lepidi aliquid iocosque . . . si verum est; sin falsum videbitur, nil mihi nocebit: ridebit adversarius et ridendo ponet arma.

Multis a Civile acceptis cladibus de sui ducis ignavia et stultitia queruntur milites Romani, tandemque (verba haec sunt ipsius Taciti):

„quin potius interfecto traditore fortunam virtutemque suam malo omine exsolverent” rogant.

Quod illud *omen* esset viri docti aut frustra quaesiverunt, aut specie contenti omnino non quaesiverunt. Certe nihil suboluit Orellio, qui primum ineptum istud *traditore* contra certam Puteolani emendationem *proditore* defendit, deinde haec addit: „*malum* autem omen in eo praevidebant milites, quod opinabantur fore ut, cum primum illud in se admisisset, mox aequè negligeret etiam Romanorum rationes et commoda.”

At, o bone, imperatorem, qui semel prodiderit milites suos aut hostibus tradiderit, et postea simile aliquid ausurum, minime levis est suspicio sed sententia quam maxime probabilis utpote quae omnium firmissimo nitatur argumento. Non tam *certum* est omen, neque re tam gravi efficitur: e levissimis illud nasci causis solet, prae caeteris vero e sono aliquo vel ... nomine. Censores ante omnia vectigalia *Lacum Lucrinum* locant, quia illud nomen dat spem lucri; in delectu habendo consules eos citant primos quibus sunt bona nomina, puta Victor, Stator; urbium *Maleventi* et *Epidamni* nomina populus Romanus mutavit in *Beneventum* et *Dyrrachium*, *malum* scilicet et *damnum* metuens. Misero autem illi duci, in quem nunc omnis militum incumbit indignatio nomen est ... *Hordeonius* Flaccus, eiusque nomen gentile militibus in mentem vocat poenam *hordei pro tritico* dati (Liv. 27, 13, Graece κριθῶν ἀντὶ πυρρῶ Pol. VI, 38, Plut. Marcellus 25) ridiculam sane poenam sed admodum turpem, qua qui afficitur non homo sed iumentum videtur, et est poena eius qui *praesidio cessit* et inter lixas, calones, aleatores versari quam munia obire militaria maluit. Haud inepte ergo milites sui flagitii culpam in ducem infirmum desidemque reiciunt et sunt quidem „frigidiores, sed quia stomachantur, ridiculi videntur esse” (ut Ciceronis utar verbis Verr. I, 121), qui hoc dicant: „indignum est milite Romano sub aliquo *Hordeonio* stipendia facere”. (Belg.: „onder een generaal *Haverman*”).

J. J. H.

DE VOCE „FATUM” SENSU MINUS USITATO ADHIBITA.

SCRIPSIT

P. J. ENK.



Quotiens pulcherrimum perlegimus carmen Propertii quod est decimum septimum libri primi, haeremus in loco difficillimo, in quo explicando post tot saecula nondum consentiunt viri docti, cuiusque recta interpretatio, si non omnia me fallunt, etiam nunc in obscuro latet. Est autem unus ex iis locis Propertianis qui ideo a multis corrupti habentur, quod ii critici, qui textum traditum defenderunt, ad eiusmodi confugerunt interpretationes, quae a nullo linguae Latinae peritior probari possint.

Disputaturus autem sum de versibus undecimo et duodecimo

an poteris siccis *mea fata reponere* ocellis
ossaque nulla tuo nostra tenere sinu?

Quaeritur enim quid verba *mea fata reponere* sibi velint; quae recte explicata, dummodo mea interpretatio vera sit, hoc quoque luci afferunt, ut viam nobis monstrare possint in nonnullis locis aliorum poetarum Romanorum illustrandis. Spero igitur viris doctis quoque, qui occupati sunt in „Thesaurus linguae Latinae” componendo, meam qualemcunque disputatiunculam non inutilem futuram.

Primum autem videamus quomodo verba illa hodie in commentariis ad Propertium exegeticis explicantur. Honoris causa incipiam ab interpretatione quam dedit Rothsteinus. Eius verba haec sunt (Pars prior p. 109): „*fata reponere*, inquit, kann hier nichts anderes heissen als „die Leiche bestatten”. *Fata* ist

in demselben Sinne gebraucht, wie *funus* vs. 8 und *mors* II. 13. 22 nec sit in Attalico *mors mea nixa toro*”. Quae interpretatio non nova est; apud Passeratium (Commentarii in C. Val. Catullum, Albium Tibullum et Sex. Aur. Propertium, Parisiis, 1608) enim legimus (p. 224) haec: „reponere mea fata: componere ossa et condere corpus humo”.

Quomodo fieri possit, ut Cynthia corpus poetae, quod procul Roma fluctibus maris in litus insulamve desertam eiectum est, sepeliat, editor Germanus addere supersedit, iure nostro tamen ex eo quaerimus. Quid ipse poeta sibi voluerit, non dubium ex versu octavo:

haecine parva meum funus harena teget;
sed minus etiam Rothsteinium sequi possumus, si pentametrum
ossaque nulla tuo nostra tenere sinu
legimus. Cynthia corpus poetae, si Rothsteinio credimus, sepeliet, neque tamen eius ossa in sinu leget! En ἀπροσδόκητον absurdissimum. Num mirum Postgatum, cum anno 1899 (Class. Review 13 p. 62) sententiam suam diceret de editione Rothsteiniana, hunc potissimum locum citavisse ut exemplum daret interpretationis infelicioris?

Ab hac interpretandi ratione non multum differt Butleri, qui in sua éditione (p. 156) scribit: „If the MSS. be right, the only possible meaning must be „Will you be able to bury my body dry-eyed?” *Ossaque nulla* must then be taken as *ossa quae sunt nihil* „mere dust and ashes”. cf. 5. 22 *corpore nullus*. Cic. de Offic. III. 59 *quod eos nullos videret*. Plin. XI. 2 *tam parvis atque tam nullis*. On this view Cynthia is to find his body and to bury him, carrying his ashes to the grave in her bosom”.

Huic interpretationi primum obstat quod nusquam quicquam legimus de Cynthia corpus poetae quaerente atque inveniente, deinde explicatio verborum *nulla ossa* tam contorta obscuraque est, ut nihil addere opus sit ad demonstrandum eam veram esse non posse.

Quod ipse Butlerus intellexit, cum confugeret ad Baehrensii coniecturam *reposcere* pro *reponere* legentis. Et sic versus editus est et a Postgatio in editione, quae prodiit sumptibus G. Bell et filiorum, et ab eodem Butlero in editione Loebiana („The Loeb Classical Library”):

an poteris siccis mea fata *repscere* ocellis
ossaque nulla tuo nostra tenere sinu?

Sed quis non videt Baehrensii coniectura recepta hexametrum et pentametrum non iam inter se cohaerere? Poterisne meam mortem poscere, cum tamen mea ossa in tuo sinu tenere nequeas? Qui alicuius mortem postulat, non rogat utrum eius ossa colligere possit necne. Sed tum praesertim Baehrensii coniecturam abiciendam esse patebit, cum in fine disputationis nostrae pauca de carminis compositione in medium protulerimus.

Evolvamus nunc aliorum commentarios nostra aetate scriptos. Vir doctus G. G. Ramsay (Selections from Tibullus and Propertius, p. 201) quamquam et ipse dubitat an textus corruptus sit, *reponere* vertit „to represent”, „to portray in imagination” Lemairii vestigia secutus qui interpretatus est „remettre sous les yeux”. Eandem sententiam e verbis laudatis excutere conatur vir doctus K. P. Schulze (Römische elegiker⁵, p. 181) qui Germanice vertit: „kannst du dir mein Schicksal vorstellen”. Vereor tamen, ne haec sententia in verbo *reponendi* non insit. Accedit quod ne sic quidem hexameter et pentameter apte inter se cohaerent.

Vir doctus K. Jacoby (Anthologie aus den Elegikern der Römer, 3. Properz, p. 26) confert Aen. I. 26 manet alta mente *repostum* iudicium Paridis, quo loco fretus vertit: „wirst du an mein Geschick mit thränenlosen Augen zurückdenken können”. Sed *repostum*, quod est *conditum*, nihil prodest ad nostrum locum melius intelligendum; „siccis oculis memoriam meae mortis alto corde premere poteris”, haec sententia prorsus non quadrat in contextum, neque bene cum sequenti pentametro cohaeret.

Aliam viam iniit vir doctus Foster, qui (Class. Philology, Oct. 1912) *reponere fata* vertit „to put away, forget my death”, sed virum acutum rogare velim num sic apta evadat sententia: „poterisne meam mortem oblivisci neque ossa nostra tuo sinu tenere?” Praeterea verbi *reponendi* sic adhibiti desidero exempla. Ipse olim de interpretatione verborum traditorum desperans Italorum inventum *opponere*¹⁾ commendavi in meo „ad Propertii

1) Sic Hertzbergius, Paley, Keil (in edit. anni 1867), L. Mueller, Uhlmann (de Sex. Prop. genere dicendi), Vahlen (in editione quinta).

carmina commentario critico” (p. 57); quam coniecturam nunc non iam probo, quod textum traditum optime defendi posse mihi persuasum est.

Nunc nostram proferamus sententiam.

Unusquisque qui versum 12 *ossaque nulla tuo nostra tenere sinu* legit, statim cogitat de sepultura:

abstineas Mors atra precor: non hic mihi mater

quae legat in maestos ossa perusta sinus

lamentatur Tibullus I. 3. 5. „Quid igitur”, inquires, „ecce autem denuo *ἄσπος* ille de corpore sepeliendo quod procul iacet in litore aliquo ab Urbe remotissimo?”

Pro responso invito te, ut mecum evolvas locum notissimum apud Vergilium, Aen. VI. 378. Res quae ibi narrantur quam maxime cum nostro loco conferendae sunt: nam illic quoque ut hic de naufragio sermo est. Corpus mortuum fidissimi gubernatoris insepultum iacet, sed Sibylla eum consolatur:

nam tua finitimi longe lateque per urbes

prodigiis acti caelestibus ossa piabunt

et statuent tumulum et tumulo sollemnia mittent,

ubi Servii adnotatio maximi pretii est:

„Lucanis pestilentia laborantibus respondet oraculum manes Palinuri esse placandos, ob quam rem non longe a Velia et lucum et cenotaphion ei dederunt”.

Umbris eorum qui in mari perierant, antiqui tumulum inanem vel cenotaphion dabant, ut manes placarentur neve insepulti vagarentur propinquorum amicorumque quietem turbantes. Sic Cynthiae quoque agendum erit: mortuo poetae iusta ferre debet; cum autem nesciat, ubi natet iaceatve corpus, tumulum inanem in honorem eius statuet. „Si procella”, inquit poeta, „tantopere saevire perget, mox nave fracta corpus meum fluctibus maris verretur; deinde in litus desertum iaciar mortuus, parva harena, qua ipsae undae me conspergent, tectus; tu tamen, o Cynthia, diras tuas in vota muta salutis, sat tibi sit poena, quod tam saevae tempestati interfui” — et nunc vide quam apte mea interpretatione sequens distichon cum praeecedentibus cohaereat — „an poteris siccis oculis mihi iusta solvere mortuo, cum mea ossa in tuo sinu colligere nequeas i. e.

tum flebis, cum mea ossa in tuo sinu colligere non poteris i. e. tum flebis, cum supremo in me officio fungeris, sentiesque quid sit nihil, ne cinerem quidem, ad te redire ex eo qui tibi olim carissimus gratissimusque fuit?” Sic explicatum distichon unam exprimit sententiam, alterque versus alterum optime supplet.

Redeo nunc ad morem Romanum tumulos constituendi inanes. Multa nos docet locus in Aeneide (VI. 505) ubi Aeneas Deiphobum sic alloquitur:

tunc egomet *tumulum* Rhoeteo in litore *inanem*
constitui et *magna manes* ter voce *vocavi*.
nomen et arma locum servant; te, amice, nequivi
conspicere et patria decedens ponere terra,

ad quae Deiphobus respondet:

nihil o tibi, amice, relictum;
omnia Deiphobo *solvisti* et *funeris umbris*.

Animum attendas velim ad ultima verba „omnia solvisti funeris umbris”; si corpus naufragi non adest, *umbra* eius *placanda* est, *tumuloque inani condenda*.

Versum 11 „an poteris siccis mea fata reponere ocellis” re vera de *sepultura* loqui docet *reponendi* verbum, cf. Verg. Aen. VI. 655. quae cura nitentis pascere equos, eadem sequitur *tel- lere repositos*; Hor. Carm. I. 10. 17 tu *pias laetis animas reponis* / *sedibus*.

Reponere manes bene illustratur Verg. Aen. IV. 34, ubi Anna et alia dicit et haec: id cinerem aut *manes* credis curare *sepultos*?

Reponere (= sepelire) nostro loco sic nude adhiberi posse non addito vocabulo qualia sunt *tumulo*, *sepulcro* docet Lucani locus IX. 151: tanta fuit merces inhumatos *condere manes*, ubi *condere*, ut nostro loco *reponere*, absolute adhibetur.

Quae si recte disputata sunt, *mea fata* nostro loco *meam umbram*, *meos manes* interpretandum est. Potestne hoc salva Latinitate fieri?

Prop. I. 2. 31 his tu semper eris *nostrae gratissima vitae* verba *nostrae vitae* significant *nobis viventibus*; II. 20. 31 inter Tityi volucres *mea poena* *vagetur*, *mea poena* = *ego punitus*; III. 19. 15 *patria succensa senecta*, *patria s.* = *patre s.* I. 18. 13 quamvis multa tibi *dolor hic meus aspera* debet; *dolor meus* =

ego dolens; II. 28. 39 *una ratis fati nostros portabit amores, nostros amores = nos amantes*. Alia exempla minus luculenta praetermitto, sed unum addam, quod utique cum nostro loco conferendum est II. 13. 22 *nec mihi tunc fulcro sternatur lectus eburno | nec sit in Attalico mors mea nixa toro, ubi mors mea = ego mortuus*; eodem modo *mēa fata* nostro loco significat *me mortuum*; ex ipsis tamen verbis non apparet utrum de *corpore* an de *umbra* hominis mortui sermo sit; hoc nihil nisi contextus docere potest. Ut unum demus exemplum luculentum, citabo versum Catulli 64. 362:

denique testis erit *morti* quoque reddita praeda,
ad quem locum recte adnotat Friederichius (Catulli Veronensis liber p. 390): „*morti quoque reddita praeda* kann nicht verstanden werden wie *leto, neci, morti, exilio datus* (Landgraf: Arch. 8. 71): denn *morti redditus* kommt in diesem Sinne nicht vor”, qui deinde cum Baehrensio *mortli* „*mortuo*” interpretatur, conferre nos iubens 64, 83, ubi *mors* vocabulo „Leiche” redditur. Ego tamen puto apud Catullum 64. 362 vocem „Leiche” minus aptam esse, nam *umbram* Achillis dicit poeta. Et omnino voces ad „mortem” „inferos”que pertinentes non distinguunt *corpus* et *umbram*; *funus* multis locis *corpus mortuum* significat: Varro de re rust. I. 4. 5 (cum) omnes domus repletae essent aegrotis ac *funeribus*; Verg. Aen. IX. 491 et *funus* lacerum tellus habet; Iuvenal. 4. 108 sudans Crispinus amomo, quantum vix duo *funera*; Propert. I 17. 8 haecine parva meum *funus* harena teget; sed Propert. IV. 11. 3 cum semel infernas intrarunt *funera* leges, *funera = umbra, manes*, quod iam Passeratius intellexit. Funus enim, ut *fata, mors*, hominem mortuum significat ita, ut et de *umbra* et de *corpore* cogitare possis; cf. Ehwaldium, Ovid. met. IV. 435, cuius verba hic citentur „die Begriffe des Leichnams und der Seele, des Schattenbildes, der Manen eines Verstorbenen gehen häufig ineinander über”.

Credo me iam satis firmis argumentis demonstrasse, quomodo in vocibus *mea fata* is sensus, quem contextus postulat, inesse possit.

Possumus tamen talem vocis *fatum* usum lepide illustrare collato loco Pomponii Melae, qui in opere suo, cui nomen de Situ Orbis (Cap. 2), et alia de Thracibus narrat et haec:

„Ne feminis quidem segnis est animus. Super mortuorum virorum corpora interfici simulque sepeliri votum eximium habent; et quia plures simul singulis nuptae sunt, cuius id sit decus, apud iudicatuos magno certamine affectant. Moribus datur estque maxime laetum, cum in hoc contenditur, vincere. Maerent aliae vocibus et cum acerbissimis planctibus efferunt. At quibus consolari eas animus est, arma opesque ad rogos deferunt: paratique, ut dictitant, *cum fato iacentis* si detur in manus, vel pacisci vel decernere: ubi nec pugnae nec pecuniae locus sit, manent dominas proci”.

Non dubium quid hoc loco verba *cum fato iacentis* sibi velint, *fatum* enim *umbra* significat. Hanc explicationem, quae iam a Vossio proposita est, unice veram esse testis est fabula Euthymi, quae et apud alios et apud Pausaniam invenitur. Libro autem sexto (C. 6. 7) legimus, cum Ulixes Temesam venisset, unum e nautis eius ebrium virginem violavisse, pro qua re ab incolis lapidibus obrutus sit. Quod Ulixes non curans Temesa profectus est. Pergit Pausanias narrare τοῦ καταλευσθέντος ἀνθρώπου τὸν δαίμονα οὐδένα ἀνιέναι καὶ ῥὸν ἀποκτείνοντα τοὺς ἐν Τεμέσῃ. Oraculo suadente Temesaei, ut manes nautae placarent, templum aedificavere, et quoque anno ei uxorem dabant formosissimam totius urbis puellam. Accidit autem, ut Euthymus pugil forte Temesam veniret. Qui cum audivisset quam acerba paterentur incolae, desiderium eum cepit templum intrandi puellamque videndi; ὥς δὲ εἶδε, inquit Pausanias, τὰ μὲν πρῶτα ἐς οἶκτον, δεύτερα δὲ ἀφίκετο καὶ ἐς ἔρωτα αὐτῆς, καὶ ἡ παῖς τε συνοικήσειν κατώμνυτο αὐτῷ σώσαντι αὐτὴν καὶ ὁ Εὐθύμος ἐνεσκευασμένος ἔμενε τὴν ἔφοδον τοῦ δαίμονος, ἐνίκα τε δὴ τῇ μάχῃ (VI. 6. 9).

Vides apud Pausaniam quoque hominem *cum umbra humana pignantem*. Invenimus igitur duos locos, ubi *fatum* vel *fata* significat *umbra*; quaeritur, num plures loci sint, qui perspicui fiant si voci *fata* talem sensum tribuamus.

Quibus in locis indagandis maxima cautione opus esse docet Petri Fonteinii exemplum, qui ingeniosius, quam verius Prop. I. 1. 20:

et labor in magicis *sacra* piare locis

pro *sacra* proposuit *fata*. Exemplum eius secuti sunt duo philologi clarissimi Baehrens et Housman (Journ. of Philol. XVI.

p. 31) qui et alio loco Prop. III. 1. 1 pro „Callimachi manes et Coi *sacra* Philetæ” Coi *fata* Philetæ restituere voluerunt, neque tamen recte, cum utroque loco vocabulum *sacra* suam habeat interpretationem neque verisimile videatur duobus locis longe inter se distantibus forte quadam in eodem vocabulo prorsus eodem modo peccatum esse a librariis.

Cum autem Baehrensius coniecturam suam *fata* (= umbra) veram esse probare conaretur, unum tantum locum similem proferre potuit, Pomponii Melæ, ut videre potes ex apparatu eius critico ad Prop. III. 1. 1. Housmanus intelligens Melæ locum non sufficere ad tam rarum usum vocis *fata* defendendum duos alios locos citat, quorum alter est Horat. Carm. I. 24. 15:

quid si Threicio blandius Orpheo
auditam moderere arboribus fidem?
num vanæ redeat sanguis imagini
quam virga semel horrida,
non lenis precibus *fata* recludere,
nigro compulerit Mercurius gregi?

sed *recludere fata* hoc loco nihil aliud est nisi *portas fatorum* i. e. *Orci recludere*, cf. Verg. Aen. VIII. 244 *infernâs reseret sedes et regnâ recludat* | pallida, Prop. IV. 11. 2 *panditur ad nullas ianua nigra preces*. Et licet contendat quis *fata* hic *umbras* posse significare, concedendum ei erit talem interpretationem non necessariam esse.

Alter locus est Lucan. Pharsal. VI. 651. Res ita se habet: Sextus Pompeius Magni filius se ad Erichtho contulit sagam quandam, ut ab ea de rebus futuris fieret certior.

Tota illa pars narrationis tam furvis lugubribusque depingitur coloribus, ut legentem admoneat poetae illius Americani Edgar Allan Poe, tamque atrox est scena illa ut iure suo dicat vir doctus Cruttwell in Historia sua litterarum Romanorum: „the blood curdles at the sickening details”. Erichtho enim militem quendam mortuum, quem ad eum usum elegit, in vitam revocat:

electum tandem traiecto gutture corpus
ducit, et inserto laqueis feralibus unco
per scopulos miserum trahitur, per saxa cadaver
victurum montisque cavi, quem tristis Erichtho
damnarat sacris, alta sub rupe locatur.

haud procul a Ditis caecis depressa cavernis
 in praeceps subsedit humus, quam pallida pronis
 urguet silva comis et nullo vertice caelum
 suspiciens Phoebo non pervia taxus opacat.
 maerentes intus tenebrae pallensque sub antris
 longa nocte situs nunquam nisi carmine factum
 lumen habet. non Taenariis sic faucibus aer
 sedit iners, maestum mundi confine latentis
 ac nostri quo non metuant admittere manes
 Tartarei reges.

Sequuntur post hanc magnificentissimam descriptionem haec
 (vs. 651):

nam quamvis Thessala vates
vim faciat fatis, dubium est, quod traxerit illuc,
 adspiciat Stygias, an quod descenderit, umbras.

Concedendum est verba, quae obliquis litteris imprimenda curavi, subobscura esse: equidem valde dubito, utrum hoc loco, *fatis* = *umbris*, ut cum Ph. L. Haus, qui Lucani epos Germanice reddidit (Mannheim, 1792) vertendum sit „denn obgleich Thessaliens Wahrsagerin die *Todten* zwinget ...” an verba citata, ut vulgo fit, sic explicanda sint „*quamvis* vi artis suae *possit ita fatis vim facere*, ut ab inferis umbras eripiat, adeo vicina est spelunca Stygiis sedibus, ut dubitari possit, utrum vates videat umbras infernas quod evocatas eas illuc traxerit, an quod ipsa descenderit ad eum locum iuxta quem inferi siti sunt” (cf. Lemairii editionem).

Quidquid id est, locus non tam perspicuus est, ut addi possit iis locis, ubi *fata* = *mortui* = *umbrae*. Est tamen in eodem contextu alius versus, qui tum demum perspicuus fit, si *fata* vocis *umbra* loco positum esse mecum sumis. Umbra militis corpus mortuum intratura est:

719 haec ubi fata (sc. Erichtho) caput spumantiaque ora levavit,
 720 aspicit astantem proiecti corporis umbram
 exanimis artus invisaque claustra timentem
 carceris antiqui. *Pavet ire in pectus apertum*
 visceraque et ruptas letali volnere fibras.
 a miser, extremum cui mortis munus inique
 725 eripitur; non posse mori! Miratur Erichtho

has fatis licuisse moras, irataque morti

727 verberat immotum vivo serpente cadaver.

Versu 722 legimus umbram corpus introire dubitare quod ei antea domui fuit; versus 726 igitur sic interpretandus est: „miratur Erichtho has moras licuisse *umbrae* (sc. militis)”. Haskinsii commentarius tacet, sed Lemairius sententiam recte perspexit, ut docet eius ad hunc locum adnotatio „quod licuerit *animae* tamdiu detrectare imperium suum non extemplo corpus ingressae”, neque tamen ullo verbo addit *fata* hic *umbra* vel *anima* significare neque adfert ullum locum *παράλληλον*. Eodem modo locum interpretatur Haus: „Erichtho erstaunet, dass *Erblichene* so zögern dürften e. q. s.” Revertamur nunc paulisper ad Propertii elegiam I. 17 unde tota disputatio orta est, et quaeramus, utrum interpretatio verborum illorum difficillimorum *mea fata reponere* quadret in totius carminis contextum necne.

Constat carmen, quod magna arte compositum est, ex duabus partibus quarum utraque 14 versus habet. In parte priore adversa tempestate in mari iactatus naufragium a se deprecatur poeta Cynthiamque orat, ut saevas querellas in melius convertat ne postea eam suae pigeat crudelitatis, cum ne ossa quidem sua colligere poterit; in parte altera queritur se non domi mansisse, seque stultum vocat, qui „tam parvolam ob rem e patria” abire voluerit.

Versus 13/14 „ah pereat, quicumque rates et vela paravit | primus et invito gurgite fecit iter” aptissime claudunt priorem elegiae partem.

Quicumque autem quam *συμμέτρως* carmen nostrum compositum sit, observavit, intelligit descriptioni (vs. 19—24) funeris quali in patria mortui efferuntur respondere necesse esse sepulturam, qualis naufragorum in honorem celebratur; et revera mentio fit cenotaphii ¹⁾ versibus 11. 12. Vides ergo quantopere omnia conspirent ad novam quam proposui explicationem vocabulorum *mea fata reponere* defendendam, neque dubito quin via semel monstrata mox alii alios locos inventuri sint, ubi *fata* eam habet vim, quae usque ad hunc diem e Mela solo erat nota.

1) Baehrensii tamen coniectura recepta nimis breviter uno tantum versiculo de tumulto illo inani loquitur poeta.

BOBIENSIA.

SCRIPSIT

C. BRAKMAN J. F.



Nuper relegens orationes, quae inscribuntur Pro Flacco et Pro Plancio non omisi consulere egregiam recensio-
nem Scholiorum Bobiensium, qua duobus annis ante nos donavit Thomas Stangl ¹⁾. Inde ab anno 1912 demum clarissimi illius viri beneficio habemus fundamentum quam firmissimum atque solidissimum unaque auxilium fidissimum et validissimum, quotiens nos conferre volumus ad studium veterrimi illius interpretis. Critici ad unum omnes affirmaverunt, quicumque librum Stangelianum sequentur ducem, eos nunquam aberraturos esse.

Novimus in codice rescripto, qui Scholia Bobiensia continet, terminos rhetoricos Graecos et alia vocabula Graeca olim exarata fuisse minio, quae veneno a Maio adhibito evanuerunt. Itaque ut restituamus voces desideratas, imprimis magni refert scire quantum spatii occupent lacunae quotque litterae cubent in spatio vacuo. Quae diligentissime nos Stangl nusquam non docet. Rerum ab editore indicatarum, quae quam magni momenti sint nemo testis oculatus non ignorat, ratione habita hic conatus sum in nonnullis scholiis recuperare voces Graecas evanidas factas. Descripti et lemmatum et scholiorum verba, in quantum necessaria sunt ad intellegendum parcens chartae huius diarii pretiosissimae.

1) Ciceronis Orationum Scholiastae recensuit Thomas Stangl. Volumen II Commentarios continens Vindobonae in aedibus F. Tempsky.

Pro Flacc. § 17 (Stangl. pag. 99, 6) *Caesus est virgis Cymaeus ille Athenagoras qui in fame frumentum exportare erat ausus.*

Graviter et congeste <πῖθανῆν> causam ostendit quare potuerit Athenagoras ad mentiendum provocari: propter indignationem verberum, quibus fuerat castigatus, et iustitiam Flacci praetoris, qui propter huiusmodi audaciam existimaverit puniendum.

ib. § 17 (Stangl. pag. 99, 18) *Quod se velle dixit, id sutores et zonarii conclamarunt. Hoc testimonium est civitatis?*

.... in clausula pronuntiandum est quid sit testimonium. Ad quod destruendum <παραίμα> ab oratore praemissa est, dicendo *sutores et zonarios* ¹⁾, ut volgaribus et sordidis artificiiis appareat humilitas personarum nec ullum genium publicae maiestatis obtineat.

ibid. § 106 (Stangl. pag. 108, 10) *Huic, huic misero puero.* <Ἡθικὸν ἐπιλογεῖν> intulit, secutus videlicet suam consuetudinem et artis oratoriae disciplinam, ut lacrimosis adfectibus prope sententiam iudices impleantur.

Eodem fere modo Aristoteles (Pol. 8, 7) usurpat ἀρμονίαι ἡθικαί: numeri, qui animum movent; cf. quae supplevi infra ad pag. 169, 8.

Pro Planc. § 22 (Stangl. pag. 154, 17) *Non fucosa.*

Verbum et hoc notabile inter alia quae sunt apud veteres rariora referendum est. <Ἐπιτίμησις> adversus Tusculanos, ne hanc laudem nude inpertiri Atinatibus arbitreris: quos ita extollit, ut illorum malevolentiam deprimat.

ib. § 24 (Stangl. pag. 155, 20) *Aliquid praeterea — timide dicam, sed tamen dicendum est: aliquid* ²⁾ *adtulimus etiam nos.*

<Κατὰ λιτότητα> necessario temperavit gratiam suam non mediocriter Plancio profuisse, quando vir consularis testimonium beneficiorum in se conlatorum perhibens candidato multum potuerat promovere. Hoc vero ne esset insolens superbum, praemisit adlegationem verecundae timiditatis.

1) Cf. quod belgice dicitur: Jan Rap en zijn maat.

2) Pulchre repetitur! At editiones nostrae illam geminationem non agnoscunt.

Ibid. § 27 (Stangl. p. 156, 30) *Hic est enim qui adolescentulus cum Aulo Torquato profectus in Africam sic ab illo gravissimo viro dilectus est.*

Anteactae vitae officia recensentur quadam subiecta <Βιογραφία>, numerante oratore quibus locis quibusque temporibus et cuiusmodi virorum iudicio Cn. Planci mores comprobati sint.

ibid. § 35 (Stangl. pag. 159, 11) *Ego quia dico aliquid aliquando non studio adductus, sed aut contentione dicendi aut lacesitus, et quia, ut fit in multis, exit aliquando aliquid si non per facetum, at tamen fortasse non rusticum: quod quisque dixit, me id dixisse dicunt.*

<Γενικῶς> et oratorie totum hoc explicat: invidiosius quasi de nimia libertate Cn. Plancii senioris quosdam loqui quam veritas ipsa patiat e. q. s. Hoc ergo ait: quoniam soleo quaedam non ingrata festivitate secundum sales urbanitatis dicere, idcirco plerique huiusmodi omne quod dicitur, etiam si ab alio dictum sit, in me conferunt.

Graeci illius adverbii exemplum legi in Ciceronis epistulis ad Atticum commemorandum hic est: I 14, 2 Locutus ita est (sc. Pompeius) in senatu, ut omnia illius ordinis consulta γενικῶς laudaret, mihique, ut adsedit, dixit se putare satis ab se etiam „de istis rebus” esse responsum.

Hic exscribo ultima verba § 53 (pro Planc.), quae desiderantur in lemmate: *Neque enim unquam maiores nostri sortitionem constituerent aediliciam, nisi viderent accidere posse, ut competitors pares suffragiis essent.*

Ad ea verba manifesto pertinet altera pars scholii, quod legitur: (Stangl. pag. 162, 10) Et magis <κατὰ τὰ πάτρια> id confirmat paratum, ut aediles sortirentur, quoniam discerni huiusmodi magistratus nisi sorte non possent.

ibid. § 56 (Stangl. pag. 162, 20) *Quibuscum me, iudices, pugnante more meo pristino non videbitis; non quo mihi fas sit quicquam defugere, quod salus Plancii postulet.*

Figmento quodam verecundiae declinat eam partem quae difficultatis aliquid habere videatur adversus quorundam testimonia

contendi, et non sine <ἐπιμαρτυρήσει>, qua se omnem Plancio sollicitudinem debere testatur.

ibid. § 58 (Stangl. pag. 162, 28) *In quo, Cassi, si tibi ita respondeam, nescisse id populum R. neque fuisse qui id nobis narraret, praesertim mortuo Congo.*

Iuventiae familiae, ex qua Laterensis contextum generis traherat, probaturus veterem nobilitatem Cassius praeiactaverat hunc aedilem primo ante alios loco fieri debuisse. <Ἐκτοροπῆι> igitur in eundem Cassium facta M. Tullius negat populum, id est vulgus inperitorum, iudicare penitus de familiae clarioris nobilitate potuisse, ut nonnisi peritiores vetusatis et qui anti-quitatem per historias legerint haec scire facillime possint.

ibid. § 75 (Stangl. pag. 165, 10) *Nam istius verbi „quo usque” poterat haec esse invidia: „datus est tibi ille; non facis finem?”*

<Μετρίως> abunde, quo minus inpudens videretur haec compensativa defensio, dicente Laterense: „quousque vis servatos esse quos diligis? Et pro Cispio causam dicente sic rogasti et precibus tuis ambitum paene movisti!” opposuit acutissimam responsionem: merito haec ab eo dici potuisse si pro Cispio impetrasset; porro autem, cum pro Cispio non optinuerit, vel pro hoc obtinere debere, qui et innocens sit et de salutis suae conservatione bene meritus. Animadvertite quo modestiae temperamento ¹⁾ haec exsequatur, ut nihil inpudentiae, multum religionis habeat oratio.

ibid. § 78 (Stangl. pag. 166, 8) *Quo quidem etiam magis sum non dicam miser — nam hoc quidem abhorret a virtute verbum — sed certe exercitus.*

<Ὀρθῶς> hanc sententiam secundum illos philosophos intulit qui existimaverunt semper beatos esse sapientes, numquam miseros existimandos ac, si quid adversi prudentibus eveniret, non poenam magis et calamitatem quam exercitationem esse fortunae.

1) Praesertim haec duo vocabula: *modestiae temperamento* favent supplemento meo μετρίως.

ibid. § 99 (Stangl. pag. 168, 27) *Thessalonicam me in quaestoriumque perduxit.*

Hospitium quaestoris significans proprie secundum vocabulum magistratus etiam loco ipsi nomen dedit. Nunc autem <καταλύματα> omnia in quibus variae dignitatis praesides habitent praetoria nominantur.

ibid. § 102 (Stangl. pag. 169, 8) *Mecum vos simul hic miserimus et optimus obtestatur parens, et pro uno filio duo patres deprecamur.*

<Ἡθικῶς> valde. Copulatis utrimque personis et in patre sine dubio plurimum constituit miserationis et sibi eandem vim sollicitudinis vindicavit, quasi uterque Cn. Plancio pater sit, alter natura, alter officio gratus.

De simili supplemento supra egi ad § 106 orat. Pro Flacco (Stangl. pag. 108, 10).

AD VALER MAXIM. VII 2 EXT. 7 (KEMPF. PAG. 329, 17).

Aristophanis quoque altioris est prudentiae praeceptum, qui in comoedia introduxit remissum ab inferis + Atheniensium Periclen vaticinantem non oportere in urbe nutriri leonem, sin autem sit altus, obsequi ei convenire.

P. H. Damsté, qui tam ingeniose locum Valerianum, quem legimus edit. Kempf. pag. 400, 10 ¹⁾, ut alios non ita paucos sanavit, docte disputat ²⁾ de errore Valerii Maximi Aristophanis nomen ponentis pro Eupolide. Quod tamen idem philologus *Atheniensium* transposuit post *urbe*, id paulo vehementius videtur fecisse. Leniore certe medicina puto me genuinam lectionem restituere posse. Scripturam enim *Atheniensium* ex *Atheniensib.* quam facile nasci potuerit, quis non intellegat? Recte autem omnia se habent, si dativum cum *vaticinantem* coniungimus et revocamus: qui in comoedia introduxit remissum ab inferis *Atheniensibus* Periclen vaticinantem e. q. s.

C. BRAKMAN J. F.

1) *Mnemos.* XLII (1914) pag. 267.

2) *l.l.* pag. 258 sq.

CICERONIANA.

SCRIPSIT

C. BRAKMAN J. F.



Ineunte mense Maio a. 705 Cicero cupiens Italiam a Caesarianis occupatam relinquere cum Attico communicavit cum alia verba e litteris, quas ab Antonio acceperat, tum haec

X 10, 2 Sed ego is non sum, qui statuere debeam, iure quis proficiscatur necne; partes mihi Caesar has imposuit, ne quem omnino discedere ex Italia paterer. Quare parvi refert me probare cogitationem tuam, si nihil tamen tibi remittere possum. Ad Caesarem mittas censeo et ab eo hoc petas ¹⁾).

Iis ipse Cicero subiungit:

§ 3 Habes *σκυτάλην Λακωνικήν*. Omnino excipiam hominem. Erat autem V Nonas venturus vesperi, id est hodie. Cras igitur ad me fortasse veniet. Temptabo, ut ei persuadeam me nihil properare; missurum ad Caesarem. Clam agam, cum paucissimis alicubi occultabor, *carti* hinc istis invitissimis evolabo, atque utinam ad Curionem!

Vehementer miror pro *carti* nondum propositum esse *cursim*, quod vocabulum a tradita scriptura vix differt optimeque in hunc locum quadrat. Cum saepe in epistulis Cicero vulgari sermone utatur, apte conferre possumus Plaut. Pseud. 358.

Numquam ad praetorem aequè *cursim curram*, ut emittar manu et Afran. 294 (Ribb.) age *curre cursim* ad Numisium | Occulto.

Idem adverbium legitur praeterea ad Attic. XVI 1, 2 Sed

1) Secutus sum editionem Teubnerianam, quam curavit C. F. W. Müller.

quid est, quaeso, quod agripetas Buthroti concisos audio? Quid autem Plancus tam *cursim* (ita enim inaudiebam) diem et noctem? Mente supplendum est: iter facit.

Cicero IX Kal. Iun. a. 710 ad Atticum de Antonio novis rebus studente scribit haec

XV 4, 1 Sed mihi totum eius consilium ad bellum spectare videtur, si quidem D. Bruto provincia eripitur. Quoquo modo ego de illius nervis existimo, non videtur fieri posse sine bello. Sed non cupio, quoniam cavetur Buthrotiis. Rides? *aps* condoleo non mea potius adsiduitate, diligentia, gratia perfici.

De ironia, quae inest in verbis *quoniam cavetur Buthrotiis*, satis perspicue interpretes disputaverunt, equidem ultimam sententiam in integrum mihi videor restituere posse. Post illud *Rides* nihil aliud expectaveris quam id, quod *serio* Buthrotiis prospicere Cicero cuperet. Quocirca revocandum erit: *Reapse* condoleo non mea potius adsiduitate, diligentia, gratia perfici. Componamus ad fam. IX 15, 1 Ex prioribus tuis litteris intellexi pergratam tibi esse curam meam valetudinis tuae, quam tibi perspectam esse gaudeo; sed, mihi crede, non perinde, ut est *reapse*, ex literis perspicere potuisti.

Transeamus ad locum turbatum eundemque notissimum orationis Caelianae:

§ 5 Nam quod est obiectum, municipibus esse adolescentem non probatum suis, nemini umquam praesenti [*praetoriani*] maiores honores habuerunt quam absenti M. Caelio; quem et absentem in amplissimum ordinem cooptarunt et ea non petenti detulerunt, quae multis petentibus denegarunt e. q. s.

Ita edidit v. Wageningen. Enumerare quae coniecerunt viri docti pro depravato *praetoriani* plane supervacuum est. Utilius duco conari, quomodo vitium sit ortum explicare. Equidem nihil melius excogitare potui quam sumere primariam lectionem fuisse *Reatini*. Verisimile est autem litteram *p*, vel potius syllabam *prae* (= *p̄*), proxime praecedentis vocis *praesenti* repetitam esse ante *Reatini*, deinde vero ex *p̄reatini* (i. e. *praereatini*) sine ullo negotio illud *praetoriani* natum. Puto igitur M. Caelium Rufum civem fuisse M. Terentii Varronis Reateque eius patriam

habendam esse eo magis quod Cicero Reatinorum fuit patronus, ut apparet ex orat. Pro Scauro § 27 Ego nuper, cum Reatini, qui essent in fide mea, me suam publicam causam de Velini fluminibus et cuniculis apud hos consules agere voluissent, non existimavi me neque dignitati praefecturae gravissimae neque fidei meae satis esse facturum, nisi me causam illam non solum homines, sed etiam locus ipse lacusque docuisset.

In Philippicis Cicero plus quam semel contendit Antonium, ut grandem pecuniam congereret, acta Caesaris vendidisse. De tali loco, qui mea quidem sententia nondum sanatus est, hic pauca mihi dicenda sunt. Est autem

Philipp. V § 12 Huius turpitudinis testes erant etiam exterae nationes. Foedera interea facta, regna data, populi provinciaeque liberatae, ipsarumque rerum falsae tabulae gemente populo Romano toto Capitolio figebantur. Quibus rebus tanta pecunia una in domo coacervata est, ut, si hoc genus pecuniae *in unum* redigatur, non sit pecunia reipublicae defutura.

Pro *in unum* nuper Sternkopf edidit: *in usum populi Romani*, quod probari vix potest. Fortasse librarius post *pecuniae* dedit *in unum*, ubi debebat exarare *in commune*. Meminimus apud Graecos quoque scriptores τὸ κοινὸν saepius significare rempublicam ¹⁾.

Cicero senatores adhortans ut M. Bruto, qui iniussu populi magnis copiis comparatis Graeciam tuebatur, invitis veteranis imperium proconsulare deferrent, patres alloquitur verbis hisce

Philipp. X § 19 Postremo (erumpat enim aliquando vera et me digna vox!), si veteranorum nutu mentes huius ordinis gubernantur omniaque ad eorum voluntatem nostra dicta, facta referuntur, optanda mors est, quae civibus Romanis semper fuit servitute potior. Omnis est misera servitus, sed fuerit quaedam necessaria: etiamne haec necessaria est? Quodnam principium *putatis* libertatis capessendae? An, cum illum necessarium et fatalem paene casum non tulerimus, hunc feremus voluntarium?

1) Ceteram conferendae sunt locutiones *in commune laborare* (Quintil. I. O. V 11, 24); *in publicum redigi* (Gell. I 12, 18) cet.

Mommsen voci *putatis* substituit *spectatis*, at Stangl scripsit: Quodnam <fore> principium *putatis* e. q. s. Si quid mutandum censerem, facilius corrigerem *optatis*, sed virorum doctorum dubitationes de verbo *putatis* mihi non videntur esse legitimae. *Putatis* enim accipiendum est pro *vultis* vel *instituitis* vel *paratis*: documento est locus Quintilianeus, ubi sermo est de erroribus praeceptorum I. O. II 3, 4 alter ille etiam frequentior, quod eos, qui ampliorem dicendi facultatem sint consecuti, non *putant* ad minora descendere, idque interim fieri, quia fastidiant praestare hanc inferioribus curam, interim, quia omnino non possint.

Hic observandum est in posteriore Latinitate saepissime *putandi* verbum eiusmodi vim induere, velut Amm. Marcell. XIV 11, 34 quae omnia si scire quisquam velit quam varia sint et adsidua, harenarum numerum idem iam desipiens et montium pondera scrutari *putabit*; Boeth. de Cons. Phil. III 4, 11 tu quoque num tandem tot periculis adduci potuisti, ut cum Decorato gerere magistratum *putares*, cum in eo mentem nequissimi scurrae respiceres? cet. ¹⁾).

1) Cf. Löfstedt Beiträge zur Kenntnis der späteren Latinität, pag. 59 sqq.

AD TAC. HIST. IV, 65.

Vir doctissimus POUTSMA in huius Bibliothecae vol. XLI pp. 397—425 docte sane et diligenter de repetitionibus apud antiquos disputans in excutiendis scriptoribus Latinis non peruenit ad Tacitum. Quem si eodem consilio pervolvisset, exemplum ibi invenisset haud scio an ceteris omnibus insignius utiliusque.

Tencteri Agrippinensibus praestantissima quaeque promittunt, si moenia sua a Romanis aedificata diruerint ipsosque Romanos in sua colonia dominantes trucidaverint: tum Agrippinenses consultandi sumunt spatium

„quando neque subire *condiciones* metus futuri neque palam aspernari *condicio* praesens sinebat.”

Quae quamvis audax sit repetitio, neque nobis est molesta neque fuit Tacito, quoniam *tam diverso sensu* bis vox *condicio* ponitur. Luculento ergo exemplo hinc quoque discimus de iisdem rebus semper et esse et fuisse idem hominum literatorum iudicium.

J. J. H.

AD SENECAE DIALOGUM DECIMUM.

SCRIPSIT

C. BRAKMAN J. F.



Dialogus qui inscribitur *Ad Paulinum De Brevitate Vitae* iure meritoque a permultis praeceptoribus cum externis tum nostratibus dignus habetur, quem gymnasiorum alumni legant. Oportet autem prius verba aliquot locorum nondum sanatorum in integrum restitui. E sex locis, de quibus hic disputaturus sum, quinque pro viribus emendare conabor initium faciens a

X 2, 4 de istis me putas dicere, quorum in confesso mala sunt? aspice illos, ad quorum felicitatem concurritur: bonis suis offocantur. quam multis divitiae graves sunt! quam multorum eloquentia et cotidiana ostentandi ingenii *spatio* sanguinem educit!

Spatio sine dubio corruptum est. Gertzii correctio *occupatio* multo ceteris praestans coniecturis quamquam in sententiam quadrat, a ratione palaeographiae parum probabilis est. Facilius is mihi videtur scribae errorem explicare, qui opinatur ex

ingenii usurpatio (= *uŝpatio*)

ingenii spatio

natum esse. Cum locutione *ostentandi ingenii usurpatio* conferenda sunt haec verba Ciceronis (Brut. § 250) maximeque laudandus est (sc. M. Claudius Marcellus), qui hoc tempore ipso, quod liceat in hoc communi nostro et quasi fatali malo, consoletur se cum conscientia optumae mentis tum etiam *usurpatione et renovatione doctrinae*.

X 9, 1 Potestne quicquam † *sensus* hominum eorum dico qui prudentiam iactant? operosius occupati sunt, ut melius possint vivere, inpendio vitae vitam instruunt!

Initio sententiae librarium erravisse plerique viri docti consenserunt, certatim igitur lacunam, quam statuerunt post *quicquam*, explere studuerunt, sed eorum supplementa non satis

placent. Nonne ipsum verbum *iactant* paene clamat requiri notionem *vani*? Rescribe ergo mecum: Potestne quicquam *<vanius esse>* sensu hominum e. q. s. Si posueris: *quicquā nani' esse sēs'*, originem mendi perspicies.

Peccaverunt sescenties veteres librarii, peccant et editores recentes, cuius rei unus alterve locus dialogi, quem tractamus, exemplum praebet, imprimis:

X 9, 5 quemadmodum aut sermo aut lectio aut aliqua intentior cogitatio iter facientis decipit et pervenisse ante *sciunt* quam adpropinquasse: sic hoc iter vitae adsiduum et citatissimum, quod vigilantes dormientesque eodem gradu facimus, occupatis non apparet nisi in fine.

Sciunt praeunte Kochio Gertzius et Hermes mutaverunt in *sentiunt*, sed obliti sunt nonnunquam *scire* legi sensu *sentiendi*, *animadvertendi*, *experiendi*, velut Sen. Phaedr. 230

exosus omne feminae nomen fugit,

immitis annos caelibī vitae dicat,

conubia vitat: genus Amazonium *scias*,

et Apul. Metam. V 1 iam *scies* ab introitu primo dei cuiuspiam luculentum et amoenum videre te diversorium. Haec exempla hausi ex Heinsii Animadvers. III 3 (pag. 417), ubi etiam plura allata sunt. Ipse commemoro Plaut. Capt. 484

Nemo ridet. *scivi* extemplo rem de compecto geri ¹⁾ et Arnob. I 17 quod levitatis in homine, quod terreno in amante culpabile est, praestans illa natura et in perpetuae virtutis firmitate consistens *scire* adseveratur a vobis. Hic luce clarius est *scire* significare *sentire*, at Ursinus et Stewechius traditae lectioni eidemque verissimae substituerunt *sentire*.

X 17, 6 ibit in Poenos nondum tantae maturus rei Scipio; victor Hannibalis, victor Antiochi, sui consulatus decus, fraterni sponsor, ni per ipsum mora esset, cum Iove reponeretur: ... civiles servatorem agitabunt seditiones et post fastiditos a iuvene diis aequos honores iam senem contumacis exili delectabit ambitio.

Cum ante *civiles* tres fere litterae erasae sint, inserendum esse censeo *patriae*, quod commendat VI (ad Marc.) 17, 6 esse aliquis

1) Brixius confert praeterea Most. I 2, 71 et Poen. III 4, 14.

ex illis (sc. filiis) tam *servator patriae* ¹⁾ quam proditor poterit. Gertzius addidit *civium*.

X 19, 2 *vis tu* relicto solo mente ad ista respicere! nunc, dum calet sanguis, *vigentibus* ad meliora eundum est. *expectat te* in hoc genere vitae multum bonarum artium, amor virtutum atque usus, cupiditatum oblivio, vivendi ac moriendi scientia, alta rerum quies.

Illud *vis tu* quod praecedit, non minus quam *expectat te*, quod sequitur, declarat evidenter Senecam non in universum loqui, sed respicere praecipue Paulinum, id quod elucet etiam ex huius capitis initio: Recipe te ad haec tranquilliora, tutiora, maiora! *Vigentibus* ergo supra non est accipiendum pro: *vigentibus hominibus*, sed revocandum *vigentibus* <*viribus*>, cum hic quoque Paulinus designetur.

Luculentissime agit philosophus de iis hominibus, qui mala ambitione commoti et indigna cupientes speciem modo beatitudinis affectant, quin etiam strenue laborantes oleum et operam perdunt; scribit autem

X 20, 1 Cum videris itaque praetextam saepe iam sumptam, cum celebre in foro nomen, ne invideris: ista vitae damno parantur. ut unus ab illis numeretur annus, omnis annos suos conterent. quosdam antequam in summum ambitionis eniterentur, inter prima luctantis aetas reliquit; quosdam cum in consummationem dignitatis per mille indignitates erepsissent, misera subit cogitatio laborasse ipsos in titulum sepulcri; quorundam ultima senectus, dum in novas spes ut iuventa disponitur, inter conatus magnos et improbos invalida defecit. § 2 foedus ille, quem in iudicio pro ignotissimis *litigatoribus grandem* natu et inperitae coronae assensiones captantem spiritus liquit.

Adnotat Hermes ad § 2 „post *grandem natu* aut *declamantem* sim. addendum aut *et tollendum* censet Gertz”. Equidem ediderim: foedus ille, quem in iudicio pro ignotissimis *litigatoribus* <*orantem*> *grandem natu* e. q. s. ²⁾. Dico: *orantem causam*.

1) Cf. Liv. VI 17, 5 selibrisne farris gratiam *servatori patriae* (= Manlio Capitolino) relatum?

2) In adnotatione tantum dico legi in Teubneriana X 15, 3 solemus dicere non fuisse in nostra potestate, quos sortiremur parentes, forte *hominibus* datos: nobis vero ad nostrum arbitrium nasci licet.

Quis est qui non improbet *hominibus*, receptum pro sana codicum scriptura *nobis*?

DE SENECAE AGAMEMNONE.

SCRIPSIT

C. BRAKMAN J. F.



Qui contulerit Senecae Agamemnonem cum Aeschyli fabula, cui idem titulus est, facile certe concedet hanc originem quidem et fontem esse illius, sed tamen alteram ab altera non paulum differre. Potestne fieri ut indagemus cur poeta Romanus ab exemplari Graeco recesserit? Ob tres praesertim causas Seneca videtur suam rationem consiliumque iniisse, nam primum *εὐριπίδει*, deinde rem tractat tanquam philosophus, qui sectam sequitur Stoicorum, post rhetoricum genus dicendi vel potius describendi imitatur. Videamus singula.

Nemo ignorat Senecam Thyestis umbram, ut prologum dicat, inductam ex Euripidis Hecuba desumpsisse, cuius ineuntes versus duo a Polydori idolo pronuntiati

*ἤκω νεκρῶν κευθμῶνα καὶ σκότου πύλας
λιπὼν, ἴν' Αἰδῆς χωρὶς ᾤκισται θεῶν*

latine versi sunt sic

opaca linquens Ditis inferni loca
adsum profundo Tartari emissus specu ¹⁾.

Iam vero in soliloquio Clytaemnestra, ut se cohortetur ad facinus impium, ad illarum feminarum flagitia, quarum indolem

1) Hos versus Hooftius poeta nostras nobilissimus expressit ad hunc modum (Geeraerdts van Velzen):

Hier ophgedondert uyt het voorburch van de Helle
Ben ick scheursiecke Twist.

Cf. De invloed van Seneca's treurspelen op ons tooneel door Dr. J. A. Worp, p. 106.

minimus natu magnorum tragicorum Graecorum egregie depinxit, alludit hisce verbis:

115 per scelera semper sceleribus tutum est iter.

tecum ipsa nunc evolve femineos dolos,
quod ulla coniunx perfida atque impos sui
amore caeco, quod novercales manus
ausae, quod ardens impia virgo face,

120 Phasiaca fugiens regna Thessalica trabe:

ferrum venena; vel Mycenaeas domos
coniuncta socio profuge furtiva rate —

Horum igitur versuum auctor minime respicit Clytaemnestram ab Aeschylō fictam, sed Phaedram et Medeam et Helenam, personas quam maxime Euripideas. Praeterea vix est dubium quin Seneca omnino partes nutricis, quae apud Aeschylum in scaenam non prodit ¹⁾, ex Euripidis dramatis in sua transtulerit. Quod attinet ad fabulam Agamemnonem, sine ullo negotio deprehendere possis similitudinem quandam inter Phaedrae *τρόφον*, quae in Euripidis Hippolyto praeclare depingitur, et Clytaemnestrae nutricem.

Denique Senecae pangenti

567

hanc arcem occupat

Palamedis ille genitor et clarum manu
lumen nefanda vertice e summo efferens
in saxa ducit perfida classem face

obversatum esse credo locum Euripideum nempe Helen.

1126 πολλοὺς δὲ πυρσεύσας φλογερὸν σέλας ἀμφιρύταν

Εὐβοίαν εἴλ' Ἀχαιῶν

μονόκωπος ἀνὴρ, πέτραις

Καφηρίσιν ἐμβαλὼν

Αἰγαίαις τ' ἐνάλοις δόλιον

ἄκταῖς ἀστέρα λάμψας.

Nunc explanandum est, quemadmodum ratio Stoica tragico Romano persuaserit, ut nonnulla de suo adderet ad ea, quae tradit Aeschylus. Arbitrantur autem Stoici natura comparatum esse hominum facta inde a tempore aeterno legibus immutabi-

1) Τρόφος illa, quae in Choephoris inducitur, a fida nuntia non discrepat: cum Clytaemnestrae utique nutrice nihil commune habet.

libus esse constituta. Hanc ob rem docet Thyestis umbra in prologo patrem a Fortuna iussum esse filiae concubitus petere, ut Aegisthus nasceretur, qui vindex dapum Thyestearum Atrei filio mortem strueret. Ex iis versibus, qui huc pertinent, afferantur saltem:

47 iam scelera prope sunt, iam dolus caedes cruor —
parantur epulae. *causa natalis tui,*
Aegisthe, venit.

Praeter Thyestis umbram philosophatur secundum disciplinam Stoicorum chorus Iliadum, quarum primum canticum sic incipit:

589 Heu quam dulce malum mortalibus additum
vitae dirus amor, cum pateat malis
effugium et miseros libera mors vocet
portus aeterna placidus quiete.

Mox idem fere ab eisdem iteratur:

605 perrumpet omne servitium
contemptor levium deorum,
qui vultus Acherontis atri,
qui Styga tristem non tristis videt
audetque vitae ponere finem.
par ille regi, par superis erit.

Ultimum autem carmen (808—866) earundem mulierum, quae tot tantasque aerumnas perpessae sunt, totum est de Herculis laboribus, quos hic celebrare Senecam non intellegeremus, nisi meminissemus Herculem a Stoicis haberi specimen virtutis constantiaeque.

Verum multo magis quam illis philosophiae praeceptis movemur tragoediae colore rhetorico, quem efficiunt crebrae figurae et tropi, acute dicta vel sententiae quae vocantur, descriptiones tumidae nimisque artificiosae. E magno numero figurarum laudamus tantummodo hoc exemplum

211 non sola Danais Hector et *bello mora*,
quam locutionem constat Senecam mutuatum esse a Latrone rhetore ¹⁾.

Sententiae autem, quas omnes rhetores in deliciis habent, in-

1) Cf. Suasor. II 19 si nihil aliud, erimus certe *belli mora*; Norden Ant. Kunstpr. II pag. 893 annot. 2; Senec. Tragoed. rec. Leo I pag. 154.

veniuntur permultae in priore parte fabulae Agamemnonis atque adeo interdum duae uno versu continentur, e. g.

259 nec regna socium ferre nec taedae sciunt,
sed in altera parte leguntur pauciores.

Dramatis, de quo agimus, pars longe praecipua est naufragii descriptio plus quam centum versus occupans, cum eidem rei Aeschylus triginta modo versus impendat. Sed novimus declamatores semper maximo cum studio et ardore naufragia depinxisse. In hac materia Seneca quoque facultatem describendi prae se fert atque in tres partes totam rem dividit, ita ut primum enarret naufragium in medio mari factum, deinde exponat quomodo Ajax fulmine ictus in rupem praecipitur, quae mox a Poseidone fluctibus submergatur, post doceat naves fractas esse saxi Capherei. Haec omnia narrantur ab Eurybata, Agamemnonis praecone, atque nonnullos dumtaxat versus artificem prodere non imperitum confitendum est, velut

511 eademque superos Troes et Danai rogant;

521 cladibus nostris daret

vel Troia lacrimas;

542 et caeco mari

conlucet Ajax.

Rursus parum apta et digna sunt verba Aiace fulmine afflati atque in rupe stantis neque iniuria putes poetam cacoelia peccavisse ponentem:

545 superasse iuvat pelagus atque ignes — iuvat

vicisse caelum Palladem fulmen mare;

550 tene horream ¹⁾?

aliena inerti tela mittis dextera;

555 quem (sc. montem) cadens secum tulit

terraque et igne victus et pelago iacet.

Tota Eurybatae expositio, quamvis vehementer Senecae admirati sint aequales, misere fabulae concinnitatem interpellat. At rhetores praepostera ducti ratione consensum plausumque auditorum captantes quaerebant rara aut non simplicia repetebantque. His vitiis non ita „dulcibus” Seneca quoque indulgebat et „abundabat”. Itaque ei non sufficit Cassandram semel conci-

1) Athenam alloquitur Ajax.

tari divino instinctu, etenim priusquam Agamemnon advenit, vates dei plena regis mortem suamque choro Iliadum praedicit, quod iteratur, ubi primum intus epulae coeptae sunt haberi.

Ceterum restant aliae non parvae res, quibus fabula Latina ab Aeschyli dramate distat. Illius enim exitus plane diversus est a quinto actu Graecae tragoediae, nam illic Orestes servatur ab Electra et Strophius, cum hae tres personae in Agamemnone Graeca omnino non prodeant in scaenam. Hic Clytaemnestra intervenit inter Aegisthum et chorum litigantes; talis exitus non convenisset tragoediae Annaeanae. Etenim apud Aeschylum in Choephoris et Eumenidibus secundum ius fasque omnia facta absolvuntur, ergo apud Senecam quoque vindex futurus ostendatur saltem necesse est. Accedit quod apud hunc Cassandra in extremo actu quinto occiditur, nimirum ut vates poenam ultimum minitetur reginae eiusque sociis dicens:

1012

Veniet et vobis furor.

At ipsius Agamemnonis partes in Senecae fabula nimis mediocres immo maxime exiguae sunt! Victor enim Asiae, simul-atque advenit pollicetur se sacra facturum esse atque paucissima cum Cassandra collocutus domum intrat. Versus igitur vix viginti pronuntiat, quocirca Electra et Strophius personae graviiores sunt in tragoedia Latina quam rex ille regum. Contra quam grandis atque magnifica est scaena illa Aeschylea, ubi verae personae regiae et primariae Agamemnon et Clytaemnestra agunt, quin etiam Clytaemnestra partes agit prope maiores quam pro viribus humanis! Qui hanc scaenam perlegerit, is demum intelleget, quanto Graecum drama praestet Latino. Procul dubio Seneca, quo tempore scripsit Agamemnonem, nondum multum profecerat in arte scaenica ¹⁾; vel haec res probat nobis hanc fabulam numerandam esse in iis, quas composuit primas. Quo ducimur alia quoque via. Nam choro, qui constat e mulieribus Argivis, in actu tertio succedit — res mira admodum! — chorus Iliadum captivarum, velutsi alia tragoedia inciperet. Fortasse vero poeta hunc alterum chorum e Choephoris desumpsit.

1) Equidem improbaverim ea, quae de hac re Birtius contendit: poetam haec de industria fecisse! (Neue Jahrb. XIV (1911) Was hat Seneca mit seinen Tragödien gewollt? pag. 358).

At quidquid statuendum est, in nulla tragoedia Graeca aliquid eiusmodi fit. Nonne hoc quoque nos monet, ut sumamus Agamemnonem aut primam esse scriptam aut certe ante plerasque alias fabulas? His observationibus statim subiungo ea, quae Leo concludit, postquam demonstravit Senecam in re metrica in Agamemnone et Oedipode multa minus recte administrasse (l.l. I pag. 133): ita autem sentio, Agamemnonem inter Senecae tragoedias eam esse quam primam scripsit, Oedipum secundam.

Investigemus num accuratius invenire possimus, quando Agamemnon scripta sit. Constare videtur Senecam hanc fabulam, quae est de rege ab uxore occiso, composuisse non post Claudium veneno interfectum ab Agrippina coniuge i. e. a. 54. Nam cum totam fabulam unusquisque existimavisset editam esse in eam tum imprimis hos versus

79 iura pudorque
et coniugii sacra fides
fugiunt aulas.

Insuper nos cogit

259 nec regna socium ferre nec taedae sciunt
putare hanc sententiam esse scriptam multo antequam Nero
animum induxisset Britannicum de medio tollere i. e. a. 55.

Quamquam Senecae tragoediae nequaquam possunt comparari cum Aeschylī Sophoclis Euripidis operibus, tamen non mediocris erat in eo facultas, copia, celeritas ingenii, acies et subtilitas in rebus observandis, quae omnia diu exercendo semper augebat. Quare verisimile non est iuvenem primum studiis rhetoricis deditum, deinde philosophiae, vacasse arti tragicae, quae requirit etiam auctorem sagacissimum in perspicendis hominum animis. Neque facile per novem exilii annos (41—49) in Corsica degens Seneca pepigit drama aliquod, cum neminem haberet, cui recitaret temporaque parum laeta essent. Tandem revocatus ut liberaliter Neronem institueret doctrina, iam vir quinquagenarius et permulta expertus fabulis scribendis operam dedit.

His rationibus perpensis Agamemnonem confectam esse inter
a. 50. et 54. aio.

Estne re vera haec fabula acta? Etsi pro certo nihil affirmari

potest, tamen probabile non est aut Agamemnonem aut aliam tragoediam Annaeanam esse actam. Cum de ceteris carminibus egerint Teuffel-Kroll, Birt, Schanz, ego paucis de Agamemnone dicam quod sentio. Si sumimus hanc fabulam Senecam scripsisse eo consilio, ut recitaretur tantum in auditorio, sive ut esset *δρᾶμα ἀναγνωστικόν* ¹⁾, non ut in pulpito ageretur, fatendum est primum alterius chori „adventum” vix quenquam offendisse, tum Eurybatae praelongam enarrationem caveae taedium non movisse, postremo Cassandram non esse necatam ante oculos spectatorum. Manifesto igitur apparet dramatis vitia multo minus conspicua fuisse, si censemus Agamemnonem non esse actam in theatro.

Sunt qui dicant ²⁾ Senecam in Agamemnone conficienda rationem habuisse Neronis erga Troianos studii, quapropter etiam Agamemnonis et Cassandreae partes ita conscripsisset, ut omnes homines eam fabulam legentes faverent sacerdoti modo. Quae quam facilia sint ad redarguendum vide. Nonne Cassandra illa Aeschylea aequae digna fuit, cui spectatores faverent quamque misericordia prosequerentur? Ceterum auctor, cum sectam profiteretur Stoicam, non tam Neronem respexit quam universum genus humanum, neque solum discipulum regium, sed etiam omnes homines in primo cantico docuit fortunam instabilem esse repetitque praeceptum suum Strophii verbis in fine fere tragoediae

928 O nulla longi temporis felicitas!

1) Notum est iam apud Graecos *δράματα ἀναγνωστικά* esse conscripta a Chaeremone (Aristot. Rhet. III 12).

2) Cf. Neue Jahrb. l.l. pag. 352.

IUVENALIS SAT. 1, 85.

SCRIPSIT

P. H. DAMSTE.



Quidquid agunt homines, votum timor ira voluptas
Gaudia discursus, nostri farrago libelli est.

Hos versus J. E. B. Mayor, qui satirarum editionem unam omnium paravit locupletissimam, cum illo *Facit indignatio versum* pro titulo totius libri Iuvenaliani esse voluit, mihi vero, quotienscumque eos relego, scrupulum iniciunt molestissimum, quem tandem iam ex animo evellere lubet. Numquam enim non me tenet haec consideratio, post verba *quidquid agunt homines*, h. e. cuncta mortalium acta, mirum in modum nunc sequi illa *votum timor ira* cet., utpote quae omnia non acta sint sed agentia: non ab hominibus aguntur sed agunt eos. Nulla autem esset difficultas, si poeta scripsisset: *quidquid agit homines* atque nescio an sic locus revera sit restituendus. Metrum minime obstare ne coniectura mea recipiatur affirmare non opus est, sed tamen haec exempla afferro:

Iuven. 6, 367: obscenum. et tremula promittit omnia dextra.

Horat. S. II 3, 260: exclusus qui distat, agit ubi secum, eat an non.

Verg. Aen. X 433: tela manusque sinit. hinc Pallas instat et urget.

ibid. XI 111: oratis: equidem et vivis concedere vellem.

ibid. XII 68: si quis ebūr, aut mixta rubent ubi lilia multa.

ibid. 422: quippe dolor; omnis stetit imo vulnere sanguis.

ibid. 882: te sine, frater, erit? o quae satis ima dehiscat.

✓ Stat. Theb. I 403: conscius horror agit, eadem sub nocte sopora.

Iuvenali scribenti versus illos Horatianos succurrisse credo, quos cum loco nostro utique haud inepte conferas:

Ep. I 18, 96 sqq.:

et percontabere doctos,
 ✓ qua ratione queas traducere leniter aevum;
 num te semper inops agitet vexetque cupido,
 num pavor et rerum mediocriter utilium spes,
 virtutem doctrina paret naturane donet,
 quid minuat curas, quid te tibi reddat amicum,
 quid pure tranquillet, honos an dulce lucellum,
 an secretum iter et fallentis semita vitae.

et Ep. I 4, 12 sq.:

inter spem curamque, timores inter et iras,
 omnem crede diem tibi diluxisse supremum.

De verbi *agit* notione pauca addere liceat.

Videlicet in *quidquid agit homines* idem denotat quod *agitat* apud Horatium in illis *num te semper inops agitet vexetque cupido*, quam verbi significationem apud eundem saepius occurrere moneo e. g.

- ✓ Epod. 7, 17: Sic est: acerba fata Romanos agunt,
- Ep. I 19, 25: non res et agentia verba Lycamben,
- Ep. II 2, 201: non agimur tumidis velis Aquilone secundo,
- Sat. II 3, 44: quem mala stultitia et quemcumque inscitia veri
 caecum agit,

neque aliter verbum interpretandum esse arbitror Sat. II 2, 13:
 ✓ *seu te discus agit*; faciendum igitur esse cum Luciano Muellero explicante: = *agitat*, in Bewegung setzt (non cum Orellio, qui annotavit: = *ducit*, *allicit*, Germ. anzieht), ideoque statuente, Peerlkampium verum perspexisse cum inductis verbis *molliter austerum* et *pete cedentem aera disco* locum ita emendandum esse censeret:

seu pila velox
 seu te discus agit studio fallente laborem.

VARIA.

SCRIPSIT

ALPHONSUS KURFESS.

(Continuantur ex vol. XLI. pag. 394).



VIII.

AD PS.-CIC. IN SALL. INV.

Sallustii in Ciceronem et invicem invectivae.
rec. A. Kurfess. Lp. (Teubner) 1914.

a) 6, 18 (p. 18, 17): *quidquid impudicorum, cilonum, parricidarum, sacrilegorum, debitorum fuit*] *debitorum*, quod codicem interpolatum H^b exhibere ex Iordani apparatu conclusi, cum Iordano recepi, sed in ceteris libris (praeter H^a qui *dediciciorum* habet) extat *deditorum*, quod verum esse me docuit Clifford H. Moore, cuius disputatiuncula (in Arch. f. lat. Lex. XI 81 sq.) mihi nuperrime ad manus venit. qui vir doctus incipit ab Isid. orig. 9, 4, 49: *dediticii primum a deditione sunt nuncupati. deditio enim dicitur, quando se victi aut vincendi hostes victoribus tradunt: quibus haec origo nominis fuit. dum quondam adversus populum Romanum servi armis sumptis dimicassent, victi se dederunt, comprehensique varia turpitudine affecti sunt* ¹⁾.

Deditio homines non solum civitate, sed etiam re familiari privatos esse concludi potest ex Liv. I, 38, 2 *deditisne vos po-*

1) Unde emanaverunt Corp. Gloss. V 60, 25; V 18, 5; IV 51, 10 = V 188, 14. — cf. impr. II 39, 52 *dediticii oi μετὰ τὸ ληφθῆναι τῇ τῶν νικησάντων πολεμίων ἔξουσίᾳ ἑαυτοὺς ἐπιτρέψαντες, κατὰκριτοι*.

pulumque Conlatinum, urbem, agros, aquam, terminos, delubra, utensilia, divina humanaque omnia in meam populique Romani dicionem? ¹⁾

Accedit, quod Augustus anno p. Chr. n. quarto lege Aelia Sentia ordinem dediticiorum instituit:

Gai. inst. 1, 12. 13.

Ulp. reg. 1, 5. 11.

Libertinorum <tria sunt genera; nam aut cives Romani aut Latini aut dediticiorum> numero sunt. [De dediticiis vel lege Aelia Sentia]. lege itaque Aelia Sentia cavetur, ut, qui servi a dominis poenae nomine vincti sunt, quibusve stigmata inscripta sunt, de quibus ob noxam quaestio tormentis habita sit et in ea noxa fuisse convicti sunt, quive ut ferro aut cum bestiis depugnarent traditi sint, inve ludum custodiamve coniecti fuerint, et postea vel ab eodem domino vel ab alio nummissi, eiusdem condicionis liberi fiant, cuius condicionis sunt peregrini dediticii.

5. *Libertorum genera sunt tria. cives Romani, Latini Iuniani, dediticiorum numero.*

11. *Dediticiorum numero sunt, qui poenae causa vincti sunt a domino, quibusve stigmata scripta fuerunt, qui <ve> propter noxam torti nocentesque inventi sunt, quive traditi sunt, ut ferro aut cum bestiis depugnarent vel <in ludum> vel custodiam coniecti fuerunt, deinde quoquo modo nummissi sunt, idque lex Aelia Sentia fecit.*

Quid? quod Cassianus ecclesiasticus hoc vocabulum translate adhibuit: instit. 10, 6 *tamquam inertem et dediticium sibi patietur*; 10, 25 *ei te dediticium ac subditum prae buisti*.

Participium 'deditus' denique idem valere atque adiectivum 'dediticius' docemur Thes. l.l. vol. V, 269.

Quae cum ita sint, intelleges tales homines sorte sua non contentos in hoc 'omnium vitiorum coetu' bene enumerari neque dubitabis 'deditos', quod optimi codices exhibent, in textum recipere.

b) 8, 21 (p. 20, 8): *idem putas esse bis senatorem et bis quaesto-*

1) Cf. Pauly-Wissowa IV, 2359; Thes. l.l. s. v. 'dediticius'.

rem fieri quod bis consularem et bis triumphalem] 'idem — quod' me cum Iordano male scripsisse per litteras monuit Guil. Heraeus. altera familia α exhibet 'totidem — quot (quod)', optimi codices alterius familiae (β) 'tantum — quantum', quod virum doctum quendam coniecisse apparet. sed quid est 'totidem — quot'?

A. Sonny in Arch. f. lat. Lex. XI, 132 disseruit scriptores Romanos interdum τὸ πῶτον et τὸ πόσον commutavisse: cf. Catull. 92, 3 *sunt totidem mea* ¹⁾ et Horat. sat. 2, 3, 293 *dixeris insanum qui me, totidem audiet*, ubi 'totidem' pro 'eadem' legimus. atque posteriores persaepe 'totidem' pro 'itidem' scribunt, veluti Lucifer Calaritanus ²⁾ et Commodianus ³⁾. neque vero inveni locum, ubi in tali significatione correlativum 'quot' sequatur. nihilo minus cum familia α legendum erit 'totidem esse — quot'. unde enim illud 'tot' ortum esse putaveris?

IX.

AD HIPPOCRATIS QUI FERTUR DE ARTE LIBRUM.

Th. Gomperz, Die Apologie der Heilkunst¹.
Lpg. 1910.

In capite tertio (p. 38, 13) auctor artem medicam sic definit: τὸ δὴ πάμπαν ἀπαλλάσσειν τῶν νοσεόντων τοὺς καμάτων καὶ τῶν νοσημάτων τὰς σφοδρότητας ἀμβλύνειν καὶ τὸ μὴ ἐγχειρεῖν κεκρατημένοις ὑπὸ τῶν νοσημάτων εἰδότας, ὅτι πάντα οὐ δύναται ἰητρική] οὐ Gomperz cum libris recentioribus et deterioribus (R) scripsit, sed libri vetustiores exhibent:

ὅτι πάντα δύναται ἰητρική A,

ὅτι ταῦτα δύναται ἰητρική M.

Conf. etiam Galen. Defin. med. 9 (XIX 350, 11—17 Kuehn): Τὴν ἰατρικὴν τέχνην Ἰπποκράτης ἐν τῷ Περὶ τέχνης ὥριστο οὕτως· καὶ πρῶτον μὲν αὐτὴν ὠνόμασεν ἰατρικὴν εἶναι τὸ τε πάμπαν

1) Cf. ea, quae Gustavus Friedrich in editione sua ad hunc locum (p. 514) adnotavit.

2) Cf. W. Hartel, Lucifer von Cagliari und sein Latein. Arch. f. lat. Lex. III, 33.

3) Vide indicem editionis Dombartianae.

ἀπαλλάσσειν τῶν νοσημάτων τοὺς κάμνοντας καὶ τὸ τὰς σφοδρότητας τῶν νοσημάτων ἀμβλύνειν καὶ τὸ μὴ ἐγχειρεῖν τοῖς κεκρατημένοις ὑπὸ τῶν νοσημάτων εἰδότες ὅτι ταῦτα πάντα ¹⁾ δύνανται ἰατρικῇ ἐπανορθοῦσθαι.

Quibus ex lectionibus Hermannus Diels ²⁾ textum sic restituere conatur: εἰδότες, ὅτι ταῦτα πάντ' ἀδυνατεῖ ἰατρικῇ ἐπανορθοῦσθαι.

Sed Galenum non ex libro ipso illa verba descripsisse, sed e memoria attulisse perspicuum est. itaque ἐπανορθοῦσθαι Hippocratis personati esse nego. sed si genuinum esset, ille scripsisset πάντας τούτους. nam οἱ ὑπὸ τῶν νοσημάτων κεκρατημένοι restitui non possunt. suspicor auctorem scripsisse εἰδότες ὅτι πάντ' δύνανται ἰατρικῇ (i. e. scientes quid omnino valeat ars medica). scriba quidam transscripsit πάντα (A), quod alius, qui illud ὅτι ut coniunctionem intellexerat, corrigere sibi videbatur ταῦτα ^{ταυτα} superscribens: παντα ³⁾, unde lectio codicis M ὅτι ^{ταυτα} παντα δ. i. orta est.

1) οὐ Kuehniius contra codices inseruit.

2) Hippokratische Forschungen IV. Herm. XLVIII [1913] p. 395.

3) πάντα ταῦτα = τὸ κάμπαν ἀπαλλάσσειν, τὸ ἀμβλύνειν, τὸ μὴ ἐγχειρεῖν τοῖσι κεκρ. κ.τ.λ.

AD VIRGILII BUC. VI 34.

Et alia cantat Silenus et ut

ipse tener mundi concreverit orbis.

Frustra in adiectivo *tener* explicando desudant viri docti. Quid si *teres* legamus? Nihil, ut opinor, *orbis* aptius. Conferatur decantatum illud *teres atque rotundus*.

J. J. H.

AD CALLIMACHI HYMNUM IN CEREREM.

SCRIPSIT

GUILIELMUS VOLLGRAFF.



Vs. 3—6:

τὸν κάλαθον κατιόντα χαμαὶ θασεῖσθε, βέβαλοι,
μηδ' ἀπὸ τῷ τέγεος μηδ' ὑψόθεν αὐγάσσησθε,
μὴ παῖς μηδὲ γυνὴ μηδ' ἄ κατεχεύατο χάλταν,
μηδ' ὅκ' ἀφ' αὐαλέων στομάτων πτύωμες ἄπαστοι.

His verbis turbae muliebri praecipitur nemini licere e loco edito in calathum, qui Cereris sacra mystica continebat, inspicere; nam quae hoc fecisset, eam, ira numinis excitata, gravissimas temeritatis poenas daturam esse credebant. Solas mulieres admoneri propterea veri simile est, quod viri Cerealibus, quae poeta describit, omnino non interfuisse videntur. Quamquam mulieres non omnes sine discrimine eiusmodi adhortatione indigebant. Cum enim distinguatur inter initiatas (vs. 129) et profanas (vs. 3, 128), has tantum hic commoneri intellegimus: initiatis enim sacra in templo ostendebantur, quippe quibus ea conspiciere fas esset.

Ἄτριον quod dicitur simillimi interdicti Macrobius Saturn. I, 6, 15 e Verrio Flacco delibavit. Qui locus cum in commentariis virorum doctorum in Callimachum non adferatur, haud inutile videtur eum post Lobeckium ¹⁾ rursus cum hoc nostro componere. Narrabat igitur Verrius Flaccus „cum populus Romanus pestilentia laboraret essetque responsum id accidere, *quod di despicerentur*, anxiam urbem fuisse, quia non intelligeretur ora-

1) Lobeck, Aglaoph. p. 54 sqq.

culum evenisseque ut Circensium die puer de cenaculo pompam superne despiceret et patri referret quo ordine secreta sacrorum in arca pilenti composita vidisset." Tunc demum responsum oraculi intellexerunt, et postquam rite cautum est, ne rursus idem accideret, pestilentia ab urbe discessit.

Iam in versibus 3 et 4 omnia omnibus perspicua sunt; contra in versibus 5 et 6 quaedam insunt, quae neminem adhuc recte interpretatum esse puto.

Ratio est versum 5 ita intellegere, ut tres species feminarum enumerentur, quae coniunctae totum muliebre genus comprehendant. Sed quanam sunt illae? Nostris temporibus (vana priorum commenta silentio praetereo) locum plerumque cum scholiasta ita interpretantur, ut *παῖς* sit parva puella, *γυνή* nupta, *ἡ κατεχεύατο χαίταν* virgo matrimonio matura. Huic sententiae tria obstare mihi videntur.

Primum displicet ordo. Quis ita loquitur: puellae, mulieres, virgines? Quid quod praeterea inter puellas et virgines exiguum discrimen est et vox quae est *παῖς*, hoc loco posita, ambiguitate laborat, siquidem aliis locis saepissime virgines adultas designat?

Deinde mirum foret, si poeta pro *virgine* dixisset: *ea, quae capillum demisit*. Cur enim hic *τῇ κυριολογίᾳ* praetulisset *τὴν περιφρασιν*? Istiusmodi periphrasis profecto illis adnumeranda esset, quae cum in vitium incidant rectius *περισσολογίαι* dicuntur ¹⁾ quasque, utpote *πρᾶγμα κουφολογίας τε ὄζον καὶ παχύτατον, Φυσῶδεις τι καὶ ἄμουσον* habere et *ἀβλεμείς προσπίπτειν* ait Pseudo-Longinus ²⁾).

Postremo verba *ἡ κατεχεύατο χαίταν* non de intonso et promisso capillo accipi possunt, sed manifesto indicant feminam, quae comam suam resolvit. Erat igitur mos apud Callimachi aequales, ut puellae nobiles capillos in humeros effunderent? Minime gentium: e simulacris fictilibus et monumentis omne genus apparet eas capillum simplici plerumque cultu religatum habuisse ³⁾. Illud tantum concedendum est puellas nonnumquam

1) Quintil. VIII, 6, 61.

2) Ps. Long. de sublim. XXVIII sq.

3) Cf. Paus. I, 19, 1: *οἷα δὲ . . . πεπλεγμένης ἐς εὐπρεπές οἱ* (Theseo) *τῆς κό-*

tam parvas aetate nuptum datas esse posse, ut tunc primum comam nexu coercerent. In nuptam tam parvam natu fortasse scriptum erat epigramma Antipatri ¹⁾, quod Meinekius attulit ²⁾:

ἡ πολύθριξ οὐλας ἀνεδήσατο παρθένος Ἰππη
χαίτας, εὐώδη σμηχομένα κρόταφον·
ἦδη γάρ οἱ ἐπῆλθε γάμου τέλος . . .

Quamquam magnopere dubito num iure Meinekius inde effecerit „Hippen, dum innupta esset, καταχεύσθαι χαίτας“. Quid si poeta hoc tantum dicere voluit puellam capillos, qui usque adhuc simplici et laxiore vitta revincti fuissent, iam nuptarum ritu comptos magis astrinxisse? Utut est, virgo non a Callimacho per periphrasin ἀ καταχεύατο χαίταν dici potuisset, nisi III^o saeculo apud Graecos constans consuetudo fuisset puellis nubilibus, ut capillo soluto essent. Quod secus fuisse scimus.

Merito ergo et Schneiderus ³⁾ et Legrandius ⁴⁾ rationem interpretandi, quam et ego damno, impugnaverunt. Sed ne ipsi quidem locum obscuriorem recte explicaverunt. Schneiderus cen-
sebat verbis quae sunt παῖς et γυναῖ designari omnes feminas profanas, per ἀ καταχεύατο χαίταν autem initiatarum illas, quarum capilli sive propter luctum sive propter sui negligentiam eo die inornati pendebant. Has a sacris arceri sumebat, quod earum aspectus Cererem sui doloris commonefacere posset. Est ratio minime simplex et artificii plena, quam reicere non dubito: consentaneum enim est poetam dicere nemini licere in calathum inspicere, non vero ταῖς μὲν, ταῖς δ' οὐ, licet verum sit initiatis aspectum sacrorum non nocere.

Legrandii sententia paululo speciosior est. Putat is verbis quae sunt παῖς et γυναῖ omnes feminas cuiusvis aetatis designari, alterum μηδέ versus 5 significare ne — quidem, verbis autem ἀ καταχεύατο χαίταν indicari e profanis mulieribus illas, quae eo

μης, ... ἤροντο σὺν χλευασίᾳ ὃ τι δὴ παρθένος ἐν ὕμῳ γάμου πλανᾶται μόνη.
X, 25, 10: (Polyxena in pictura Polygnoti Delphica) κατὰ τὰ εἰδισμένα παρθένοις
ἀναπέλεκται τὰς ἐν τῇ κεφαλῇ τρίχας. Daremberg-Saglio, Dict. des ant. s. v.
Coma, p. 1361.

1) Anthol. Pal. VI, 276.

2) Callim. ed. Meineke, 1861, p. 218.

3) Schneider, Callimachea, I, p. 368.

4) Revue des Et. anc. 1901, p. 290, 3.

die observantiae in Cererem causa toto habitu suo speciem lugentium praeberint. Diceret igitur Callimachus feminarum profanarum nulli in calathum inspicere licere, ne illis quidem, quae, quod ad habitum (vs. 5) et inedia (vs. 6) attinet, iisdem legibus atque initiatae se astrinxissent. Sed ne haec quidem quaestionis solvendae ratio, quamvis ingeniose excogitata sit, probari potest. Isto pacto enim sumere cogeremur profanarum maiorem partem die festo Cereris non cibo abstinuisse neque capillum solvisse, cum tamen e vs. 124:

ὥς δ' ἀπεδίλωτοι καὶ ἀνάρπυκες ἄστὺ πατεῦμες

appareat universas feminas eo die comam effudisse. Ego saltem non video quomodo aliquis hunc versum ad solas initiatas spectare demonstrare possit.

Mea sententia verbis ἀ κατεχεύατο χαίταν per circumlocutionem designantur *viduae*. Quod ut argumentis stabiliam, haec habeo quae in medium proferam.

Capillus pendens et incompus apud Graecos et Romanos signum luctus et tristitiae erat ¹⁾. Inprimis viduae, cum maritus mortuus erat aut sepeliebatur, comam solvere solebant. Loci apud poetas Romanos, quibus hic mos illustratur, tritissimi sunt. Satis habeo adferre Tib. I, 1, 67:

tu manes ne laede meos, sed parce solutis
crinibus et teneris, Delia, parce genis.

Ovid. Metam. XI, 682:

nec crines solvere curat:

scindit.

Item nemini non notus est planctus Veneris ob Adonii mortuum (Bion. I, 20: λυσαμένα πλοκαμίδας). Non minus notus esse debebat antiquissimus et clarissimus locus Iliados, ubi Andromache, Hectoris corpore conspecto, oculis caligantibus concidisse, sed, quamvis spiritus deficeret, tamen ligamina ornatumque omnem a capite avulsisse dicitur:

XXII, 468:

τῇλε δ' ἀπὸ κρατὸς βάλε δέσματα σιγαλόντα,

1) Cf. e. g. Hom. Il. XXII, 406; hymn. in Cer. 41; Soph. Oed. Col. 1260 sq. Verg. Aen. I, 479 sqq.

ἄμπυκα κεκρύφαλόν τε ἰδὲ πλεκτὴν ἀναδέσμην
κρήδεμόν θ' . . . ¹⁾).

Iam credibile non est viduas etiam post maritum sepultum semper Baccharum instar κατακεχυμένας τὰς τρίχας ²⁾ prodiisse. Lugentium est capillus sparsus demissus incomptus: post luctum habitui tam sordido nihil loci est. Atque hic animum attendas velim ad aoristum κατεχεύατο, cui sua vis est. Ἄ κατεχεύατο χαίταν est mulier, quae semel in vita sua, marito mortuo, capillum effudit. Circumlocutione autem poeta usus esse videtur, ut ipsum nomen viduae vitaret, quod ei forsitan in sacris Cereris canendis infausti ominis videretur. Est exemplum illius generis circuitus eloquendi, quem dictu deformia operire ait Quintilianus ³⁾. Similiter Plato initio epitaphii sui, pro morte dixit τὴν εἰμαρμένην πορεῖαν ⁴⁾. Neque aliter apud ipsum Callimachum infra vs. 130 sq. mulieres, quae prae graviditate aut instanti puerperio aut aegritudine pedibus non valent, humanius dicuntur:

αἱ δὲ βαρεῖαι

χᾶτις Ἑλειθυῖα τείνει χεῖρα χᾶτις ἐν ἄλλῃ.

Si haec recte disputata sunt, Callimachus genus muliebre divisit in puellas mulieres viduas. Haec tripartita divisio, quam natura ipsa fert, invenitur etiam apud Plautum, Curc. 37:

dum ted abstineas nupta vidua vergine,

iuventute et pueris liberis, ama quid lubet.

Eadem usus est poeta Byzantinus, apertius tamen ille et minus urbane locutus quam Callimachus:

κορασίες καὶ παντρεμένες

καὶ τὰς χήρας τὰς σπασμένες ⁵⁾.

Rursus eandem distributionem agnoscimus, cum apud Pausaniam legimus Iunonem Stympali cultam esse tribus cognominibus

1) Hic locus neque ab Heckenbachio (De nuditate sacra sacrisque vinculis; cf. p. 74: „mulieres in lamentatione funebri quasi amentia atque furore captae capillos demittere solent” etc.) neque a Sommero (Das Haar in Religion und Aberglauben der Griechen, diss. Monast. 1912) laudatur.

2) Cf. Callixenus Rhodius ap. Athen. V, p. 198, e.

3) Quintil. VIII, 6, 59.

4) Plato, Menex. p. 236, d; cf. Ps. Long. de sublim. XXVIII.

5) Συναξάριον τῶν εὐγενικῶν γυναικῶν καὶ τιμιωτάτων ἀρχόντισσων, ed. Krumbacher, Münch. Sitz. Ber. 1905, p. 391, vs. 490 sq.

tamquam *παῖδα τελείαν χήραν* ¹⁾. Hoc enim nihil aliud significat nisi omnes mulieres, puellas matronas viduas, patronam divinam sibi finxisse similem sui ²⁾.

Venio ad vs. 6: *ne tunc quidem, cum impransae sicco ore sputimus*. Poeticam circumlocutionem hanc esse vulgo censent, qua nihil aliud significetur nisi ieiunitas turbae muliebris; quasi ieiunorum sit frequenter exspuere. Sunt quidem medici qui dicunt ieiunorum salivam salsam et amaram ³⁾ aut solito abundantiore ⁴⁾ fieri. Sed tamen non de sputu, ut ita dicam, involuntario poetam loqui, verum longe aliter locum interpretandum esse suspicor.

Magnas Graeci vires humanae salivae tribuebant ⁵⁾. Despuebant adversus morbos contagia arcendi causa atque mala et maleficia omne genus respuebant. Serpentes et scorpiones humana saliva occidi persuasum habebant ⁶⁾. Praeterea inspuebant in eos, a quibus mala et fascinationes repercutere cupiebant, imprimis in se ipsos ⁷⁾. Summa autem efficacitas apud Graecos et Romanos ieiunae salivae tribui solebat. Cf. Galen. ed. Kuehn vol. XII p. 288: *γινώσκειν δὲ αὐτοῦ (τοῦ πτυέλου) χρὴ τὴν δύναμιν εἶναι διάφορον ἔν τε τοῖς ζώων εἶδεσι καὶ καθ' ἕκαστον αὐτῶν ὑγιαῖνον ἢ νοσοῦν, ἐδηδοκότες ἢ πεπωκότος ἢ ἀπότου τε καὶ νενηστευκότος. ὥς γὰρ τὰ οὖρα καὶ αἱ χολαὶ καὶ ὁ ἰδρώς, οὕτως*

1) Paus. VIII, 22, 2.

2) Cf. J. E. Harrison, *Class. Rev.* XXVIII (1914), 2, p. 36.

3) Galen. ed. Kuehn, vol. XI, p. 674: *τοῖς γούν ἐπὶ πλεόν ἀσιτήσασιν ἀλυκὸν φαίνεται τὸ πτύελον, εἰ δ' ἐπὶ πλείστον, οὐχ ἀλυκὸν μόνον, ἀλλ' ἤδη καὶ πικρὸν.*

4) Lanzonius, *De saliva humana*, Op. I, p. 499: habet fames vehementior imprimis sibi frequens hoc, ut uberiore, ac tenuiore saliva os scateat.

5) Cf. P. Burmannus ad Petron. 131; Schurig, *Sialologia historico-medica*, cap. IV: Krenkel, *Beitr. zur Aufhell. der Gesch. des Apostels Paulus*, p. 69—91; Ries, Pauly-Wissowa, *Real-Encycl. s. v. Aberglaube*, p. 87 sq.; Sittl, *Gebärden*, p. 117 sqq.; F. W. Nicolson, *The saliva superstition in class. litt.*, *Harv. Stud.* VIII (1897), p. 23 sqq.; Gruppe, *Griech. Myth.* p. 890, 4.

6) Cf. Arist. *de hist. anim.* VII, 29, p. 607, a, 29 sq.: *ἔστι δὲ τοῖς πλείστοις αὐτῶν (τῶν ἰοβόλων) πολέμιον τὸ τοῦ ἀνθρώπου πτύελον.* Lucr. IV, 639: *serpens, hominis quae tacta salivis, disperit ...*

7) Theocr. VI, 39:

ὥς μὴ βασκανθῶ δέ, τρίς εἰς ἐμὸν ἔπτυσσα κόλπον.

Callim. frg. 235:

δαίμων (i. e. Nemesis), τῇ κόλποισιν ἐνιπτύουσι γυναῖκες.

Anth. Pal. XII, 229.

καὶ τὸ πτύελον ἀσθενὲς μὲν ἐδηδοκότων ἐστίν, ἰσχυρὸν δὲ καὶ δριμύ
τὸ τῶν ὑπερδιψόντων καὶ ὑπερπεινησάντων ¹⁾). Nonnulla testimonia
scriptorum, quae ad *ieiunae* salivae usum pertinent, hic adferre
et examinare libet.

Primum eos memorabo locos, quibus *ieiunae* salivae, cum ea
quae malum arcere valent etiam contactu salutaria esse vide-
antur, non iam mali amoliendi, sed proprie sanandi vis tri-
buitur ²⁾):

Plin. Nat. Hist. XXVIII, 36: „(mos est) incipientis furun-
culos ter praesignare *ieiuna saliva*”; 37: „credamus ergo et
lichenas leprasque *ieiunae* (salivae) inlitu adsiduo arceri, item
lippitudines matutina cottidie velut inunctione, carcinomata malo
terrae subacto”; 76: „mulieris quoque salivam *ieiunam* poten-
tem diiudicant cruentatis oculis et contra epiphoras, si ferventes
anguli oculorum subinde madescent, efficacius, si cibo vinoque
se pridie ea abstinuerit.”

Galen. ed. Kuehn, vol. XII p. 288: τούτῳ τοιγαροῦν τῷ σιέλῳ
(i. e. *ieiuna saliva*) καὶ αἱ τροφοὶ τῶν παιδῶν τοὺς λειχήνας
ἰῶνται.

Veget. mulomed. III, 22, 10: „cicatricibus oculorum medetur
ieiuna saliva, si cum sale mandatur in ore et expuatur in
oculum.”

Seren. Sammon. XI:

„si vero vitium est, quod ducit ab impete nomen
hoc matutina poteris cohibere *saliva*.”

Ibid. XXXVI:

„mane novo myrti frondes commandere prodest
cui dolet (penis) atque illas in vulnus despuat ipsum.”

Marcell. De Medicamentis, XXXIII, 15: „Folia myrti *ieiunus*
commanduca et in ulcera veretri expue, statim proderit.”

Paul. Aegin. VII, 3, sub litt. σ: σίαλον, τὸ τῶν ἀνθρώπων νήστεων,
μάλιστα διαφορητικόν τε καὶ ῥυπτικόν ἐστὶ· λειχήνας γοῦν παι-
δίων ἀπορρύπτει χρισθὲν καὶ δοθιῆνας πέττει μετὰ πυρῶν δηλονότι
μασηθέντων ἐπιτιθέμενον ὑπὸ πιά τε αἶρει.

1) Haec e Galeno exscripsit Aetius, II, 107. Cf. Oribas. ed. Bussemaker et Da-
remberg, vol. II, p. 728.

2) Cf. B. Schmidt, Der böse Blick und ähnlicher Zauber im neuen griechischen
Volks glauben, Neue Jahrb. 1913, p. 594.

Eadem superstitio occurrebat apud Iudaeos ¹⁾, idemque a medicis nostrae aetatis usque ad saec. XVIII consensu verum esse credebatur. Sexcenta exempla invenias apud Schurigium l.l. p. 108 sq. 125—141. Cf. H. Heine, 1, 56 ²⁾: „nur zuweilen leide er an Hautübeln, und dann kuriere er sich jedesmal mit nüchternem speichel.”

Vis perniciosa ieiunae salivae ascribitur locis hisce:

Schol. Nic. Ther. 86: ὅτε γὰρ ἐστὶ νῆστις ὁ ἄνθρωπος, τότε τὸν αὐτοῦ σίελον πόρρω φεύγει ὁ ὄφις.

Plin. Nat. Hist. VII, 5: „omnibus hominibus contra serpentis inest venenum, feruntque ictas saliva ut ferventis aquae contactum fugere; quod si in faucis penetraverit, etiam mori, idque maxime humani ieiuni oris.”

Galen. ed. Kuehn, vol. VII p. 745: σκορπίον ἀναιρήσεις ἐπιπύων νῆστις.

Aetius, II, 107: ἐγὼ γὰρ χωρὶς ἐπφδῆς ἐθεασάμην ἐπὶ σιάλῳ νήστεως μόνῳ τὸν σκορπίον ἀποθανόντα.

Paul. Aegin. VII, 3, sub litt. σ: τοῖς δὲ τοὺς ἀνθρώπους ἀναιροῦσι θηρίοις ἐναντιώτατόν ἐστι (τὸ σιάλον τὸ τῶν ἀνθρώπων νήστεων).

Idem saepe a scriptoribus medii aevi et nostrae aetatis dictum est:

Albert. Magn. lib. VII tract. II cap. V: „saliva hominis ieiuni qui diu ieiunavit et in praecedenti sero abstinuit contrariatur omnibus venenosis. sagitta intincta in salivam hominis ieiuni intoxicatur, quando vulnerat alium” ³⁾.

Conradus de Monte Puellarum, Buch der Natur, 261, 3 ⁴⁾: Ambrosius spricht, dass ains nüchtern menschen spaichel die slangen ertoet: wan ist dass diu slang der spaicheln ain klain berüert, so stirbt sie zehant.” Idem dicitur Serm. evang. f. 41^a; B. d. Profec. I, f. 44 ⁵⁾.

Habdarrahmanus Aegyptius apud Harduinum ad Plin. Nat.

1) The Jewish Encyclopedia, X, p. 651. — Cf. etiam Habdarrahmanus Aegyptius interprete Eechellensi, apud Harduinum ad Plin. Nat. Hist. XXVIII, cap. IV.

2) Locum adfert Grimm, Deutsches Wörterb. s. v. Speichel.

3) Cf. Schurig, l.l. p. 180.

4) Hunc locum laudat Grimm, Deutsches Wörterb. s. v. Speichel.

5) Schiller et Luebben, Mittelniederdeutsches Wörterb. s. v. spekele.

Hist. XXVIII, cap. IV: „Si quis ieiunus expuit super scorpionem, interimit illum.”

Schurig, Sialologia, p. 143—146.

Fletcher et Massinger, A Very Woman, III, 1¹):

„Let him but fasting spit upon a toad
And presently it bursts and dies.”

Magis huc pertinet, quod nonnullis locis non contactu, sed sola magica virtute ieiunae salivae aegris opem ferri posse praedicatur:

Varro, Rer. rust. I, 2, 27 (de pedibus sanandis): „*Terra pestem teneto, salus hic maneto in meis pedibus*. Hoc ter noviens cantare iubet, terram tangere, despuere ieiunum, cantare”²).

Plin. Nat. Hist. XXVIII, 37: „(credamus) cervicis dolores (arceri) saliva ieiuna, dextra manu ad dextrum poplitem relata, laeva ad sinistrum.”

Marcell. De Medicamentis, XVIII, 4: „ad cervicum dolores remedium physicum sic: ieiunus dextram manum saliva tange et dextrum poplitem perfrica, deinde sinistra manu sinistrum et hoc ter per singulos poplites facito, statim remediabis.”

Plin. Nat. Hist. XXVI, 93 (de panis sanandis): „*experti adfirmavere plurimum referre, si virgo imponat nuda ieiuna ieiuno (medicamenta) et manu supina tangens dicat: negat Apollo pestem posse crescere cui nuda virgo restinguat, atque ita retrorsa manu ter dicat totiensque despuant ambo.*”

Vestigia similis superstitionis occurrunt etiam apud recentiores. Cf. Wuttke, Der deutsche Volksglaube der Gegenwart³, § 164: „Der Kreuzschnabel . . . zieht die Krankheiten an sich . . . Wer das Reißen hat, muss acht Tage lang früh nüchtern in des Vogels Näpfchen spucken”³).

Denique (quod postremo loco adfero, licet origine primum sit)

1) Hunc locum attulit Nicolson l. l. p. 27.

2) Apud Schneiderum Keilium Goetizium male distinguitur: „despuere, ieiunum cantare.”

3) Cf. ibid. p. 219: „Sehr viele Zauberhandlungen müssen nüchtern und schweigend geschehen; es ist eine Selbstüberwindung nötig, ein Zurückdrängen des bloss Natürlichen, um eine übernatürliche Kraft zu erlangen und zu üben; oft muss selbst das Vieh fasten.” § 309; „Wenn man des Morgens nüchtern dreimal niest, so bedeutet es Glück.” § 91: „Kräuter, vor Sonnenaufgang nüchtern und schweigend gepflückt, haben grosse Heilkräfte.”

per ieiunam salivam repercutiebantur contagia et fascinationes. Cf. Plin. Nat. Hist. XXVIII, 35: „Omnium vero in primis ieiunam salivam contra serpentes praesidio esse docuimus, sed et alios efficaces eius usus recognoscat vita: despuimus comitiales morbos ¹⁾, hoc est contagia regerimus; simili modo et fascinationes repercutimus dextraeque clauditis occursum”.

Huius quoque superstitionis exempla e recentioribus temporibus adferri possunt. Cf. Alexandri ab Alexandro Genialium dierum (a. 1522) lib. V cap. 27: „fascinationes saliva ieiuna pelli veteri superstitione creditum est.” Seligmann, Der böse Blick und Verwandtes, I, p. 293: „Eine grosse Rolle in der Geschichte des bösen Blickes spielt der Speichel und zwar . . . besonders als Abwehrmittel. Besonders wirksam ist derselbe, wenn er von einem nüchternen Menschen stammt” ²⁾.

Qui haec omnia secum reputaverit, facile, opinor, intellet id quod dicit Callimachus. Arcana sacra calathi si quae puella mulierve curiosis oculis violaret, sibi civibusque perniciem adferre posse credebatur. Nonne eadem de causa pestilentiam in urbem Romam incidisse memorat Verrius Flaccus? Nonne in Vetere Testamento legimus in pago Bethsamitarum, cum non-

1) τὴν ἑρπὺν νόσον, *divinum morbum*, ita dictum, quod epileptici a deo aliquo corripere videbantur. Cf. Theophr. Charact. XVI, 14.

2) Quam arcte disciplinae et medii aevi et recentioris aetatis cum litteris antiquis cohaereant, harum rerum peritos profecto non latet. Sed hanc necessitudinem nunc etiam latius patere apparet, quam vulgo credebatur. Nuper Carolus Freundt (Wertpapier im antiken und frühmittelalterlichen Rechte) defendit sententiam, quam Josephus Partsch, Freundtii operis censor aequus prudensque, his verbis expressit: „Das gesamte Urkundenrecht des früheren Mittelalters entwickelt sich in ununterbrochener Kontinuität aus dem antiken d. h. dem griechischen und römischen” (Zeitschrift für das gesamte Handels- und Konkursrecht, LXX: Der griechisch-römische Einschlag in die Geschichte des Wertpapiers, p. 438). Cf. eiusdem verba p. 488: „(Es) wird die Frage erörtert werden müssen, ob die zahlreichen Anleihen, welche die langobardischen und fränkischen Formeln wie die Urkunden aus den italienischen Städten des frühen Mittelalters bei dem byzantinischen Notariatsstil gemacht haben, überhaupt als Erkenntnismittel für germanische Rechtsauffassung verwertet werden dürfen.” Similiter Fr. Pfister (Berl. phil. Woch. 1912, p. 1129 sq.; cf. 1914, p. 925 sqq.) nuper ostendere conatus est, quot fabulae teratologicae medii aevi ab antiquis ductae sint. Eodem modo anquiri possit, quatenus superstitio vulgaris gentium Europae occidentalis et septentrionalis a superstitione antiqua originem traxerit. Estne vere Germanica superstitio quam memorat Grimm, Deutsche Myth. ³ I, p. 481: „Wenn der Hausherr ausspeit, toben und lärmern (die Poltergeister) heftig”? Cf. II, p. 1056.

nulli in arcam inspexissent, multa milia virorum occidisse? ¹⁾ Nonne saeculo II^o p. C. n. pestilentia simili de causa coorta esse ferebatur? Cf. Amm. Marc. XXIII, 6, 23: „incensa civitate (Seleucia) milites fanum (Comaei Apollinis) scrutantes invenere foramen angustum, quo reserato ut pretiosum aliquid invenirent, ex adyto quodam concluso a Chaldaeorum arcanis labes primordialis exiluit, quae insanabilium vi concepta morborum, eiusdem Veri Marcique Antonini temporibus ab ipsis Persarum finibus ad usque Rhenum et Gallias cuncta contagiis polluebat et mortibus.” Iul. Capitolin. Vita Veri, 8: „nata fertur pestilentia in Babylonia, ubi de templo Apollinis ex arcula aurea, quam miles forte inciderat, spiritus pestilens evasit atque inde Parthos orbemque complesses.” Magis igitur ut caveant mulieres, diserte inculcatur iis usitatum remedium adversus immimentia mala, ieiunam salivam dico, perniciem ab iis, qui arcana speculantur, averruncare non valere.

Conspectus rerum divinarum et summopere venerandarum nonnumquam etiam apud alias gentes pro maleficii genere habitus est. Quis ignorat vulgus vel hodie in multis partibus Europae obvios sacerdotes abominari ²⁾? Quin etiam legitur apud Iohannem Wierum, De Praestigiis Daemonum (a. 1564), lib. III cap. IV: „tam quoque grave est delictum, in terram tempore elevationis spuere quam sputum in ore continere” ³⁾.

Haec cum ad propositum meum demonstrandum sufficere arbitrer, insuper nihil addo nisi coniunctivum *praesentis* πτύωμες post coniunctionem δὲ indicare τὸ πτύειν eodem puncto temporis fieri atque τὸ ἀγιάσασθαι ⁴⁾, prima autem persona pluralis poetam usum esse, ut in admonitione ne minimum quidem acerbitatis inesset.

1) Samuel. I, 6, 19. Cf. Numer. IV, 20; Exod. XXXIII, 20; Levit. XVI, 2. — Cf. etiam fabula Cecropidum et Herod. VI, 134.

2) Cf. Grimm, Deutsche Mythol. II, p. 1078: „Paulis schimpf und ernst cap. 358: zu der kirchen gieng ein altes weib am morgen frü, da begegnet ir ein pfaff, da thet sie wol sechs creuz für sich. der priester sprach, warumb segnet ir euch also vor mir? ich bin doch nit der teufel” . . .

3) Hunc locum, licet non plane intellegam quid sibi velit in libro de Lamiis, tamen dignum censeo qui hic adferatur et diligentius perpendatur.

4) Cf. Kühner-Gerth, Griech. Gramm. II § 389, adn. 3, a; § 567, 2; Madvig, Synt. der griech. Sprache, § 128, b.

Saepius quaesitum est, cuiusnam urbis Cerealia Callimachus hymno sexto descripserit. Nec tamen ad liquidum quaestio perducī potuit. Fieri potest ut recte senserit Wilamowitzius quaestionem inanem esse: poetam certam urbem non nominasse, ergo ne cogitasse quidem ¹⁾. Hoc argumentum simplex ac potens esse concedendum est. Aut sumi potest nomen urbis ab auctore in inscriptione carminis memoratum fuisse? Mihi certe (si tamen etiam nunc de hac quaestione disquirere licet) probantur rationes, quibus nisus Conradus Kuiper ostendit neque in Alexandriam neque in Cnidum quadrare quae hic scripta sunt ²⁾. Cyrenis vero fuisse templum Cereris demonstrat Aeliani frag. 44 ³⁾:

ὅτι Βάττος ὁ Κυρήνην κτίσας τῆς Θεσμοφόρου τὰ μυστήρια ἐγλίχετο μαθεῖν καὶ προσῆγε βίαν λίχνοις ὀφθαλμοῖς χαρίζομενος.

καὶ τὰ μὲν πρῶτα αἱ ἱερεῖαι ἐπειρῶντο αὐτὸν πραῦναι καὶ ἀντέχειν τῆς ὀρμῆς· βιαίως δὲ καὶ ἀτέγκτως διακειμένου, τῶν μὲν ἀπορρήτων καὶ ἃ μὴ ἰδεῖν λῶον ἦν, τούτων οὐκ ἐκοινῶνουν οἱ· τῶν δὲ πρώτων καὶ ἐξ ὧν οὔτε τοῖς θεασαμένοις οὔτε τοῖς δεῖξασιν ἔμελλέ τι ἀπαντήσεσθαι δεινόν, παρεῖχόν οἱ βλέπειν ταῦτα ⁴⁾.

μετὰ τῆς ἱερᾶς στολῆς ὅλαι τελούμεναι μυστικῶς σφάκτραι καταλειφθεῖσαι . . . καὶ αἵρουσαι τὰ ξίφη γυμνὰ καὶ αὗται καταπλέας ἔχουσαι τοῦ αἵματος τὰς χεῖρας καὶ τὰ πρόσωπα μέντοι (ἦσαν δὲ ἐκ τῶν ἱερῶν χρισάμεναι) ἀθροαί ὕφ' ἐνὶ συνθήματι ἐπὶ τὸν Βάττον ἤξαν, ἵνα αὐτὸν ἀφέλωνται τοῦ ἔτι εἶναι ἄνδρα.

Intelleguntur haec nullo negotio, licet nonnulla turbata sint: pro καταλειφθεῖσαι certe scribendum censeo καταληφθεῖσαι, i. e. *deprehensae* (a *Batto*). Apparet autem haec fragmenta excerpta esse e libro aliquo, quo inter alia continebatur αἴτιον peculiaris ritus, quo Ceres Cyrenis colebatur. Iam qua via, quibus ambagibus haec in Aeliani opus περὶ θείων ἐναργειῶν pervenerint, indagari non potest; tamen veri simillimum est fontem poeticum subesse aetatis Alexandrinae. Nisi fallor, vel nunc adhuc vestigium quoddam dictionis poeticaeprehenditur, ubi dicitur

1) Wilamowitz, Reden und Vorträge³, p. 274.

2) Kuiper, Stud. Callim. II, p. 43—45.

3) Aelian. ed. Hercher, edit. Teubn. vol. II (a. 1866), p. 204.

4) Unde verba καὶ τὰ μὲν — βλέπειν ταῦτα a Rasmo et Herchero hausta sint, temporum iniquitatem investigare non potui.

omisso articulo: *λίχνοις ὀφθαλμοῖς χαριζόμενος*. Summa autem animadversione dignum est, quod hic memorantur *μυστήρια Cereris Θεσμοφόρου* et mulieres *μυστικῶς τελούμεναι*. Athenis mysteria Cereris Eleusinae a Thesmophoriis longe differebant; illa enim ab initiatis viris et feminis, haec a solis mulieribus agebantur, et si quando a nonnullis mysteria dicta sunt, tamen initiatione carebant. Non aliter cultum deae Alexandriae institutum fuisse probabile est, quem ex Attica eo translatum esse constet. Contra in hymno nostro rem eodem modo habere videmus atque Cyrenis. Loquitur enim poeta de initiatis (*τὰς τελεσφορέας*, vs. 129) et de profanis feminis (*βέβαλοι*, vs. 3; *τὰς ἀτελείστως*, vs. 128); viri, si recte videmus, excludebantur.

Multum abest ut censeam his demonstratum esse Callimacho in hymno Cereris scribendo Cerealia patriae suae Cyrenarum obversata esse. Nam etiam Ephesi ¹⁾ et Smyrnae ²⁾ mysteria quaedam Thesmophoriis celebrabantur. Ego hic nullam in partem disputo, sed tantum indiciorum copiam augere studeo, quae forsitan aliquando in hac quaestione dirimenda aliquam utilitatem habere possint. Quapropter etiam de voce *τελεσφορέας*, *initiatas*, pauca adicere velim. *Τελεσφορίην*, *festum, sacra, solennia*, habet ipse Callimachus II, 78, ubi de Carneis Cyrenensibus loquitur, *τελεσφορίας*, *initiationes* (schol. *μυσταγωγίας*), Apollonius Rhodius (I, 917), Callimachi discipulus, de mysteriis Samothraciis loquens. Praeterea Eustathius (Opusc. I, p. 341, 1) habet *τελεσφορεῖν*, *consecrare* (episcopum). Alia exempla verbi hoc sensu usurpati lexicographi nostri non praebent. Quos ut fortasse unum atque alterum locum praetermisisse concedamus, tamen inde sequitur ut ille usus huius vocis rarissimus sit. Ecce sensu subsimili legitur in inscriptionibus Cyrenaicis: *οἱ δεῖνα τελεσφορέντες* (S. G. D. I. 4837) ³⁾.

Postremo monere velim in hoc hymno inveniri aliquid e fabulis Cyrenaicis. Quod neminem animadvertisse non crediderim, sed certe a nullo adhuc data opera explicatum esse videtur. Legimus vs. 8 sqq.:

1) Dittenberger, Syll.³ 655.

2) C. I. G. 3194.

3) Omitto alterum titulum (C. I. G. 5236), de cuius lectione non constat.

Ἐσπερος, ὅστε πιεῖν Δαμάτερα μῶνος ἔπεισεν,
 ἄρπαγίμας ὅκ' ἄπυστα μετέστιχεν ἵχνια κώρας.
 πότνια, πῶς σε δύναντο πόδες Φέρεν ἔστ' ἐπὶ θυμᾶς,
 ἔστ' ἐπὶ τῶς μέλανας καὶ ὅπα τὰ χρύσεια μᾶλα;

Vespera Ceres ab erroribus suis requieverat; quamobrem etiam mulieres in Thesmophoriis Atticis usque ad vesperam cibo potuque abstinebant. Sed haec non sufficiunt ad vs. 8 interpretandum.

Vulgo narrabatur Iamben, Celei et Metanirae famulam, Eleusine Cererem iocando adduxisse ut rursus cibum sumeret ¹⁾. Alii cum veteribus poetis Orphicis has partes Bauboni tribuebant. Quibus omnibus adversans Callimachus Hespero eas assignat. Hesperus et Hesperides, filiae neptesve eius, tradebantur vixisse in urbe Cyrenaica Euhesperidis, cui hodie Bengazi nomen est. Documento sunt permulta scriptorum testimonia, in quibus etiam locus Apollonii Rhodii. Omnia commode collecta invenies in lexico quod conficiunt Pauly Wissowa (VIII, p. 1247). Addendum est testimonium Scylacis, Peripl. 108: ἐνταῦθά ἐστιν ὁ κῆπος τῶν Εὐεσπερίδων. ἔστι δὲ τόπος βαθὺς ὀργυιῶν ἡ', ἀπότομος κύκλω, οὐδαμοῦ ἔχων κατὰβασιν· ἔστι δὲ δύο σταδίων πανταχῇ, οὐκ ἔλαττον, εὖρος καὶ μῆκος. Οὗτός ἐστι σύσκιος δένδρεσιν ἐμπλεγμένοις ἐν ἀλλήλοις ὥς ὅτι μάλιστα πυκνοτάτοις. τὰ δένδρα ἐστὶ λωτός, μηλέα παντοδαπαί, ῥοαί, ἄπιοι, μιμαίκυλα, συκάμιναι, ἄμπελοι, μυρσίναι, δάφναι, κισσός, ἐλαῖαι, κότινοι, ἀμυγδαλαί, κερύαι. Conferas quaeso commentaria Caroli Mueller ad Stad. Mar. Magn. 57 (Geogr. Graec. Min. I, p. 450), praesertim ea quae ex descriptione locorum apud Beecheyos adfert ²⁾. Non temere igitur conicere mihi videor Callimachum hic secutum esse fabulam Cyrenaicam, qua narrabatur Cererem arida loca peragrasse, donec ad amoenum hortum Hesperidum (ὅπα τὰ χρύσεια μᾶλα, vs. 11) pervenisset, ibique Hesperii consilio motam esse ut ieiunium solveret ³⁾. Τῶς μέλανας, quorum una cum pomis aureis meminit, non dicit Aethiopes orientales neque vero

1) Hymn. in Cer. vs. 200—204.

2) Cf. Reclus, Nouv. Géogr. Univ. XI, p. 10.

3) Illud quoque facile suspicari possis Cyrenenses narrasse in finibus suis Proserpinam raptam esse.

occidentales ¹⁾, sed illos, qui Cyrenaicae proximi sunt ²⁾. Versibus insequentibus memorantur itinera Cereris per continentem Graeciam. Non ergo se in fabulis Cyrenaicis continuit poeta, sed peculiare aliquid ex iis desumpsit et in loco conspicuo collocavit.

Vs. 25 τὴν δ' αὐτᾶ καλὸν ἄλσος ἐποίησαντο Πελασγοί.

Loco laboranti succurrerunt Schneiderus et Wilamowitzius, quorum ille: τεῖδ' αὐτᾶ, hic: τῇ δ' αὐτᾶ legi iussit. Propius ad verba tradita accedas, si mecum scribas: τὴν δ' αὐτεῖ.

1) Cf. Verg. Aen. IV, 480 sqq.

2) Reclus, l.l. p. 28: „La capitale de Barka étant en relations constantes avec les oasis du désert par des caravanes, qui naguère traînaient après elles des chiourmes d'esclaves, la population de Benghazi est très mêlée: l'élément nigritien est fortement représenté parmi tous ces descendants de Berbères et d'Arabes.”

AD TACITI H. I, 40.

Agebatur huc illuc Galba vario turbæ fluctuantis impulsu, completis undique basilicis ac templis, lugubri prospectu. Neque populi aut plebis ulla vox, sed attoniti vultus et conversæ ad omnia aures.

Planene obmutuisse illam credamus multitudinem? Dixeris hoc ipsum attonitorum esse. Sed *vultus* legimus attonitos fuisse, *aures* vero pronas ad omnia excipienda. Ergo erant et qui loquerentur clamarentque, sed alius alia: neque populi aut plebis *una* vox (sic legendum), sed ut ipse Galba modo hoc modo illud fieri iubebant.

J. J. H.

PULMO MARINUS.

SCRIPSIT

P. H. DAMSTÉ.



Saeculis fere duodeviginti ante Americam a Christophoro Columbo repertam regiones nostrae ab Europae meridiana incola primum aditae atque cognitioni contemplationique hominum, qui tunc erant cultiores eruditioresque, apertae sunt. Pytheas Massiliensis fuit, qui inter annos 330—325 a. C. n. hanc terrarum partem visit itinerisque sui descriptionem *περὶ ὠκεανοῦ* inscriptam emisit. Cuius itinerarii temporum iniquitate deperditi nonnulla vestigia manserunt: supersunt fragmenta vel potius annotationes apud Strabonem, quas eo consilio commemoravit ut iudicium quod de iis Polybius tulerit cum legentibus communicaret. Hoc autem iudicium nusquam non pusillum, iniquum, malignum esse cuivis iam constat: amicus ille Scipionum superbiens aemulum suum in explorationibus geographicis misere detrectabat, quippe cui pro argumento esset illud: *πῶς ἰδιώτῃ ἀνθρώπῳ καὶ πένητι τὰ τοσαῦτα διαστήματα πλωτὰ καὶ πορευτὰ γένοιτο*; Nos vero de Pythea idem valere iam scimus quod vir nobilis Britannus H. Yule de Marco Polo, mercatore Veneto, affirmat: „It is a great book of puzzles, whilst our confidence in the man's veracity is such that we feel certain every puzzle has a solution.” Neque Pythae fides a viris doctis hodiernis in dubium vocatur, sed aenigmata, quae nobis proposuit atque adeo proposuisse sive a Polybio sive a Strabone vel etiam a Plinio dicitur, intricatiora sunt quam quae a posteris facile solvantur. De reliquis quaestionibus nunc non loquor, sed lectorem ad libros refero quibus de iis disceptatur; unum modo locum hic tractare lubet, non tam ut meam qualemcumque explicationem

exponam quam ut eum male lectum ac male intellectum esse demonstrem, ita ut ad conclusiones perversas non neminem duxisse videatur. Locus autem apud Strabonem (II C. 104) hic est:

Πολύβιος δὲ τὴν Εὐρώπην χωρογραφῶν τοὺς μὲν ἀρχαίους ἔαν Φησι, τοὺς δὲ ἐκείνους ἐλέγχοντας ἐξετάζειν Δικαίαρχόν τε καὶ Ἑρατοσθένη τὸν τελευταῖον πραγματευσάμενον περὶ γεωγραφίας, καὶ Πυθέαν, ὅφ' οὐ παρακρουσθῆναι πολλούς, ὅλην μὲν τὴν Βρετανικὴν ἐμβαδὸν ἐπελθεῖν Φάσκοντος, τὴν δὲ περίμετρον πλείονων ἢ τεττάρων μυριάδων ἀποδόντος τῆς νήσου, προσιστορήσαντος δὲ καὶ τὰ περὶ Θούλης καὶ τῶν τόπων ἐκείνων, ἐν οἷς οὔτε γῆ καθ' αὐτὴν ὑπῆρχεν ἔτι οὔτε θάλαττα οὔτ' ἀήρ, ἀλλὰ σύγκριμά τι ἐκ τούτων πλεύμονι θαλαττίῳ ἰοικός, ἐν ᾧ Φησι τὴν γῆν καὶ τὴν θάλατταν αἰωρεῖσθαι καὶ τὰ σύμπαντα, καὶ τοῦτον ὡς ἂν δεσμὸν εἶναι τῶν ὄλων, μήτε πορευτὸν μήτε πλωτὸν ὑπάρχοντα· τὸ μὲν οὖν τῷ πλεύμονι ἰοικός αὐτὸς ἑωρακέναι, τᾶλλα δὲ λέγειν ἐξ ἀκοῆς.

ταῦτα μὲν τὰ τοῦ Πυθέου, καὶ διότι ἐπανελθὼν ἐνθένδε πᾶσαν ἐπέλθοι τὴν παρωκεανίτιν τῆς Εὐρώπης ἀπὸ Γαδείρων ἕως Τανάιδος.

Fr. Kaehler anno 1903 Halis Saxonum librum emisit, quem inscripsit „Forschungen zu Pytheas' Nordlandsreisen“, cuius consilium totum fere hoc est ut e Polybii verbis eliciat, itinera Pythaeae duo fuisse, alterum in Britanniam, alterum praeter continentis Europae litora usque ad Tanain flumen factum; eum in expeditione priore, cum a Britannia revertisset, ad vada illa innumerabilia ac limosa pervenisse, quae litora Germaniae septentrionalia praetexunt, ibique τὸ σύγκριμα πλεύμονι θαλαττίῳ ἰοικός cognovisse. Quod quale sit deinde nos docere conatur: plagam illam esse eiusmodi ut elementa ibi quasi permixta sint ita ut nullum ex iis per se manifestum umquam fiat sed aliud in aliud semper transgrediatur; terram, aquam, aërem mixtura quadam numquam ante ab eo visa, quae pulmonis instar oceani susque deque se movens neque pedibus calcari neque navi percurri possit, simul id agere ut cum quarto elemento iungantur, cum ἀήρ, elementum igni proximum, sub nebulae forma ad eius patriam, quae in aethere et inter convexa caeli sit, enitatur itaque pontem ad caelum terramque copulanda efficiat.

Ecce quae disputatione copiosissima vir doctus nobis persuadere studuit idemque philologos peregrinos ac barbaros blande monuit ne forte sperarent fore ut ipsi quoque in spissis illis tenebris

lucis aliquid afferre possent ¹⁾. Neque ego, cum Teutonius non sim, tale quid conabor: hoc tantum qua par est verecundia in medium proferre mihi, Batavo viro, liceat.

Quicumque opinione non praeiudicata Polybii verba apud Strabonem perlegerit, additamentum illud τὸ μὲν οὖν τῷ πλεύμονι εἰκὸς αὐτὸς ἑωρακέναι, τᾶλλα δὲ λέγειν ἐξ ἀκοῆς maximi momenti in iis interpretandis esse intelleget: sana ratione usus agnoscet, Pythaeae non plura adiudicari oportere quam ea quae Polybio auctore ipse se vidisse asseveravit, reliqua vero, quae non nisi fando se audivisse testificatus est, non ei esse assignanda. Quid autem Pythaeas ipse vidit? Nempe τὸ τῷ πλεύμονι εἰκός, cetera omnia, quae de pulmone illo narrantur, auditu percepta rettulit. At Kaehlerus non ita. Verba τᾶλλα δὲ λέγειν ἐξ ἀκοῆς ad vocabula spatio longe remota τὰ περὶ τῆς Θούλης spectare ratus cetera quae sequuntur ita tractat tamquam si Pythaeas omnia a se spectata tradiderit (cf. p. 116).

Quae cum ita sint, tota viri docti argumentatio maxime αἰωρεῖται, non suo nititur fundamento, deest in ea vere ὁ δεσμός τῶν ὅλων. Licet nimirum rogare quid τὸ τῷ πλεύμονι εἰκὸς fuerit, quod ipse Pythaeas vidit; licet etiam rogare quid tandem fuisse verisimile sit quod non nisi fando se cognovisse intulit, narrationes dico de Thule deque locis illis, ἐν οἷς . . . ὑπάρχοντα. At non licere aio, res e fontibus tam diversis petitas, quales sunt incerti hominum barbarorum rumores et αὐτοψία ac professio viri expertae fidei, in unum confundere, ex aequo iudicare, denique huic uni omnes imputare.

Equidem cum ambages tortuosas atque obscuras, quas ab incolis narratas Pythaeas rettulit, acriori Teutonorum iudicio solvendas libenter committam, tum pacem peto veniamque de uno monstro, quod ipse vidit, sententiam meam proferendi.

Quid igitur τὸ τῷ πλεύμονι (θαλαττίῳ) εἰκὸς fuisse videtur?

In Oceani partibus sive septentrionalibus seu meridianis mare momento temporis rubescere naviganti saepe videre licet. Aquas sanguine tinctas dixeris, qui color inexplicabilis extenditur quo longissime oculi conspectum ferre possunt. Non solis radiis de-

1) p. 107: „wenn es möglich ist, in dieses Dunkel Licht zu bringen, so wird die deutsche Philologie und Wissenschaft es sein, welche auch hier über kurz oder lang den Preis erringt.“

betur neque plantis, verum infinitae animalium crustatorum multitudini, quibus beluae marinae vulgo vescuntur. Hae bestiolae, quae tam exiguae sunt ut fere insecta marina eas vocare possis, qua visus est quasi brevia rubicunda atque immensa effingunt. Piscatores 'cibum balaenarum' vocant. Per piscatus enim tempora ubi primum cetarii vada sanguinea conspiciunt, certatim iacula hamata ac funes promunt aptantque pugnae: iam constat feram haud procul abesse. Cum vero linter marginem loci colorati iam legit, remi ab altera parte in undas virides liquidasque immerguntur, ab altera guttae sanguineae a palmis destillare videntur: mox sonum nullum reddens scapha per aquarum suppinguium superficiem in beluam praelabatur tamquam si per oleum effusum vehatur. Haec autem ubi semel inter rubras illas undas versatur, cenam suam paratam invenit: nil amplius iam opus ei est quam rostrum immensum aperire, quo rictu vis ingens crustatorum sine mora recipiatur, dum barbae multiplices, quibus palatum beluae munitum est, velut retia piscatoria distenduntur: iam nihil inde evadere potest atque immensa crustatorum copia in enormem stomachum ultro demergitur. Ipso eo tempore, quo heluo immanis genio indulget, ei appropinquare atque letale vulnus inferre opportunum est.

Licetne suspicari, oculos Pythae istam maris speciem conspiciatos esse undis suis rubicundis per vices ac paulatim modo se attollentis modo desidentis? Nonne id spectaculum animum eius ita afficere potuit ut pulmonem illum marinum aspicere sibi videretur, de quo tot mirabilia fando audiisset?

Interpretes fere omnes quantum scio adhuc voce *πλεύμων θαλάττιος* loco Straboniano animal significari crediderunt, quod apud zoölogos modo 'aurelia aurita', modo 'pelagia noctiluca', modo 'rhizostoma pulmo', apud nostrates 'kwal', apud Britannos 'jelly-fish' nuncupatur, atque tertium comparationis in similitudine quaesiverunt, quam inter *τοῦ συγκρίματος* materiem et massam corpoream eius bestiolae intercedere putabant. Secundum meam interpretationem Pythaeas de eiusmodi animali nequaquam cogitavit, sed Oceani partis externa species ac motus animum eius induxerunt ut quasi *τὸν τῆς θαλάττης πλεύμονα* h. e. pulmonem marinum intueri sibi videretur.

AD PLUTARCHI MORALIA ANNOTATIONES CRITICAE.

SCRIPSIT

J. J. HARTMAN.

(Continuantur e pag. 289.)



DE GARRULITATE.

Emersit e vadis et praetervecta est scopulos disputatio nostra: post scripta quaedam vel lacera vel spuria vel denique amoenitatis haud multum praebentia ad suavissimum illum *de garrulitate* pervenimus librum, sive, ut accuratius appellem, *de morbo hominis qui silere non potest*, quem nobis titulum statim in initio ipse subministrat scriptor, ubi lepidissimo utitur vocabulo ἀσυνγυσία. Quem si quis sua velit ornare laude dignum esse dicat qui cum libro *de fraterno amore* coniungatur: eundem enim statim utrobique agnoscis „philosophum”, doctum, prudentem, lepidum: Et tamen aliquid haud leve inter duos hos libros interest. De fraterno amore Plutarchus scripsit ut *legeretur*, at noster liber dubium non est quin sit oratio in magno aliquo hominum conventu habita. Hoc ut primum demonstrem hosce afferre locos velim (510 D):

„in garrulis hoc observamus, eos cum amari cupiunt sui movere odium, cum iucundi esse volunt molestos esse, cum admirationem movere rideri, impensas facere sine ullo lucro ¹⁾“:

1) Sic nunc do cum vetusto interprete; semper tamen dubito annon rectius οὐδέν cum ἀναλίσκουσιν iungatur: „lucrum faciunt garruli, nihil impendentes ipsi” h. e. „rumusculos venditant quos gratis acceperunt”. Difficilis est optio. Interpres partem ea verba facit iniuriarum quibus *semel ipsos* afficiunt garruli; si altera accipis ratione, melius cum sequentibus ἀδικοῦσι τοὺς φίλους iunguntur.

iniuria afficiunt amicos, prosunt inimicis, semet ipsos pesumduant"

cum eo qui mox sequitur (510 E):

„deinde adversus hunc morbum utendum est contrariorum consideratione, semper audientibus, recordantibus, in promptu habentibus taciturnitatis laudes, silentiique grave illud, sanctum, augustum, maioremque sui movere amorem, admirationem, sapientiores denique haberi quam effrenes istos concitatosque eos qui in se sint teretes et rotundi, breviloqui, quorumque in paucis verbis sapientiae multum comprehenditur"

denique eum quem p. 514 A habes:

„in narrationibus est loquacissimus is qui multa legit, in artis vocabulis grammaticus, in exterarum gentium descriptionibus vir qui multum peregrinatus est multosque vidit populos."

Eiusmodi loci illi sunt ut etiam qui latinam eorum audit interpretationem statim *oratorem* agnoscat; in primo tertioque quicumque Graece scit continuo sentit quam suaviter ad aures accedant adiectiva illa verbaque similiter sonantibus clausa syllabis.

Tum paulo accuratius consideremus id quod legimus 511 E:

„tantam habet in omnibus rebus vim consuetudo: age de illa iam dicamus"

ipsum, ut opinor, conspiciamus oratorem in suo stantem suggestu.

Sed ex quo genere oratorum hic sit scire etiam volumus. Docebit hoc lepidissima disputatiuncula, quae mox sequitur (511 F):

„Consilium non tendit eo quo cursus equorum

Sophocles ait; sed neque eodem tendit is qui loquitur respondetque; illic enim is victoriam reportat qui primus advenit, at in loquendo, cum alius quispiam sat bene *responderit*, plaudere decet et probare: benevoli enim id hominis esse videtur; cum minus bene, neque importuni est neque invidi id quod ille *nescierit* explicare, quod omiserit supplere. Sed prae ceteris *caveamus*, cum *interrogatur* alius, ipsi ante illum respondere. Omnino non est urbani hominis, cum ab alio petitur aliquid illum submovere nosque ipsos offerre; iniuria haec est adversus alterum tamquam par non sit praestando id quod rogatur, ad-

versus alterum tamquam artem ignoret inde petendi unde possit accipere. Sed maximam habet contumeliam ista petulantia et protervitas in *quaestionibus dissolvendis*. Videtur enim is qui praecurrit *respondendo* illum qui interrogatus est hoc dicere: „huncine rogas illud; quid sapit iste” vel „me praesente alium *rogare* non oportet.” Et tamen saepe aliquem rogamus aliquid non ut ab eo aliquid cognoscamus, sed ut vocem quae comitatem testetur eliciamus vel ut illum quoque ad nostrum alliciamus colloquium, ut Plato fecit in Theaeteto et in Charmide. Ergo praeripere alicui responsum, rogantis ad nos convertere aures eiusque ad nos trahere mentem non minus est absurdum quam ad eum qui ab alio se cupit salutare accurrere eumque amplecti, vel ad nos convertere oculos eius qui cum maxime alium adspicit. Quin etiam cum qui interrogatur omnino nihil habet quod respondeat, paulisper exspectare decet, deinde responsum suum ad rogantis sententiam accommodare, denique verecunde atque submisce accedere tamquam si veniamus pro alio qui invitatus sit. Nam si quis qui interrogatus est in respondendo errorem committit, iure huic parata est venia. Sed qui sponte pro alio surgit eique responsum praeripit, etiam si recte respondit molestus habetur, si vero a scopo aberrat derident eum omnes eiusque gaudent infortunio.”

Audimus hic, opinor, magistrum et praeceptorem, qui semper et ubique *discipulorum* habet rationem, quamquam non illos solos sed simul semet ipsum admonet et a vitiis abducit. Sed *habita* haud dubie est oratio in contione ad quam magna et *varia* confluit hominum multitudo. Cognoscite mihi ipsum belli exordium, non magistri illud est sed *mentis medici*:

„loquacitas *morbus* est quae difficile curatur, nam medicamentum eius e *verbis* componitur, et verba sunt audienda; garruli autem nunquam quemquam audiunt, ipsi semper loqui volunt. Hoc primum habet ille nunquam silendi morbus quod audire vetat: voluntaria quaedam est surditas hominum naturam reprehendentium quod ab ea singulas acceperint linguas, aures binas.”

Deinde observate quantam habeat tota persuadendi movendique vim disputatio, praesertim cum profertur eo loco quo omne confluit hominum genus. Quam efficax ibi argumentum illud

est, eum qui morbo isto laboret semper assequi contrarium eius rei quam appetivit (502 E):

„Maxima silentii et taciturnitatis emolumenta sunt audire et audiri; quorum neutrum garrulo contingit. In ea ipsa quam petunt re adversa utuntur fortuna. Alii mentis morbi, avaritia, gloriae cupido, voluptas, saltem ea obtinent quae cupiunt obtinere, garrulos vero is manet dolor maximus quod auditores habere volunt sed nunquam possunt: quisque enim eos fugit; cum ad colloquendum consederunt homines vel simul ambulant, ubi garrulum vident accedentem sermone abrupto vel ambulatione discedunt.”

Vel illud quod petitur e comparatione garrulitatis cum ebrietate (503 D E):

„Quicumque homo est verecundus et amans decoris ebrietatem vitabit. Iram aiunt esse vicinam insaniae, ebrietatem vero cum illa in iisdem habitare aedibus. Revera ebrietas tempore minus est mala quam insania sed origine multo est peior: est enim insania quam sponte aliquis petivit.” „Quid autem” sic orator pergit „turpissimum habet ebrietas? Num quod, ut est apud Homerum, ad cantandum, ridendum, saltandum adducit? In his rebus mali nihil inest. Sed quod silere vetat.”

Hic tamen fortasse locus aptissimus est ad *audientium* devinciendas mentes, ubi orator cur prorsus intolerabilis sit garrulitas describit (504 C):

„Lysias quondam cuidam viro, qui in iudicium erat vocatus, orationem scripserat; domum secum eam tulerat ille. Qui cum aliquoties eam legisset, abiecto plane animo ad Lysiam rediit dixitque sibi orationem illam, cum primum legeret, praeclaram visam esse, sed denuo tertiumque legenti languoris taediique plenam. Tum Lysias: quid tum? nonne semel eam ad iudices es habiturus? Et fuit Lysias ille orator, cui maxima vis summaque venustas:

comatae violis Musae cui semper amicae
possum enim de eo Pindari uti verbis. Homerum ipsum verissime quidem aiunt solum esse hominem qui taedium moveat nunquam, quia ipsa eius venustas faciat ut semper videatur novus recensque. Et tamen ille quoque de se profatur:

perspicue dictum rursus narrare recuso

strenueque dat operam ne unquam incurrat in malum illud quod semper cuius poetæ et scriptori insidiatur: audientium satietas. Sed garruli usque repetitis suis narrationibus aures hominum implent, velut si atramento commacularent nullius pretii chartulas."

Sed maxime illud consilium non monendi solum sed etiam delectandi multiplex variumque auditorum genus, qui neque omnes philosophiæ dant operam neque illius sibi magistrum expetiverunt Plutarchum, inde elucet quod Homerum suum imitatus tam bene varietatis habet rationem. Usque nova offeruntur exempla quorum nullum non proposito suo aptissimum, nam

monent praecepta, secum exempla homines trahunt, et hoc semper ante oculos habet hic orator, qui nunquam obliviscitur multo maiorem auditorum suorum partem indoctam esse hominum plebem, qui nunquam philosophiæ sint initiati mysteriis. Inde vere admirabilis illa narratiuncularum copia et varietas. Quarum aliae sunt vulgo notae, saepius apud ipsum Plutarchum leguntur, nostra quoque aetate volitant per ora virorum qui aliquid habent literularum, aliae rariores sunt reconditioresque, apud solum inveniuntur Plutarchum sic exornatae, pleraeque, atque eae quae maximi sunt momenti, hoc solo leguntur loco. Sed hoc commune habent omnes quod proposito suo sunt aptissimae, quod legentem revera docent aliquid, quod ita proponuntur ut eum et commoveant et detineant. Has ergo omnes hic, in duo illa divisas genera vel obiter vel paulo accuratius referam: miraberis tantum earum numerum suum sibi locum invenisse in libello qui non plus triginta duas implet paginas Teubnerianas. Sed hoc praemittam: consulto non tangam quaestionem unde omnes hasce habeat fabellas, nullius enim momenti ea est cum componendi artem qua in scriptis moralibus Plutarchus usus est suo vis aestimare pretio, nisi forte contendere lubet Plutarchum omnes immutatas eodemque ordine ex aliquo ceteroquin ignoto transtulisse auctore — ad eam autem sapientiam nondum quisquam nostra prolapsus est aetate. Nam compendiis conspectibusque tam narrationum quam sententiarum quin usus sit Plutarchus quis dubitet? Quid quod ipse — quemadmodum alibi iam diximus — ipse sibi eiusmodi paravit

instrumenta. In hoc ipso vero libro insignis ille locus legitur ubi quo modo iis utendum sit exponitur (p. 511 A).

Probe ergo notae atque adeo decantatae narratiunculae, quae in libro de garrulitate leguntur, hae sunt:

1 Sulla Athenas obsidebat sed aliis eum alio vocantibus rebus iam copias suas inde erat moturus cum forte in tonstrina unus ex eius exploratoribus senes quosdam audiebat nugantes de moenium parte quadam non custodita. Quod ubi ad Sullam est perlatum, statim ab ea parte impetum fieri iussit, urbem expugnavit dirissimasque de incolis sumsit poenas. Quas et ipsas Athenienses eo provocaverant quod silere non potuerant. Etenim quamdiu Sullae milites ibi nihil agentes considebant usque stantes in moenibus cantaverant:

est facies Sullae conspersum polline morum.

(Aptissime ergo hic duo noster inter se iunxit exempla e quibus quae afferat pericula ἡ ἀστυγγορία apparet).

2 Zeno ne sociorum suorum secreta traderet linguam demorsam in os conspuuit tyranni.

3 Leæna Harmodii Aristogitonisque amica post heroum illorum interitum crudelissimos perferre cruciatus maluit quam socios eorum proderet. Quapropter postea Athenienses in honorem eius monumentum posuerunt quod et virtutem eius clare testaretur et ipsius quoque nominis servaret memoriam: erat leæna cuius os (apertum, ut opinor) lingua carebat.

4 Ulysses cum uxore, filio, nutrice depinguntur tamquam taciturnitatis exempla. Uxor promisit se ligno vel ferro parem fore duritie, ipse vero, quamvis esset commotus illius conspecta tristitia, etiam oculis suis imperitabat, ita ut *cornei* viderentur vel *ferrei*.

5 Pittacus a rege Aegypti rogatus ut sibi eam mitteret carnem quae simul esset optima pessimaque, linguam ei misit ex hostia exemptam.

6 Eorum qui Ibycum occiderant unus, cum supra theatrum, in quo considebant, grex gruuum volitabat, continere se non potuit quin clamaret: „en Ibyci grues”.

Minus notae, partimque etiam satis reconditae, hae sunt:

1 De Pisonis in Neronem coniuratione res nobis narratur cognitu dignissima neque usquam alibi tradita. Mirum in mo-

dum hic Plutarchus recedit a Tacito, cuius Annales, cum hunc scribebat libellum, *fortasse* cognitos habuit. Quod si ita est, nunc quoque videmus eum non magno opere laborasse ut libros illos, admodum obscure scriptos, atque ei certe satis difficiles lectu qui, ut Plutarchus, in sermone latino parum profecisset, accurate cognosceret. Sic enim narrat:

vir, cui imperatoris occidendi sors obtigerat (Scaevinum hic Plutarchus non nominat), cum ad theatrum ambularet, ante fores (Palatii ut opinor) servum conspexit vinctum, qui ad imperatorem adducebatur et de sua lamentabatur sorte. Accurrit ad eum Scaevinus et „precare” ait „ut hicce dies feliciter exigatur, postea mihi habebis gratias”. Dictum istud arcanum servus arripuit, secumque hoc cogitans

stultus, adest si quid, spernit sequiturque remota

certam incertae praetulit salutem. Scaevini dictum ad Neronem detulit: statim ille prehensus est, omne tormentorum genus adductum; „tum” sic et lepide et sapienter suam claudit narratiunculam Plutarchus „adversus omnes illas necessitates infitiri conabatur id quod sine ulla necessitate protulerat.”

2 ipsa narratio satis nota est: „regis Antiochi filius, cum patrem rogasset quota moturi essent, ille „metuisne” respondit „ne solus tubicinem non sis auditurus?” Sed nova est, eaque lepidissima disputatio quam addit Plutarchus: „ergone, dixerit aliquis, secretum non committebat ei cui totum regnum esset commissurus? Immo in eiusmodi rebus eum continere se et cautum esse docebat.”

3 eiusdem est generis: „Metellus, cum in expeditione eiusmodi aliquid rogabatur, si tunicam meam, ait, id scire scirem, exuerem atque in ignem iniicerem.”

4 lepidissima narratio lepidissime ad legentium convertitur usum: „Eumenes, audito Craterum in se castra movere, amicorum neminem rem edocuit sed Neoptolemum adventare simulabat. Hunc enim Eumenis milites despiciebant, illius gloriam virtutemque metuebant. Fraus latuit omnes, quo factum est ut Eumenis copiae splendidam de Cratero reportarent victoriam, ipsum occiderent, mortuum demum agnoscerent.”

Quae res philosopho facultatem praebet salse sic disputandi: „in illo proelio dux fuit taciturnitas, ea fecerat ut metuendus

ille ignoraretur adversarius. Ideoque et amici Eumenis magis admirabantur eum quam aegre ferebant quod ipsos non fecisset secreti participes. Quodsi in eiusmodi casu aegre fertur tua taciturnitas, praestat reprehendi postquam salvus evaseris non habita amicis tuis fide, quam illos reprehendere posse quod iis confisus in magnum incurreris malum."

5 Novimus omnes iocosam historiolum quam refert Gellius (I, 23), fictam illam, ut equidem opinor, a Catone qua mulierum levitatem loquacitatemque rideret. Solebat enim ille eiusmodi facetiis suas ornare orationes; qui poterat autem salsius exhilarare orationem in mulieres habitam (puta illam pro lege Voconia) quam narratiuncula illa de Papirio Praetextato? Hanc plane immutatam, et tamen eandem, nostro loco Plutarchus profert: nullae ibi sunt praetextati filii partes, ipse senator uxorem suam decipit mendacio multo magis ridiculo quam illud est quod nobis Gellius exhibet, et arte narrandi longe noster Gellium, putidum magistellum, vincit. Et de suo lepidissimam hanc addit observationem: „sic experimento, in quo nihil erat periculi, uxorem suam deprehenderat senator ille: in vas pertusum non vinum oleumve sed aquam infuderat."

6 De reconciliatione Augusti et Agrippae Postumi ea nobis traduntur quae mirifice recedant a Taciti narratione. Hoc certum est ignotam eam fuisse Plutarcho sicut nos habemus, inepto additamento ita perturbatam ut nullo te extricare modo possis ¹⁾. Quam si Plutarchus legisset, prorsus, ut opinor, ab ea abstinuisset potius quam quidquam de tota re narrare tentasset. Nunc haec narrat:

„Fabius ²⁾, Augusti amicus, conquerentem audivit imperatorem de gente sua exhausta: duo mortui erant nepotes, quique solus supererat Fabius falso crimine damnatus exul erat. Et nunc adoptandus ei erat tertiae uxoris filius, quamvis eum illius damnati nepotis misereret, quem et ab exilio erat revocaturus. Fabius, cum sic lamentantem audisset Augustum, rem uxori narravit, illa Liviae. Atque illa graviter cum marito expostulavit quod, si iam revocaturus illum esset exulem, non iam pridem

1) Cff. *Analecta Tacita* mea p. 212 sqq.

2) Legendum enim Φάβιος, non, ut traditum est, Φούλβιος, namque *est* illi Augusti amico Fabio nomen.

fecisset illud, sed se in invidiam odiumque apud futurum adduxisset imperatorem. Postridie cum de more Fabius ad Augustum venisset eumque sic alloqueretur: salve imperator, responsum tulit: vale Fabi. Quod quid sibi vellet statim intellexit, domum rediit uxoremque sic est allocutus: secretum a me prolatum imperator deprehendit, nunc mihi est moriendum. Atque illa: meritas das poenas, qui cum me per multos habueris annos uxorem tamen quam essem loquax nunquam intellexeris neque istud vitium caveris. Sed me sine priorem. Sic fata gladio arrepto semet percussit."

7 Seleucus, cui glorioso cognomen, in proelio cum Gallis exercitum totum cumque eo regnum perdiderat, positaque corona equo aufugerat cum paucis fidelibus; diu per difficiles aditu regiones errabat, tandem inopia coactus ad villam quandam accessit; forte domi erat dominus, quem ergo panem aquamque rogabat. Ille vero et haec ei dedit et praeterea large praebebat quaecunque in suo nascerentur agro, dumque benigne eum invitabat regis agnovit vultum. Atque laetus quod regem beneficio afficere sibi licuisset, non se continuit neque regis adiuvit mendacium, sed ad viam usque prosecutus sic ei valedixit: vale Seleuce rex. Tum rex dextra protenta hominem ad se tamquam osculaturus attraxit, signumque dedit comitum suorum uni:

haud mora, procidit in terram caput ecce loquentis.

Quam narrationem lepidissime verissimeque sic noster concludit: „si paulisper etiam se continuisset, postea multo maius tulisset silentii quam benignitatis praemium."

8 Lepidam lepideque narratam fabellam in fine additamento quodam ipse, ut opinor, narrator exornat:

Tonsores loquaciores esse solent, haud mirum: apud illos enim otiosi et loquendi cupidi solent desiderare homines. Sic tonsor fuit qui primus Athenienses fecit certiores de clade in Sicilia accepta. Cognoverat rem a servo qui inde aufugerat. Omissa ergo taberna sua procurrit in forum

ne prior accurrens alius se fraudet honore.

Nova res haud leviter civium animos conturbavit. Fit contio in qua auctor quaerebatur nuntii. Tonsor adducitur, interrogatur, sed hominem qui sibi narrasset nominare non potuit. Clamare omnes incensi ira: tormenta adhibeantur nefario isti, qui istud

sceleste est commentus mendacium. Quis enim praeterea audit fidemque habuit? Affertur rota, miser ille in ea extenditur. Interea certi aderant nuntii, qui ex ipsa fugerant clade. Discedunt homines, pro se quisque luget, vinctus relinquitur in rota infelix tonsor. Sub *vesperam* demum carnifex ad solvendum eum venit. Quem statim ille interrogat: ecquid de Nicia audisset, et quo modo ille interiisset.

„Tam insanabilis” sic noster disputat „fit consuetudine morbus loquacitas”.

9 Aptissima haec est narratio ad audientium animos commovendos. Chaeronsibus omnibus ignotam eam fuisse suspicor, nam nescioquid habet reconditi.

Spartae in sanctissimo templo sacrilegium factum erat horrendum, neque ullum inveniebatur vestigium praeter . . . inanem lagenam. Quaerere omnes et huc illuc versare mentem. Ibi unus ex iis qui confluxerant: videor mihi dicere posse lagena ista quid sibi velit; sacrilegos opinor propter sceleris immanitatem prius cicutum bibisse et vinum attulisse ut, si in templo non essent deprehensi, vini lagena epota salvi evaderent, aut, si deprehenderentur, leni perirent morbo et tormentorum effugerent atrocitatem. Quod cum ille dixisset, omnes intellexerunt tam intricati aliquid et acuti *comminisci* eum non potuisse sed narasse quod *sciret*. Undique ad eum concurrere homines et „quis es” rogare „quis te cognoscit, unde hoc habes?” Sic ad incitas redactus se unum esse e sacrilegis confessus est.

10 Narratiuncula est ex historia Romana. Vix ullus Plutarchi liber illis caret. Haec autem dubium non est quin ipsa novitate Graeculos detinuerit. Exemplo Plutarchus docet quam utile sit, id quod nunquam facit garulus, aurem praebere loquenti et a re proposita non aberrare. Pupius Piso, quoniam loquaces homines ferre non poterat, servos suos vetuerat quidquam respondere praeter id quod rogati essent. Forte autem evenerat ut Clodium, quem sibi reddere amicum cupiebat, ad cenam invitasset. Laute apparatur convivium, ad tempus omnes adsunt praeter unum Clodium. Iterum iterumque servum, qui invitandi fungebatur officio, prospicere iubebat iamne Clodius adventaret. Sub *vesperam* demum, cum iam de eo esset desperandum, Pupius servum invitassetne rogavit. Atque ille „profecto invitavi”.

„Cur ergo non venit”? „Quia recusavit”. „Cur non statim hoc mihi dixisti?” „Quia non rogasti”.

In risum hic erupisse opinor omnes qui sic narrantem audirent magistrum dilectissimum.

Nam monendo delectare et delectando monere res est quam minime hic dedignatur philosophus. Atque egregie illam callet artem. Non solum audita salsissime renarrare potest sed et salsi aliquid comminisci ipse. Sic, ut unum hoc exemplum e nostro protraham libello, lepidissime docet tres esse quasi gradus respondendi: responsum necessarium, come, superfluum:

Rogatus domine sit Socrates is qui tantum non invitus respondet „non est” respondebit aut plane Spartanos imitatus uno erit vocabulo contentus: hi enim, a Philippo rogati vellentne se in urbem recipere, nil nisi ingentem literam O in charta pinxerunt. At qui paulo comis magis esse vult, dicet: „non domi est sed apud mensas”, potestque etiam addere: „ibi enim hospites quidam ei sunt conveniendi”. Loquax vero et garrulus homo, tamquam si Antimachi volumina perlegisset, hunc proferet verborum fluctum: „non domi est sed apud mensas; ibi enim ei conveniendi hospites quidam sunt de quibus ad eum scripsit Alcibiades, qui nunc Mileti est et Tissapherne Persarum regis satrapa utitur amico; Tissaphernes enim antea Spartanis ferebat opem, at nunc Alcibiadis causa favet Atheniensibus, quoniam Alcibiades in patriam suam revocari cupiens cum maxime mentem eius alio vertit” et sic usque ad finem libri octavi Thucydidis.

Et quam bene mentes hominum cognititas habuerit testatur haec quam garrulo commendat ad morbum suum sanandum medicina, quamque efficacem esse quivis paulo prudentior statim sentit: eam praesertim loquendi cave materiem quae tibi ipsi maxime est in deliciis, in ea enim plurimum latet periculi: bellator facile adducetur ut de rebus a se gestis garrulus fiat, causarum patronus de iudiciis, vir insignem in republica tenens locum de potentibus nobilibusque viris quibuscum est collocutus.

Denique dubium non est quin et iucundissima auditu haec fuerit Plutarchi oratio non ipsius solis discipulis neque collegis qui e vicinia Chaeroneam et venerant ipsi et suos adduxerant discipulos vel viris nobilibus qui undique ex imperio Romano

in Graeciam, matrem illam omnis disciplinae, iter fecerant eo praesertim consilio ut ibi familiaritatem contraherent cum illis qui laude literarum florebant, viris denique literatis et ipsis doctrinaeque cupidis sed etiam ipsius oppiduli incolis, rusticisque qui prope illud agros suos haberent. Sed magis etiam, si fieri potest, hoc pro certo nobis constat uberrimos illos omnes percepisse fructus ex illa fidissimi pastoris admonitione, quae et sapientiae et suavitatis tantum haberet. Abiisse inde omnes opinor, si non plane levatos morbo — nam ex insanabilibus unus ille esse videtur — at bene edoctos quid sibi esset faciendum ne gravior fieret ille et sensim ipso tempore invalesceret.

Ad singulos locos pauca — nam non multum hic critico relinquitur — haec annotabo;

502 B Statim in initio se prodit mentis medicus, vocabulis enim utitur quae in medici arte sunt legitima: ἀναλαμβάνει θεράπευμα et Φάρμακον.

502 C Nequis dubitet quin in Plutarchi textum interdum aliquid e margine irrepserit: citatis versibus ex Euripide haec adduntur:

δικαιότερον ἂν τις εἴποι πρὸς τὸν ἀδόλεσχον [μᾶλλον δὲ περὶ τοῦ ἀδόλεσχου].

Inclusa Stegmannus, quae est eius sagacitas, delevit.

502 E Postquam exposuit vix ulla medicina sanabilem esse morbum loquacitatem, sic pergit:

εἰ δ' οὖν δοκεῖ πείρας μὴ δὲν ἐλλελεῖσθαι, εἰπόμεν πρὸς ὦ παῖ, σιώπα· πολλ' ἔχει σιγὴ καλὰ. [τὸν ἀδόλεσχον·

Notata sic vertit interpres: „nihil intentatum esse relinquendum”. Parum accurate, ut opinor. Hoc velle Plutarchus videtur: „si nobis nihil intentatum relinquisse videmur e. q. s.”. „Postquam exhausta est omnis agendi materies, a silentio, hoc est a non agendi ratione, opem petamus.

502 F Cum appropinquantem vident garrulum discedunt omnes:

κἂν ἐν ἡγικυκλίῳ τινὶ καθεζόμενοι, κἂν περιπατοῦντες ἐν ταύτῳ θεάσωνται προσφοιτῶντα.

Displicet ταύτῳ, et quemadmodum locus in quo sedere collo-

quentes solent homines, suo nomine est significatus, sic hic silvae, horti, loci denique in quo solet ἀμύληρι, nomen desidero.

503 A Garrulus πρόσκειται πανταχοῦ, τῶν ἱματίων ἀντιλαμβάνόμενος, τοῦ γενείου, τὴν πλευρὰν θυροκλῶν τῇ χειρὶ.

Ipsam Plutarchi orationem, atque adeo orationis numeros, restituit Stegmannus ante τοῦ γενείου inserens ἀπτόμενος.

503 B Recte fecit Aristoteles qui garrulo ne aurem quidem praebuerit:

καὶ γὰρ ἂν βιάσωνται λαλεῖν οἱ ἀδύλεσχοι, παρέδωκεν αὐτοῖς ἡ ψυχὴ τὰ ὦτα περιαντλεῖν ἔξωθεν, αὐτὴ δ' ἐντὸς ἐτέρως τινὰς ἀναπτύσσει καὶ διέξεισι πρὸς αὐτὴν Φροντίδας.

Nimis exile atque adeo sensu cassum istud simplex λαλεῖν, sed προσλαλεῖν lege, omnia erunt egregie dicta: sapientes prohibere non possunt quominus ad ἴσους garriat loquax homo, hoc utcumque semper, quae eius vis est (βιάσωνται), perficiet et obtinebit; sed penes ipsos est quominus dicta eius in mentem penetrent.

503 D ὁ πυρὸς εἰς ἀγγεῖον κατακλεισθεὶς τῷ μὲν μέτρῳ πλείων εὑρίσκεται τῇ δὲ χρειᾷ μοχθηρότερος.

Pro πυρὸς legendum esse τυρὸς monuit Naberus. Rem diiudicandam relinquo peritis, sed si de caseo hic locutus esset Plutarchus, equidem eum non comparativo πλείων verum μείζων usurum fuisse opinor.

503 E μανία κατ' ἐνίους μέθη σύνοικος. De hac sententia sic Plutarchus disputat:

μᾶλλον δὲ μανία τῷ μὲν χρόνῳ ἤττων, τῇ δ' αἰτίᾳ χείρων, ὅτι τὸ αὐθαίρετον αὐτῇ πρόσσεστι.

Minor quam ... quid? Lege μανίας, optime procedent omnia: „temulentia tempore minor, causa turpior res est quam insania. Accedit enim quod est voluntaria.”

Tum sic pergit: „eorum quae vulgo obiiiciuntur temulentiae gravissima sunt ea quae ad loquendi pertinent abusum” dein citat notos illos versus Homeri οἶνος γὰρ τ' ἐφέηκε

αἰῖσαι γελάσαι ὀρχήσασθαι quos redarguat. Nam *redarguendi* eos citari consilio apparet ex hisce:

καὶ τι ἔπος προέηκεν, ὅπερ τ' ἄρρητον ἄμεινον
τοῦτ' ἤδη δεινὸν καὶ ἐπικίνδυνον.

Quid autem inter duos illos Homeri locos interponi et potest et debet? Nihil aliud quam hoc: „quid autem cantus, risus, saltatio mali habent?” Tum enim aptissime additur clausula quam iam citavimus: καὶ τι ἐπικίνδυνον.

Rectissime hoc vinculum habet in Wytttenbachii lectione: καὶ τί τὸ δεινόν¹⁾, ὥδῃ καὶ γέλως καὶ ὀρχησις; οὐδὲν ἄχρι τοῦτων.

καὶ τι ἔπος κτέ.

τοῦτ' ἤδη δεινὸν καὶ ἐπ.

In qua prae ceteris probo interrogandi signum post ὀρχησις et semicolon post τοῦτων. Editor Graecus vero, licet ipsius codices καὶ τί habeant, haec dat:

καίτοι τὸ δεινότατον, ὥδῃ καὶ γέλως καὶ ὀρχησις, οὐδὲν ἄχρι τοῦτων.

καὶ τι ἔπος κτέ.

τοῦτ' ἤδη δεινὸν καὶ ἐπ.

annotatque ad Wytttenbachii lectionem: „nihil opus”. Suam sibi ergo habeat vir doctus, mihi merae eae videntur tenebrae.

504 A Ἀθήνησι δὲ τις ἐστιῶν πρέσβεις βασιλικούς ἐφιλοτιμήθη σπουδάζουσιν αὐτοῖς συναγαγεῖν εἰς ταῦτὰ τοὺς φιλοσόφους.

Haec sic vertit interpres: „Athenis autem quidam convivium regiis legatis praebens, operam dedit ut iis hoc cupientibus philosophos eodem conduceret” parum accurate, nam φιλοτιμεῖσθαι non sic simpliciter „operam dare” significat; qui φιλοτιμεῖται dat quidem operam sed gloriam ex ea re cui operam dat appetit, vel sibi vel (ut hic) patriae suae, et nullus φιλοτιμῆξ locus relinquitur si ipsi legati clamaverunt: „ad nos arcesse philosophos aliquos vestros”. Sed hoc voluit Plutarchus: „cum forte, ut saepe fit inter pocula, de re seria disputare coepissent convivae, hospes ille Atheniensis gloriari cupiens patriae suae sapientia, philosophos quosdam introduxit.”

1) Conferatur Francogallorum illud: „où est le mal?”

504 B Turpiorem esse garrulitatem quam temulentiam sic demonstratur:

ὁ μὲν οὖν μεθύων ληρεῖ παρ' οἶνον, ὁ δ' ἀδόλεσχος πανταχοῦ ληρεῖ, ἐν ἀγορᾷ ἐν θεάτρῳ ἐν περιπάτῳ ἐν μέθῃ μεθ' ἡμέραν νύκτωρ.

Illud ἐν μέθῃ unde habeat non dicit editor Graecus, in Wyttenbachiana ea vocabula non leguntur. Concedo tamen singula hic cola e *δίνῃς* constare debere partibus, sed ἐν μέθῃ non recte cum ἐν περιπάτῳ iungitur. Primum ebrii quoque hoc habent ut nugentur ἐν μέθῃ, et nihil hic est proferendum quod garrulo cum ebrio sit commune, deinde requiritur aliquid quod recte τῷ „ἐν περιπάτῳ” opponatur, quod in verba ἐν μέθῃ non convenit, quae si in aliquo codice leguntur vitio nata suspicor e sequenti μεθ' quod veram lectionem expulerit, sive ea est ἐν σχολῇ sive ἐν βουλῇ sive aliud quid.

ib. Nusquam non omnium mortalium quotquot sunt molestissimus est garrulus:

ἡδὴν γε τοὶ πονηροῖς ὀμιλοῦσιν ἐπιδειξίους ἢ χρηστοῖς ἀδολέσχαις.

Qui illi sint qui ὀμιλεῖν dicantur, et quid omnino sententiola haec sibi hic velit haud facile intelligas. Sed lege ὀμιλεῖν, optime procedent omnia: „iucundius est versari cum hominibus urbanis (qui in loquendo modum tenent) etiamsi malis sunt moribus, quam cum garrulis quamvis probis.”

Aptissime tum haec annectuntur: „apud Sophoclem Nestor Aiacem iratum et asperis utentem verbis sic mitigat:

οὐ μέμφομαι σε· δρῶν γὰρ εὖ κακῶς λέγεις·

sed non ita habemus adversus garrulum: is enim sua importunitate corrumpit omnia.” Ceteri homines vitia sua saepe aliqua tamen virtute compensant, sed garrulus quidquid boni habet vitio suo perdit.

504 D Denuo laudandus Stegmannus qui ex ἀλλ' ὁμῶς [εἰπὼν καὶ] ἀναφωνήσας absurdum sustulerit additamentum.

504 E Ipsum sermonem, quem nobis natura dedit bene nobis consulens, garruli omnium sibi malorum reddunt causam:

οἷς οἶονται χαρίζεσθαι λυποῦντες καὶ ἀφ' ὧν θαυμάζεσθαι καταγελῶμενοι καὶ δι' ὧν φιλεῖσθαι δυσχεραίνόμενοι.

Hic οἷς haud dubie *masculini* est generis, at δι' ὧν neutrius: eis rebus, *propter quas* amari sibi videntur, odium sibi parant. Si ἀφ' ὧν, quod editor ad Symbolas suas provocans defendere videtur, recte haberet, etiam neutrius esset generis. Sed sic neque cum verbo θαυμάζεσθαι neque cum καταγελάσθαι recte iungitur. Lege ergo ὑφ' ὧν. Garruli deridentur ab iis hominibus quibus admirationi se putant esse.

504 F τῶν δ' ἄλλων παθῶν καὶ νοσημάτων τὰ μὲν ἐστὶν ἐπικίνδυνα τὰ δὲ μισητὰ τὰ δὲ καταγέλαστα, τῇ δ' ἀδολεσχίᾳ πάντα συμβέβηκε.

Neque recte sic garrulitas ceteris morbis opponitur, neque omnino in verbis πάντα συμβέβηκε ullus inest sensus. Lege, ut optimam habeas sententiam: πάνθ' ἅμα σ. Cetera vitia suum quodque habent malum, garrulitas omnia simul.

505 C πορευόμενος εἰς θέατρον ἰδὼν τινα τῶν δεδεμένων ἐπὶ θύραις μέλλοντα προσάγεσθαι τῷ Νέρωνι.

Iam in referenda hac narratiuncula me de verborum ἐπὶ θύραις significatione dubitare significavi. Certe non de *theatri* foribus est cogitandum.

505 E Leaena, Harmodii et Aristogitonis amica, τῆς ἐπὶ τοὺς τυράννους συνωμοσίας ἐκοινώνει ταῖς ἐλπίσιν ὡς γυνή.

Vereor ut bene haec intellexerit interpretes. Sic enim vertit: „in partem spei coniuratione in tyrannos conceptae venerat”. Aut sensu cassa haec aut absurda. Sed hoc voluit Plutarchus: particeps erat coniurationis Leaena, sed, ut mulier, tantummodo spe tenus: optima quaeque precabatur coniuratis, ipsa operi manum non erat admotura.

ib. Tum magnifice illa Leaena sic laudatur:

καὶ γὰρ αὐτὴ περὶ τὸν καλὸν ἐκείνον ἐβάκχευσε κρατῆρα τοῦ ἕρωτος, καὶ καταργίαστο διὰ τοῦ θεοῦ τοῖς ἀπορρήτοις.

Vellem amoris hinc abesset mentio, an „Platonicum” illum Plutarchus significat Harmodii et Aristogitonis amorem, qui virtutem spectabat et patriae libertatem?

506 C Pittacus, cum ad eum hostiam misisset rex Aegypti iussissetque

τὸ κάλλιστον καὶ χερίστον ἐξελεῖν κρέας ἐξέπεμψεν ἐξελὼν τὴν γλῶτταν.

Vel aures admonent non ferendum esse triplex istud ἐξ, sed disertius etiam admonet sententia quae simplex ἐπεμψεν flagitat.

507 B Mira est syntaxis in fragmento tragici quod citatur:

μικροῦ γὰρ ἐκ λαμπτήρος Ἰδαῖον λέπας
πρήσειεν ἂν τις· καὶ πρὸς ἄνδρ' εἰπὼν ἔνα
πύθοιντ' ἂν ἄστοι πάντες

quae vix defenditur Xenophonteo isto: καὶ ἡ οἰμωγὴ ἐκ Πειραιῶς διὰ τῶν μακρῶν τείχων εἰς ἄστὺ διῆκεν, ὁ ἕτερος τῷ ἐτέρῳ παραγγέλλων.

507 E In iocosa narratione de senatore uxorem commenticia fallente narratione hanc habes altercationem: οὐκοῦν οὐδεὶς ἀκήκοας; γέγονε γὰρ τι καινόν ἄλλο; κόρυδος ὥπται κτέ. Sic traditum est; paulo melius R. ἀλλά legit et hoc cum sequenti κορ. ὦ. iungit. Totum delere malim, vix enim locus hic emphatico illi ἀλλά, quod tum recte esset positum, si is, quocum sermo fit, aliquod pertinaciae dedisset signum.

507 F absurde senator ille dicitur πειρᾶσαι τὴν γυναῖκα. Egregia emendatione Stegmannus ἐφώρσε pro ἐπείρασε reposuit.

508 C Undique rumusculos corradunt ὥσπερ ὕλην πυλαίαν τινὰ φορυτῶν τῇ Φλυαρίᾳ παρατιθέμενοι.

Verba notata non intelligo et etiam in ultimo haereo; medium enim istud non potest non significare: iuxta se ponentes. Quorsum ergo dativus τῇ Φλυαρίᾳ ille?

508 E In narratione de Seleuco et hospite rustico hic se continere non potuisse dicitur utpote laetus τῇ συντυχίᾳ τῆς χρείας.

Haec sic interpretes vertit „gaudio illius casus”. Párum recte; oportebat: „laetus quod res ita cecidisset ut rex a se peteret opem.”

509 E Sacrilégum loquacitate seque sociosque perdentem et alia rogant et hoc circumstantes:

τις σ' οἶδεν;

Ex „antiquitatibus” Romanis hoc transtulit noster et ad litteram vertit: „quis te cognoscit?” Cf. quod est in Verrinis: „cum eum Syracusis multi cognoscerent”, i. e. cum multos ibi cognitores haberet.

510 A δεῖ πεφράχθαι, καὶ τὸν λογισμὸν ὡς πρόβολου ἐμποδῶν αἰεὶ τῇ γλώττῃ κείμενον ἐπέχειν τὸ βεῦμα καὶ τὸν δλισθον αὐτῆς.

Haec non cohaerent nisi post κείμενον inseris ἔχοντα, quod ante ἐπέχειν facile excidere potuit.

510 E Breviloqui σοφώτεροι δοκοῦσι τῶν ἐξηνίων τούτων καὶ φερομένων.

Pro ultima voce interpres dat „concitati”, et eiusmodi aliquid requiritur. Sed excidisse εἰκῇ post καὶ videtur.

510 F οἱ Κελτίβηρες ἐκ τοῦ σιδήρου τὸ στόμωμα ποιοῦσιν infodiendo terrae.

Iure W. istud ἐκ delevit.

511 C Pater ille qui sagittarum fasciculo utebatur ad docendos filios quae esset concordiae vis

ἐν καθ' ἐν ἔλκων πάντα ῥαδίως διέκλασε.

Lege ἐξέλκων, quemadmodum recte dat interpres suo „extracto”.

512 A „Caveamus praeripere responsum ei quem (magister) interrogavit:

ἴσως μὲν γὰρ οὐδ' ἄλλο τι καλῶς ἔχον ἐστίν, αἰτηθέντος ἑτέρου, παρωσαμένους ἐκεῖνον αὐτοὺς ἐπαγγέλλεσθαι

sed haec in respondendo petulantia quam maxime est contumeliosa.”

Qui factum sit ut editor istud ἄλλο τι in textu retineret, cum tamen nota ei esset Duebneri emendatio ἄλλοθι prorsus me latet. Quid enim certius quam *opponi* hic inter se universum vitii genus et peculiarem quandam eius speciem? Malim tamen

ἄλλως (omnino); an illud ἄλλως καλῶς ingratum reddit sonum?
Dictu difficile.

512 B „Simile istud” (sermo etiam est de praeripiendi responsi importunitate) „est τῷ τὸν ὑφ’ ἐτέρου βουλόμενον φιληθῆναι προσδραμόντα φιλεῖν αὐτόν.”

Pro προσδραμόντα Reiskius coniecit προσδραμόντα. „Praeter necessitatem” ait editor. At cum magno textus emolumento. Tenendum autem est tam in textu tradito quam in emendato αὐτόν esse subiectum.

512 C Etiam si is qui interrogatur prorsus nihil habet quod respondeat

ἐπισχόντα καλῶς ἔχει καὶ πρὸς τὸ βουλόμενον τοῦ ἐρωτῶντος ἀρμοσάμενον ὡς ἐπὶ κλήσιν ἄλλοτρίαν τὴν ἀπόκρισιν αἰδημόνως καὶ κοσμίως ἀπαντᾷ.

Arena sine calce: neque *quid* debeas adaptare ad rogantis voluntatem apparet, et cum *invitatione* ad quam *venias* (ἀπαντᾷ) comparanda est *interrogatio* non responsum: interrogatus aliquis est, pro eo respondet alius; similis hic est ei qui ad cenam venit pro eo qui est invitatus. Apparet, ut opinor, leni transpositione sic esse legendum: πρὸς τὸ βουλόμενον τοῦ ἐρωτῶντος ἀρμοσάμενον τὴν ἀπόκρισιν, ὡς ἐπὶ κλήσιν ἄλλοτρίαν αἰδημόνως καὶ κοσμίως ἀπαντᾷ.

ib. Cautus sit in respondendo qui natura loquax est

ἵνα μὴ λάθῃ τοῖς ἐπὶ γέλωτι καὶ ὕβρει προκαλουμένοις εἰς λόγους αὐτὸν ἀποκρινόμενος μετὰ σπουδῆς.

Immo vero αὐτός. Opponuntur enim inter se ii qui risus captandi causa quaestiones proponunt et is qui imprudens respondet quasi seria res sit. Nam derisor ille non unum aliquem interrogat sed absurdas proponit quaestiones omnibus qui adsunt, sperans fore ut unus eorum imprudens in foveam incidat. Sic plerumque „reges” humiliores convivas ludibrio habere solebant. Conferatur libri Lehrsiani caput: „de grammaticis qui ἐνστατικοί et λυτικοί dicuntur” et addantur huic ea quae Suetonius narrat de Tiberio grammaticos deridente.

513 C ὑφεῖναι τὸ μέγεθος τῆς Φωνῆς.

Sinceram verbi structuram restituit Reiskius legendo τοῦ μεγέθους.

513 F Insanus amator apud comicum sic lucernam alloquitur:

Βακχίς θεόν σ' ἐνόμισεν, εὐδαιμον λύχνε·

καὶ τῶν θεῶν μέγιστος εἰ ταύτη δοκεῖς.

Corrupta haec, sed quocunque modo sunt emendanda, hoc constat non latere vitium in ultimis εἰ ταύτη δοκεῖς, quorum quod est omnium sincerissimum vocabulum εἰ editor in ἐν mutat, opinor ut obtineat quod prorsus sensu cassum sit. Naberus pro καὶ τῶν reponi vult κάμοι. Sed aegre equidem nunc fero verbi absentiam.

514 C Garrulus si incidit sermo ex quo discere aliquid potest eum repellit, μισθὸν οὕτω δεῦναι βραχὺν τῷ σιωπῆσαι μὴ δύναμενος.

Pro τῷ Emperius coniecit τό, rectissime ut equidem opinor: silentium enim est pretium quo emitur doctrinae incrementum. Sed quorsum istud οὕτω additur? Lubenter eo caream.

514 D Utilissimum garrulo est solum domi studere scribendo recitandoque: sic eum

ἴσως ἂν ἡ πρὸς τὸ γράφειν σκιαμαχία καὶ ἡ βοή τοῦ πλήθους ἀπερύκουσα καθ' ἡμέραν ἐλαφρότερον παρασκευάσειε τοῖς συνοῦσι.

Cetera facetissima: „cum charta sua et calamis bellum gerens in publicum non procedit et sic in dies lenior fit”. Sed quid sibi istud ἡ βοή velit non video. Si saltem abesset articulus, fingere possem adolescentulum, qui magno clamore „culpat calamos”. Nunc aut abstinendum censeo aut totum istud καὶ ἡ βοή delendum. Sed unde intulit pedem?

VARIA.

SCRIPSIT

G. VOLLGRAFF.



AD PAUSANIAM.

I, 27, 5: ἐπὶ δὲ τοῦ βάθρου καὶ ἀνδριάντες εἰσὶ Θεαίνετος, δὲ ἐμαντεύετο Τολμίδη, καὶ αὐτὸς Τολμίδης. Post βάθρου lacunam indicabat Iahnus, Hitzigius non bene coniecit: ἐπὶ δὲ τοῦ (αὐτοῦ) βάθρου. Manifeste legendum est: ἐπὶ δὲ τοῦ βάθρου. Cf. I, 26, 5: ἔκ τοῦ μαντεύματος. Eodem modo V, 26, 1: Μεσσηνίων δὲ τῶν Δωριέων οἱ Ναύπακτόν ποτε παρὰ Ἀθηναίων λαβόντες ἄγαλμα ἐν Ὀλυμπίᾳ Νίκης ἐπὶ τῷ κίονι ἀνέθεσαν legendum est: ἐπὶ τῷ κίονι. Cf. Arist. Vesp. 135, ubi cum Herwerdeno et Willemsio scribendum est: ὥσπερ λεπὰς προσισχόμενός τῷ κίονι.

VIII, 42, 11: καὶ ἔθυσα τῇ θεῷ, καθὰ καὶ οἱ ἐπιχώριοι νομίζουσιν, οὐδὲν, τὰ δὲ ἀπὸ τῶν δένδρων τῶν ἡμέρων τὰ τε ἄλλα καὶ ἀμπέλου καρπὸν καὶ μελισσῶν τε κηρία καὶ ἐρίων τὰ μὴ ἐς ἐργασίαν πωήκοντα ...

Teste Hitzigio Breyerus legi iussit: οὐδὲν (ἔμφυχον). Recte quod ad sensum. Sed fortasse praestat legere: (ἄλλο μὲν) οὐδὲν.

AD PHAEDR. APPEND. FAB. XI.

Vs. 6—9:

quod, inquit, ergo, stulte, meruisti decus,
minus valentem si vicisti fortior?
ferendus esses, forte si te diceres
superasse, melior qui fuisset viribus.

Pro forte Halbertsma Mnem. N. S. VI (1878), p. 107 coniecit arte, quod Havetius (1895) et Speyerus (1897) in editionibus suis in ordinem receperunt. Emendationem firmat Simon. frg. 188:

Ἰσθμια, δις Νεμέα, δις Ὀλυμπίᾳ ἑστεφανώθην
οὐ πλάττει νικῶν σώματος, ἀλλὰ τέχνης.

Ἀριστόδαμος Θράσιδος Ἀλεῖος πάλα,

et Anthol. Plan. I, 1, vs. 3 sq., ubi luctatoris Spartani haec sunt verba:

κεῖνοι τεχνάεντες· ἐγὼ γε μὲν, ὥς ἐπέοικε
τοῖς Λακεδαιμονίων παισὶ, βίᾳ κρατέω.

MNEMOSYNE.

BIBLIOTHECA PHILOLOGICA BATAVA.

COLLEGERUNT

P. H. DAMSTÉ, J. J. HARTMAN, C. W. VOLLGRAFF.

OPERAM SUAM POLLICITI SUNT

A. E. J. HOLWERDA, H. T. KARSTEN, J. C. NABER,
M. C. VALETON, J. WOLTJER.

NOVA SERIES.

VOLUMEN QUADRAGESIMUM SECUNDUM. PARS IV.

LUGDUNI-BATAVORUM

E. J. BRILL.

LIPSIAE,
O. HARRASSOWITZ.
1914.

INDEX

	Pag.
Observatiunculae de iure Romano (<i>contin. ex pag. 192</i>), scripsit	
J. C. NABER S. A. FIL.	355—368.
Ad Taciti Hist. IV, 24, scripsit J. J. H.	368—339.
De voce „fatum” sensu minus usitato adhibita, scripsit P. J.	
ENK.	370—379.
Bobiensia, scripsit C. BRAKMAN J. F.. . . .	380—384.
Ad Val. Maxim. VII 2 Ext. (Kempf. pag. 329, 17), scripsit	
C. B. J. F..	384.
Ciceroniana, scripsit C. BRAKMAN J. F.. . . .	385—388.
Ad Tac. Hist. IV 65, scripsit J. J. H.	388.
Ad Senecae Dialogum decimum, scripsit C. BRAKMAN J. F. .	389—391.
De Senecae Agamemnone, scripsit C. BRAKMAN J. F.. . . .	392—398.
Iuvenal. Sat. 1, 85, scripsit P. H. DAMSTÉ.	399—400.
Varia (<i>contin. ex Vol. XLI pag. 394</i>), scripsit ALPHONSUS	
KURFESS	401—404.
Ad Virgilii Buc. VI 34, scripsit J. J. H.	404.
Ad Callimachi hymnum in Cererem, scripsit GUILIELMUS VOLL-	
GRAFF	405—419.
Ad Taciti H. I, 40, scripsit J. J. H.. . . .	419.
Pulmo Marinus, scripsit P. H. DAMSTÉ.	420—423.
Ad Plutarchi moralia annotationes criticae (<i>contin. e pag. 289</i>),	
scripsit J. J. HARTMAN	424—443.
Varia, scripsit G. VOLLGRAFF	444.

**BIBLIOTHECA PHILOLOGICA BATAVA quater in anno prodibit Calendis
Ianuariis, Aprilibus, Iuliis, Octobribus.**

Pretium annuum erit floren. 5.25.

Singuli fasciculi separatim non venibunt.

Sumptibus E. J. BRILL prodierunt:

- C. G. Cobet**, *Variae lectiones, quibus continentur observationes criticae in scriptores Graecos*. Editio secunda auctior. 1873. 8°. f 7.—
- *Miscellanea Critica, quibus continentur observationes criticae in scriptores Graecos praesertim Homerum et Demosthenem*. 1876. - 7.—
- *Collectanea critica, quibus continentur observationes criticae in scriptores Graecos*. 1877. 8°. - 7.—
- *Hyperidis Orationes duae 'Ο ΕΠΙΤΑΦΙΟΣ ΛΟΓΟΣ et 'ῬΠΕΡ ΕΥΧΕΝΗΠΠΟΥ*. Editio altera auctior et emendatior. 8°. 1877. - 1.50.
- *Observationes criticae et palaeographicae ad Dionysii Halicarnassensis antiquitates Romanas*. 1877. 8°. - 3.50.
- *De Philostrati libello ΠΕΡΙ ΓΥΜΝΑΣΤΙΚΗΣ*. 1859. 8°. . . - 1.25.
- *Cornelii Nepotis vitae excellentium imperatorum. In usum scholarum*. Editio tertia, quam curavit H. W. van der Mey. 1893. 8°. - 0.60.
- *Xenophontis Expeditio Cyri. In usum scholarum*. Editio sexta, quam curavit S. J. Warren. 1898. 8°. - 1.20.
- *Xenophontis Historia Graeca. In usum scholarum*. Editio quinta, quam curavit L. Punt. 1907. 8°. - 1.20.
- J. J. Cornelissen**, *Oratio inauguralis*. 1879. 8°. - 0.45.
- *Coniectanea Latina*. 8°. - 0.60.
- *Cornelii Taciti de vita et moribus Iulii Agricolae*. 1881. 8°. - 0.75.
- *Opus idem. In usum scholarum*. 1881. kl. 8°. . . . - 0.30.
- *Minucii Felicis Octavius*. 1882. kl. 8°. - 0.90.
- J. J. Hartman**, *De Ovidio Poeta commentatio*. 1905. 8°. . - 1.75.
- *Analecta Tacitea*. 1905. 8°. - 4.20.
- H. van Herwerden**, *Lectiones Rheno-Traiectinae* - 1.50.
- H. T. Karsten**, *De Commenti Donatiani ad Terenti fabulas origine et compositione*. 8°. - 2.20.
- Lysiae Orationes**. In usum studiosae iuventutis textum constituit C. G. Cobet. Editio quarta, quam novis curis recensuit J. J. Hartman. (Editio maior prolegomenis, fragmentis, indice nominum aucta). 1905. 8°. - 2.40.
- *Editio minor*. - 1.20.
- E. Mehler**, *Luciani dialogi quatuor (Timon, Philopseudes, Verae historiae, Gallus). In usum scholarum* - 1.90.
- Mnemosyne**. — *Bibliotheca philologica Batava*. Edid. C. G. Cobet, T. J. Halbertsma, H. G. Hamaker, E. J. Kiehl, etc. 1852—62. 11 vol. et Appendix ad vol. 2—7. 8°. (f 56.50) - 30.—
- *Nova series, Vol. I—XIV colleg. C. G. Cobet, H. W. van der Mey, Vol. XV—XLII colleg. S. A. Naber, J. van Leeuwen J. f., I. M. J. Valetton, J. J. Hartman, 1873—1914. 8°. pro vol.* - 5.25.

Ex officina typographica et bibliopolio quae antehac E. J. Brillii fuerunt.

Digitized by Google

5323

THE UNIVERSITY OF MICHIGAN

DATE DUE

~~DEC 28 2000~~

OCT 27 2000

UNIVERSITY OF MICHIGAN

APR 24 1978



3 9015 02049 0606

VARIA.

SCRIPSIT

G. VOLLGRAFF.

AD PAUSANIAM.

I, 27, 5: ἐπὶ δὲ τοῦ βάθρου καὶ ἀνδριάντες εἰσὶ Θεαίνετος, ὃς ἐμαντεύετο Τολμίδη, καὶ αὐτὸς Τολμίδης. Post βάθρου lacunam indicabat Iahnus, Hitzigius non bene conicit: ἐπὶ δὲ τοῦ (αὐτοῦ) βάθρου. Manifeste legendum est: ἐπὶ δὲ τοῦ βάθρου. Cf. I, 26, 5: ἐκ τοῦ μαντεύματος. Eodem modo V, 26, 1: Μεσσηνίων δὲ τῶν Δωριέων οἱ Ναύπακτόν ποτε παρὰ Ἀθηναίων λαβόντες ἄγαλμα ἐν Ὀλυμπίᾳ Νίκης ἐπὶ τῷ κίονι ἀνέθεσαν legendum est: ἐπὶ τῷ κίονι. Cf. Arist. Vesp. 135, ubi cum Herwerdeno et Willemsio scribendum est: ὥσπερ λεπὰς προσισχόμενός τῷ κίονι.

VIII, 42, 11: καὶ ἔθυσα τῇ θεῷ, καθὰ καὶ οἱ ἐπιχώριοι νομίζουσιν, οὐδ' ἐν, τὰ δὲ ἀπὸ τῶν δένδρων τῶν ἡμέρων τὰ τε ἄλλα καὶ ἀμπέλου καρπὸν καὶ μελισσῶν τε κηρία καὶ ἐρίων τὰ μὴ ἐς ἐργασίαν πωήκοντα ...

Teste Hitzigio Breyerus legi iussit: οὐδὲν (ἐμψυχον). Recte quod ad sensum. Sed fortasse praestat legere: (ἄλλο μὲν) οὐδὲν.

AD PHAEDR. APPEND. FAB. XI.

Vs. 6—9:

quod, inquit, ergo, stulte, meruisti decus,
minus valentem si vicisti fortior?
ferendus esses, forte si te diceres
superasse, melior qui fuisset viribus.

Pro forte Halbertsma Mnem. N.S. VI (1878), p. 107 coniecit arte, quod Havetius (1895) et Speyerus (1897) in editionibus suis in ordinem receperunt. Emendationem firmat Simon. frg. 188:

Ἰσθμία, δις Νεμέα, δις Ὀλυμπίᾳ ἐστεφανώθην
οὐ πλάττει νικῶν σώματος, ἀλλὰ τέχνη.

Ἀριστόδαμος Θράσιδος Ἀλεῖος πάλα,

et Anthol. Plan. I, 1, vs. 3 sq., ubi luctatoris Spartani haec sunt verba:

κεῖνοι τεχνάεντες· ἐγὼ γε μὲν, ὥς ἐπέοικε
τοῖς Λακεδαιμονίων παισὶ, βίᾳ κρατέω.

05 11
NOV 22 1914

MNEMOSYNE.

BIBLIOTHECA PHILOLOGICA BATAVA.

COLLEGERUNT

P. H. DAMSTÉ, J. J. HARTMAN, C. W. VOLLGRAFF.

OPERAM SUAM POLLICITI SUNT

A. E. J. HOLWERDA, H. T. KARSTEN, J. C. NABER,
M. C. VALETON, J. WOLTJER.

~~~~~  
NOVA SERIES.

VOLUMEN QUADRAGESIMUM SECUNDUM. PARS IV.  
~~~~~

LUGDUNI-BATAVORUM

E. J. BRILL.

~~~~~  
LIPSIAE,  
O. HARRASSOWITZ.  
1914.



# INDEX

|                                                                           | Pag.     |
|---------------------------------------------------------------------------|----------|
| Observatiunculæ de iure Romano ( <i>contin. ex pag. 192</i> ), scripsit   |          |
| J. C. NABER S. A. FIL. . . . .                                            | 355—368. |
| Ad Taciti Hist. IV, 24, scripsit J. J. H. . . . .                         | 368—369. |
| De voce "fatum" sensu minus usitato adhibita, scripsit P. J.              |          |
| ENK. . . . .                                                              | 370—379. |
| Bobiensia, scripsit C. BRAKMAN J. F.. . . .                               | 380—384. |
| Ad Val. Maxim. VII 2 Ext. (Kempf. pag. 329, 17), scripsit                 |          |
| C. B. J. F.. . . .                                                        | 384.     |
| Ciceroniana, scripsit C. BRAKMAN J. F.. . . .                             | 385—388. |
| Ad Tac. Hist. IV 65, scripsit J. J. H. . . . .                            | 388.     |
| Ad Senecæ Dialogum decimum, scripsit C. BRAKMAN J. F. . .                 | 389—391. |
| De Senecæ Agamemnone, scripsit C. BRAKMAN J. F.. . . .                    | 392—398. |
| Iuvenal. Sat. 1, 85, scripsit P. H. DAMSTÉ. . . . .                       | 399—400. |
| Varia ( <i>contin. ex Vol. XLI pag. 394</i> ), scripsit ALPHONSUS         |          |
| KURFESS . . . . .                                                         | 401—404. |
| Ad Virgilii Buc. VI 34, scripsit J. J. H. . . . .                         | 404.     |
| Ad Callimachi hymnum in Cererem, scripsit GUILIELMUS VOLL-                |          |
| GRAFF . . . . .                                                           | 405—419. |
| Ad Taciti H. I, 40, scripsit J. J. H.. . . .                              | 419.     |
| Pulmo Marinus, scripsit P. H. DAMSTÉ. . . . .                             | 420—423. |
| Ad Plutarchi moralia annotationes criticae ( <i>contin. e pag. 289</i> ), |          |
| scripsit J. J. HARTMAN . . . . .                                          | 424—443. |
| Varia, scripsit G. VOLLGRAFF . . . . .                                    | 444.     |

BIBLIOTHECA PHILOLOGICA BATAVA quater in anno prodibit Calendis  
Ianuariis, Aprilibus, Iuliis, Octobribus.

Pretium annuum erit floren. 5.25.

Singuli fasciculi separatim non venibunt.

## Sumptibus E. J. BRILL prodierunt:

- C. G. Cobet**, *Variae lectiones, quibus continentur observationes criticae in scriptores Graecos*. Editio secunda auctior. 1873. 8°. f 7.—
- *Miscellanea Critica, quibus continentur observationes criticae in scriptores Graecos praesertim Homerum et Demosthenem*. 1876. - 7.—
- *Collectanea critica, quibus continentur observationes criticae in scriptores Graecos*. 1877. 8°. . . . . - 7.—
- *Hyperidis Orationes duae 'Ο ΕΠΙΤΑΦΙΟΣ ΛΟΓΟΣ et 'ΤΠΕΡ ΕΥΧΕΝΗΠΠΟΥ*. Editio altera auctior et emendatior. 8°. 1877. - 1.50.
- *Observationes criticae et palaeographicae ad Dionysii Halicarnassensis antiquitates Romanas*. 1877. 8°. . . . . - 3.50.
- *De Philostrati libello ΠΕΡΙ ΓΥΜΝΑΣΤΙΚΗΣ*. 1859. 8°. . . . . - 1.25.
- *Cornelii Nepotis vitae excellentium imperatorum*. In usum scholarum. Editio tertia, quam curavit H. W. van der Mey. 1893. 8°. - 0.60.
- *Xenophontis Expeditio Cyri*. In usum scholarum. Editio sexta, quam curavit S. J. Warren. 1898. 8°. . . . . - 1.20.
- *Xenophontis Historia Graeca*. In usum scholarum. Editio quinta, quam curavit L. Punt. 1907. 8°. . . . . - 1.20.
- J. J. Cornelissen**, *Oratio inauguralis*. 1879. 8°. . . . . - 0.45.
- *Coniectanea Latina*. 8°. . . . . - 0.60.
- *Cornelii Taciti de vita et moribus Iulii Agricolae*. 1881. 8°. - 0.75.
- *Opus idem*. In usum scholarum. 1881. kl. 8°. . . . . - 0.30.
- *Minucii Felicis Octavius*. 1882. kl. 8°. . . . . - 0.90.
- J. J. Hartman**, *De Ovidio Poeta commentatio*. 1905. 8°. . . . . - 1.75.
- *Analecta Tacitea*. 1905. 8°. . . . . - 4.20.
- H. van Herwerden**, *Lectiones Rheno-Traiectinae* . . . . . - 1.50.
- H. T. Karsten**, *De Commenti Donatiani ad Terenti fabulas origine et compositione*. 8°. . . . . - 2.20.
- Lysiae Orationes**. In usum studiosae iuventutis textum constituit C. G. Cobet. Editio quarta, quam novis curis recensuit J. J. Hartman. (Editio maior prolegomenis, fragmentis, indice nominum aucta). 1905. 8°. . . . . - 2.40.
- *Editio minor*. . . . . - 1.20.
- E. Mehler**, *Luciani dialogi quatuor (Timon, Philopseudes, Verae historiae, Gallus)*. In usum scholarum . . . . . - 1.90.
- Mnemosyne**. — *Bibliotheca philologica Batava*. Edid. C. G. Cobet, T. J. Halbertsma, H. G. Hamaker, E. J. Kiehl, etc. 1852—62. 11 vol. et Appendix ad vol. 2—7. 8°. (f 56.50) . . . . . - 30.—
- *Nova series, Vol. I—XIV colleg. C. G. Cobet, H. W. van der Mey, Vol. XV—XLII colleg. S. A. Naber, J. van Leeuwen J. f., I. M. J. Valetton, J. J. Hartman, 1873—1914. 8°. pro vol. - 5.25.*

Ex officina typographica et bibliopolio quae antehac E. J. Brillii fuerunt.







JOHN F. LIBRARY

JUL 24 1975



